



ITE







VERITATES PRACTICÆ,

EX VITA DOMINI IESV, SANCTO-
RVMQVE GESTIS IN SINGVLOS ANNI DIES.

LEGENDÆ, CONSIDERANDÆ,
PRÆDICANDÆ.

OPVS QVADRIPERTITVM.

PARS PRIMA, PARS HYEMALIS.

A Dominica j. Aduentus, ad Septuagesimam.

*Authore P. JULIANO HAYNEVEVE,
Societatis IESV Sacerdote.*



ROTHOMAGI,

Sumptibus RICHARDI LALLEMANT, Illustrissimi Ar-
chiepiscopi & Collegij Societatis IESV Typographi.

M. DC. LII.

CVM PRIVILEGIO REGIS, ET APPROBATIONE DOCTORVM.

Cyreniarii Samaritanensi' Montis Regalis ad Varsouiam.

VERITATES

PRACITICAE

EX VITA DOMINICAE, SANCTO

FRANCISCO, ET ALIIS

CONSIDERANDA

PRACITICANDA

IN VITA DOMINICAE

FRANCISCO, ET ALIIS

CONSIDERANDA

PRACITICANDA

K. VI. 3.

ROTHOMAGI

IN VITA DOMINICAE, SANCTO

FRANCISCO, ET ALIIS

CONSIDERANDA

PRACITICANDA

IN VITA DOMINICAE

FRANCISCO, ET ALIIS



INCREATÆ

ET

INCARNATÆ

VERITATI.

IBI, ô Increata & Incarnata Veritas; Tibi hoc debetur opus; Tibi referri debent hæ Veritates practicæ. Cui enim iustiùs quàm illi, à quo sunt singulæ veritates creatæ: in quo conquiescunt omnes: & ad quem tendunt vniuersæ? Atenim cùm sis Vnigenitus Dei Filius, Homo factus, Tu ille es, à quo velut à fonte manant; in quo velut in centro sistunt; & ad

quem velut ad suum finem conspirant. Tibi
ergo has deberi Tibique referendas omnes,
vna est omnium certissima veritas. Et illæ
quidem sicut à Te sunt, vt cognoscantur;
ita sint, oro, vt amentur. Sicut in Te sunt
æternus splendor & ardor, ita in nobis sem-
per resplendeant & ardeant. Sicut ad Te di-
riguntur affectu, ita & effectū perueniant.



PRÆFATIO.



QUOD dixit Psalter Regius: *Diminuta sunt Veritates à filiis hominum*, duplicem habet sensum qui in vnum & eundem recidens, Veritatem proponit valde considerandam. Primus est, quod cum fidei Veritates partim sint speculatiuæ, partimque Practicæ, sic diminuuntur ab hominibus vt qua parte sunt speculatiuæ, teneantur; non quæ sunt Practicæ.

Secundus est, *Diminuta sunt Veritates seu fidelitates*, Id est, fideles imminuti sunt, iam pauci sunt qui credant fide diuina, & quibus credatur fide humana. Ex quo duplici sensu, hic vnus eruitur, quod defectu fidei deficiat Sanctitas quæ est necessaria ad Salutem, Vnde & salus omnium damnose periclitatur; quamobrem & ipse Dauid sibi timens: *Saluum me fac*, inquit, *Domine, quoniam defecit sanctus*, quoniam *diminuta sunt Veritates à filiis hominum*: quasi diceret, perij simul cum aliis, nisi me singulari serues gratia: quia hoc inter homines tam frequens & commune malum est, diminuere Veritates, & quam quisque velit partem, admittere; vt vix vllus vniuersas admittat, vix vllus integrè credat, neque recogitet in quo versetur salutis periculo.

Quod confirmat ex his quæ addit: *Vana loquuti sunt vnusquisque ad proximum suum, labia dolosa in corde, & corde loquuti sunt*: id est, sic se mutuis inter se colloquiis omnes prouocant ad diminuendas Veritates, vt malignè quidem & dolose loquantur loquentes contra Veritatem: quia tamen sic omnes loquuntur, nullus aduertit ad dolos, & sic miserè pereunt.

Sic & alius Propheta grauitè: *Corruit in platea Veritas, & facta est Veritas in obliuionem, & qui recessit à malo, præda patuit: & vidit Dominus, & malum apparuit in oculis eius, quia non est iudicium, & vidit quia non est vir, & aporiatu est, quia non est qui occurrat*. Tale, inquit, malum est, vt prope mirum & stupendum videatur Deo, quod cum omnes attingat homines, nullus tamen aduertat ad illud auertendum.

Hoc ipsum est quod Apostolus de Antiquis illis qui cum cognouissent Deum, non sicut Deum glorificauerunt, **VERITATEM** Dei,

P R Æ F A T I O.

ait, *in iniustitia detinent* : non tollunt omnem Veritatem; credunt esse Deum, Deum esse immortalem & alia quædam speculatiua: sed quæ sunt Practica, vt colere Deum vera pietate & sanctitate vitæ quam commendat, non credunt, non profitentur, non id agunt: atque in hoc manifestam Veritati faciunt iniuriam, quia sicut monstrabat Veritas esse Deum, ita & demonstrabat esse colendum: sed quia illis facilius videbatur credere Deum quam colere, idcirco dimidiatam quandam Veritatis partem retinentes, reliquam velut captiuam, otiosam & inutilem detinuerunt.

Sic plane modò Christiani; sic Veritates diminuunt, sic eas in iniustitia detinent; Facile quidem credent Christum esse natum in præsepi, atque in cruce mortuum, cæterosque fidei & Veritatis speculatiuæ articulos, quia in his credendis nulla, aut vix iam vlla naturalis Concupiscentiæ repugnantia: sed an credunt sic propterea natum & mortuum vt nos exemplo suo instrueret quod verbo docuit, fugiendos honores potius quàm quærendos; amandam potius paupertatem quam diuitias, & vitæ asperitatem quam delicias? an sic ex fide credunt sibi æque necessariam esse humilitatem & diuitiarum contemptum, sicut Christum fuisse humilem, pauperem, & despectum? Certe id patet euidentissimo quàm in hac Practica Veritatum parte deficient; Tam pauci sunt qui hæc reuera credant quàm multi sunt quos pridem deflet Apostolus, *qui ambulant inimici crucis Christi, quorum finis interitus, quorum Deus venter est, & gloria in confusione ipsorum qui terrena sapiunt.* Quibus & ipse Dominus exprobrat: *Quid vocatis me, Domine, Domine: & non facitis qua dico?*

Quamobrem vt hæc tanta perniciēs posset quoquo modo cohiberi, & cum diuina caueri gratia, sic persuasum multis fuit, fors opportunum si Veritates illæ Practicæ fierent notiores, & ad caput, vsumque familiarem paratiores. Non defuerunt certe ex omni Eorum ordine qui alienæ vacant salutis quin dicendo scribendoue hoc studium tam salubre susciperent; & à nobis in hunc finem iam tentatum aliquid fuit in illis vernaculis meditationibus quæ de Christi vitæ sanctorumque gestis prodierunt: sed cum fusiores essent & laxiores quàm vt his solis Veritatibus declarandis astringerentur, sic visum est, commode contrahi & renouari posse opus, dum hæc duntaxat Veritates Practicæ proponeren-

Phil. 3.

Luc. 6.

P R Æ F A T I O.

tur Legendæ breuius, Considerandæ facilius, & Prædicandæ uti-
lius.

Quia vero, vana illa quæ loquitur unusquisque ad proximum suum, loquendoque diminuit diuinas Veritates vt dictum est, modo quodam tam suaui & humano pertractantur vt ipsa loqui videatur Ratio, totque censeantur in mundo leges & edicta, quot sunt mundanorū dicta pro diuitiis contra Paupertatē, pro deliciis contra Temperantiam, pro gloria & honore contra Humilitatem, pro carne denique & mundo contra Spiritum & Euangelium: Idcirco etiam aduersus illos adumbratos mundi discursus & effictas rationes vera & euidens Ratio fuit apponenda vt quod ait Apostolus, *omne os obstruatur, & subditus fiat omnis mundus* Rom. 3i Deo.

At quænam est vera & euidens Ratio nisi quæ R A T I O C I-
N A T I O dicitur quæ duo significat ad nostrum propositum, id est, ad declarandas Veritates Præcticas valde idonea. Primum est, cum ex duobus rite pronuntiatis certa & manifesta infertur Conclusio. Alterum est cum vt ait sanctus Augustinus, *diligens & con-* L. de Im-
siderata faciendi aut non faciendi aliquid, excogitatio adhibetur. At- *mori ani-*
qui hoc ipsum est quod hîc agimus, hoc vnum quod intendimus *ma.*
& spectamus vt quid sit ex lege diuina faciendum aut non facien-
dum diligenter excogitemus & considerate perpendamus. Pro-
pterea namque præctica seu factiua Veritates dicuntur quia totæ
in praxi & factis consistunt; Vt verè autem Veritates esse con-
stent & sua luceant omnibus luce, quid aptius & quid accommoda-
tius quàm vt forma illa obseruetur quæ ex duabus rite & legiti-
me præmissis propositionibus, illa infertur quæ Conclusio dicitur
quod veritatem in se concludat & notam faciat? Sic enim di-
uina iuuante Gratia, Intellectus conuincitur, voluntas attrahitur,
appetitus cedit, & praxis seu actio sequitur, quæ est ipsa Præctica
Veritas sic per Ratiocinationem cognita, vt simul sit persuasa, si-
mul admissa, simul in actum deducenda quo se primum obtulerit
agendi loco & tempore.

Sic dilectus Apostolus: *filioli mei non diligamus Verbo, neque lin-* 1. Ioan. 3
gua, sed opere & Veritate: in hoc cognoscimus quoniam ex Veritate
sumus: ET IN CONSPECTU EIUS SVADEBIMVS CORDA
NOSTRA. Quasi diceret, sicut in hoc cognoscimus quod in Ve-
ritate sumus quando reuera operamur & agimus quod agendum

PRÆFATIO.

est: ita etiam ut hanc veritatem cognoscamus & faciamus, suadenda sunt corda nostra, coram Domino, id est, verus & sincerus persuadendi modus est adhibendus, quo fit ut non modo veritas à falsitate cognoscatur, & virtus à vitio: sed in illa etiam cognitione, magna persuasi cordis tranquillitas & quies persentiat. *Propterea*, inquit S. Ioannes Chrysostomus, *ale sunt auiculis ut effugiant laqueos: propterea Ratiocinationes hominibus, ut peccata fugiāt.*

Quod autem sanctus Paulus affirmat, *se Euangelizare non in sapientia verbi, ut non euacuetur crux Christi: & sermonem suum fuisse non in persuasibilibus humana sapientia verbis, sed in ostensione spiritus & virtutis, ut fides nostra non sit in sapientia hominum, sed in virtute Dei;* Ac rursus, *in captiuitatem velit redigi omnem intellectum, in obsequium Christi;* moneatque Colossenses, *ut videant ne à quaquam decipiantur per Philosophiam & inanem fallaciam.* Quod item sancti Patres his asine dicunt, negantes locum esse argumentis ubi fides exigitur: nec ibi esse meritum ubi humana ratio præbet experimentum: Sic intelligenda sunt hæc omnia, quando vel contra fidem ratio fingeretur; vel quando plus rationi quam fidei, plus naturæ quam gratiæ tribueretur: vel quando denique sophistice ageretur id est captiose, malignè, dolosè quo qui loquitur modo, meritò à Sapiente odibilis dicitur. *Sed absit à nobis hoc scelus ut recedamus à Domino & eius vestigia relinquamus.* Semel sit dictum, nos ratiocinatione sic uti ut fidei & Gratia, humana ratio seruiat & subiiciatur: non ut rationi fides subdatur aut Gratia. Sicut naturalis inclinatio deseruit Charitati, & aliis donis supernaturalibus, ut expresse docet sanctus Thomas: Neque enim gratia naturam destruit sed perficit: sic autem eam perficit, dum in usum & obsequium suum ita illam impendit ut quidquid est intellectus & voluntatis, totum eò refundatur ut fides & gratia magis colantur & valeant.

Sic ipse Apostolus Episcopum, aut alium verbi diuini ministrum, vult esse *amplectentem cum qui secundum doctrinam est, fidelem sermonem, ut potens sit exhortari in doctrina sana, & eos qui contradiunt arguere.* Quid est autem arguere & potenter exhortari, nisi vel convincere falsitatis, & mendacij errantes à veritate; vel conuictos ad veritatem praxim inducere? Quo verò id potentiori modo fiet nisi quo euidentius & certius veritas patet, & quidquid ei opponitur, falsum, absurdum, & nullum esse conuincitur?

Nonne

P R Æ F A T I O.

Nonne sic Idem Apostolus sæpissimè ab vno concessio vel euidenti ad aliud non concessum & euidens argumentatur? vt cum primæ Corinthiorum decimo quinto, probat futuram omnium resurrectionem ex eo quod Christus resurrexerit: atque ibidem vt nobis persuaadat portandam imaginem celestis hominis, sicut portauimus imaginem terreni; Nonne sic aperte discurret & ratiocinatur: Idcirco portauimus imaginem terreni, quia qualis terrenus, tales & terreni: Sed qualis cœlestis, tales etiam esse debent cœlestes. *Igitur sicut portauimus imaginem terreni, portemus & imaginem cœlestes.* Sic Romanorum decimo tertio, vt persuaadat accipienda esse opera tenebrarum, nonne sic euidenter discurret: Die appropinquante abiiciamus oportet opera tenebrarum: At qui dies appropinquauit: *Abiiciamus ergo opera tenebrarum.* Sic Idem passim in aliis epistolis de quauis pene materia, vt sanctus Augustinus declarat in libris de doctrina Christiana, vbi expressè est hanc differendi artem, quam vocat *disputationis disciplinam*, ad omnia genera questionum quæ in literis sanctis sunt penetranda & dissoluenda, plurimum valere; ac propterea vt quæ sunt dubia, certificent, sic ratiocinandum esse, sic conuincendum errorem, sic stabilendam veritatem. Verba eius producentur commodius suo infra loco.

L. 2. c. 32.
L. 4. c. 4.
20, 25.

Quod & Christo Domino fuit admodum familiare, non tantum quando cum Iudæis de sua missione, de suis miraculis ac doctrina disceptabat, vt videre est præsertim apud Ioannem à quinto capite vsque ad decimum tertium: sed cum suis etiam agendo discipulis vt patet Mathæi decimo septimo vbi concludens ex præmissis, se immunem esse à tributo persoluendo, *Ergo*, inquit Petro, *liberi sunt filij.* Et Marci decimo tertio dum suos ad vigilantiam vehementius exhortatur, nonne hic est apertus eius discursus: Serui qui nesciunt aduentum Domini sui debent vigilare. Sed vos nescitis quando Dominus vester venturus sit. *Vigilate ergo: Quod autem vobis dico, omnibus dico, vigilate.* Sic expressa sæpe Dominus rationali particula, sæpe autem suppressa sed inuoluta & complicata, de cunctis differebat. Quod illi tam frequens fuit vt ipsæ Euangelicæ Beatitudines in quibus summa Christianæ simplicitatis consistit, non alio proponantur modo, aut certe non aliter intelligantur esse Beatitudines quàm isto ratiocinandi modo.

Creduntur quidem ita esse quia Christus dixit, sed cum ipse

PRÆFATIO.

Dominus rationem adjunxerit qua volebat nos scire & intelligere quod dicebat: Ratio illa qua utitur mera est ratiocinatio, aut nulla est ratio seu nulla est alioquin rationis intelligentia. *Beati, inquit, pauperes spiritu, quoniam ipsorum est regnum Cælorum. Beati mites, quoniam ipsi possidebunt terram*, & sic de aliis. At quomodo valere poterit ista quæ affert Ratio, aut quomodo propterea intelligam Beatos illos esse quos dicit, nisi mihi permittat sic ratiocinari, Beati sunt illi quorum est regnum cælorum: vel qui possident terram. Sed regnum cælorum est pauperum: sed mites possidebunt terram. Ergo illi Beati. Ex quibus manifeste vides quantum hoc differendi genus obsecundet Euangelio & gratiæ, cum sic magis Evangelicæ veritates elucescant & valeant.

Quod imprimis necessarium est persuadendis Veritatibus illis Practicis quæ à mundo expugnantur, & in quibus exercendis maior est naturæ corruptæ repugnantia. Tunc enim opus est ardenti voluntate, quæ ut sic ardeat oportet ut cum diuina gratia per intellectum magis ac magis illustretur & urgeatur: quod aliter efficacius ordinarie loquendo non fit quam per attentam considerationem veritatis in ratiocinio representatæ, ubi simul colligatæ notiones & motiua magis mouent cum Gratia quam si seorsim seu separatim proponerentur.

Mal. i. Quid notius quàm Deum esse timendum & honorandum? & tamen quàm multi nec eum timent nec honorant? Quid illis facias & quid dicas ad hunc honorem & timorem prouocandum? Vide quid ipse Deus faciat & dicat: *Filius*, inquit, *honorat patrem, & seruus Dominum suum. Si ergo pater ego sum, ubi est honor meus, & si Dominus ego sum, ubi est timor meus?* Nonne hic est aperta ratiocinatio? nonne sic saltem necessario aperienda est ut intelligatur, & ut intellecta vim & pondus suum habeat: Filius honorat, seu honorare debet patrem suum, & seruus Dominum. Atqui ego sum pater vester, vos filij mei: Ego sum vester Dominus, vos mei serui. Ergo me certe honorare debetis & timere; aut me negabitis vestrum esse Patrem & Dominum; aut negabitis Patrem & Dominum esse honorandum & timendum à filiis, & à seruis; quæ postrema duo cum negari non possint, oportet omnino concludere Deum esse honorandum & timendum. Quem certe discursum qui sibi attente & diligenter coram Domino applicaret, aut illum oporteret esse Atheum vel insanum, aut ad veri-

PRÆFATIO.

tatem amplectendam excitatum cum gratia quæ hoc facili medio
vritur ad sese magis insinuandam. Ac propterea sic Deus ipse no-
bilcum in materia tam clara ratiocinatur, non modo vt sic effi-
caciùs nos ad se attrahat, sed vt doceat sic in aliis minus notis ca-
sibus proponendas & applicandas esse nobis Veritates, vt sic ab eo
attrahamur. *Videte & considerate vehementer.*

1er. 2.

Quæ quidem omnia sic dicta velim non quasi ad rigorem &
censuram formæ illius Syllogisticæ quæ in scholis exigitur, redi-
gendum existimem omnem nostrum discursum, quasi non liceret
vllam in propositionibus vel omittere vel postponere, vel mutare
particulam; quasi essent iidem prorsus termini, vel eodem ora-
tionis contextu semper proferendi. Non hoc inquam suscipio,
nec si susciperem, perficiendum præsumo. Nemo sanus ambigat
multa præsupponi posse, ac subinde ex aliis alia colligi quæ com-
modius reticentur, vel breuius efferuntur. Satis proinde ad insti-
tutum fore putauerim si ex morali subiecta materia formam il-
lam educerem quæ discursum probabilem ac fide dignum conti-
neret quo Practica Veritas Deo bene iuuante suaderetur: & in
quo duntaxat discursu si quid verborum deesset, tam facile sup-
pleri posset à quouis, quàm facile quouis intelligeret, quid deesset.

Quod si tamen vni particulatim aut alteri tota ista discurrendi
ratio minùs æqua & commoda videretur, certe is abstineat, sed
an illam propterea condemnabit quasi non sit omnino commo-
da nec expedita? Sicut enim iudicari non vult neque condemnari,
quod ab istis dissentiat; neque profecto is meritò iudicare aut
condemnare potest sic sentientes. Hæc sunt videlicet de quibus
Sapiens: *Non omnia omnibus expediunt: & non omni animæ omne ge- Ecclesi. 37.*
nus placet. Hæc sunt media & indifferentia de quibus Apostolus, *Rem. 14.*
vnusquisque in suo sensu abundet: Id est, vt sancti Basilius & Am-
brosius interpretantur: *quisque suo consilio remittatur.* Quis enim
nescit quod sancti Gregorij Romanus & Nazianzenus docent: *Prologa 3.*
Non vnâ eandemque cunctis rationem congruere, & sæpe aliis officere
que aliis prosunt? partis 1.
pastor.

Quamobrem in ea vellem esse animi moderatione & æquita-
te, vt quaecumque scribendi, loquendi, meditandive genus vsur-
pem & commendem, sic aliis commendatum velim, non quasi
illud præ omnibus sit eximium & singulare: non quasi alia manca
sint & imperfecta; non quasi denique non esset *Spiritus sapientiæ Sap. 7.*

PRÆFATIO.

2. Cor. 12. *unus & multiplex, diuidens singulis prout vult:* Sed quasi debitor, ne
 1. Petr. 4. dicam *bonus dispensator eius gratia quam accepi, sic aliis administrem,*
 vt videant an ea sibi conueniat. Idcirco etiam diuersa sæpe subie-
 ci vno & eodem die diuersis proponenda pro varietate locorum
 & personarum quibuscum agitur. Atque in illo Indice quem de
 progressu Veritatum per triplicem perfectionis viam contexui,
 sic inter se ordinantur Veritates, non quasi certum & statum ea-
 rum ordinem velim statuere, sed quod ita videantur posse com-
 modius ordinari.

1. Thess. 5. Sapiens autem est, quod ait Apostolus, *probare omnia, & quod
 sibi bonum est, retinere.* Hæc sapientia sic Veritati Practicæ conne-
 xa est vt ab ea numquam sit diluigenda, proptereaque Sapiens
 dixerit, VERITATEM EME, ET NOLI VENDERE
 SAPIENTIAM.



SVMMMA VERITATVM PRACTICARVM.

ET STATUS EORVM QVI SE IN ILLIS EXERCENT.

Ex S. Augustino, lib. 1. de Serm. Domini in monte. Cap. 2.

*Qui omnes animi sui motus componentes & subicientes Rationi,
 id est, menti & spiritui, carnalesque concupiscentias habent edo-
 mitas, sunt regnum Dei. In quo ita sunt ordinata omnia, vt
 id quod est in homine præcipuum & excellens, hoc imperet ca-
 teris non reluctantibus quæ sunt nobis bestiisque communia: at-
 que id ipsum quod excellit in homine, id est, Mens & Ratio
 subijciatur Potiori, quæ est ipsa Veritas, Unigenitus Filius Dei.
 Neque enim imperare inferioribus potest nisi Superiori se ipse
 subijciat. Et hæc est pax quæ datur in terra hominibus bonæ
 voluntatis: hæc vita consummati perfectique Sapiensis.*

PRÆFATIO.

VSUS TOTIVS OPERIS MAGIS DETERMINATIVS.

TRiplex totius operis designari potest vsus : Lectio, Meditatio, Concio. Quæ tria suo Timotheo commendabat Apo- 1. Tim. 4.
 stolus : *Attende lectioni, exhortationi & doctrina. Hac meditare, in his esto, ut profectus tuus manifestus sit omnibus. Attende tibi & doctrinae, insta in illis : hoc enim faciens, & te ipsum saluum facies, & eos qui te audiunt.*

Sunt itaque qui sola lectione contenti non vltra progrediantur : Quibus hoc vnum Sapientis sit monitum, vt sibi, quæ legunt, applicent : *Cor satui quasi vas confractum, & omnem sapientiam non tenebit : verbum Sapiens quodcumque audierit sciens, laudabit ; & ad se adjiciet ; Non ad alios, nec ad se jactitandum, sed ad se cognoscendum & se cognitæ veritati conformandum. Ne alioquin id accidat, quod de sciolo quodam Iobi amico scribit S. Gregorius, Dum sequitur bonum, quo benè dicere appetijt ; bonum quo bene viuere potuisset, amisit.* Ecclesi. 21.
L. in c. 36.
Iob.

Qui verò Lectioni Meditationem simul aut seorsim iungat ; quid sit meditari veritatem, discat ab ipsa Sapientia. *Veritatem, inquit, meditabitur guttur meum, & labia mea detestabuntur impium* Prov. 8.
 seu impietatem ; Id est, non leuiter, non prapropere, non transcursum, seu penticulatè, quantum res exiger, suis omnibus dimittar numeris & rimabor partibus, nihil vt me fugiat nos appensum aut excussum. Non ore tantum quasi qui cibum ad solam guttæ delectationem ; sed ipso gutture, quasi qui ruminet, & salubrem solummodo nutritionem speciet. Vel sic interpretare : Veritatem sic mecum meditabor, quasi tum loquerer, & quasi tum agerem inter homines ; vt cum reipsa mihi loquendum & agendum erit cum hominibus, sic veritatem loquar & profitear, quasi tum eam meditarer, aut sicut illam fui meditatus. Vel quasi diceres clariùs : Nullum volo esse discrimen inter meditationem meam ac locutionem : inter conuersationem meam cum Deo ac cum hominibus. Meditari volo coram Deo quod cum hominibus loquar : & hoc ipsum loqui volo cum hominibus, quod coram Deo meditatus fuero ; sicque tandem, propitio fiet Deo, vt ex illo frequenti fidelique vsu meditandi & agendi, tam firmum Veritatis Practicæ contraham habitum, vt si forte in quouis humano congressu con-

PRÆFATIO.

erà se aliquid ingerat, statim id aduertam, & velut ipsam impietatem non oderim modò, sed detester; non corde tantùm, sed & ipsis labiis, quasi qui vnā profiteretur Veritatem.

Hoc est sapienter verèque meditari Veritates practicas, cùm ita praxim præcedit meditatio, vt ipsa meditationem sequatur praxis: cùm sic effectus affectum agendo sequitur, sicut affectus meditando sequutus est intellectum: cùm sic denique facienda præcogitatur veritas, sicut reuera debet fieri, sicque reuera fit, sicut præcogitata est.

2. Thess. 2. Hoc est *in his esse*, hoc est *sibi attendere & doctrina*, hoc est *inslare*
Ephes. 4. *in illis*, hoc est *veritatem charitatis recipere*, seu *veritatem in charitate facere*, sicut monebat Apostolus. Hoc est, vno verbo veritatem practicam verè meditari, nec aliter nisi falsò. Quod paucis, sed efficacibus verbis S. Bernardus summo commendās Pontifici:
L. 2. de Summe, inquit, exemplum de summo omnium patre, Verbum suum &
Conf. 63. emittente & retinente. Verbum tuum, consideratio tua, quæ si procedit, non recedat: sic progrediatur, vt non egrediatur; sic exeat, vt non deserat. Sic in intellectibus & consilio manuum suarum Scriptura passim dicit fieri, quidquid à quoquam fieri melius, & verius dici potest.

Psal. 77. Si quis porrò ad alios deriuare possit & velit, quod meditando
Eccles. 31. hinc hauserit, quia tale est opus, vt multis Authorum & præceptorum adminiculis egeat: Authorem inter ceteros, quem imitetur, sibi proponat sanctum Chrysostomum: quem vt imitetur facilius, atque in vsum suum has practicas veritates fructuosè possit conuertere, Præceptorem habeat Diuum Augustinum: cuius vel vnus liber, qui de doctrina Christiana quartus est, hæc diuina subministrat Effata & Monita, quæ compendiariò sic ex singulis eius libri capitibus expressa sunt, vt suis ipse vnus loquatur verbis.
Audi & vtere.

Cap. 1. PRIMO expectationem legentium, qui fortè me putant Rhetoricæ daturum esse præcepta, quæ in scholis secularibus & didici & docui, ista prælocutione prohibeo, atque vt à me non expectentur, admonéo: non quod nihil habeant utilitatis, sed si quid habent, seorsum discendum est.

L. 2. NAM cùm per artem Rhetoricam & vera suadeantur & falsa, quis audeat dicere aduersus mendacium in defensoribus suis incriminem debere consistere veritatem? illi fallacibus argumentis veritatem oppugnent, asserant falsitatem: isti nec vera defendere, nec falsa valeant refutare: illi ani nos audientium in errorem mouentes impellentesque dicendo ter-

D. Augustini de doctrina Christiana libri quarti compendium.

reant, contristent, exhalarent, exhortentur ardentem: isti pro veritate
lenti frigidique dormitent! Quis ita desipiat, ut hoc sapiat? Cum ergo
sit in medio posita facultas eloquij, quæ ad persuadenda seu praua seu
recta valeat plurimum; cur non bonorum studio comparatur, ut milites
veritati, si eam mali ad obtinendas peruersas vanaeque causas in usus
iniquitatis & erroris usurpant?

SI acutum & feruens adsit ingenium, facilius adhæret eloquentia le- c. 3.
gentibus & audientibus eloquentes, quàm eloquentia præcepta sectanti-
bus. Nec desunt Ecclesiastica litera, etiam præter canonem in authorita-
tis arce salubriter collocatum, quas legendo homo capax, etsi id non agat,
sed tantummodo rebus quæ ibi dicuntur, intentus sit, etiam eloquio, quo
dicuntur, dum in his versatur, imbuatur: accedente vel maxime exer-
citatione siue scribendi siue dictandi, postremò etiam dicendi quæ secun-
dum pietatis ac fidei regulam sentit.

DE BET igitur diuinarum Scripturarum tractator & doctor, de- c. 4.
fensor rectæ fidei, ac debellator erroris, & bona docere, & mala dedoce-
re: atque in hoc opere sermonis conciliare aduersos, remissos erigere,
nescientibus quid agatur, quid expectare debeant, intimare. Vbi autem
beneuolos, intentos, dociles aut inuenerit, aut ipse fecerit, cetera pera-
genda sunt sicut causa postulat. Si decendi sunt, qui audiunt, narratione
faciendum est, sit athen indigeat ut res, de qua agitur, innotescat. Ut
autem quæ dubia sunt, certa fiant, documentis adhibitis, ratiocinandum
est. Si verò qui audiunt, mouendi sunt potius quàm docendi, ut in co,
quod iam sciunt, agendo non torpeant, & rebus assensum quas veras esse
sentiant, accommodent, maioribus dicendi viribus opus est. Ibi obsecra-
tiones & increpationes, concitationes & coerciones, & quacumque
alia valent ad commouendos animos.

ET hæc quidem cuncta quæ dixi, omnes ferè homines in iis quæ elo- c. 5.
quendo arguunt facere non quiescunt: sed cum alij faciant obusè, de-
formiter, frigide: alij acutè, ornatè, vehementer; illum ad hoc opus
unde agimus, iam oportet accedere, qui potest disputare vel dicere sa-
pienter, etiam si non potest eloquentem, ut prosit audientibus. Qui verò
affluit insipienti eloquentia, tantò magis cauendus est, quanto magis ab
eo in iis quæ audire inutile est, delectatur auditor, & cum quoniam di-
sertè dicere audit, etiam verè dicere existimat. Hæc autem sententia
nec illos fugit qui artem Rhetoricam docendam putarunt: facti sunt
enim sapientiam sine eloquentia parum prodesse ciuibz: eloquentiam
verò sine sapientia, nimirum obesse plerumque, prodesse nunquam. Si

D. Augustini de doctrina Christiana libri quarti compendium.

ergo hoc illi qui praecepta Eloquentiae tradiderunt, in eisdem libris in quibus id egerunt, veritate instigante coacti sunt confiteri; veram, hoc est, supernam, quae à patre Luminum descendit, sapientiam nescientes: quanto magis nos non aliud sentire debemus, qui huius sapientiae filij & ministri sumus? Sapienter autem dicit homo tanto magis vel minus, quanto in Scripturis sanctis magis minusve profecit. Non dico in eis multum legendis memorieque mandandis, sed bene intelligendis & diligenter eorum sensibus indagandis. Quanto se paupriorem cernit in suis, tanto cum oportet in istis esse ditiores, ut quod dixerit suis verbis, probet ex illis, & qui propriis verbis minor erat, magnorum testimonio aliquodammodo crescat: **PROBANDO ENIM DELECTAT, QUI MINUS POTEST DELECTARE DICENDO.**

c. 6.

HIC aliquis forsitan quaerit, utrum Authores nostri quorum scripta diuinitus inspirata canonem nobis saluberrima auctoritate fecerunt, sapientes tantummodo, an eloquentes etiam nuncupandi sint? Quae quidem quaestio apud meipsum & apud eos qui mecum, quod dico, sentiunt, facillime soluitur. Nam ubi eos intelligo, non solum nihil eis sapientius, verum etiam nihil eloquentius mihi videri potest. Et audeo dicere, omnes qui recte intelligunt quod illi loquuntur, simul intelligere, non eos aliter loqui debuisse. Illud magis admiror & stupeo, quod ista nostra eloquentia ita usi sunt, per alteram quamdam eloquentiam suam, ut nec eis deesset, nec emineret in eis: quia eam nec improbari ab illis nec ostentari oportebat, quorum alterum fieret, si vitaretur: alterum putari possit, si facile agnosceretur.

c. 7.
Rom. 5.

QUIS enim non videat, quid voluerit dicere, & quam sapienter dixerit Apostolus gloriamur in tribulationibus, &c. Sicut ergo Apostolum praecepta eloquentiae secutum fuisse non dicimus, ita quod eius sapientiam secuta sit eloquentia, non negamus. Sed forte quis putat tamquam Eloquentem nostrum, elegisse me Apostolum Paulum. Dicendum ergo mihi aliquid esse video, & de eloquentia Prophetarum; & ex illius Propheta libro potissimum hoc faciam, qui se pastorem vel armentarium fuisse dicit, atque inde diuinitus ablatum atque missum, ut populo Dei prophetaret. Vae vobis qui opulenti estis in Sion, &c. Hac diuina mente sunt fusa & sapienter & eloquenter, non intenta in eloquentiam sapientia, sed à sapientia non recedente eloquentia.

c. 8.

SED nos etiam de literis eorum quae sine difficultate intelliguntur, nonnulla sumimus elocutionis exempla, nequaquam tamen putare debemus imitandos eos nobis esse, in his quae utili ac salubri obscuritate dixerunt.

Sic

D. Augustini de doctrina Christiana libri quarti compendium.

Sic quippe illi lecuti sunt, ut posteriores qui eos rectè intelligerent & exponerent, alteram gratiam, disparem quidem, verumtamen subsequenter in Dei Ecclesia reperirent. Non ergo expositores eorum ita loqui debent, ut tanquam se ipsi exponendos simili auctoritate proponant: sed in omnibus sermonibus suis primitus ac maxime, ut intelligantur, elaborent ea quantum possint perspicuitate dicendi, ut aut multum tardus sit qui non intelligat, aut in rerum quas explicare volumus difficultate, non in nostra locutione sit causa quò minus tardiusue, quod dicimus, possit intelligi.

SUNT enim quedam; quæ sua vi non intelliguntur aut vix intelliguntur, quamvis planissime dicentis versentur eloquio, quæ in populi audientiam vel raro si aliquid urget, vel nunquam omnino mittenda sunt.

EVIDENTIAE diligens appetitus aliquando negligit verba cultiora, non curat quid bene sonet, sed quid bene indicet atque intimit quod ostendere intendit. Vnde ait quidam cum de tali genere locutionis ageret, esse in ea quandam diligentem negligentiam. Hæc tamen sic detrahit ornatum, ut sordes non contrahat. Sed de modo delectandi nunc non ago. De modo autem quo docendi sunt qui discere desiderant, loquor. Is autem est optimus, quo fit, ut qui audit, verum audiat; & quod audit, intelligat.

QUOD cum adepti fuerint (qui quæ discenda sunt, scire desiderant), ipsa delectabiliter veritate pascuntur: bonorumque ingeniorum ingenium est indoles, in verbis verum amare, non verba: Quid enim prociest clavis aurea, si aperire quod volumus, non potest? aut quid obest lignea, si hoc potest, quando nihil querimus nisi patere quod clausum est?

Sed quoniam inter se habent nonnullam similitudinem vescentes atque discentes, propter fastidia plurimorum, etiam ipsa sine quibus vini non potest, alimenta condienda sunt.

DIXIT ergo quidam eloquens & verum dixit, ita debere dicere eloquentem, ut doceat, ut delectet, ut flectat. Deinde addidit, docere necessitatis est, delectare suauitatis, flectere victoria, si nempe auditor amet quod polliceris, timeat quod minaris, oderit quod arguis, quod commendas amplectatur; quod dolendum exaggeras, doceat; cum quid latandum predicas, gaudeat; misereatur eorum quos miserandos ante oculos dicendo constituis, fugiat eos quos cauendos terrendo proponis. & quidquid aliud grandi eloquentia fieri potest ad commouendos animos auditorum, non quid agendum sit ut sciunt; sed ut agent, quod agent.

D. Augustini de doctrina Christiana libri quarti compendium.

dum esse iam sciunt. Si autem adhuc nesciunt, prius utique docendi sunt, quàm mouendi. Et fortasse rebus ipsis cognitis ita mouebuntur, ut eos non opus sit maioribus eloquentia viribus iam moueri. Et ideo flectere necessitatis non est, si tantum docenti vel etiam delectanti consentit auditor. Ideo autem victoria est flectere, quia fieri potest ut doceatur & delectetur & non assentiatur. QUID AUTEM ILLA DIO PRODERVNT, SI DESIT HOC TERTIVM?

SED neque delectare necessitatis est, quandoquidem cum dicendo vera monstrantur, quod ad officium docendi pertinet, non eloquio agitur, neque hoc attenditur, ut vel ipsa vel ipsum delectet eloquium; sed per se ipsa quoniam vera sunt, manifestata delectant. Vnde plerumque delectant etiam falsa patrefacta atque conuicta; neque enim delectant quia falsa sunt, sed quia falsa esse verum est; delectat & dictio, qua hoc verum esse monstratum est.

c. 13.

PROPTER eos autem quibus fastidientibus non placet veritas, nisi eo modo dicatur, ut placeat & sermo dicentis, datus est in eloquentia non parvus etiam delectationi locus. Quae tamen addita non sufficit duris, quos nec intellexisse, nec docentis elocutione delectatos esse profuerit; cum nempe id docetur quod agendum est, & ideo docetur ut agatur, frustra persuadetur verum esse quod dicitur, frustra placet modus ipse quo dicitur, si non ita dicitur ut agatur. Oportet igitur Eloquentiam Ecclesiasticam quando suadet aliquid quod agendum est, non solum docere, ut instruat, & delectare ut teneat; verum etiam flectere, ut vincat.

c. 14.

IN populo autem gravi de quo dictum est Deo, in populo graui laudabo te, nec illa suauitas delectabilis est, quàm non quidem iniqua diliguntur, sed exigua & fragilia bona spumico verborum ambitu ornantur, quali nec magna neque stabilia decenter & grauiter ornarentur. Est tale aliquid in Epistola beati Cypriani, quod ideo puto vel accidisse vel consulto factum esse, ut sciretur à posteris quam linguam Doctrinae Christianae sanitas ab ista redundantia renouauerit, & ad eloquentiam grauiorem modestioremque restrinxerit, qualis in eius consequentibus literis securè amatur, religiosè appetitur, sed difficillimè impletur.

c. 15.

AGIT itaque nosler ille eloquens cum n & iusta & sancta & bona dicit; neque enim alia debet dicere, agit ergo quantum potest cum ista dicit, ut intelligenter, ut libenter, ut obedienter audiat: & hac se posse pietate magis orationum quàm oratorum facultate non dubitet, ut orando pro se ac pro illis quos est allocuturus sit orator antequam Doctor.

D. Augustini de doctrina Christiana libri quarti compendium.

Cum enim de unaquaque re multa sint quae dicantur, & multi modi quibus dicantur, quis nouit, quid ad praesens tempus, vel nobis dicere, vel per nos expediat audiri, nisi qui corda omnium videt? Et quis facit ut quod oportet & quemadmodum oportet, dicatur à nobis, nisi in cuius manu sumus nos & sermones nostri? Ac per hoc discat quidem omnia quae docenda sunt, qui & nosse vult & docere, facultatemque dicendi, ut decet virum Ecclesiasticum, comparet: Ad horam vero ipsius dictionis illud potius bonae menti cogitet conuenire quod Dominus ait: Nolite cogitare quomodo aut quid loquamini; dabitur enim vobis in illa hora quid loquamini: Non enim vos estis qui loquimini, sed Spiritus patris vestri qui loquitur in vobis. Si ergo loquitur in eis Spiritus sanctus, qui persequentibus traduntur pro Christo, cur non & in eis qui tradunt discipulis Christum?

QVIS QVIS autem dicit non esse hominibus praecipendum quid c. 16. vel quemadmodum doceant, si Doctores Sanctus efficit Spiritus; potest dicere, nec orandum nobis esse; quia Dominus ait, scit pater vester quid vobis necessarium sit, priusquam petatis ab eo. Aut Apostolum Paulum Timotheo & Tito non debuisse praecipere quid praeciperent aliis.

Sicut enim corporis medicamenta quae hominibus ab hominibus adhibentur, non nisi eis prosunt, quibus Deus operatur salutem, qui & sine illis mederi potest, cum sine ipso illa non possint; & tamen adhibentur, & si hoc officiosè fiat, inter opera misericordiae vel beneficentiae deputatur: ita & adiumenta doctrinae tunc prosunt animae adhibita per hominem cum Deus operatur ut prosint, qui potuit Euangelium dare hominibus, etiam non ab hominibus, neque per hominem.

QUI ergo dicendo nititur persuadere quod bonum est, nihil horum c. 17. trium spernens, ut scilicet doceat, ut delectet, ut flectat: oret atque agat, ut quemadmodum supra diximus, intelligenter, libenter, obedienterque audiatur. Quod cum aptè & conuenienter facit, non immerito eloquens dici potest, etsi non eum sequatur auditoris assensus. Ad haec enim tria, id est, ut doceat, ut delectet, ut flectat, etiam tria illa pertinere videtur voluisse idem Ipse Romani Author eloqui, cum itidem dixit, Is igitur erit eloquens, qui poterit parua submisce, modica temperatè, magna granditer dicere, tamquam si adderet illa etiam tria, & sic explicaret unam eandemque sententiam, dicens: Is erit igitur eloquens qui ut doceat, poterit parua submisce; ut delectet, modica temperatè: ut flectat, magna granditer dicere.

HAEC autem tria ille sicut ab eo dicta sunt, in causis forensibus c. 18.

D. Augustini de doctrina Christiana libri quarti compendium.

posset ostendere, non autem hoc in Ecclesiasticis questionibus, in quibus huiusmodi quem volumus informare, sermo versatur. In illis enim ea parua dicuntur, ubi de rebus pecuniariis iudicandum est: ea magna ubi de salute ac de capite hominum: ea verò, ubi nihil horum iudicandum est, nihilque agitur ut agat sine decernat, sed tantummodo ut delectetur auditor, inter utrumque quasi media, & ob hoc modica quasi moderata dixerunt; modicis enim modus imposuit; nam modica pro parvis abusuè non propriè dicimus.

In istis autem nostris, quae loquidem omnia, maxime quae de loco superiore populis dicimus, ad hominum salutem, nec temporariam sed aeternam referre debemus, ubi etiam cauendus est aeternus interitus: omnia magna sunt quae dicimus.

C. 19.

ET tamen cum Doctor iste, debeat rerum dicter esse magnarum, non semper eas debet granditer dicere; sed submisce cum aliquid docetur, temperatè cum aliquid vituperatur siue laudatur: cum verò aliquid agendum est, & ad eos loquitur qui hoc agere debent, nec tamen volunt, tunc ea quae magna sunt, dicenda sunt granditer & ad flectendos animos congruenter. Et aliquando de una eademque re magna, & submisce dicitur, si docetur; & temperatè, si predicatur: & granditer, si auersus inde animus ut conuertatur, impellitur.

C. 20.

Gal. 4.

SVBMISSAE dictionis exemplum est apud Apostolum Paulum: Dicite mihi sub lege volentes esse, legem non legistis? scriptum est enim, &c.

Pertinet ergo ad docendi curam: non solum aperire clausa, & nodos soluere questionum, sed etiam dum hoc agitur, aliis questionibus quae forte inciderint, ne id quod dicitur, imputetur, aut per illud resolatur, occurrere; si tamen & ipsa earum solutio pariter occurrerit, ne memamus quod auferre non possumus.

1. Tim. 5.

In illis autem Apostolicis verbis dictio temperata est; Seniore enim ne increpaneris, &c. & in illis, obsecro autem vos fratres per misericordiam Dei, ut exhibeatis corpora vestra, hostiam viuam, sanctam, Deo placentem, &c.

Rom. c. 2.

Grande autem dicendi genus hoc maximè distat ab isto temperato genere, quod non tam verborum ornatibus comptum est quam violentum animi affectibus. Nam capit etiam illa ornamenta penè omnia, sed ea, si non habuerit, non requirit. Fertur quippe impetu suo, & elocutionis pulchritudinem, si occurrerit, ut rerum rapit, non curam decoris assumit. Satis est enim ei propter quod agitur, ut verba congruentia

D. Augustini de doctrina Christiana libri quarti compendium.

non oris elegantur industria, sed pectoris sequantur ardorem. Nam si aurato gemmatoque ferro vir fortis armatur, intentissimus pugnae agit quidem illis armis quod agit, non quia pretiosa, sed quia arma sunt.

AGIT Apostolus ut pro Evangelico ministerio patienter mala huius temporis, cum solatio donorum Dei omnia tolerentur. Magna res est, & granditer agitur, nec desunt ornamenta dicendi. Ecce, inquit, 2. Cor. 6. nunc tempus acceptabile, &c. Itemque ad Romanos agit ut persecutiones huius mundi charitate vincantur, spe certa in adiutorio Dei. Agit autem & granditer & ornate. Scimus, inquit, quoniam dili- Rom. 8. gentibus Deum omnia cooperantur in bonum, &c. Ad Galatas autem quamvis tota ipsa Epistola summisso dicendi genere scripta sit, nisi in extremis partibus, ubi est eloquium temperatum, tamen interponit quemdam locum commoti animi, ut sine ullis quidem talibus ornamentis, qualia sunt in his quae modo posuimus, non posset tamen nisi granditer dici: Dies, inquit, obseruatis, & menses, & annos, & tempora, &c. Ad Gal. 4.

SED Apostolica ista sic clara sunt, ut & profunda sint, atque ita conscripta, memoriaeque mandata, ut non solum lector vel auditor, verum etiam expositor opus habeant, si quis in eis non superficiei contentus altitudinem quærat. Quapropter videmus ista genera loquendi in iis qui istorum lectione, ad rerum diuinarum atque salubrium scientiam profecerunt, eamque Ecclesia ministrarunt. Beatus Cyprianus submisso dicendi genere vitur in eo libro, ubi de Sacramento calicis diffinit, &c. Sanctus quoque Ambrosius cum agat rem magnam de Spiritu sancto, ut cum Patri & Filio demonstret aequalem, submisso tamen dicendi genere vitur, quoniam res suscepta non ornamenta verborum, aut ad fructuosos animos commotionis affectum, sed rerum documenta dequærat.

De genere temperato est apud Cyprianum Virginitatis ista laudatio. Nunc nobis ad Virgines sermo est, &c. Ambrosius etiam genere dicendi temperato & ornato professis Virginibus proponit, tamquam sub De Virg. l. 2. exempli forma, quod moribus imitentur, & dicit, Virgo erat non solum corpore sed etiam mente, &c. Hæc etiam propterea in exemplo generis temperati posuit, quia non hic agit, ut virginitatem vocatione qua nondum voverunt, sed quales esse debeant quæ iam vota sunt.

Verum ex eo quod ambo egerunt, dictionis grandis exempla memorabo: ambo quippe inuerti sunt in eas, quæ formam pigmentis colorant

D. Augustini de doctrina Christiana libri quarti compendium.

*Vel potius decolorant : quorum prior ille cum hoc ageret , ait inter cate-
De habitu ra ; Si quis pingendi artifex vultum alicuius & speciem & corpo-
Virg. ris qualitatem æmulo colore signaret , & signato iam consumma-
toque simulachro , manus alius inferret ; vt iam formata , iam
picta quasi peritior reformaret ; grauis prioris artificis iniuria , &
iusta indignatio videretur. Tu te existimas impunè laturam tam
improba temeritatis audaciam , Dei artificis offensam ? &c. Ille
lib 1. de vero posterior vt in tales diceret : Hinc illa , inquit , nascuntur in-
Virg. centiua vitiorum , vt quæ sitis coloribus ora depingant , dum viris
displicere formidant , & de adulterio vultus , ineditantur adulte-
rium castitatis , &c. Satis , vt existimo , apparet feminas , ne suam su-
as adulterent formam , & ad pudorem & ad timorem hac facundia ve-
hementer impelli. Proinde neque submissum neque temperatum , sed
grande omnino genus hoc elocutionis agnoscimus.*

*C. 22. NEC quisquam præter disciplinam esse existimet ista miscere , imò
quantum congruè fieri potest , omnibus generibus dictio varianda est.
Nam quando proluxa est in vno genere , minùs detinet auditorem : cum
verò sit in aliud ab alio transitus , etiamsi longius eat , decentius procedit
oratio. Verumtamen , faciliùs submissum solum quàm solum grande
diutius tolerari potest : commotio quippe animi quantò magis excitata
est , vt nobis assentiat auditor , tantò minùs in ea diu teneri potest , cum
fuerit , quantum satis est , excitata.*

*C. 23. In grandi genere semper aut penè semper temperata debent esse
principia. Et in potestate est eloquentis , vt dicantur nonnulla submissè
etiam quæ possent granditer dici , vt ea quæ dicuntur granditer , ex il-
lorum fiant comparatione grandiora , & eorum tamquam umbris lumi-
nosiora reddantur. In quocumque autem genere , aliqua questionum
vincula soluenda sunt , acumine opus est , quod sibi submissum genus
propriè vendicat.*

*C. 24. NON sanè , si dicenti crebriùs & vehementiùs acclametur , ideo
granditer putandus est dicere , hoc enim & acumina submissi generis
& ornamenta faciunt temperati. Grande autem genus plerumque por-
dere suo voces premit , sed lachrymas exprimit. Denique cum apud
Cæsaream Mauritania , populo dissuaderem pugnam civilem , vel po-
tius plusquam civilem , quam cateruam vocabant ; neque enim cives
tantummodò , verum etiam propinqui & fratres , postremò parentes
as filij lapidibus inter se , in duas partes diuisi , per aliquot dies conti-
nuos , certo tempore anni solenniter dimicabant , & quisque vt quem-*

D. Augustini de doctrina Christiana libri quarti compendium:

que poterat, occidebat: egi quidem granditer quantum valui, non tamen egisse aliquid me putavi, cum eos audirem acclamantes, **SED CVM FLENTES VIDEREM**: acclamationibus quippe se doceri & delectari, flecti autem lachrymis indicabant. Numquid omnes qui delectantur mutantur? sicut in grandi genere omnes qui flectuntur, agunt; & in submisso genere, omnes qui docentur, sciunt, aut credunt verum esse quod nesciunt.

VNDE colligitur illa duo genera, quod efficere intendunt, hoc eis c. 25. esse maximè necessarium, qui sapienter & eloquenter volunt dicere: Illud verò quod agitur genere temperato, id est, ut eloquentia ipsa delectet, **NON EST PROPTER SE IPSVM VSVRPANDVM**. Nam cum eloquentia sit vniuersale officium in quocumque istorum trium generum, dicere aptè ad persuadendum: finis autem, id quod intenderis, persuadere dicendo. In quocumque istorum trium generum, dicit quidem eloquens aptè ad persuasionem, sed nisi persuadeat, ad finem non peruenit eloquentia. Persuadet autem in submisso genere vera esse quæ dicit. Persuadet in grandi, ut agantur, quæ agenda iam esse sciuntur, nec tamen aguntur. Persuadet in genere temperato, pulchrè ornatèque se dicere. **QVO FINE NOBIS QVID OPVS EST?** appetant cum qui lingua gloriantur, & se in panegyricis iactant; **NOS VERO ISTVM FINEM REFERAMVS AD ALTERVM FINEM**, ut scilicet quod efficere volumus cum granditer dicimus, hoc etiam isto velimus: id est, **VT BONA MORVM DILIGANTER, FEL DEVITENTVR MALA**. Ita fit, ut etiam temperati generis ornatu non iactanter sed prudenter utamur: non eius sine contenti quo tantummodo delectatur auditor, sed hoc potius agentes, ut etiam ipso ad bonum quod persuadere volumus, adiuvetur.

ILLA itaque tria quæ suprà posuimus, eum qui sapienter dicit, c. 26. si etiam eloquenter vult dicere, id agere debere ut intelligenter, ut libenter, ut obedienter audiatur, non sic accipienda sunt tamquam singula illis tribus dicendi generibus ita tribuantur, ut ad submissum intelligenter, ad temperatum libenter, ad grande pertineat obedienter audiri: sed sic potius ut hæc tria semper intendat, & quantum potest, agat: etiam cum in illorum singulo quoque versatur. Nolumus enim fastidiri, etiam quod submisso dicimus, ac per hoc volumus non solum intelligenter, verum etiam libenter audiri. Quid autem agimus diuinis testimoniis docendo quod dicimus, nisi ut obedienter audiamur, id est, ut credatur eis, epitulante illo cui dictum est: testimonia tua credibilia

D. Augustini de d. Trina Christiana libri quarti compendium.

facta sunt valde? quid etiam cupit, nisi ut sibi credatur, qui aliquid licet submisso eloquio discipulis narrat? Et quis cum velit audire, nisi auditorem nonnulla etiam suauitate detineat? nam si non intelligatur, quis nesciat nec libenter eum pessi, nec obedienter audiri?

Plerumque autem dictio ipsa submissa dissoluit difficillimas questiones, & inopinata multis statione demonstrat: dum sententias acutissimas de nescio quibus quasi cauernis, unde non sperabatur, eruit & ostendit: dum aduersarij conuincit errorem, & docet falsam esse quod ab illo dici videbatur inuictum: maximè quando adstet ei quoddam decus non appetitum, sed quodammodo naturale, & quando nonnulla, non iactantimola, sed quasi necessaria, atque ut ita dicam, ipsis rebus extorta numerositas clausularum, tantas acclamationes excitat, ut vix intelligatur esse submissa. Non enim quia neque incedit ornata neque ornata, sed tamquam nuda concreditur, ideo non aduersarium neruis incertisque collidit, & cito sententem suburit ac disservit membris fortissimis falsitatem, Unde autem crebro & multum acclamatur ita dicentibus, nisi quia VERITAS SIC DEMONSTRATA, SIC DEFENSATA, SIC INVICTA DELECTAT? Et in hoc igitur genere submisso iste noster Doctor & doctor id agere debet, ut non solum intelligenter, verum etiam libenter & obedienter audiat. Illa quoque eloquentia generis temperata apud eloquentem Ecclesiasticum nec inornata relinquitur, nec indecenter ornatur: nec solum hoc appetit ut delectet, quod solum apud alios proficitur: verum etiam in iis quæ laudat siue vituperat, istis appetentis vel firmiter tenentis, illis autem vitandis vel respuendis, vult utique obedienter audiri. Si autem non auditur intelligenter, nec libenter potest. Proinde illa tria, ut intelligant qui audiunt, ut delectentur, ut obediant, etiam in hoc genere agendum est, ubi tenet delectatio principatum. Iam vero ubi mouere & flectere grandi genere opus est, auditorem; quod tunc est opus, quando & veraciter dicit & suauiter confitetur, & tamen non vult facere quod dicitur, dicendum est procul dubio granditer: sed quis mouetur, si nescit quod dicitur? aut quis tenetur ut audiat, si non delectatur? unde & in isto genere, ubi ad obedientiam cor durum dictionis granditate flectendum est, nisi & intelligenter & libenter qui dicit, audiat, non potest obedienter audiri.

e. 27.

HABET autem ut obedienter audiat quantacumque granditate dictionis maius pondus vita dicentis. Multis profuit dicendo quæ non faciunt, sed longe pariter præstent faciendo quæ dicunt. Abundant enim

D. Augustini de doctrina Christiana libri quarti compendium.

enim qui mala vite suae defensionem ex ipsis suis Propositis & Doctoribus querunt respondentes corde suo, aut etiam si ad hoc erumpunt ore suo, dicentes, quod mihi praecepis, cur ipse non facis? Ita fit, ut cum non obedienter audiant, qui se ipse non audit, & Dei Verbum quod eis praedicatur simul cum ipso predicatore contemnant.

IN ipso etiam Sermone MALIT REBUS PLACERE QUAM C. 28. VERBIS, nec existimet dici melius, nisi quod dicitur verius, nec DOCTOR VERBIS SERVIAT, SED VERBA DOCTORI. Hoc est enim quod Apostolus ait: non in sapientia verbi, ne euacuetur crux Christi. Ad hoc enim valet etiam quod ait ad Timotheum, noli verbis contendere, ad nihil enim utile est, nisi ad subuersionem audientium: Verbis enim contendere est, non curare quomodo error veritate vincatur, sed quomodo tua dictio dictioni praescratur alterius. Porro qui non verbis contendit siue submisso, siue temperate, siue granditer dicat, id agit verbis, ut veritas pateat, veritas placeat, veritas moneat, quoniam nec ipsa quae praecepti finis & plenitudo legis est Charitas ullo modo recta esse potest, si ea quae diliguntur, non vera sed falsa sunt. Sicut autem cuius pulchrum corpus & deformis est animus, magis dolendus est quam si deforme haberet & corpus: ita qui eloquenter ea quae falsa sunt, dicunt, magis miserandi sunt, quam si talia deformiter dicerent. Quid est ergo non solum eloquenter, verum etiam sapienter dicere, nisi verba in submisso genere sufficientia, in temperato splendentia, in grandi vehementia, veris tamen rebus quas audire oporteat, adhibere? Sed qui utrumque non potest, dicat sapienter quod non dicit eloquenter, potius quam non dicat eloquenter, quod non dicit sapienter.

SI autem ne hoc quidem potest, ita conuersetur, ut non solum praec. c. 29. mium sibi comparet, sed etiam praebeat aliis exemplum & sit eius quasi copia dicendi, forma viuendi. Sunt sane quidam quibuscumque pronuntiare possunt, quid autem pronuntient, excogitare non possunt; quod si ab aliis sumant eloquenter sapienterque conscriptum, memoriaque commendent, atque ad populum proferant, si eam personam gerunt, non improbe faciunt. Sic enim quod profecto utile est, multi Praedicatores veritatis fiunt, nec multi magistri, si unus veri Magistri id ipsum dicant omnes, & non sint in eis schismata. Nec deterrendi sunt isti voce Ieremia Propheta, per quem Deus arguit eos qui furantur verba eius, unusquisque à proximo suo: qui enim furantur, alienum auferunt: verbum autem Dei non est ab eis alienum qui obtemperant ei, potiusque ille dicit aliena, qui cum dicat bene, vinit male. Quaecumque

D. Augustini de doctrina Christiana libri quarti compendium.

enim bona dicit, eius excogitari videntur ingenio, sed ab eius moribus aliena sunt. Eos itaque dixit Deus furari verba sua, qui boni volunt videri, loquendo quæ Dei sunt, cum mali sint faciendo quæ sua sunt. Cum verò boni fideles bonis fidelibus hanc operam commodant, utrique sua dicunt, quia & Deus ipsorum est, cuius sunt illa quæ dicunt: & ea sua faciunt, quæ non ipsi componere potuerunt, qui secundum illa composuere viuunt.

C. 30.

SIVE autem apud populum, vel apud quoslibet iam iamque dicturus: siue quod apud populum dicendum, vel ab eis qui voluerint aut potuerint legendum est, dictaturus: oret ut Deus sermonem bonum det in os eius. Si enim Regina orauit Esther pro sua gentis temporaria salute locutura apud Regem, ut in os eius, Deus congruum sermonem daret: quanto magis orare debet, ut tale munus accipiat qui pro æterna hominum salute, in verbo & doctrina laborat? Illi verò qui ea dicturi sunt quæ ab aliis acceperunt, & antequam accipiant, orent pro eis à quibus accipiunt, ut eis detur quod per eos accipere volunt: Et cum acceperint, orent ut bene & ipsi proferant, & illi ad quos proferunt, sumant: & de prospero exitu dictionis eidem gratias agant, à quo id se accepisse non dubitant, ut qui gloriatur, in illo gloriatur, in cuius nutu sunt & nos & sermones nostri.

C. 31.

LONGIOR cuasit liber hic quàm volcham quàmque putaueram, sed legenti vel audienti cui gratus est, longus non est: cui autem longus est, per partes eum legat, qui habere vult cognitum.

QVÆ posteriora S. Augustini verba non id tantum significant, ut per partes quæ sunt libri capita, separatim & otiose liber legatur; sed siue per capita separatim, siue simul totus legatur, curer lector sic partes libri retinere, ut cum ad parandam concionem accesserit, libri partem cum parte concionis conferat & accommodet: Non est enim idem ordo libri partium & concionis; ac proinde ad ipsam praxim & usum quotidianum quæ cuique pars parti respondeat, probe est intelligendum. Sic autem simul videntur componi posse.

PRIMUM omnium agendorum est Caput decimum quintum, ubi de orando Deo agitur; Licet itaque sint parata hic ad singulos dies omnia, vel licet tu ipse de quouis iam argumento scripseris & dixeris: quoties tamen agatur de paranda primò concione, numquam deliberes aut decernas seu generatim seu particulatim quod sis dicturus, nisi post orationem, in qua ex ani-

P R Æ F A T I O.

mo plane religioso sic probes, *quæ sit voluntas Dei bona, beneplacens & perfecta*, vt non aliud quàm quod sincerè putes Deum velle, dicas; nec alio dicas modo quàm velit, nec alio fine quàm quod sic velit.

SECVNDVM, ex capite decimo octauo desumendum est, & fixe tecum statuendum, hanc esse Dei voluntatem, vt quidquid ex occurrenti Euangelio vel celebrando festo selegeris, æternam auditorum salutem spectet, sicque tractando suscipiatur, quasi de sempiterno animorum interitu tum ageretur.

TERTIVM conformiter quarto capiti, mala sunt potiùs dedocenda, quàm docenda bona; nam in illis deferendis & maior est difficultas & maius damnum nisi deferantur: Plures sunt aduersi quos concilies, & remissi quos erigas, qua de re post in fine apertiùs.

QVARTVM ex eodem capite ad seligendam malis dedocendis aptiorem materiam, præter illa quæ in nostro hoc opere, tali occurrent die proposita, vel ex Euangelio, vel ex continuata dicendorum serie; possunt videri cuiusque partis indices, & opportunis verbis perlustratis, inde illa deduci, quæ non gratiora, non splendidiora, *sed utiliora in Domino videbuntur*.

QVINTVM, si aliquam ex propositis veritatibus placet eligere, cogitandum est maturè quibus vernaculè terminis possit enuntiari, & tum habendum præ oculis quod dicitur capite 28. de ratio decore, sed magis etiam quod capitibus octauo & nono de perspicuitate dictionis.

Idem esto iudicium de forma quæ est adhibenda materiæ, seu de apta totius concionis dispositione, quam hic vnâ in omnibus ratiocinativam reddimus, non quòd fortè semper sit ita discurrendum; sed quod frequentius, si caput sequeris quartum, quintum, & quorquot de dicendi officii tractant, quæ sunt docere, delectare & flectere, nihil enim ad hæc tria convenientius; Quod & quique scriptores docent, in quibus vide Carolum Regium, qui Orator Christianus inscribitur, vbi de variis agit concionis dispositionibus, quarum hanc primam statuit vt maximè congruentem. Quia vero non ita facilè cunètis occurrit, idcirco fortè rariùs adhibetur; ac propterea constantius in illa tradenda forma hic est elaboratum, vt quod utilius est quarere, & difficilius inuenire, præsto esset volenti; nolenti verò pro suo cuique

PRÆFATIO.

genio maneret liberum, formam sibi aliam præscribere, vel variare, vel obumbrare: dum tamen memor capitis decimi, quicquid proponat se dicturum, clarè intimet, distinctè, sapienter, non nimis cultè, nec incultè, non ut latinè solet in scholis proponi strictius, sed ut grauitè & moratè viros inter prudentes & maturos, quantum scilicet satis esse iudicatur ad id quod agitur, exponendum. Et verò antequam spernas hunc ratiocinandi modum, experire quid valeat; & agnosce, quantum non modo intellectui & voluntati, sed & memoriæ cum dicentis tum audientis conferat. Neque timendum est auditoris fastidium, si semper aut sæpius eundem serues dicendi modum, cum mutetur materia, & ita sæpe accidat ut vni semel assuetus auditor modo quem libenter audit, mirum quantum in eo semper acquiescat, paratoque auidè animo quod expectabat, hauriat.

SEX T V M, sic statutis illis quæ concionis antecedunt structuram, iam componatur ipsa concio, iam quod capite decimo septimo dicitur, in praxim veniat, *ut qui dicendo nititur persuadere quod bonum est, nihil horum trium spernens, ut scilicet doceat ut delectet, ut flectat: oret atque agat ut intelligenter, libenter, obedienterque audiatur.* Hoc autem agitur, totam ordinando concionem suas in partes. Ordinatur verò, vel sola mente, vel breui scripto, vel longiori discursu. Quocumque ex his modo fiat, breue sit semper illud quod præmitti solet ante Salutationem Angelicam. Nihil eorum attingatur quæ hic habentur in exordiis: Sola sacra Scripturæ verba quibus proponenda Veritas continetur, religiosè proferantur, & quantum satis est ad delibanda & præmonstranda quæ dicentur, exponantur: non variis adductis sententiis aut interpretationibus; non tota Euangelij vel rei gestæ narratione, nisi sit admodum brevis; non forma seu dispositione dicendi declarata: hæc enim sunt exordij vel narrationis propria, quæ quidem concionis partes nec debent multiplicari, neque à se vel ab aliis diiungi partibus. Ac proinde præmium illud religiosè quidem & grauitè, sed non profusè producat, nec in ipsam penetret altius rei dicenda materiam, ne quid sit repetendum.

Quando hic itaque designatum est primum punctum, quicquid tum exponi solet antequam fulius denuntietur & declaratur Veritas, locum habet exordij, cui vix aliquid detrahi possit, at verò

P R Æ F A T I O.

addi nonnihil deceat, dum sit aptum, breue, concinnum, qualis esset Psalmi versiculus, sacrum prouerbium, propheta grauis sententia, cohærens denique scripturæ locus, vnde in dicenda sit procliuius & expeditus aditus. Atque hic illud quod breuiter capite quarto commendatur de auditorum attentione & beneuolentia, breuiter etiam expediatur: satis enim se ipsa quæ proponitur veritas, auditori conciliat.

QVÆ porro sequitur ex eodem primo puncto, declaratio veritatis, primam duntaxat propositionem continet exponendam, quæ cum plerumque sit magis vniuersalis quàm sequens, magis etiam docendi munus exercet, & submissum dicendi genus, de quibus multa sunt capita, quorum illud numquam de memoria vel ex oculis effluat, quo dicendi ornatus temperatur, seu temperandus, & ad finem qui est salus animæ tantum vsurpandus, commendatur; quod quidem ita commendatum sibi persuadeat Christianus concionator, vt bonam quæ ab eo exigitur in adimplendo prædicatoris officio fidelitatis partem, hoc vno vel maxime credat consistere. Si nimius enim sit iste ornatus, non spectabit tantummodo finem propositum: si quid autem aliud spectet, vix aut ne vix ipsum intendet finem, quia illò aliò quod sibi simul inordinate proponit, hic finis etiam rectè propositus sit obruetur, vt planè desinat esse rectus. *Nemo potest*, inquit sanctus Chrysostomus, *sinem predicationis assequi nisi popularem auram aspernetur. Et profecto abundans*, ait idem, *illi fuerit laboris solatium, idemque omnium cerè maximum, si sibi ipse conscius esse potuerit ad hanc se rationem, doctrinam eloquentiamque suam composuisse atque adaptasse, vt Deo illa placens acceptaque fiat.* L. 5. de Sac.
eruditio
L. 6.

SEPTIMUM, in secundo puncto quo secunda propositio demonstratur, assurgat quidem paulò altius oratio, sed simul premat strictius auditorem in particulari casu proposito, dilucideque fiat quod habent capita decimum & vndecimum, *qui audit, verum audiat, & quod audit ita intelligat*, vt sibi dictum non dubitet; *appareat quod latebat*, nempe inclusum vlcus, deprauata cupiditas, error oppositus veritati, pauenda inde perniciēs.

Atque illa duo puncta sunt instar narrationis cuiusdam quæ intelligenter edocetur Auditor, suauiterque paratur ad assensum totius Veritatis, quem exigit in Tertio puncto, tertia quæ ex aliis

PRÆFATIO.

infertur Propositio, quæ est ipsa Conclusio seu Veritatis euidentia, quæ apertè prodit ex collecto in vnum breui complexu totius raciocinationis expositæ, quam si placet firmitus confirmare, placeat & quod habet caput vigesimum, vt potenter refellantur quæ contra possent objici: & quod de grandi genere mouendis apto cordibus passim est dictum, hic potissimum adhibeatur, hic illæ obsecrationes & increpationes, concitationes & coercitiones, de quibus vniuersim primis capitibus, & particulatim vigesimo, vigesimoque primo, cum ex Apostolo, tum & sanctis Doctoribus.

Quod vt fiat etiam efficacius, si fortè non in ipso discursu satis intellexisset Auditor se in causa inuolutum seu in proposita veritate, damnisque consequentibus, hic vel apertè intelligat sentiatque prorsus sua multum interesse quod dictum est: agnoscat sibi deesse illud quod suadetur, aut id inesse quod dissuadetur: agnoscat quæ inde sibi vel iam in præsentì vita, vel in morte ac iudicio, coramque Deo verè immineant damna, pericula, detrimenta. Pudeat eum suæ circa hoc dementiæ: paniteat suæ negligentia, suæ culpæ, proponatque seriò relapscentiam. Nihil alioquin aut vix quidquam efficiens: nec quantumuis bonum aut malum sit illud quod proponitur, nisi se Auditor priuatum illo bono vel affectum malo sentiat: aut nisi quid damni ex illa boni priuatione vel mali affectu timeat, nil persuadebis. Quamobrem quod supra dictum est de malis dedocendis, hic etiam atque etiam in primis habe, vt quàm fieri frequentissimè possit, ex multis quæ dicenda occurrent, id feligas potius, quod sit dissuadendum quàm quod persuadendum. Nam vniuersim loquendo, facilius dissuademur à malis, quàm ad bona suadeamur, facilius permouemur ad cauenda damna, quàm ad commoda quædam comparanda. Cum enim in vtrisque sit difficultas, non ita difficultatem perrumpit futuræ commoditatis persuasio, quàm imminentis damni siue periculi dissuasio. Tunc nempe natura minùs resistit gratiæ, quando cedit causa resistendi, quæ resistendi causa cum in timore difficultatis seu pænæ subeunda sit ordinariè posita, timor hic timore grauioris mali quod intentatur facile vincitur. Sic iam audiuit sanctum Augustinum dicentem sibi nihil vnquam dicendo felicius accidisse, quàm cum aliquorum vitium dissuadisset. Sic dum accuratè legeris sanctum Chry-

PRÆFATIO.

Chrysoſtomum , in hoc vno præfertim illum eſſe Chryſoſtomum , & illum eſſe diſces , quem propterea Chriſtianus prædicator imitetur, ſi velit eſſe Chriſtianus prædicator.

Et verò in fine poſt vehementiores motus, adhiberi poſſent le-
nes, quibus emergendi via pateſcat, difficultates explanentur, ſpes
detur & confidentia, ſi tantum hoc aut illud abſtineant vel ſuſti-
neant auditores, quod facillimè, ſi velint, poterūt cum diuina gra-
tia: debet autē velle pro rei de qua dictum eſt grauitate. Sic Amos
ille Prophetæ cuius vehementiam affectus expoſuit octauo capite
S. Auguſtinus , paulò poſt admodum ſuauius : *Ecce dies veniunt,*
dicit Dominus , & comprehendet arator Meſſorem , & calcator vine
mitentem ſemen; & ſtillabunt montes dulcedinem & omnes colles cul-
ti erunt. Et conuertam captiuitatem populi mei Iſraël , &c. Sic alius
poſt multa grauius dicta : *Conuertimini & agite penitentiam , &* Ezech. 8.
non erit vobis in ruinam iniquitas. Et quare moriemini Domus Iſraël,
quia nolo mortem morientis, dicit Dominus Deus, reuertimini & viuite.

Sic ipſe Chriſtus Dominus nullibi vnquam ſuauius quàm ubi
dixit grauius: *Re tibi Corozaim, & tibi Beſſaida! Et tu Capharnaum,* Matth. 11.
numquid uſque in calum exaltaberis? uſque in infernum deſcendes.
Quid his & aliis adiunctis ſimilibus potuit eſſe grauius? At quid
his ſuauius quæ poſt addit, *venite ad me omnes qui laboratis & one-*
rati eſtis , & ego reſciam vos.

Si tamen ad conuerſionem minus fidei viderentur animi , vel
ad pietatem emolliri, ne tunc quidem eſſet neganda ſuauitas, ſed
quæ deploraret potius mala imminetia quàm quæ nulla mala
prædiceret. Talis eſt illa Chriſti Domini comploratio poſt tam
multa coniecta in Iudæos anathemata, quæ leguntur Matthæi vi-
geſimo tertio: *Ieruſalem, Ieruſalem quæ occidis Prophetas & lapidas*
cos qui ad te miſi ſunt , quoties volui congregare filios tuos , quemad-
modum gallina congregat pullos ſuos ſub alas & noluiſti? Ecce relin-
quetur vobis domus veſtra deſerta.

Sic metum inter & ſpem coniecti Auditores ſunt dimittendi,
vt metu à malo , & ſpe ad bonum conuertantur. Atque ita quod
commendat dilectus diſcipulus, *Cooperatores ſimus omnes veritatis.* 3. Ioan.

Hic eſt vnicus finis, & leopus totius huius operis, de cuius par-
titione reſtat aliquid dicere.

PARTITIO TOTIVS OPERIS.

IN quatuor diuiſum partes totum hoc eſſe opus iam ex præ-

PRÆFATIO.

mo limine patuit, quæ quidem distinctæ partes sicut numero rerumque tractandarum proprietate, quatuor anni conueniant tempestatibus, ita & ipso nomine designantur, seruatis iisdem prorsus regulis & statutis quæ ab Ecclesia sunt ordinata.

PARS PRIMA, quæ pars est hyemalis, à prima Dominica Aduentus vsque ad Septuagesimam, tribus his ferme conclusa mensibus, Decembri, Ianuario & Febuario, refert ex vita Christi quicquid ab illo gestum narratur in Euangeliiis, vsque ad sermonem de Beatitudinibus in monte *Habitum*.

Deinde verò Sanctorum dies festos, qui tum incidunt, exhibet; Ac postremo quæ sunt communes diuersis Sanctorum ordinibus Considerationes seu Veritates proponit.

PARS SECVNDA, pars verna, tribus his ordinariis affixa mensibus, Martio, Aprili & Maio, ducit initium à Dominica Septuagesimæ, repræsentatque mysteria patientis Christi, resurgentis, ascendentis in cœlos, & descendentis Spiritus sancti, nec proinde finitur, nisi cum Paschali tempore, Sabbato quod præcedit Dominicam sanctissimæ Trinitatis, quæ est prima post Pentecosten.

Tum Sanctorum festi dies qui ad illam spectant partem, memorantur; Ac communes variis statibus proponuntur Veritates, quas in suo commodiùs indice licet intueri.

PARS TERTIA, pars æstiuæ, tres complexa menses, Iunium, Iulium, Augustum, à Dominica Sanctissimæ Trinitatis ad Decimam quintam post Pentecosten, resumit seriem Euangelicæ narrationis ab illo sermone Domini, quem in monte habuit; & colendos Sanctorum dies illis ascriptos mensibus celebrat; quibus & communes Religioso statui considerationes adjicit.

PARS QVARTA, pars Autumnalis, tribus qui restant definita mensibus, Septembri, Octobri & Nouembri, quidquid etiam superest de Vita Christi Sanctorumque gestis commemorat; & si quæ plura proprio designabuntur indice.

Duplex unicuique parti connexus est index: alter dierum, alter rerum: Tertius verò in fine totius operis additur, qui Veritates eo proponat ordine, quo per tres illas, quas vocant, perfectionis vias, acquiri facilius & aptius vsurpari possint, siue ad proprium, siue ad proximum, cum Diuina gratia, spirituales proiecitur.

SVMMA PRIVILEGII REGIS CHRISTIANISSIMI.

CAutum est auctoritate Regis, ne quis in Regno suo, aliisue locis suæ ditioni subiectis, intra nouem proximos annos, librum qui sic inscribitur, *Veritates Practica*, opus à P. Iuliano Hayneufue Societatis Iesu, compositum absque Richardi Lallemant Illustrissimi Archiepiscopi Rothomagensis & Collegij Societatis Iesu Typographi permissu imprimat, aut diuendat, à die publicationis horum exemplarium. Qui secus fecerit, multa indicta, prout amplius in deplomate Regio continetur, coercebitur. Datum Genabi, die 8. Aprilis 1652. Signatum, LE BRVN.

Hæc prima Editio absoluta fuit 15. Maij 1652. à Laurentio Maurry Typographo Archiepiscopali.

APPROBATIO DOCTORVM.

EGo infra scriptus, ANTONIVS GAVLDE Presbyter, Domus ac Societatis Sorbonicæ Doctor, Ecclesia Rothomagensis Præcentor & Canonicus, nec-non Illustrissimi ac Reuerendissimi in Christo Patris ac Domini D. Francisci Archiepiscopi Rothomagensis, Normaniæ Primatis, in Spiritualibus ac Temporalibus Vicarius Generalis, testor hunc librum qui Authore Patre Iuliano Hayneufue Societatis Iesu Sacerdote, *VERITATES PRACTICAE*, Inscribitur, non modo nihil continere repugnans orthodoxæ fidei, & bonis moribus: sed valde pium esse, & vtilem: atque omnes, quæ in eo continentur, Veritates, verè dignas esse quæ legantur, considerentur, & prædicentur. Datum Rothomagi, in Palatio Archiepiscopali, anno Domini millesimo sexcentesimo quinquagesimo secundo, die verò Martij vndecimâ.

GAVLDE
Vicarius Generalis.

Idem testor.

FRATER CHRISTOPHORVS CASTEL
Doctor Theologus Ordinis FF. Prædicatorum.


FACULTAS SUPERIORVM.

EGo Claudius Delingendes Societatis Iesu in Prouincia Franciæ Præpositus Prouincialis, potestate ad id mihi ab admodum Reuerendo Patre nostro Francisco Piccolomineo Generali Præposito factâ: facultatem concedo, vt opus inscriptum, *VERITATES PRACTICAE, ex vita Domini Iesu, sanctorumque gestis, in singulos anni dies*, à P. Iuliano Hayneufue eiusdem Societatis Iesu Sacerdote compositum, & ab aliquot patribus eiusdem Societatis lectum & approbatum, typis mandetur. In quorum fidem has literas manu nostra subscriptas & sigillo nostro munitas dedimus. Parisiis, sexto Aprilis 1651.

CLAVDIVS DELINGENDES.

EGo Idem Præpositus Prouincialis, Societatis Iesu, iuxta Priuilegium eidem Societati à Regibus Christianissimis Henrico III. 10. Maij 1583. Henrico IV. 20. Decembris 1606. & Ludouico XIII. 14. Februarij 1611. concessum, quo Bibliopolis omnibus prohibetur, ne libros ab hominibus nostræ Societatis compositos, absq; Superiorum eius permissione imprimant, permitto Richardo Lallemant, Illustrissimi Archiepiscopi & Collegij Rothomagensis Typographo, vt opus quod inscribitur, *VERITATES PRACTICAE*, à Patre Iuliano Hayneufue Societatis Iesu Sacerdote compositum, ad decem proximos annos imprimere ac liberè diuendere possit. Datum Rothomagi, decimo Augusti 1651.

CLAVDIVS DELINGENDES.



INDEX VERITATVM

IN SINGVLOS DIES, PRIMÆ PARTIS.

DOMINICA PRIMA ADVENTVS. *Ad*

Euangelium de extremo iudicio.

Nemo Christianus Christi iudicio condemnabitur, nisi
qui prius suo Christū iudicio condemnauerit. pag. 1.
Primus Christi Aduentus mundano tam timendus quàm
secundus.

Tam formidandum Mundo præsepe Christi nascentis,
quàm Tribunal iudicantis. 5.

Nihil in futuro iudicio magis metuendum peccatori,
quàm quòd minùs metuit. 13.

Sicut ad secundum Christi Aduentum renouabitur
mundus, ita modo animus noster æquè est renouan-
dus. 14.

*Hæc hebdomade in considerationem veniunt ea Personæ, quæ pro-
piùs spectant & attingunt Mysterium Incarnationis Christi
Domini.*

FERIA 2. *De Æterno Patre Filium nobis dante.*

Sic Deus dilexit Mundum, vt sic Mundus diligeret
Deum, sicut dilectus est. 17.

FERIA 3. *De Filio seipsum offerente.*

Quam in se attrahit gratiam qui se Deo libens offert,
eamdem sibi detrahit qui quod offert, non reddit.

20.

FERIA 4. *De Spiritu sancto, quantum ad opera-*

u ij

tionem Mysterij Incarnationis.

Nulla in re frequentius Spiritui sancto resistitur, quàm
quòd infrequentius de Christo cogitatur. 24.

*FERIA 5. De desiderio Sanctorum Patrum circa
Aduentum Domini.*

Vix ullus est qui non se vere putet desiderare Christum,
& vix ullus est qui Eum verè desideret. 27.

*FERIA 6. De Sanctissima Virgine Maria Matre
D. N. Iesu Christi.*

Sicut omnis à Maria respectus, impossibile est vt pereat:
ita omnis ab ea despectus, necesse est vt intereat. 32.

*SABBATO. De S. Iosepho, Sponso Virginis Ma-
tris. Ad illud Gen. 41. Ite ad Ioseph.*

Melius itur ad Sanctum Ioseph, imitatione virtutis
eius quàm laude. 33.

*DOMINICA 2. ADVENTVS. Ad Euan-
gelium de S. Ioanne Baptista laudato à Christo
Domino, quòd esset propheta & plusquam pro-
pheta.*

Hoc est verè laudabile, laudari ab officio.

Ad hac Verba, Ioannes in vinculis.

Liberior & beatior est Ioannes in vinculis quàm Hero-
des in epulis.

Multi cum Herode Ioannem in vinculis tenent.

Beatus qui non fuerit scandalizatus in me.

Sicut scandalizans, ita peccat scandalizatus.

*Hac hebdomade consideratur Annuntiatio Angelica, vbi sex gra-
dus humilitatis annotantur.*

FERIA 2. De primo gradu humilitatis, qui ex his

verbis ducitur : MISSVS EST GABRIEL ANGELVS A DEO.

Nulla re homo quantumuis gloriosa, gloriari potest. 50.

FERIA 3. De secundo humilitatis gradu, ad hæc Angeli verba : AVE GRATIA PLENA DOMINVS TECVM.

Nulla res est in humanis verè gloriosa. 53.

FERIA 4. De tertio humilitatis gradu, qui apparet in turbata Virgine ad laudes suas.

Ad laudes nostras, tremere potius conuenit, quàm exultare. 56.

FERIA 5. De quarto humilitatis gradu, considerando in his Mariæ ad Angelum verbis. QVOMODO

FIET ISTVD, QVONIAM VIRVM NON COGNOSCO.

Humilitas ita pugnat cum honoribus, vt non repugnet obedientiæ. 59.

FERIA 6. De quinto humilitatis gradu, qui est maximè proprius Beatissimæ Virgini dicenti se ancillam Domini.

Quò quis est maior, cò & humilior. 62.

SABBATO. De sexto humilitatis gradu in Verbo Incarnato.

Se anteponit Christo, qui se omnibus non postponit. 65.

DOMINICA 3. ADVENTVS. Testimonium S. Ioannis Baptiste de Christo Domino.

Quàm benè de Christo humilis, tam malè meretur arrogans. 69.

Ad hac Euangelij verba. TV QVIS ES?

Tres hominum status ad perfectionem tendentium, his tribus verbis, TV QVIS ES: eò valde promouentur. 72.

Ego vox clamantis in deserto.

Vox clamantis in deserto post peccatum, peccati conscientia peccatori audienda. 75.

Hac hebdomade consideratur Verbum Incarnatum residens in utero Virginis Matris. Varij eius status sub numero septenario sigillatim in dies recensentur. Vnde Veritates Practicæ ad Amoris Diuini gradus & effectus pernoscehdos eruuntur.

FERIA 2. Septem præcipui tituli quibus Christus Dominus dignosci potest.

Affectu potius quàm studio Christus cognoscitur. 79.

FERIA 3. Septem singulares perfectiones verbi Incarnati residentis in utero Virginis Matris, quæ singularem à nobis dilectionem exigunt.

Aurum ignitum est amor Christi, in quo non tam ardor quàm puritas quæritur. 82.

FERIA 4. Septem donorum Spiritus sancti plenitudo in Verbo Incarnato.

Si spiritu viuimus, spiritu & ambulemus. 86.

FERIA 5. Septem ordinariæ infirmitates infantium, quas in utero pati voluit verbum Incarnatum.

Non viuatur in amore Christi, sine dolore. 90.

FERIA 6. Septem virtutes quas Christus Dominus in utero Virginis Matris exercuit.

Nunquam est Dei amor otiosus. 94.

SABBATO. Septem virtutes præcipue in cultum & amorem verbi Incarnati exhibenda.

Amor non nisi amore compensatur.

97.

DOMINICA 4. ADVENTVS, & tota seq.

hebdomada: De preparatione ad gratias Nascentis Christi Domini recipiendas: Iuxta illud Evangelij, PARATE VIAM DOMINI. Ista preparatio fit per virtutes & veritates oppositas septem capitalibus vitiis. Ac primum hodie de Temperantia que opponitur vitio gula, seu vita laxiori, & que satis evidenter apparet in S. Ioanne Baptista commorante in deserto & penitentiam predicante.

Sibi, non Domino viuit, qui temperatè non viuit. 102.

Licet omni peccatori sit necessariò pœnitendum: vix tamen vllus est, qui necessariam agat pœnitentiam. 105.

Erunt praua in directa & aspera in vias planas.

Sic facta sunt aspera in vias planas, vt tam iucundè per aspera, quàm per plana viuamus. 109.

Maius est Christi beneficium, amaritudines nobis reliquisse amabiles, quàm nullas nobis reliquisse. 111.

Aut non amatur Christus, aut amatur asperitas. 112.

Cui nimis adhuc durum videtur pati pro Christo, nimis etiam durum videtur amare Christum. ibid.

In propria venit, & sui eum non receperunt.

Non minus modo quàm olim Christus in propria venit, nec sui magis eum recipiunt. 114.

FERIA 2. *De diligentia seu deuotione que est opposita vitio Acedia, & que apparet in B. Virgine, abeunte in montana cum festinatione.*

Quicquid offerendum Deo sciet vera Deuotio, differre nesciet. 119.

FERIA 3. De Charitate quæ est opposita vitio invidia: Et quæ apparet in B. Virgine salutante cognatam suam Elisabeth.

Charitas alienis bonis gaudet vt propriis.

FERIA 4. De humilitate quæ est opposita superbiæ: Et quæ apparet in his S. Mariae verbis: MAGNIFICAT ANIMA MEA DOMINUM.

Quantò se humilis minorem facit, tantò magis magnificat Deum.

FERIA 5. De Virtute quæ est opposita vitio Avaritiæ. Ad hæc Virginis Matris verba, ESURIENTES IMPLEVIT BONIS, ET DIVITES DIMISIT INANES.

Omnis copia quæ Deus non est, egestas censenda est.

129.

FERIA 6. De Castitatis custodia, exemplo sanctissimæ Virginis, quæ ante partum Elisabeth reuersa est in domum suam.

Securior est castitatis victoria fugiendo, quàm pugnando.

132.

SABBATO. Et in vigilia Natiuitatis. De Mansuetudine quæ est ira opposita, Et quæ in sancto Iosepho clarè elucet.

Mansuetudo parat hospitium Christo venturo.

136.

In nocte Natiuitatis Domini. ET RECLINAVIT EUM IN PRÆSEPIO, QUIA NON ERAT EI LOCUS IN DIVERSORIO.

Aut Christus fallitur, aut mundus errat.

140.

In die Natalis Domini. MAGNIFICATUS EST REX PACIFICVS

*PACIFICVS SUPER OMNES REGES VNIVERSAE
TERRAE.*

Christus in praesepe, & Christianus in humilitate, magis
magnificatus est quàm Salomon in throno suo. 144.

*In Festo S. Stephani. STEPHANVS PLENVS GRATIA
ET FORTITVDINE, &c.*

Iniuriam infert gratiae maximam, qui pro ferenda iniu-
ria non certat fortiter. 149.

*In Festo S. Ioannis Apostoli & Euangelista. DISCI-
PVLVS QVEM DILIGEBAT IESVS.*

Qui diligit cordis munditiam, habebit amicum Regem.
Prou. 22. 153.

*In Festo SS. Innocentium. HERODES IRATVS OCCI-
DIT OMNES PVEROS QVI ERANT IN BETHLEEM.*

Inimici nostri magis prodesse possunt odio, quàm pro-
fuissent obsequio. 157.

*DOMINICA INFRA OCTAVAM NA-
TIVITATIS. Ecce positus est hic in ruinam
& in Resurrectionem multorum in Israël.*

Vel nouus homo Christus, veteris nostri hominis est
ruina: vel vetus noster homo ruina est nascentis ho-
minis. Alteruter alterius est ruina. 160.

Triduo sequenti de Pastoribus.

*DIE 29. DECEMBRIS. De celeri pastorum profectio-
ne ad praesepe Domini.*

Sicut discursum nostri intellectus statim sequi debet
affectus voluntatis; ita & affectum effectus seu exe-
quutio. 162.

*DIE 31. DECEMBRIS. De reditu pastorum & relatione
eorum quæ audierunt & viderunt.*

Ne quid nimis, aut quid minus cum proximo. 170.

*DIE 1. IANUARIJ, ET ANNI. In Circumcisione
Domini. De nomine Jesu, & de pura intentione
renouanda.*

De pretio Nominis Iesu, tantò plus circumciditur &
nobis deperit; quantò minùs perfectè nos circumci-
dimus.

Discedat ab iniquitate omnis qui nominat nomen Do-
mini. 2. Tim. 2. 179.

Quanta est modò nobis obligatio ad non suscipiendam
circumcisionem legalem, tanta est ad suscipiendam
spiritualem. 182.

*Triuo sequenti. De tribus pure intentionis conditionibus, quæ ex
effectis antiquæ circumcisionis eruuntur.*

*DIE 2. IANUARIJ. Quæ est Octaua S. Stephani, de
prima conditione pure intentionis ut sit pura à
peccato.*

Non sunt facienda mala ut eueniant bona. 184.

*DIE 3. JANUARIJ. Quæ est Octaua S. Joānis Euang.
De secunda conditione pure intentionis, ut stu-
dium continuum reprimendæ concupiscentiæ com-
prehendat.*

Totius difficultatis de pura intentione solutio, studium
est continuum reprimendæ concupiscentiæ. 189.

*DIE 4. IANUARIJ. Quæ est Octaua SS. Innocentiū.
De tertia conditione pure intentionis, ut sit uni-*

uersim in omnibus.

Aut nullam vitæ partem, aut totam Deo debes. 194.

DIE 5. IANVARI. Quæ est Vigilia Epiphania. De stella tribus magis apparente.

Dum lucet, ambulandum; ne tenebræ fiant. 197.

DIE 6. IANVARI. In Epiphania Domini. De Christo Rege à Magis adorato cum oblatis muneribus.

Non nisi tribus oblati concupiscentiis Rex Christus re agnoscitur. 201.

Non à magno Regno Rex magnus, Christus ita est prædicandus, quàm à magno Rege, magnum eius Regnum. 206.

Quocumque die sequentium occurrat Dominica prima post Epiphaniam, habetur infra, die 12. propria eius meditatio.

DIE 7. IANVARI. De reditu Magorum in patriam suam, per aliam viam.

Non aliud, sed aliter. 212.

DIE 8. IANVARI. De præsentatione pueri Iesu in templo, & Purificatione Virginis Matris.

Non quid liceat, sed quid magis expediat. 215.

DIE 9. IANVARI. De occurſu Simeonis in templo, & de iis quæ ventura Christo ac Virgini Matri prædixit.

In pace amaritudo, & pax in amaritudine. 220.

DIE 10. IANVARI. De fuga sancti Ioseph in Ægyptum.

Non cōtristabit iustū quicquid ei acciderit. *Prou. 12. 223.*

DIE II. IANVARI. De reditu ab Ægypto in Nazareth.

Meliore rerum statu non magis gaudet iustus, quàm deteriore doluit.

227.

DIE 12. IANVARI. De Triduana commoratione pueri Iesu duodennis in templo.

Sensitiuæ deuotionis subtractio, veræ & solidæ deuotionis est probatio.

231.

Nemo iam Christum amittit, nisi qui dimittit.

Nemo tibi Christum auferre potest, nisi te illi auferas.

234.

EODEM DIE, De mansione Nazarethana & subiectione D. Iesu, usque ad annum trigesimum.

Nisi te subdas Deo, Deum tibi subdis.

235.

DIE 13. IANVARI. Quæ est Octaua Epiphaniæ. De Baptismo Christi D.

Exemplo suo Christus nos magis vrget quàm Imperio.

238.

Quocumque deinceps die occurrat Dominica 2. post Epiphaniam, illi standum, prætermisiss aliis antecedentibus Feriis.

DIE 14. IANVARI. De solitudine Christi D. per quadraginta dies in deserto.

Nemo securè apparet, nisi qui libenter latet.

Nemo securè loquitur, nisi qui libenter tacet.

242.

DIE 15. IANVARI. De tentationibus Domini.

Nemo periculosè magis tentatur, quàm qui se non putat tentatum.

247.

DIE 16. IANVARI. Ad hæc S. Ioannis de Christo D. ECCE AGNVS DEI, &c.

Iniuriosum est Christo, Agno Dei, si nulli quidem velis inferre iniuriam, nolis tamen illatam ferre. 251.

DIE 17. IANUARI. *Ad hac primorum Christi D.*

Discipulorū verba, MAGISTER VBI HABITAS?

Qui dicit se in ipso manere, debet sicut ille ambulauit, & ipse ambulare. 256.

DIE 18. IANUARI. *De Christo Domino communicato, seu de conuocatis aliis ad ipsū Discipulis.*

Nemo magis sibi Christum seruat, quàm qui minus sibi soli seruat.

Nemo minus sibi Christum seruat, quàm qui magis sibi soli seruat. 260.

DIE 19. IANUARI. *Ad hac Christi D. de Nathanaële verba, ECCE VERE ISRAELITA, IN QVO DOLVS NON EST?*

Veras virtutes magis times quàm amas. 265.

DOMINICA 2. POST EPIPHANIAM,

De aqua in vinum mutata, à Christo D. ad nuptias inuitato.

Si vis quod non habes, da quod habes. 269.

Sicut in tristibus, sic in latis; sicut in aduersis, ita in prosperis, aduocandus est Iesus. 274.

Non est magis fidendum humano gaudio quàm homini mentienti. 275.

Hac hebdomade quæ diuersa occurrunt ex Euangelica serie consideranda, eò præcipuè tendunt, ut affectus humanos ratione & gratia discamus regere.

FERIA 2. *De prima Christi D. predicatione, in Ciuitate Nazareth habita, & à ciuibus malè accepta.*

Si ad humanam gratiam diuina postulas, diuinam ipsam repellis gratiam. 277.

FERIA 3. De altera vocatione Apostolorum.

Magis tenemur omnes affectu nostra relinquere, quàm effectu Apostoli. 280.

FERIA 4. De damone immundo eiecto ab homine.

Non tam à dæmone quantumuis immundo, immunda fit anima, quàm à seipsa. 285.

FERIA 5. De socru petri febricitante & sanata à Christo D.

Febris animi, animo longè periculosior, quàm febris corporis, corpori. 288.

FERIA 6. De predicationibus Domini vniuersim consideratis.

Si quid nos reuocat à Doctrina Christi, vel ob id maxime recipienda est. 291.

SABBATO. De his Petri verbis ad Dominum: PRÆCEPTOR PER TOTAM NOCTEM LABORANTES NIHIL CEPIMVS.

Nisi diligenter aduertas, stulto labore consumeris. 295.

DOMINICA 3. POST EPIPHANIAM.

De leproso mundato.

Non dixeris, per Deum adest. Ecclesi. 15. 301.

Pleræque aliæ veritates ad idem Euangelium referuntur. 305.

Hac hebdomade iuxta verbum Domini ad leprosum, UADE, OSTENDE TE SACERDOTI, &c. sex referuntur, de quibus conueniendus est unicuique sacerdos vel director.

FERIA 2. De adeundo sacerdote seu direttore pro

sana & recta conscientia in dubiis sibi formanda.
Multorum est conscientia cauteriata & peruersa, nisi se
sinant dirigi. 307.

*FERIA 3. De recursu ad sacerdotem pro rite obeun-
da confessione.*

Quod magis confert ad faciendam confessionem, mi-
nus efficitur, nisi cum sacerdote prius conferatur.

312.

*FERIA 4. De necessitate recurrendi ad Sacerdotes
pro remediis spiritualibus.*

Ne dicas, sufficiens mihi sum. *Ecclesi. II.* 316.

*FERIA 5. De consulendo Sacerdote pro bonis operi-
bus faciendis.*

Grande malum propria voluntas, quæ se in bono benè
faciendo non finit dirigi. 319.

*FERIA 6. De sinceritate qua requiri debet Sacerdos
ad participanda eius sacrificia, siue ad quiduis
aliud cum ipso communicandum.*

Væ duplici corde. *Ecclesi. 2.* 324.

*SABBATO. De conueniendo sacerdote pro debito vsu
sacre communionis.*

Suam ille vestem nuptialem recusat inducere, qui recu-
sat instrui de debito Sacramenti vsu. 329.

DOMINICA 4. POST EPIPHANIAM.

De sedata maris tempestate, imperio Christi.

Non quia mala sunt, perturbamur in aduersis: sed quia
perturbamur, aduersa mala sunt. 334.

Domine salua nos, perimus.

Peregrinantis in corpore animæ maius est periculum,
quàm periclitantis in naui corporis. 339.

Designantur & alia quædam opportuna huic Euange-
lio. 343.

*Hæc hebdomade, in historia paralytici sanati apud Capharnaum
consideratur progressus quidam vitæ spiritualis per tres perfe-
ctionis acquirenda vias.*

*FERIA 2. De paralytico summisso per tegulas in con-
spectum Domini; & de primo vitæ purgatiue gra-
du, quo impedimenta perfectionis quantocyns
perfringuntur.*

Quo longius differes, difficultatem longiùs tolles. 344.

*FERIA 3. De remissis paralytico peccatis: & de ra-
tionabili sollicitudine circa nostrorū remissionem.*

Sicut non est habenda sollicitudo anxia & scrupulosa de
peccatis remissis, ita rationabilis non est deponenda.

348.

*FERIA 4. De cogitationibus phariseorum detectis à
Christo D. & de nostris ad virtutem perfectè diri-
gendis.*

Nisi, quod monet Sapiens, omni custodia serues cor
tuum, non omnino seruas. 354.

*FERIA 5. De integra sanitate paralytici portantis
lectum à quo portabatur: & de nostro progressu
spirituali qui in eo figuratur.*

Tantum proficies, quantum à te deficies. 357.

*FERIA 6. De perfecta paralytici obedientia: & de
ea quæ dicitur obedientia charitatis, quæ perfe-
ctam*

Etiam cum Deo facit unionem.

Est quidem certum in charitate unionem esse perfectionis ; sed non est certò dicenda hæc Charitas neque hæc unio, nisi in obediētia quæ dicitur Charitatis. 364.

SABBATO. De magnificato post miraculum, ab omnibus, Deo : Et a nobis semper magnificando in omnibus.

Si non semper, nunquam magnificas Deum. 369.

DOMINICA 5. POST EPIPHANIAM.

De zizaniis in medio tritici seminatis, quæ Christus ipse Dominus declarauit esse malos hic viuentes inter bonos.

Sicut non sunt amanda vitia propter amicos homines : sic non sunt odio habendi homines propter eorum vitia. 363.

Multæ aliæ veritates ad idem spectantes Euangelium indicantur. 375.

Hac hebdomade occurrit consideranda vocatio S. Mathæi Apostoli, unde eruntur sex veritates, quæ spectant ad singularem vniuscuiusque vocationis statum, ut in eo sue salutis & perfectioni commodè vacet.

FERIA 2. De S. Mathæi nostraque vocatione, in qua est salutis nostræ summa.

Salutis animæ nulla est certior certitudo, quàm in certo vocationis gradu attingendo. 379.

FERIA 3. De gratitudine animi pro beneficio vocationis.

Gratitudo animi nulla formari potest digna beneficio vocationis, nisi se animus dignè cōformet vocationi. 386.

FERIA 4. De perfecta mortificatione secundum propriam cuiusque vocationem.

Non est minus perfectæ mortificationis, bene vti rebus, quàm omnino non vti. 391.

FERIA 5. De bono sensuum seu sensualium usu, ex propria cuiusque vocatione.

Si quid interdum sensibus licitè indulgetur; non ut sensualiale est, sed ut est licitum, accipiendum est. 395.

FERIA 6. De preparatione animi ad qualibet aduersa, in vocatione, ferenda.

Nisi probè paratus sis ad aduersa, nec ad ipsa prospera benè paratus es. 400.

SABBATO. De puritate & excellentia Christiana religionis in quocumque viuendi statu.

Sicut à veteri lege, sic à veteri homine, unicuique Christiano est abstinendum. 404.

DOMINICA 6. POST EPIPHANIAM.

Parabolæ grani sinapis & fermenti, quibus veritates Euangelicæ designantur.

Quò tibi veritates Euangelicæ minùs dignæ apparent, quæ considerentur; hoc ipso magis sunt considerandæ. 411.

Huic affines & Euangelio conformes aliæ producuntur veritates. 416.

Hac hebdomade Mystéria quæ occurrunt consideranda continent sex Christi D. titulos seu qualitates consideratione dignissimas.

FERIA 2. De primo Domini in templum ingressu, unde eiicit vendentes, & ubi se ostendit summum Dominum.

Quantò minùs murmuramus, aut omnino tacemus flagellati à Domino, tantò altiùs altissimum eius Dominium prædicamus.

418.

FERIA 3. De Colloquio Nicodemi cum Domino Iesu, qui se tum verè Magistrum exhibuit.

Qui non renuntiat omnibus, non potest esse Christi discipulus.

422.

FERIA 4. De accusatis à Phariseis Apostolis, quos Christus Dominus, ut supremus Iudex absoluit, & accusantes condemnat.

Qui nimis humana timet iudicia, non satis reueretur diuina.

427.

FERIA 5. De sanitate restituta omnibus ad Christum accedentibus, qui se Medicum animarum aquè ac corporum fecit.

Frustra multiplicas medicamina, sanitas non erit tibi: quod grauius in te est malum, hoc minus vis sanari.

431.

FERIA 6. De productò ab Euangelista, Prophetæ testimonio, in quo Dominus, electus Dei seruus declaratur.

In paruis, maior est serui Dei fidelitas.

436.

SABBATO. Ad hac S. Ioannis Baptiste verba, de Christo D. QUI HABET sponsam, sponsus est.

Hæc sponsæ fides est, ut sicut neminem præter sponsum velit diligere, ita velit à nullo diligi.

440.

DIE 30. NOVEMBRIS. In Festo S. Andreæ Apostoli, ad hac eius verba. O BONA CRUX.

ē ē ij

CruX non esset bona, nisi bonum esset cruciari. 447.

DIE 2. DECEMBRIS. De S. Francisco Xauiro Societatis Iesu, Indiarum Apostolo, ad hac eius verba, cum ageretur de bonis sensibilibus abstinendis: SATIS EST DOMINE, SATIS EST. Et cum de malis sustinendis. AMPLIVS, AMPLIVS.

Hæc sunt Apostolatûs & perfectioris vitæ duo signa certiora, velle abstinere libenter ab omnibus bonis, & omnia mala sustinere. 452.

DIE 6. DECEMBRIS. In Festo S. Nicolai Episcopi & Confessoris. DOMINE QVINQVE TALENTA TRADIDISTI MIHI, &c.

Nunquam melius sibi prouidet fidelis Dei seruus, quàm si nihil sibi retinens, totum se Domino, suaque omnia consecret. 462.

DIE 8. DECEMBRIS. In Festo Conceptionis B. Maria Virginis.

Conceptio sine macula, non potest verè coli cum macula. Vel sic,

Præuaricatore[m] esse oportet qui Conceptionem sine macula, colat cum macula. 465.

N^{on} intrabit in eam aliquod co[n]quĩnatum. Apoc. 21. 470.

Aut puritatem Beatissimæ Virginis neget impurus, aut concedat se abnegatum à tam pura Virgine. 471.

Nemo amans impuritatis amat Beatam Virgine[m]. 474.

Quam in se amat Beata Virgo puritatem, in nobis amat; & quam in se odit impuritatem, in nobis odit. 475.

Sicut Lilium inter spinas, &c.

Quod sis tanquam spina natus, potest quidem Beata

Virgo compati ; sed quòd modò tanquam spina viuas
inter lilia, non potest pati. 476.

Venite filij, audite me, timorem Domini docebo vos. Psal. 33.

Quem docet Virgo timorem Domini tantò meliùs con-
cipitur, quantò meliùs edocetur Immaculata eius
Conceptio. 477.

Nondum erant abyssi, & ego iam concepta eram. Prou. 8.

Periculum in mora : *Qua* quis videlicet moratur colere
Beatam Virginem. 484.

DIE 21. DECEMBRIS. In Festo S. Thoma Apostoli ;

AFFER manũ tuam & mitte in latus meum, &c.

Ex vulnere remedium.

Proponuntur complures aliæ veritates. 493.

*DIE 25. IANUARII. In Festo Conuersionis S. Pauli
Apostoli ; DOMINE quid me vis facere ?*

Sicut frequenter dicendum cum Dauide, Dixi nunc cœ-
pi ; sic simul cum Apostolo, Domine quid me vis fa-
cere? 495.

*DIE 2. FEBRUARII. In Festo Purificationis B. Ma-
rie Virginis. Nihil excusauit cum multa potuisset
que Virgo erat & Mater : ac proinde contra excu-
sationes exemplum est luculentissimum. Triplex
autem earum est genus : Primum à dignitate vel
conditione persone petitur. Contrà verò*

Indignum sua dignitate se ipse profert, qui dignitatem
suam legi præfert. 502.

Secundò contra excusantes aliquid difficilius

Qui à lege excludit aliquid, excludit à se totam legē. 503.

Tertiò contra eos qui culpam referunt temporì.

Qui culpam refert temporis, pœnæ tempus nō aufert. 505.

De purificandis affectibus.

Qui se hodie non purificat, se magis inquinat. ibid.

Hæc est magis aut minus puræ mentis nota certior, velle
magis aut minus purificari. 509.

Tuam ipsius animam pertransibit gladius. Luc. 2.

Doloris gladium animæ Virginis acerbiores infert vita
peccatoris, quàm mors filij.

*Communes omnibus sanctis Veritates, præterquam Apostolis &
Euangelistis, quorum sunt singulares propriæ.*

De sanctis Martyribus.

Sicut martyrio vita naturalis, sic mortificatione vita sen-
sualis; Id est, sicut ne pereat fides, perdenda est marty-
rio vita naturalis: sic ne pereat fidelitas, perdenda est
mortificatione vita sensualis. 513.

*De sanctis Confessoribus Pontificibus. NON EST IN-
VENTVS SIMILIS ILLI QUI CONSERVARET LE-
GEM EXCELSI.*

Et communia singulariter, & singularia communiter.
508:

De sanctis Doëtoribus.

Sic cauendum ne scientia præferatur Virtuti, vt tamen
scientia non negligatur. 522.

*De sanctis Confessoribus non Pontificibus. SINT LV-
CERNÆ ARDENTES IN MANIBVS VESTRIS.*

Quantum cuique est vigilantia, tantum virtutis & me-
riti. 527.

De sanctis Fundatoribus Religiosi Ordinis.

Virtutem Patris Nostri gratia non tam sermonibus ex-

primenda, quàm operibus comprobanda. 531.
*De sanctis Virginibus. PRVDENTES acceperunt oleum
in vasis suis cum lampadibus.*

Virgo sponsa Christi, aut est vigilans ad integram perfe-
ctionem, aut non est prudens. 535.

*De sanctis non Virginibus. MVLIEREM fortem quis
inueniet?*

Qua ratione difficile est Mulierem fortem inuenire, eâ-
dem facile est inuentam prædicare. 539.

In Dedicatione Ecclesia.

In loco sacro non pauere, pauendum est. 543.

Ad sacrum locum sicut ad Sacramentum. Iuxta illud
Ecclesiastici officij: *Locus iste à Deo factus est, inestima-
bile Sacramentum, irreprehensibilis est.* 554.



ERRATA PRIMÆ PARTIS.

Pagina.	Linea.	Erratum.	Correctio.
22	18	verum, est	verum est
32	7	priuatus	priuatur
40	33	administratio	administrato
42	21	qua	quæ
47	22	causa sui peccati	sui & aliorum peccati
75	16	quadam	quædam
96	20	verè	benè
130	1	abundantiores.	abundantiores
141	28	Sermone 7	Sermone 3
	37	Elem 4.	Elem 4.
157	19	varia	vana
160	13	sequens inciderit.	sequens, inciderit
164	10	effectum	affectum.
	17	festiuus	festinus
187	6	bonitate	bonitati
195	31	monemur	mouemur
205	14	interpretatione	interpretationem
216	17	tunc	tum
229	19	& fides	& Fides
	20	rudix	radix
232	30	que	quæ
244	27	periculus	periculis
268	26	condemnante: te	condemnante te
320	24	Serm 7. 5	Serm 71
329	19	afferre iam	afferre illam
334	8	perturbamur, in	perturbamur in
336	13	calum: ascendis	calum ascendis;
	15	coinquinetis	coinquinatis
	36	aduersitatis, usus	aduersitatis usus;
343	14	pugatiua	purgatiua
379	2	certior salutis	certior certitudo
	30	vocantes	vocantem
392	31	constitutum	constitutum.
455	16	missus, fueras	missus fuerat,
487	2	pedetentium	pederentim
	9	offendæ	offendas
488	8	perfinitur	perficitur
491	15	quàm nos	quam
502	5	dignitate	dignitatem.
510	2	puritatis, affectu	puritatis affectu;
550	4	Encœmiorum	Encœniorum
553	17	certæ	certè.
584	34	procurandum.	procurandam.

DOMINICA



DOMINICA PRIMA ADVENTVS.

DE EXTREMO IVDICIO.

*Tunc videbunt Filium hominis venientem in nube,
cum potestate magna, & maiestate. Luc. 21.*

VERITAS PRACTICA.

Nemo Christianus Christi iudicio condemnabitur, nisi
qui prius suo Christum iudicio condemnauerit.

*RATIO EST, Quia nemo Christianus condemnabitur, nisi
qui prius Euangelicas Veritates neglexerit.*

*Sed negligere Veritates Euangelicas, hoc est Christum iudicare
& condemnare.*

*Ergo nemo Christianus Christi iudicio condemnabitur, nisi qui prius
suo Christum iudicio condemnarit. Quod certe est vel ad terro-
rem iudicij concitandum, vel ad cultum Christianæ Virtutis
persuadendum, non parum efficax.*

PUNCTVM.



*QVÆ duo plurimum valent ad commouendos ani-
mos, Amor & Timor, hodierna die, quæ prima est
anni Ecclesiastici, proponuntur ab Ecclesia cunctis
fidelibus. Amor in primo Christi aduentu quem
celebra reincipit: Timor in secundo, quem commemorat, dum*

- Ps. 33. exhibet Euangelium venturi ad Iudicium Domini. *Venite filij, audite me, timorem Domini docebo vos.* En pater futuri sæculi, princeps pacis, Christus vester quem filij diligatis. En idem Dominus & Iudex vester quem serui timeatis, ne vobis aliquando id exprobet: *Filius honorat patrem, & seruus Dominum suum, si ergo Pater ego sum, ubi est honor meus? & si Dominus ego sum, ubi est timor meus?*
- Is. 9.
- Mal. 1.

Et quidem tria hæc separatim possent expendi, meditando fufius, quanta in Patre vel Fratre bonitas! quanta in Domino & Iudice Iustitia! quanta in nobis duritia qui nec Bonitate nec Iustitia, qui nec amore nec timore moueamur! sed forte efficacius cum diuina gratia simul considerata valebunt, prout simul iuncta continentur Veritate Practica quæ idcirco attentius consideranda proponitur. Quale enim illud est, si ita est, quàm stupendum & ad omnem animorum inflexionem potens, si verum est, *Quod nemo Christianus Christi iudicio sit condemnandus, nisi qui prius suo Christum iudicio condemnarit!* Itane Christianus Christum iudicet? Itane Christus iudicium hoc patiat? Itane impius non timeat Iudicem suum à se iudicatum & condemnatum!

Quàm porro ita sit, hæc suadet Ratio; Nemo præsertim ex Christianis, iudicio Christi damnandus est, nisi qui veritates Euangelicas neglexerit vel audire, vel credere, vel seruare. Licet enim vnum lethale peccatum sufficiat, in quo quis mortuus condemnatur: possit autem Christianus in eo peccato mori quo nihil tale neglexerit: tamen ordinariè loquendo, vix vllus moritur non confessus: & vix vllus moritur in peccato qui rite confessus sit. Quamobrem oportet eum qui in peccato morietur, & iudicio Christi damnabitur, vel non confessum esse, vel non rite confessum. Quid est autem quod Christianum magis impediatur à recta Confessione, quàm inordinatus affectus ad peccatum, seu ad rem amatam cui peccatum annectitur, quod non deponit in Confessione, & quo non deposito nulla est Contritio, nulla Confessio? Vndenam verò ille inordinatus affectus, nisi ex neglecta veritate Christiana & Euangelica, quæ hunc deprauatum affectum iubeat deponi aut temperari? *Non enim vllum peccatum,* inquit sanctus Augustinus, *committi potest, nisi dum appetuntur ea quæ Christus contempsit, aut fugiuntur ea quæ ille sustinuit.* Quæ si vera fuit de ipso actu quo primo peccatum committitur, quanto ve-

riora de ipso habitu seu habituali affectu, quo fit ut peccator peccatum confitendo non deponat! Talis enim habitus & affectus longe magis indicat oppositum Christo appetitum; Vnde hoc tandem sequitur quod proponebat Ratio, Neminem Christianum iudicio Christi condemnandum nisi qui prius veritates Euangelicas neglexerit; vel non iis credendo, vel non se illis conformando, *Despexistis, inquit, omne consilium meum, & inre-* Prov. 7.
pationes meas neglexistis. Ego quoque in interitu vestro ridebo & sub-
sannabo. O formidandum rilum.

II. PUNCTVM.

SED negligere veritates Euangelicas, hoc est Christum iudicare & condemnare. Cum enim illae veritates sint à Christo Domino, qui vnumquemque Christianum his imbutum & conformem in vita & moribus esse voluit, protectio non possunt à quoquam negligi, quin simul iudicentur vel inutiles, vel indecorae, vel incommodae, vel nimis difficiles, aut nisi denique aliquam prætendat causam cur illas negligat; nullam vero talem causam potest prætereendere quin ipsum Christum iudicet. Nam vel causam illam putabit legitimam, vel nullam & simulatam: si legitimam putat habere causam cur negligat quod commendat Christus, certe hoc ipso iudicat Christum sine causa illud commendasse. Nam si causa est & ratio cur illud commendet Christus, non est causa cur negligatur; aut si quid est quod rationabiliter negligatur, non est quod legitime commendetur; *Non est Ratio apud Inferos,* Eccl. 9.
 inquit sapiens, quasi diceret, non est ratio qua se damnati possint contra Deum defendere; alioquin sine ratione & immerito fuissent condemnati, quod est blasphemum cogitare. Vnde & idem sapiens, *Non est sapientia, non est prudentia, non est consilium contra* Prov. 21.
Dominum.

Quod si nullam quidem esse causam affirmet, cur Euangelicam Christi Doctrinam respuat, sed mere gratis & libere, qua libertate se inordinato affectui mancipat, nonne & Christum iudicat minus dignum cuius dicis se conformet, quam mundum aut appetitum oppositum, cui mauult adhaerere? Nonne & Christum condemnat quasi aduersarium suae libidini, & tali condemnat iudicio, quali suam probat libidinem? Licet enim iudi-

cio, quod vocant speculatio, nihil tale de Christo cogitet, Iudicium tamen est practicum, id est, in praxi & re ipsa se ita gerit ac si iudicaret & damneret Christum. Sic factis & vita sua loquuntur qui vitam degunt à Christo alienam; *Contrarius est, inquit, operibus nostris, & impropere nobis peccata legis: factus est nobis in translationem cogitationum nostrarum: gravis est nobis etiam ad videndum, quoniam dissimilis est aliis vita illius.* Vnde & ipse Dominus; *Me mundus odit, quia ego testimonium perhibeo de illo quod opera eius mala sunt.* Quem verò quis odit ut aduersarium, nonne hunc iudicat & condemnat? O verè damnanda mundi opera, quæ veritatem condemnant!

III. PUNCTVM.

NEMO igitur Christianus Christi iudicio condemnabitur, nisi qui prius suo Christum iudicio condemnauerit. Quia nemo condemnabitur nisi qui contra Euangelicas veritates peccauerit, in quibus obseruatis sicut Christus probatur & colitur, ira his neglectis iudicatur & condemnatur, tanquam oppositus & aduersarius concupiscentiæ quam illæ impugnant & reprimunt Veritates. *Esto, inquit, ipse Christus, esto consentiens aduersario tuo citò dum es in via cum eo: ne forte tradat te aduersarius iudici.* Quis est ille aduersarius nisi sermo Domini, ut expresse habet glossa, & sanctus Augustinus, *Qui nobiscum est in via ut ad cælestem nos ducat patriam?* Sed est aduersarius iis qui secundum proprias concupiscentias ambulant, ac propterea sicut illum repudiarunt & iudicarunt tanquam sibi aduersarium, sic ab eo iudicandi tradentur summo Iudici. Quod & alibi expressius Ipse Dominus Iudex: *Qui spernit me, & non accipit verba mea, habet qui iudicet eum: sermo quem locutus sum, ille indicabit eum in nouissimo die.* Cur porro iudicabit nisi quia neglectus ante est & ab illo iudicatus?

Atque hinc iterum vide, qualis iniuria Christi est sic ab homine iudicari & condemnari! qualis eius bonitas & patientia, tot à tantis & tanto tempore tolerare iniurias! quale demùm expectari potest iudicium, post talem in sæculo peractam vitam quæ nonnulli calumniam & probum Christo intulit! *Verumtamen, inquit, Inimicos meos illos, qui noluerunt me regnare super se, adducite huc, & interficite ante me.* Potestne cogitare quale sit illud interfici

ante Christum & non timere? Aut si mauis amore duci, potesne cogitare te ex inimicis illis vnum esse, de quibus loquitur, & non confundi! te Christianum, te Religiosum, te Sacerdotem, inimicum esse Christi! Et ne dubites ita esse, ne putes tibi verba dari, audi quibusnam loquitur: *qui noluerunt*, inquit, *me regnare super se*: Auderesne id affirmare quod Christus super te regnet! Circumspice teipsum intus & foris, à capite ad calcem, à mane ad vesperam; nulla deberet esse facultas animæ, nulla pars corporis, nulla vitæ actio super quam Christus non regnaret, vt dici posset regnare super te. Nam si vel vna deesset, tu ex illa parte ab eius regno substractus esses, nec proinde super te totum regnaret. Estne verò vel vna pars ita illi subiecta vt in ea vel solâ regnet? Regnatne in oculis, in lingua, in incessu, in desideriis, in gaudiis, & in negotiis! Nonne ibi potius concupiscentia præualet vt magis naturæ impetum quàm Gratia motum sequaris! Cur ita porrò nisi quia non vis ita premi, quantum necesse est vt regnet in te Christus? *Confregisti iugum meum, rupisti vincula mea: dixisti, non seruiam.* Itane semper? Relipisce hodie. Tibi tuisque precare & procura deinceps omni modo vt quod commendat Apostolus: *Doctrinam Saluatoris nostri Dei ornent in omnibus.* *Apparuit enim gratia Dei Saluatoris nostri omnibus hominibus, erudiens nos, vt abnegantes impietatem & secularia desideria, sobriè, & iustè, & piè viuamus in hoc seculo.* 1er. 2.
Titi. 2.

E O D E M D I E,

AD HÆC CHRISTI VERBA:

Nunc Iudicium est mundi. Ioan. 12.

V E R I T A S P R A C T I C A.

Primus Christi aduentus, Mundano tam timendus quàm secundus.

Tam formidandum Mundo præsepe Christi nascentis, quàm Tribunal Iudicantis.

RATIO EST, Quia idcirco secundus Christi aduentus est timendus mundano, & formidandum mundo est tribunal Iudicantis, quia tunc sententia est ferenda contra mundanos.

Sed in primo aduentu iam illa fertur sententia, iam in praecepti mundus iudicatur: nec minus timenda est lata sententia quam ferenda.

Ergo primus Christi aduentus mundano tam timendus est quam secundus.

Ergo non minus iam formidandum est mundo praesepe Christi nascentis, quam Tribunal Iudicantis. Quod tamen pauci cogitant.

I. PUNCTVM.

Eccle. 8,

RECTE omnino Sapiens: Quia non profertur citò contra malos sententia, absque timore vllò filij hominum perpetrant mala. Sed in illo sapientis dicto potest esse aliquid clarum, & aliquid dubium siue obscurum. Clarum nempe est quod

Pf. 13.

Non est timor Dei ante oculos eorum: & clarum item est, quod idcirco tam liberè peccent, quod non statim ac peccant, puniantur; nam pro certo saltem timerent poenam, & hoc timore coercerentur:

Pf. 54.

Veniat mors super illos, & descendant in infernum viuentes, quasi diceret, si sic ageretur cum peccatoribus vt statim morerentur & perirent, non tanti essent peccatores. Obscurum vero esse posset quod dicit non cito proferri sententiam contra malos; Nonne iam in scripturis prolata est contra illos sententia? Nonne iam iudicati sunt qui non credunt? Nonne iam condemnati omnes peccatores nisi relipiscant? Nonne iam Christus dixit, Nunc iudicium est mundi; princeps huius mundi iam iudicatus est.

Ioan. 12.

Ibid. 16.

Responsio est duplex; prima facilis & plana, quod cum dixit sapiens non proferri cito sententiam contra malos, id est, non eam illis declarari, aut denuntiari, quasi iam iam sit executioni mandanda, sicut in iudicio proferetur. Alia vero responsio est, quod licet sit lata sententia in scripturis, non illam tamen mundani intelligunt, illam audiuisse dissimulant; vel quod eius differatur executio, tam parum illa mouentur quam si nulla esset. In quo certe vehementer errant, & ab illo sunt ho-

die reuocandi errore, vt discant non minus verum esse quod iam prolata est contra illos sententia, quàm quod proferetur: neque minus esse timendam latam sententiam quam ferendam: Ac proinde primum Christi aduentum, cuius hodie memoria renouatur, non minus iam esse tremendum quam sit secundus, cum simul renouetur sententia qua mundani iudicantur & condemnantur. *Nihil enim minus Præsepe Nascentis habet quod formidetur, quam Tribunal Iudicantis.*

Quæ proposita Veritas vt declaretur euidentius, primò præmittitur tanquam certum & indubitatum, quod si quid sit in secundo Iudicantis Christi aduentu formidandum, sententia præfertim est quæ contra peccatores proferetur. *O mi frater, aiebat sanctus Augustinus, numquid ferrea sunt carnes nostra, vt non contremiscant, vel etiam sensus noster adamantinus, vt non mollescat, aut etiam minimè euigilet ad illa Dei verba: Ite maledicti in ignem æternum?*

Exhort. ad
Gal. c. 55.

Quid faciam, dicebat Iob, cum surrexerit ad indicandum Deus, Iob. 31. & cum quaesierit quid respondebo illi! Cum vix paruam stillam sermōnis eius audierimus, quis poterit tonitruum magnitudinis eius intueri? Accipiet armaturam Zelus illius, & quæ plura prosequitur Sapiens ac vniuersa scriptura quorum summam complectens Apostolus; horrendum est, inquit, incidere in manus Dei viuentis.

Ibid. 26.

Sap. 5.

Hebr. 10.

II. PUNCTVM.

SED in primo aduentu iam illa fertur sententia. Iam in præsepi mundus iudicatur; Nec minus timenda est lata sententia quam ferenda.

Tria hic distinctè declaranda essent, nisi vel essent satis perspicua, vel alibi reseruarentur fufius explananda. Primum est, quid mundus? quid mundani? qui potissimum intelligantur? Nempe ij qui ex concupiscentiis inordinate viuunt, iuxta illud sancti Ioannis crebro à nobis vsurpandum: *Omne quod est in mundo concupiscentia carnis est, & concupiscentia oculorum, & superbia vitæ.* Sic Diuus Augustinus exponens illa Christi Domini verba, *Non pro mundo rogo, id est, eis qui viuunt secundum concupiscentiam mundi.* O quam multi!

1. Ioan. 2.

Deinde vero quod secundum esset demonstrandum quomodo

in scriptura, in Euangelio, in præsepi, in primo denique Christi aduentu sit contra mundum prolata sententia?

Nempe *exemplo*, & *dicto*, & *facto*. Sunt enim qui distinguant factum ab exemplo, quod factum sit aliquid latius & generalius quo exempla & dicta confirmantur, vel quo potentiora sint ad permouendos animos nostros. Nam præter exempla paupertatis, patientiæ, humilitatis, & contemptus mundi quæ nobis Christus edidit: modus præterea quo illa edidit est valde considerandus, videlicet in stabulo, in præsepi, in infantia, in virili ætate, in cruce & in aliis circumstantiis, ubi mire elucet Diuina eius Sapientia & Bonitas quibus vt dixi dicta eius & exempla roborantur; Quò enim sapientior est qui loquitur, maiorem meretur fidem; Et quo est melior seu beneficentior, ac dignior qui nobis præsit exemplo, eo nos efficacius ad se trahit. Atque horum trium respectu dixit Dominus, quod esset *Via, & veritas & vita*: via in exemplo; veritas in dicto: & vita in facto, seu merito quo & à Patre meruit gratias quibus operari possemus: & de nobis ita bene meritis est vt ad se corda nostra rapuerit, ad id omne volendum & agendum quod possumus.

Ioan. 14.

Serm. 3. in
Nat. Dom.

Matth. 19.

Luc. 16.

Matth. 24

Luc. 12.

Nunc autem quod tribus huiusce modis contra mundum siue mundanos sententiam tulerit, habes fufius expositum in opusculo, cuius est titulus; *Mundus oppositus Iesu Christo*; breuius verò infrà in die Natalis Domini: Sed & videnti nascentem Christum & audienti prædicantem, quid clarius, quid apertius quàm quod ait sanctus Bernardus: *In illis omnibus iudicium mundi arguitur, subuertitur, consutatur?* Poteratne sententia ferri expressior contra Diuites quàm cùm dixit: *Facilius est camelum intrare per foramen acus, quàm Diuitem intrare in regnum celorum.* Quid contra superbos & ambientes manifestius quàm hoc Eius pronuntiatum: *Quod hominibus altum est, abominatio est ante Deum.* Expende dictum, *abominatio*, quàm sit efficax ad exprimendam mundi condemnationem. Et contra deditos voluptati & curis huius vitæ, quid significantiùs quàm quod affirmat imparatos illos morituros, venturum ad exigendam vitæ rationem Dominum & Iudicem qua die non cogitent, & qua hora non putent, & partem illorum fore cum Infidelibus & cum hypocrisis.

Quid est capitalem ferri sententiam in Reum aliquem, nisi cum legitimus Iudex probè cognita causa pronuntiat talem mortis

mortis sententiam à quâ nullus appellandi sit locus? At nonne Christus est legitimus mundi Iudex? nonne de rebus probè iudicat? nonne sic iudicauit moriturum in peccato mundanum sicut facti referunt Codices? nonne mori in peccato est condemnatum esse? nonne hæc est aperte lata sententia, semel, iterum atque amplius in eodem scripturæ loco prolata: *In peccato vestro moriemini*. Atque vt pateat quale sit hoc peccatum, quibusue sententiam mortis denuntiet: *Vos*, inquit, *de deorsum estis, ego de superis sum. Vos de mundo hoc estis: ego non sum de hoc mundo. Dixi ergo vobis quia moriemini in peccatis vestris*. Et licet ibidem dicat se non iudicare quemquam nec venisse in mundum vt iudicet mundum, sed potius vt ipsum saluet; sic intelligendus est dicere quemadmodum iam supra declarauimus, se non ita iudicare mundum quasi latam mortis sententiam poena statim sequatur, sicut quando extremum mundi fiet iudicium: suspenditur sententia, differtur executio; mori vult ante Iudex ne Reus moriatur; morte sua mortem peccatoris vult redimere, si peccator esse de mundo desinat. Sed si pergat mundanus esse, ne quid sibi de morte Christi præsumat & arroget; *Non pro mundo*, inquit, *rogo*; Non applico ei mortem & merita mea, nisi vt resipiscat; cum alioquin nisi conuertatur, tam directè simus oppositi, quàm quæ superna sunt his opponuntur quæ de deorsum sunt.

Ioan. 8.

Ioan. 17.

Hæc est itaque Christi sententia tam aperte lata contra mundum & mundanos, quàm aperte patet ex eius dictis & factis mundum esse damnatum; Quod disertè confirmat Apostolus dicens, *nos à Domino corripi, vt non cum hoc mundo damnemur*.

1. Cor. 11.

Restat tertium exponendum, quod non minus timenda sit lata sententia quàm ferenda: sicque expeditur facillimè si quod vere timendum est in sententia tum lata, tum ferenda discutimus. Quid est quod timemus à Iudice? Pœnam inquires inferendam. Itane hoc tantum? Nihilne times Christum nisi pœnam inferret! Tene vnus seruilis tenet timor? non times culpam quæ tanto est grauius malum quanto Deus qui culpa offenditur, maior est homine cui pœna punitur? Sed cito, times pœnam, nonne ex lata sententia iam te agnoscis puniendum? nonne suum æque prima sententia fortietur cilecium ac secunda, cum hæc secunda sit primæ tantum executio, & vtraque sententia vel lata vel ferenda sit eiusdem culpæ pœna? Nonne constat homi-

nem nō aliter esse reum poenæ quàm culpæ? Nonne vnus & Idem in nobis est vtriusque reatus? Nonne propterea si reus poenæ poenam timet, poena illi timenda est statim atque reus est culpæ, aut cū denuntiatus est reus poenæ? Quid quod recte sentienti de rebus, non tam graue est, aut probrosum iudicari, vel puniri, quàm fieri poena dignum: & hoc vnum in poenis vel maxime discernatur, quænam sit causa poenæ: vnde aptè sanctus Augustinus in illud Psalmi: *Intende iudicio meo, Deus meus, & Dominus meus in causam meam. Non in poenam meam*; inquit, *sed in causam meam.*

At dices, non moueri potentiam nisi præsentī obiecto; & longe disparem esse rationem poenæ iam iam infligendæ, & illius quæ futura est aliquando vel forte numquam futura, mutato nempe rerum statu, seu mundano conuerso. Responderi tria debent huic dicto: Primum est, futurum illud de quo est quæstio, esse ex vna parte tam certum, tam graue & momentosum, quale est *in æternum damnari*: ex alia vero tam incertum, tam fragile & quauis hora futurum, vt non sit Sapientis nec Christiani non timere in tam certo periculo rei tam incertæ; cū præcipue Christus expressis edixerit verbis, velle se vnumquemque nostrum ita paratum esse quouis tempore, vt nisi sit semper paratus, numquam paratus sit, quia vt dictum est, diceturque alibi fufius, tunc ipse veniet quando minus erit paratus. *Si non vigilaueris veniam ad te, tanquam fur, & nescies qua hora veniam ad te.*

Secundum est, quod Fides si vera sit, habet hoc proprium, vt res absentes & futuras tanquam præsentēs sint, & earum perinde producat affectum in parte rationali superiore, ac si oculis cernerentur. Idecirco definitur ab Apostolo *fides sperandarum* (seu futurarum) *substantia rerum, argumentum non apparentium*. Græce est hypostasis, id est, substantia & existentia rerum futurarum quali eas faciat subsistere, & tam præsentēs exhibeat, quantum ad suum effectum, sicut si reuera existerent, vnde ibidem de Mose dicitur quod *fide inuisibilem tanquam videns sustinuit*: licque apparet veram in eo non esse fidem qui se ait futuris non moueri ac præsentibus, cū præcipue quod quæritur, non sit motus sensibilis appetitus, non sit timor vt est humana passio; sed sit affectus rationalis, ut virtus animi, sit illa virtutum prima quæ est Timor

Domini quæ est expultrix peccati.

Tertium denique est, quod dum mundanus ait non futuras forte poenas, mutato rerum statu, seque in melius quod bene sperat conuerso, concluditque propterea non esse quod sibi timeat, falsissima est consequentia ex incertissimo antecedenti; Nam dato etiam quod mutandus esset, itane propterea non esset timendus Deus quem mundanus semper videret à se offensum, quandiu mundanus esset? Putasne in damnatis esse aliquid grauius quàm quòd videant Deum à se offensum & sibi valde infensum? Sentiant illi quidem hanc poenam quæ nullo hic sensu percipitur, sed cùm ex fide certum sit æquè à Mundano Deum esse offensum, & à Deo Mundanum condemnatum sicut si iam ipsis esset poenis addictus, potestne Mundanus id credere & non pauere, & non fateri saltem sibi esse timendum? Quid est non timere in illo statu nisi præsumere, nisi latam Iudicis irridere sententiam, aut ipsum Iudicem spernere: vel quia non possit quod minatur exequi, vel quia nolit, quia bonus est, quia patiens & misericors & longanimis. Quæ cùm sint tam horrenda, quis non videt eo ipso magis esse timendum peccatori quò minus timet? Sic enim abutendo thesauris diuinæ bonitatis, *the- Rom. 2.* *saurizat sibi iram in die iræ*; & tantum abest vt quod ait non sint futuræ poenæ, quin longe futuræ sint grauiores: tantum abest vt mutetur rerum status, seque conuertat, quin semper in peius ruat, & tanto difficilius resipiscat, quanto se posse facilius finxit. *Ecce qui pradaris, nonne & ipse prädaberis? & qui spernis, nonne & ipse sperneris? cùm consummaueris depredationem, depredaberis: cum fatigatus desieris contemnere, contemneris.* Vere enim deprædatur Mundanus qui audita mortis suæ sententia nihil timet propter tempus sibi datum, & concessas gratias quibus auertat illam mortem: nam sibi tempus illud illasque gratias inuito male usurpat Domino; sicque propterea vere etiam deprædabitur quando auferentur illa dona quibus abutitur, tandemque fiet quod dixit Dominus: *Omni habenti dabitur & abundabit: ab eo autem qui non habet, & quod habet, auferetur.* *Luc. 19.*

III. PUNCTVM.

P R I M V S ergo Christi aduentus Mundano tam timendus quàm secundus.

*Nec minus formidandum est Mundo praeſepe Chriſti naſcentis, quàm Tribunal iudicantis. Ne dilatione mortis aut poenae conſequentis timorem Mundanus differat, iam enim lata eſt ſententia; & quod timeret in illa quam futuram & ferendam credit, hoc ipſum in lata timeat; nam idem ipſe eſt Iudex & Dominus qui mundum iudicauit & iudicabit: Idem eſt crimen, eſſe de mundo & fuiſſe. Eadem denique poena eſt decreta Reo, ſed non idem poenae ſenſus; hoc ſolum intereſt fateor, at non propterea minuendus eſt timor; nam ſi ex hac parte motiuum timendi deficit, augetur ex alia. Dum enim conſideratur Chriſtus tam multa facere & docere contra mundum, proſecto magis inde agnoſcitur quàm graue ſit, eſſe de Mundo, quàm dum poenam Mundanus ſentiet. Plus eſt Chriſtum iacere in praeſepi, ne ſis mundanus, quàm te in Inferno volutari, quod fueris. Ex Chriſto paſſo propter crimen meum, magis agnoſco grauitatem mei criminis, quam ſi ipſe propterea paterer quaſuis poenas. Sic diſerte ſanctus Bernardus in tertio de Natali Domini. *Ex conſideratione remedij, periculi mei aſtimo quantitatem. Nesciebam, ſanus mihi videbar, & ecce mittitur Virginis Filius, Filius Dei altiſſimi, & iubetur occidi, ut vulneribus meis pretioſo ſanguinis illius baſamo medeatur. Agnoſce o homo quàm graua ſint vulnera, pro quibus neceſſe eſt, Dominum Chriſtum vulnerari!* Sed quid prodeſt agnoſcere, niſi ut tanto magis timeas culpam & poenam, quàm magis agnoſcis eſſe timendam? Quàm clara & aperta voce modò infantiles panni clamant contra mundum, & de culpa mundanos arguunt; tam diſerte & grauiter contra clamabunt in Iudicio, & poenas poſtulabunt diſſilimas: *Ego ſum Iudex & teſtis, dicit Dominus.* Sicut Maritta quidam Diaconus apud Victorem Vticenſem contra Lipidephorum virum mundanum quem ſuſceperat in baptiſmo, dicebat de linteis quae tum erant adhibita: *Hac ſunt lintea Lipidephore quae te accuſabunt dum Maieſtas venerit Iudicantis, cuſtodiente diligentia mea, ad teſtimonium tuae perditionis.* Sic plane de Chriſti pannis, de Chriſti verbis & factis: *Hac ſunt verba & facta, Mundane, quae te accuſabunt, te iudicabunt, te condemnabunt, quia haec ſunt quae te modò accuſant, iudicant & condemnant.* Non erit aliud de mundo Chriſti iudicium quam quod fuit. Ex primo iam facto iudicio, timendum eſt ſecundum quod fiet, quia primi eſt effectus conſequens. Ex ſecundo quod fiet, timendum eſt pri-*

Ier. 29.

I. 3. perſec.
Vand. 11.

num, quia eius est causa præcedens. Sic autem vtrumque timebitur, si quod est in nobis mundanum & sensuale, tollatur. Non est verus timor otiosus, sicut nec amor; magna operantur vbi sunt; *non coactè sed spontaneè secundum Deum, sed voluntariè.* Aut 1. Pet. 5. si operari renuunt, nec timor nec amor est. *Sic loquimini & sic facite,* ait sanctus Iacobus, *sicut per legem libertatis, incipientes iudicari;* Quasi si iam iudicaremini, quia iam reuera iudicium incipit ex hac vita, quod in alia perficitur. Iac. 2.

EODEM DIE,

ALIA VERITAS PRACTICA.

Nihil in futuro iudicio magis metuendum Peccatori, quàm quod minus metuit.

RATIO EST, Quia in futuro iudicio nihil minus metuit Peccator quàm benignitatem Christi.

Sed nihil est magis metuendum Peccatori quàm illa Christi benignitas.

Ergo in futuro iudicio nihil est illi magis metuendum, quàm quod minus metuit.

DEclaratur hæc ratio fusissimè in 3. parte, Sabbato post Dominicam secundam Pentecostes, vbi demonstratur quàm sit Agni formidanda ira, iuxta illud Apoc. 6. *Abscundite nos à facie sedentis super thronum, & ab ira Agni.*

Vide his conformes alias veritates, notatas in Indice, verbo Iudicium, Timor &c.

EODEM DIE,

DE DVPLICI ADVENTV
CHRISTI DOMINI.

*Erunt signa in Sole & Luna, & stellis, & in terris
pressura Gentium. Luc. 21.*

VERITAS PRACTICA.

Sicut ad secundum Christi D. Aduentum renouabitur mundus, ita modò animus-noster æque est renouandus.

RATIO EST, Quia tantum debemus Bonitati Dei quæ apparuit in primo eius aduentu, quantum eius Potestati quæ exercetur in secundo.

Sed Bonitas eius exigit à nobis vt modò sic renouemur.

Ergo sic modò est renouandus animus, atque cum mundus diuina potestate renouabitur.

I. PUNCTVM.

Rom. 13.



MOR A est iam nos de somno surgere, nunc enim propior est nostra salus quàm cùm credidimus: Sic olim Apostolus nascentem Ecclesiam, sic modo vt renascamur & renouemur, Ecclesia nos excitat, primo hoc sui renouati anni die; quasi si è somno surgeremus. Nox præcessit, dies autem appropinquit, abijciamus ergo opera tenebrarum, & induamur arma lucis. Quænam sunt illa opera? quænam arma? exquire.

Apoc. 21.

In hunc etiam finem, opportune Euangelium de secundo Christi aduentu, cùm mundus vniuersus renouabitur; At quo renouabitur modo? expende, vt sic discas hodiernam renouationem instituire. Sicut enim manente rerum substantia, res omnes immutabuntur, ijdem cœli, eademque terra, sed aliter affecta omnia, atque in meliorem statum ita erunt immutata vt dicantur noui cœli, noua terra, & noua facta omnia: *Mutatione non abolitione sui*, ait S. Hieronymus: Sic plane nos non alij quam nos ipsi, & tamen alij per renouationem efficimur, non alij scilicet erimus in substantia rerum agendarum, sed in modo agendi; Eadem quippe nobis semper seu deuotionis seu ministerij nostri

sunt explenda officia, sed non eodem modo, non somnolentè vt alias, non negligenter & perfunctoriè, sed religiosè & perfectè. Sicut in resurrectione corpus idem nostrum erit, sed non quale modò est, non corruptibile & mortale, *surget enim spirituale*, in- 1. Cor. 15. quit Apostolus: ita ex S. Gregorio, *vetusta vita protinus vsus mu-* 1. 27. Mo. *tatur si anima superno spiritu afflata, & in summis appetat quod con-* c 13. *tempserat, & contemnat in infimis quæ appetebat.*

Hoc est renouari mente, hoc est resurgere animo, hoc est quod ex veritate proposita, iam eniti debemus cum Gratia quæ hoc ipso se offerre dicenda est in hunc finem, quò nos amanter inuitat, vt tam voluntarie & libenter omnino resurgamus, quàm necessario resurgendum erit corpore, ad postremum Iudicij diem. Neque enim minus debemus Bonitati diuinæ, quam Potestati. Cigita quanta sit illa bonitas quæ apparuit in primo Christi Domini aduentu, in Incarnatione, in Natiuitate, in Infantia, in Pueritia, in Conuersatione, in exemplis, in miraculis, in passione & in morte. Nonne hic tibi bonus Dominus? nonne hæc Bonitas tantum de te meretur, quantum Iustitia, quantum Potentia, aut qualibet alia Virtus diuinæ? *Magnus Dominus & laudabilis* S. Bern. *nimis, parvus Dominus & amabilis nimis.*

II. PUNCTVM.

AT QVI hoc Bonitas à nobis exigit vt sic modò renouemur. In quidem sapius exigit prout ipsa necessitas postulat, sed cum hodie renouetur memoria primi illius aduentus, quo factus Homo Deus, *In terris visus est, & cum hominibus conuersatus;* Bar. 3. quid aptius à nobis exigere seu postulare concipiendus est, quam quod primo illo suo aduentu, à Mundo magis postulauit? Quid est autem quod à mundo suis in vitijs inueterato & senescenti magis postulauit, nisi vt reformaretur & renouaretur? Est Ephes. 4: enim nouus ille homo cunctis hominibus induendus, deposito Coloss. 3. veteri cum actibus suis, vt toties monet Apostolus. Itemque apte S. Gregorius, *Quia Dominus ac Redemptor noster nouus homo venit* Rom. 32. *in mundum, noua præcepta dedit mundo, vitæ enim veteri nostræ in* in Euan. *vitijs enutrite contrarietatem opposuit nouitatis suæ.*

Sicque euidenter apparet illud ipsum esse quod à nobis modò postulat, nisi forte putes nihil in te iam residere quod renouetur. An illud putas?

III. PUNCTVM.

SICVT igitur ad secundum Domini aduentum renouabitur mundus, ita modo animus noster aque est renouandus; Quia videlicet tantum debemus Bonitati Christi quæ hanc modo animi renouationem à nobis exigit, quantum eius Potestati debetur quæ resurrectionem corporum & totius mundi immutationem imperabit. Esto enim non cogat necessariò Bonitas, sicut coget Potestas; minusne propterea illi debetur? Nihilne vltro & sponte cōcedes roganti Domino? Nonne indignum generoso pectore sic expectare donec cogaris? Nonne illud pudendum, quia libertati tuæ relinquet dare quod rogat, idcirco deneges? Nihilne Benignitati, nihil Bonitati dabis? An minus modo meretur Christus quàm tūm merebitur, quia modo bonitate magis, quam potestate tecum agit? An ignoras te eò magis cogi quò minus cogaris, cum strictiora bonæ voluntati sint vincula Charitatis quam necessitatis? Nonne idcirco sic Christus Dominus primò venit mansuetus & humilis vt te amore deuinciret, sic te attraheret in funiculis Adam, in vinctulis Charitatis? o dignum Christo finem! o dignum fine tam nobili Christum! sed o me indignū & Christo & tali fine, si non commoueor! Ecce cælum, inquit Sapiens, & cæli cælorum, abyssus & vniuersa terra in conspectu illius commouebuntur, montes simul & colles & fundamenta terra cum conspexerit illa Deus, tremore concutientur; Et in omnibus his insensatum est cor! Appareat anima mea, appareat hodie gratia illa Saluatoris, Quæ apparuit omnibus hominibus erudiciens nos, vt abnegantes impietatem & secularia desideria, sobriè & iuste & piè viuamus in hoc seculo. Et sicut erunt signa in Sole & Luna & stellis, sic in mente tua, sic in corpore, & in minimis quibuscumque gestis seu vitæ negotiis, signa sint animi renouati.

Thren. 5. *Conuertere nos Domine & conuertemur, innoua dies nostros sicut à principio:* Adiuua me Domine Deus in bono proposito, & da mihi nunc hodie perfecte incipere, quia nihil est quod hactenus feci.



HAC HEBDOMADE, in considerationem venient
eæ Personæ quæ propius spectant & attingunt Myste-
rium Incarnationis Christi Domini.

FERIA SECUNDA.
DE ÆTERNO PATRE FILIUM
NOBIS DANTE.

*Sic Deus dilexit mundum ut Filium suum unige-
nitum daret. Ioa. 3.*

VERITAS PRACTICA.

Sic Deus dilexit mundum, ut sic mundus diligeret
Deum sicut dilectus est.


*Sensus huius particulæ sicut, atque adeo totius Veritatis
hic est, quod quemadmodum Deus mundo suum
indicavit amorem, donando ei Filium, quem
vnice diligebat, sic mundus Deo suum indicet,
donando ei quod carius & pretiosius habuerit;
Ad hoc enim tenetur ex illa dilectione Dei qua
præuentus est per donum Filij.*

*RATIO EST, Quia Deo nobis indicanti suum amorem, tene-
mur ei nostrum indicare quo fieri potest conuenientiori modo.*

*Sed non est modus conuenientior, quàm donando ei quod carius &
pretiosius possidemus.*

*Ergo illi donandum est, sicque diligendus Deus sicut nos diligit.
Quod certe est rarum & pretiosum.*

I. PUNCTVM.

OD primum in tota Incarnati Verbi œconomia considerandum venit, æterni Patris est Charitas nobis donantis Filium suum. *Sic Deus dilexit mundum.* Nihil aliud Eum mouit, quàm dilectio, & certe magna dilectio, quam ipse admiratur Filius. Admirare cum illo.

Serm. 83.
in Cant.

Tantæ vero Charitati quid debetur, nisi par Charitas, quanta quidem in nobis esse potest? Nam ut ait S. Bernardus: *Cum amat Deus, non aliud vult quàm amari, quippe non ad aliud amat, nisi ut ametur.* Quænam vero par esse potest & conuenientior Charitas nisi donando ei quod habemus carius sicut Ille Charitatem suam nobis ostendit donando Filium suum?

1. Ioan. 2.

Ibid. 3.

Phil. 1.

Ad hoc certe tenemur ex illa Charitate, atque ad hoc persoluendum debitum excitamur ex proposita Veritate, cuius hoc est fundamentum primo statuendum, Deo nobis iudicanti suum amorem, tenemur ei nostrum indicare quo fieri potest conuenientiori modo, id est, tam simili & æquali, quantum Deo & nobis conuenire potest. Quid iustius? quid rationabilius? Nam si amor non nisi amore reciproco compensatur, ut infra videbitur, quomodo potest intelligi illa amoris reciprocatio nisi paribus aut consimilibus amicitia lignis? Vnde dilectus Discipulus cum de perfecta Dei Charitate sermonem intulisset sic pergit; *Qui dicit se in ipso manere, debet sicut ille ambulauit, & ipse ambulare*: quali diceret, debet se gerere erga illum, sicut ille se gessit erga ipsum; Quod & apertius Idem: *Non diligamus, inquit, verbo, neque lingua, sed opere & veritate*; In quem sensum Apostolus, *Et hoc oro ut Charitas vestra magis ac magis abundet in omni scientia & in omni sensu, ut probetis potiora.* Velle ne huic orationi obistere, contringendo Charitatem tuam?

II. PUNCTVM.

SED non est modus conuenientior quo possis Deo indicare tuum amorem, quàm Ei dando quod carius habes.

Ipse est enim modus quo Deus suum manifestauit, donando nobis Filium, nam licet multa iam dedisset hominibus, nihil

æque tamen ad amorem indicandum fuit, ac donum Filij. Ratio est manifesta, quia quò donum est magis proportionatum donanti, quò est illi carius, & quò vtilius cui donatur, eò certe est clarius amoris indicium. At nullum tale donum est à Deo datum hominibus, in quo hæ conditiones reperiantur quàm donum Filij.

Primò enim, quam habent proportionem creata omnia cum Creatore? Unigenitus vero Patris, ipse est æqualis Genitori. Deinde quis dicat terrena hæc & caduca omnia, multum esse cara Deo qui plura ex illis dat inimicis quam amicis? Filius vero Dei, *Hic est Filius dilectus, in quo sibi bene Pater complacuit.* *Matth. 3.* Denique quis temporalium vsus? quanam eorum utilitas præ vtilitate & necessitate Domini Iesu? Esto enim desint temporalia, esto desit ipsa vita temporalis, quid damni si succedit æterna? At si æterna pereat, quale par damnum? periret autem nisi datus esset Iesus. Vnde pater euidenter solum hoc esse donum quo ex certissimis notis diuinus amor in homines indicari possit. Quod videbatur innuere Apostolus cum diceret, *Quo-* *Rom. 8.* *modo non etiam cum illo omnia nobis donauit?* Ac proinde hinc etiam liquet, non esse modum conuenientiore quo suum homines amorem in Deum, possint indicare, quàm si quid Deo donent quod habuerint pretiosius & carius, ipsique Deo gratius; quia hoc est commune omni amorì, vt sic se indicet & non aliter. *Nunc cognoui,* inquit Deus Abrahamo, *quod times* *Genes. 22.* *Deum, id est, colis & diligis, & non pepercisti vnigenito Filio tuo propter me.* Videlicet certum amoris indicium in dono rei charissimæ?

III. PUNCTVM.

HOC est igitur quod Deo dare debemus, hoc est quamobrem sic Deus dilexit mundum donando ei Filium suum vnigenitum, vt sic mundus diligeret Deum, donando Ei quod carius & pretiosius habet. Nam si, vt primo probatum est, Deo nobis indicanti suum amorem tenemur & nostrum indicare, quo fieri potest conuenientiori modo; quis conuenientior modus esse potest, quàm quo ipse Deus est vsus, vt nos exemplo sui prouocaret? Sic diuinæ dilectionis discipulus: *In hoc apparuit Charitas Dei* *1. Ioan. 4.*

in nobis, quoniam Filium suum unigenitum misit Deus in mundum, ut viuamus per eum. In hoc est Charitas: quasi diceret, hæc est forma, hoc exemplar charitatis exhibendæ: Vnde & concludit, Nos ergo diligamus Deum, quoniam Deus prior dilexit nos. Id est, quia nos præueniens amore suo, sic affectum nostrum excitat ad eum redamandum ut simul intellectum instruat quomodo eum redamare possimus; & simus inexcusabiles si tanto delimus debito.

Exprome itaque anima quod habes carius, quod pretiosius, siue sit pecunia, siue fama, seu parentes, aut sanitas, seu ipsa vita humana. Vide si quod eorum sit quod Deus à te velit, an sis parata dare? nullus alioquin est in Deum amor. O pudor! O probum! Deus proprio non parcat Filio, ut mihi suum amorem indicet, & parcam famæ! Exardesce contra. *Nulla maior est ad amorem inuitatio, quàm præuenire amantem, inquit sanctus Augustinus, & nimis durus est animus qui si dilectionem nesciebat impendere, nolit rependere.*

De Catech.
rud.



FERIA TERTIA. DE FILIO DEI SE IPSVM OFFERENTE.

Tunc dixi, ecce venio. Ps. 39. Hebr. 10.

Oblatus est, quia ipse voluit. If. 53.

VERITAS PRACTICA.

Quam in se attrahit gratiam qui se Deo libens offert, eandem sibi detrahit qui quod offert non reddit.

RATIO EST, Quia qui se Deo libens offert, idcirco multam in se Gratiam attrahit, quod bonam indicet voluntatem quam præcipue respicit Deus in oblatione nostri, & quam qui subtrahit, talem sibi detrahit gratiam.

Sed qui non reddit quod offert, subtrahit illam bonam voluntatem. Ergo & quam in se attrahit gratiam qui se Deo libens offert, eandem sibi detrahit qui quod offert non reddit. Quod ne damnum eueniat, probè est intelligendum, quòd sicut oblatio nostri debet esse affectiua, ita & effectiua, exemplo Christi Domini qui hoc ipsum perfectè fecit ad quod se obtulit.

I. P V N C T V M.

MÆC illa est Diuina Persona quæ dicitur Verbum quod Caro factum est de quo infra toti. Nunc vero quàm se libenter obtulerit, contemplare. Primò quidem quando cum aliis sanctissimæ Trinitatis Personis consensit in reparationem generis humani per diuinam Incarnationem. Deinde quo primo momento est Incarnatus, vt ait Apostolus ex Psalmista, *Ingrediens mundum dicit, hostiam & oblationem noluisti, corpus autem aptasti mihi.* Hebr. 10.

Denique dum inter homines ageret, sic sæpius aut singulis pene momentis sese offerebat pro eorum salute. Itane Domine memor mei fui? Fili, ne dubites. Admirare & gratias age.

Et verò sic nos ipsos offerre decet; Sed quod caput est, id omnino efficiendum est ad quod nos obtulerimus: cum alioquin nulla futura sit oblatio, nullus inde fructus, & nulla Gratia. Sic Ioan. 17. Christus Dominus opus suum perfectè consummauit; Nos vero quam faciles sumus ad acceptandum, tam faciles ad deponendum; Quamobrem valde contideranda Veritas qua de effectu monemur, perinde necessario ad oblationem & gratiam, sicut affectu.

Cur enim affectus est necessarius? Cur affectiua debet esse oblatio nostri? Nonne vt sic pronam & propensam voluntatem nostram in obsequium Dei declaremus? hoc est enim maxime quod respicit in omnibus, ac præcipue in iis quæ tibi offeruntur. *Omnis, inquit, voluntarius & prono animo offerat primitias Domino;* Exodi 35. Tum postea; *Obtulerunt mente promptissima atque deuota primitias Domino,* Ibid. Rursusque ibidem. *Omnes viri & mulieres mente deuota obtulerunt donaria.* Denique notum illud S. Gregorij, *Nihil offertur Deo ditius voluntate bona: quia scilicet tantam in se attrahit* Hom. 5. 14. Euang.

Gratiam, vt quàm bona est Deo præueniente voluntas, tam diues est & abundans cœlestibus donis, Deo subsequente. Da mihi Domine quod tibi offeram. Fili, iam multa satis à me habes quæ tu iniquè tibi vsurpas.

II. PUNCTVM.

SED qui Deo non reddit quod offert, bonam illam voluntatem subtrahit, neque potest dici bona & propensa voluntas nisi sit effectiua simul atque affectiua. Id est, nisi licet efficiat aut ita conetur efficere cum Dei gratia quidquid efficiendum suscipit, vt si non fiat, sit potius defectus potestatis quam voluntatis.

Hoc est enim propriè velle quando si quod possis & debeas; id omnino efficias; cum è contra si quod potes & debes non efficis, non potes vere dici illud velle. Cur enim non efficis nisi quia *Prou. II. 13* non vis, cum vt supponitur illud possis & debeas; Sic in prouerbiiis dicitur, *vult & non vult piger*: vult ex quadam rei complacentia, sed quia non operatur nō vult absolute & propriè. Magis *I. p. q. 19. a. 6.* potest dici *velleitas*, quā absoluta voluntas, inquit sanctus Doctor.

Quod præcipuè verum, est coram Deo & in ijs quæ Deus vult vt agamus. Si enim defectu voluntatis illa non agimus, quomodo talis deficiens voluntas poterit esse bona, quæ non erit conformis diuinæ? Quid est enim esse bonum, nisi quod est conforme ad propriam regulam & mensuram? Quænam est autem regula & mensura nostræ voluntatis nisi diuina? Sic Idem sanctus Doctor concludit nullam proinde esse humanæ voluntatis bonitatem, nisi *ex conformitate ad Diuinam*; ac proinde etiam nisi sit effectiua voluntas, non sit omnino bona, quia non sit conformis suæ regulæ. O quam pauci homines bonæ voluntatis, qui putantur multi!

III. PUNCTVM.

QUAM ergo in se attrahit gratiam qui se Deo libens offert, eandem sibi detrahit, qui quod offert non reddit; Quia subtrahit bonam voluntatem cuius defectu sapius denegantur Gratia quæ in eius considerationem collatæ vel conferendæ essent. *Dixistis, ecce de labore, & exsufflastis illud, dicit Do-*

minus exercituum. Exsufflatur nempe quod offertur quando cū reddi debet, non redditur: sicque nulla est oblatio, nisi sit ex æquo effectiua, atque affectiua. Nam si debet esse affectiua vt oblationi iungatur bona voluntas sine qua non esset accepta oblatio: certe idcirco etiam debet esse effectiua, cum sine effectu non esset bona voluntas. Ad quid enim & quorsum te offers, nisi ad aliquid agendum aut patiendum? Sed quid prodest te offerre nisi reuera id velis ad quod te offers? Aut quando indicabis te velle, nisi cum se dederit occasio, sic agas & patiaris, sicut promissū ē: *Filij Ephrem intendentes & mittentes arcum, conuersi sunt* Ps. 77. *in die belli.* Nonne tu ex illis qui multa proponunt & pauca faciunt, qui dum nihil patiuntur, fortes sunt & ad omnia validi, cū autem vel minimum quid aduersi occurrerit, statim deficiunt. *Ecce docuisti multos & manus lassas roborasti, nunc autem venit super te plaga & defecisti, tetigit te, & conturbatus es. Vbi est timor tuus, fortitudo tua, patientia tua & perfectio viarum tuarum?* Iob. 4. Responde & confundere. Satiū esset non affici ad efficiendum aliquid, quam id non efficere ad quod affectus es. *Eo* Math. 21. *Domine,* inquebat Patri Filius, *& non inuit,* alter vero idem *Is. 53.* *inuit,* inquit, *& inuit.* Quis ex duobus voluit? *quis ex duobus fecit voluntatem Patris?* Christus est Dominus qui interrogat, Vide quid respondeas, & Caue ne ex ore tuo te iudicet.

Videri possunt quæ habentur infra Feria 2. post Dominicam 4. Aduentus: & vigesimo nono die Decembris.



FERIA QVARTA.

DE SPIRITV SANCTO, QVANTVM AD OPERATIONEM MYSTERII INCARNATIONIS.

Spiritus Sanctus superueniet in te. Luc. 2.

Vos semper Spiritui Sancto resistitis. Act. 7.

VERITAS PRACTICA.

Quàm rarò cogitas Christum, tàm crebrò resistis Spiritui Sancto.

VEL SIC.

Nulla in re frequentius Spiritui Sancto resistitur, quàm quod infrequentius de Christo cogitur.

RATIO EST, quia in ea re frequentius Spiritui Sancto resistitur, ad quam impellit frequentius.

Sed nulla res est ad quam impellat frequentius, quam ut de Christo cogitur.

Ergo nulla in re frequentius Spiritui Sancto resistitur, quàm quod de Christo non frequentius cogitur. Quod certe est præcauendum.

I. PUNCTVM.

ICET tota Trinitas sit operata Mysterium Incarnationis, dicitur tamen hoc Opus speciale Spiritus Sancti, quia opus est singulare Bonitatis quæ specialiter attribuitur Spiritui Sancto, sicut Patri potentia, & Filio sapientia. O vere opus singulare bonitatis! Ille ipse est autem Spiritus Sanctus, illa ipsa est bonitas quæ fidem, deuotionem, & alios pietatis affectus circa hoc Incarnati Verbi mysterium in mentibus nostris operatur; O quæ & quanta suggerit, si audiretur! Verùm, cum in multis alijs, tum in hoc præcipue parum attenditur. Vnde & ipse per Prophetam, *Quis credidit auditui nostro, & brachium Domini cui reuelatum est?*

Is. 53.

Hinc nata Veritas valde expendenda. *Quàm raro & infrequentius Christum cogitamus, tàm frequenter resistimus Spiritui Sancto.*

Et Ratio quidè aperta est, cum liquido pateat tam crebrò nos vniuersim diuinis Illius monitis resistere, quàm illa frequentiora sunt: tùm verò particulatim vnumquemque frequentius in re singulari sese illi opponere, in qua frequentius ab eo commouetur. *Indurauerunt ceruicem suam ne audirent me, & acciperent disci-*

Jer. 17.

7
disciplinam. Quare aggrauatis corda ueſtra ſicut aggrauauit Aegy-^{1. Reg. 6.}
ptus & Pharaon cor ſuum! Dura expr obratio.

II. PUNCTVM.

SED nulla res eſt ad quam nos vniuerſim Spiritus Sanctus impellit
ſrequentius, quàm ad cogitationem de Chriſto Domino, varioſque
inde conſequentes affectus, Ad hoc enim præcipue eſt miſſus, vt
ipſe Chriſtus Dominus ait, Cum venerit Paracletus quem Ego mit-^{Ioann. 15.}
tam vobis à Patre, ſpiritum veritatis, ille teſtimonium perhibebit de
me. Ille me clarificabit quia de meo accipiet, & annuntiabit vobis. Vn-
de & Apollolus vocat eum Spiritum Filij, dicens; Miſit Deus spi-^{Galat. 4.}
ritum Filij ſui in corda ueſtra. Cur porro Filij potius quàm Patris?
quia ſcilicet totus eſt in Filio Patris clarificando & celebrando.

Atque hinc fit vt cùm Apoſtoli pleni eſſent Spiritu ſancto ei-
que fideliter obedirent, nihil niſi Ieſum prædicarent, nihil ſape-
rent dulcius, nihil loquerentur aut commendarent frequentius
quàm Dominum Ieſum. Quod ita verum eſt vt licet forma ba-
ptiſmi ſit in nomine Patris, & Filij, & Spiritus Sancti, illi tamen
in ſolo nomine Ieſu baptizaffe dicuntur, quod vt ait S. Thomas^{3. p. q. 66.}
ſic nomen Chriſti magis honorabile reddebatur. Hinc Apollo^{4. c.}
vir ille Apoſtolicus, cum primò conuerſus eſſet, & ſeruans spi-^{Act. 18.}
ritu loqueretur, docebat diligenter ea qua ſunt Ieſu, inquit ſcriptura.
Sic conſequenter ſpirituales viri, quo magis ſpirituales, & à ſolo
Spiritu ducti, eò magis toti in ſolo Ieſu.

Sit imitar omnium teſtis S. Bernardus qui, ſi ſcribas, inquit,^{in Cant.}
non ſapit mihi, niſi legero ibi Ieſum. Si diſputes, inquit, aut conſeras,^{ſer. 15. 20.}
non ſapit mihi niſi ſonuerit ibi Ieſus. Ieſus mel in ore, in aure melos, in
corde Iubilus, ſed eſt & medicina. Tum verò tuſius de ſuauitate ſi-
mul coniuncta cum vtilitate huius Nominis pergit dicere, vnde
hæc deduci ratio facile poteſt, cur Spiritus Sanctus frequentio-
rem de Chriſto cogitationem inducat, quia videlicet nulla eſt
potentior cogitatio, vt quæ ſuauiſ ſimul & vtilis eſſe, ſeu ad ma-
lum euitandum, ſeu ad bonum faciendum ſentiatur. Expende
amplius quam vera ſit & potens iſta ratio, & agnoſce quàm cre-
bros ſenſeris de Ieſu motus. O ſi in Tyro & Sidone excitati fuiſ-
ſent!

III. PUNCTVM.

NULLA ergo in re frequentius Spiritui sancto resistitur, quàm quòd infrequentius de Christo cogitur: Cum in his præcipue rebus ei resistatur ad quas impellit præcipue. Neque sit aliud ad quod impellat frequentius quàm vt de Domino Iesu cogitur: Vnde est illud Apocalypsis frequentissimum: *Spiritus & Sponsa dicunt, Veni. Et qui audit, dicat, Veni.* Et post pauca, *Etiam venio cito. Amen: Veni Domine Iesu.* Atque hinc tantopere in Galatas mouebatur Apostolus quod de Christo sibi prædicato nonnihil remississent: *O Insensati, quis vos fascinavit non obedire veritati, ante quorum oculos Iesus præscriptus est, in vobis crucifixus?* Oportet certe esse infascinatam, sic resistere tam crebris & validis Spiritus sancti motibus in re tam nobili, tam necessaria, tam facili, & delectabili. Si tibi sublimia quædam & difficilia intellectu proponeret, si dura & aspera voluntati, certe obedire deberes, cum ille non desset auxilio. At quænam tibi proponit? Iesum Infantem in Virginis utero, Nascentem in stabulo, vagientem in cunis, fugientem in Ægyptum, laborantem in Nazareth, docentem Ierusalymis, conuersantem cum hominibus, patientem ab Inimicis, morientem in Cruce, regnantem in Cælo, venturum ad Iudicium. Hæc vt cogites, vt loquaris, & in mores tuos inducas, exhortatur. Quid hic adeò difficile & arduum vt te excuses! tamen vnâ hanc cogitandi de Christo difficultatem acculas! O probum! O pudor! *Quomodo dicis quod amas me, cum animus tuus non sit mecum!* Responde conquerenti Christo, & eius Spiritui ingemiscienti.



FERIA QUINTA.

DE DESIDERIO SANCTORVM
PATRVM CIRCA ADVENTVM DOMINI.

Rorate cæli desuper, & nubes pluant iustum. Is. 45.
Desiderium suum Iustis dabitur. Prou. 10.

VERITAS PRACTICA.

Vix ullus est, qui non se verè putet desiderare Christum, & vix ullus est, qui Eum verè desideret.

RATIO huius postremae partis, quae sola potest habere difficultatem, haec est, quòd verè desideranti, nunquam Christus possidendus denegetur.

Sed ex istis qui se verè putant desiderare Christum, vix ullus est, qui Eum nunquam possideat.

Ergo & vix ullus est, qui Eum verè desideret. Quod quàm sit lugendum, patet.

I. PUNCTVM.

QUEM scripsit Moyse in lege, & Prophetæ, hunc vehementer desiderabant antiqui illi Patres, quorum hæ sunt voces & desideria. *Rorate cæli desuper, & nubes pluant iustum: aperiatur terra, & germinet Salvatorem. Utinam dirumperes cælos & descenderes, à facie tua montes defluerent.* *Neque fuit inane eorum desiderium, sic enim desiderando & petendo, meriti sunt de congruo quod petebant, ut ait S. Thomas. Atque hinc oritur Veritas valde conlucenda, Quòd vix ullus sit à Christianis, qui non se verè putet desiderare Christum, magis ac magis possidendum, cum vix tamen ullus sit, qui verè eum desideret.* 1s. 45. Ibid 64. I. p. 9. 2. 4. 11.

Prima pars Veritatis nullam prorsus habet difficultatem. Quis enim est hominum, qui non appetat scire, aut qui sibi bene non velit? Quid est autem dignius? quid vtilius? & quid beatius siue ad intelligentiam, siue ad voluntatem explendam, quàm quæ de Christo Domino sciri & amari possunt? Longè enim veriùs, quàm de Elià, de Illo dici potest. *Beati sunt qui te viderunt, & in amicitia tua decorati sunt.* Tu de te ipso quid sentis? Nonne etiam plura & plura de Illo sentire appeteres? Restat itaque declaranda postrema pars, qua dicitur, *vix ullum esse tamen, qui Eum verè desideret.* Ecclesi. 48.

Neque verò maiorem habet difficultatem, quàm præcedens, si

attentè consideretur quod primò præmittitur expendendum, Verè desideranti Christum nunquam negari; sic apertè Sapiens sub nomine Sapientiae. Facile videtur ab his qui diligunt eam, & inuenitur ab his qui quarunt illam. Præoccupat qui se concupiscunt, ut illis se prior ostendat. Qui de luce vigilauerit ad illam, non laborabit, asistentem enim illam foribus suis inueniet. Dignos se ipsa circuit quærens, & in viis ostendit se hilariter, & in omni providentia occurrit illis. Quid clarius? Sic Danieli præ aliis sunt indicatæ quædam particulares circumstantiæ mysterij Incarnationis, quia vir desideriorum es, inquit illi Angelus. Sic Simeoni seni se infans Iesus amplexandum dedit, quia senex intantem videre ante mortem vehementer desiderarat. Sic Moyse & Eliæ apparuit in Transfiguratione, quia faciem eius ardentius alijs experierant. Sic Zachæo quærenti videre Iesum quis esset; Hodie, inquit, in domo tua oportet me manere. Sic Magdalene ante omnes, atque alijs mulieribus ante Apostolos, dum resurgit se videndum præbet, quia illæ singularem præ se tulerant in Eum curam & studium. Ac præclare quidem de S. Magdalena Diuus Gregorius. Quæsiuit prius, & minime inuenit: perseuerauit ut quæreret, unde & contigit ut inueniret; actumque est ut desideria dilata crescerent, & crescentia caperent quod inuenissent. Sed & Thoma, inquit S. Bernardus, iuxta desiderium cordis eius palpandum se præbuit, & voluntate labiorum eius non fraudauit eum. Atque vniuersum de omnibus verè desiderantibus idem Sanctus concludens, Igitur, inquit, istiusmodi magnus spiritibus magnus occurret Sponsus, & magnificabit facere cum eis, emittens lucem suam & veritatem suam. Vide sermonem integrum & præcedentem, qui toti sunt de hoc argumento; cum, ut ipse ait, Per se ipsum dignatur inuisere animam quærentē se, quæ tamen ad quærendum toto se desiderio & amore deuouit. Et hoc signum istiusmodi aduentus eius, sicut ab eo qui expertus est edocemur, ignis ante ipsum præcedet. Oportet namque ut sancti desiderij ardor præueniat faciem eius ad omnem animam, ad quam est ipse venturus, &c. Concaleat hoc ardore cor meum intra me, & in meditatione mea exardescat ille ignis.

II. PUNCTVM.

SED ex istis qui se verè putant desiderare Christum, vix ullus est qui Eum vnquam possideat.

Si de perfecta possessione, quæ in hac etiam vita haberi potest, ageretur, non esset mirum, quod vix à quoquam possideretur ut possideri potest: cum & ipse Apostolus non se satis arbitretur comprehendisse, sed ultra pergens, *Sequor*, inquit, *si quo modo* Phil. 3. *comprehendam*, in quo & comprehensus sum à Christo Iesu. Verum de hac perfecta possessione non hic agitur, neque tam fortè ex his sumus, quibus dolendum est deesse aliquid perfectionis, quàm ex iis quibus ipsa vix lucent Euangelij principia, nec quàm longè abint à Christo, norunt; ad quos aptè Apostolus: *Etenim* Hebr. 5. *cùm deberetis esse Magistri, propter tempus, rursum indigetis ut vos doceamini quæ sint elementa exordij sermonum Dei.* Quodnam est illud exordium sermonum Dei? quænam sunt elementa huius exordij? Nonne hæc sunt quæ toties audiisti, & quæ nondum didicisti? *Beati pauperes spiritu. Beati mites. Beati misericordes. Beati* Mat. 5. *qui lugent, & qui patiuntur propter iustitiam. Va vobis diuitibus. Va* Luc. 6. *vobis qui ridetis nunc. Va cùm benedixerint vobis homines. Beati cùm maledixerint vobis, & persecuti vos fuerint & dixerint omne malum aduersum vos, mentientes propter me. Benedicite maledicētibus vobis.*

Hæc sunt videlicet elementa & principia Christianæ quam profiteamur religionis; hæc est possessio Domini, & hoc testamentum Christi Iesu quem colimus; hæc est doctrina Magistri nostri; hæc est salutis via quam aperuit, hæc veritas quam docuit; hæc humana vita quam egit. Tanto quis nostrum magis aut minus illū possidet, quanto magis aut minus intellectu practico capit, voluntate efficaci amplectitur, & memoria vigilantiori recordatur illas primas Veritates, ut sese his totum intus & foris accommodet & conformet. *Verba*, inquit, *quæ Ego locutus* Ioan. 6. *sum vobis, spiritus & vita sunt. Hic sermo viuus & efficax, & pene-* Hebr. 4. *trabilior omni gladio ancipiti, & pertingens vsque ad euersionem anime ac spiritus, compagum quoque ac medullarum.* Id est, sic ipse Christus in nobis manens in nobis operatur, prout à nobis possidetur, sic diuidit appetitum à ratione, & rationem à gratia, ut cum eius verbis credimus, cum fidem factis ostendimus, cum denique vitam vere Christianam & Euangelicam viuimus, appetitus cedit rationi, & ratio Gratia. Hoc ex possideri à Christo, hoc est Christum possidere. *Elegit sibi Dominus Israel in possessionem sibi.* Psal. 134.

Iam verò quis eorum, qui se verè putant Christum desiderare,

sic Christum possidet? Capisne tu, qui præ te fers tale desiderium, quale illud, quàm horrendum *Vae diuitibus, aut à mundo benedici*? An te beatum & fortunatum putas, cum malediceris, cum impugnaris? An omni petenti tribuis? An saltem parato viuus animo, sic te in omnibus gerere, qualem decet Christi discipulum? An putares studiosum alicuius artis bene possidere Authorem quem sequitur in illa arte discendi, si non magis eum possideret in vfu & praxi, quàm tu Christum possideas in praxi Veritatum quas docuit? Vide vias tuas, vide sensus tuos internos & externos, & vide quantum dissentiant ab Authore tuo. Vide in quantis tibi Apostolus diceret: *Vos autem non ita didicistis Christum, si tamen illum audistis, & in ipso edocti estis, sicut est veritas in Iesu, deponere vos secundum pristinam conuersationem, veterem hominem, qui corrumpitur secundum desideria erroris.*

Ephes. 4.

III. PUNCTVM.

HINC ergo aperte liquet, quòd vix vllus sit qui verè Christum desideret, tametsi vix vllus sit qui non se verè putet Eum desiderare. Cum enim vere desideranti nunquam denegetur Christus, & tamen Illum tam pauci possideant, vt vix vllus Eum in ipsis elementis Exordij sermonum eius percipiat, quantum ad praxim; certè non aliunde prouenit, quam quod non verè desideret, quem se desiderare putat. Nam si de omni Iustorum desiderio vniuersim & absolute dicitur, *Desiderium suum Iustis dabitur. Animam esurientem satiauit bonis; & Beati qui esuriunt & sitiunt iustitiam, quoniam ipsi saturabuntur*: quanto magis id verum esse oportet de desiderio rei desideratissimæ, qualis est ille qui dicitur *desideratus cunctis gentibus; qui est totus desiderabilis*, seu, vt habent septuaginta, *totus desiderium*. Quantumcumque enim anima ipsum desideret, Ipse animam magis desiderat: Atque in hoc mutuo vtriusque desiderio, quid est quod vniõnem & possessionem impedire possit?

Genes. 10.

Psal. 106.

Matth. 5.

Agg. 2.

Cant. 5.

Serm. 37.

in Cant.

De hoc mutuo Sponsi & sponsæ desiderio, præclare admodum S. Bernardus in Cantica, inducens custodem Angelum lamenta sponsæ nunciantem, & aduentum sponsi renunciantem. *Discurrit medius*, inquit, *inter dilectum & dilectam, vota offerens, referens dona: excitat istam, placat illum*. Et quæ plura habet, ex quibus

euidenter pater, quàm verum ſit, verè deſideratum Dominum poſſideri, aut ſi non poſſideretur, non verè deſiderari.

Sed, inquires, ſe tamen illum deſiderare ſentiunt. At verò quis neget nos ſæpe falli in noſtris ſenſibus? Vtri magis adhibenda fides? an veritati ſeſe vltro poſſidendam offerenti: an mendaci animæ dicenti ſe verè quærere nec inuenire? Errant verò vehementer, & in hoc errant, quòd eorum deſideria non ſint ſatis ardentia, non ſint ſatis pura, excluſis aliis, non ſint ſatis digna Chriſto. Tale eſt bonum Dominus Ieſus, vt ei capiendo dilatandus ſit animi ſinus, quod ſit ardentibus & puris deſideriis. *De in Pſal. 54. ſiderium, ſinus cordis eſt,* inquit S. Auguſtinus, *capiemus ſi quantum poſſumus, extendamus.* Itane extendis ſinum? Itane, quantum potes, deſideras? Itane, quantum ſanitatem, quantum ſcientiam & honorem, ſic tu Ieſum deſideras? O cordis humani probrum! quid deſideras anima, niſi bonum? & quid melius Domino Ieſu? Quid eſt humanum & terreſtre, ad quod ſi ſolo deſiderio perueniri poſſet, non libenter deſiderares? Et ad Domini Ieſu poſſeſſionem, vnum ſufficit deſiderium, nec tamen adhibes! Confundere & erudire.

Vide in 2. parte Feriam quintam Hebdomadæ ſanctæ. Et in Indice, *V. deſiderium.*



FERIA SEXTA.

DE SANCTISSIMA VIRGINE
MARIA MATRE DOMINI
NOSTRI IESU CHRISTI.

Quæ eſt iſta quæ progreditur quaſi aurora conſurgens: pulchra vt luna: electa vt ſol: terribilis vt caſtrorum acies ordinata? Cant. 6.

VERITAS PRACTICA.

Sicut omnis à Maria reſpectus, impoſſibile eſt vt pe-

reat : Ita omnis ab Ea despectus , necesse est , ut
intereat.

*RATIO EST, Quia idcirco omnis respectus ab Ea non perit,
quia per Eam obtinet Gratiā Finalis perseverantiā cum qua
nemo perit.*

*Sed omnis etiam despectus ab Ea, priuatur illa Gratia, qua quis-
quis priuatur, perit.*

*Ergo sicut omnis respectus ab Ea, impossibile est ut pereat, ita
omnis despectus ab Ea necesse est ut intereat.*

S. Bonan
in phar. l.
1. c. 5.

*Quæ sententia est plurimorum sanctorum Patrum, & valde con-
sideranda ad augendum cultum Beatissimæ Virginis Matris.*

I. PUNCTVM.

PERPENDERE primò quod sanctissima Virgo tale est
opus, ut sublimiores quæque mentes illud considerantes
nonnihil mirentur & dicant, *Quæ est ista?* Hinc sancti
Ioannis Chrysostomi celebre dictum, *quod qui Beatam Virginem
non stupet, Deum nescit.* Admirare, obitupescere.

Aduerte secundo quod quatuor sunt veluti capita quò refe-
runtur cætera eius præconia, quæque in supradictis Cantico-
rum verbis continentur. Primum est Virginalis Maternitas
quæ *Aurorâ* exprimitur. Secundum est, Gratiæ amplitudo quæ
per *Lunam* adumbratur; Tertium est Gloriæ singularis sublimi-
tas quæ in *Sole* repræsentatur. Quartum denique, amplissima
potestas velut *Castrorum acies ordinata.* O vere admiranda in
omnibus.

Tertio denique discas, qualis Illi propterea cultus debeatur,
nempe singularis qui dicitur hyperdulia supra omnes sanctos,
infra solum Deum, unde sanctus Bernardus, *Nihil tibi, ô Domi-
na, æquale, Nihil comparabile. Omne quod est, aut supra te, aut
infra est; Supra te solus Deus infra te, quod Deus non est.*

Ad hunc potro reddendum cultum, non parum conferet
propositæ Veritatis consideratio, cuius hæc est prima pars omni
acceptatione dignissima; *Quod omnis respectus ab ea, impossibile est*

ut percat, quia scilicet per eam, obtinet gratiam finalis perseverantiae, cum qua nemo perit. Sic illa non obscure, *Qui me inuenerit, inueniet vitam, & hauriet salutem à Domino. In me gratia omnis via & veritatis: in me omnis spes vite & virtutis.* Quod sic illustrat S. Anselmus; *Velocior est nonnunquam salus memorato nomine eius quàm inuocato nomine D. Iesu: non quod ipsa maior & potentior sit, nec enim ipse magnus & potens est per eam, sed illa per ipsum: quare ergo? Dicam quod sentio. Filius eius Dominus est & Iudex omnium, discernens merita singulorum. Dum igitur ipse, à quouis suo nomine inuocatus non statim exaudit, profecto id iuste facit: Inuocato autem nomine Matris, etsi merita inuocantis non merentur, ut exaudiatur; merita tamen Matris intercedunt ut exaudiatur.* Brevius Idiora. Quos saepe Iustitia Filij damnare potest, Matris misericordia liberat. Fuit illi vero sanctus Bernardus: *Im. ne de aquæ ductu, ubi postquam de Mediatrix interponendum ad Mediatorem egit, sic pergit: Inuenisti, inquit Angelus, gratiam apud Deam; feliciter; semper hac inuenit gratiam, & sola est gratia quæ egenus, sola est gratia qua saluamur. Quæramus gratiam, & per Mariam quæramus: quia quod querit inuenit, & frustrari non potest. Idemque alibi. In hoc conuenienter vocatur Regina misericordia, quod diuina pietatis abyssum cui vult, & quando vult, quomodo vult, creditur aperire, ut quouis enormis peccator non percat, cui sancta sanctorum suffragia sui patrocinij præstat. Salue Regina, Mater misericordiae, vita, dulcedo & spes nostra salue.*

Prou. 8.

Eccles. 24.

De excel.

Virg. c. 6.

Sermo. I.

in sal.

Reg.

I L P V N C T V M.

SED similiter omnis ab ea despectus necesse est ut intereat, quia priuatur illa gratia perseverantiae, quæ quisquis priuatur, perit.

Hoc enim vnum & idem est despici ab ea, & priuari gratia quam communicat alijs, sicut ab ea respici nihil aliud est quam respectos sic adiuuari ut obtineant gratiam qua saluentur; sic prius ab ea despici nihil est aliud quam despectos à Filio & à Matre non ita adiuuari ut defectu similis gratiae, pereant in peccato.

Et quidem horum perditionis causa est peccatum proprium sic diuina in eos exigente Iustitia. Sed cum Illi pro quibus in-

S. Bern.
ser. I. de
Matris.

Sic est voluntas eius qui totum nos habere voluit per Mariam. O Mariæ dignitatem, ô Mariæ potentiam!

III. PUNCTVM.

SICVT ergo omnis à Maria respectus impossibile est ut pereat; ita
Somnis ab ea respectus necesse est ut intreat.

S. Aug. 1.
d. 107. m.
c. 1.

22. q. 137.
a. 4.

Serm. de
S. Deip.

Apud
Mauriph.

Serm. 18.
de sanctis.

Serm. de
agone du-
lci.

Comp. de
salutis glori-
a.

S. Is. Dam.

orat. de
2. c. 1. r.

S. I. nam.

in p. r. c.

in.

Merè gratuita est illa perseverantia gratia, mere gratuitum donum quod nemo hominum mereri potest, ut certo obtineat: multi autem ac pene omnes suis merentur peccatis ut eo priuentur, licque merito unicuique timendum est, quod nisi adiungetur ab Ea cui nihil reculatur, omnino pereat. Sic omnino sanctiores quique sentiunt. Sanctus Ephrem antiquus & valde probatus author, *Intemerata*, inquit, *prorsusque pura, virgo Deipara, spes disperantium, tu portus procellis vexatorum, solatium mundi, & omnium salus, sub alis tuis custodi me, & protege, non mihi alia fiducia, Virgo sincera.* S. Ioannes Chrysostomus: *Per hanc peccatorum veniam consequimur. Ave igitur mater, cælum &c. assidue pro nobis precare Iesum filium tuum, ut per te misericordiam inuenire possimus.* S. Augustinus: *Tu es spes unica peccatorum, per te speramus veniam delictorum, & in te Beatissima, nostrorum est expectatio premiorum.* S. Bernardus: *Filii, hac peccatorum schola, hac mea maxima fiducia est.* S. Thomas: *Sicut nautigantes per stellam diriguntur ad portum, ita Christiani per Mariam ad salutis gloriam.* Alij, quia longiores sunt, reticentur.

Hic tu quid agas miser peccator? non illam coles à qua te ita pendere intelligis, ut vix aliter sic speranda salus? sed in quo eius cultus? Quid eum promouet? Quid retardat? Hac inue-
lliga diligentius, & te illi totum offer.



S A B B A T O.

DE SANCTO IOSEPHO SPONSO
VIRGINIS MATRIS.

Ite ad Ioseph, & quicquid ipse vobis dixerit, facite. Genes. 41.

VERITAS PRACTICA.

Melius itur ad S. Ioseph imitatione Virtutis eius,
quam laude.

*RATIO EST, Quia quò melius à nobis colitur S. Ioseph, eò
melius ad eum itur.*

Sed melius imitatione Virtutum colitur, quam vlla laude.

*Ergo sic melius ad Eum itur. Ac proinde quantum necesse est Eum
adire, tantum est imitari.*

I. P V N C T V M.

NOTA est historia Patriarchæ Iosephi, filij Iacob quem fratres vendiderunt, quique in Ægypto tam gloriosus fuit, vt ad eum cuncti Ægyptij inopia laborantes à Rege mitterentur: *Ite ad Ioseph.* Nunc vero idem nobis à Deo dictum putemus de S. Ioseph quem sic honorare decreuit, vt cum magis laboramus tum ad eum præsertim subleuandi mittamur. Cum sint autem eius adeundi tres præcipuæ viæ seu modi Laude, prece, & imitatione virtutum. Hic posterior est aliis præterendus, & vere melius itur ad eum imitatione eius virtutum, quàm laude vel vlla prece.

Nam quid est illum adire nisi colere, nisi sibi eum demereri

Eccl. 6. & propitium reddere? hoc est enim quod intendit Deus, *Sic honorabitur quemcumque voluerit Rex honorare.* Vnde id sequitur quòd quàm perfecte Eum coles, tam perfecte adibis. Salue patriarcharum decus & Ecclesiæ sanctæ Dei Oeconomus, cui panem vitæ & frumentum electorum conseruasti.

II. PUNCTVM.

SED melius imitatione virtutum colitur S. Ioseph, quàm vlla laude vel prece.

Nam cum omnis honor & cultus proueniat ab æstimatione quam facimus de eo quem honoramus: quantò apertius erit signum meæ de Sancto æstimationis, tanto erit maior illius cultus: Longe autem apertius erit signum cùm eius virtutes imitabor, quàm cum laudauero; nam facta præstant verbis. Qui tantum laudat nec imitatur, dubiam facit laudationem, cur enim non opere exprimit, quod sermone? At vero qui imitatur, etiam si non laudat verbis, opere ipso magnificat. Hinc sanctus Ioannes Chrysostomus sermonem egregium scripsit de Martyribus quod vel laudandi non sint, vel imitandi, *Quoniam,* inquit, *quem delectet sancti alicuius meritum, delectare debet par circa cultum Dei obsequium: quare aut imitari debet si laudat, aut laudare non debet si imitari detrectat.*

Adde quod ipsi sancti in obsequiis nostris magis spectent gloriâ Dei & nostram salutem, quam sui venerationem; Est autem Deo gloriosius & nobis vtilius eos imitari quam laudare. Non quod a nobis laudandi non sint, sed quod magis etiam imitandi. Sic apte S. Bernardus; *Ad quid sanctis laus nostra? Ad quid glorificatio nostra? quò eis præconia nostra? pleni sunt, bonorum nostrorum non egent, nec quicquam eis nostra deuotione præstatnr. Plane quod eorum memoriam veneramus, nostra interest, non ipsorum.* Quali diceret, magis coluntur, magisque tibi gratificatum putant, si ipsorum præclare gesta factis consecremur quam verbis, *Quorum intuentes exitum conuersationis, imitamini fidem,* inquit Apostolus. O vera Charitas quæ non quærit quæ sua sunt.

*Serm. 5. de
fest. om.
Sanct.*

Hebr. 13.

III. PUNCTVM.

MELIVS ergo itur ad sanctum Ioseph, imitatione virtutum, Cum sic melius colatur & honoretur : sic melius obtineatur quod quæritur. Ite ad Ioseph & quodcumque dixerit vobis, facite. Quid est autem quod dicit nobis faciendum, nisi quod ipse fecit ? Quid porro est quod ipse fecit ? quænam eius virtutes quas imitemur ? discas ex hoc quadruplici capite.

Primum, quod fuerit sponsus sanctissimæ Virginis, ac proinde illi quam-simillimus ; Nam in coniugio perfecte instituto, coniuges sic sibi similes esse debent, vt nulla morum dissimilitudine dissentiant. Fuit autem hoc Mariæ & Ioseph coniugium diuinitus factum, ac proinde perfectum quantum ad hanc animorum & vitæ conformitatem. O qualem igitur oportuit fuisse Sanctum Ioseph ? Qualis scilicet erat Maria.

Secundum, quia Pater fuit D. N. Iesu Christi à quo educaretur, regeretur, & cui se Dominus regendum daret, velut ipsi Deo Patri, vnde sequitur S. Iosepho omnes Dei voluntates notas fuisse ex quibus regeret Filium sibi commissum, & ex quibus Pater ipse Nutritius dirigeretur vt facilius infantem regeret. O vere virum secundum cor Dei, qui faciat omnes voluntates eius.

Tertium, quia Contubernalis Iesu & Mariæ per triginta fuit annos, ex quorum quotidiana familiaritate quas non hausit virtutes ? Nam de Vnoquoque Eorum verè dici potest quod Sapiens dicebat de Sapia: *Sciens quoniam mecum communicabit de bonis : Et præclaritas in communicatione sermonum Ipsius.* Sap. 8.

Quartum denique caput peti potest ex ijs quæ de eo referunt Euangelistæ, in quibus insignis elucet *Iustitia*, cum dilectam sponsam in tam ancipiti dubio de eius gratitudine tam suauiter habuit. *Obedientia*, cum tam prompte ipsa horâ qua monitus ab Angelo fuit, secessit in Ægyptum. *Patientia* in tantis rerum angustiiis. *Humilitas* in religiosissimo silentio. *Renunciatio* siue Abnegatio perfecta omnium, cum non modo patria, parentes, domus, supellex & omnia deferenda fuerunt, dum infans esset Iesus ; sed quando factus est vir, quando ad tricesimum vitæ annum prædicare Christus cœpit : o quæ tum desideria Iosephum Patrem mouere poterant vt Filium prædicantem audiret ! sed

morendum fuit , & libenter desiit viuere cum iam vitâ ipsius non egeret Filius, propter quem solum viuebat Pater.

Hæ sunt Virtutes imitandæ ; & tùm earum aliquis exercendus actus cum adire desideras sanctum Ioseph. Aduerte quid iam possis eius exemplo, in quibus pati, humiliari, & abnegari.

Vide infra in Vigilia Natiuitatis Domini , & die decima Ianuarij, ac vndecima.





DOMINICA SECUNDA ADVENTVS.

DE SANCTO IOANNE BAPTISTA
LAUDATO A CHRISTO DOMINO.

Hic est de quo scriptum est, Ecce ego mitto Angelum meum ante faciem tuam, qui preparabit viam tuam ante te. Matth. II.

VERITAS PRACTICA.


Hoc est vere laudabile, laudari ab officio.

RATIO EST, Quia laudari à voluntate Dei completa, hoc est vere laudabile.

Sed laudari ab officio, est laudari à voluntate Dei completa.

Ergo hoc est vere laudabile, laudari ab officio. Quam tamen laudem pauci merentur.

I. PUNCTVM.



VM audisset Ioannes in vinculis opera Christi, mittens duos de discipulis suis, ait illi. Tu es qui venturus es an alium expectamus? Vide quæ sequuntur ex Euangelio hodierno; Et in multis illud præcipue contemplare, quam sapienter Christus Dominus laudet suum Præcursores.

Mal. 3.

ab hoc eius officio digne gesto. Quanta erant in Ioanne prædicanda? Conceptio mirabilis, Sanctitas singularis, Solitudo stupenda, Continentia inusitata; nihil tamen horum prædicat Dominus; sed hoc vnum quod sit Propheta & plusquam propheta, seu quod idem est, quod sit ille Angelus prædictus à Malachia, qui aliter præcursor dicitur, ad hoc missus à Deo ut præparer viam ante Christum, Id est, ut disponat homines ad eum recipiendum. Quo nomine illum præcipue Dominus laudat quia hoc erat eius præcipuum officium ut esset præcursor Domini, quo quidem officio cum præclare fungeretur, hæc erat eius etiam præcipua laudatio, *Nam hoc est vere laudabile, laudari ab officio, bene scilicet administrato.*

Is. 44.
Apoc. 1.
Ps. 148.

Ratio est euident, quia laudari à Voluntate Dei completa seu plane effecta, hoc est vere laudabile. Hic est enim Finis omnis creaturæ ut sit ad Deum, sicut hoc est eius principium ut sit à Deo, qui propterea dicitur *primus & nouissimus*, & *principium & finis*. Esse autem creaturas ad Deum, quid est aliud quam idcirco esse ut faciant verbum seu voluntatem eius? Est igitur earum finis Voluntas Dei. Iam vero cum res aliqua finem suum perfecte attingit, nonne perfecta est? si porro est perfecta nonne tum laudabilis quantum est laude digna? Sic ergo euidenter apparet, quod laudari à Voluntate Dei, hoc sit vere laudabile.

Ps. 102.

Sic Angeli nobiliores creaturæ maxime commendantur cum de his dicitur: Benedicite Domino omnes Angeli eius, potentes virtute, facientes verbum illius, ad audiendam vocem sermonum eius. Sic ipse Angelorum & hominum Dominus hoc vno se commendabat, *Ut faciam*, inquit, *voluntatem eius qui misit me, ut perficiam opus eius*. Posset ne à te cogitari aliquid altius & sublimius quod faceres, quam quod Deus vult? sed posset ne etiam aliquid aliud cogitari quod te impediret, ne faceres quod ille vult?

Is. 44. 4.

II. PUNCTVM.

SED laudari ab officio rite administratio, est laudari à voluntate Dei completa, seu quā n̄ plene fieri potest, adimpleta.

Nam cum semel ex ordinatione diuina susceptum est officium quoties bene illud administratur, toties Dei Voluntas efficitur, neque

neque aliter certius & manifestius diuina nobis voluntas inno-
 -rescit, quam per nostrum officium. Quis enim dubitet quin Deus
 ab vnoquoque velit vt id præstet quod ab ipso præstandum ac-
 cepit? Quis sibi non dictum putet ab Apostolo, quod is dicit Ar-
 chippo, *Vide ministerium quod accepisti in Domino, vt illud impleas?* Coloss. 4.
 At de quouis alio bono opere quis ita certus esse potest? Imo
 quantumcumque bonum sit opus, si repugnet officio ritè obeun-
 do, tunc desinet opus esse bonum, quia impedit aliud quod est
 certius bonum. Sed vnde est certius bonum, nisi quod est certius
 à diuina voluntate? Atque illud est quod monebat Apostolus;
Non plus sapere quàm oportet sapere, sed sapere ad sobrietatem, & Rom. 12.
unicuique sicut Deus diuisit mensuram fidei. Sicut enim in vno corpo-
re multa membra habemus; Et quæ plura pergit.

Adde hic verò, quod cum officij cuiuslibet plures sint partes
 seu plures bene gerendi occasiones, quisquis sic omnibus inten-
 tus est, vt nullam omittat, vere is dicetur totus esse in Dei vo-
 luntate adimplenda; quod non potest dici de alio quolibet bono
 opere, in quo tam frequens esse non poterit sicut in officio & mu-
 nere persoluendo.

Denique non vna tantum Voluntas Dei in eo fit, sed triplex
 illa de qua Apostolus: *Vt probetis qua sit voluntas Dei bona, & be-* Rom. 12.
neplacens & perfecta: Nempe cum id fit in substantia quod vult
 Deus; cum in modo sicut vult; & in fine quia sic vult. O quam
 præclare tum administratur officium cum sic voluntas Dei adim-
 pletur! & quam vere tum voluntas diuina completur cum sic
 præclare administratur officium!

III. PUNCTVM.

HOC est ergo verè laudabile, laudari ab officio; Cum sit vere
 laudabile, laudari à voluntate Dei, quæ tantò perfectius
 adimpletur, quam perfectius completur ab vnoquoque suum vi-
 tæ degendæ munus & officium. *Vita in voluntate eius:* seu na- Ps. 29.
 turalis, seu ciuilis, seu spiritalis vita: tota est in voluntate eius.

Non est quidem humana laus in officio bene gerendo appe-
 tendæ, sic enim desineret bene geri si propter humanam Lau-
 dem gereretur: Sed idcirco dicitur vere laudabile, laudari ab of-
 ficio, vt intelligas nulla re alia, te ab eo diltrahendum, quan-

Ecclef. 4. tuncumque sit illa res laudabilis & appetenda. Ne accipias faciem aduersus faciem tuam.

Esto sit aliud munus & officium tuo dignius & excellentius, si tamen tuum non est, & illud exercere velis, tuo prætermisso; non modo non laudabile, sed probrosum tibi erit. *Non est tui officij, Ozia, vt adoleas incensum Domino, sed Sacerdotum; Egrede de sanctuario, ne contempseris, quia non reputabitur tibi in gloriam à Domino Deo.* Non qui officium maius & laudabilius gesserit, ille est maior & laudabilior, sed qui suum dignius administrarit, quantum illud cumque fuerit. Quid ad te de aliis. *Tu me sequere*, dicebat Dominus Petro; quali diceret vt interpretatur S. Chrysostomus: *opus suscepisti, id considera, persice & labora. Quid ad te de Ioanne, tu officium tuum cura & exequere.*

Itane tibi est curæ tuum? Vide in quo deficias & quantum Dei voluntatem amas, quantum à Deo probari vis: tantum fideiis esto in hac parte. *Da mihi Domine sedium tuarum assitricem sapientiam vt mecum sit & mecum laboret.*

Vide infra Férias proxime sequentes Dominicam quintam post Epiphaniam. Et in secunda parte in festo S. Matthiæ. Feria 4. post Quinquagesimam. Feria 3. infra Octauas Ascensionis. Tres primas qua habentur inter Communes. Et Verbo, Vocatio, Officium &c.

IN EADEM DOMINICA SECUNDA ADVENTVS.

AD HÆC EVANGELII VERBA:

Cum audisset Ioannes in vinculis opera Christi.
Math. II.

ALIA VERITAS PRACTICA.

Liberior & beatior est Ioannes in vinculis, quàm Herodes in epulis.

RATIO EST, Quia ille liberior verâ & beatâ libertate est, qui

nulla re detinetur, quo minus agat quod agendum in Domino viderit.

Sed nulla re Ioannes in vinculis: Herodes vero cupiditate & metu detinetur, quo minus agat quod agendum videret.

Ergo liberior & beatior est Ioannes in vinculis, quàm Herodes in epulis.

NDE illud ad praxim ducitur, quod nihil æque seruire est & minus liberum quam passio: nulla libertas maior & carior nobis esse debet quam illa libertas interior, qua soluitur animus omnibus terrenorum affectuum vinculis.

Prima propositio præsupponit multiplex genus libertatis de quo fufius alibi. Satis sit modo triplex illud obseruare ad quod cætera omnia reuocantur. Primum est malæ cuiusdam libertatis de qua Apostolus: *Vos in libertatem vocati estis, tantum ne libertatem detis in occasionem carnis.* Et sanctus Petrus, *Non velamen habentes malitiæ, libertatem.* Gal. 5. 1. Pet. 2.

Secundum genus est indifferentis, qualis est naturalis & humana libertas de qua dicitur: *Deus ab initio constituit hominem* Eccl. 15. *& reliquit illum in manu consilij sui. Apposuit tibi aquam & ignem, ad quod volueris porrige manum tuam.*

Tertium denique est veræ & beatæ libertatis quæ à Spiritu sancto est iuxta illud Apostoli, *Vbi spiritus Domini, ibi libertas;* 2. Cor. 3. libertas scilicet spiritualis de qua sic aptè sanctus Leo: *Tunc est* Serm. 1. *vera pax & vera libertas hominis, quando & caro animo indi-* de quadr. *ce regitur, & animus Deo præside gubernatur.* Et alibi, *Cum caro* Serm. 4. de *concupiscens aduersus spiritum spirituali cupiditate superatur, tunc* ieiun. Pet. *libera obtinetur sanitas, & sana libertas, ut & caro mentis iudicio, & mens Dei regitur auxilio.* Sic etiam sanctus Augustinus, *libertas nulla vita est nisi beatorum, & legi æterna adherentium.* Et L. 1. de lib. *rursus; quem delectat libertas, ab amore mutabilium rerum, liber* arb. c. 15. *esse appetat, & quem regnare delectat, is omnium Regnatori subditus* L. de Rel. *hæreat.* Ex quibus satis manet probata propositio. c. 48.

Secunda vero patet & Euangelio; nam præterquam quod sanctam hanc libertatem sanctus Ioannes iam apertè professus *Marc. 6.*

erat, cū Herodem arguit suæ libidinis: nunc etiam in vinculis ab eodem rege positus, quæ sunt opportuna discipulis suis diligenter curat, dum ipsos mittit ad Christum Dominum, à quo discant oculati testes Illum Eum esse qui promissus in lege est, & prædictus à prophetis; cui vni deinceps toti adhæreant. Hoc est scilicet esse liberum, hoc est nulla re detineri, non cupiditate honoris quem defert Christo, non metu mortis quam sibi videt impendentem, & à qua non petit liberari. Contrà vero Herodes licet non ignoraret Ioannem esse iustum & sanctum, licet illum audiret, & audito crederet in quibusdam bonis patrandis: tanta tamen libidine detinetur vt contra fas omne, audeat vxore fratris abuti, nec sibi videatur posse dissoluere tam arcta quibus constringitur prauis amoris vincula. Itane vero is poterit dici liber vera & beata libertate qua sanctus Ioannes?

Adde, quod cū iurasset saltatrici filię Herodiadis, se daturum illi quidquid petiisset, petiisset autem caput Ioannis Baptistæ: satis vidit rex Iudeus se nulla religione iurisiurandi obligatum, nec nisi summo cum scelere consenturum in necem Viri omnium optimi. Tamen ita timet nescio quid à Galilæis tūc simul discumbentibus, vt illo timore constrictus non ausit denegare quod postulatus est. Et hunc dices fuisse liberum eā libertate quam vnā sancti veram & sanā dicunt? Caue dicas, & Conclude, quod

LIBERIOR igitur sine vlla comparatione & beatior est Ioannes in vinculis, quam Herodes in epulis. Et quisquis sua se cupiditate sic deuinctum esse finit vt quod alioquin bene ageret, tunc non se posse putat, non est ille liber sed seruus, & mancipium suæ illius cupiditatis. *Serui sunt Corruptionis*, inquit sanctus Petrus, à quo enim quis superatus est, huius & seruus est. Cui subscribens Co-

2. Pet. 2.

Rom. 6.

postolus Paulus, *Nescitis, inquit, quoniam cui exhibetis vos seruos ad obediendum, serui estis eius cui obeditis, siue peccati ad mortem, siue obeditionis ad iustitiam?*

Ioan. 8.

Hanc illi scilicet doctrinam & disciplinam à magistro & Domino suo hauserant qui Iudæis affirmarat, *Quod omnis qui facit peccatum seruus est peccati: & solos illos esse vere liberos quos Filius liberauerit.*

Quamobrem hanc excute seruitutem, & asserere te cum gratia in libertatem minorum Dei. Vide, ne vilo prauo affectu detinea-

tis, neque rerum prosperarum complacentia, neque aduersarum displicentia sinas te moueri. Subde hæc animo tuo quasi indigna Christianæ celsitudini. In hoc vno veram libertatem à vera seruitute dignosce: *Quasi enim, inquit sanctus Gregorius, quodam iugo seruitutis premunt prospera dum appetuntur: premunt aduersa dum formidantur. At si quis semel à dominatione desideriorum temporalium colla mentis excusserit, quodam iam in hac vita libertate perfruitur, dum nullo desiderio felicitatis afficitur, nullo aduersitatis terrore coarctatur.* 3. Mor. 23.

IN EADEM EVANGELII VERBA.

ALIA VERITAS PRACTICA.

Multi cum Herode Ioannem in vinculis tenent.

RATIO EST, Quia Ioannem in Vinculis tenent qui quod ait Rom. 1.

Apostolus, Veritatem Dei in iniustitia detinent.

Sed multi Veritatem Dei in iniustitia detinent.

Ergo multi cum Herode Ioannem in Vinculis tenent. Quod patet quam sit horrendum & timendum ne ex illis sis.

PRIMA propositio pendet omnino ex interpretatione verborum Apostoli: *Qui veritatem Dei in iniustitia detinent*, & perinde est ac si diceret qui cognitam de Deo ac diuinis rebus veritatem iniuste ac malignè suppressunt, ac se dissimulant cognoscere, ne teneantur facere quod illa veritate cognoscunt faciendum, & quod sua voluntatis prauitate nolunt facere. Quando enim quibusdam aperte apparet Veritas vt omnino eam negare non possint, sentiunt se stimulari ad volendum & faciendum quod docet: vel si repugnent & nolint id facere, tamen stimulo conscientiae punguntur & cruciantur, quo vt se cruciatu liberent, abscondunt & incarcerant quodammodo veritatem, tenent eam velut captiuam ne appareat, ne loquatur, & ne stimulum excitet. Hoc est autem quodammodo cum Herode Ioannem in vinculis tenere, quia hæc vna erat ratio cur Ioannem

Marci 6.

Herodes vinciret & custodiret in carcere. Nempe Ioannes Herodi hanc veritatem proponebat: *Non licet tibi habere uxorem fratris tui*: Quia veritate cum Herodes se primo sentiret commoueri ad coercendam libidinem, libido restitit, & in illa resistantia factus est Herodi stimulus & angor mentis quem vt depelleret, captiuauit Ioannem, & in Ioanne veritatem: ne scilicet importuni essent monitores qui libidinem interturbarent. *Odiu peperit veritas*, ait sanctus Augustinus. *Non potuit aquo animo tolerari quod homo sanctus monebat, qui ubique salutem eorum quarebat quos sic monebat.*

Serm. 10. in
pionis serm.

Sic igitur Ioannes in vinculis positus propter Veritatem cum sit velut imago quædam & repræsentatio ipsius Veritatis captiuata ab his qui eam nolunt audire, nonne hi quodammodo dici possunt cum Herode Ioannem in vinculis retinere?

Rom. 2.

Sap. 1.

Ps. 35.

AT vero, quæ est secunda propositio, multi sic Veritatem Dei in iniustitia seu in captiuitate detinent. Primo id declarat Apostolus de omnibus illis Gentilibus qui cum Deum ipso naturæ lumine cognouissent, non sicut Deum glorificauerunt & coluerunt, sed cuanuerunt in suis cogitationibus. Deinde id ostendit etiam in Iudæis, qui cum facile possent nosse Christum Deum, non tamen cognouerunt quia cognoscere noluerunt, *eccacauit enim illos malitia eorum*. Sic denique hæretici, schismatici & alij à fide orthodoxa diiuncti, qui de Christo audiuerunt: quin & ipsi Christiani omnes qui vitam & mores Euangelio conformare nolunt, nonne sciunt aut nonne scire possunt veritatem oppositam suo viuendi modo? Et tamen nesciunt, inquire ab eis vtrum se errare & peccare putent? negabunt, & audebunt affirmare quod si veritatem scirent, eam sectarentur. Sed vt saepe dicendum erit, ignorantia est affectata, dissimulatur veritas, incarceratur, captiuatur. *Verba oris eius qui sic loquitur*, ait Psalter, *iniquitas & dolus. Noluit intelligere vt bene ageret*. Nonne vero hi multi sunt? Nonne pene sic omnes? Nonne tu qui hæc audis audiisti beatos esse pauperes, & miseros diuites, beatos esse mites & qui persecutionem patientur: infœlices eos contra, quos mundus fœlices vocat. Tu tamen itane sentis? Itane te beatum putas in paupertate, & in indigentia? Itane te infœlicem in tua fœlicitate credis? At vbi Veritas illa euangelica quæ id enuntiat & prædicat?

Detinetur videlicet in iniustitia, perperam explicatur, iniuste ab unoquoque applicatur aliis & non sibi. *Iudicium Domino cum habitatoribus terra*, ait Propheta, *non est enim Veritas*; Quali diceret, inde iudicabuntur omnes homines quod perinde viuant ac si non esset veritas. *Quare detraxistis sermonibus veritatis.* osée 41

Patet ergo quàm *Multi sint qui cum Herode Ioannem in vinculis teneant*, cum multi sint qui Veritatem Dei in iniustitia detinent, cuius veritatis defensionem qui suscipiunt sicut representantur in sancto Ioanne, sic illam qui captiuant, ut dictum est, Herodem habent prototypum quem vita exprimunt, licet ore detestentur. *Veritatem requireret Dominus, & retribuet abundanter facientibus superbiam.* Iob. 6,
Ps. 30.

AD HÆC EVANGELII VERBA.

Beatus qui non fuerit scandalizatus in me. Matth. II.

ALIA VERITAS PRACTICA.

Sicut scandalizans, ita peccat scandalizatus.

Id est. Sicut qui scandalizat, & auertit alium à bono, vel inducit in malum, male facit: Sic qui scandalizatur & se sinit peruertere, tam male agit, & tam grauiter peccat.

RATIO EST, *Quia idcirco scandalizans peccat quòd sit causa peccati alterius.*

Sed qui scandalizatur est etiam causa sui peccati.

Ergo sicut scandalizans ita & scandalizatus. Quod quidem fuis pertractatur in libris de ordine, in tertia operis parte, tomo quarto, discursu 34. Unde hæc pauca deriuamus.

PRIMA propositio præsupponit scandalum esse actiuum id est quo vere peruertitur alius, vel verbo, vel facto, siue id ioco, siue id ierio fiat, *Ambulans recto itinere*, inquit Sapiens, *Prou. 14* & *timens Deum, despicitur ab eo qui infami graditur via.* Ille despe-

ctus, ista irrisio, isti sales & ioci qui in recte ambulantes contorquentur, scandala sunt quibus à recto suo itinere reuocantur, quia nemo vult despici; confusio difficile toleratur, malunt non facere bonum quàm faciendo erubescere. Tunc itaque dicitur scandalizans valde peccare, quia vt ait S. Bernardus: *Et defraudauit Dominum serui obsequio, & seruum Domini gratia.* Hoc est agere dæmonem & Antichristum, quorum hoc est opus & institutum, bonos peruertere; Vnde illud est sancti Ioannis in epistolis;

1. Ioan. 2. *Et nunc Antichristi multi facti sunt. Cur subuertitis mentes filiorum*
 Num. 32. *Israël, aiebat Moyses, nulli dubium est quin peccetis in Deum, & scitote quia peccatum vestrum apprehendet vos.* Quale vero sit peccatum hic alibi declaratur, *Peccatum grande nimis coram Domino quia retraherant homines à sacrificio. Mandebant herbas & arborum cortices,* inquit Iob, Id est, vt fusè interpretatur sanctus Gregorius, suis irrationibus obstruebant, & velut maligno radebant dente quidquid boni in aliis apparebat. Hinc Sapiens: *Qui pessimant plebem meam, inuoluent perditionem.* Et Dominus, *Veni per quem scandalum venit:* Vnde & Apostolus; *Sic peccantes in fratres, & percutientes conscientiam eorum infirmam in Christum peccatis,* Et alibi. *Portabit iudicium quicumque est ille.* Ex quibus satis liquet quàm male agant qui à bono bonos auocant, aut in malum inducunt.

NUNC vero, quod est alterū hic expendendum, quàm male hi etiam aut peius agant qui se sinunt auocari ab aliis, eadem prorsus Ratio est, eademque scripturæ testimonia probant. Sunt enim perinde causa sui peccati atque alij, quibus deberent resistere, & quibus si cedunt, sua culpa cedunt, & propterea non minus quam illi aut forte grauius punientur. Nonne est Mundus, nonne est ille hostis qui cum carne & dæmone salutem nostram oppugnat, & cui proinde non minus est resistendum quam aliis? Quando Pater aut Mater ad malū aliquod vellent impellere, non essent audiendi, quacumque proposita poenā; & tu nugaces nescio quos timebis offendere? An te putares excusatum si te à carne aut dæmone impulsus ad peccandum excusares? *In quo iudicas alium,* inquit Apostolus, *teipsum condemnas, eadem enim agis que iudicas.* Nempe cognoscis malum esse quod alij faciunt, & quod nolles facere, nisi te ad illud impellerent: vnde & grauius peccas quia

quia contra lumen & conscientiam tuam finis te agi & perueri,
 sicque manifestè creaturam præfers Creatori, & confusionem
 quæ ab hominibus nascitur magis times quam confusionem quæ
 à Deo est, & quam expressa continent Christi verba, *Qui me eru-* Luc 9.
buerit & meos sermones, hunc filius hominis erubescet cum venerit in
majestate sua, & Patris, & sanctorum Angelorum. Propterea Chri-
 stus Dominus vocatur *lapis offensionis & petra scandali*, quia est 1. Pet. 2.
 causa obiectiua propter quam scandala fiunt & debent tolerari,
 nempe propter eius cultum propter Euangelicas Veritates quas
 docuit contra mundi mores & iudicia; Vnde & dicebat ipse Do-
 minus, *Qui ceciderit super lapidem istum, confringetur: super quem* Math. 21.
vero ceciderit, conteret eum. Id est qui suscipit & non repellit
 scandalum, grauius peccat & grauius punietur: *Quoniam Deus* Ps. 52.
dissipauit ossa eorum qui hominibus placent, confusi sunt quoniam Deus
spercutit eos. Tu times sperni ab hominibus, & non times à Deo
 sperni! Deus ille gloriæ & maiestatis pro te tot probris & contu-
 meliis affectus est, tu vero ne verbulum vllum pro illo possis
 pati! Certe hoc pauendum, nempe illa terra petrosa est vbi ia-
 ctum semen perit, sic ipso Domino declarante; *Qui super petrosa* Math. 13.
seminatus est, hic est qui verbum audit, & continuo cum gaudio acci-
pit illud. Non habet autem in se radicem, sed est temporalis; factis au-
tem tribulatione & persecutione propter verbum, continuo scandaliz-
atur. Et quod est valde notandum, non tantum inde tui est cau-
 sa peccati sicut alius à quo inducitur, sed & alium scandalizat,
 alium confirmat in malo, quem forte conuertisset si firmus per-
 stitisset in bono, deprauat magis & roborat in sua prauitate;
 Vnde illud est etiam Domini, *scandalizabuntur & inuicem tra-* Math. 24
dent, id est, sese mutuo ita peruerient, vt non modo boni per-
uertantur à peruersis, sed & ipsi peruersi à bonis deficientibus
magis in sua peruersitate confirmentur. Quò spectat illud Pro-
 pheta, *Confortastis manus impij, vt non reuerteretur à via sua mala,*
vt viueret. Reuersus nempe fuisset tua constantia & firmitate; Ezech. 13.
 nunc vero vix vnquam reuertetur quia videt probiores facile re-
 silire, nec se putabit magis quam illos perseuerare posse.

SIC ergo sicut scandalizans, ita & scandalizatus; ita vterque
 grauius peccat, sed quia scandalizatus minus forte agnoscer
 peccatum suum quàm alius, idcirco ipsi est incumbendum dili-

gentius vt quæ dicta sunt ponderet & sibi applicet, tantoque magis timeat, quantò sibi minus videt timendum. Nam si qui sint ex hac vita puniti, scandalizatus & in errorem inductus sæpe magis plectetur quam alius. Testis ille Propheta qui seductus ab alio, seductioni cessit, mox à leone deuoratus est in pœnam suæ defectionis; nec de seducentē narratur sumpta pœna. Vide notatum locum; & illud Apostoli transfer ad omnes occasiones dandi vel accipiendi scandali: *Itaque quæ pacis sunt sectemur, & quæ edificationis sunt in inuicem custodiamus. Noli propter escam destruere opus Dei: omnia quidem sunt munda, sed malum est homini qui per offendiculum manducat*, Id est, cum offendiculo & destructione proximi vel suæ ipsius conscientiæ; *Omne quod non est ex fide peccatum est.* Omne quod quis agit non persuasus id sibi licere, sed vel illicitum putans, vel dubitans vtrum liceat, peccatum est. Aduerte diligenter: & Vide infrà die 16. Ianuarij. Feria 3. post Dominicam sextam. Et in 2. parte Feria 3. post Dom. Septuagesima. Feria 6. post Dom. primam Quadragesimæ. Feria 3. post Dom. quartam Quadrag. Feria 3. intra Hebd. tertiam post Pascha. Et in Indice Verbo *Scandalum. Humilitas. Resp. Etus humanis.*



HAC HEBDOMADE, consideratur Annunciatio Angelica, vbi sex gradus humilitatis annotantur.

FERIA SECVNDA.

De primo gradu humilitatis qui ex his verbis ducitur: Missus est Gabriel Angelus à Deo. Luc. I.

VERITAS PRACTICA.

Nullâ re homo quantumuis gloriosâ, gloriari potest.

RATIO EST, Quia nulla res est hominis quam non ipse acceperit.

Sed nulla re accepta gloriari potest homo.

Missus est Angelus; & primus Humilitatis gradus. § 1

Ego neque re ulla quantumuis gloriosa. Et tamen quàm multi
vane gloriantur.

I. PUNCTVM.

M B I venit plenitudo temporis quo misit Deus Filium suum fa- Gal. 4.
ctum ex muliere, factum sub lege, primò missus est Angelus
Gabriel à Deo in ciuitatem Galileæ cui nomen Nazareth, ad
Virginem desponsatam viro, cui nomen erat Ioseph, de domo David, &
nomen Virginis, Maria.

Expendi singula possent, sed illud imprimis quod dicitur,
Missum esse à Deo Angelum, vt denoteretur origo & principium be-
nificij Redemptionis humanæ esse à Deo. Agnosce beneficium.

Sic porrò est de singulis quibusque bonis; sic à Deo proue-
niunt tanquam riui à fonte. *De cælo ista possideo*: Dicebat vnus 2. Mach 7.
è septem Machabæis. Atque hinc primus humilitatis gradus
eruitur, cuius frequentior praxis in præposita veritate consistit,
Quod nullà re homo quantumuis gloriosa gloriari potest.

Ratio est ita facilis & aperta vt ex ipsis verbis pateat, sed quia
in praxi longe est alius sensus, idcirco nō est segniter expendēda.

Primo itaque illud etiam atque etiam vide quàm verum sit
nullam rem esse hominis quam non ipse acceperit. *Quid enim ha-* 1. Cor. 4.
bes quod non accepisti, quærit Apostolus. Omnia bona vel sunt
temporalia, vel corporalia, vel spiritualia. Estne aliquid horum
quod non acceperis? Ac de spiritualibus quidem nonne illud
agnoscis tanquam ex fide: *Omne datum optimum, & omne donum* Iacob. 1.
perfectum desursum est, descendens à Patre luminum? De corporali-
bus vero, nonne cum Iobo dicis Deo, *Manus tuæ Domine fecerunt* Iob 10.
me & plasmauerunt me totum in circuitu? De temporalibus deni-
que: Nonne ipse Deus, *meum est*, inquit, *argentum, & meum est* Agg. 2.
aurum? Quàm præclare David, & tu si sapis cum illo, *Tua est Do-* 1. Par. 29.
mine magnificentia & potentia, cuncta enim quæ in cælo sunt & in
terra, tuæ sunt: tuæ diuitiæ & tuæ gloria; tuæ sunt omnia, omnis
copia de manu tua est, & tuæ sunt omnia.

II. PUNCTVM.

SED nullà re acceptà gloriari potest homo.

Sic enim consequenter Apostolus, *si autem accepisti, quid* 1. Cor. 4.

l. 3. ad
gaur 4.

gloriaris, quasi non acceperis? Sic & S. Cyprianus: *In nullo gloriantur quando nostrum nihil est*; Si quid enim mutuo accepisses vel tanquam depositum; an illo gloriari velles, aut posses tanquam tuo? Sic cogita de re quacunque tua, sic esse tuam tanquam non sit tua. Nam primò non aliter accepisti, quàm vt eam reddas, quoties repetet Ille à quo accepisti. Deinde quicquid sit quod acceperis magis est in potestate & dominio Dei, siue vt conseruetur in esse suo, siue vt destruat & pereat, quàm in tua potestate, vnde magis illud est Dei quam tuum. Denique quomodocumque tuum sit, sic est tibi datum à Deo vt prouenientem inde gloriam sibi referuarit, atque ita illud quantum ad gloriam sic considerare debes tanquam non tuum, quia reuera non est tuum, vt inde glorieris. Neque tu ipse ita tuus es vt de te ipso gloriam sumas, cum te tuaque omnia ad Deum velut ad finem referre debeas, vt ipse toties & tam manifeste tibi significatum voluit: *Propter me propter me faciam vt non blasphemem, & gloriam meam alteri non dabo. At ego, inquit superbus, mihi eam, licet non dederis, usurpabo.* O detestandam superbiam.

Isa. 48.
S. Bern.
serm 4. in
N. u. Dom.

III. PUNCTVM.


1. Cor. 3.

NULLA igitur homo, quantumcumque gloriosa, gloriari potest: Quia nulla res est quam non acceperit, & nulla re accepta gloriari potest, quia semper manet in dominio illius à quo eam accepit, & cui debet reddere, quoties repetet: nec denique alio fine eam accepisse potuit quam vt omnem inde prouenientem gloriam illi referret. Sic præclare Apostolus, *Quid igitur est Apollo? quid vero Paulus? Ministri eius cui credidistis, & unicuique sicut Dominus dedit. Ego plantaui, Apollo rigauit, sed Deus incrementum dedit; Itaque neque qui plantat est aliquid, neque qui rigat, sed qui incrementum dat Deus.*

Ecccl. 10.

2. Cor. 3.

An quoties contra peccasti! quàm graue illud peccatum! quid inde damni! quid periculi! quid remedij! Hæc reuolue attentius: audi sapientem, *Noli extollere te in faciendo opere tuo.* Et quid quid egeris semper illud Apostoli cogita, *Non sumus sufficientes cogitare aliquid à nobis quasi ex nobis: sed sufficientia nostra ex Deo est.*



FERIA TERTIA.
DE SECUNDO HUMILITATIS
GRADU AD HAEC ANGELI VERBA.

Aue gratia plena, Dominus tecum. Luc. i.

VERITAS PRACTICA.

Nulla res est in humanis verè gloriosa.

RATIO EST, *Quia nulla res est vere gloriosa quam non commendat Dominus.*

Sed nulla res est in humanis quam commendat Dominus.

Ergo nulla res est in humanis vere gloriosa. Et tamen in his majorem suam homines constituunt gloriam!

I. PUNCTVM.

SIC intueri animo aduolantem Virgini Angelum, ut magis Eum loquentem audias; sic vero loquentem audi ut magis mireris quid non loquatur quam quid loquatur. Cur enim laudaturus Virginem tot laudis argumenta flet? Cur nihil de eius pulchritudine? nihil de eius nobilitate? nihil de scientia? nihil de potestate? nihil denique de ceteris humanis donis quibus Illa plene abundat! Esto, sit gratia plena, cito sit hoc gloriosum & magnificum. At nonne etiam naturalibus & humanis erat plena donis? nonne hæc etiam gloriosa & commendanda? O Iudicia Dei & hominum quam longe diuersa sunt! *Non enim cogitationes meae, cogitationes vestrae: neque viae vestrae, viae meae, dicit Dominus: quia sicut exaltantur caeli à terra, sic exaltatae sunt viae meae à viis vestris, & cogitationes meae à cogitationibus vestris.*

Sunt quidem apud homines humana hæc gloriosa, sed non sic apud Deum, unde non sunt vere gloriosa, non sunt appetenda sed potius contemnenda. Atque in hoc rerum humanarum contemptu situs est secundus humilitatis gradus qui proxime ad præcedentem accedit, hoc sensu, quod licet daremus homini multa inesse bona humana, seu naturalia, seu acquisita, non deberet tamen in iis gloriari, quia *Nihil ex illis humanis vere est gloriosum*. Cum vero sint humana illa unde homo frequentius solet haurire gloriam, idcirco attentius hæc est Veritas expendenda ad solidæ humilitatis studium.

Primum itaque illud considera quàm sit verum quod prima propositione dicitur, nullam rem esse vere gloriosam quam non commendat Dominus. Cum enim res non aliter dicatur gloriosa quam quod communicat homini gloriam, nulla res erit vere gloriosa, nisi veram communicet gloriam. At vero quomodo veram gloriam posset communicare res humana, quam non probaret & commendaret Dominus, cum vera gloria nihil sit aliud quam ipsa Dei probatio & commendatio? Nam præterquam quod vniuersum nulla est veritas in rebus, seu nulla res vera est nisi per respectum & relationem ad intellectum diuinum, ut ait S. Thomas, prout videlicet, sic vere esse cognoscitur ab intellectu diuino perfectè omnia cognoscente; hoc speciatim tamen dici potest de gloria, quod nulla sit vera nisi Deo approbante; quia omnis gloria non aliter oritur quam per approbationem alicuius iudicij; & quale erit iudicium, talis erit gloria; si falsum iudicium, falsa gloria: si verum iudicium, vera gloria. Quodnam est autem verum iudicium nisi Diuinum? ac proinde quænam erit vera gloria, nisi quæ ex illo vero iudicio formabitur & procedet? Unde manifeste patet nullam rem esse vere gloriosam quam non commendat Dominus; & in hunc sensum dixisse Apostolum, *Mihi autem pro minimo est ut à vobis iudicer, aut ab humano die: qui iudicat me, Dominus est. Et tunc laus & gloria erit unicuique à Deo cum iudicium de vnoquoque proferet Deus*. Vide locum Apostoli & eundem affectum indue.

I I. P V N C T V M.

SED nulla res est in humanis quam commendat Dominus.
Si spectarentur res creatæ & humanæ ut sunt creatæ &

permissa à Deo, sanè dicendus esset Deus illas probare & commendare: *Diligit enim omnia quæ sunt, & nihil odit eorum quæ* Sap. 11. *fecit, ut ait sapiens; Sed si considerentur ut spectantur ab hominibus ut sunt merè humanæ & transitorie, nulla prorsus habita ratione finis ad quem referri debent: tunc vere dici potest nullam esse in humanis quam sic commendat Dominus, sicut eam commendant homines; cum aperte de omnibus pronunciet; Vanitas vanitatum & omnia vanitas. Quid habet amplius homo de universo labore suo quo laborat sub sole?* Eccl. 1.

Et Christus Dominus, quare omnia bona mundi contempsit & contemnenda docuit, nisi ut hoc ipsum manifestissime declararet! O formidandam Domini sententiam in res omnes humanas; *Quia quod hominibus altum est, abominatio est ante Deum!* Luc. 16. O quam præclare hoc intellexit qui dixit: *Quæ mihi fuerunt lucra, hæc arbitratus sum propter Christum detrimenta. Verumtamen existimo omnia detrimentum esse propter eminentem scientiam Iesu Christi Domini mei, propter quem omnia detrimentum feci, & arbitror ut stercora, ut Christum lucrificam.* Phil. 3.

III. PUNCTUM.

RES igitur nulla est in humanis vere gloriosa; Quia nulla est gloriosa quam non commendat Dominus, & nulla est in humanis quam commendat, sicut spectatur ab hominibus, humano tantum & naturali fine: Imo eas valde improbat seu potius eos qui in illis acquiescunt. *Stulte! hac nocte animam tuam* Luc. 12. *repetunt à te, quæ autem parasti, cuius erunt? Sic est qui sibi thesaurizat, & non est in Deum dives.*

Contra eos autem qui inde gloriantur; *Hæc dicit Dominus, Non* Jer. 9. *gloriatur sapiens in sapientia sua, & non gloriatur fortis in fortitudine sua, & non gloriatur dives in divitiis suis. Sed in hoc gloriatur qui gloriatur; scire & posse me, quia Ego sum Dominus, qui facio misericordiam & iudicium & iustitiam in terra. Hæc enim placent mihi, ait Dominus. Quasi diceret, alia non ita placent ac probantur, in quibus magis solent gloriari homines. Non est bona gloriatio vestra, inquit Apostolus. Tu tamen hoc vnum pene bonum ducis! Exardece contra; & ora cum Sapiente; Duo rogam te, ne deneges mihi antequam moriar; vanitatem & verba mendacia longe fac à me,* 1. Cor. 8. Prov. 30.



FERIA QVARTA.
DE TERTIO HVMILITATIS GRADV
QVI APPARET IN TVRBATA VIRGINE,
AD LAVDES SVAS.

Que cum audisset, turbata est in sermone eius, & cogitabat qualis esset ista salutatio. Luc. i.

VERITAS PRACTICA.

Ad laudes nostras tremere potius conuenit, quàm exultare.

RATIO EST, *Quia in tentatione & periculo peccati tremendum est potius quàm exultandum.*

Sed laudes nostræ, nostræ sunt tentationes & nostræ sunt peccandi pericula.

Ergo in his tremendum potius quàm exultandum. Quod tamen rarum est.

I. PVNCTVM.

PRIMO illud est supponendum quod ait S. Bernardus de Beatissima Virgine, *turbata est, sed non perturbata.* Deinde audiendi sunt sancti Patres atque Interpretes, qui hanc turbationem ad humilitatem eius præcipue referunt. *De apparitione Angeli non fuit turbata,* inquit Lyranus, *sed de salutatione insolita, quia nihil mirabilius est vere humili, quàm sua exaltatio.* Erat cogitans cum verecundia quia pauebat, ait S. Ambrosius. Sed quid pauebat? Laudes scilicet suas. Licet enim ab his, neque ab vlllo obiecto induceretur in peccatum: sic se tamen vbique

vbique gerebat & continebat, sicut si peccatis esset obnoxia, vt nos scilicet peccatores sic disceremus nobis cauere, sic disceremus humilitatem conseruare, tremendo potius sicut Illa tremuit, ad Laudes nostras, quàm exultando, sicut cæteri hominum solent exultare, atque vt ita exultent se mutuis celebrant laudibus: *Tacent tympanum & cytharam, & gaudent ad sonitum organi!* Iob. 21.

Tu contrà contemplare attentius Veritatem propositam, cuius Ratio est euident, quia in tentatione & periculo peccati, tremendum nobis est potius quàm exultandum. Nam si credimus peccatum esse malum vt fides docet: & si ad apprehensionem mali tremimus, vt natura experitur, quid sequitur nisi timor & tremor in tali periculo, *quasi à facie colubri, vel Leonis*, & sicut *Ecclesi. 21.* aiebat Dauid, *Timor & tremor vincerunt super me.* Licet vero non *Psal. 54.* sentiat ille tremor quia peccatum non est malum sensibile, perinde tamen in effectu sentiri suo modo debet, sicut in affectu. *Si Dominus ego sum, ubi est timor meus?* Responde, & niti sit timor in periculo peccati, responde nullum in te esse timorem Dei, quia vt Ipse ait in scripturis: *Timor Domini expellit peccatum.* Ecclesi. 1.

II. PUNCTVM.

SED laudes nostre, nostra sunt tentationes, nostra sunt peccandi pericula. Sic aperte Sapiens; *Quomodo probatur in conflatorio argentum, & in fornace aurum, sic probatur homo, ore laudantis.* Et Prou. 27. *Et 10. Conf. 7* S. Augustinus, *tentamur*, inquit, *his tentationibus quotidie Domine, siue cessatione tentamur, quotidiana fornax nostra est humana lingua.* Et rursum: *Facta que innotescunt hominibus, habent tentationem periculosissimam ab amore laudis.* Ibid. 38. Quid est enim tentari nisi sollicitari & impelli in peccatum? At quis nesciat ex auditis Laudibus facilem esse lapsum in superbiam, in vanitatem & presumptionem animi, quæ cum manifestissime peccata sint, consequens est vt Laudes quæ nos in illa inducunt, tentationes sint & peccandi pericula.

Quamobrem quod dixit Sapiens, *Ante mortem ne laudes hominem quemquam,* sic S. Maximus apte interpretatur, *Ne laudantem adulatio moueat, nec laudatum tentet elatio.* Vnde & Propheta grauius: *Popule meus qui te beatum dicunt, ipsi te decipiunt, & viam* Ecclesi. 11. Hom. 59. Is. 3.

gressum tuorum dissipant. Ah cœci & miseri! sic volumus decipi & dissipari!

III. PUNCTVM.

AD laudes ergo nostras tremere potius conuenit quàm exultare. Nemo enim sanus exulet in damni eminentis periculo: Nemo tum sapiens, non sibi caueat, cùm vel in hoc sapientis & stulti ponatur discrimen. *Sapiens*, inquit scriptura, *timet & declinat à malo, stultus transilit & confidit*. Sic sapienter S. Augustinus: *Contristor laudibus meis, cum vel ea laudantur in me, in quibus ipse mihi displiceo; vel etiam minora bona & leuiora pluris aestimantur, quàm aestimanda sint*. Itemque alibi ad rem nostram aptissime: *Laudes ista vestra grauant nos potius, & in periculum mittunt, toleramus illas, & tremimus inter illas*.

Sic S. Gregorius: *neceffe est, inquit, vt cùm audientium utilitati non proficit, mentem nostram fama laudabilis non eleuet sed fatiget*. Quo de argumento Idem tutissime in illud Iobi, *si vidi solem cum fulgeret, & Lunam incedentem clare, & latatum est in abscondito cor meum, & osculatus sum manum meam ore meo, quæ est iniquitas maxima, & negatio contra Deum altissimum*: quæ omnia applicantur vanitati & superbix.

Itane vero sentis tam graue esse peccatum? Hic duplex error est quem committis; vel enim non putas te ita superbum & vanum; vel tuam superbiam & vanitatem tam graue esse peccatum. Contra vero audi S. Iacobum, *Nunc autem exultatis in superbis vestris, omnis exultatio talis maligna est*. Expende singula. Sicut enim tuum est quod dicit, *exultatis*, sic plane quod adiungit, *omnis exultatio talis maligna est*.



FERIA QVINTA.

DE QVARTO HV MILITATIS GRADV

CONSIDERANDO IN HIS MARIÆ

AD ANGELVM VERBIS.

Quomodo fiet istud, quoniam virum non cognosco?

LUC. I.

VERITAS PRACTICA.

Humilitas ita pugnat cum honoribus, ut non repugnet Obedientiæ.

RATIO EST, Quia humilitas ita pugnat cum honoribus, ut non repugnet Divinæ Voluntati.

Sed si repugnaret Obedientiæ, repugnaret Divinæ Voluntati.

Ergo ita pugnat cum honoribus, ut non repugnet Obedientiæ.

Quod humilitatis Cultoribus imprimis considerandum est.

I. PUNCTVM.



QUOD erat Annuntiationis Angelicæ præcipuū caput de concipiendo & pariendo Altissimi Filio, postquā audiuit humillima virgo: *Quomodo, inquit, fiet istud, quoniam virum non cognosco?* quali diceret si hoc ita est ordinatum à Deo ut concipiam filium non repugno divinæ ordinationi, & parebo statim atque cognouero quomodo Virgo possit concipere sine viro. *Faciendum credit, inquit S. Ambrosius, quæ quomodo fiet, querit. Legerat, Ecce Virgo concipiet, ideo futurum credidit: sed quomodo fieret, non legerat.*

Hinc autem eruitur Veritas valde practica, plurimūque consideranda, *Quod ita humilitas pugnat cum honoribus, ut non sit pertinax nec repugnet obedientiæ.* Quia videlicet non repugnat Divinæ Voluntati. Quid clarius? Quomodo enim humilitas virtus esset, & acceptissima Deo, si Deo repugnaret? Aut quomodo fieri posset ut Deo repugnaret, cum non pugnet tam acriter cum honoribus, nisi quia persuasum habet honores pugnare cum Deo? Sive ut clarius dicamus, non repugnet honoribus, nisi ut ne repugnet Deo, acceptando honores quos ipse in scripturis tam sæpe improbat. *Noli quærere à Domino ducatum: ne- Eccles. 7. que à rege cathedram honoris. Nolite in sublime tolli.* Hinc sanctus Luc. 12. Augustinus, *Imperat nobis & in hoc genere continentiam, Da quod*

10. Conf. 37 iubes, & iube quod vis. Tu nosti de hac re ad te gemitum cordis mei, & flumina oculorum meorum. Ne scilicet plus vel minus honoris quam vellet Deus, tibi assumeret. Itane tu gemis propterea?

II. PUNCTVM.

SED si Humilitas repugnaret Obedientia, repugnaret Diuina Voluntati.

Non est enim alia certior via cognoscendæ diuinæ Voluntatis, quam per Obedientiam quæ legitimis redditur Superioribus, per quos nos ita certo Deus regit, *Vt qui potestati resistat*, inquit *Rom. 13.* *Apostolus, Dei ordinationi resistat; qui autem resistunt, ipsi sibi damnationem acquirunt.* Quæ quidem ab Apostolo dicta sunt de iis principibus quorum vita tota erat impietas, vt ait S. Basilius *Cap. 26.* *Conf. mon.* qui inde manifeste colligendum docet, quam potiori iure dicendum sit, illum ordinationi & voluntati diuinæ obedire vel resistere, qui Præpositis, quos vocat spirituales, obediuerit vel resistiterit.

Neque alia de causa dictum putat sanctus Gregorius à Scriptura, *1. Reg. 15.* *Meliorẽ esse Obedientiam quàm victimas, & auscultare magis quàm offerre adipem arietum, quoniam quasi peccatum ariolandi est, repugnare, & quasi scelus Idololatriæ, nolle acquiescere.* Sic enim scribit in hæc verba: *Qui repugnant Prælatorum imperiis, ideo utique repugnant, quia diuinam voluntatem se scire melius aestimant: Quasi ergo peccatum ariolandi est repugnare, quia velut contempto diuino altari ad aras Daemonum responsa percipiunt, dum cordis sui prestigiosis ac superbis adinventionibus credunt, & salubribus Prælatorum consiliis contraria sentiendo, refragantur.* Ex quibus quidem verbis non modo patet quàm verum sit quod qui repugnet Obedientiæ, repugnet Diuinæ Voluntati; sed quam graue sit & perniciosum, sic repugnare. Expende hanc grauitatem. Reformida periculum. Et propterea vide, si vacat quæ de hoc ipso scripturæ loco fullius habentur in 2. parte, sabbato infra Hebdomadam quartam Paschæ.

III. PUNCTVM.

HUMILITAS igitur sic pugnat cum honoribus, vt non repugnet Obedientiæ, Ne repugnet diuinæ voluntati, quæ per

obedientiam declaratur. Quæ quidem cum Deo repugnantia tam aliena est à vera humilitate, ut quod scribit S. Bernardus, *Totius humilitatis summa in eo videatur consistere, si voluntas nostra Divinae Voluntati subiecta sit; sicut ait Propheta, nonne Deo subiecta erit anima mea?*

Serm. quod
voluntas
nostra diu.
vol. subd.

In quam sententiam sic aptè S. Gregorius: *Sunt nonnulli qui ex sola humilitate refugiunt, ne eis quibus impares se estimant, præferantur; quorum profecto humilitas si cæteris quoque virtutibus cingitur, tunc ante Dei oculos vera est, cum ad respuendum hoc quod utiliter subire præcipitur, pertinax non est. Neque enim vere humilis est qui superbi nutus arbitrio ut debeat præesse intelligit, & tamen præesse contemnit: sed diuinis dispositionibus subditus, atque à vitio obstinationis alienus, cum sibi regiminis culmen imperatur, si iam donis præuentus est, quibus & aliis præsit, & ex corde debet fugere, & inuitus obedire. Quod sequenti capite confirmat exemplo Moysis, qui præesse, inquit, tanta multitudini & noluit & obediuit. Superbus enim fortasse esset, si ducatum plebis innumera sine trepidatione susciperet, & rursum superbus existeret, si Authoris imperio obedire recusaret. Utrobique ergo humilis, utrobique subiectus, & præesse populis semetipsum metiendo noluit; & tamen de imperantis viribus præsumendo consensit. Id ipsumque repetit in epistolis. Nec ad appetendum locum procax insistere, nec ad repellendum contumax debet inueniri. Unde indignus ego ad suscipienda Episcopatus onera, iussioni Omnipotentis Dei, vestraque me voluntati subdidi.*

x p pastor.
c. 6.

Ep. 31.

Sic denique ipse Christus Dominus, accipiens, ut ait S. Petrus, à Deo Patre honorem & gloriam, docuit nos sic esse humiles in honoribus fugiendis & acceptandis, ut in utroque vnicam spectemus Dei voluntatem. *Per gloriam & ignobilitatem, per infamiam & bonam famam*, prout ipse Dominus ordinavit.

2. Pet. 1.

2. Cor. 6.

Itane te comparas ad utrumque indifferenter ex hoc motivo? Vide ne superbus sis in ipsis honoribus aliquando fugiendis: & quanto magis in acceptandis? *Est qui nequiter humiliat se, & interiora eius plena sunt dolo. Caue.*

Ecclesi. 19.



FERIA SEXTA.

DE QUINTO HUMILITATIS GRADU,

QUI EST MAXIME PROPRIUS

BEATISSIMAE VIRGINI.

*Ecce Ancilla Domini: fiat mihi secundum verbum
tuum. Luc. i.*

VERITAS PRACTICA.

Quò quis est maior, eò & humilior.

RATIO EST, Quia quò quis se magis obstrictum Deo sentit,
eò est humilior.

Sed quò quis est major, eò se magis obstrictum Deo sentit, si vere
sentit.

Ergo & est humilior. Aut certe humilior esse debet, vel major esse
desinit.

I. PUNCTVM.



IDE humilitatem; Ancillam se dicit quæ Mater eligitur;
decebat humilitatem proferre, quæ Humilem erat paritura.
Sic paucis S. Ambrosius. Fulus vero S. Bernardus, ad-
mirans quod in Actis Apostolorum non nisi post alias mulieres
nominatur, Itane, inquit, & mulierum sese ultimam exhibebat ut
nouissima omnium poneretur? Et post pauca, Cùm Maria, quanti-
o maior erat, humiliaret se, non modo de omnibus, sed & præ omnibus;
merito facta est nouissima prima, quæ prima cùm esset omnium, se se no-
uissimam faciebat. Merito facta est omnium Domina, quæ se omnium
faciebat ancillam. Merito denique super Angelos exaltata est, quæ &
infra viduas & pauperes, infra eam de qua septem ciceta fuerant da-

AB I.

hic, de verb.

Apoc si-

gnum ma-

gnum.

monia ineffabili sese mansuetudine inclinabat. Illud videlicet legerat *Ecclesi. 3.*
quod ait Sapiens, quanto magnus es, humilia te in omnibus, & coram
Deo inuenies gratiam.

Atque hinc nata Veritas modo expendenda, *Ut quò quis est maior, eò sit humilior* : Quia videlicet quò quis se magis obstrictum Deo sentit, eò esse humiliorem decet. Nam cum humilitati hoc sit maxime proprium & essentiale vt hominem subijciat Deo, quid potentius ad hanc subiectionem magis promouendam quam si quis se agnoscat magis illi obstrictum ? Tum enim si generosus est animus, gratitudo eum mouet ad agnoscendum Benefactorem suum : aut si degener & ignauus est, saltem timet ne eò grauius peccet & puniatur quò maiorem habebat obligationem non peccandi. *Quem maxime diligebam, auersatus est me !* *Iob. 19.*
Hoc nimis inhumanum.

Adde quod cum procliuius sit & periculosius ex multis & magnis acceptis donis superbire & efferri, periculum illud cautiorem merito quemquam reddit & sibi attentorem, ne labatur ; vnde illi qui vacat proximo recuperando, maxime commendatur, *Attende tibi ne incidas.* *Ecclesi. 27.*

Denique cum Dei opera sint perfecta, quoties augetur Caritas, toties augeatur necesse est humilitas, velut radix in arbore, aut velut pedes in humano corpore ; cum alioquin cetera superposita ruerent, & fieret illius hominis ruina magna. Hinc apte sapiens ; *Qui altam facit domum suam, querit ruinam* : Nisi scilicet par fundamentum iaciat. Itane tibi prouides ! *Prou. 15.*

II. P V N C T V M.

SED quò quis est maior, eo se magis obstrictum Deo sentit, si vere sentit & iudicat. Nam vnde est illa magnitudo, nisi a Deo ? Non potest homo accipere quicquam, inquit S. Ioannes, *nisi fuerit ei datum de celo.* *Ioan. 3.* Et quomodo quis esset magnus nisi hoc agnosceret, quod paruos ne quidem latet ? Quomodo autem id agnosceret, nisi se propterea magis obstrictum sentiret, cum mera sit Dei Bonitas & Misericordia, quod sit illis donis prauentus ? *Quis enim prior dedit illi, & retribuetur ei ? Quoniam ex Ipso & per* *Rom. 11.*
Ipsum & in Ipso sunt omnia, Ipse gloria in saecula, Amen. Nonne id agnoscis cum Apotolo ? Vis illud etiam sancti Augustini di-

In Ps. 30. *Stum : Quia merita tua non præcesserunt : sed beneficia Dei te præueniunt.*

III. PUNCTVM.

Quò quis est igitur maior, eò & humilior : Quia magis est obligatus Deo, siue ob accepta bona, siue ob eorum rationem reddendam. *Cum enim augentur dona,* inquit S. Gregorius, *rationes etiam crescunt donorum. Tanto ergo esse humilior atque ad seruiendum promptior quisque debet ex munere, quanto se obligatiorem conspiciit in reddenda ratione.* Et licet illa reddendæ rationis abesset obligatio, sola Dei maior cognitio & Caritas hanc maiorem humilitatem secum adueheret, quia quò certe Deus magis cognoscitur & amatur, eò minus coli & amari quàm par est, agnoscitur, ac proinde magis se humiliat, qui magis amat; Vnde est illud Cantici Canticorum; *si dederit homo omnem substantiam domus suæ pro dilectione, quasi nihil despiciet illam.* Sic qui ardentiores sunt in Caritate, ac propterea Seraphim dicti sunt, sunt humiliores & præ humilitate, caput pedesque velant, *ut quod deest affectui,* inquit S. Ioannes Chrysostomus, *hoc velo obtegant.*

O quam longe sumus ab hoc statu, ait idem Sanctus, si quid forte sanctius fiat, totum hoc exhaurit superbia! Sunt nimirum quamplurimi similes illi Statuæ, cuius caput erat ex auro optimo, pectus & brachia ex argento, venter & femora ex ære: sed pars quædam pedum fictilis, ubi percussa statua statim corruit, & còminuta est. Obuiuntur scilicet Dei donis, qui non inde magis humiliantur, ut illa sustineant & ipsi sustententur. *Deiecisti eos dum alienarentur. Quomodo facti sunt in desolationem! subito defecerunt: perierunt propter iniquitatem suam. Quomodo cecidisti de cælo Lucifer, qui mane oriebaris? Quomodo obscuratum est aurum, mutatus est color optimus!*



S A B B A T O.

DE SEXTO HUMILITATIS GRADU IN VERBO INCARNATO.

Et Verbum Caro factum est, & habitavit in nobis.

Io. r.

VERITAS PRACTICA.

Se anteponit Christo, qui se omnibus non postponit.

RATIO EST, Quia qui se illi præfert quem Christus sibi præponit, se anteponit Christo.

Sed qui se omnibus non postponit, se illi præfert quem Christus sibi præponit.

Ergo & se anteponit Christo; Quod cum sit intolerandum, plane necesse est nos infra omnes abijcere.

I. PUNCTVM.

STATIM atque sanctissima Virgo verbis Angeli, seu Deo sic ordinanti, vt esset Mater Filij, consensum præbuit, tum *VERBUM CARO FACTVM EST, ET HABITAVIT IN NOBIS.* O admirabile commercium. Contemplare omnia peniculatim. Corpus humanum ex purissima Carne & Sanguine Immaculatæ Virginis formatur à Spiritu sancto, seu à tota Trinitate per suam maximam Bonitatem. Anima ex nihilo creatur, sicut & ceteræ, quæ illi Corpori infunditur; Verbum Dei qui est Filius Patris, secunda Persona sanctissimæ Trinitatis, se illi Humanitati tam perfecte vnit vt ex duabus naturis, diuina & humanâ, exurgat vna Persona quæ di-

Coloss. 1. citur IESVS CHRISTVS; verus Deus, verus homo, sua non deferens, dum assumit nostra. *O Mysterium quod fuit à sæculis & generationibus absconditum, nunc autem manifestatum sanctis eius!*

Phil. 2. Admirare, adora, & illud Apostoli penitus tibi inlege, *Nihil per contentionem neque per vanam gloriam, sed in humilitate superiores sibi inuicem arbitantes, non quæ sua sunt singuli considerantes, sed quæ aliorum. Hoc enim sentite in vobis, quod & in Christo Iesu, qui cum in forma Dei esset non rapinam arbitratus est esse se æqualem Deo; sed SEMETIPSUM EX INANIVIT formam serui accipiens;*

Eman. 3a. Id est, se ita dimisit & humiliavit infra omnes homines, sicut seruus infra Dominum suum, occultans quod erat & assumens formam, quæ præ diuina nihil erat. Sic te ipsum humilia; Sic plane ita necesse est, vt nisi te postponas omnibus, te anteponas Christo. Quod quia nolles, si crederes ita verè esse; vide accuratè quàm sic verum ex proposita Veritate.

Ac primo illud quod dicitur qui se illi præfert quem Christus præponit, se Christo antepont; non aliter est probandum quam ex ipsis probatis terminis. Quid enim euidentius? reuolue propositionem: Quid dubij? nonne si ambulando præcederes quem proxime sequitur Christus, Christum præcederes? sic plane si animo, si cogitatione tua te illi præfers quem sibi Christus facit præcedere, præcedis ipsum Christum. O rem omnino miram, & tamen veram!

II. PUNCTVM.

SED qui se omnibus non postponit, se illi præfert quem Christus sibi præponit.

Is. 53. Duo hic essent probanda. Primum quod Christus se postposuit omnibus. Sed vel ex Scripturis id apertissimum est, quibus dicitur nouissimus virorum, vermis, & non homo: opprobrium hominum & abiectio plebis: Vel reseruatur tuius exponendum in 2. parte vbi de eius comparatione cum Barabba: vnde quod restat alterum sic declaratur.

Ps. 21.

Nam qui se omnibus non postponit, se præponit vel adæquat aliquibus, siue plures illi sint, siue vnus, nihil refert, Eilo sit vel vnus cui te præferas; tam verè te illi præfers quem sibi Christus præponit, quàm verum est se Christum postponere omnibus.

nam ille vnus inter omnes recensetur quibus se Christus post-
ponit, aut non se postponit omnibus. Sicut si vnus esset pro quo
non esset Christus mortuus, non esset mortuus pro omnibus, ita
plane si vnus esset quem tibi non præferret, non se postponeret
omnibus, vnde tam necesse est fateri Christum se illi postponere
cui te præfers, quam non diffiteris illum se infra omnes abieci-
sse. Atque ex consequenti tam certa est propositio, Quod qui se
omnibus non postponit, se illi prætert quem Christus tibi præ-
ponit, vt de ea minus dubitare possis quam quod Christus sese
exinanierit formam serui accipiens. Dubitasne de hac eius hu-
militate? Dubitasne Christum se fecisse humilimum & postre-
mum omnium? Non audiuiti quod in humilitate iudicium *Act. 8.*
eius sublatum est? id est præ vilitate & contemptu, ius ei non
est redditum, cum accusaretur: quod tamen nulli negatur ho-
minum.

III. PUNCTVM.

SE igitur Christo anteponit, qui se omnibus non postponit, Cum
se illi anteponat quem tibi Christus tam vere præponit,
quam se vere postponit omnibus. Quod de se fatebatur inge-
nue sanctus Bernardus: *Quoties, inquit, hominibus præfesse desi-* *Itam. 1.*
dero, toties Deum meum præire contendo. O quanta inde recei- *super mis-*
fitas sui humiliandi! O quam sapienter ille alius dicit qui de *sus est.*
Imitatione Christi & de contemptu mundi scripsit: *Non nocet si* *Lib. 1. de*
omnibus te supponas, nocet autem plurimum si vel vni te præponas. *Imit. Ch.*
Hoc antepidem sic S. Ioannes Chrysostomus; *Quod si recte sa-* *c. 7.*
pimus, nullos etiam nobis esse minores arbitrabimur, sed nos excelli ab *Hom. 23 in*
omnibus hominibus dicemus; Et hoc dico non de nobis qui innumcris *Genes.*
sumus immersi peccatis, sed etiam si quis sibi plurimorum bene gesto-
rum conscius sit, nisi apud se sentiat, quod omnium sit postremus, nulla
ei futura utilitas est ex omnibus suis bonis operibus.

Sanctus quoque Bernardus præclare admodum: *Si inquam* *Serm. 37.*
statu, inquit, vnumquemque nostrum habeat Deus, liquido cognosce- *in Cans.*
remus, nec supra sane, nec infra sedere deberemus, veritati omnino
acquiescentes. Nunc autem quia consilium hoc posuit tenebras lati-
bulum suum, & sermo absconditus est à nobis, ita vt nemo sciat si di-
gnus sit amore vel odio: iustus tuiusque profecto iuxta ipsius veri-

tatis consilium, nouissimum nobis locum eligimus. Non est ergo periculum quantumcumque te humilies; est autem grande malum horrendumque periculum si vel modice plus vero te extollas, si vel uni videlicet in tua cogitatione te praeferas. Noli te comparare maioribus, noli minoribus, noli aliquibus, noli uni. Et propterea non mediocrem, non vel penultimum, non ipsum saltem inter nouissimos eligere locum nos voluit, sed recumbe inquit, in nouissimo loco, ut solus videlicet omnium nouissimus sedcas, teque nemini non dico praeponas, sed nec comparare praesumas.

Luc. 14.

Is. 10.

Hæc ex multis pauca; vnde satis videas quid deplores pro præterito, & quid in futurum statuas. Excelsi statura succidentur, & sublimēs humiliabuntur. Vide in Indicibus, Verbo Humilites.





DOMINICA TERTIA ADVENTVS.

TESTIMONIUM S. IOANNIS
BAPTISTÆ DE CHRISTO DOMINO.

*Ille est qui post me venturus est, qui ante me factus
est, cuius Ego non sum dignus, ut soluam eius
corrigiam calceamenti. Ioan. 2.*

VERITAS PRACTICA.

Quàm benè de Christo Humilis, tàm malè meretur
Arrogans.

RATIO hæc est inter alias, quod quàm bene Is de Christo mereri
dicitur qui fidelis est Christi testis, tam male de Eodem me-
reri dicendus est qui contra ipsum testis est mendax.

Sed Humilis est fidelis Christi testis; Arrogans vero testis
mendax.

Ego quàm benè de Christo humilis, tàm malè meretur arrogans.

Unde quæ ad humilitatis Commendationem, superiori dicta
sunt hebdomada, valide confirmantur.

I. PUNCTVM.



MISERVNT Iudæi ab Ierosolymis Sacerdotes & Leuitas ad Ioannem vt interrogarent eum, Tu quis es? Et confessus est, & non negauit, & confessus est, quia non sū Ego Christus. Lege quæ plura sunt hodierni Evangelij, & cum ex singulis fructum possis colligere, tum ex toto illo colloquio vide quam esset humilis sanctus Ioannes, *Qui cum tanta virtutis esset vt Christus credi potuisset, elegit solide in se subsistere, ne humana opinione raperetur inaniter super se.* Sic sanctus de eo Gregorius.

*Hom. 7.
in Euang.*

Ad hanc porrò humilitatis imitationem oportuna est Veritas proposita, si bene expendatur; Sic autem expendenda videtur, vt primo intelligas bene vel male mereri de Christo idem prope esse ac si dicatur, sic se erga Illum gerere vt quod gesseris, bene vel male, sibi factum reputet & rependat. Cum videlicet sanctus Ioannes præclare vt vidimus, ac fideliter de Eo testatus est, tum profecto de Illo est bene meritus, quia hoc testimonio bene illi fecit, & benefactum Christus agnouit. E contra verò cum Iudæi de Christo detrahebant, hi male de illo merebantur, quia maledictis & maleficiis suis sese illi opponebant, & alios à credendo auocabant.

Atque hinc euidenter patet, quàm vera sit prima propositio de fideli vel mendaci Tene, nempe vt quantum ille bene meretur de Christo, tam hic male mereri dicendus sit. Licet enim Christus pro suo bonitate magis propensus sit ad obsequia sibi præstata compensanda, quàm ad vindicandas iniurias: qui tamen injuriam ei infert, non desinit tam male de eo mereri, quàm bene is meretur qui obsequium præstat; imo & longe peius ille demereri videtur, quam alter mereatur, cum longe grauius sit in suo genere Regem, Patrem, aut alium cui multum debeas, offendere quàm illi benetacere. *Hæcine reddis Domino? Numquid non ipse est Pater tuus?*

Deut. 32.

O si scires quantum debes Christo, tum intelligeres quid sit de illo bene vel male mereri.

II. PUNCTVM.

SED Humilis est fidelis Christi testis: Arrogans vero & superbus, testis est mendax.

Nam quoties incidit quæstio vel cogitatio de rebus bene gestis, de acceptis donis cœlestibus, vel de eorum acceptanda gloria, tunc Humilis recusando gloriam fideliter testatur de Christo quod sit bonorum omnium author, illique vni gloriam esse referendam. *Non nobis Domine non nobis, sed nomini tuo da gloriam.* Psf. 113.
Omnia enim opera nostra operatus es nobis. Gratia Dei sum id quod sum. Is. 26. 1. Cor. 15.

At vero Arrogans hoc ipso quò est arrogans & superbus, sibi attribuit quod Christi est, & negat Christo quod suum esse iactitat: licet enim ore confiteatur, factis tamen negat, cum rei bene gestæ laudem sibi sic debitam putat, ut nisi reddatur, excandescat: neque de Christi Domini gloria vllò modo sollicitus, sibi vni intendat extollendo. *Insanisti in me, & superbia tua ascendit in aures meas.* 4. Reg. 19. Coloss. 2. Sic Dominus arroganti, cui & apte Apostolus, *Frustra, inquit, inflatus sensu carnis tua & non tenens Caput ex quo totum corpus crescit. Vos testes mei, dicit Dominus;* At quàm longe diuersi testes, humilis & superbus!

III. PUNCTVM.

QUAM benè igitur de Christo Humilis, tam male meretur Arrogans: Cum se erga Christum vterque tam opposito gerat modo, quam verax & falsus testis opponuntur; atque ita vtriusque stipendia tam diuersa esse conuenit, *Quanta patet esse diuersitas, inter delatum obsequium, & illatam injuriam.*

O humilitatis præmium supra quàm dici potest gloriosum cum ex Christi ore humilis audiet, *En testis meus fidelis.* O arrogantia probrum, supra omnem peccatam & infamiam, cum ab Eodem dicetur arroganti; *Insurrexisti in me, testis inique. Recorde quanta aduersum me dixeris testimonia.* Apoc. 2. Ps. 26. Et certe si arrogantia per se sola nec inuita Domino, ut ipse dicat, *Arrogantiam & superbiam detestor;* quanto magis est detestanda, cum sit tam iniuriola Christo? Si vero de quolibet falso teste sic affirmatur, *Testis falsus non erit impunitus, & qui mendacia loquitur non esset.* Pro. 19.

giet; Quid de falso teste contra Christum?

Et quidem non dubitabis hæc in arrogantes merito esse congerenda, sed an ex illis sis, forte non ita perspicies; Aduerte diligenter. Tu quis es? quid dicis de te ipso? An laudem omnem à te in Christum reijcis? An gaudes humiliatione tua, vt Christus inde exaltetur? *Apparuerunt humiles mei.* Ne tibi palpes in re tam seria. Numquam Christum exaltabis nisi te deprimas: & quoties te exaltas, toties Christum deprimi. Sic vtrumque opponitur à Propheta: *Et incuruabitur homo, & humiliabitur, & oculi sublimium deprimuntur; & exaltabitur Dominus. Illum oportet crescere, me autem minui.* Iam vero vide, vtrum è duobus magis expediat, an depreffione tua Christum exaltari, aut exaltatione tua Christum deprimi? Numquid non satis iam depressus est Christus vt te exaltaret? Sic perge ad omnem prorsus elidendam superbiam.

IN EADEM DOMINICA TERTIA ADVENTVS.

AD HÆC EVANGELII VERBA:

Tu quis es? Ioan. I.

ALIA VERITAS PRACTICA.

Tres hominum status ad perfectionem tendentium, his tribus verbis, Tu quis es? eò valdè promouentur.

RATIO EST, Quia tres hominum status, qui dicuntur Incipientium, proficientium, & perfectorum, tunc valde promouentur ad perfectionem, quando à via purgativa facilis & solidus fit progressus per illuminatiuam, ad eam quæ dicitur unitiua.

Sed talis progressus fit facilis & solidus per illa tria verba.

Ergo illis tribus verbis, Tu quis es? tres hominum status valde promouentur: ac proinde crebro sunt usurpanda.

PRIMA

RIMA propositio nullam difficultatem habet: Si quis plura tamen de illa desideret; *Videatur*, sanctus Thomas ^{22 q. 24. a. 9.} loco, *hic annotato*, & quæ infra ex eo referuntur.

SECUNDA sic breuiter demonstratur: primo quidem in via purgatiua qua se Incipientes præceitis purgant peccatis, nihil aptius ad illam peccatorum purgationem ex vera contritione cum gratia faciendam, quam si quis sibi serio & attente dicat, Tu quis es, qui Deum offendisti? Tu creatura Creatorem! Tu seruus Dominum! Tu filius Patrem! Tu humnuncio vilissimus summum Deum! Tu innumeris præuentus beneficiis Benefactorem eximium! Tu quis es? Tu Christianus, tu Religiosus, Tu Sacerdos Christum cruci affixisti! *Quoniam si inimicus meus maledixisset mihi, sustinuissem utique!* ^{Ps. 54} *Tu vero homo vnanimis, dux meus, notus meus qui simul mecum dulces capiebas cibos.* Hæc bene expensa mirum quantum efficiant in animis tantillum præparatis. Varij sunt autem scripturæ loci vnde tales affectus eruantur. *Quid est quod debui ultra facere vineam meam, & non feci ei? an quod expectaui ut faceret vinas, & fecit labruscas?* ^{Is. 5. Jer. 2.} *Ego te plantaui, vineam electam: Omne semen verum, quomodo ergo conuersa es mihi in prauum, vinea aliena.* ^{Thren. 1.}

Quomodo obscuratum est aurum, mutatus color optimus! filij Sion incliti, & amici auro primo, quomodo reputati sunt in vase testæ! Candidiores nazaraei eius niue, nitidiores lacte, rubicundiores chore antiquo, sapphiro pulchriores, denigrata est super carbones facies eorum! Popule meus quid feci tibi, aut quid molestus fui? responde mihi. ^{Mich. 6}

DEINDE vero in Via illuminatiua qua proficientes crescunt de virtute in virtutem, miræ profiliunt in eorum animum illustrationes ex his verbis *Tu quis es*, ad omnes actus suos virtute temperandos. Tu quis es? non bellua, vt viuas cæco naturæ impetu, sed homo ratione præditus, *vt intelligas vniuersa quæ agis* ^{2. R. 3.} *& quocumque te uerteris*, sicut Salomonem filium, David moriens admohebat. Tu quis es? non paganus, vt civili tantum & politica ratione viuendi viuas; sed Christianus, vt supernaturali lumine & motiuo mouearis. Tu quis es? non agrestis non rusticus, non rerum diuinarum ignarus, sed in scholis eruditus & ad omnem pietatis formam educatus. Tu quis es? non secularis,

non laicus, non vili additus mancipio, non necessariis vitæ subsidiiis comparandis, non importunis negotiantium curis pressus; sed segregatus ab omnibus, ut quod vnum est necessarium cogites & perficias; Nonne hinc lucidæ & ardentes ad omnes Virtutis actus in illuminante via succenduntur faces?

Luc. 22.

Reges gentium, aiebat Dominus, *dominantur eorum, & qui potestatem habent super eos benefici vocantur. Vos autem non sic.* Quasi diceret, spectandus cuique est status suus, consideranda vocatio & persona, dicendumque sibi, Tu quis es? & dicenti virtus respondeat.

SIC denique in Via vnitiua, procedendo semper ad perfectionem, ex consideratione sui, siue quoad personam, siue quoad statum, siue quoad locum, vel ad tempus, vel ad acceptas gratias, vnde accendaris ad plures aut sublimiores Charitatis, Resignationis, Deuotionis, & Diuinæ Vnionis actus. *Quis ego sum, aut quæ est vita mea, aut cognatio Patris mei, ut fiam gener regis? Quid est homo quia innotuisti ei, aut Filius hominis quia reputas eum? O homo tu quis es qui respondeas Deo! Numquid dicit figmentum ei qui se finxit, quid me fecisti sic?* Quæ verba multum valent ad perfectam iudicii & voluntatis humanæ cum diuina subiectionem: nec parum promouent huius perfectæ subiectionis frequentem praxim, tria verba sæpe repetita, *Tu quis es?* Tu quis es, qui diuinæ scruteris arcana? Tu quis es, qui te putes intelligere quæ soli Deo nota sunt? Tu quis es, qui Deo sic volenti, sicque ordinanti, vel tantisper contradicas? Tu quis es, qui respondeas tot acceptis beneficiis & gratiis? Tu quis es, *postquam omnia feceris, nisi seruus inutilis?*

Luc. 17.

EX quibus sic consideratis patet aperte Veritas de tribus illis verbis, pro triplici hominum statu seu perfectionis, in qua tantum proficies quantum à te deficies: tantumque à te deficies, quantum attentè consideraueris, quod admonerat sanctus Bernardus Papam Eugenium, *Quid, quis & qualis sis? Quid in natura; Quis in persona: Qualis in moribus. Quid, verbi gratia, homo: Quis? Papa vel summus Pontifex; Qualis? benignus, mansuetus, vel quidquid tale; Quo de argumento ioi fusè & in Cantica, vnde nos iam in tertia parte aptius. Satisque modo sit quod sanctus Augustinus scribit: Scito vnde venisti, aut quo vadis: quomodo viuisti: quantum profuisti, vel defuisti: quam longe es à Deo vel prope, non in-*

2. de con-
f. l. 4. &
sequenti.

ternallis locorum, sed similitudine vel dissimilitudine morum. Scito Serm. 36.
l. de spir.
& anima.
c. 52.
*quomodo homo es, cuius conceptio culpa, nasci miseria, vivere pœna,
mori necesse.*

Vide de hac nostrâ cognitione in 3. parte Feriam tertiam Dominicæ undecimæ post Pentecosten.

IN EADEM DOMINICA.

AD HÆC EVANGELII VERBA.

Ego vox clamantis in deserto, dirigite viam Domini.
Ioan. 1.

ALIA VERITAS PRACTICA.

Vox clamantis in deserto post Peccatum, Peccati
conscientia Peccatori audienda.

SENSVS EST, Quod sicut post peccatum fit anima peccatoris quoddam desertum, quia deseritur ab omnibus suis bonis, & nullius capax est meriti: sic in illo deserto fit quadam vox clamantis ad peccatorem, quæ est ipsa peccati perpetrati conscientia, quam peccator non minus debet audire ad dirigendam & parandam viam Domini, quam Iudæis erat audiendus sanctus Ioannes.

RATIO EST, Quia idcirco à Iudæis erat audiendus sanctus Ioannes, quod ita ordinatum esset, ut prius à Ioanne baptizarentur baptismo Pœnitentiæ, ac deinde Christum reciperent. Sed non minus est ordinatum ut peccator audiat conscientiam de peccato pœnitendo & deponendo admonentem, ut sic Christum recipiat.

Ergo non minus eam debet audire quam à Iudæis esset audiendus sanctus Ioannes.

Quod non debet tantum intelligi quoties sacra communio est frequentanda, sed quoties per peccatum Christus expulsus est, ut requiratur, ut renocetur, ut recipiatur: Vox illa, vox conscientie clamantis poenitentiam, est quantocius audienda.



AD primam propositionem non est harendum diutius, cum apertè Christus Dominus Iudæis exprobrauerit, quod cum Ioannem non audiissent, nec ab eo baptizari essent, sic diuinæ ordinationi non iterissent: Baptismus Ioannis, inquit illis, unde erat? è caelo? an ex hominibus? responderunt se nescire sed mentiebantur, aut erat eorum ignorantia inexcusabilis, cum omnes haberent Ioannem ut prophetam, & satis pateret cum esse quem prædixerat Isaias; sed noluerunt fateri, ne seipso condemnarent, quod ei non credissent, & quod ei non credentes, coelesti & diuinæ ordinationi non se conformassent. Quod ipse Dominus sic alibi declarat, expressius: *omnis*, inquit, *populus audiens & publicani iustificauerunt Deum baptizati baptismo Ioannis. Pharisei autem & Iurisperiti consilium Dei spercuerunt in semetipsos, non baptizati ab eo.* Quid clarius? & quid apertius ad indicandum quanti sit momenti ordinatis ad salutem stare mediis, quæ dicuntur Dei consilia?

SED, quæ est alia propositio declaranda, non minus est ordinatum ut peccator audiat conscientiam de peccato poenitendo & deponendo admonentem, ut Christum recipiat. Duo hic essent distinctè exponenda, primum quomodo Conscientia sit vox clamans in deserto cordis post peccatum. Deinde quomodo sit ordinatum illam audiri à peccatore ut Christum recipiat. De primo varij sunt loquendi modi quibus Scriptura & patres vtuntur. Modo enim dicunt conscientiam esse velut tribunal iustitiæ iuxta illud Apostoli de gentilibus: *qui ostendunt opus legis scriptum in Cordibus suis. Testimoniū illis reddente conscientia eorum: & inter se inuicem cogitationibus accusantibus, aut defendentibus.* Sic S. Ambrosius, *inocentium*, inquit, *& flagitiosorum merita dis-*

cernit, vera atque incorrupta poenarum premiorumque arbitra. Idem vero alibi sanctus Doctor declarat, quomodo vermi in scriptura comparatur, eo quod irrationabilia anima peccata mentem ^{L. 7. in luc.} rei sensumque compungant: & quaedam excedant viscera conscientiae, quae tanquam vermes ex unoquoque nascuntur. ^{c. 14.} Similitudo gladii & stimuli sat frequenter etiam viurpatur: quasi gladio pungitur Conscientiae, ait sapiens. Christus vero Dominus ad Saulum: *Durum est tibi contra stimulum calcitrare.* Sunt qui stupori dentium qui sentitur ex esu acerborum fructuum, conscientiam dicant esse similem, propter hos scripturae locos, *qui comederit* ^{Ier. 31.} *quam acerbam, obstupefcent dentes eius.* Flagellum alij nuncupant ^{Ex. 18.} quo intus anima peccatoris cadatur, & arina militaria quibus assidue itrepentibus contremiscat, ut est apud Prophetam, *Vox flagelli & vox impetus rotæ, & equi frementis, & quadrigæ feruentis, & equitis ascendentis, & micantis gladii, & fulgurantis hastæ, & multitudinis interfecit, & gravis ruina.* Quibus apte quadrat illud poeta non ignobilis: *Quos dira conscia culpæ, mens habet at-* ^{Su.} *tonitos, & furdo verberare cedit; Occultum quatiente animo tortore flagellum.* Alij denique, vocem esse vel Correctoris, vel Pædagogii, vel Concionantis, vel quocumque modo clamantis, *Quid fecisti, rem tice:* vel tanquam ille Iobi seruus & nuncius qui perditis omnibus bonis, *Enasi ego,* inquit, *solus ut nunciarem tibi;* ne plane pereuntibus peccatori bonis cœlestibus, sola restat conscientia, quæ accepta per peccatum cladis & ruinæ nuncium terat; unde ut dictum est, cum animi velut desertum fiat, recte *Vox in deserto clamans seu clamantis,* dici potest seu potius, *Vox Domini concutientis desertum.* ^{Ps. 28.}

At vero quod est alterum huius secundæ propositioni caput, quomodo sit ordinatum, illam audiri vocem a peccatore ut Christum recipiat, triot s modis explicari potest, quibus recipitur Christus. Primo enim recipitur in sanctissimo Sacramento, post expiatam rite conscientiam, & in hoc sensu facile est intelligere quomodo sit illa audienda peccatori, nempe expiando confessione peccata.

Secundo recipitur Christus, recipiendo doctrinam eius quæ in proximis rebus renouatur, ut dicetur sequenti Dominica, cui doctrinæ recipiendæ parandus est cum grati noster animus, parandoque clamat Conscientia, quam fuerint vitæ præteritæ cili mi-

les actus, quàm sint Christi & mundi contraria dogmata, quantaque sollicitudine Puer paruulus qui nobis in Doctorem est datus sit audiendus, ex præsepi Bethleemico, tanquam ex cathedra clamans, *Vanitas vanitatum & omnia vanitas.*

Terrio denique sicut per peccatum expellitur Christus, ita per veram poenitentiam reuocatur & recipitur, *Ecce, inquit, sto ad ostium & pulso: si quis audierit vocem meam, & aperuerit mihi ianuam, intrabo ad illum, & cenabo cum illo, & ille mecum.* Vox autem illa Christi pulsantis, vel est ipsa vox conscientiae per diuinam gratiam excitata, vel ipsa est Gratia excitans & commouens internam vocem qua peccator prouocatur ad resipiscentiam, quæ tam necessaria est ad recipiendum Christum per gratiam sanctificantem, quàm necesse omnino est antè expelli peccatum quam illa gratia recipiatur. *Conuertimini ad me, & conuertar ad vos, dicit Dominus. Conuertimini de viis vestris malis, & de cogitationibus vestris pessimis.*

Hoc est dirigere & parare viam Domino, sic conuerti cum præueniente nos gratia. Hoc est quod clamat illa vox & gratiae simul & conscientiae, non modo quando aliquoties confitendum est & communicandum, aut quando iam parandi sumus ad proxima Domini natalitia: sed statim atque peccatum est, statim vox illa clamat, *Reuertere, Reuertere. Numquid qui cadit non resurget? Vade & clama sermones istos contra aquilonem & dices: Reuertere auersatrix Israël, ait Dominus, & auertam faciem meam à vobis, quia sanctus ego sum, dicit Dominus, & non irascar in aeternum. Veruntamen scito iniquitatem tuam, quia in Dominum Deum tuum praenata es.* Sic Gratia in Scripturis, sic per Concionatores & alios innumeros modos excitare solet peccatorem: sed vix villo modo apriori quam per Conscientiam, quia hæc intus clamat, semper & vbique clamat, libere clamat, nulli aduatur, nullum timet nisi Deum.

O quis ergo non audiat illam vocem? quis saltem non videat sic audiendam esse peccatori, si Christum à se expulsum velit recipere, vt nisi audiat illam vocem, nisi resipiscat, nisi conuertatur, nunquam Christus reuertatur. *Non ero ultra vobiscum donec CONTERATIS eum qui reus est.* Expende singula, & vrge acrius quale sit motuum non dinerenda poenitentiae, quod Christus adit intus vel abiit, prout peccatorem vere poenitet sui peccati.

Apo. 3.

Zach. 1.

Eant. 6.
Ier. 8.
ibid. 5.

Iosue 7.

Parumne cuiquam debet esse tanti hospitis præsentia vel absentia ? quid mundus sine sole ? quid sine duce acies ? sine pastore grex ouium ? sine magistro schola ? sine anima corpus ? aut sine mente anima ? Sic de te cogita si sine Christo sis. *Scito & vide* ^{1er. 22} *quia malum & amarum est, reliquisse te Dominum Deum tuum, & non esse timorem mei apud te, dicit Dominus Deus exercituum.*



HAC HEBDOMADE, consideratur Verbum Incarnatum residens in utero Virginis Matris. Varij eius status sub numero septenario, sigillatim in dies recensentur, unde Veritates practicæ ad Amoris Diuini gradus & effectus pernoscentes eruuntur.

FERIA SECUNDA.
SEPTEM PRÆCIPVI TITVLI
QVIBVS CHRISTVS DOMINVS
DIGNOSCI POTEST.

Qualis est dilectus tuus ex dilecto, ô pulcherrima mulierum? qualis est dilectus ex dilecto? Cant. 5.

VERITAS PRACTICA.

Affectu potius quam studio Christus cognoscitur.

RATIO EST, Quia cognitio Christi. qualis hîc ad perfectionem desideratur, Dei potius donum est quod recte dispositis infunditur, quàm quod humana conquiratur industria.

Sed ad donum hoc recipiendum, affectu magis quam studio disponimur.

Ergo & affectu potius quam studio Christus cognoscitur.

I. P V N C T V M.



PXPENDI primò debet, quòd cùm homines naturâ scire desiderent, nihil scitu desiderabilius, nihil excellentius, nihil vtilius aut magis necessarium, quàm Christus
 1. Tim. 17. Dominus. *Hæc est, inquit, vita æterna, ut cognoscant te solum verum Deum, & quem misisti Iesu Christum.* Tum sanctus Petrus:
 2. Petr. 3. *Crescite vero in gratia & in cognitione Domini nostri, & Salvatoris Iesu Christi.*

Deinde verò aduerte, quòd cùm multa de Christo Domino i uentigari & sciri possint, tum vero quæ sunt præcipua ex septē eius Titulis esse petenda; licque legendo vel meditando consideranda, ut quàm perfecte virtutes omnes ipsi respondentes habuerit, quantoque propterea sit nobis cultu colendus, expendatur.

Hi autem Tituli sic breuiter recensentur; Primus vnde alij deducuntur, **MEDIATOR** seu **REDEMPTOR**, & **SALVATOR HOMINVM**. *Vnus enī Deus, vnus & mediator Dei & hominum homo Christus Iesus, qui dedit Redemptionem semetipsum pro omnibus.* 2. **SACERDOS & PONTIFEX**. *Sacerdos in æternum secundum ordinem Melchisedech: Fidelis Pontifex ad Deum, ut repropitiaret delicta populi.* 3. **REX & DOMINVS**. *Dominus Index noster, Legifer noster, Dominus Rex noster, ipse saluabit nos.* 4. Totius mundi corporis **CAPVT**. *Crescamus in illo per omnia qui est caput Christus ex quo totum corpus compactum.* 5. **PASTOR** seu **DOCTOR**. *Docebit nos vias suas & ambulabimus in semitis eius.* 6. **SPONSVS**, *Qui habet sponsam, sponsus est.* 7. **FRATER**, *Non confunditur fratres eos vocare dicens: Nunciabo nomen tuum Fratribus meis.*

Qui de his igitur Titulis melius sentit, is melius Christum cognoscit, atque ut sic melius agnoscitur, *Affectu potius quam studio vel humanâ operâ est perquirendus.* Ratio est expedita, licque paratè exprimitur quæ iuius meditatio dilatur. Nempe hæc Christi cognitio, donum est Dei potius quòd recte dispositis infunditur, quàm quòd humana conquiratur industria. Res est tam sublimis, tam diuina & supra omnem humanam euecta intelligentiam, ut non nisi a Deo, & non nisi recte dispositis communicetur: *Quoniam in malucolam animam non introibit Sapientia, nec habitabit in corpore subdito peccatis.* O miserandam illam malucolam

Ieuolam animam, quid nisi insipiens & insipida in quam non intrat sapientia!

EL. PUNCTVM.

AT QVI ad hoc donum recipiendum, affectu magis quàm studio vel consideratione disponimur.

Non improbatur studium nec consideratio, imo est diligenter adhibenda; sed in ipsa consideratione debet anima plus vacare affectibus concitandis, quàm discursibus extendendis. Dum enim Admirazione, Gratitudine, Cõfusione, Contritione, Compassione, desiderio & alijs affectibus commouetur, purgat se cum Diuina gratia à peccatis, maleuolentiam suam excutit, diuinæ Iustitiæ satisfacit, & misericordiam prouocat. *Audini orã 1s 38. tionem tuam, & vidi lachrymas tuas.*

Deinde vero, quando voluntas se suis prauis exuit affectibus, vt puriores induat, Ipse Intellectus fit capacior ad intelligendum, quod minus ante vidisset: quippe qui ante velut nube & fumo, sic prauis obscurabatur affectibus; *Psallam & intelligam psal. 100 in via immaculata, quando venies ad me.*

Denique cùm per communicationem voluntatum, & reciprocã affectuum retributionem, magis sentitur præsens Christus, magis etiam disponitur animus ad eum cognoscendum; sic enim melius percipitur quàm sit bonus & suauis, quàm fidelis & verax, quàm vere Pastor, Frater & Sponsus; *Quam bonus Is- psal. 72. rael Deus, his quæ recto sunt corde! Gustate & videte quoniam su- psal. 33. us est Dominus.* Itane gustas? aut quamobrem non ita?

LII. PUNCTVM.

SIC igitur aff. ctu potius quàm studio Christus cognoscitur: Cum sic ad eius cognoscendi gratiam sine qua non potest bene cognosci, disponimur & aptamur. *Hac enim si vobiscum adsint & superent, inquit S. Petrus de pijs affectibus, non vacuos, nec sine 2. Petr. 1. fructu vos constituent in Domini nostri Iesu Christi cognitione. Cui enim non præsto sunt hæc, cæcus est & manu tentans.* Atque hinc præcursor S. Ioannes qui ad Eum manifestandum totus erat, *Erat, vt ait Dominus, Lucerna ardens & lucens; prius ardens, tum Ioan. 5.*

L. 3. c. 43. lucens. *Nam quidam amando me intime, vt est in libro aureo de Imitatione Christi, didicit diuina, & loquebatur mirabilia: plus profecit in relinquendo omnia, quam in studendo difficilia. Tu magis luci attendis quam ardori. Tu magis pascere visu, quam gustu: magis scire appetis quam facere.*

Hoc deplorandum, & contra vt deinceps magis afficiaris in orationibus, statuendum: Iamiamque ex vnoquoque Titulo quem considerasti, affectum cum gratia elice congruentem. Saluatori gratitudinem exhibe; Pontifici cultum, Regi honorem, Capiti demissionem, Doctori docilitatem, Sponso & Fratri amorem impende, repende, effunde coram illo Cor tuum, & velut sancta Seraphim alis tuis te concita, vel potius sine te concitari & affici. *Quoniam quis Deus prater Dominum? Aut quis Deus prater Deum nostrum?*

Is. 6.
Ps. 17.



FERIA TERTIA.

SEPTEM SINGVLARES PERFE-
CTIONES VERBI INCARNATI RESIDENTIS
IN VTERO VIRGINIS MATRIS QUAE
SINGVLAREM A NOBIS DILE-
CTIONEM EXIGVNT.

Speciosus forma prae filiis hominum. Ps. 44.

*Dilectus meus candidus & rubicundus, electus ex
millibus. Caput eius aurum purissimum, guttur
illius suauissimum, & totus desiderabilis. Talis est
Dilectus meus, & ipse est amicus meus. Cant. 5.*

VERITAS PRACTICA.

*Aurum ignitum est amor Christi, in quo non tam ar-
dor, quam puritas quaeritur.*

RATIO EST, Quia ad amorem sui, Christus totum cor nostrum querit.

Sed non tam ardore quam puritate, totum Christo cor nostrum traditur.

Ergo in Christi amore non tam ardor quam puritas queritur.

I. PUNCTVM.

QUAM sit omni modo perfectus Dominus, quàmque singulariter propterea sit à nobis amandus, & per se pater, & cogitari potest attentius. Sed quas præ cæteris infantibus singulares habeat in ipso Matris utero perfectiones, non ita forte liquet, & ad singularem eius in nobis excitandum amorem vel maxime opportunum est inuestigare. Hæ sunt autem septem in quibus considerandis plus minusue moræ dabis, præ affectu quem senties. Prima est SANCTITAS, nam cæteri infantes ordinarie in peccato concipiuntur, at *Ille sanctus, innocens, impollutus, segregatus à peccatoribus & excelsior cælis factus.* Hebr. 7. Secunda, VSUS RATIONIS, seu virilis infantia, *Creauit Dominus nouum super terram: Fœmina circumdabit virum.* Ier. 31. Tertia, Diuinæ sapientiæ & scientiæ thesauri ibi absconditi, de quibus Apostolus atque imprimis GRATIA CAPITIS, *De cuius plenitudine nos omnes accepimus.* Coloss. 2. 1. Tim. 1. Quarta, COMMVNICATIO gratiarum cum sanctissima sua matre; Nullus infantum matrem suam eligit, nullus ex utero eam nouit, nullus illi benefacit; Hic autem infans præterquam quod suam matrem elegit, sic illi sua communicat, vt quod habet mater Virgo, ad nutriendum filium, hoc à filio accipiat. *Ego dilecto meo, & Dilectus meus mihi, qui pascitur inter Lilia.* Cant. 6. Quinta, SVBLEVATIO Matris uterum gellantis; cum reliqui infantes sint oneri & fastidio matribus suis, Hic potius Matrem subleuat quam oneret; *Lena eius sub capite meo, & dextera illius amplexabitur me.* Ibid. 2. Sexta, MERITVM continuum; Iam enim à primo Conceptionis ortu se suaque Patri offert pro nobis, nec vnquam cessat à virtutibus exercendis, vt infra videbitur; *Idco ingrediens mundum dicit; hostiam & oblationem noluisi, corpus autem aptasti mihi. Tunc dixi Ecce venio.* Hebr. 10. Septima est BEATITUDO animæ videntis Deum;

Cant. 3. hoc est diadema quo coronauit Illum Mater sua, in die desponsationis eius, & in die latitie cordis eius.

Apoc. 3. O verè speciosum formâ præ filiis hominum, vere totum desiderabilem, & electum ex millibus! Namquid qui tam singularis est in suis perfectionibus, sic singulariter & vnice à nobis est diligendus? Hoc est videlicet *aurum ignitum*, quod ipse nobis suadet emendum. Hic est amor quo vult amari, qui non siltat in ardore sed puritate. Excellentia quidem amoris esset, si simul iungi possent ardor & puritas, sed comparatione facta vnus cum altero, dicitur Ardori præferenda Puritas, sicut in auro ignito non tam spectatur vt aurum ardeat, quàm vt purum sit & defœcatum ab omni alio prorsus metallo. Ita plane amor Christi siue ardeat, siue non: non tam ardor quæritur quàm eius puritas ab omni alia creatura. Cur ita porro? Quia videlicet Christus totum cor nostrum quærit. Expende hanc rationem valde ponderosam.

Marc. 12. *Diliges*, inquit, *Dominum Deum tuum ex toto corde tuo, & ex tota anima tua, & ex tota mente tua, & ex tota virtute tua, & ex omnibus viribus tuis, & ex tota fortitudine tua.* Vbi sexies vox tota, vel æquiualens repetitur, ad indicandum haud dubie, quantopere id exoptet. Et certe, nonne illi debetur? putasne illi deberi amorem nostrum? At quo iure? quo titulo? quo nomine? expendere singula: & videbis eadem prorsus ratione deberi amorem ex toto corde, qua debetur amor. Confiteor tibi hoc Domine in toto corde meo.

Luc. 10.
Deut. 6.
Pf. 9.

II. PUNCTVM.

SED non tam ardore quam puritate totum Christo cor nostrum traditur.

Quid est enim totum Christo cor nostrum tradi? Nempe sic à nobis vnice & simpliciter Christum diligere, vt nulla prorsus alia creatura, cum ipso diligatur, nisi ordinate propter ipsum. Sic sanctus Basilus & alij passim: *Quod dicit in toto, nullam in res alias diuisionem admittit: quantum enim dilectionis in hoc inferiora insumpseris, tantum necesse est vt demas de toto.*

¶ Psalm.

At vero ardor non facit illam dilectionis simplicitatem, sicut puritas: potest quis ardere in aliquo diuini amoris actu, qui tamen inordinate feratur in alias creaturas; non potest autem sic

pure Deus diligit: Nam puritas excludit omne aliud quod non est Deus, vel propter Deum. Sicut enim inordinato creaturæ amore cor innititur, sic non purgatur nisi illo amore excluso. *Animas vestras castificantes in obedientia Charitatis*, inquit San-^{1. Petr. 1.} ctus Petrus; nempe sicut ad castitatem spectat exclusio sensualis amoris, ita ad Charitatem Dei, omnis iste amor Creaturæ excludatur necesse est qui non pure ex obedientia, id est, sicut Deus præcipit, exercetur. Quomodo autem præcipiat, audi; *Hoc est præceptum meum ut diligatis inuicem, sicut dilexi vos*, expende il-^{Ioan. 15.} lud sicut, quam pure, quam sanctè, quam ordinate. Itane diligis quicquid diligis? Et tamen præceptum est Domini.

III. PUNCTVM.

AVRVM igitur ignitum est amor Christi, in quo non tam ar-
dor quam puritas quaritur: Cum totum quaratur cor, quod non tam ardore quam puritate totum traditur. Sic dicitur, *fi-^{2. Tim. 1.}nis præcepti Charitas, de corde puro.*

Ardeniter quidem quantum possis dilige, sed præcipue singulariter, purè, & vnice; Minus semper Christum amabis, si quid cum illo ames, quod non pure pro illo ames, etiam si tibi illius amore ardere videaris. Potest Dæmon, potest natura tua illum ardorem sensibilem concitare & te decipere; sed in puritate cordis nulla deceptio. Si quando etiam ardorem verum & sanctum non sentias, potes excusari, quia non in nostra situs est potestate, neque ad illum excitandum semper confertur gratia, cum sic sensibilibus Christus non ita velit diligi sicut purè & vnice: hoc enim semper & absolute vult. Hæc est eius natura immutabilis, ^{L. 2. de} ut non ex parte sed ex toto diligatur. *Dilectus tuus*, ait Kem-^{Imit. Ch.} penlis, *talis est natura, ut alienum non velit admittere, sed so-*^{c. 7. & 8.}
lum vult cor tuum habere & tanquam Rex in proprio throno sed-^{vide.}
re. Sic & Propheta, Coangustatum est stratum, ita ut alter decadat,
& pallium breue, utrumque operire non potest.^{Is. 28.}

Quamobrem cum alterutri dilectorum sit deferendus locus, verum optas è duobus? Responde. *Quem vultis de duobus vobis*^{Math. 27.}
dimitti? Meministi in huius opprobrij quondam illati Christo? Hoc idem modo à te quaritur, cum de diligendo vnice Christo agitur, aut solus est diligendus, aut non diligendus; aut excludendus à corde Christus, aut ille alius qui partem cordis occupat. O

pudor humani cordis! Cor quidem tuum nimis angustum est tam amabili Christo diligendo; sed si Solum diligeres, non dedignaretur Christus illas angustias. Quod vnum dedignatur, est socius cordis quem adhibes, etiam si latius & capacius vniuerso cor haberes! Dum regnet solus in corde Christus, potest ipse satis regnum suum dilatare, sed si socium ei addideris, regnum eius aut regni sedem sic angustas & contringis, vt nec ibi regnare possit, nec velit viuere.



FERIA QVARTA.

SEPTEM DONORVM SPIRITVS
SANCTI PLENITVDO IN VERBO INCARNATO.

Egredietur virga de radice Iesse, & flos de radice eius ascendet: & requiescet super eum Spiritus Domini, Spiritus Sapientiae & Intellectus, Spiritus Consilij & Fortitudinis, Spiritus Scientiae & Pietatis, & replebit eum Spiritus timoris Domini. II. II.

VERITAS PRACTICA.

Si Spiritu viuimus, Spiritu & ambulemus. *Gal. 5.*

SENSVS verborum Apostoli est, vt quantum patet nos posse ambulare spiritu, id est, omnia nostra secundum Spiritus sancti motum peragere, tantum excitemur ad id peragendum, tam certo credamus nos ita debere ambulare. Quod autem pateat nos id posse, inde euidens facit, quia, inquit, spiritu viuimus, spiritu animati & vegetati sumus, sicut probè scitis,

vnde nec dubitare potestis quin possimus : ac proinde etiam si possumus, quin debeamus. Ergo ita omnia in spiritu sicut possumus & debemus, operemur, & ita spiritu ambulemus sicut spiritu viuimus.

SIC autem breuius inde formatur Ratio. Si manifestè patet, nos posse ambulare spiritu, spiritu ambulemus, seu quod idem est, ad id excitemur, id nos debere credamus.

Sed si spiritu viuimus, manifestè patet nos posse sic ambulare.

Ergo sic spiritu ambulemus, sic prouocemur, sic persuadeamur ut ambulemus.

I. PUNCTVM.



VID de vnoquoque Spiritus Sancti Dono sit sentiendū,

& quomodo in Christo Domino fuerit, sic paucius ex

D. Thoma collige, quæ fusius meditando perpendes.

SAPIENTIA est cognitio & Contemplatio causæ altissimæ ^{2. 2. q. 45.}
quæ est Deus: Est & iudicium rectum de rebus omnibus, secun- ^{a. 1.}

dum diuinas regulas. Sic Christus Dominus dicebat, *sicut audio,* Ioan 5.

iudico, & iudicium meum iustum est. **INTELLECTVS** est ^{2. 2. q. 8.}
intima quædam cognitio seu supernaturale lumen quo res ob- ^{a. 1.}

scuras & reconditas ita penetramus, ut intus legere quodammo-

do videamur. Sic Christus Dominus perfecte intelligebat *& in* ^{Luc 24.}

interpretabatur scripturas quæ de ipso erant. **CONSILIUM** ^{2. 2. q. 52.}

est de singulis agendis supra naturalem & humanam prudentiam ^{a. 1. & 2.}

quæ sic adiuuatur & perficitur: sic Christus D. *ductus est in deser-* ^{Matth. 4.}

tum à spiritu; Et quæ Deo placita erant faciebat semper. ^{Ioan. 8.}

FORTITUDO est qua peruenitur ad finem operis in- ^{2. 2. q. 193.}
choati, ad quem ex ipsa virtute fortitudinis peruenire non po- ^{a. 1.}

tuisses, propter occurrentes difficultates: *Et hoc præcipue operatur*

Spiritus sanctus in homine, inquit S. Doctor, cum perducit eum ad

vitam eternam, quæ est finis omnium bonorum operum, & euasio om-

nium periculorum. Sic Christus Dominus toto vitæ suæ decursu,

exultauit ut Gigas ad currendam viam suam in fortitudine spiritus ^{1. 1. 18.}

sui. **SCIENTIA** est circa res humanas, sicut sapientia circa ^{1. 1. 11.}

2. 2. q. 9. diuinas; iudicium scilicet rectum de rebus humanis & creatis secundum altissimam causam, prout sunt à Deo conditæ, sic de iis iudicare & ordinare. Sic Christus D. *Videte & caute ab omni auaritia, Nolite thesaurizare vobis thesauros in terra. Quid prodest homini si mundum vniuersum lucretur?* PIETAS est filialis affectio erga Deum vt patrem, cui propterea cultum & officium exhibemus. Sic Christus D. *Ita Pater, quoniam sic fuit placitum ante te.* TIMOR est quo Deum voluntarie reueremur, & nos ipsi subducere refugimus. Sic Christus Dominus dicitur, *Exauditus in omnibus, pro sua Reuerentia*, & hoc affectu reuerentiæ sic ordinarie mouebatur in Deum, vt hunc affectum habuerit præ cæteris plenior, inquit S. Thomas, vnde & dicitur de hoc dono: *Et replebit eum spiritus timoris Domini. Quis non timebit te, Domine, quem sic timet & reueretur Filius tuus?*
- Luc. 12.
Math. 6.
16.
2. 2. q. 121.
a. 1.
Math. 11.
2. 2. q. 19.
a. 9.
Hebr. 5.
3 p. q. 7.
a. 6.
Apoc. 15.

Sic vero unicuique nostrum sicut Christo D. septem illa dona conferuntur, cum gratia sanctificante, vt ad actus supernaturales & vere spirituales, excitemur, *Nescitis quia templum Dei estis, & spiritus Dei habitat in vobis?* Sed quàm longe sumus ab ea obedientia quam Christus illi exhibebat! Christus numquam, nos fere semper resistimus! *Quod vt diligentius caueamus*, opportunum est illud Apostoli; *Si spiritu vinimus, spiritu & ambulemus.*

Ratio hæc attertur inter alias, Quia quàm manifeste patet nos facile posse ambulare spiritu, id est, agi & agere ex Spiritus sancti motu, tam aperte & potenter excitamur vt ita ambulemus. Nam cum ille agendi status sit tam excellens & utilis, vt satis ex se liquet, nihil videtur restare quò efficaciter excitemur ad illum statum consecrandum, quàm vt probe sciamus nobis id esse facilius & iucundius eò peruenire quàm putetur. Quando enim illa tria simul concurrunt: Excellentia rei, Utilitas, & Facilitas, funiculus est ille triplex cui nihil resistit. Hoc est igitur quod declarat illa prima propositio, perinde quasi diceretur, si facilitas ambulandi spiritu, æque adsit ac præstantia & utilitas, nonne tum ambulabis? quid respondes? Tu qui hæcenus nihil aliud respondisti quò minus spiritu ambulares, quàm quia id difficilius: si tibi manifeste ostenditur, id esse facile, quid respondebis?

Isa. 4.

II. P V N C T V M.

SE D si spiritu viuimus, manifeste patet nos posse facile spiritu ambulare.

Primò enim in hunc præcipue finem nos Spiritus ille viuificat, vt vitam spiritualem viuamus, quod est spiritu ambulare; An vero potuit Spiritus sanctus hunc finem in nobis prætere-
re, & non poterit nos ad eum perducere? Numquid legisti de
rotis illis mylicis, *Quocumque ibat spiritus, illuc eunte spiritu, & rota pariter eleuabantur sequentes eum, spiritus enim vita erat in* Ezech. 1.
rotis? Iam vero Idem Spiritus in te non poterit quod in illis rotis?

Deinde vero, quære abs te, vnde habet corpus tuum vt mouea-
tur quò velis? nonne à spiritu quo corpus viuit? Cur non ergo à
Spiritu sancto quo viuís, sic moueri & ambulare poteris, cum
non sit minus potens ad te mouendum, quàm spiritus tuus natu-
ralis ad mouendum corpus? *Spiritus est qui adiuuat infirmitatem* Rom. 8.
nostram.

Quod si dicis in te impediri Spiritum sanctum, quo te minus
facile moueat, quid est quod illum impedit? Circumspice om-
nia, & videbis nullum esse alium præter te ipsum. An vero sa-
nus esses, si sic corpus impedires? Et quidem corpus tuum po-
telt impediri ne ambulet, etiam nolente te: At vero ne ambules
spiritu, non potest impediri Spiritus sanctus per quem ambulas,
nisi te volente. O te miserum qui cum beatissimus esse possis, te
miserum facis! *Miserere anima tua.* Eccles. 30.

III. P V N C T V M.

SI ergo spiritu viuimus, spiritu & ambulemus; Cum scilicet ex
vita spiritali quam nobis confert Spiritus sanctus, aperte
pateat nos facile posse ambulare spiritu: & quandoquidem ita
est facile, vt dictum est, iam nihil restet quod excusamus ne ita
ambulemus. *Propter quod, inquit Apostolus, remissas manus & soluta* Hebr. 12.
genua erigite, & gressus rectos facite pedibus vestris, vt non
claudicans quis erret, magis autem sanetur.

Neque vero excuses mundum aut carnem; *Non enim accepi-*
mus spiritum huius mundi, vt secundum hunc mundum viuamus, sed 1 Cor. 1.

accepimus spiritum qui ex Deo est, ut sciamus quæ à Deo donata sunt nobis; & secundum illa viuamus. Neque ut sic ambulemus, expectandum est, donec nulli sint contrarij carnis motus, sed potius sic spiritu ambulandum est, ut illi carnales motus comprimentur. Sic enim habes, Spiritu ambulate, & desideria carnis non perficietis. Caro enim concupiscit aduersus spiritum, spiritus autem aduersus carnem. Hac enim sibi aduersantur. Qui autem sunt Christi, carnem suam crucifixerunt cum vitiis & concupiscentiis. Nonne vis eius esse? At vbi crux? vbi malleus? vbi clauis? An incepisti serio carnem cruci affigere? Solo spiritu Christus ambulauit; Et qui dicit se in Ipso manere, debet sicut ille ambulauit, & ipse ambulare.

Gal. 5.

1. Ioan. 2.

Vide in 2. parte, in die Pentecostes, & in Indicibus Verbo Spiritus.



FERIA QUINTA.
SEPTEM ORDINARIÆ INFIRMITATES INFANTVM, QVAS IN VTERO
PATI VOLVIT VERBUM
INCARNATVM.

Verè languores nostros ipse tulit, & dolores nostros ipse portauit. If. 53.

Non habemus Pontificem qui non possit compati infirmitatibus nostris, tentatum per omnia, pro similitudine, absque peccato. Heb. 4.

VERITAS PRACTICA.

1. 2. de Non viuitur in amore Christi, sine dolore.
Imis, Ch.

6. 5. RATIO EST, Quia non viuitur in amore Christi, sine graui zelo.

Sed talis zelus affert dolorem.

Ergo non vivitur in amore Christi sine dolore; Qui tamen omni gaudio est preferendus.

I. PUNCTVM.

POTERAT quidem Dominus esse homo sine matre, assumendo humanam carnem de quacumque materia ^{3 p 9. 37.} voluisset ut ait S. Thomas. Aut certe si matrem habere ^{4.} voluit, poterat nasci statim atque conceptus est. Aut si denique more aliorum Infantium in materno utero novem residere menses voluit, poterat non subiacere illorum miseriis & infirmitatibus. Verum cum verè nos amaret, vere dolores & languores nostros cum ipsa vita subire voluit, ut nobis amorem suum apertius indicaret, & nostrum prouocaret.

Hæ porro sunt septem ordinariæ infirmitates infantium, quamdiu subsistunt in utero; **NONNISI** vitâ matris vivere, & morte eius mori. **NONNISI** sanguine vivere. **NONNISI** arcto & contracto corpusculo. **NON** alio situ & statu quàm qui horrorem inijceret intuenti. **NON** aliter quàm captivum detineri. **NVLLO** libertatis usu gaudere. **NVLLO** denique uti sensu, quàm tactu, nec pene aliter vivere quàm si non viveret.

Has omnes infirmitates sic sustinuit Dominus, ut præ cunctis infantibus longe gravius & acerbius eas sustinuerit, cum ipse compos rationis & omni plenus scientia probe sciret & adverteret se in hoc miserando esse statu; Quod certe est tam horrendum & mirandum, ut hoc unum præcipue admiretur Ecclesia: *Non horruisti Virginis uterum.* Sic nos amabat, sic se à nobis amari volebat, ut quemadmodum ille nobis, ita nos eius doleremus malis.

Hic est sensus Veritatis propositæ, *Non vivitur in amore Christi sine dolore*, Quia scilicet non est amor sine zelo, nec zelus sine dolore. Hæc sunt modo expendenda. Ac primum illud quod non sit amor Christi sine zelo, id est sine vehementi desiderio amplificandæ eius gloriæ, notificandi eius nominis, & divini eius amoris communicandi. Nam cum **IESVS** tale sit bonum,

tam præstans, tam iucundum, tam omni ex parte amabile, vt quanto magis Cor amantis in eius amore dilatatur, tanto sibi magis videatur constringi & arctari: Quid ei restat quàm vt corda omnium hominum desideret, quibus Christum suum magis amet, vel potius vt in cordibus omnium ipse Dominus viuat & ametur ab omnibus? *Veni dilecte mi, egrediamur in agrum, commoremur in villis.* Hoc desiderium tam vehementer aliquos incendit, vt quemadmodum ait sanctus Bernardus, *Otium Contemplationis pro studio Predicationis libentissime intermittant*, & S. Augustinus, *Rape ad Eum*, inquit, *Quas potes animas & dic eis, hunc amemus, hunc amemus.*

Cant. 7.
Serm. 57. in Cant.
4. Confess. 12.

II. PUNCTVM.

SED talis zelus dolorem infert.

Nam cum Zelator diuini amoris videat se parum posse erga nomines; cum animaduertat longe plus valere vanitatem in mundo quam Veritatem; longe plus offendi Christum quam diligere: quantis dolorum aculeis pungitur! quantis tabescit desideriis! *Tabescere me fecit Zelus meus.* Veritatem dico in Christo, non mentior, inquit Apostolus, *testi nonium mihi perhibente conscientia mea in Spiritu sancto, quoniam tristitia mihi magna est, & continuus dolor cordi meo.* Neque enim tantum non amatur Christus, quod solum si esset, satis esset quod generetur; sed præterea offenditur, & tot offensis, tam grauius, tam sæpe repetitis, & vix vnquam intermissis! O quis Christum amet & non gemat!

Psal. 118.
Rom. 9.

An tu spirantem Eum, & viuam in Cruce pendentem sine lachrymis intueri potuisses? At nonne magis Eum cruciari vel vno peccato lethali credis quam sua cruce? *Cur me*, inquit Ille apud S. Augustinum, *grauiori tuorum criminum cruci affixisti? Grauior apud me peccatorum crux in qua inuitus pendo, quàm illa in quam tui misertus ascendi.* Si vel vni peccatori sic Christum loquentem & conquerentem audires, an illum diligeres & non doleres? Quid quod cum multis ita conqueritur? Quid quod tu ipse es cui loquitur, tu ipse qui Eum cruci affigis! *Quid sunt plagæ istæ in medio manuum tuarum? Et dicet, His plagatus sum in domo eorum qui diligebant me.* O plagas peccatorum, plagis cla-

Serm. 181.
Zach. 13.
Mat. 23.

uorum longe grauiores! *Si affiget homo Deum, quia vos configitis me!* Deicida quid fecisti, cum peccasti? *Deduc quasi torrentem lachrymas, per diem & noctem non des requiem tibi, neque taceat pupilla oculi tui.* Thren. 2.

III. PUNCTVM.

NON ergo uiuitur in amore Christi, sine dolore. Aut enim non est amor, vel est zelus; aut non est zelus vel est dolor; & quidem dolor continuus, quia malum Amati quod est peccatum numquam cessat in mundo. Quamdiu autem is qui vere amat, in amato malum videt, tamdiu necesse est ut doleat, aut non vere amat. *Fuerunt mihi lachryma mea panes die ac nocte dum dicitur mihi quotidie, ubi est Deus tuus?* Ah ubi est Deus tuus? *Ps. 41.* Deus ille qui est in utero virginis pro me! Deus ille qui in cœlo me expectat! Deus ille qui uiuebat in anima: ubi est per peccatum? Quod si in cruce est per peccatum, torque sint cruces quot peccata, ubi est Deus tuus! quot quantisque in crucibus & cruciatibus!

Hoc est quod à zelo quotidie dicitur amanti Deum, *Ubi est Deus tuus?* Hoc est quod illi lachrymas tam continuas facit, ut ne quidem eas contineat dum panem sumit. Hoc est denique quod amaram quandam iucunditatem facit, & iucundam amaritudinem, ut lachrymae fiant panes, & panis fiat, *Panis doloris.* Quantum enim ex una parte lentitur doloris propter malum Amati, tantum ex alia, iucunditatis quidam sensus percipitur, quod ille dolor sit amoris dolor.

Itane tecum agitur? hoc intende, hoc ora: *Ciba me Domine pane hoc lachrymarum, & potum da mihi in lachrymis, in mensura.* *Ps. 79.* *Hæc est ira contra peccatum, quæ est melior risu. Cor sapientium ubi hæc tristitia est, & cor stultorum ubi letitia non p.c. temperata.* *Eccl. 7.*

Vide infra, die nono Ianuarij. Et in 2. parte teriam secundam post Dominicam Sexagesimæ & Quadragesimæ.



FERIA SEXTA.

SEPTEM VIRTUTES QUAS, INTER
ALIAS, CHRISTVS DOMINVS IN VTERO
VIRGINIS MATRIS EXERCVIT.

Ego autem in terra Captiuitatis meae confitebor illi.
Tobiae 13.

VERITAS PRACTICA.

Nunquam est Dei amor otiosus.

Hom. 30.
in Euang. RATIO affertur à S. Gregorio, cuius est hæc ipsa Veritas pro-
posita: Operatur etenim magna si est, si vero operari remittit,
amor non est. Sic porro formatur Ratiocinatio.

QUI vult & qui potest semper operari, nunquam est otiosus.
Sed Amor Dei vult & potest semper operari.
Ergo nunquam est otiosus, aut non est Amor Dei.

I. PUNCTVM.

Tob 13



ibid 13.

VÆ de Tobia memorantur, Quod cum captus esset, in
captiuitate tamen positus, viam veritatis non deseruit; &
quæ de se ipse dicit, Ego autem in terra captiuitatis meae
confitebor illi, scilicet Deo, quem constantissime coluit: apte re-
ferri possunt ad Christum Dominum, in virginali utero velut in
terra captiuitatis relidentem. Ibi enim ne momentum qui-
dem vnum elabi passus est, quo Deum non coleret, quo nobis non
benefaceret, & quo virtutis alicuius actum non exerceret. Oculi
mei semper ad Dominum.

Ps. 24.

Hæc vero septem inter alias cogitari possunt Virtutes, quas

repetitis aut continuatis actibus exerceret frequentius. GRATITUDO: HUMILITAS: RELIGIO: OBLATIO
SVI: RESIGNATIO: COMPASSIO seu MISERICORDIA erga homines: CONTRITIO & Satisfactio
pro ipsorum peccatis: Quia ut de se aiebat Iob, sic vere Christus; *Ab infantia mea crevit mecum misratio, & ex utero matris mea egressa est mecum.* Quæ vero Regina est omnium Charitas non
recedatur inter illas septem, quia sic omnibus coniuncta erat ut
ab ijs nunquam abesset, nunquam non earum actus imperaret,
informaret & regeret, cum nunquam ab amando vacaret sicut
ipse dicebat; *Quia Ego quæ placita sunt Ei, facio semper.*

Iob. 31.

Iohn. 8.

Sic nos erudiebat, ut nos exemplo suo docebat: *Numquam Dei amorem esse otiosum;* sic nos permouebat ad id considerandum & exequendum.

Ratio quæ id persuadet est facilis, quia videlicet, Qui vult & qui potest semper operari nunquam est otiosus. Quid est enim esse otiosum, nisi cessantem ab opere, seu non operantem, quando quis debet operari? Quid est autem quod quis non operetur, nisi quod non vult vel quod non potest operari? Sic de pigro & otioso aperte Sapiens, *Noluerunt quicquam manus eius operari.* Et illi operarii à patrefamilias inquit, *Cur starent tota die otiosi, responderunt, quia Nemo nos conduxit;* Quasi dicerent, in nostra non est positum potestate. Vnde cum hæc solum duæ afferantur rationes, cur quis non operatur, quia non vult, vel non potest, sequitur manifeste, ut qui vult & qui potest semper operari, nunquam sit otiosus.

Prou. 21.

Matth. 20.

Vtrum horum tibi deest? An voluntas, an potestas? *Iam ad fornicam, ô piger, & considera vias eius, & disce sapientiam. Usquequo piger dormies? quando consurges è somno tuo?*

II. PUNCTVM.

SED Amor Dei vult & potest semper operari.

Primo quidem vult tam vere quam verus amor est, cum amor nihil sit aliud quam voluntas amantis tam propensa in amatum ut illi semper bene velit & benefaciat quantum potest. *Pondus meum, amor meus,* inquit S. Augustinus, *ed feror quocunque feror,* Id est, in id maxime propendeo quod amo. Hæc est

L. 13 Conf.
c. 10.

amoris natia proprietates, ut amantis voluntatem inclinet in rem amatam. Quod expressius S. Dionysius: *Exstasim faciens*, inquit, *l. de diu. nom. c. 10.* diuinus amor, amatores sui Iuris esse non sinit, sed in ea quæ amant penitus transfert, ut scilicet agant, & agendo indicent quantum ament;

Prou. 30. Hinc amor comparatur igni, *Qui nunquam dicit sufficit, & lampades eius, lampadis ignis atque flammarum. Aqua multa non potuerunt extinguere Charitatem, nec flumina obruent illam: Vnde S. Augustinus, Intelligere vñ Charitatis, Ipsa est virtus quam nemo vincit, huius ignem nulli fluctus sæculi, nulla flumina temptationis in Ps. 47.* extinguunt. Author vero libri de imitatione Iesu sic aptissime: *l. 23. c. 5.* Amor Iesu nobilis ad magna operanda impellit, & ad desideranda semper perfectiora excitat. Amans volat, currit, & latatur: liber est & non tenetur, dat omnia pro omnibus, & habet omnia in omnibus, quia in vno Summo super omnia quiescit, ex quo omne bonum fluit. Amor onus non sentit, laborem non reputat, plus affectat quam valet, de impossibilitate non causatur, quia cuncta sibi posse & licere arbitratur. Valet igitur ad omnia, & multa implet, & affectui mancipat, Vbi non amans deficit & jacet.

DEINDE vero, quod possit semper vere operari, vel ex eo pater, quod quicquid Amans operetur, id referre possit ad Deum & ex eius amore facere; *Sine manducatis*, inquit Apostolus, *sive bibitis, sive aliud quid facitis, omnia in gloriam Dei facite.* Et alibi: *Omne quodcumque facitis in verbo, aut in opere, omnia in nomine Domini nostri IESU Christi, gratias agentes Deo & Patri per ipsum.* Cum enim in his omnibus quæ a nobis ex officio vel necessitate, vel utilitate proximi agenda sunt, spectari possit eius Voluntas, quæ sic vitæ nostræ cursum ordinauit; Cumque in ea diuina voluntate adimplenda vel maxime Deo placeamus, quid est quod non semper operari, & bene operari possis?

O Bonitatem diuinam, quæ his contenta est nostris quotidianis operibus! O humanam malitiam quæ tam parua Deo negat, quæ magna fierent si libenter Deo darentur.

III. PUNCTVM.

NUNQUAM est igitur Dei amor otiosus; Cum nunquam non operetur si velit; velit autem quantum possit; Sic
omni

omni tempore diligit qui amicus est, ut ait sapiens, Sic Charitas Prou. 7.
 nunquam excidit, ut ait Apostolus, sic Dominus, in Charitate 1 Cor. 13.
 perpetua nos diligit, ut ipse ait per Prophetam. Sic denique ad- Ier. 31.
 moneris, Non defraudari à die bono, & particula boni domi non te Eccles. 14.
 praeceat. Itane tu sic constanter! Nunquid multae tibi horae de-
 pereunt? An vis cessare ab amando? At quando otiaris, ces-
 sas amare, quia Dei amor non est otiosus. Etiam si aliquando
 operari non posses, etiam si ad remittendum animum te inter-
 dum otuari contingeret; ipsam etiam operandi impotentiam, ip-
 sam etiam otuandi necessitatem potes in amorem Dei conuerte-
 re; si quod ex ratione & necessitate non potes facere; hoc ipsum
 non facias quia Deus non vult hoc à te fieri. Nolite deficere bene- 2. Thess. 3.
 facientes. Quodcumque facitis ex animo operamini, sicut Domino, & Coloss. 3.
 non hominibus. Mane semina semen tuum, & vespere ne cisset ma- Eccles. II.
 nus tua.



S A B B A T O.

SEPTEM VIRTUTES PRÆCIPVÆ
 IN CVLTVM ET AMOREM VERBI INCAR-
 NATI EXHIBENDÆ.

Venite exultemus Domino, iubilemus Deo salutari
 nostro:

Venite adoremus & procidamus ante Deum. Ps. 94.

VERITAS PRACTICA.

Amor non nisi amore compensatur.

RATIO EST, Quia Amor Dei erga nos de quo hic agimus, non
 compensatur nisi per aliquid æquale redditum.

Sed non nisi dato amore tuo, par & æquale reddideris.

N

Ergo ille amor non nisi amore nostro compensatur ; ac proinde omnia in cultum & amorem eius conuertenda.

I. PUNCTVM.



QVAM multis nominibus Christo Domino nostra debeamus officia, quantum id à nobis Pater desideret, quantum ipse Filius mereatur, quantum Spiritus sanctus in id nos excitet, quantum denique Angeli suo nos prouocent exemplo, qui statim atque introductus est Primogenitus in orbem terrarum illud audiuerunt & executi sunt, quod refert Apostolus, *Et adorent Eum omnes Angeli eius*; tu ipse tecum reuolue.

Hebr. 1.

Et si vero nullum est pietatis officium, nulla virtus, aut vilius virtutis actus quem non plene & integre in Eius cultum & honorem exercere debeas, tum hæc porissimum septem virtutes sunt exercendæ quæ sunt præcipuæ, vtpote Theologicæ & Cardinales, ad quas cæteræ referuntur.

Ioan. 11.

FIDES, credendo firmitissime quicquid docet: *Utrique Domine, ego credidi quia tu es Filius Dei qui in hunc mundum venisti.*

2. Tim. 1.

SPES, plane Ei fidendo in omnibus; *Scio cui credidi, & certus sum quia potens est depositum meum seruare in illum diem.*

Ioan. 21.

CHARITAS, Etiam Domine, Tu scis quia amo te. **PRVDENTIA**,

1. Cor. 2.

Non indicavi me scire aliquid nisi Iesum Christum, & hunc crucifixum.

Phil. 3.

Errantamen existimo omnia detrimentum esse propter eminentem scientiam Iesu Christi Domini mei.

Atoz. 4.

IUSTITIA, Quæcumque sunt Religionis, Pietatis & Gratitudeis: *Dignus es Domine Deus*

Ibid. 5.

myster accipere gloriam & honorem & virtutem; Dignus est Agnus qui occisus est accipere virtutem & diuinitatem, &c.

Math. 8.

FORTITUDO. *Sequar te quocunque ieris. Domine tecum paratus sum, &*

Ioan. 15.

in carcerem & in mortem ire: animam meam pro te ponam.

Ps. 72.

TEMPERANTIA. *Quid mihi est in cælo, & à te quid volui super*

Philip. 4.

terram? Scio & humiliari, scio & abundare, & satiari & esurire, omnia possum in eo qui me confortat.

Quæ quidem virtutes possunt exerceri sine Charitate, sed non meritoriè, non plene, nec perfectè. Neque vero tantum id curandum est, vt in Charitate habituali fiant, sed vt à Charitate

1. Cor. 13.

actuali imperentur & informentur. Sic enim *Charitas omnia cre-*

dit, omnia sperat, omnia sustinet, & aliarum virtutum omnes exercet acus; aut ut exercentur, sic imperat, quasi ipsa eos faceret ^{ibid. 6.} & exerceret. *Omnia vestra in Charitate fiant.* Sic Christus Dominus omnia ex amore, *Et Amor non nisi amore compensatur*; seu Amori nihil sufficit nisi amor.

Expende diutius rationem propositam. Vide quàm nulla fiat compensatio nisi per aliquid æquale, aut quam prope accedens quantum fieri poterit. Sic enim Iurisconsulti compensare, *interpretantur liberare se ab are alieno per retributionem alicuius equalis. Compensatio namque est simul pondero & retribuo.* Quo spectat illud Sapientis: *Statera dolosa abominatio apud Dominum, & pondus* ^{Prov. 11.} *æquum voluntas eius.*

Cogita quàm iuste amor Dei seu diuina Bonitas velit à nobis amorem suum coli & compensari, quantum in nobis erit. *Videte* ^{1. Cor. 13.} *qualem Charitatem dedit nobis Pater, ut Filij Dei nominemur & simus.* Quàm indignum & probrosum, ut si quid melius habeas Deo reddendum, quod ille petat: tu illi neges! *Maledictus dolo-* ^{Mat. 1.} *rus qui habet in grege suo masculum, & votum faciens immolat debile Domino, quia Rex magnus Ego, dicit Dominus exercituum. Ve illis* ^{Indas} *quia in via Cain abierunt.* ^{Genes. 4.}

II. PUNCTVM.

SED non nisi dato amore tuo, par & æquale reddideris. Mirum quidem si licetiam æquale dederis! quid est enim amor noster ad diuinum? Sed quandoquidem eo contentus est Deus, & sibi eo satisfactum putat, laudetur tanta Bonitas, & eò magis ametur, quò minus à nobis amari potest, & quo minus amori tanto tam modicus noster amor adæquari potest! *Diligam Te Do-* ^{Pf. 17.} *mine fortitudo mea.*

Aliud itaque magis est reuoluendum, Quod nihil æquale est amori quam amor: Quod quidem verum est inter homines, at multo magis apud Deum, qui non nostra sed nos quærit, nos inquam totos possidendos: Neque nos aliter vere possidet quam dato corde & amore nostro: Nec Illi aliud quicquam æquale reddideris nisi te totum sic plenè possideat, ut nihil cordis & affectus superfit quin ad Eum amandum, plane profuderis. Quia quod æqualitatem facit, si qua est æqualitas, non est rei data: luo-

Serm. 83.
in Cant.

stantia, non eius qualitas, aut quantitas; sed tota & integra nostræ donatio; unde sicut æqualitas dicitur perfici quando totum donatur, sic nili detur, quicquid dederis, nihil æquale datur; Totum est dandum, in quo vno toto tota est æqualitas, & sine quo nulla. Sic apud sanctus Bernardus de re tota, *Ipse*, inquit, *meritum*, ipse sibi premium est amor: præter se non requirit causam, non fructum, fructus eius, usus eius. Amo, quia amo; amo ut amem. Magna res amor si tamen ad suum recurrat principium, si suæ origini redditus, si refusus suo fonti, semper ex eo sumat unde ingiter fluat. Solus est amor ex omnibus animæ motibus, sensibus, atque affectibus, in quo potest creatura, & si non ex aquo, respondere auctori; vel de simili mutam rependere vicem.

L. 4 de
Imit. ch.
c. 8.

Quidquid præter te ipsum das, inquit ille ipse Amator tuus, *nihil curo*, quia non quero datum tuum, sed te: sicut non sufficeret tibi omnibus habitis præter me, ita nec mihi placere poterit, quidquid dederis, te non oblato. Ad hæc quid respondes? vide me saltem nihil par amori esse, quàm amorem?

III. PUNCTVM.

Act. 2.
3. Reg. 18.
Luc. 14.

AMOR igitur quo nos Deus amat non nisi amore nostro compensatur, si qua re compensari potest. Quia ut vides, nihil æquale est amori quàm amor, qui nos totos Amori diuino reddit, cui totum quod sumus debemus; quod quando est persolutum, satis quidem tibi esse factum diuina bonitas reputat; sed nunquam aiter, nunquam si quid desit. *Anania*, nonne manens tibi manebat? *Isque* quo claudicatis in duas partes? Sic ergo omnis ex vobis qui non renunciat omnibus quæ possidet, non potest meus esse discipulus. O certe diuinam æquitatem, quæ nihil à me petit nisi quod debeam & quod possum reddere! Sed o diuinam Iustitiam, quæ id iure repetit & iure punit nisi reddidero!


Serm. de
quar. de-
bno.

Nec me putes, inquit sanctus Bernardus, post multa de hoc argumento, *rem exaggerare sermonibus*: quia hic desit omnis lingua, nec sufficit oculus vel ad intuendum tantæ maiestatis arcanum. Cum ergo ei donauero quicquid sum, qui quid possum, nonne istud sic est, sicut stella ad solem, gutta ad fluium, lapis ad montem, granum ad accrum? Non habeo nisi minuta duo, imo minutissima, corpus & animam, vel potius vnum minutum, voluntatem meam, & non dabo il-

lam ad voluntatem illius qui tantus tantillum tantis beneficiis praeuenit, qui toto se totum me comparauit? Alioquin si illam retinuero, qua fronte, quibus oculis, qua mente, qua conscientia vado ad viscera misericordiae Dei nostri? Et quæ plura ibi habet.

Alia mi amor, Christe Iesu, nisi hæc sufficiant vt me toto, te totum amem, indignus plane sum quem Tu ames, & dignus vere sum illa maledictione quam intentat Apostolus tuus, Si quis non ^{1. Cor. 16.} amat Dominum nostrum Iesum Christum, sit anathema.

Vide in Indicibus Verbo, Amor, Charitas.





DOMINICA QUARTA ADVENTVS.

DE PRÆPARATIONE AD GRATIAS
NASCENTIS CHRISTI DOMINI RECIPIENDAS.

*Vox clamantis in deserto, parate viam Domini, re-
ctas facite semitas eius. Luc. 3.*

IST A præparatio non videtur fieri posse commodius, quàm per Virtutes septem, totidemque Veritates oppositas septem vitijs capitalibus, quæ maxime se opponunt illis Gratiis recipiendis. Illæ autem Virtutes & Veritates facile observari possunt in Euangelio, seu in Mysteriis quæ ab Annunciato & Incarnato Verbo supersunt consideranda, usque ad ipsam Natiuitatem. Quo tamen die Vigilia Natiuitatis Domini contigerit, tunc Meditatio propria quæ infra habetur die Sabbati, omnis aliis assumi poterit.

HODIE de Temperantia, quæ opponitur vitio gulæ seu vitæ laxiori, ab exemplo S. Ioannis Baptiste commorantis in deserto, & in clamantis ut paremus viam Domini, prout legitur in Euangelio hodierno.

VERITAS PRACTICA.

Sibi, non Domino viuit, qui temperatè non viuit.

RATIO EST, Quia qui seipsum in victu & vestitu non Do-
minum querit, sibi non Domino viuit.

Sed qui temperatè non viuit, seipsum querit in victu, non Dominum.

Ergo is sibi non Domino viuit. Vnde & illud infertur quod quantum necesse est non sibi sed Domino viuere, tantum necesse est viuere temperatè.

I. P V N C T V M.

IT A illa anterior quam agebat sanctus Præcurfor Domini in deserto, satis indicat quàm esset temperans, & quantopere nobis Temperantiam commendaret, ad præparandam viam Domini. Quàm vero huic præparationi sit opportuna Temperantia, perpende ex opposito vitio, quod non minus pugnat cum Gratia nascituri Domini, quàm caro repugnet spiritui. Hoc est videlicet primum quod Apostolus illi attribuit Gratia, *Qua apparuit omnibus hominibus vt sobriè, seu temperanter, Tit. 2. tum iustè & piè viuamus in hoc saculo.*

Quanti autem vniuersum referat sobriè & temperate viuere vel ex eo agnosce, quod quàm necesse est non sibi sed Domino viuere, tam sit necesse viuere temperate. *Sibi enim non Domino viuit, qui temperate non viuit.* Quæ quam sit certa Veritas, sic demonstrat allata Ratio.

Qui seipsum in victu potius quàm Dominum querit, sibi non Domino viuit. Quid clarius? Quid est enim tibi vel Domino viuere, quàm se vel Dominum in vita querere? Quomodo autem quis dicetur querere in vita Dominum, qui in victu quem assumit pro vita tuenda, non Dominum sed se ipsum querit? Nonne ipse victus ipsa est vita? Nonne pro eodem vtumque sumit Apostolus, quando sic discurret, *Qui manducat, Domino Rom. 14. manducat; Nemo enim nostrum sibi viuit & nemo sibi moritur.* Quam esset hæc Apostoli ratiocinatio nisi tam clarum esset, manducare & viuere, vnum & idem esse, vt ex vno concessio, aliud inferatur? O quanta est cautio adhibenda in victu, in quo exploratur nonis tibi viuat, an Domino? Et quam recte Sapiens: *Omnis labor hominis in ore eius!*

II. PUNCTVM.

SED qui temperatè non viuit, seipsum querit in in victu, non Dominum.

Quid hac etiam propositione euidentius? Quis non videt temperate non viuere, nihil aliud esse quam peccare contra temperantiam, vel excedendo in victu & potu; vel in cibo qui sumitur, delectationem suam quærendo: vel quocunque tandem alio peccetur modo? At verò sic peccare nonne est seipsum quærere? nonne vel idcirco peccat qui sic peccat, quia seipsum quærere? *Huiusmodi enim Christo Domino non seruiunt, sed suo ventri,* inquit Apostolus.

Et licet asserant non aliter se commodius viuere velle, quam vt facilius Christo seruiant; Itane Christus vitio colitur? Nonne ipse toties contra? *Ne vobis qui saturati estis, quia esurietis. Ideo dico vobis ne sitis solliciti animæ vestra, quid manducetis.* Nonne anima plus est quam esca? *Stulte hac nocte animam tuam repetunt à te; quæ autem parasti cuius erunt? Quis vero ille stultus nisi qui secum dicebat, Requiesce, comede, bibe, epulare?* Denique quàm tremenda illa, *Attendite autem vobis ne forte grauentur corda vestra in crapula & ebrietate, & curis huius vitæ, & superueniat in vos dies illa repentina: tanquam laqueus enim superueniet.* Itane verò post hæc, Intemperans dicet se Christum in victu quærere? *Quæritis me, quia manducaſtis ex panibus, & saturati estis. Operamini non cibum qui perit, sed qui permanet in vitam æternam.*

III. PUNCTVM.

SIBI ergo non Domino viuit, qui temperatè non viuit; Quia seipsum in victu quærere, non Dominum: quod plane vnum ac idem est quod sibi non Domino viuere. *Hi sunt in epulis suis macule,* inquit sanctus Iudas, *conuiuantes sine timore, semetipsos pascentes:* Id est, se propter se nutrientes & viuentes. Hinc illud Hebraice & luctuosum Apostoli: *Multi ambulant, quos sæpe dicebam vobis, nunc autem & flens dico, inimicos Crucis Christi, quorum Finis interitus, quorum Deus venter est.* Perpende hæc postrema verba, nempe qui finis est noster, noster est Deus, ac proinde cum in-
temperans

temperans sibi & ventri viuat, se suumque ventrem pro fine habet, & consequenter pro Deo. O perniciosissimam intemperantiam, cuius perniciēs tam latè pater quam latè patens est vita, & quàm perniciosum est aliter viuere, quam Deo viuere!

Sic in hoc vitium generatim exardescet vt particulatim aduertat, quale sit tuum, in quo excedas aut deficias. Neque hic necessitatem excuses, cum non sit tam necessarium viuere, quam temperatè viuere; Neque enim tam necesse est vt viuas vita naturali, quam ac viuendo viuas tibi, sed Domino. In hoc enim natus est Dominus, & in hoc mortuus, *Vt qui viuunt iam non sibi* 2. Cor. 5. *vinant, sed ei qui pro ipsis est natus, est mortuus & resurrexit.* Denique S. Augustinus sic apte concludet; *Habet vir temperans, in rebus huius vita, regulam utroque testamento firmatam, vt eorum ni-* L. de morib. Eccl. c. 21. *hil diligat, nihil per se appetendum putet, sed ad vita huius atque officiorum necessitatem, quantum satis est usurpet: Vicentis modestia, non amantis affectu.*

Vide in Indicibus Verbo *Abstinentia. Sobrietas. Temperantia. Gula.*

IN EADEM DOMINICA QUARTA ADVENTVS.

AD HÆC EVANGELII VERBA DE S. IOANNE:

Venit in omnem regionem Iordanis, predicans Baptismum Pœnitentia, in remissionem Peccatorum.
Luc. 3.

ALIA VERITAS PRACTICA.

Licet omni peccatori sit necessariò pœnitendum: vix tamen vllus est qui necessariam agat pœnitentiam.

RATIO EST, *Quia necessariam non agit pœnitentiam, qui non retrahit animum à rebus quæ sunt causa peccati.*

Sed vix ullus est qui sic animum à rebus retrahat.

Ergo & vix ullus est qui necessariam agat poenitentiam. Quod quàm sit expauescendum, iam facile est conijcere.

I. PUNCTVM.

Ier. 8.

NOTA veritas, eiusdemque declaratio sic expressa refertur à Propheta Ieremia : *Hæc dicit Dominus, Numquid qui cadit non resurget? & qui auersus est non reuertetur? quare ergo auersus est populus iste in Ierusalem auersione contentiosa? apprehenderunt mendacium & noluerunt reuerti. Attendi, & auscultavi, nemo quod bonum est loquitur. NVLLVS EST QVI AGAT POENITENTIAM SVPER PECCATO SVO DICENS, QVID FECI? Omnes conuersi sunt ad cursum suum, quasi equus impetu vadens ad prælium. Quali diceret: omnes in eodem animi statu & affectu permanent, nullus retrahit animum à peccato, seu à rebus quarum affectu peccatur, quamdiu autem peccator non retrahet animum ab illis obiectis quæ sunt causa peccati, nõ ager necessariam poenitentiam.*

*HOC itaque primum est in quò fundatur Veritas, & primo declarandum, quod congruam & necessariam non agit poenitentiam qui non retrahit animum siue affectum inordinatum ab illis rebus quæ inordinate & cum peccato diliguntur. Sic autem declaratur. Nam necessarium imprimis ad poenitentiam illud ducitur sine quo nulla est poenitentia, & quoposito, potest esse, licet alia defint omnia. Talis est autem illa quam dicimus animi retractio seu reuocatio ab obiectis peccati: ipsa est enim, vt vocamus, essentialis poenitentia, ipse est dolor de peccato, siue ex Contritione fiat, siue ex Attritione cum sacramento, nihil hic ad rem nostram refert, vter ex duobus dolor exeat, dum modo sit verus dolor qui tam necessarius est & tam intrinsecus poenitentiae, remittendisque peccatis, vt si verus non esset dolor, non esset vera poenitentia. Sic enim absolute Tridentinum pronuntiat, *Quous tempore, hunc dolorem ad impetrandam veniam peccatorum fuisse necessarium.* Necessaria etiam est Confessio & Satisfactio, sed non ita semper & absolute, quin si per aliquam deesset impotentiam, quæ in variis casibus potest contingere, possent ipsa contritione suppleri, sicque peccator solum Contritus & non confessus ex impotentia contritendi, veriam*

peccatorum obtineret. Non ita verò dici potest de defectu doloris, nam quantumcumque confessus sis, quantumcumque elemosynas & ieiunia in satisfactionem feceris, nulla erit peccati venia nisi sit de peccatis dolor, qui tam necessarius est ad illam obtinendam veniam, ut re nulla prorsus alia suppleri possit. *Ad quem respiciam nisi ad pauperculum & contritum spiritum, & is. 66. tremement sermones meos?*

QVOD verò verus non sit dolor nisi retrahatur animus à re inordinate amata, vel ex eo manifestè patet quod nō sit verus dolor nisi sit animus verè conuersus, nec vlla vnquam vera peccatoris intelligitur esse poenitentia, nisi sit talis cōuersio à peccato qualis esset Paganus ab infidelitate, aut Hæretici ab hæresi sua. Quid est porro conuertere Paganum aut Hæreticum? nonne est animum ita retrahere ab idolis & quibuscumque infidelitatis aut hæretica prauitatis indiciis & notis, ut nulla prorsus eorum affirmatio & affectio relideat in animo, sed potius detestatio & execratio? Sic plane de peccatis & de rebus inordinate dilectis quæ velut idola coluntur, & velut idola projicienda sunt: aut certe si res retinentur, temperandus earum affectus: aut nulla plane conuersio, nullusve peccati dolor circa res tales admissus. *Abji. Gen 35. cite Deos alienos qui in medio vestri sunt, & mūdmini. EPHRAIM Ose 14. quid mihi ultra idola? Quamdiu enim est inordinata cordis affectio, tamdiu est peccatum: quamdiu autem est peccatum in corde, non est contritio cordis, non est dolor, non est conuersio peccatoris. Securis ad radicem ponenda, facienda est arbor bona, & Math. 12. bonus eius fructus. POENITENTIAM certam, inquit sanctus Augustinus, non facit nisi odium peccati, & amor Dei, quando sic* *Serm. 7. de temp.* *pœnites ut tibi amarum sapiat quod antè dulce fuit. Hoc est, auferre* *Ler. 4.* *offendicula sua à facie Domini. Hoc est, circumcidi Domino, & auferre præputia cordis sui. Hoc est, nouare sibi nouale; Ut quemadmodum aratro gleba terra ab ipsis fibris stirpitis euellitur, sic animus à peccati radice quæ in re amata sitit, se conuertat. Hoc* *Lact. l. 6.* *est quod Græci* *infr. c. 24.* *ut prælo dicunt, id est transimentationem seu mentis inuersionem, cum scilicet mens per peccatum rei cuiuspiam adhererat, & ab ea per dolorem & conuersionem in contrarium retrahitur. Numquam fuisset ipsa pecunia pro qua misisti eum: Dicebat Tobia Coniugi de filio dolens mater. Sic dicendum de re omni esset, pro qua Christum à nobis dimisimus.*

II. P V N C T V M.

Ier. 8. **S**ED vix ullus est qui sic animum à rebus retrahat.
OMNES conuersi sunt ad cursum suum, quasi equus impetu
 vadens ad praelium; Quod duobus modis intelligi potest, primò
 vt conuersi quidem fuerint dum de peccato doluerunt, sed reuersi
 sunt postea, perinde ac si non doluissent. Quod sic Isaias expri-
Is. 56. mebat: Omnes in viam suam declinauerunt, unusquisque ad auari-
 tiam suam, à summo vsque ad nouissimum. Venite, sumamus vinum
 & impleamur ebrietate. Et erit sicut hodie, sic & cras, & multò
 amplius.

Secundò, vt ne quidem pœnitentes & confitentes verè dolue-
 rint, nec sese conuerterint: licque nulla prorsus fuerit eorum pœ-
Ier. 3. nitentia, Non in veritate, non in toto corde, sed in mendacio, vt ait
 Scriptura, id est fictè & simulatè; non quod vellent expresse fin-
 gere & simulare se reuerti, sed quod vel ignorent, ignorantia ta-
 men inexcusabili, quid sit verè conuerti; vel quod id sibi putent
 impossibile, vel quod verius est, nolint omnino sic animum, à pe-
 cunia, ab honore, & aliis delectabilibus auocare. Quocumque
 tandem modo id fiat, satis superque patet, quàm pauci, & quàm
 vix vlli sint qui minus afficiantur rebus suis, postquam confessi
 sunt, quàm si omnino non fuissent confessi: vnde nec confitendo
 forsan cogitabant de animo sic retrahendo; sed dum confite-
 rentur, & dicerent se dolere, satis id sibi esse persuadebant. Qua
 de re infra fusiùs, hebdomada tertia post Epiphaniam.

Aptè vero de his dicas quod sanctus Gregorius ait de multis,
L. 27. M. pr. c. 1. Qui Prophetia spiritum accipiunt, sed tamen ad sanctitatis meritum
 non attingunt: sicut irrationale animal, nempe asina Balaam, ra-
 tionis verba edidit, nec tamen ad permutationem naturæ rationalis ac-
 cessit: ita plane hi, dum peccata confitentur, conuersionis & pœ-
 nitentiæ verba edunt, sed dum verba tantum edunt, & animum
Act. 8. non conuertunt, remanent peccatores & impœnitentes. In felle
 enim amaritudinis, & obligatione iniquitatis video te esse.

III. P V N C T V M.

LICET ergo sit omni peccatori necessario pœnitendum, vix ta-
 men ullus est qui necessariam agat pœnitentiam. Quia vix ullus

est qui verè retrahat animum à peccato, seu à re peccati, à re cui est annexum peccatum, non ex rei malitia, sed ex inordinatione affectus circa illam: quæ inordinatio quamdiu perdurat in animo, non potest esse verus dolor de peccato, nec proinde potest esse vera pœnitentia. *Non egerunt pœnitentiam, ut darent gloriam Deo;* Apoc. 16. Non id spectauerunt, & quando spectassent, non erat gloria quam Deus quærebat, ut enarrarent tantum sua peccata, sed ut relinquerent; unde quidquid dixerint aut fecerint, nisi peccata sua deposuerint, non agent pœnitentiam Deo gloriosam & sibi utilem ac necessariam.

Quod quidem ita frequens est, ita commune omnibus & vniuersale malum, ut sanctus Ambrosius affirmet, *se facilius inuenisse* L. 2. de pœnit. c. 10 *qui innocentiam seruauerint, quam qui congruè egerint pœnitentiam.* POENITEMINI igitur, ait sanctus Petrus, & conuertimini ut deleantur peccata vestra, Vide & doce ut interponit medium conuertimini inter pœnitentiam & deletionem peccatorum, quia conuerti hoc est pœnitere quomodo necessarium est pœnitere, ut deleantur peccata; quod & finiendo sermonem suum sic confirmat; *Conuertat se unusquisque à nequitia sua.* Ibid.

IN EADEM DOMINICA.

AD HÆC EVANGELII VERBA:

Erunt praua in directa, & aspera in vias planas.

Luc. 3.

MVLTÆ veritates aliunde huc deriuari possunt quæ contra excusationes difficultatum proponuntur, ut videre eui in Indice verbo *difficultas*. Hic autem nonnullæ aliæ indicantur, quas vnicuique erit facile fusius declarare.

ALIA VERITAS PRACTICA.

Sic facta sunt aspera in vias planas, ut tam iucunde per aspera, quam per plana viuamus.

RATIO EST, Quia tam iucundè per aspera quam per plana

vinimus si rerum asperitas sublata est, aut si facta est amabilis & voluntaria.

SIC enim sublata spectari debet asperitas, quando amatur, quando voluntariè & libenter accipitur: Nam hoc vnum in rebus est asperum, quòd eis repugnet animus: unde voluntariæ poenæ non eam habent asperitatem, quæ sentitur in inuoluntariis.

SED Christus nobis reddidit asperitates amabiles, Sua videlicet abundanti gratia, sua nobis inuicia charitate, suo exemplo, suis beneficiis, suis promissis, suis promeritis, & sexcentis aliis motiuis, quibus in omni pressura letamur, Et gloriamur propter eum qui diligit nos. Et sicut abundant passionibus Christi in nobis: Ita & per Christum abundat consolatio nostra.


SIC itaque facta sunt aspera in vias planas, non ut omnino sublata sint, sed ut per illa tam libenter & iucunde vinamus, quam per plana. Sic iugum semper remanet tollendum super nos, sed cum esset graue, sic factum est per Christum, suaue & onus leue, ut nemo sit letior & securior quam sub illo iugo. Quod sanctus Augustinus in se admirans, Vbi erat, inquit, tam annoso tempore, & de quo imo, altoque secreto euocatum est in momento liberum arbitrium meum, quo subderem cervicem leui iugo tuo, & humeros leui sarcinae tuae? Christe Iesu, adiutor meus, & redemptor meus, quàm suaue mihi subito factum est carere suauitatibus nugarum, & quas amittere motus suerat, iam dimittere, gaudium erat. Eijcebas enim eas à me, vera tu & summa suauitas; eijcebas & intrabas pro eis, omni voluptate dulcior, sed non carni & sanguini: omni luce clarior, sed omni secreto interior: omni honore sublimior, sed non sublimibus in se. Iam liber erat animus meus à curis mordacibus ambiendi & acquirendi, & volutandi atque scalpendi scabiem libidinum. Et ibidem, libro sequenti: Mansucfeci iugo tuo cervicem meam, & nunc porto illud, & leue est mihi, quoniam sic promissi & fecisti. Et verè sic erat & nesciebam, quando id subire metuebam.

De his passim in sequentibus & præcipuè in quarta parte, Hebdomada vigesima secunda post Pentecosten. Vide etiam in libris de ordine, prima parte, discursu 22. sectione 5.

ALIA CONSEQVENS VERITAS.

Maius est Christi beneficium, amaritudines reliquisse nobis amabiles, quam nullas nobis reliquisse.

RATIO EST, Quia talem dare materiam siue occasionem promerendi in qua sine magno labore multum acquiras meriti, multum diuinae gratiae, tibi facillime comparare possis & gloriae, maius est beneficium, quàm si omnino tolleres illam promerendi occasionem.

VIS enim non videat quod quando adiungitur minimo labori maximum primum, in summis id beneficiis sit reponendum? Nam licet perfectius & gloriosius videatur esse, si grauiora pro Christo pertuleris, quàm si leuiora sis passus: quia tamen in grauioribus vel saepe deficimus, vel propter impatientiam, de merito multum detrahimus; certe id beneficium & gratiosum censei debet, si sic temperentur poenae, vt & facillime tolerentur, & nihil tamen propter temperamentum decedat de merito, imo & augeatur amplius & vberius. Nonne propterea Sapiens gratulabundus clamabat; *Videte oculis Ecclesi. 51. videris, quia modicum laboravi, & inueni mihi multam requiem.*

S E D quando Christus reliquit nobis amabiles amaritudines, reliquit nobis materiam siue occasionem promerendi, in qua sine magno labore multum nobis meriti proueniret, imo & quò minor esset labor, eò maius esset promeritum.

Nam cum diminutio illa laboris non procedat ab obiecto leuiori, sed ex affectu vehementiori Charitatis, atque ex voluntate magis libera & propensa, quam facit nobis amor Christi: tam felix & beata est illa laboris diminutio, vt meritum ex æquo crescat & augeatur, quo decrescit & minuitur labor. Ex vna nempe eadem radice Charitatis proueniunt, & diminutio laboris & augmentum meriti; quò enim est maior charitas, eò minus laboratur, & maior est laboris fructus. Hi sunt nouissimi primi qui in vna hora tantum merentur & referunt lucri, quantum *Matth. 20.*

qui portauerunt pondus diei & æstus. O vere bonus Dominus qui sic nobiscum agit! O vere nos maligni & ingrati si difficultates querimur aut excusamus! Nimis enim aperte patet *Maius esse Christi beneficium, amaritudines reliquisse nobis amabiles, quam nullas reliquisse.* Hæc est gratia si propter Dei conscientiam sustinetis, hæc est gratia apud Deum.

Vide Verbo Difficultas. Amor. Christus.

ALIA VERITAS PRACTICA.

Aut non amatur Christus, aut amatur asperitas.

RATIO EST, Quia non amatur Christus si quod est certius amoris signum illi denegetur.



ST enim probandus Illi noster amor, licet probe norit quid sit intus in corde nostro, ne tamen ipsi nos decipiamus, amorem finitum pro vero & germano capientes, vult à nobis certa dari signa, quibus ipse permotus dicat, *Nunc cognoui quod timeas & diligas Deum.*

Gm. 22.

S E D certius amoris signum est asperitatis amor. Vel quando coniuncta est muneri obeundo, vel cuius necessitati subeunda, fornax est in qua probetur amor velut aurum & argentum in conflatorio.

Ecclesi. 2.

Aut Ergo non amatur Christus, quod est Christiano nimis pudendum, *aut amatur asperitas,* quæ est amoris certior nota.

Videnda in secunda parte, Dominica infra Octauas Ascensionis.

SIC ALITER ETIAM PRÆCEDENS, AVT ALIA CONFORMIS VERITAS FORMARI POSSET.

Cui nimis adhuc durum videtur pati pro Christo, nimis etiam durum videtur amare Christum.

RATIO

RATIO EST, *Quia si amare Christum nihil est aliud quàm pro Christo pati ; Cui nimis durum videtur pro eo pati, nimis etiam durum videri necesse est Eum amare.*

Sed amare Christum nihil est aliud quàm pro eo effectivè pati, vel affectivè, ut vocant, & dispositivè.

Ergo cui nimis adhuc durum videtur pati pro Christo, nimis etiam durum videtur amare Christum.

IN quo discursu solum est probandum, quod amare Christum & pro ipso pati, sunt vnum & idem ; Quod facile est hoc sensu demonstrare, quod non aperte, non certè, non perfectè, nec debirè Christus ametur à quoquam, nisi qui paratus sit pro ipso pati ; Qualis enim Christi amator ille esset qui diceret : Amo quidem ita Iesum, ut bene de illo sentiam, & dicam apud omnes, bene etiam illi ab omnibus velim, neque debitos unquam honores Ei denegem, aut quidquam aliud : nisi cum fortè me velit pati ; hoc enim ego nolo. Itane quisquam posset loqui, & sibi de amore Christi blandiri ? Perinde autem est, siue id loquatur, siue id actu & re ipsa nolit pati, quando præsertim tam necesse est pati, ut nisi patiatur, peccet.

Tunc enim tria concurrunt quæ cum actuali Charitate quæ 1. Cor. 13. patiens est, quæ omnia suffert & sustinet, valde repugnant. Primum est quod se suaque negat Christo petenti. Quid Charitati magis oppositum ? Quid amorì diuino infensius ? Secundum est quod se tamen eius amicum profitetur, dignumque credit Christum qui laudetur quidem & honoretur ab omnibus, sed non ita dignum & bene meritum ut sit propterea pro ipso patiendum ; Quod certe iudicium non potest non illi esse iniuriosum. Tertium denique est, quod actu & re ipsa Christum offendit per impatientiam, per murmura, per impropria, per quidquid animus contradicens & repugnans diuinæ Voluntati potest cogitare, loqui & agere.

Et tu dicamari Christum dices ? Itane nos dilexit Christus ? Itane suam nobis dilectionem protulit ? Itane nostram excitat, & suis meritis promouet ? Ideone frater noster effectus, & sponsus animarum, ut sic à nobis diligeretur ? Nihil ne ultra tot la-

borea exhausti, tot sanguinis effusæ guttæ, tot gratiarum profusa dona, tot plagarum tolerata supplicia: nihil ne aliud promerentur, quam ne quid omnino vicilim patiaris? quorsum tot scripturæ oppositæ? quorsum tot comminationes & promissæ? quorsum in eam rem tot sanctorum exempla, tot doctorum dicta, tot rationum momenta? *Nondum incepit esse Christianus*, ait S. Hieronymus, *Qui nescit aut qui nolit pro Christo pati. Et ubi illud Apostoli, quoniam per multas tribulationes oportet nos intrare in regnum Dei? Et omnes qui pie volunt viuere in Christo Iesu persecutionem patientur.*

Sed quod nolenti durum videtur, hoc volenti suaue est, hoc amanti facile: Nec amare putandum est esse aliud quam sic libenter velle pro amato pati.

Vide Diuum Bernardum sermone 43. in Cantica, & alibi passim.

E O D E M D I E,

AD HÆC VERBA:

In propria venit, & sui eum non receperunt. Ioan. i.

VERITAS PRACTICA.

Non minus modò, quàm olim, Christus in propria venit, nec sui magis Eum recipiunt.

RATIO præsupponit tamquam certum ex fide, primam Veritatis partem, cum ille ipse qui nasci voluit de Virgine, pannis inuolui, & in præsepio collocari, ex certa fide credatur esse in sanctissimo Sacramento, sub speciebus panis, & per Communionem venire in Christianos, qui propterea adhuc magis propriè & præcipuè videntur esse Christi Domini. Sed quomodo sui Eum non recipiant, cum per istos maxime intelligamus Communicantes, magis obscurum videtur. Sic porro declaratur.

NON recipiunt Christum, quo sensu dicitur à suis non receptus, qui

In propria venit, & sui eum non receperunt.


115

non ita recipiunt doctrinam, quam in praesepi docet, ut se illi conforment per Gratiā, quā his propterea confertur diebus.

Sed qui magis propriē Christi sunt, nempe Communicantes, non ita recipiunt doctrinam Christi, ut se illi conforment.

Ergo qui Christi magis propriē sunt, Christum non recipiunt. Ergo non minus modò quā olim Christus in propria venit, nec sui magis eum recipiunt. Quod cū sit valde damnosum, idcirco ante ipsa Christi Iesu Natalitia, perutile foret prae cauere.

I. P V N C T V M.

 **V**OCVMQVE loci venisset Christus, venisset certē in propria, cū esset Dominus cœli & terræ. Quando tamen venit in Iudæam, quando in ciuitate Nazareth est conceptus, atque in oppido Bethleem natus, tunc singulari modo dicitur venisse in propria, quia pars illa terræ singulari præ cæteris modo, pars erat propria Christi, propria populi quem sibi ex omnibus præelegit, & eorum propria, vnde carnem sumere voluit. Ideoque Pilatus illi dixit, Gens tua & pontifices tradiderunt te mihi.

Quando vero dicitur, *Et sui eum non receperunt*, non agitur de receptione corporali, non agitur de repulsa quam passus est in Bethleem, cum ibi non esset locus in diuersorio, non de fuga in Aegyptum, non de eiectione à Nazareth, post primam illic habitam concionem, non de negato introitu Samariæ, non postremò de quauis conspiratione Ierosolymis, contra ipsum inita: sed de infidelitate eorum qui quod docebat, non receperunt, non crediderunt, non approbarunt, at contra potius obstiterunt. Vnde in consequenti textu cum dicitur, *Quotquot receperunt Eum, dedit eis potestatem Filios Dei fieri*; Id est, quotquot ei crediderunt fide perfecta, seque eius obsequio dediderunt. Quo in sensu dicebat sanctus Ioannes in epistolis: *Omnes qui recedunt & non permanet in doctrina Christi, Deum non habet*, Quali diceret, licet quis Christum reciperet hospitio, nili tamen Christo crederet, & profiteretur quod docuit, non illum recipere dicendus esset, quo propriē modo à nobis vult recipi.

2. Ioan. 1.

L. de sancta Virgine.
lib. 1. c. 2.

Ioan. 12.

Sic sanctus Augustinus dicebat de Beatissima Virgine, *Quod beatior fuisset, percipiendo fidem Christi, quam concipiendo carnem Christi; Nec materna propinquitas illi profuisset, nisi felicius Christum corde quam carne gestasset.* Idemque explicans verba Christi; *Si quis mihi ministraverit, honorificabit cum Pater meus. Si hoc putauerimus, inquit, esse Christo ministrare, ea quæ sunt corpori necessaria præparare, fecerunt hoc illi qui potuerunt cum in corpore habere præsentem, sicut Martha & Maria; sed eo modo, Christo etiam Iudas perditus ministravit.* Et post pauca, *Vt quid ergo alibi quarimus quid sit ministrare Christo, & non potius in istis ipsis verbis agnoscimus? cum enim dixit si quis mihi ministrat, me sequatur, hoc intelligi voluit, ac si diceret: si quis me non sequitur, non mihi ministrat.*

Serm. 7. de Aduentu.

Serm. 5. de Aduentu.

Ex quibus sic declaratis, patet euidenter quod habet prima propositio, iam illos non recipere Christum nascentem, qui non ita recipiunt doctrinam illam quam in præsepî nascens professus est, ut se illi totos conforment; Non quod non recipiant per sacram Communionem verum Christi corpus, quod & peccatores quoque communicantes recipiunt, sed quod ipsum recipiendo, non recipiant Gratiam hanc singularem, quæ his particulatim diebus conceditur, ad profitendam illam Christi doctrinam: vel si receperint talem gratiam, non magis illi collaborent, nec inde sanctius viuant, quam si non recepissent. Sic aptè sanctus Bernardus triplicem distinguit Aduentum Domini, nempe ad homines, in homines, & contra homines, ac primus quidem & tertius sat, inquit, noti sunt, & manifesti. De secundo qui spiritualis & occultus est, verba sunt sancti Bernardi, *audi ipsum dicentem, si quis diligit me, sermonem meum seruabit, & pater meus diliget eum, & ad eum veniemus & mansionem apud eum faciemus.* Et aubi de hoc rursum triplici Aduentu agens, Idem sanctus Abbas: *In priore, inquit, in terris visus est, & cum hominibus conuersatus, quando sicut ipse testatur, & viderunt & oderunt: In posteriore, videbit omnis caro salutare Dei nostri, & videbunt in quem transfixerunt. Medius occultus est, in quo soli cum in se ipsis vident electi, & salua sunt anima eorum. In primo venit in carne, & infirmitate; In hoc medio, in spiritu & virtute; In ultimo, in gloria & maiestate. Aduentus iste medius via quadam est per quam à primo veniatur ad ultimum. Et nonnullis interiectis: Hoc facit hic Aduentus ut sicut portauimus imaginem terreni, sic portemus & imaginem cælestis. Sicut fuit vetus Adam effusus per*

totum hominem, & totum occupauit; ita modo totum obtineat Christus qui totum creauit, totum redemit, totum & glorificabit. Quasi diceret, totum id efficiat in animis nostris quod ipse in præsepi docuit, sic nos intus & extrà totos sibi conformet, vt quemadmodum orat Ecclesia; In illius inueniamur forma, in quo est nostra substantia. Et hoc modo resplendat in opere, quod per fidem fulget in mente. Per eum denique quem similem nobis foris agnouimus, intus reformari mereamur.

Hoc est quod tam magnificè prædicabat Apostolus, sicut iam *ric. 2.* ante dictum est; *Apparuit gratia Dei Saluatoris nostri omnibus hominibus, erudicens nos, vt abnegantes impietatem & secularia desideria sobriè & iustè, & pie viuamus in hoc seculo.* Apparuit nêpe nobis in primo Aduentu gratia nos extrà erudiens: in secundo vero nobis offertur ista gratia nos intus formans & conformans doctrinæ nascentis Iesu, quam doctrinam propterea qui non recipit, non recipit Iesum, non recipit venientem hoc secundo Aduentu, quo se modo nobis offert. *Ego veni in nomine Patris mei, & non accipitis me: si alius venerit in nomine suo, illum accipietis.* *Ioan. 5.* O humani cordis inhumanam vecordiam!

II. PUNCTVM.

SED qui magis propriè Christi sunt, nempe Communicantes, non ita recipiunt doctrinam Christi, vt se illi conforment.

Sunt ex illis certe Nonnulli qui proficiant, renascentes cum Infante. *Ies V.* & de nouo induentes nouum illum hominem, qui secundum Deum creatus est in iustitia, & sanctitate veritatis. *Eph. 4.*

At vero quàm sunt illi pauci sic renascentes & renouari! Quàm multi contra suo semper in veteri remanentes homine, non minus terrena sapiunt & sensibilia quam si de Christi præsepio nihil audiissent? Quis secularium magis amans paupertatis, ex prædicata nobis à Christo paupertate? Quis magis contemptor gloriæ vel voluptatis, ex commendata nobis in itabulo Continentia, humilitate, patientia, cæterisque virtutibus? Quis non videat quàm sit æque modo descendendum quod suo deplorabat tempore sanctus Bernardus: *Sine deuotione & affectione dies istos arida quadam consuetudine observari!* Et quod damnabilius est, inquit ipsa quoque inestimabilis huius dignationis memoria datur in occasionem *Serm. 2. in Aduentu.*

carnis, ut videas eos (scilicet sæculares) tanta sollicitudine diebus istis, vestium gloriam, ciborum parare delicias, ac si hac huiusmodi quarat in Natiuitate sua Christus, & ibi suscipiatur dignius, ut hac accuratius exhibeantur. Sed ipsum audi dicentem, superbo oculo & insatiabili corde cum hoc non edebam. Quid tanta ambitione vestes parat in natale meum? detestor ego superbiam, non amplector. Quid tanta sollicitudine ciborum copias reponis in tempus illud? damno ego carnis delicias, non accepto. Celebrans ergo Aduentum meum, labiis me honoras: sed cor tuum longe est à me, non me colis, sed Deus tuus venter est, & gloria in confusione tibi.

Quæ Ianui Patris verba quantis eorum conueniunt qui se esse Christi profitentur: tanti profecto sunt qui Doctrinam eius non recipiunt, cum hæc liberior viuendi licentia tam longè sit à doctrina Christi nascentis, quàm coelum à terra, quàm lux à tenebris, & quàm Virtus à vitio.

III. PUNCTVM.

ERGÓ qui Christi magis propriè sunt, Christum non recipiunt. Ergo non minus modo quàm olim Christus in propria venit, nec sui eum magis recipiunt. Venit enim modo per nouam Gratiam quam ipse in Sacramento, vel extrà suis offert, ut affectu simul & effectù, pro sua quique vocatione, se conforment doctrinæ quam è præsepi docet, circa concupiscentias diuitiarum, honorum, & voluptatum: tam pauci vero sunt ex iis etiam qui Sacramenta frequentant & Christianam colere pietatem videntur, tam paucirarique sunt, inquam, qui hanc eius gratiam & practicam doctrinam recipiant, ut vix vlli de illa suscipienda & in mores suos inducenda cogitent; Quid sequitur nisi quod sui eum non recipiunt: cum à popularibus suis non dicatur aliter non receptus, quàm quod docenti non crediderint, nec se illius præceptis vel consiliis conformarint? *Loquor vobis, & non creditis: opera quæ ego facio in nomine Patris mei, hæc testimonium perhibent de me.*

Ioan. 10.

Matth. 10.

Luce. 10.

Et certe cum sæpe suis Christus quos mittebat prædicatum diceret, quod iis à quibus non reciperentur, durius foret quàm Sodomis: an putas diceret de receptione personæ, vel doctrinæ? Sicut enim Legatus tunc verè recipi dicitur aut remitti, quando quod proponit, approbatur vel improbatur, sic plane Christus

& qui pro Christo legatione funguntur, tunc recipiuntur aut repeliuntur, quando quod proponunt ad salutem sic admittitur, vt vel effectū suo donetur vel priuetur. Vnde ipse Dominus: *Qui* ^{Ioan. 12.} *spernit me, & non accipit verba mea, habet qui iudicet eum: sermo quem loquutus sum, ille iudicabit eum.* Quali diceret, hoc est me spernere, non accipere verba mea: sicut autem in sermone meo fui contemptus, sic in eodem honorificabor, quando ille ipse sermo qui fuit spretus, spernentem iudicabit. O quē vere dictum de Domino, *Quod percutiet terram, id est terrestres animas, is. 11. virgā oris sui.* O depiorandas animas quæ cum possent lui virga Pastoris turē regi & conseruari, malunt sui virgā Iudicis percuti & condemnari!



FERIA SECVNDA.

DE DILIGENTIA, SEV DEVOTIONE

QVÆ EST OPPOSITA VITIO ACEDIAE.

Exurgens Maria in diebus illis, abiit in montana, cum festinatione, in ciuitatem Iuda. Luc. 1.

VERITAS PRACTICA.

Quidquid offerendum Deo sciet vera Deuotio, differre nesciet.

SENSVS EST, Quod, vt ait sanctus Ambrosius: Nescit tarda molimina Spiritus sancti Gratia; Ita neque vera Deuotio.

RATIO EST, Quia idcirco Spiritus sancti Gratia nescit tarditatem, quod nos impellat ad exequendam diuinam Voluntatem que est promptè exequenda.

Sed Vera Deuotio ad illam ipsam diuinam Voluntatem adimplen-

dam, cum eadem Spiritus sancti Gratia, nos impellit.
Ergo sicut nescit tarda molimina Spiritus sancti Gratia, ita neque
Vera Deuotio; aut certe non est vera, quod est valde cauendum.

I. PUNCTVM.

CONTEMPLARE sanctissimam Virginem, sic affixam contemplationi mysterij Verbi Incarnati, vt tamen non obliuiscatur verborum Angeli, quæ de cognata Elizabeth dixerat: simulque sentiens se ad eam visitandam à Spiritu sancto commoueri, non est cunctata in diem alteram, nec in horam: sed ipso pene momento quo discessit ab ea Angelus, exurgens abiit, non segniter, non lento gradu; sed *cum festinatione*, quod eam impellebat Gratia & diuinæ voluntatis adimplendæ desiderium.

1. 2. in
Ips.

2. P. n. 19.

Deut. 23.
Eccles. 9.
Eccl. 31.
Matth. 5.

Ps. 80.

Hinc autem S. Ambrosius celeberrimum illud Effatum pronunciauit, *Nescit tarda molimina Spiritus sancti gratia*, quod de vera Deuotione perinde dicitur, quæ est opposita vitio Acediæ, & quæ plurimum potest ad præparandam viam Domini. Ratio est plana & facilis, Quia vna & eadem est plane ratio, cur Gratia & Deuotio tarditatem nesciant. Cur enim Gratia, nisi quod ad diuinam Voluntatem nos impellat quæ non tarde & cunctanter, sed prompte, velociter & statim vt cognoscitur, est adimplenda? Sic Rex ille pii sumus Iosaphat commendans suis diuina quædam opera, *Sit timor Domini vobiscum*, inquit, *& cum diligentia, cuncta facite, non est enim apud Dominum nostrum iniquitas*, Quasi diceret, quod a Domino præcipitur, tam sanctum & iustum est, vt sicut non est dubitandum, quod minus fiat, ita nec differendum quin statim fiat; Cur enim differas exequi, quod vult Deus, cum hoc ipsum velit ne differas? Audi vt loquitur; *Si moratus fueris, reputabitur tibi in peccatum. Quodcumque facere potest manus tua, instanter operare. In omnibus operibus tuis esto velox. Esto consentiens aduersario tuo cito dum es in via cum eo.* Ille aduersarius non solum est sermo, sed Ductus diuinus seu diuina voluntas quæ te ad salutem & perfectionem contra naturalem inclinationem ducit: & cui est cito consentiendum, ne te tibi deserat & male pereas; *Ibunt*, inquit, *in adiuuentionibus suis qui Deum sequi noluerunt?* At quoniam ibunt, sine Deo?

II. PVN-

II. PUNCTVM.

SED vera Deuotio ad illam ipsam Diuinam Voluntatem, cum eadem Spiritus sancti Gratia, nos impellit.

Sic enim expresse à S. Thoma definitur, *specialis quidam actus voluntatis prompta & parata ad facienda quacumque ad Dei seruitium & famulatum spectant.* Sic ab Eodem dicitur Meditatio Deuotionis causa, *In quantum scilicet homo per meditationem concipit quod se tradat diuino obsequio, ad quod quidem inducit duplex consideratio: Vna quidem que est ex parte diuina bonitatis & beneficiorum ipsius secundum illud Psalmi: Mihi adherere Deo bonum est; & hac consideratio excitat Dilectionem que est proxima Deuotionis causa. Alia vero est ex parte hominis considerantis suos defectus ex quibus indiget ut Deo innitatur, &c. Et hac consideratio excludit presumptionem per quam aliquis impeditur ne se Deo subiiciat. Et articulo sequenti docet latitiam & trilitiam esse deuotionis effectus, In quantum se homo sentit subiectum, vel non subiectum Deo.* 2.2. q. 82. a. 1. Ibid. 4. 3. Ps. 71. Ibid. 4. 4.

Sic S. Ambrosius de Abrahamo scribens, *Consideremus, inquit, cuiusmodi fuerit in eo Viro Deuotio. Ea enim virtus ordine prima est, que est fundamentum ceterarum, meritoque hanc ab eo primam exegit Deus dicens, Exi de terra tua, & de cognatione tua, & de domo Patris tui.* L. 1. de Abrah. Genes. 12.

Sed quid illa spectant ad virtutem Deuotionis, nisi quod Deuotio sic spectat diuinam Voluntatem, ut qui impedimenta abijciunt Diuinæ Voluntatis adimplendæ, illi præ ceteris Deuotum habeantur? Vnde ille sanctus Doctor pro affectu hic concitando aptè concludit; *Ergo exire de conuersatione terrena, & à secularibus & superioris vite moribus atque actibus debemus, ut non solum loca sed etiam nosmetipsos mutemus. Si cupimus adherere Christo, desinamus corruptibilia. Sunt autem corruptibilia in nobis, Caro, diuiciatio, &c. O quamamilla sunt, quæ sunt opposita Christo, vel diuinæ voluntati, ut nos retardent!*

III. PUNCTVM.

SICVT ergo nescit tardam olimina Spiritus sancti Gratia, sic neque vera Deuotio; Cum non minus Deuotio quam Gratia respici-

Q

ciat obsequium Dei seu Voluntatem Diuinam, propter quam perfectius adimplendam excutienda est omnis tarditas, & matu-
Exod. 35. 2. 2. 7. 82. 4. 2. *Deuota.* Sic vtrumque simul coniungit Scriptura. Et S. Thomas docens Deuotionem esse actum Religionis, non aliter probat quam quod *ad eandem*, inquit, *virtutem pertinet velle facere aliquid, & promptam Voluntatem habere ad illud faciendum, quia vtriusque actus est idem obiectum.* Manifestum est autem quod operari ea que pertinent ad diuinum cultum seu famulatum pertinet proprie ad Religionem, unde etiam ad eam pertinet **HABERE VOLUNTATEM PROMPTAM** ad huiusmodi exequenda, quod est esse deuotum.


Quid clarius? quid expressius ad inseparabilem Deuotionis & promptitudinis coniunctionem indicandam? Et certe si vna ex conditionibus obedientiae quae homini propter Deum redditur, est promptitudo: cur non eadem promptitudo requireretur, quando ipsi Deo est seruiendum & obediendum? Sic apte S. Bernardus, *Velociter currit sermo Dei, & velocem desiderat habere sequentem; vides cum quanta velocitate currit ille qui dicit viam mandatorum tuorum cucurri. Fidelis obediens nescit moras, fugit crassum, ignorat tarditatem, praeipit praecipientem, parat oculos visui, aures auditui, linguam voci, manus operi, itincri pedes, totum se colligit ut Imperantis colligat Voluntatem. Vide Dominum velociter praecipientem, & hominem festinanter obedientem, Zachae, inquit, festinans descende, quia hodie in domo tua oportet me manere; & festinanter descendit, & excepit eum gaudens. Nonne legisti quod filiis*
Serm. de vii. Obed.
Luc. 19.
Exod. 12. *Israël praecipitur ut agnum comedant festinanter? quia verba illa quae per legem dedit, quae per semetipsum praesens exhibuit, quae per Ecclesia praepositos tradenda reliquit, veloci sunt obedientia consummanda.*

Ex quibus Sancti Patris verbis facilius intelligetur Sapiens dum a nobis quaerit, *Quid adhuc retardatis? & quid dicitis in his?* Spiritus ille est Sanctus qui nescit tarda molimina. Ille Ipse est qui per Sapientem quaerit a te cur ita retardes & langueas in tuis spiritualibus exercitiis, cum ad maiorem diligentiam toties & tam vehementer exciteris? Responde si quid habes, & audi num approbet quod respondes. Audi quod Idem monet: *De negligentia tua purgare cum paucis.* Id est, paucorum est se de hoc purgare initio, adeo sunt multi negligentes & omnes inexcusabiles. Vel

Et salutauit Elizabeth. De Charitate opposita Inuidia. 123

sic: Sic te purga, vt te accusas potius quàm excuses. Vel denique, si non potes omnia, si non potes multa præstare diligentius, offer faltem pauca quæ possis: vt de te possit dici: *Quod habuit hic, Marci 14. fecit. Nihil æquè purgat de negligentia.*

Vide in Indicibus verbo *Deuotio*, & præsertim in 4. parte.



FERIA TERTIA. DE CHARITATE QUÆ EST OPPO- SITA VITIO INVIDIAE.

Et intrauit domum Zachariae, & salutauit Elizabeth. Luc. 1.

VERITAS PRACTICA:


Charitas alienis bonis gaudet, vt propriis.

*RATIO EST, Quia Charitas sic vno Dei bono gaudet, vt vbi-
cunque Dei bonum reperiatur, eo Charitas gaudeat.*

Sed in alienis bonis, æque ac in nostris propriis reperiri potest bonum Dei.

Ergo & illis Charitas æque gaudet. Quod tamen cum sit rarum, sic rara est Charitas.

I. PUNCTVM.

 *UOD vno verbo dicitur Maria Virgo salutasse Elizabeth, sic glossa interlinearis interpretatur, Quasi congratulans de dono quod eam accepisse didicerat. Congaudebat videlicet Virgo Mater sterili Matri, quod sicut in grauidata Virgine, sic in sterili foecundata, Deus magnificaret potentiam & misericordiam suam.*

O quæ tum Virginis verba! quæ vox salutationis! qui affe-

ctus ! quæ Charitas ! Expende & agnosce illam esse Charitatem ;
 1. Cor. 13. *Quæ alienis bonis gaudet ut propriis : illam esse Charitatem , quæ ,*
ut scribit Apostolus , Benigna est , non amulatur , non agit perpe-
ram , non inflatur , non est ambitiosa , non quarit quæ sua sunt , non gau-
det super iniquitate , congaudet autem veritati . Illam denique esse
 Ibid. 12. *Charitatem , quæ ad præparandam Domino viam , tantum valet*
ut dicatur Excellentior via ; Adhuc , inquit , Excellentiorem viam
vobis demonstro .

Sicut autem quæ excellentiora sunt , sunt etiam rariora , sic
 prorsus ista Charitas . Pauci omnino sunt , & valde rari , qui sic
 alienis proximorum bonis gaudeant , ut propriis . Quamobrem
 eo diligentius expendenda est Veritas , quæ de hac Charitate
 proponitur , ut videas quam longe ab ea sis .

Ac primo illud quod præmittitur , Charitatem sic vno Dei
 bono gaudere , ut ubicunque tale Dei bonum reperiatur , eo Cha-
 ritas gaudeat , facile est demonstrare . Nam cum gaudium sit
 amoris certa proprietas , qualis est amor , tale necesse est ut sit
 Rom. 5. *gaudium ex illo proueniens : Amor autem Dei qui est Charitas*
diffusa in cordibus nostris , & de qua hic loquimur , sic vnum Dei
bonum amat in omnibus , ut ubicunque sit illud bonum , illud
amet . Quemadmodum enim nullum amat creatum bonum , nisi
 propter Deum , quem in illo bono videt ; sic omne bonum amat
 2. Cor. 12. *in quo Deum videt . Quid enim mihi est in cælo ? & à te quid volui*
super terrā ? Quali diceret ; Nihil est in cælo neque in terra quod
 amem nisi propter Deum ; Et nihil est amabile in cælo & in ter-
 ra , quod non amem propter ipsum . Ille est vnus quem amo in
 omnibus , & omnia in eo amo . *Deus cordis mei & pars mea Deus in*
 Ibid. *æternum .* Nullum præter Deum , ait S. Augustinus . *Hoc amat , hoc*
diligit : si aliud dilexerit , non erit castus amor . Sic ergo consequen-
 ter de gaudio est sentiendum , quod ex hac Charitate procedit ,
 cum sit eiusdem prorsus naturæ & conditionis ; De nullo bono
 excitatur nisi propter Deum qui in eo bono reperitur : & de om-
 ni bono ubi Deus reperitur , omnino excitatur . *Ego autem in Do-*
 Ibid. 3. *mino gaudebo , & exultabo in Deo Iesum eo .*

II. PUNCTVM.


SED in alienis proximorum bonis , atque reperiri potest illud bonum
 Dei , atque in nostris propriis .

Cur enim si bona sunt, non sint æque à Deo, & ad Deum, atque nostra? Estne aliquod bonum quod non sit à Deo, aut quod non sit propter ipsum? Nonne vniuersim de omni bono singulis dato scribitur: *Omne datum optimum, & omne donum perfectum, desursum est, descendens à Patre luminum?* Et omnem, inquit, qui in-
uocat nomen meum, in gloriam meam creauimus, formauimus, & feci-
cum; Quali diceret, ne fortè dubites, sic repeto & inculco. Fatea-
 mur itaque, quod prudentissima Iudith, *Tu enim fecisti priora, &*
illa post illa cogitasti, & hoc factum est quod Ipse voluisti. Et cum
 beatis Cœlitibus in Apocalypsi; *Dignus es Domine Deus noster*
accipere gloriam, & honorem, & virtutem: quia tu creasti omnia, &
propter voluntatem tuam erant, & creata sunt.

III. PUNCTVM.

SIC ergo Charitas alienis bonis gaudet vt propriis. Cum enim nec propriis gaudeat nisi propter Deum, quem in illis videt; cur non gauderet alienis, vbi æque Deum videre potest: aut quid est quamobrem Deum, ibi non æque videat? Nihil plane est nisi Inuidia quæ est opposita illi Charitati, & quam inde agnosces pessimum esse vitium, vt quod opponatur directe bono, & bono Dei, ac maximæ omnium Virtuti quæ est Charitas. Hinc apte Sapiens, *Nequius oculo quid creatum est?* Et Christus Dominus,
An oculus tuus nequam est, quia Ego bonus sum? Responde inuide,
 aut desine inuidere. Si vetamur comedere cum homine Inuido,
 quid expectas commercij, & communicationis cum Christo?

Neque vero Inuidus tam nocet aliis quam sibi, qui si alieno gauderet bono, suum posset facere; Et illo se niser fructu priuat, atque inuidiæ poenas accersit grauissimas. Sic qui sibi inuidet, vt ait Sapiens, *Nihil est illo nequius, & hac redditio est malitiæ*
illius. Hic in teipsum inquire diligenter, & ad emendationem, illud etiam atque etiam S. Augustini reuolue: *Tolle inuidiam, &*
tuum est quod habeo; Linor separat, Charitas jungit, ipsam habeto
& cuncta habebis.



FERIA QVARTA.
DE HVMITATE QVÆ EST
OPPOSITA SVPERBIAE.

*Et ait Maria : Magnificat anima mea Dominum.
Et exultauit Spiritus meus in Deo salutari meo.
Luc. 1.*

VERITAS PRACTICA.

Quantò se Humilis minorem facit, tanto magis magnificat Deum.

RATIO EST, Quia tanto magis magnificatur Dominus, quanto eius diuinæ perfectiones manifestantur.

Sed quantò se Humilis minorem facit, tantò magis diuinæ perfectiones manifestantur.

Ergo & tantò magis sic magnificat Dominum. Quod certe est motuum potentissimum ad frequens humilitatis exercitium.

I. PVNCTVM.

ET factum est ut audiuit Salutationem Maria Elizabeth, exultauit infans in utero eius, & repleta est Spiritu sancto Elizabeth, & exclamauit voce magna, & dixit, Benedicta tu inter mulieres, & benedictus fructus ventris tui. Et vnde hoc mihi, ut veniat Mater Domini mei ad me? Ecce enim ut facta est vox salutationis tue in auribus meis, exultauit in gaudio infans in utero meo, & beata quæ credidisti, quoniam perficientur ea quæ dicta sunt tibi à Domino. Et ait Maria: Magnificat anima mea Dominum, &c.

Perpendi singula, vel quædam ex eis pro affectu possent; Tum

verò illud præcipue quod cum Beatissima Virgo sic se audiret laudari, tanto magis se deprimit; & quanto etiam se minorem facit, tanto magis magnificat Dominum. O verum humilitatis exemplar! Æmulare; & ad Veritatis propositæ declarationem, hoc primum agnosce. Quod tantò magis magnificatur Dominus, quanto eius diuinæ perfectiones manifestantur. Nam sicut aliter non potest à nobis magnificari, quam manifestando eius perfectiones, quid enim Ei conferre possimus quod non habet? sic cum illæ innotescunt quæ ante latebant, dicitur glorificari & magnificari; quia inde scilicet Eius Gloria & Magnitudo cognoscitur, propter quam ab hominibus laudatur & benedicitur.

Sic Moyses transito mari rubro, *Cantemus*, inquit, *Domino, gloriose enim magnificatus est, equum & ascensorem deiecit in mare. Iste Deus meus & glorificabo eum. Dextera tua Domine magnificata est in fortitudine.* Id est, Fortitudo & Potentia tua nunc maxime manifestata sunt. Sic Dauid exardebat ad has diuinas perfectiones manifestandas, cum omnes inuitaret, *Magnificate Dominum mecum, & exaltemus nomen eius in idipsum.* Sic Apostolus, prædicando Christum; *In nullo*, inquit, *confundar, sed in omni fiducia, sicut semper, & nunc, Magnificabitur Christus in corpore meo, siue per vitam, siue per mortem.* Sic denique sanctissima Virgo parens magnificat Dominum, in suo illo Cantico, cum eius Potentiam, Misericordiam, Fidelitatem, & alias decantat perfectiones, quas tu ipse usque ad versum quintum, reuoluendo venerare, & adora.

II. PUNCTVM.

SED quanto se Humilis minorem facit, tanto magis diuinæ perfectiones manifestantur.

Nam vt omittam dicere quod est commune in hac materia, humilem corde, quidquid habet, & quidquid ei, in vnum Deum referre, vnde tandem Diuina Magnitudo & Bonitas agnoscantur, vt sentiebat Apostolus dicens, *Non ego, sed Gratia Dei mecum:* Tres alij præterea occurrunt modi, quibus propositio directe declaratur. Primus est, quod cum Magnitudinis & Bonitatis diuinæ sit, magnum & sanctum facere hominem, qui nihil ex se est nisi peccator: profecto quo magis homo se nihili facit, & quo magis se peccatorem atque ex se longe à sanctitate remotum co-

gnosceret, eo magis illam Dei Bonitatem extollet. Sic prorsus eò maior Dei potentia dignoscitur, quando minus potentem assumit ad aliquod ingens opus efficiendum. Vnde Idem Apostolus, *1. Tim. 1.* postquam dixit, *Qui prius blasphemus fui, & persecutor, & contumeliosus, addit, sed ideo misericordiam consecutus sum, ut in me primo ostenderet Iesus Christus omnem patientiam.*

Secundo, cum ita naturale sit homini seipsum amare, & amore sui excellentiam & humanas laudes appetere, quando humilis contra hanc naturalem inclinationem se deprimat, & se infra omnes potius abijcit, quàm vel vni se præferat; certe vim gratiæ & virtutem Christi plurimum manifestat, à quo habet ut sic se humiliet, & sic se ipso maior fiat, cum se minorem facit. *Phil. 2.* Et hoc non ex vobis, inquit Apostolus, Dei enim donum est, non ex operibus, ut ne quis gloriatur.

Denique, cum ob Dei cultum & venerationem, homo se humiliet & deprimat, non potest sic non magnopere manifestari quantus sit Deus, ad quem colendum homo alioquin superbus, & arrogans se se demittat, & se potius patiatur contemni quàm laudari, si ex sui contemptu videat maiorem Dei gloriam. Sic Rex humilis David: *2. Reg. 6.* Ante Dominum qui elegit me, & ludam, & vilior sum, plusquam factus sum, & ero humilis in oculis meis. Sic forte dicet. *Ioan. 13.* Sed faciendum dicendum est sicut ille dicendo faciebat. Si hæc scitis, beati eritis, si feceritis ea.

III. PUNCTVM.

Eccel. 3. **H**INC ergo patet non modo Veritas, Quòd quando humilis se minorem fecerit, tanto magis magnificabit Dominum, vnde aptissime Sapiens, Quotiam magna potentia Dei solius, & ab humilibus honoratur: Sed & veritatis in praxim aduocande, motuum efficax inde elicitur. Quid enim magnificetia, quàm possit magnificare Deum? Quid indignius quàm te nolle cum possis, & ideo nolle, ut te ipsum potius magnifices quàm Deum? Tu quis es? quem te ipsum facis? aude ne tibi aliquid arrogare ad commendationem & magnificentiam tuam? Quando tuum esset aliquid, nonne libenter Deo consecreturum venies ad eius gloriam? quanto magis quod Dei est, Deo debes relinquere? *1. Pet. 4.* Tua est Domine magnificetia, & potestas, & gloria, dicunt Scripturæ. Tu vero

vero vis ex illis esse qui dixerunt, *Linguam nostram magnificabi-* Ps. 11.
mus, Labia nostra à nobis sunt, Quis noſter Dominus est? Iudicare Ps. 1. 9.
Domine, Iudicare pupillo & humili, vt non apponat ultra magnificare
ſe homo ſuper terram. Id est, profer Domine Iudicium quod facis
contra ſuperbos in fauorem humilium, quo audito ſuperbi ſe
forte continebunt. Nonne times hoc iudicium? ocyus ſerius
proferetur. *Ecce ego ad te ſuperbe, dicit Dominus, quia venit dies* Ier. 50.
tuus, tempus viſitationis tuae. Et cadet ſuperbus, & corruet, & non erit
qui ſuſcitet eum. Satiſ eſt præoccupare faciem eius.



FERIA QVINTA.

DE VIRTUTE QVÆ EST OPPO- SITA VITIO AVARITIÆ.

Deposuit potentes de ſede: & exaltauit humiles.
Eſurientes impleuit bonis, & Diuites dimiſit
inanes. Luc. 1.

VERITAS PRACTICA.

Omnis copia quæ Deus non eſt, egeſtas cenſenda eſt.

RATIO EST, *Quia nonniſi egeſtas cenſeri debet illa copia quæ*
nihil prodeſt viro copioſo, in ſumma eius neceſſitate.

Sed talis eſt copia quæ Deus non eſt.

Ergo egeſtas cenſenda eſt; Ac proinde nihil diuitiæ ſine Deo.

I. PUNCTVM.

PERGIT magnificare Dominum Beatiffima Virgo, & in
eius magnificentiæ commendationem adducit quod po-
tētiores quoſque humiliet, eoſque præcipue qui ſuis præ-
ſidentes diuitijs, ſe minus voluntarie Deo ſubiſciunt, quali mū-

*Iacobi 1.
Is. 40.
Bar. 3.*

mus ab illo dependeant: sed miseri tandem eo inopia & calamitatis rediguntur, ut cum abundatores se putabunt, egentiores se sentiant. Quod & passim Scriptura commemorat, *Quoniam diues sicut flos fœni transibit, exortus est enim sol cum ardore, & arrefecit fœnum, & flos eius decidit & decor vultus eius deperit, ita & diues in itineribus suis marcescet.*

Hinc illa est celeberrima Veritas, ex S. Augustino deprompta, *Quod omnis copia qua Deus non est, egestas est.* Id est, omnia terrena, temporalia, & humana, si tantum in se considerentur, nec ad Deum, & ad salutem æternam referantur, non sunt vera diuitiæ, sed mera inopia, miseria & egestas; Vnde ad Veritatis praxim, sequitur, sic auertendum esse animum ab illis bonis terrenis, ut in solis spiritualibus & æternis acquiescamus. Sic autem Veritas declaratur.

Quæcunque tandem sit rerum humanarum copia & abundantia, si possessori suo nihil prodest in summa ipsius necessitate, profecto non nisi egestas & inopia censenda est; ut si quis abundet rebus quæ nullum prorsus habent usum in ea mundi parte ubi vitam agit; Nonne hæc rerum abundantia tunc erit illi inutilis, & mera inopia? Sic alius abundet prædijs, nec ullum inde proventum, nullam pecuniam, nec ullum denique redditum recipiat, quo se sustentare possit; nonne illa prædiorum copia, egestas est? Abundet alius pecuniis, nec panem aut ullum alimentum sibi comparare possit, ut accidit in oblecta ciuitate; nonne illam pecuniarum copiam, tunc meram inopiam & egestatem dixeris? Abundet denique panibus & alimentis, morbo autem vel captiuitate ita detineatur, ut cibo uti nullo queat, sicque fame intereat; nonne tunc inopiam reputabis quamlibet copiam? Quid mihi diuitiæ, inquit poeta, si non conceditur usus? sic nos-
Prou. 17. *ter Sapiens, Quid prodest stulto habere diuitias, cum sapientiam emere non possit? Quia scilicet ad hunc effectum nihil prosunt diuitiæ, vel potius quasi diceret, nihil prosunt stulto diuitiæ, cum iis uti non possit stultus, nec iis se stultitia liberare.*

Paret itaque quàm vera sit vniuersim prima propositio; Atque in iis sensibilibus, satis ex se notis, utile est aliquando immorari, ut inde ad interna & æterna quæ sunt minus ex se cognita, facilius deueniamus. Sic nos saepe Deus instruit, *Ut non prius quod spiritale est; sed quod animale, deinde quod spiritale, ut ait Apo-*

solus. Vnde & Dominus: *Adhuc & vos sine intellectu estis?* quando scilicet ex illis cognitis, ad incognita non pertranitur. Nunquid hoc tibi posset obijcere? Matth. 23.

II. P V N C T V M.

SED talis est copia qua Deus non est; Id est, quicquid sit quod habeas, nisi habeas illam diuinam Gratiam, per quam Deus nobiscum habitat, & nos cum illo; per quam Filij Dei sumus, & Rom. 8. heredes eius, coheredes autem Christi; Nisi habeas virtutes & opera quæ sunt necessaria ad Gratiam illam conseruandam, illamque hereditatem aliquando consequendam: Nihil habes quod tibi prosit in tua summa necessitate. Nam hæc est tua summa necessitas, *Saluum & beatum esse*, cui necessitati nihil prosunt diuitiæ, nisi fuerint fructuose propter Deum impensa; nihil prosunt dignitates, nihil doctrina, nihil artes, nihil autoritas, nihil denique aliud quam quod spiritale est & diuinum. *Quid nobis*, in- Sap. 5. *proluit superbia?* aut diuitiarum iactantia quid contulit nobis? transierunt illa tanquam umbra, & tanquam nuncius percurrentes, & tanquam nauis quæ pertransit fluctuantem aquam, aut tanquam avis quæ transuolat in ære, aut tanquam sagitta emissa in locum destinatum, diuisus aer in se continuo reclusus est, ut ignoretur transitus illius: sic & nos nati continuo desuimus esse, & virtutis quidem nullum signum valimus ostendere: in malignitate autem nostra consumpti sumus. Talia dixerunt in inferno hi qui peccauerunt, quoniam spes inop; tanquam lanugo est quæ à vento tollitur, & tanquam spuma græcis quæ à procella dispergitur, & tanquam fumus qui à vento diffusus est, & tanquam memoria hospitis vnus dici prætereuntis. Insuper autem in perpetuum viuunt, & apud Dominum est merces eorum.

Utinam ex his sapires & intelligeres, ac nouissima prouideres.

Deut. 32.

III. P V N C T V M.

OMNIS igitur copia qua Deus non est, egestas censenda est; Quandoquidem copioso illi viro nihil prodest in summa sua necessitate; vnde & Iob aptissime; *Diues cum dormierit, nihil* Job 27. *secum auferet; aperiet oculos suos & nihil inueniet; apprehendet eum quasi aqua inopia; nocte opprimet eum tempestas.* Et Sapiens de eo-

Eccl. 4. dem diuite seu de quouis affixo rebus humanis; *Laborare non cessat, nec satiantur oculi eius diuitijs, nec recogitat dicens, Cui laboro, & frando animam meam bonis?* Certe quando hoc vnum ellet, quod idem Sapiens toties ingeminat, nihil ex humanis rebus esse, quo animus hominis satiari & refici possit, satis esset ad indicandum, quàm sint egena omnia; & omnis copia, quæ Deus non est, quam sit mera egestas, cum solus Deus animum possit explere: sed quia paucis hæc sapiunt, multis vero terrena & caduca, vt deslebat Apostolus; Animaduertant hi saltem, quò tandem abitura sint omnia! quis eorum finis & exitus! quid in morte, quid in iudicio, quid ad felicem æternitatem magis iauet humilitas an gloria? paupertas an diuitiæ? voluptas an delicia? *Ps. 91.* *Vir insipiens non cognoscet, & stultus non intelliget hæc.* Nimirum hic est stultus, qui se beatum & felicem prædicat & cui à Deo dicitur. *Luc. 12.* *Stulte, hac nocte animam tuam repctunt à te, quæ autem parasti cuius erunt? sic est qui sibi thesaurizat, & non est in Deum diues.* O sæpe inculcanda verba! ô sæpe iteranda sententia!

Vide Verbo, *Diuitia, Auaritia.*



FERIA SEXTA.

DE CASTITATIS CVSTODIA, EXEMPLO BEATISSIMÆ VIRGINIS.

Mansit autem Maria cum illa, quasi mensibus tribus, & reuersa est in domum suam. Elizabeth autem impleum est tempus pariendo, & peperit Filium. Luc. 1.

VERITAS PRACTICA.

Securior est Castitatis victoria fugiendo, quàm pugnando.

RATIO EST, Quia quò magis debilitantur hostes Castitatis, eò

Maria reuerſa eſt in domum ſuam. Et de Caſtit. victoria. 133.

ſecurior eſt eius victoria.

Sed magis debilitantur fugiendo quàm pugnando.

Ergo & ſecurior inde victoria. Ac proinde fugiendum.

I. PUNCTVM.

IC obſervant Interpretes non fruſtra dictum ab Euan-
gelista, *Quaſi tribus menſibus*, vt innueret non tribus in-
tegris menſibus manſiſſe B. Virginem apud Cognatam *Theophil.*
Elizabeth, ac proinde non interfuiſſe eius partui. Quod con- *Niceph.*
firmant ex eo quod ſtatim poſt diſceſſum Virginis, dicitur eſſe *l. 1. c. 8.*
impletum tempus Elizabeth pariendi, & peperiſſe filium. Nec *Rupertus*
mirum ſi ante partum diſceſſerit Virgo puriſſima, cum, vt re- *Cent. 2.*
fert Nicephorus, id in more poſitum eſſet apud Iudæos, vt tum *Ianſenius*
Virgines ſecederent cum tempus parientis immineret, additque *Sa. & al*
Theophylactus indecens eſſe Virgini in talibus conuerſari.

Sic ergo eſt, ſic Virginalis pudor exigebat, ſic conſuetudo
innuenerat, & ſic prorsus decebat ſanctiſſimam Virginum Vir-
ginem, abeſſe à conſpectu & confortio paritura mulieris,
ne quid vel oculos, vel aures, vel animum ſubiret, quod eius
ſumma puritas auerſaretur. Tametiſi enim Beatifiſſima Virgo
erat *Hortus concluſus & ſons ſignatus*, quò nulla vel levis ma- *Cent. 4.*
cula introiret, tamen illa ſic ſe ſolicite custodiebat, quaſi vna
ex nobis eſſet, ſeu ad exemplum noſtrum, ſeu quia ſic à Deo ſi-
bi ordinatum videbat. Atque hoc ipſum eſt quod ſanctæ Brigit-
tæ alias revelauit in hæc verba, quæ habentur libro primo Reue-
lationum, capite decimo. *Timens*, inquit, *vehementiſſime*, ne os
loqueretur, ne auris, ne oculi viderent delictabilia; timida quoque
fuit in ſilentio, & multum anxia.

Quamobrem quod ſcribit S. Ambroſius, valde eſt opportu- *L. 2. de*
num, *Sit vobis tanquam in imagine deſcripta Virginitas, vitæque Ma-* *Virgin.*
ria de qua velut in ſpeculo reſulget ſpecies caſtitalis, & forma virtutis.
Ac proinde ad Eius exemplum diſcamus timere, diſcamus ru-
gere; *Longè enim ſecurior eſt Caſtitalis Victoria, ſic fugiendo quàm*
pugnando.

Ratio eſt aperta & facilis quoad illam primam partem qua
dicitur, tum ſecuriorem eſſe victoriam quo magis hoſtes expu-

gnandi debilitantur. Quid enim clarius? & quid expressius ad
 uij 45. victoriam indicandam, cum Ipse Deus sic eam designet: *Ego ante
 te ibo, & gloriosos terra humiliabo*, quasi diceret, tūc potius fa-
 cile vices.

O quale subsidium in tanto periculo, si quanti sunt nobis ad-
 Ephes. 6. uersarij, debilitari ac frangi possint, *Quoniam non est nobis, col-
 luctatio tantum aduersus carnem & sanguinem, sed aduersus princi-
 pes & potestates, aduersus mundi rectores tenebrarum harum, con-
 tra spiritalia nequitia, in cœlestibus*. Parene te putas tot tantil-
 que hostibus expugnandis? aut si speras Deum adiutorem, qua-
 lem te oportet esse pugilem, cum Deo simul pugnantem?

II. PUNCTVM.

SED hi hostes Castitatis magis debilitantur fugiendo, quam pu-
 gnando.

Totum enim eorum robur est in præsentia obiecti, per quod
 mouent concupiscentiam, & nos illiciunt ad peccandum: Qua-
 propter si remoueatur tale obiectum, si euitetur talis peccandi
 occasio, plane ita debilitantur, vt cum diuina gratia eneruetur
 eorum robur. *Cum defecerint ligna*, inquit sapiens, *extinguitur
 Prou. 26. ignis*. Quod quidem vniuersim dictum est de omni inordinato
 motu, sed particularim de libidine, hoc pene vnum commen-
 datur vt fugiatur occasio, in qua vix pugnant & preualent ho-
 Eccl. 6. stes. *Virginem*, inquit Ecclesiasticus, *ne conspicias, ne forte scan-
 dalizeris in decore illius. Noli circumspicere in vicis ciuitatis, nec ober-
 raueris in plateis illius. Auerte faciem tuam à muliere compta, & ne
 circumspicias speciem alienam; propter speciem mulieris multi perie-
 runt, & ex hoc Concupiscentia quasi ignis exardescit. Speciem mulie-
 ris aliena multi admirati, reprobi facti sunt, colloquium enim illius
 quasi ignis exardescit*. Et quæ plura ibi habentur, vnde patet quod
 quanta est potentia hostium in præsentia obiecti, tam nulla sit, eo
 remoto: sicut cum exarmanentur hostes, aut de statione sua deij-
 ciuntur.

Eccl. 7. Quod & alius Sapiens sic breuius exprimit, *Inueni amariorem
 morte mulierem quæ laqueus venatorum est, & sagena cor eius; vin-
 cula sunt manus illius, qui placet Deo effugiet illam, qui autem pecca-
 tor est, capietur ab illa*; Quasi diceret, totum conuulit ad bene vel

male faciendum, vt mulier effugiatur. Nam quod est valde notandum in hac materia tentationum, cum ad eas expugnandas sit maxime necessaria gratia, primus gratiæ motus est ad fugam occasionum, Cui gratiæ si consentias, tum te illa fideliter comitatur & subsequitur, donec conterat omnes inimicos tuos; si vero contra motum gratiæ peristis in occasione peccati, tum in poenam diminuitur gratia, & hostes roborantur. *Ambulasti in voluntatibus eorum, vt darem te in perditionem.* O quoties sic ambulasti, quoties sic peccasti! Mich. 6.

III. PUNCTVM.

SECVRIOR est igitur Castitatis victoria fugiendo, quàm pugnando: cum sic magis debilitentur hostes eius, quibus debilitatis, *In perpetuum coronata triumphat, incoinquinatorum certaminum sap. 4. premium vincens*, vt ait Sapientia.

Ad hoc vnum commendandum conspiciant omnes sancti Patres, quorum nonnulla dicta, tum ad Veritatis practicæ confirmationem, tum ad praxim sedulo exercendam tecum reuolue, & ex iis affectus excita.

Sanctus Cyprianus; *In hac parte expedit plus bene timere quam male fidere, vtilius est infirmum se quis cognoscit quam sortis si videri velit, infirmus emergat.* S. Ambrosius: *Gloriosa hac fuga est, fugere à facie peccati.* S. Hieronymus: *Quis iuxta viperam securus sonos capiat? Nunquam securus cum thesauro latro, nec cum lupo tutus est agnus. Alligabit quis in sinu suo ignem, & vestimenta eius non comburentur? Ambulabit super carbones, & pedes illius non ardebunt?* Itemque aptissime ad rem nostram. *Frater imbecillitatem meam, nolo spe pugnare victoria, ne perdam aliquando victoriam.* Tu qui pugnas, superari potes & vincere: Ego cum fugero, non vincam in eo quod fugio, & ideo fugio, ne vincam. Nulla securitas est vicino serpente dormire; potest fieri vt me non mordeat, tamen potest fieri vt me aliquando mordeat. S. Augustinus: *Contra libidinis impetum apprehende fugam, si vis inuenire victoriam. Nec tibi recommending sit fugere, si Castitatis palmam desideras obtinere.* Et post pauca. *Infelix & nimium periculosa ista presumptio, multi dum se putabant vincere, victi sunt. Hoc est vincere sub ruina.* S. denique Hieronymus. *Ante ignem consiliens etiam si ferreus sis, aliquando*

L. d. Sirg.
cleric.

Prov. 6.

Libro con-
tra Vigil.

Serm. 259.

dissolueris: proximus periculo diu tutus non erit: saepe quod voluntas non potuit, familiaritatis assiduitas superauit. Tunc tot sanctis Patribus doctior, vt melius scias quam illi, bonum? Tunc his sanctior, vt melius quam illi, fugias malum.

Vide in 3. parte ferias post Dominicam 5. Pentecostes, & in Indicibus Verbo *Castitas, Mortificatio, &c.*



S A B B A T O

SEV IN VIGILIA NATIVITATIS.

*DE MANSVETVDINE QVÆ EST
IRÆ OPPOSITA: ET QVÆ IN SANCTO
IOSEPHO CLARE ELV CET.*

*Ioseph, Fili David, noli timere accipere Mariam
Coniugem tuam. Math. 1.*

VERITAS PRACTICA.

Mansuetudo parat hospitium Christo venturo.

*RATIO EST, Quia Mansuetudo pacem internam & exter-
nam conciliat.*

Sed in tali pace libenter hospitatur, & habitat Christus.

*Ergo Illi Mansuetudo parat hospitium, proindeque diligenter
procuranda, vt Christus in nobis maneat, nec à nobis recedat.*

I. PUNCTVM.



INTEREA cum intumesceret uterus Beatissimæ Vir-
ginis, sanctus Ioseph sponsus eius castissimus, ignarus
mysterij, animaduertit quod vix potest credere; Videt
indubitate

Indubitate quod dubitat tamen esse. Rem videt, nescit modum; Imo scit virginem tam puram, tam innocentem, & tam alienam ab eo quod videt, vt vix credat oculis suis: & credat potius se non videre quod videt, quàm credat Virginem non esse Virginem. Sed tamen illa fert vterum! Quomodo grauida potest esse virgo? Quomodo possem accusare innocentem? quomodo possem excusare pragnantem? Hæc inter se pugnancia mirum quantum angerent & diuexarent Iosephi animum! Et certe nisi Iustus fuisset & mansuetissimus, tum irasci, tum excandescere & præcipiti furoris imperu grauius aliquid moliri poterat: sed Mansuetudo hos sedat motus, Rationem seruat, æquitatem tuetur, Deo confidit & locum relinquit Iustitiæ, vt dum occulte dimittet Coniugem, nec innocentem proder, nec rei incognitæ consentiendo, se reum faciet coram Deo. Sic Glossa, probatque Interpretes.

H AEC autem eo cogitante, ait Euangelista, Ecce Angelus Domini apparuit in somnis ei, dicens, Ioseph Fili David, noli timere accipere Mariam coniugem tuam. Quod enim in ea natum est, de Spiritu sancto est. Et quæ plura in textu sequuntur, Vide & contemplare pro affectu. Ad praxim vero nihil aptius Veritate proposita, quæ ab exemplo sancti Ioseph desumitur. Quid enim hodie conformius nascituro Christo cogitare possis, quam vt internum pares Ei hospitium? *Parat autem Mansuetudo, quod certe mirum, & cogitatu fructuosissimum.*

Ratio hæc est, quia pacem internam & externam conciliat. Id enim efficit vt sedatis passionibus, nobiscum & cū aliis omnibus cedendo potius quam resistendo, quantum in nobis est, pacem habeamus. Sic psalter Regius. *Mansueti autem hereditabunt terram, & delectabuntur in multitudine pacis.* Sic S. Ioannes Chrysostomus. Nihil, inquit, *aquè solet pacem facere, ac Dei cognitio & virtutis possessio, quæ animi perturbationem, internum bellum domo præculcit, nec permittit vt homo cum seipso seditiones agitet.* Item quæ alioi tuus, postquam comparauit Iratum foro, vbi est multitudo euntium & redeuntium clamor, Mansuetum solitudini ac montis vertici similem esse dixit, vbi aura suavis, purus radius, pura fontium fluentia, multa florum amœnitates, prata vermantia. Et quæ plura in hunc modum prosequitur, *Vt appareat, inquit, quanta sit Viri mansueti & longanimis voluptas, qui Zephiri le-*

Rom. 12.
Ps. 36.

In Ps. 4.

Hom. 29.
ad pop.
ant.

nitatem & quietem imitatur. Itane vero in te apparet? perferutare. Non qualis modo sis, considerando: sed qualis esse soles, ad iram prouocatus.

II. PUNCTVM.

SED in tali pace libenter hospitatur & habitat Christus Dominus. *In pace enim factus est locus eius*, ait Dauid. Et ipsa de se Sapientia Incarnata; *In omnibus requiem quasiui*. Hoc primum eo nato denunciatum: *Pax Hominibus bonæ voluntatis*. Hoc primum quod Discipulis se præcedentibus in omnem locum, quod erat ipse venturus commendabat: *Primum dicite, Pax huic domui*. Sic princeps pacis dicitur, & cuius pacis non erit finis; Sic in Salomone pacifico præcipue adumbratur. Sic eius denique regnum dicitur, Iustitia, & Pax & gaudium in Spiritu sancto, vt ait Apostolus. Et ratio est aperta, nam quomodo aliter regnaret in nobis nisi nos regeret prout vellet? At quomodo nos pro sua voluntate regeret, nisi pacati essent nostri affectus, qui alioquin illi resisterent? vnde apte in libro Iob, *Et bestia terra erunt tibi pacifica*. In quibus verbis tria quædam aduertit S. Gregorius. Primum, quod per terræ bestias, motus carnis intelliguntur qui dum mentem nostram, irrationabilia suadendo, laceffunt, contra nos bestialiter insurgunt. Deinde vero, inquit, dicuntur pacificæ, non quasi non fremant aliquando & rugiant, sed quod intra cordis caueam frementes licet, teneantur. *Redacta namque intra claustra Continentia, etsi adhuc tentando rugiunt, vsque ad morsum tamen actionis illicita non excedunt*. Denique cur pacificæ potius quàm pacatæ? quia scilicet ex ipso primo motu & fremitu pacem faciunt, quatenus inde Mens religiosa sibi magis cauet, magis recurrit ad Deum, magis suspirat ad internam & æternam pacem. Quæ quidem fufius, sanctus ille Doctor prosequitur. Nobis modo sufficiat quod nobis optat Apostolus: *Pacem habete: Et Deus Pacis & Dilectionis erit vobiscum*. O quis nolit pacem habere? Qui non vult pati. Aduerte.

III. PUNCTVM.

SIC ergo Mansuetudo parat hospitium Christo Domino, Cùm pacem illi parat, in qua tam libenter habitat vt sit eius Locus,

eius domus, eius regnum, eius imperium & sacerdotium, *Hic Hebr. 7. enim Melchisedech Rex salem*, inquit Apostolus, *primum quidem qui interpretatur Rex Iustitiæ, deinde autem & Rex salem quod est Rex pacis.* O quanta inde Mansuetudinis commendatio! quid desiderabilius quàm Christum nascentem in eo maxime loco recipere, ubi libentius habitat & requiescit? *Magna ars est, dicebat L. 2. de ille pius & satis notus Author, Scire conuersari cum Iesu, & scire Inis. Ch. Iesum tenere, magna prudentia. Esto humilis & pacificus, & erit te. c. 8. cum Iesus: sis deuotus & quietus, & permanebit tecum Iesus.*

In his sanctis cogitationibus adiunge te comitem itineris quod hodie suscipiunt Maria & Ioseph in Bethleem, nec ab eis discedas donec *in mansuetudine suscipias insitum Verbum, quod potest sal. 1ac. 2i uare animam tuam*, ut ait S. Iacobus, Verbum scilicet Incarnatum, & sic nobis quodammodo Insitum, & nos in illo, velut ramus arbori, ut inde floreamus & fructificemus. Non sine fructu floreas, *Nam flores eius, fructus honoris & honestatis.* Ecclesi. 24.

Sed quoniam ille est honor? quoniam eius honestas? Ingredere stabulum, circumspecte omnia. Vide si quid mundani, si quid uani; si quid aliud quàm præsepe, quàm paupertas, quàm humilitas, quàm puritas, & patientia. Ecce hic est honor, hæc honestas, cuius fructus in ipsis sunt floribus, cum in ipso primo Christi nascentis ortu, tam perfectæ Virtutes apparent, quæ à nobis colligantur.





IN NOCTE NATALIS DOMINI.

Et reclinavit Eum in præsepio, quia non erat eis locus in diuersorio. Luc. 2.

VERITAS PRACTICA.

Aut Christus fallitur, aut Mundus errat.

RATIO EST, Quia ex duobus contradictione seu contrarie oppositis, necesse est alterum falli & errare.

Sed Christus & Mundus, sic sunt inter se oppositi.

Ergo aut Christus fallitur, aut Mundus errat.

SED quia diuinam falli impossibile est Sapienciam, hinc necessario sequitur Mundum errare, ac proinde ab eo tam cauendum, quàm Christo conformari volumus.

I. PUNCTVM.



PERVENIUNT tandem sub vesperam, Maria & Ioseph, in Bethleemiticum oppidum, quò eos obedientia Cæsari Augusto reddita, vocauerat. Diuersorium aliquod, vt mos est viatorum, in Ciuitate quærunt, sed vndique repelluntur, tum ob multitudinem aduentantium, tum ob paupertatem quam præ se ferebant. Egressi igitur ciuitate, sese recipiunt in vicinum quoddam antrum omnibus peruium, quod stabuli formam & vsum

referebat. Hæc est scilicet illa domus hoc palatium quod Filio suo nascituro parauerat Deus! Illic sanctissima Parens diuini sui partus præsentens foelicissimam horam, Præsepe ad lectuli modum, qua potest industria & pietate, componit; itramen, tœnum, paleas, & quicquid vile est huiusmodi colligit, tum pannos lineos inopes quidem, sed bene mundos, inuoluendo Filij corpusculo parat.

ECCE autem cum quietum silentium contineret omnia, & nox in Sap. 12.
suo cursu medium iter haberet, Omnipotens sermo Dei, Verbum il-
lud diuinum, iam nouem mensibus incarnatum, à Regalibus Se-
dibus venit; INTACTA MATRE NASCITVR, ap-
paret nudus in terra, pannis inuoluitur, in præsepio reclinatur,
quia non erat locus in diuersorio!

O verè *Verbum breuiatum quod fecit Dominus super terram!* 1p. 10.
Quàm multa paucis comprehensa mytheria! Deus homo! Deus Rom. 9.
infans! Deus in præsepio! Quid hic primum aut vltimum mī-
rer! Iunge te anima, iunge te cordibus Mariæ & Iosephi, nam
altiora sunt & sacratiora mytheria, quàm vt ipsa tu sola possis
complecti; adora cum ipsis natum Deum; admirare cum illis
paruulum; congaude, condole, & omnes illorum affectus indue
quibus tam debito pietatis officio, erga Deum tuum te exoluas,
& ad fructum quem prætendit referendum, cum ipsius gratia, te
disponas.

HIC est autem eius finis, & fructus inter alios, vt agnoscas
quàm longe Mundus errat in suis dictis & factis, ne cum illo
erres. Agnosces vero hic tam certo & euidenter, quàm certum
est & euident ex Christiana fide, Christum non posse falli. Nam
posita Veritate, quæ ex Diuo Bernardo est, *Aut Christus fallitur,* Serm. 7. de Nativ.
aut Mundus errat; quantum est euident & infanibile, Christum
non posse falli, tam erit omnino euident & manifestum quod
Mundus erret.

Ratio quæ id conuincit, ipsa est qua proposita Veritas decla-
ratur; Nempe ex duobus contradictorie vel contrarie oppositis,
necesse est alterutrum falli seu falsum esse. Hoc est principium
indubitatum, & ipso naturæ Lumine notum, vnde hæc Effata
communia, & ab omnibus vbique semper recepta emanarunt;
De quocunque affirmatur alterum oppositorum, negatur alterum. Ex 1. E-
natura contrariorum est, se mutuo expellere. Conseruatiuum vnius lem 4. Lido, Me-

cap. 6.
5. Phys.
sexu 25.

contrarij est destructivum alterius. Contradictorium nullum est medium. Contradictio est pugna affirmationis & negationis. Denique impossibile est duo contradictoria esse simul vera, aut simul falsa. Quod quidem tam certum est, ut ne per ipsam Dei omnipotentiam aliter fieri possit. Neque est aliud quicquam quod negetur à Deo fieri posse, nisi quod contradictionem implicat, nisi quod contradictorium est; hoc vnum responderetur, si quid divinitus negetur impossibile. Atque hoc tam clarum est non posse fieri, ut alio probationis lumine quo illustretur, non sit opus.

Deut. 18. Hæresne dubius in hac veritate? Palpares in meridie, quæ est damnosa cæcitas.

II. PUNCTVM.

SED Christus & Mundus sunt contradictorie seu contrarie oppositi.

Licet contradictoria & contraria, dux sint diuersæ oppositiones, vnam tamen eandemque in Christo sic nato statuimus, quia qua ratione est contrarie oppositus mundo, eâdem est contradictorie oppositus. Contrarius nempe est mundo Christus, quia contrariam mundo vitam instituit. *Omne quod est in mundo*, inquit dilectus Discipulus, *concupiscentia carnis est, & concupiscentia oculorū, & superbia vitæ*. At omne quod est in stabulo Bethleemico seu in Christo ibi nato, & in præsepio reclinato, oppositum est & plane contrariū illi triplici concupiscentiæ. Perpende diligenter.

Sic verò est etiam contradictorie mundo oppositus, id est, illud affirmat quod mundus negat; aut illud negat quod affirmat mundus; Nam etsi Christus infans nihil loquitur, nihil ore affirmat aut negat; non desinit tamen loqui & loquendo destruere quod mundus adstruit. Ipius opus loquela est, ut ait S. Augustinus, *Quia ipse Christus verbum Dei est, etiam factum verbi, verbum nobis est*. Hoc præclare S. Bernardus, *In stabulo*, inquit, *nascitur Christus, & in præsepio reclinatur*. Et nonne Ipse est qui dicit, *meus est orbis terra & plenitudo eius*? Quid ergo stabulum elegit? Planè ut reprobet gloriam mundi, damnet sæculi vanitatem; Nec dum loquitur lingua, & quacunque sunt de eo clamant, prædicant, Evangelizant; ipsa quoque infantilia membra non silent. In omnibus mundi iudicium arguitur, subvertitur, confutatur. Et alibi. Infans

Tract. 14.
In Ioan.
Serm. 3. in
Natiu.

Serm. 5. in
Natiu.

quidem est, sed Verbum. Infans cuius ne ipsa quidem infantia tacet. Clamat hoc stabulum clamat praesepe, clamant lachryma, clamant panni. Nempe illud ipsum quod postea praedicabit, Beati pauperes spiritu: Vae vobis diuitibus. Et quae toto continentur Evangelio.

*Math. 5.
Luc. 6.*

Ah Christe Iesu, iam capio quod dixisti, *Mundus me odit quia testimonium perhibeo de illo, quod opera eius mala sunt, & rursus, Confidite, Ego vici mundum.*

Ioan. 7.

Ibid. 16.

III. PUNCTVM.

AUT Christus ergo fallitur, aut Mundus errat; seu potius, *Cum ergo Christus non fallatur, certissime Mundus errat.* Nam ab iidem principiis vtraque plane manat conclusio. Nempe ex duobus oppositis, alterutrum falli necesse est: Christus autem & Mundus sunt inter se oppositi; Aut ille igitur, aut iste fallitur; Est enim veritas indiuisibilis, aut tota se tenet ex parte vnius, aut tota ex parte alterius. At cum Christus sit ipsa Veritas, & ipsa Dei Sapientia, quae nec falli potest nec fallere, quid sequitur nisi Mundum falli? quid sequitur eligente Christo quod carni molestius est, nisi quod ait S. Bernardus, *Id ergo melius, id utilius, id potius eligendum: & quisquis aliud doceat vel suadeat, ab eo tamquam à seductore cauendum.* Tum Idem pergens, iam vero, inquit, etiam nocte nasci voluit; Vbi sunt qui tantopere gestiunt ostentare semetipsos? Christus elegit quod salubrius iudicat, vos eligitis quod reprobatur ille. *Quis prudentior è duobus? Cuius Iudicium iustius? Cuius sententia sanior?*

*Serm. 3. de
Nat. i.*

Vt fructuosius vero haec tibi & aliis applices, agnoscendum vniuersim & particulatim quàm latè pateat, & quàm facile sese diffundat & communicet iste Mundus qui est oppositus Christo: quam in te partem habeat, quid in te, quid in sensu, in affectu, in verbis, & tota vita simile mundo sit & Christo dissimile. Ne quis autem sibi palpet quasi qui de Christo melius sentiat quàm de mundo, audiat sanctum Ioannem Chrysostomum longe aliter de se ac suis, qui te forte non erant, deteriores, affirmantem: *Etenim si quis extrinsecus undecumque adisset & praeceptorum Christi ac nostrae conuersationis confusionem ac perturbationem videret, nescio an alios magis illos quàm nos, inimicos esse & contrarios praeceptorum*

*L. 1. de
Comp. 6. 1.*

Christi indicaret. Quasi enim qui studium quoddam habuerimus contraria in omnibus gerere quàm ille mandauit, ita viam hanc vitam peragimus. Et post exhibita Christi exempla & monita, sic pergit; *Ad hac quid dicemus? pro singulis enim hic lachryma tantummodo proferenda sunt, & confusio habenda est; APLERTE ENIM CONTRA HÆC OMNIA MILITAMVS.* Væ mundo à scandalis! Et væ tibi à mundo, quisquis ab eo tibi non caues, quisquis Christo totus non adhaeres. *Hæc loquere, & exhortare.*



IN DIE NATALIS DOMINI.

*Magnificatus est Rex pacificus, super omnes Reges
vniuersa terra. 3. Reg. 10.*

VERITAS PRACTICA.

Christus in præsepi, & Christianus in humilitate, magis magnificatus est quàm Salomon in Throno suo.

RATIO EST, Quia tota Salomonis magnificentia in his quatuor consistebat, SAPIENTIA, POTENTIA, DIVITIIS, & DELICIIS.

Sed Christus, & Christianus in his quatuor magis abundant. Ergo uterque magis magnificatus est quàm Salomon in Throno suo. Quod certe mirum, & valde considerandum.

I. PUNCTVM.



N E vile aliquid putares, inquit S. Augustinus, quale Tract. 1. in Ioan. consueuisti cogitare, cum verba humana soleres audire, audi quid cogites, Deus erat Verbum. Sic plane modo, ne vile aliquid putes, cum cogitas puerum in praesepe positum, audi quid cogites, *Magnificatus est Rex pacificus*; Non modo magnus est ille puer, quia Deus est; sed et vt simul homo atque Infans in praesepe positus, Magnificatus est supra omnes Reges, & supra quam ipse Rex Salomō in Throno suo. Quod enim dicebatur de Salomone super omnes alios Reges vniuersae terrae, hoc modo Ecclesia vsurpat de Christo Domino: Atque ab his verbis officium quod de Eius Natali instituit, exorditur, vt intelligamus non sic cogitandum esse paruum & humiliatum Dominum, quin simul Magnum & maxime Magnificatum consideremus.

Neque id tantum de Christo intelligas, sed & de Christiano, Christi sui sectatore, in Paupertatis, Continentiae, Humilitatis Contemptus mundi, ceterarumque Virtutum praxi. Non sic deprimitur illis virtutibus, quin simul exaltetur. Non sic inuitat suos Christus ad contemptum gloriae, diuitiarum, & voluptatis, vt nullam eis gloriam, nullas diuitias, nullas voluptates concedat. Non haec sustulit bona Christus, sed mutauit. Sustulit gloriam vanam, & proposuit veram: fallaces commutauit diuitias in solidas, & nunquam perituras; voluptatem carnis transtulit in gaudium spiritus, & in illam pacem, *Qua exultat omnis sensus.*

Atque in hunc finem proponitur considerata Veritas, ne praecedenti scilicet consideratione deterreamur à fugiendo mundo & sequendo Christo, quasi iam omnia nobis bona peritura essent: Non pereunt bona quae melioribus transmutantur. Quod itaque de Christo Domino dicitur, hoc proportionem quadam de Christiano asseritur, qui vitam in humilitate degit, id est, in eo statu quem praecedens exigit Consideratio, contra mundanum sensum, & triplicem illam concupiscentiam, ex qua conflatur mundus. Sic est de utroque, vt habet Veritas, *Sic Christus in praesepe, & Christianus in contemptu mundi, magis magnificatus est*

quàm ipse Salomon in Throno suo, quem Deus ita magnificauit, vt ipsi diceret, ita vt nullus in regibus, nec ante te nec post te, fuerit similis tui.

Quidquid autem de hac magnificentia cogitari potest, ad hæc præsertim quatuor referri debet: SAPIENTIAM, POTENTIAM, DIVITIAS, DELICIAS. In quibus quantus fuerit Salomon, satis patet ex scriptura, & iis præcipue quæ de se ipse refert. *Ecce, inquit, magnus effectus sum, & præcessi omnes sapientia.* Tum de sua potentia: *Magnificauit omnia opera mea, adificauit mihi domos, possedi seruos & ancillas, multamque familiam habui, ultra omnes qui fuerunt ante me.* Et consequenter de diuitiis, *Coacervauit mihi aurum & argentum, & substantias regum, ac prouinciarum, & supergressus sum opibus, omnes qui ante me fuerunt.* Ac denique de deliciis, *Et omnia quæ desiderauerunt oculi mei, non denegauit eis, nec prohibui cor meum quin omni voluptate frueretur, & oblectaret se in his quæ preparaueram.* At quoniam illa tandem abierunt? expende paululum.

II. PUNCTVM.

SED Christus in præsepi, & Christianus in humili suo statu, his quatuor magis abundant, & longe felicius.

Matth. 12. *Coloss. 2.* *Sap. 9.* *Joan. 1.* *Primo quidem de Christo quoad sapientiam. Ecce, inquit, plusquam Salomon hic: Hic est enim in quo sunt omnes thesauri sapientia & scientia Dei absconditi. Difficile æstimamus quæ inter ra sunt, inquiebat Salomon, & quæ in prospectu sunt inuenimus cum labore; quæ autem in cælis sunt, quis inuestigabit? At vnguentus Filius qui est in sinu Patris, Ipse enarrauit.*

Pf. 84. *S. Bern.* *Serm. 1. in Annunt.* *B. Virg.* *Sap. 9.* *Solomonis sapientia in componenda ite duarum Mulierum, & in ordinanda domo sua elucebat; At sapientia Iesu Infantis, iam ex præsepi componit illas quatuor, quæ inter se dididebant, vt dixerat Paltres regius, MISERICORDIA & VERITAS, IVSTITIA & PAX. Componit & ordinat totum genus humanum, unicuique suam distribuens sortem, unicuique suum gratiæ & gloriæ gradum. O sapientia quæ ex ore altissimi prodit, tu sola es quæ perfecte attingis a fine vique ad finem fortiter, & disponis omnia suauiter.*

Deinde quoad potentiam, quanta quanta est diuina omni-

potentia, tota est in Infante, tota est in præsēpi; Nam vt luculente S. Leo: *Exinanitio illa quam reparationi impendit humana, dispensatio fuit miserationis, non priuatio potestatis.* Hic est Infans qui de cœlo euocat Angelos; qui in aere nouam condit Bellam, mira luce fulgentem: qui ab Oriente Reges se se adoraturus excitat; qui Harodem turbat atque vniuersam cum eo ciuitatem. Hic est qui Virgini fœcunditatem donat, & qui Matri seruat integritatem. Hic ex qui duas naturas infinite distantes in vno sic vnuit Supposito, vt immortalis sit mortalis, æternus temporalis, Immentus comprehensibilis, Deus infans, & fortis infirmus. Vis videre quàm sit ille fortis? *Omnia per Ipsum facta sunt, & sine ipso factum est nihil, & sine labore facta sunt,* ait S. Augustinus. *Tract. 15. in Ioan.*

Denique quoad diuitias & delicias, hæc est singularis Apostoli gratia, *Euangelizare inuestigabiles diuitias Christi,* ex quo *Ephes. 3.* vno verbo licet colligere quantis partibus Salomone Christus sit ditior. Nam si vel vnus gratiæ sanctificantis gradus, ipso Salomone attestante, præponderat omnibus mundi bonis, quid thesaurus ille gratiarum? quid illa Gratia Capitis, à qua omnes habent vt sancti sint? Delicias vero paradyfi Dei, sicut Scriptura *Ezech. 28.* vocat, delicias visionis beatificæ, delicias illas immortales, quibus perfruuntur qui Comprehensiores dicuntur, qualis est Infans noster, in præsēpi; quis non superiores fateatur illis delicijs quas ipse Salomon non aliud esse profitetur, quam vanitatem & afflictionem animi? En igitur, vt illa quatuor quibus se ita magnificauit Salomon, in Christo magis abundant. *Eccl. 2.*

Sic plane in Christiano, Christi virtutum sectatore. Nam hic ipsa Christi sapientiâ sapiens est, ipsa Christi potentia & fortitudine fortis, ipsis eius diuitijs diues, & delicijs quidem nondum re ipsa beatus, sed spe beatitudinis ita gaudens, & contentus, vt in ipsa tribulatione superabundet gaudio. Quis quæso, beatior è duobus? An Salomon qui non nisi in delicijs tribulatur & affligitur, An ille Christi sectator qui non nisi in tribulatione deliciatur & triumphat? *Ex ipso, vos estis in Christo Iesu, qui factus est nobis* *1. Cor. 1. Ibid.* *Sapientiâ & iustitia,* inquit Apostolus. Et de diuitijs ibidem: *In* *Ephes. 6. l. 16. Mor. c. 14.* *omnibus diuites facti estis in illo.* De potentia vero: *Confortamini in Domino, & in potentia virtutis eius;* Vnde & sanctus Gregorius: *Fortis super omnia apparuit infirmus inter omnia, vt dum nobis ex assumpta infirmitate congrueret, ad permanentem nos suam fortitu-*

in 22. Luc. *dinem eleuaret. Sic & sanctus Ambrosius de deliciis: Suscepit tristitiam meam, ut mihi suam letitiam largiretur: & vestigiis nostris descendit usque ad mortis arumnam, ut nos suis vestigiis reuocaret ad vitam. Quo simili sensu passim aiunt omnes sancti Patres, Christum nostra suscepisse, ut sua nobis conferret, si vellemus ea recipere. O quis nolle? O quam pauci tamen ea volunt!*

III. PUNCTVM.

CH R I S T V S igitur in præsepi, & Christianus in humili & afflictio vita sua statu, magis magnificatus est, quam Salomon in Throno suo: Quia scilicet maior eorum Sapientia, maior potentia, maiores diuitiæ & deliciæ, ex quibus quatuor veluti dotibus


Math. 6. *conflatur Magnificencia. Nec Salomon in omni gloria sua magnificatus est, sicut vnus ex istis. Stultissimus sum virorum, inquit, & sapientia hominum non est mecum.* Sic certe infirmissimus, qui suis se cupiditatibus subiecerit: sic egentissimus & afflictissimus, qui conuersus ad labores in quibus frustra sudauerat, nihil reperit

Sap. 3. *nili vanitatem. Bonorum autem laborum gloriosus est fructus, iam ex hac vita, quando sola esset similitudo quam fidelis Christianus habet cum Christo, nonne vel Illa sufficeret ad omnem gloriam & iucunditatem? Quid gloriosius seruo, quam Dominum confectari? Quid iucundius filio, quam Patrem amulari? Hic infans Pater est futuri saculi; Qualis modo erit vitæ similitudo, talis futura est ad omnem æternitatem. Hic nos generat & enutrit*

Isa. 9. *Verbo Veritatis; & hæc est veritas quæ in præsepi apparet contra mundi vanitatem. Renati non ex semine corruptibili, inquit sanctus Petrus, sed incorruptibili per Verbum Dei vini & permanentis in æternum, quia omnis caro ut fœnum, & omnis gloria eius tamquam flos fœni; exaruit fœnum & flos eius decidit. Verbum autem Domini manet in æternum; Hoc est autem verbum quod euangelizatum est vobis. Vnde quæ paritas inter fœnum & Verbum Dei, tanta est disparitas inter vitam dissimilem & similem Christo, inter vitam mundanam & Christianam. Et hic nutabis vtram eligas!*

Luc. 9. *Statue hoc nouum propositum: Sequar te, Domine, quocunque ieris.*

Vide supra, Dominica prima Aduentus, & duab. sequentib. Feriis. Sabbato infra Dom. tertiam. Et in Indicibus, Verbo Christus, Amor, Charitas, Mundus. Et die 13. Ianuarij.



IN FESTO S. STEPHANI PROTOMARTYRIS.

Stephanus plenus Gratia & Fortitudine, faciebat prodigia, & signa magna in populo. Act. 6.

VERITAS PRACTICA.

Injuriam infert Gratiae maximam, qui pro ferenda injuria non certat fortiter.

RATIO EST, Quia idcirco quis in ferenda injuria seu in aliis quibuscumque aduersis, non certat fortiter, vel quod non putet se posse vincere etiam cum gratia, vel quod nolit hunc certandi laborem suscipere.

Sed utrumque est valde injuriosum Gratiae.

Ergo illi injuriam facit maximam, qui non sic fortiter in aduersis certat; sicut sanctus Stephanus Protomartyr.

I. PUNCTVM.

VIDENTA sunt quæ de sancto Stephano habentur in Actis Apostolorum, capite sexto & septimo. Tum notandus triplex Gratiae & Fortitudinis actus, quem exercet. Primus est, loquendo magnifice de Domino Iesu, coram Iudæis qui grauibz intentatis iniuriis vetuerant ne ullus sermo palam de hoc nomine haberetur, quique non aliter ac blasphemias accipiebant, quidquid de Iesu diceretur. *Homo iste, inquebant, Act. 6. non cessat loqui verba, aduersus locum sanctum, & Legem.*

Secundus est, quod cum videret perfidos illos eò vehementius sibi obistere, quod apertius illis veritatem demonstrabat, tum

Act. 7. acriter in eos inuehitur : *Dura ceruice & incircumcisus cordibus & auribus, vos semper Spiritui sancto resistitis, sicut Patres vestri, ita & vos.*

Ibid. Tertius denique, cum intendens in cœlum vidisset gloriam Dei, & dixisset : *Ecce video cœlos apertos, & Filium hominis stantem à dextris Dei* : Tunc Iudæi exclamantes, impetum fecerunt unanimiter in eum, & eiciens extra ciuitatem Lapidabant. At vero ille libentissime & generosissime primus pro Christo mortem subiit, cumque saxorum crepitantium turbine quateretur, *Domine Iesu, inquebat, suscipe spiritum meum. Domine, ne statuas illis hoc peccatum.*

Hoc est esse fidelem; hoc est plenum esse gratia & fortitudine; hoc est maxime honorare Gratiam, quando sic fortitudo quam confert, non separatur à Gratia, sed simul fideliter exercetur. E contra vero : *Injuriam facit Gratia maximam, qui sic fortiter in aduersis non pugnat.*

Hæc est Veritas modo expendenda, prout declaratur; Nempe idcirco quis in aduersis non pugnat, vel quod non putet se satis fortem ad illa peruincenda, vel quod nolit laborem suscipere qui necessarius esset ad certandum & vincendum. Vix est aliud quod præter illa duo cogitari possit; atque illorum etiam alterutrum necessario proferendum est, si non decertas fortiter. Dic enim quare cedis? nonne dices quia nimis te premunt aduersa, nec te parem illis putas? aut si conuinceris te posse cum gratia: posse quidem non negabis, sed difficilius esse asseres, quam ut laborem illum suscipias. *Num. 13.* *Nequaquam ad hunc populum valemus ascendere, quia fortior nobis est.* Sic illi negabant se posse qui volebant pugnare pro terra promissa possidenda. Aliquoties sic certamen detrectasti? *Apoc. 21.* *Qui vixerit, possidebit hæc: & ero illi Deus, & ille erit mihi filius. Timidis autem & incredulis, pars illorum erit in stagno ardenti.*

II. PUNCTVM.

SED utrumque illud valde est injuriosum Gratia.

Primò quidem si dicas te non posse, perinde est ac dicere non esse satis potentem gratiam, non esse satis potentem Deum, aut non satis fidelem qui promittit plusquam potest dare. Quod

quis non videt esse injuriosum, & blasphemum? Cum enim Deus toties promiserit se tibi affuturum, neque timendum esse dum tibi adfuerit: Si quid dubitas, nonne de eius fidelitate aut de potentia dubitas? quasi nolit quod dixit, aut quasi non possit quod velit? *Noli metuerere*, inquit Deus, *& noli timere, quoniam tecum est Dominus tuus in omnibus ad quacunque perrexeris.* Quæ licet soli Iosue referantur dicta, tamen ad nos omnes spectare, scribit Apostolus, cum ex illis verbis sic ad fiduciam nos exhortatur, *Ipse enim dixit, non te deseram neque derelinquam, ita ut confidenter dicas, Dominus mihi adiutor, non timebo quid faciat mihi homo.* Iosue 7.
Hebr. 13.
Ps. 117.

Et certe cum ex nobis, sine gratia, nihil possumus, iubeamur autem perpetuum inire certamen cum hostibus, qua tandem ratione, & quibus armis vinceremus, nisi gratiæ: aut nisi gratia satis esset potens ad vincendum? *Infelix ego homo*, ait Apostolus, *quis me liberabit de corpore mortis huius?* Respondet idem: *Gratia Dei per I. sum Christum Dominum nostrum.* Tu vero id negabis, & non putabis injuriam facere Gratia? Imo est illa contumelia de qua idem Apostolus: *Qui Filium Dei conculcauerit, & sanguinem testamenti pollutum duxerit, in quo sanctificatus est, & SPIRITUI GRATIAE CONTUMELIAM FECERIT.* Expauce.

Alterum vero non est illi minus injuriosum, cum scilicet possis eius auxilio vincere si decertes; nolis tamen certare ne nimis labores. Hoc est enim tibi nimis indulgere, hoc est mantere naturam deprauatam præferre gratiæ, corpus animo, appetitum rationi, terram cælo, voluptatem æternæ beatitudini. Nam noli quis legitime certauerit, non coronabitur. Qui non vult coronari, cælum ac Deum spernit; Qui non vult certare, non vult coronari. O probrum. O infamiam. *Numquid Fratres vestri ibunt ad pugnam, & vos hic sedebitis? Nulli dubium est, quin peccetis in Deum; & scitote, quoniam peccatum vestrum apprehendet vos.* 2. Tim. 2.
Num. 32.

III. PUNCTVM.

INIVRIAM igitur facit Gratia maximam, qui fortiter in iniuriis & aduersis non certat; Cum idcirco non certet, quia non patet se satis fortem cum Gratia, ut possit vincere; aut ipsam Gratiā non satis dignam iudicet, pro qua conseruanda pugnet, & in pugnando laboret. Quod vtrumque est Gratia valde inju-


Proph. 1. riosum. *Extendi manum meam*, inquit, & non fuit qui aspiceret. Extendit nempe manum cum indicat aliquid esse faciendum, & patiendum, cum ad id exhortatur & confortat, cum nos propterea erigit & stimulat, quoties denique nos velut manuducit quoad tendimus. Sed quam pauci & rari sunt qui ad motum Gratiae moueantur! *Non fuit*, inquit, *qui aspiceret*, qui attenderet ad illos gratiae motus, ut eos sequeretur: unde sic pergit irata sapientia seu diuina gratia: *Despexistis omne consilium meum, & increpationes meas neglexistis. Ego quoque in interitu vestrorum ridebo vos, & subsannabo, cum vobis id quod timebatis, aduenit*: Quasi diceret, quando in extremum agonem & horrendum illud certamen vitae ac mortis deueneritis, tunc me meaque opera maxime vos indigere significabitis, tunc me inuocabitis, & impense deprecabimini: sed frustra, quia sicut me paratam ad certamen pro vobis ineundum deseruistis, sic vos iam certare paratos deferi conuenit. Quod certe est expauescendum, tibi praecipue qui tam molles es in certando.

Hebr. 12. Quamobrem audiendus attente Apostolus, *Deponentes*, inquit, *omne pondus & circumstans nos peccatum, per patientiam curramus ad propositum nobis certamen: aspicientes in Authorem fidei & Consummatorem Iesum*. Vide ut circumstans nos peccatum vocet Concupiscentiam, quae cum triplex sit, ut heri diximus, una bonorum temporalium, alia delectabilium, & alia honorum mundi: aduerte diligenter nos ab illa triplici concupiscentia retardari ad certandum in aduersis. Ac proinde ut oblitus contra, fortiterque decertes: Aspice in Authorem fidei & Consummatorem Iesum. Aspice illum pauperem in praesepe, contra tentationem concupiscentiae temporalis. Aspice illum patientem in cruce, contra delectabilia. Aspice illum denique gloriose regnantem in coelo, contra Mundi vanitates. Dic blandientibus bonis, aut deterrentibus malis: *Video caelos apertos & Iesum stantem a dextris Dei*, Qui mihi meliora praeparat, si haec terrena despicio. Mirum quantum ille aspectus Domini Iesu in Praesepe, seu in Cruce, seu in Coelo valeat ad certandum & vincendum contra triplicem illam concupiscentiam. *Inimici hominis domestici eius.*

Mich. 7. *Ego autem ad Dominum aspiciam*, ait Propheta. *Vidi Deum, & salua*
Gen. 32. *facta est anima mea. Adhuc visio in dies.*
Dan. 10.

Vide in Indicibus Verbo, Gratia, Fortitudo, Timiditas.

IN FESTO



IN FESTO SANCTI IOANNIS
APOSTOLI ET EVANGELISTÆ.

Discipulus quem diligebat Iesus. Ioan. 21.

VERITAS PRACTICA.

Qui diligit cordis munditiam, habebit amicum Regem. *Prov. 22.*

RATIO quæ de Rege regum Domino Iesu, Veritatem interpreta-
tur, hæc est, quòd nullus Regi ut Regi, acceptior est quàm qui
fidelem se præbet in omnibus.

Sed qui diligit cordis munditiam, maxime se fidelem præbet Regi
Iesu.

Ergo habebit eum amicum, & ab eo diligitur sicut Dilectus hic Dis-
cipulus, de quo expresse dicitur, quod specialis prærogativa Ca-
ssitatis ampliori dilectione fecerat dignum, quia Virgo electus
ab Ipso, Virgo in ævum permansit.

II. PUNCTVM.

MALDE HONORANDVS EST BEATVS
IOANNES. Ingredere penitus in hunc pietatis Ec-
clesiæ sensum; & vide quàm id recte prædicetur. Nam
vix sunt vlli honorum Tituli, quibus alij quique Sancti honoran-
tur, qui non omnes conueniant sancto Ioanni, ad eius honorem
præ aliis exaltandum. Fuit enim, vt scribit sanctus Hieronymus, *Lib. de*
PATRIARCHA & fundator Ecclesiarum Asiæ. Fuit in- *Script.*
signis PROPHETA Noui Testamenti, vt patet ex eius Apo- *Eccl.*
calypsi infinita futurorum mysteria continente, vt ait idem S. *Lib. 1.*
Hieronymus. Fuit APOSTOLVS inter alios celeberrimus, & *com. rom.*
ex tribus vnus quos Columnas vocat S. Paulus. Fuit EVANGE- *Gal. 2.*

Tract. 35. in Ioan. **LISTARVM** Aquila, *Sublimium nempe prädicator, & lucis internæ, atque æternæ fixis oculis Contemplator*, vt fcribit fanctus Auguftinus. Fuit **MARTYR** delignatus à Domino, cuius calicem effer bibiturus, vnde S. Hieronymus: *Si legamus*, inquit, *Ecclefiafticas hiftorias, in quibus fertur quòd & Ipfe propter martyrium fit miffus in feruentis olei dolium, & inde ad fufcipiendam coronam, Chrifti Athleta procefferit, ftatimque relegatus in Pathmos infulam fit, videbimus martyrio animum non defuiffe, & bibiffe Ioannem, ealicem confeffionis quem & tres pueri in camino ignis biberunt, licet perfecutor non fuderit fanguinem.* Fuit denique **DOCTOR**, **EPISCOPVS**, **CONFESSOR** & **VIRGO**. Ac proinde fi alij ex horum aliquo coluntur & honorantur titulo, certe hic valde honorandus qui vnus omnes omnium titulos in fe complectitur.

Præterea vero fuprà quàm alij, fingulares quatuor & eximias obtinuit à Domino gratias. Prima eit quod omnium Iunior ad Apoftolaturn, & omnium fenior è vita difcefferit, obiit enim tantum Anno Chrifti centefimo primo, vt eit apud Baronium ex Eufebio. Vnde maximum meritorum cumulurn fibi comparauit. Secunda, quod in finu Chrifti Domini recubuerit, & fluentia Euangelij de ipfo Sacro Domini pectoris fonte potauerit. Tertia, quod in Filium Beatiffimæ Virginis Matris coaptatus fit, illique Chriftus Dominus de cruce Virginem Matrem, Virgini commendarit.

Quarta eit quam cæteris omnibus præfert, quamque omiffis aliis maxime prædicat quod *Discipulus ille effer quem diligebat Iefus*. Hac fe vna nota insignitum vult internofci, hoc fe vno lignare nomine, hac vna commendatione celebrari. Nec certe fallitur, quid enim amplius quàm fic diligi à Domino Iefu? Expende attentius. Congaude Sancto; Atque vt in aliquam huius diuinæ amicitix participationem venias, propofitam Veritatem reuolue, Cuius Ratio quoad primam partem ita eit facilis vt non fit longius immorandum in ea declaranda vel pòderanda.

Præm. 20. Quid enim clarius, quàm ex omnibus Regis aut regni Adminiftris eum effer præcipue carum & acceptum Regi, qui fidelis fit in omnibus & qui quò fidelior eit, eò fit acceptior: Vnde Sapient, *Virum fidelem quis inueniet*, quali diceret, illi funt maxime qui quærantur, & illi funt qui rarius inueniuntur. Atque ita pau-

lo post Idem; *Vir fidelis multum laudabitur.* Et certe apud Regem *Ibid. 28.*
Iesum hic potissimum seruus probatur, *Quis putas est fidelis ser-*
uus? Euge serue bone & fidelis. Qui fidelis est in minimo, & in maiori *Math. 24.*
fidelis est. Ille iam quaritur inter dispensatores ut fidelis quis inue-
niatur. Esse fidelis usque ad mortem, & dabo tibi coronam vitæ. *Luc. 16.*
O *1. Cor. 4.*
vere debitum fidelitati præmium! o vere debitam tali præmio *Apoc. 2,*
fidelitatem!

II. PUNCTVM.

SED qui diligit cordis munditiam, is maxime se fidelem exhibet
Regi Christo.


Nam cum fidelitas his tribus potissimum indiciis innotescat:
Primò, ut vniuersim in omnibus obseruetur: Secundò, ut exactè
in singulis; Tertiò, ut crebrò & frequenter ad omnes occasiones
exerceatur: profecto hæc tria maxime reperiuntur in eo qui dili-
git cordis munditiã. Primo enim vniuersim in omnibus quæ cor
inficere possint ex quorumque vitio, plane viri fidelis est, ut se iis
purget, aut non diligeret cordis munditiã. Deinde, non tantum
prauos affectus, vel cogitationes quas vocant morosas prohibet,
sed vel transitorias illas species quæ animo reluctanti obuersan-
tur, ut ne vel minima labecula velit se infici, sitque eius anima *Ephes. 5.*
verè *illa sponsa, quæ quantum humana infirmitas patitur, non habet*
maculam, aut rugam, aut aliquid huiusmodi, sed ut sit, sancta & im-
maculata. Nullum plane commercium habeat nullumque cum
alienis verbum quod suspicionem moueat, nullam prorsus crea-
turæ dilectionem admittat quæ non sit pure in ordine Charitatis,
propter ipsum Christum, ut illud etiam Apostoli perfecte im- *2. Cor. 13.*
pleatur, *Respondi vos uni viro, virginem castam exhibere Christo.*

Denique, quam crebro & frequenter in iis se exerceat qui dili-
git cordis munditiã, ex eo satis patet, quod toties id ipsum re-
perit & frequentat, quoties aliqua incurrit species, quæ cor ip-
sius possit inquinare. At quis non sentit quàm sint illæ frequen-
tes & quàm importunæ species? ac propterea quanta & quàm
maniens sit fidelitas in ipsis repellendis? Vnde aptè Apostolus;
Si quis ergo emundauerit se ab istis, erit vas in honorem sanctificatum, *2. Tim. 2.*
& utile Domino, ad omne opus bonum paratum; Quod est vno verbo
esse, fidelem. Itane tu? *Laua à malitia cor tuum Ierusalem, ut salua* *Ierem. 4.*
fias, usquequo morabuntur in te cogitationes noxiæ?

III. PUNCTVM.

Apo. 19. **Q**VI ergo diligit cordis munditiam, habebit amicum illum Regem
 qui habet in vestimento, & in femore suo scriptum, REX
 REGVM & DOMINVS dominantium, vt scribit dilectus Discipulus, quia videlicet vt Idem ibidem ait, cum illo Rege Regum, *Ibid. 17.* Sunt vocati electi, & fideles. Fidelis est autem vel maxime qui diligit cordis munditiam, vt qui ad vnam vel leuissimam suggestionem, constanter in singulas horas dicat quod semel fidelis ille Ioseph ad ipsum crimen repellendum: *Gen. 39.* Ecce Dominus meus, &c. Quomodo ergo possum hac malum facere, & peccare in Deum meum? Nonne hic fidelis fuit? Nonne in diligenda cordis & corporis munditia, fidelitatem suam ostendit? Nonne si cognitus fuisset Domino suo, magis illi carus fuisset & pretiosus? Sic ergo plane est de quouis diligente munditiam. Neque ultra labores in confirmanda Veritate satis nota, sed laborem omnem conuerte ad excitandam in te, cum diuina gratia, talem puritatis dilectionem quæ tibi faciat amicum Christum. Quanti hanc æstimes amicitiam, patebit ex dilectione puritatis: & quanta sit hæc dilectio, patebit ex vigilantia quam adhibebis, ad primas quasque vanitatis & voluptatis species exsufflandas. *Eccl. 13.* *1. Thess. 5.* *pit te.* Ab omni specie mala abstinete vos.

Vide in Indicibus Verbo *Castitas, Mortificatio, Puritas.*



IN FESTO SS. INNOCENTIV.

Herodes videns quod illusus esset à Magis, iratus est valde; & mittens occidit omnes pueros qui erant in Bethleem, & in omnibus finibus eius, à bimatu & infra. Math. 2.

Inimici magis prodesse possunt odio quàm obsequio. 157

VERITAS PRACTICA

Inimici nostri magis prodesse possunt odio, quàm profuissent obsequio.

RATIO EST, Quia utilitas quæ spectat vitam spiritualem & æternam, longe maior est, quàm quæ temporalem.

Sed Inimici nostri nobis prodesse possunt odio suo, ad vitam spiritualem & æternam, cum solum ad temporalem nobis prodesse obsequio.

Ergo & magis prodesse possent odio, quàm obsequio; Dum bene scilicet utamur eorum odio; atque ad hunc bonum usum, valere multum potest ista Consideratio.

I. PUNCTVM.



Rudelis Herodes nouum

Non eripit mortalia,

Regem, venire quid times?

Qui regna dat cœlestia.

Rex iste qui natus est, non venit reges pugnando superare, sed s. Fulg. moriendo mirabiliter subiugare. Vexit non ut pugnet viuus, sed ut Serm. 5. de triumphet occisus. Quid est ergo quod ita turbatur & furit Hero- Epiph. des? Deprauata scilicet regnandi cupiditas, metus inordinatus, varia & inanis suspicio, similesque motus turbulenti, quos excitare solet ambitio, seu praua quæuis affectio. Illic trepidauerunt timore, ubi non erat timor! Nonne sic tibi sæpe accidit? nonne sic Ps. 13. frustra sæpe commoueris, & sine causa concitaris? Recte sapiens, Multos supplantauit suspicio illorum, & in vanitate detinuit sensus Ecclesi. 2. illorum. Agnosce hic te ipsum.

INTEREA verò pergunt impij satellites Regis, crudele in infantes edictum promulgant, non tam verbo quam facto; Vnus tantum quæritur, & in illo omnes mactantur, sicut ille in omnibus occiditur. Quale spectaculum! Quale impietatis Carnificum, cum pietate matrum certamen! Quid peccarant paruuli sic mactati? Sed quam bene cum illis actum est! Quàm vere S. Augustinus. *Ecce, inquit, profanus hostis nunquam beatis par-*

Serm. 10. de SS.

Apoc. 14. *uulis tantum prodesse potuiffet obfequio, quantum profuit odio. Quid enim illis contuliffet? Quid tandem illud eft fi comparetur ad vitam illam beatam qua modo in coelis perfruuntur? Hi funt qui cum mulieribus non funt coinquinati, virgines enim funt; hi fequuntur Agnum quocumque ierit; Hi empti funt ab hominibus, primitia D. o & Agno, & in ore eorum non eft inuentum mendacium, fine macula enim funt ante thronum Dei. Congaude illis, pium deprome affectum. Saluete flores Martyrum, &c.*

Matth. 16. Sic porro nobifcum agitur, numquam foelicius quam cum mife-
 fe ius creditur; numquam vtilius quam cum perniciofius. Vere
 enim & de inimicis noftris dicere possumus, quod de Herode
 S. Auguftinus circa Innocentes: *Magis prodesse poffunt odio, quam
 profuiffent obfequio.* Expende accurate, ac primo illud quod
 pramittitur de maiori vtilitate fpiritali & æterna, quam tem-
 porali & caduca; quis dubitare poteft, nifi de fide dubius aut
 de falute desperatus? *Quid enim prodeft homini fi mundum vniuer-
 fum lucretur, anima vero fua detrimentum patiatur? aut quam da-
 bit homo commutationem pro anima fua? TO TO non potes orbe ani-
 mam emere,* inquit S. Chryfoftomus; *Quid tibi torus igitur or-
 bis, fi perdis animam? Hæc eft vera & folida meditando mate-
 ria. Non multa hic, fed multum meditare quod eft.*

II. PVNCTVM.

SED *Inimici noftri nobis prodesse poffent odio fuo, ad vitam fpi-
 ritualem & æternam, cum folum ad temporalem nobis prodeffent
 obfequio.*

*I. Petr. 2.
 & 3.* Si enim patienter toleremus iniurias, probra, & quidquid
 odio fuo Inimici congerent ad exercitationem humilitatis, & pa-
 tientie, noune inde profectus fpiritalis, & æternæ beatitudinis.
 cummulanda feget ampliffima? *Hæc eft enim gratia,* inquit fan-
 ctus Petrus, *fi propter Dei conscientiam fufinet quis trifitias, pa-
 tiens iniufte. Quæ enim gloria fi peccantes & colaphizati fuffertis?
 fed fi bene facientes patienter fufinetis, hæc eft gratia apud Deum.* Et
 infra: *Et quis eft qui vobis noceat fi boni amulatores fueritis? fed &
 fi quid patimini propter Iuftitiam, beati. Timorem autem Eorum ne ti-
 mueritis, & non conturbemini.*

Si non haberemus qui aduerfum nos obfifterent, ait Origenes,

Agones non essent, nec victoribus munera ponerentur, nec regnum Hom. 23.
in Num;
cælorum vincens nobis pararetur, neque momentaneum hoc & leue tribulationis nostre, supra modum, pondus gloria operaretur nobis in futuro. Sic ipse & alij Patres futilissime narrant, quantum profuerit unicuique sanctorum, habuisse aduersarium & inimicum per quem factus est sanctus. Sic Innocens Abel à Caino primus martyr effectus. Sic de Iacob & Esaü dicitur, *Quod hic maior* Genes. 25.
seruiet illi minori. Hic mali seruiunt bonis, inquit S. Augustinus, non utique obsequendo sed persequendo, quomodo persecutores martyribus, & lima vel mallei auro: quomodo mola seruiunt tritico, quomodo panibus coquendis fornalia; sic mali seruiunt bonis, quomodo in fornace aurificis palca seruit auro, ubi palca consumitur, & aurum probatur. Sic dicitur de Iisrahëlis quod quanto magis opprimebant eos Exodi 1.
Ægyptij, tantò magis multiplicabantur & crescebant.

Sic Iosephum inimici fratres extulerunt; Sic Dauidem Saul: Iudæi Christum Dominum: atque vno verbo, quotquot sanctiores & beatiore veneramur, non nisi ex inimicorum iniquitate, sanctitatem collegerunt, & beatitudinem sibi compararunt. *Salutem ex Inimicis nostris, & de manu omnium qui oderunt nos.* Luc. 1.
Ecce beatificamus illos qui sustinuerunt. Quali diceret ille sanctus Iac. 5.
Apostolus, Cur non ita nos existimamus beatos, si quid ab inimicis patimur, cum illos propterea veneremur ut sanctos & beatos, qui talia passi sunt?

III. PUNCTVM.

INIMICI ergo nostri magis prodesse possent odio, quàm profuissent obsequio; Cum per odium illud suum ad salutem & perfectionem nostram prodesse nobis possent; quæ est utilitas longè maior, quàm quæ humanis obsequiis deterretur. *Aufer rubiginem de argento,* inquit sapiens, *& egredietur vas purissimum;* Prou. 25.
Hanc à nobis rubiginem auferunt Inimici, dum nos exacuunt, aut potius dum eos patienter sustinemus. *Nam qui impatiens est,* Ibid. 19.
ut idem ait sapiens, sustinebit damnum, Id est patietur sine merito, sine fructu, sine vilo emolumento, imò & cum detrimento & jactura; Nam ad illa damna quæ ab inimicis patitur, adjicit Impatientiæ peccatum, & peccati pœnas consequentes accerit. Quod aptè Propheta ille expressit qui dixit, *Ephraim*

- ose 7. *factus est subcinericius panis qui non reuerfatur*; Hic enim panis ex-
vtraque parte est maleficus; ex inferiori quidem, quâ est ambu-
stus; ex superiori vero qua non solide coctus. Sic impatienti
Ezech. 22. *quod inde haurire poterat. Fili hominis, versa est mihi domus Is-*
rael in scoriâ: omnes isti as, & stannum, & ferrum, & plumbum in
medio fornacis: scoria argenti facti sunt. Egregius sanè Prophetæ
locus, tum firmandæ Veritati propositæ, tum discutiendæ Con-
scientiæ, num tibi hæc verba competant: num proficias ex ad-
uersis, vel deficias; num quod datur ad lucrum, accipias ad de-
Ecclesi. 2. *trimentum; Va his qui perdiderunt sustinentiam.* Erigere contra.
Ibid. 1. *Usque in tempus sustinebit patiens, & postea redditio iucunditatis.*



SI forte, in triduum sequens inciderit Dominica quæ
est infra octauam Natiuitatis Domini, Vide infra, die
nona Ianuarij: Et in die Purificationis B. Virginis, ad
verba Simeonis, Tuam ipsius animam pertransibit gla-
dius. Aut etiam formari potest

AD HÆC EIVSDEM VERBA:

Ecce positus est hic in ruinam, & in resurrectionem
multorum in Israël. Luc. 2.

VERITAS PRACTICA:

Vel nouus homo Christus, veteris nostri hominis est rui-
na: vel vetus noster homo ruina est noui nascentis
hominis: Alteruter alterius est ruina.

RATIO EST, *Quia quando duo simul iuncti sibi contradicunt;*
alteruter alterius est ruina.

Sed nouus & vetus homo, simul iuncti sibi contradicunt.
Ergo alteruter alterius est ruina.

PRIMA

RIMA propositio iam aperte patet ex iis quæ dicta sunt in die Natalis Domini.

SECVND A sic facile persuadetur ; Nam viuere secundum carnem , siue secundum naturales sensitiui appetitus inclinationes : & non ita viuere , sunt omnino contradictoria ; Nihil est autem vetus & nouus homo , quàm vita secundum , & non secundum carnem , vt expressè habet Apostolus , locis hic notatis , ac proinde sibi omnino contradicunt. Gal. 5.
Eph. 4.
Coloss. 3.

VNDE tandem manifesta hæc apparet Veritas , *Quod alter alterius est ruina.* Et sic disertè Apostolus , *Destruatur* , inquit , *corpus peccati* , id est , moles illa peccatorum quæ à vetere procedit homine ; neque est opus longiore discursu ad Veritatis probationem , sed ad praxis affectum , hinc etiam atque etiam , promouenda est voluntas. Nam sicut alteruter necessario debet in nobis viuere , prout nobis placuerit , ita plane videndum est cuiusnam ruina nobis magis placeat. Velles si posses vtrumque concordare & seruare , sed non potes ; aut alterum necessario retineas , & alterum pellas. Times forte ruinam veteris hominis , times priuationem voluptatis , ambitionis , libertatis , & reliquæ concupiscentiæ , times destructionem illius corporis peccati , quam sequi necesse est , nouo se in nobis ædificante homine.

At vide quænam sit maior ruina , si ne pereat vetus homo , nouum perdis : sic enim perdis Christum , perdis cælum , perdis pacem , perdis teipsum , quâ tui parte tibi esse debes carior. Confer vtramque simul ruinam & iacturam. Ruina veteris hominis est ruina vanæ gloriæ ; ruina noui hominis est ruina diuinæ gloriæ. Ruina veteris est destructio cogitationum carnis : at ruina noui est destructio cogitationum & consiliorum Dei. Ruina veteris est restrictio risus inanis , & moderatio lætitiæ sensibilis : ruina noui est priuatio solidæ & diuinæ consolationis. Ruina veteris est , humanæ contemptus gratiæ : ruina noui est diuinæ gratiæ coelestiumque simul omnium iactura bonorum & beatitudinū. Sic perge in aliis vtriusque hominis antithetis bonis & malis : & supposita necessitate alterutrum eligendi , vide ex duobus bonis quodnam melius : Vide ex duobus malis quodnam deterius. *Quæ societas luci ad tenebras ? quæ consensio Christi ad Belial ?* Non tibi vita tollitur , non gloria , non lætitia ; sed in melius mutatur. 2. Cor. 6.
Non est perdere , minus pro maiori dare. *Rapinam bonorum* Habr. 19

strorum cum gaudio suscepistis, cognoscentes vos habere meliorem & manentem substantiam.



TRIDVO sequenti, agitur de Pastoribus ad præsepe Domini, primò quidem proficiscentibus; tùm ibi subsistentibus: atque inde regredientibus.

DIE XXIX. DECEMBRIS.
DE PASTORVM PROFECTIONE
AD PRÆSEPE DOMINI.

Transeamus usque Bethleem, & videamus hoc verbum quod factum est nobis: & venerunt festinantes. Luc. 2.

VERITAS PRACTICA.

Sicut discursum nostri Intellectus statim sequi debet affectus voluntatis; Ita & affectum effectus, seu exequutio.

RATIO EST, Quia idcirco statim affectus sequi debet Intellectum discurrentem, ne discursus evanescat, sine ullo voluntatis affectu.

Sed nisi effectus atque exequutio statim sequatur affectum, affectus non minus exarescet sine effectû, quam sine affectu discursus.

Ergo perinde sequi debet affectum effectus, atque affectus intellectum; Quod tamen rarum est, & diligenter aduertendum.

I. PUNCTVM.

PASTORES erant in regione eadem vigilantes, & custo- Luc. 2.
dientes vigilias noctis, super gregem suum. Et ecce Angelus
Domini stetit iuxta illos, & claritas Dei circumfulsit illos, &
timuerunt timore magno; Et dixit illis Angelus; Nolite timere, Ecce
enim euangelizo vobis gaudium magnum, quod erit omni populo, quia
natus est vobis hodie Saluator, qui est Christus Dominus, in ciuitate
David.

Vide quæ plura habentur in textu, & mirare quod ad pasto-
res potius quam ad alios prioris notæ homines, dirigantur à Deo
Angeli. Expende singulas Angeli voces, atque has præcipue,
*Et hoc vobis signum: Inuenietis Infantem, pannis inuolutum, & po-
situm in praesepe.* O qualem Christi nati notam! quale inigne
Regis Angelorum & hominum, *PANNI & PRAESEPE!*
Aduerte, vt in diuinis Laudibus quas decantant Angeli, datur
Deo gloria, & pax hominibus, vnde tu si tibi assumis gloriam
quæ Dei est, pacem tibi Deus auferet, & erit gloria tua in con-
fusione. Denique obserua diligenter quam citò pastores affec-
ti fuerunt ad videndum Infantem, de quo audierant Angelos,
& quam citò affectum effectus sequutus fuerit; Sic enim vt An-
geli discesserunt, pastores loquebantur ad inuicem, *Transeamus
vsque Bethleem, & videamus quod factum est; & venerunt festinantes.*

Sic plane in Meditationibus intellectum discurrentem statim
affectus sequi debet: & affectum effectus. Tota vis Veritatis est
in particula *statim*: Nemini enim dubium est quin aliquando ef-
fectus sequi debeat, sed an statim, aut æque cito atque affectus
discursum sequitur; hoc porro est quod pauci norunt, & ta-
men eadem prorsus est Ratio pro affectu & effectus.

Quid est enim quod tantopere commendatur in meditando,
vt affectus statim excitentur post discursum? Nempe ne discursus
evanesceat, quo evanescente nullus sit voluntatis motus & af-
fectus, ac proinde nullus orationis fructus. Nam cum Volun-
tas non moueatur circa bonum suum, nisi prout est cognitum
& manifestatum ab intellectu: certe quamdiu ista præsens vige-
bit cognitio & manifestatio, magis affectiua erit voluntas, quàm
si non esset præsens. Sicut quando è filice scintilla excutitur,

debet esse paratus fomes qui scintillam excipiat, ne alioquin pe-
reat: Ita in meditatione exardescit ignis, prout voluntas cum
Gratia se opportune subiicit infuso Lumini. *Inueni quem diligit
anima mea, tenui eum nec dimittam*; Hoc est affici, hoc est illu-
strari & ardere. In quo. certe deficiunt hi de quibus dicitur,
*Quia cum cognouissent, non sicut Deum glorificauerunt, aut gra-
tias egerunt, sed euanuerunt in cogitationibus suis, & obscuratum est
insipiens cor eorum.* Nonne tu ex his es?

Cant. 3.

Rom. 1.

II. P V N C T V M.

SED nisi effectus aut exequutio statim sequatur effectum, affectus
non minus exarescet sine effectū, quā sine affectū discursus.

Ecclef. 8.

Est quidem tempus & opportunitas omni negotio, vt ait Sa-
piens, neque semper ita paratum est & opportunum tempus vt
quamprimum alicuius ad aliquid efficiendum, effectus affe-
ctum sequi possit: Tunc certe differendum, & sat citò si bene,
Nam vt est in sacris prouerbiis, *Vbi non est scientia anima, non
est bonum: & qui festinus est pedibus offendet.* Verum non est tam
frequens hæc præcipitatio, neque tam damnosa, quā tarditas:
Vix defunt occasiones rei bene gerendæ, prout in meditatione
quotidiana statuitur: quia dum res gerenda statuitur, circum-
stantiæ loci & temporis præuidentur, quæ tamen quando oc-
currunt, differtur saepe effectus, & vix vnquam postea reuoca-
tur; quandoquidem conceptus in meditatione affectus interim
dum effectus differtur, elanguit; neque ita valet ad effectum di-
latum exequendum, sicut dum calebat affectus. *Venerunt filij
vsque ad partum, & vires non habet parturiens.*

4. Reg. 19.

5. ap. 4.

2. p. 56.

Hoc vaide expendendum, sicut facile euanescebat discursus, ita
& affectus: cito arefcit lachryma, omnis humana voluntas am-
bulatoria est, *Fascinatio enim nugacitatis obscurat bona, & incon-
stantia concupiscentia transuertit sensum sine malitia.* Id est, etiam si
non aduertas nec cogites. Atque inde fit quod dictum est, vt nisi
illo ipso calente motu & durante affectu voluntatis, statim effe-
ctus & exequutio, dum imperari potest, imperetur, vix vnquam
fiet, quia mutabitur, aut refrigescet affectus; *Et erit sicut hodie,
sic & cras, & multò amplius,* vt ait Propheta; Id est eadem sem-
per peccabis, non conuertèris, non emendaberis, non proficies,

licet ad profectum afficiaris, quia nimis longe diſiungis effectum ab affectu.


Hoc eſt quod Chriſtus Dominus exprobrauit Iudæis, qui cum ſatis bene affecti eſſent ad prædicationem S. Ioannis, quia tamen non ſtatim executio ſequuta eſt illum affectum, nihil illis profuit vel audiuiſſe Ioannem, vel in eo audiendo commotos *Ioan. 5.* eſſe. *Ille erat lucerna ardens & lucens, vos autem voluiſtis ad horam exultare in luce eius;* Quasi diceret, in hoc erraſtis, quod vobis ſatis eſſe putatiſtis recte in illum affici: oportebat enim ultra progredi, & ſtatim ad effectum proſilire. Quod & alibi explicat clariſus dicens; *Publicani iuſtificauerunt Deum, baptizati baptiſmo Ioannis: Luc. 7.* *Phariſæi autem & Legiſſeriti conſilium Dei ſpreuerunt in ſemctipſos non baptizati ab eo.* O quale eſt illud; *Conſilium Dei ſpernere,* dum affectum inefficacem reddimus!

III. PUNCTVM.

SICVT ergo diſcuſſam Intellectus meditantis Veritates propoſitas ſtatim ſequi debet affectus Voluntatis, ita & affectum effectus: Quia vt aperte eſt demonſtratum, par vtrobique eſt ratio; neque minus timendum eſt quod effectus ab affectu diſiunctus, nullus ſit, quàm nullus eſſet affectus, ſi affectus à diſcuſſu diſiungeretur. Propterea, inquit Apoſtolus, *abundantiſſe oportet* *Hebr. 2.* *obſeruare nos ea quæ audiuiſimus, ne forte perefluamus.* Non modo effluunt & pereunt diſcuſſus & affectus, nili effectus ſequatur; ſed nos ipſi, quod mirum eſt, perefluimus, Id eſt, toti conſumimur & perimus, quia ſine effectu nihil ſumus; Vnde & Prophetæ; *Ponite corda veſtra ſuper vias veſtras; ſeminatiſtis multum, &* *Agg. 1.* *intuliſtis parum: comediſtis & non eſtis ſaturati: Et qui mercedes congregauit, miſit eas in ſacculum pertuſum.* Nomen iſe perire diceret, ſic pereunte mercede ſua?

In mente ergo habe, inquit Dominus, *qualiter acceperis, &* *Mat. 23.* *diceris, & ſerua, & pœnitentiam age,* de neglectis ſcilicet occaſionibus, & roties dilatis effectibus. *Putasne quare moratur ſi-* *Tob. 10.* *lius meus, aut quare detentus eſt ibi?* Sic Tobias Pater de Filio; ſic de te Deus, dum nimis tardas. Eſto velocior, & funem magis præſcinde quam ſolue.

Vide ſupra Feriam 3. i. ſra Hebdomadam primam Aduentus. Et Verbo, *Effectus.*



DIE XXX. DECEMBRIS.
DE INGRESSV PASTORVM
IN LOCVM, VBI NATVS EST DOMINVS.

Inuenerunt Mariam, & Ioseph, & Infantem positum in præsepio. Videntes autem cognouerunt de verbo quod dictum erat illis, de puero hoc. Luc. 2.

VERITAS PRACTICA.


Cum simplicibus fermocinatio eius, seu familiaris communicatio. *Prou. 3.*

RATIO EST, Quia his se potissimum communicat Christus, qui se illi totos subjiciunt.

Sed simplices sic se, inter alios, Christo subjiciunt.

Ergo & His maxime se Christus communicat. Quod certe est ad Simplicitatis commendationem, ac vitij oppositi detestationem illustrissimum, & maxime necessarium.

I. PUNCTVM.

 I tibi mirum fuit Pastores præ multis aliis vocatos & missos ab Angelis ad viuendum Dominum; magis adhuc mirandū apparet, quod illi locum ingressi vbi reclinatus erat Infans in præsepio, statim agnouerūt illum esse Saluatorem & Christum Dominū, quem Iudæi expectabant, & qualem Angeli nunciauerant. Quam multa dubiam hanc illis fidem poterant facere! Quis facile crederet talem Regem nasci ex tam paupere matre, vt non haberet vbi eum reclinaret, nisi in præsepio? Quis nisi bene persuasus putaret eum Saluatorem aliorum qui

necessaria vitæ vix haberet? Quod si Angeli suum illum Regem agnoscunt, cur ei non ministrant? Cur non transferunt in nobiliorem & commodiorem locum? Cur non conuocant vniuersum mundum ad eum adorandum? Cur non saltem Iudæos omnes, aut certe cur non præcipuos? Cur potius pastores, viros simplices à quibus coli non est ita magnificum & regium, sicut à viris principibus?

Hæc & similia poterant sibi pastores objicere, atque à credendo retardari; sed nihil horum occurrit: statim ut vident oculis corporeis puerum, vident oculis mentis Saluatorem & Christum: Nihil contra discurrunt animo, nihil ratiocinantur aduersum, nihil opponunt contrarium. Ita se illis intime & plene communicat Verbum illud infans, ut intus loquatur, intus sermocinetur, intus dicat quod olim per Prophetam: *Ego ipse qui loquebar, ecce adsum.* Erant illi scilicet simplices animo & docibiles Dei, quos Christus maxime diligit, quibuscum sermocinatio eius, & familiaris communicatio. 1s. 52.
Ioan. 6.

Admirare, & adora hanc diuinam Sapientiam & Bonitatem: Tum ut videas manifeste quàm sit vniuersim certa Veritas, quæ ex Prouerbiis proponitur modo consideranda, expende primam illam Rationis allatæ partem, qua dicitur Christum se his maxime communicare qui se illi totos subiciunt, id est, intellectu, & voluntate. Nam cum ex iis quæ communicat, multa sint quæ superent humanum intellectum, & quibus etiam naturalis voluntas repugnat: certe nili quis subiciat illi hanc duplicem animi facultatem, non est aptus tantæ communicationi, nec vero dignus tantæ familiaritati. *Vade post me satana, scandalum es mihi, quia non sapis ea quæ Dei sunt, sed ea quæ hominum.* Prou. 3.
Math. 16. Hæc si dicta sunt illi viro qui Christo contradicebat in re tam noua & prope incredibili, qualis erat eius futura passio: quid dicetur illi qui repugnaret Domino in aliis quæ à communi sensu minus distarent. *O homo tu quis es, qui respondeas Deo.* Rom. 9.
1s. 45. *V AE qui contradicit fictori suo, testa de samitis terræ; nunquid dicit lutum figulo suo, quid facis?*

II. P V N C T V M.

SED simplices sic se Christo subiciunt, intellectu, & voluntate. In hoc enim proprie est simplicitas animi, ut licet parua-

lus, non reluctetur, non repugnet, sed simpliciter credat & faciat quod cognouerit à Domino reuelatum & ordinatum. *Quod precipio tibi, hoc tantum facito Domino*, ait Moyſes, *nec addas quicquam nec minuas*. Hoc vere est esse simplicem; Atque hinc dicitur in prouerbiis: *Abominabile Domino cor prauum, & Voluntas eius in iis qui simpliciter ambulant*; Quia hi scilicet sese illi subiiciunt. Hoc dilerte S. Ioannes Chrysostomus allata similitudine paruulorum: *Etiamſi*, inquit, *Regina cum diademate atque purpura paruulis offeratur, non preponunt eam matri, licet pannosa*; lic se simplices diuinæ fidei & prouidentia totos addicunt, vt licet humilia & abiecta proponantur ad credendum, vel faciendum, iis potius acquieſcant, quam quæ mundus iactat & offert. *Gloria noſtra hæc eſt*, inquit Apostolus, *testimonium conscientia noſtra, quod in ſimplicitate cordis, & ſinceritate Dei, & non in ſapientia carnali, ſed in gratia Dei, conuerſati ſumus, in hoc mundo*.

Poſſeſne ita loqui? quid impedit? quid contra, ſe opponit? prudentia illa ſcilicet carnis quæ mors eſt, ſapientia illa carnis, quæ inimica eſt Deo, *Legi enim Dei non eſt ſubiecta, nec enim poteſt*: ait idem Apostolus; vnde illud væ propheticum: *væ qui ſapientes eſtis in oculis veſtris, & coram vobiſmetiſis prudentes*. Nec minus tremendum illud quod eſt apud Iobum: *Qui apprehendit ſapientes in aſtutia eorum, & conſilium prauorum diſſipat: per diem incurrent tenebras, & quaſi in nocte, ſic palpabunt in meridie*. Quali diceretur, ſua ipſi ſapientia delipiunt: ſua ipſi luce cæcantur; dum ſe volunt regere contra Deum, ſuis ipſi conſilijs reguntur contra ſeipſos. Quod ſanctus Gregorius variis illuſtrat exemplis. Tu à teipſo diſce, quàm male tibi ceſſerit, quoties à Chriſto diſceſſeris.

III. PUNCTVM.

PA T E T ergo quàm vere dictum ſic à Sapiente: *Abominatio Domini eſt omnis Illuſor, & cum ſimplicibus ſermocinatio eius*: Id eſt, communicatio familiaris de diuinis myſteriis, aut quibuſcumque rebus ſpectantibus ad ſalutem & perfectionem; *Deo enim ſermocinari eſt*, inquit S. Gregorius, *per illuſtationem ſuæ præſentia, humanis mentibus arcana reuelare*; Cum ſimplicibus igitur ſermocinari dicitur, quia de ſupernis myſteriis illorum mentes radio

radio suae visitationis illuminat, quos nulla umbrâ duplicitatis obscurat. Et sanctus Hieronymus, *Sermocinatio*, inquit, *Domini*, cum *In Prou.* simplicibus est, quia illos cœlestis sapientia secretis illustrat, quos terreni fastus ac duplicitatis nihil habere considerat. Hinc etenim dicit, *Matth. 11.* abscondisti hæc a sapientibus & prudentibus, & reuelasti ea paruulis.

Denique quid apertius ad rem nostram quàm quod ipsa proclamât Sapientia: *Sentite de Domino in bonitate, & in simplicitate* *Sap. 1.* cordis quarite illum, quoniam inuenitur ab his qui non tentant illum: apparet autem eis qui fidem habent in illum: peruersa enim cogitationes separant à Deo, probata autem virtus corripit insipientes, quoniam in malucolam animam non introibit sapientia, nec habitabit in corpore subdito peccatis. Spiritus enim sanctus disciplina effugiet fictum.

Hinc te agnosce, vix vnquam fateberis te fictum & simulatum: sed nonne agnoscis te aliquando & sapius in oratione defertum à Deo, & in mediis versari tenebris, vbi alij clara luce fruuntur? Vnde hoc putas? Audi iterum Sapientem; *Quoniam* *Ecclesi. 1.* accessisti maligne ad Dominum, & cor tuum plenum est dolo & fallacia. Fingis te sæpe velle quod non vis, nec velle quod vis. Atque illud ipsum si posses, ipsi Deo affingeres. *O plene omni dolo & fallacia, fili diaboli, inimice omnis Iustitia, non desinis pervertere vias* *Act. 13.* *Domini rectas. Et nunc ecce manus Domini super te, & eris cæcus, non videris solem vsque ad tempus.* Hæc ad dolosum Apostolus. *Ecclesi. 2.* Deprime magis ac magis cor tuum, ne se nimis effierat, ne sibi nimis credat.

Vide Verbo, *Simplicitas, Prudentia.*



DIE XXXI. DECEMBRIS.

DE REDITV PASTORVM, ET RELATIONE EORVM QUAE AVDIERVNT, ET VIDERVNT.

Et reuersi sunt Pastores glorificantes, & laudantes


*Deum, in omnibus quæ audierant & viderant,
sicut dictum est ad illos. Luc. 2.*

VERITAS PRACTICA.

Ne quid nimis, aut quid minus, cum proximo.

SENSVS & RATIO est, quod ubi æquale apparet periculum incidendi in excessum vel defectum, adhibenda est maxime cura, ut moderatio teneatur, ne quid nimis aut minus fiat. Sed in communicatione cum proximo, tale apparet periculum. Ergo ibi maxime adhibenda est cura, ne quid nimis, aut minus cum illo fiat, quàm debet fieri.

I. PUNCTVM.

 CCVRRVNT hæc duo consideranda, quæ nonnullam videntur habere oppositionem, vnde tamen perutile documentum elicitur. Primum est, quod Pastores à præsepio Domini reuertentes, non cessabant omnibus obuiis prædicare, & miris efferre laudibus, quæ audierant ab Angelis & viderant in Puero nato. Alterum vero huic ablimile est quod Maria & Ioseph mirum seruarent silentium, neque ulli cuiquam de hoc Mysterio verba facerent. De Iosepho quidem nihil prorsus habet Euangelista; de Maria autem hoc vnum, *Quod conseruabat omnia verba hæc, conferens in corde suo*, Id est tibi soli intenta, conferebat simul quæ ab Angelis & à Pastoribus dicebantur, ut inde vel ad laudandum Deum, vel ad profectionem eliciendum excitaretur.

Quid porro est, cur Ipsa non etiam sicut Pastores de his loqueretur, & quæ tam mira nouerat de Filio suo, non communicaret aliis? Aut quomodo Pastores, viri rudes & ignari hoc sibi assimebant? Videlicet ut hinc discas, & loquendum, & silendum. Disce à Pastoribus, opportune loqui de Diuinis & spiritualibus; Disce à Maria Matre, de iis etiam suo silere loco, & tempore. Vix aliud est ubi à Viris etiam spiritualibus peccetur

frequentius & grauius, quàm in horum aliquo extremorum, siue per excessum siue per defectum. Vel etiam nimis se suaquè communicant, vel non satis. Et dum sæpe vnum euitare volunt extremum, in aliud incidunt. Quamobrem hic maxime seruanda est moderatio: *Ne quid nimis aut quid minus.* Atque vt practica reddatur Veritas, tùm adhibenda præcipue cautio, & attente consideranda Ratio quæ id suadet.

Quando scilicet æquale apparet periculum, & par vtriusque occasio imminet, incidendi in aliquod extremum, id est, in excessum vel defectum, circa quoduis obiectum: tum vel maxime attendendum, inuigilandum, & vno verbo, sic est cauendum, sicut in periculo & occasione peccati; Nam reuera omne extremum, quodcunque sit, siue excedens, siue deficiens, vitiosum est: & sicut virtus non consistit nisi in medio quod est inter vtrumque extremum, ita nisi seruetur hoc medium, plane vitium est & peccatum. Hinc illa S. Gregorij Nazianzeni præ-
Orat. 26.
 clara sententia: *Virtutem excessus & defectus per æquè labefactant, non sicut ac regulam additio aliqua, vel subtractio.* Sanctus item
In Isai.
 Hieronymus aptissime: *In virtutibus nec Hyperbascos nec Ellypsos, nec plus, & minus, sed omnia temperata: & si à recta via paululum declinaueris, non interest vtrum ad dextram vadas, an ad sinistram, cum verum iter amiseris.* Propterea toties admoeremur in Scri-
Deut. 5.
 pturis; *Ne declinemus ad dextram aut ad sinistram, sed per viam*
Isai. 1.
quam præcepit nobis Dominus noster, ambulemus. Quo etiam spe-
Tron. 4.
Pro. 23.
Eccles. 7.
 ciant illa Sapientum monita: *Prudentia tua pone modum. Noli esse iustus multum, neque plus sapias quàm necesse est, ne forte obstupescas.* Itane tibi caues in omnibus? an potius temere & inconsulto te permittis corruptæ naturæ, quæ semper in aliquod propendet extremum?

II. PUNCTVM.

SED in communicatione cum proximo, par est occasio & æquale vtriusque periculum, ne quid nimis, aut minus fiat.

Nam ex vna parte, qui tibi videntur sapere, & aliquid nosse de Diuinis, protuliores sæpe sunt in loquendo, & verendum magnopere ne illis accidat quod ait Ecclesiasticus; *Cor fatui quasi vas*
Eccles. 28.
confractum, & omnem sapientiam non tenet. Et Sapiens in Pro-

Prou. 29. uerbijs: *Totum spiritum suum profert stultus; sapiens differt & re-*
Rom. 12. *seruat in posterum.* Contra quos etiam maniteite Apostolus: *Dico*
enim per gratiam qua data est mihi, omnibus qui sunt inter vos, non
plus sapere quam oportet sapere; sed sapere ad sobrietatem: & unicui-
que sicut diuinit Deus, mensuram fidei.

Ex alia autem parte, non minus est periculi, si taceas quan-
Is. 6. do loquendum est; *Va mihi quia tacui*, ait Propheta. Et Sapiens,
Ecclef. 4. *Ne reuerearis proximum tuum in casu suo, nec retineas verbum, in*
tempore salutis, non abscondas sapientiam tuam in decore suo. Et rur-
Prou. 11. sum, *Qui abscondit frumenta, maledicetur in populis; benedictio au-*
tem super caput vendentium. Quod sancti Patres interpretantur
1. Pet. 4. de communicatione rerum spiritualium, ad quam sanctus Pe-
 trus nos ita strictè obligare videtur, quàm sanctè est obligatus
 Dispensator dispensare bona tibi data in hunc finem: *Vnusquis-*
que, inquit, *sicut accepit gratiam, in alterutrum illam administran-*
tes, sicut boni dispensatores multiformis gratia Dei. Ac proinde qui
 tam pio delit operi, nonne is suo delit officio? Nonne is per de-
 fectum peccabit, & minus faciet quam porteret? Aut si forte
 loquaris, si quæ sentis comunicas: Nonne suprâ quàm tibi li-
 cet, tu tibi sape assumes? Nonne plus nimio te efferes? Nonne
 per excessum delinques? Videsne par vtrîmque periculum? Tene
 verò vides in horum alterutro sic versari, vt vix vnum effugias,
 quin deuoluaris in aliud?

III. PUNCTVM.

NE quid igitur nimis aut minus fiat, agenti cum proximo, tan-
 ta cura & diligentia est attendendum, quanta est præsens oc-
 casio & æquale vtrîmque periculum, incidendi in alterutrum extre-
 morum, nisi diligenter attendatur. Quod Sapiens apertissime mo-
 nuît, dum ait, *Qui conatur multa agere, incidet in iudicium:* tum
Ecclef. 29. subdit, *Recupera proximum secundum virtutem tuam, & attende*
tibi ne incidas. Quali diceret, nisi attendas, incides, quia lubri-
 cum & periculotium est opus.

Tota autem attentio cum ex multis pendeat circumstantiis,
 tum personæ, tum loci & temporis, tum etiam modi & finis
 in agendo: Vide hic quæ tuæ partes sint, quæ naturalis inclina-
 tio aut diuinæ impulsus gratiæ, in alterutum ex his duobus?

Ante nimis aut minus quam par esset, communicas? An forte nimis cum quibusdam, & minus cum aliis? An forte nimis cum arridet; & minus quando non ita placet? An forte nimis cum nobilioribus; & minus cum plebeis? Hæc sunt vbi hætenus deliquisti: hæc sunt vbi deinceps ne delinquas, attentio est excitanda. Vide distinctius, vbi, & quando, & illud ibi applica. *Attende tibi ne incidas.*

Dixi, custodiam vias meas, ut non delinquam in lingua mea. Ps. 38.

Pone Domine custodiam ori meo, & ostium circumstantia labiis meis. Ps. 140.
In dubio satius est minus quam nimis. *Cessa prior causa discipli-* Eccles. 31.
na, & noli nimius esse, ne forte offendas.

Vide intrâ decimo octauo Ianuarij. Et in 2. parte, tota Hebdomada secunda post Octauam Paschæ. In tertia viro parte, Hebdomada decima, post Octauam Pentecostes.





DIE I. IANVARII ET ANNI.
IN CIRCVMCI-
SIONE DOMINI.

DE NOMINE IESV, ET DE PVRA
INTENTIONE RENOVANDA.

*Postquàm consummati sunt dies octo, ut circum-
cideretur puer, vocatum est nomen eius Iesus,
quod vocatum est ab Angelo, priusquam in utero
conciperetur. Luc. 2.*

*Omne quodcumque facitis in verbo, aut in opere,
omnia in nomine Domini nostri Iesu Christi.
Coloss. 3.*

VERITAS PRACTICA.

De pretio Nominis IESV, tantò plus circumciditur &
nobis deperit, quantò minùs perfectè nos circumci-
dimus.

*RATIO EST, Quia de pretio sacri Nominis tantò plus deperit,
quanto minus nobis applicatur.
Sed tantò minus nobis applicatur, quantò minùs perfectè nos cir-
cumcidimus.*

De circumcidendis affectibus ad puram Intentionem in N.D. 175
Ergo hinc etiam de pretio nominis Iesu, tantò plus circumciditur
& nobis deperit.

Quod cum sit valde deplorandum, idcirco circumcidendis prauis
affectibus, & purificande in omnibus intentioni, vacandum
est diligentius, ut omnia nostra in NOMINE DOMINI
NOSTRI IESV, FIAN'T.

I. PUNCTVM.



RIA occurrunt hodie quæ simul considerata nos
eò ducent facilius quò potissimum spectare debe-
mus. Primum est CIRCVMCISIO DOMI-
NI, quam ut cæteri infantes octauo à Natiuitate
die subire voluit, in exemplum obedientiæ & hu-
militatis. O quale exemplum! Non solum formam hominis
ut in Natiuitate, sed formam habet peccatoris. *Caput pro mem-
bris accipit curationem, quæ non est necessaria capiti, nisi ad sanitatem
corporis.* Hæc fufe sanctus Bernardus.

Serm. 3. in
Circumc.
Dom.

Secundum est, IMPOSITIO NOMINIS IESV.
Quod vnum continet alia Dei nomina, significatio re, dignitate
& pretio. Nempe, ut ait idem S. Bernardus. *Ipsam est de quo
sponsa in Cantico amoris, Oleum, inquit, effusum, Nomen tuum.* Hoc
enim in aliis diuinis nominibus exprimitur & quodammodo
effunditur. Hoc est magnum, excelsum, sanctum & terribile No-
men eius. Hoc est nomen nouum quod os Domini nominauit; Hoc
est Nomen super omne nomen, in quo omne genu flectatur, cælestium,
terr. strium, & infernorum. Hoc est nomen & non aliud sub cælo da-
tum hominibus, in quo nos oporteat saluos fieri. Hæc tecum re-
cole, cum metu & reuerentia, ut ait Apostolus.

1. Cant.

Pf. 110.

Is. 2.

Psal. 2.

Is. 4.

Hebr. 12.

Tertium denique est, NOVI ANNI RECVRREN-
TIS INITIVM quo nos nostraque omnia Christo, vel per
ipsum Deo, qui est PRINCIPIVM à quo, Et FINIS ad
quem conditi sumus, offerre debeamus, & puram ei seruiendi
& placendi in omnibus, Intentionem renouemus. Atque hoc est
potissimum quod spectemus hodie, & ad quod exequendum
duo alia referuntur. Nam Circumcisi re admoemur, omnia
illa amputanda esse, & velut circumcidenda quæ huic puræ

Coloss. 3.

Serm. 15
in Cant.

oblationi & intentioni possent obesse. Per nomen vero IESV subministratur modus & formula tam facilis atque efficax purificandæ deinceps intentionis, vt quoties dicas, sicut monet Apostolus, *IN NOMINE DOMINI*, totum dicas quod ad puritatem Intentionis iusticiat. Hæc est enim vis & virtus, hoc pretium & valor huius sancti Nominis, vt si operibus nostris præfigatur & infundatur, significationis suæ vim & virtutem impertiat, Id est, salutem & sanctitatem conferat. Vnde sanctus Bernardus, de hoc salutifero agens Nomine; *Semper tibi in sinu sit, semper in manu, quo tui omnes in IESVM & sensus dirigantur & actus: pone me, inquit, signaculum in corde tuo, signaculum in brachio tuo; habes in nomine Iesu unde actus tuos vel prauos corrigas, vel minus perfectos adimpleas. Itemque unde tuos sensus aut serues ne corrumpantur, aut si corrumpantur, sanes.*

Recte hoc poltremum de sanandis corruptis sensibus & affectibus addit sanctus Bernardus, nam nisi sani essent affectus, sancti non essent actus, quantumcumque illis sanctum IESV nomen infunderetur: quamobrem Circumcisio simul & Nomen iungantur necesse est; nec Circumcisio valet sine Nomine, neque Nomen sine illa Circumcisione spiritali, quâ nostri corrigantur affectus. Hoc quidem difficilius, sed tamen ita necessarium est, *Vt de pretio Nominis IESV tantò plus circumcidatur, & pereat, quanto minus perfecte, prauos illos affectus circumciderimus.* Atque idcirco hæc Veritas consideranda proponitur, vt grauiore proposito malo, quod est in illa iactura Nominis tam pretiosi, leuior appareat quauis difficultas opposita, & facilius acceptetur.

Gal. 5.

Ibid. 3.

Age ergo expende quid sit, de pretio nominis IESV aliquid circumcidi & deperire: Nempe non applicari nobis. Quidquid enim Christus Saluator nobis sit meritis, nisi nobis applicetur per media ordinata, nihil prodest ad salutem. Ecce Ego Paulus, dico vobis, *quoniam si circumcidamini, Christus vobis nihil proderit. Euacuati estis à Christo; à gratia excidistis.* Oportebat scilicet veterem legem in nouam verti: oportebat Legalem Circumcisionem in spiritualem mutari: oportebat, Iudaismum in Christianismum transferri, quod qui nollet facere, nollet Christum sibi applicare, nec proinde sibi prodesse. *Quicumque in Christo baptizati estis, Christum induistis*, ait Idem eisdem, Id est Christum

stum vobis in baptismo applicastis, sicut applicatur indumentum. Et quia variæ sunt applicationes meritorum Christi, Idcirco idem Apostolus etiam baptizatis dicebat, *Induimini Dominum Iesum Christum, & carnis curam ne feceritis in desideriis.* Rom. 13. Quasi diceret, qui carnis curam facit in desideriis, non tibi Christum induit, non tibi applicat, quo Ille deest modo; unde & cuidam Dominus, *Suadeo tibi emere à me aurum ignitum, probatum, ut locuples fias, & vestimentis albis induaris, & non appareat confusio nuditatis tue.* Apoc. 3. Tepido loquitur, id est tibi. Tepiditatis autem hæc est nuditas, & hæc confusio nuditatis, ut malis esse nudus, quàm Christo indutus & ornatus.

II. PUNCTVM.

SED tantò minùs nobis applicatur valor & pretium sacri Nominis Iesu, quanto minus nos perfecte circumciderimus.

Vniuerum vera est propositio de omni genere applicationis meritorum Christi, cui tantum obesse potest Cor incircumcisum, quantum opponetur illi merito, seu certæ Gratiæ quæ erat communicanda. Verum hic duntaxat agitur de applicatione sancti Nominis ad opera nostra, ut sic per puram Intentionem ad Deum dirigantur; sensusque propositionis est, quod prout intus, bene vel malè ordinatos affectus habuimus, quod est esse circumcisum, vel incircumcisum; plus aut minus valebit pronunciatum Nomen ad formandam nostram Intentionem, seu ad dirigendos in Deum actus nostros. Debet enim concordare animus ori nostro, & dum ore profitemur nihil nos velle in opere, nisi quod significatur Nomine Iesu, nihil habere debemus repugnans huic significationi & valori: aut certe si quid est quod repugnet, impeditur applicatio & valor talis Nominis, atque ore tantum dicis, corde vero contradicis. Imo etiam corde ipsum diceres, & toto affectu pronunciarès, te velle in nomine Iesu operari quod agis, si tamen hoc agis propter honorem tuum, propter solam tuam commoditatem, delectationem, & lucrum, nihil agis, nihil dicis; quia repugnat te operari in nomine Iesu, & propter vanitatem, aut voluptatem tuam: unde quantum volueris vnum ex his repugnantibus, tantum oportet te nolle aliud. Quantum volueris placere Deo, tantum oportet te nolle placere tibi, vel

mundo. Et quia naturaliter tibi & mundo magis placere appetis quam Deo; nisi circumcidas & reprimas hos appetitus, non placebis Deo, sicque nihil proderit pronuntiatio nominis Iesu quâ prætendis illi velle placere: nam per oppositum affectum illa destruitur & exhauritur; aut certe tanto minus proderit, tantoque minus applicatur eius valor & pretium, quanto magis de opposito restabit affectu, seu quanto minus perfecte atque integre teipsum circumcideris. *Qua est enim participatio Iustitiae cum iniquitate? aut qua societas Luci ad tenebras? Qua autem conuentio Christi ad Belial?* Responde Apostolo id quarenti, aut agnosce nihil tibi esse quod respondeas.

III. PUNCTVM.

STAT ergo Veritas, *Quod de pretio Nominis Iesu tantò plus circumciditur, & nobis deperit, quantò minus perfecte nos circumcidimus*; Quia quantum non applicatur, tantum deperit; non applicatur autem nisi circumcidantur contrarij Cordis affectus, aut nisi prout circumciduntur, & conformantur significationi Nominis, cum ex Corde tanquam ex Radice procedat Intentio & qualitas operis, quidquid ore proferatur. Hinc Christus Dominus; *Aut facite arborem bonam, & fructum eius bonum; aut facite arborem malam & fructum eius malum. Numquid colligunt de spinis uvas, aut de tribulis ficus? Sic omnis arbor bona bonos fructus facit, mala autem arbor, malos fructus facit.* Id est, qualis intus in animo fueris, tales erunt actus tui; si purus sis & vacuus prauis affectibus, pura & bona erunt opera facta in Nomine Domini: Sin contra si deprauatus fuerit affectus, tùm praua inde erunt opera: Vnde aptè Apostolus: *Cognouit Dominus qui sunt eius: & discedat ab iniquitate omnis qui nominat nomen Domini.* Et Propheta Ieremias: *Quid est quod dilectus meus in domo mea fecit scelera multa? Numquid carnes sanctae auferent à te malitias tuas, in quibus gloriata es.* Quali diceret animæ peccatrici, numquid putas auferendas tuas malitias per sola sacrificia, nisi tu ipsa collabores in illis tuis malitiis auferendis? Vel sic, putasne per oblata mihi sacrificia, te mihi plicituram in ceteris operibus tuis, nisi per gratiam quam tibi offero, coneris auferre malitias quibus tu mihi displices? Quod & Aggeus propheta prosequitur pluribus, patebitque

etiam apertius ex dicendis sequenti triduo, vnde illud valide confirmatur, quod nisi naturales motus quibus teipsum inordinatè quaris in omnibus, circumcidas & amputes, non applies tibi vim & valorem Diuini Nominis; atque ex consequenti tantum tibi depereat quantum recepisses, si illud applicasses, & oppositos repressisses affectus.

Quale autem illud, *Sic tibi deperire pretium & valorem tanti Nominis!* sic tibi deperire meritum Christi, tot sudoribus paratum, tot votis exoptandum! *Qua utilitas in sanguine meo?* In 2^a 1^a.
Nomine meo? In vita & in morte mea, *Dum descendo in corruptionem?* Id est, dum applicor corruptis & deprauatis affectibus?

Deplora tu Ipsam talem jacturam; atque vt diligenter in futurum prospicias, audi Prophetam: *Nonate vobis nouale, & non- l. r. 4.
bile serere super spinas. Circumcidimini Domino, & auferte praeputia cordium vestrorum.* Nihil hodie gratius offeres Christo, quàm præcisum ex corde tuo aliquid, quod ibi hærebat tenacius. Nec vllum motuum aptius huius præcisionis & oblationis faciendæ, quàm quod hîc modò proponitur, ne videlicet aliquid detrahatur & pereat de Christi merito & beneplacito.
*Vt impleamini in omnem plenitudinem Dei. Vt dignetur vos vocatio- Ephes. 3.
ne sua Deus noster & impleat omnem voluntatem Bonitatis. Et opus 2. Thess. 1.
fidei in virtute, vt clarificetur Nomen D. N. IESU Christi in vobis:
& vos in Illo, secundum Gratiam Dei nostri, & Domini IESU Christi.*

E O D E M D I E,
EX VERBIS SVPRARELATIS
APOSTOLI:

VERITAS PRACTICA.

Discedat ab iniquitate omnis, qui nominat nomen Domini. 2. Tim. 2.

RATIO EST, Quia Nomen Domini Iesu, ordinariè tantum nominatur, vel ad Laudem & honorem ipsius Nominis; vel

ad Inuocationem auxilij: Vel ad Intentionem operis cuiuscumque nostri, sic formandam.

Sed quodcumque horum trium consideretur, siue laus Nominis, siue Inuocatio, siue Intentio: non potest propterea ritè & fructuosè nominari Nomen Domini, ab eo qui fuerit in iniquitate. Ergo discedat neceffè est ab iniquitate omnis qui nominat nomen Domini, aut ne illud assumat; aut in Vanum assumet; quod nefas est.

PRIMA propositio tantum est explicanda in suis terminis. **SECUNDA** sic apertè declaratur per singulas partes. Prima est de laude Nominis, cuius præcipua commendatio est quod Saluatorem significet; non qualemcumque, sed à peccatis, ab iniquitate, & malitia. Singularis certè & eximia commendatio: sed si fiat ab iniquo, si fiat ab homine existente in peccato, & non discedente ab iniquitate sua, nulla prorsus erit, aut nisi ridicula talis commendatio. Commendabit enim verbo quod ipse facto reprobatur, dicet valde laudandum Iesum quod purget à peccato: & negabit id esse laudandum, cum suo ipse purgari nolit.

Pron. 25. Aufer impietatem de vultu regis, dicebat Sapiens, si regem scilicet laudas, quod vultu suo indicet, quanto in odio habeat impietatem, quid tu audes inferre in eius vultum illam ipsam impietatem aut iniquitatem in qua auferenda, regem dicis esse laudandum? Sic aperte Psalter regius: Peccatori dixit Deus, quare tu enarras iustitias meas, & assumis nomen meum per os tuum. Denique Eccl. 15. non est speciosa laus in ore peccatoris.

Sic de Inuocatione auxilij, quod aliud sequitur in propositione probandum. Rectè quidem per hoc sanctum Nomen, quacumque in necessitate, diuinam implores opem, cum non sit aliud nomen sub cælo datum hominibus, in quo oporteat nos saluos fieri: sed nonne scis, Deum opem suam retrahere ab iniquis? An ignoras quod probe sciuit ille Ammonites, qui sic de Deo quem Iudæi colebant, magnificè loquebatur; Deus illorum odit iniquitatem, perquire si est aliqua iniquitas eorum in conspectu Dei eorum; ascendamus ad illos, quoniam tradens tradet illos Deus eorum tibi, &

subingati erunt sub iugo potentie tue. Si vero non est offensio populi huius, coram Deo suo, non poterimus resistere illis, quoniam Deus eorum defendet illos.

Quod maxime patuit in electo illo viro Iosué qui sacri IESV nominis figuram suo ipse nomine præferebat. Cum enim ali-^{ios. 7.} quando præter morem vidisset Israël tergā vertentem suis hostibus, quos semper ipso duce debellarant, *Mi Deus, inquit, quid dicam? Et quid facies magno Nomini tuo?* Tum vero Dominus, *Surge, cur jaces pronus in terra? peccavit Israël, Quali diceret, frustra inuocās nomen meum, frustra per nomen meum tibi opem concilias: ne quid a me speres, quamdiu vel vnus erit inter tot milia, qui vel iniquitatem admiserit, vel non dimiserit. Stupendum certe exemplum, & diutius expendendum.*

Tertium denique quod spectat ad Intentionem operis nostri, sub hoc foelici formidum Nomine, non tam recte & fructuose formabitur, si nominetur in peccato Nomen, quam si extra peccatum pronuntiaretur. Neque enim potest quidquam in Nomine Domini fieri, si cum peccato fiat, aut si peccatum fiat, aut si fiat in lechali peccato. Quæ quia tutius in crastino pertractantur discursu, satis modò sit agnoscere quàm vere Apostolus dixerit, *Discedat ab iniquitate omnis qui nominat nomen Domini; Qui-* cumque tandem ille sit, siue Sacerdos, siue Laicus: siue Religio-^{ps. 110.} sus, siue secularis, siue Dominus, siue seruus: absolute atque vniuersim denuntiatur *omnis*, nulla seclusa persona, nulla præ-^{ps. 73.} texta causa, nulla prætextata necessitate, vel occasione, vel consue- tudine nominandi, nisi prius discedat ab iniquitate, si quam con- traxerit, nisi conteratur & doleat, nisi sit in illa gratia quæ ani- mam sanctam & gratam Deo reddit, ne sanctum hoc pronuntiet Nomen, quia frustra pronuntiaret, frustra laudaret, frustra inuo- caret, frustra se offerret: *Sanctum & terribile nomen eius*, vt non impune scilicet contaminetur à lingua iniqua. *Irritat aduersarius nomen tuum in finem.* O miseriam peccatoris, qui lacrum nomen Iesu non auit tuto pronuntiare? O beatam verò necessitatem deponendi peccati: vt vel discedat necesse sit à peccato, qui No- men Iesu nominare velit; vel nisi velit à peccato discedere, ne-
fas sibi ducat proferre Nomen Iesu!

E O D E M D I E.
DE CIRCUMCISIONE SPIRITUALI.

Circumcidimini Domino, & auferte praeputia Cordium vestrum. Ier. 4.

V E R I T A S P R A C T I C A.

Quanta est modo nobis obligatio ad non suscipiendam Circumcisionem legalem, tanta est ad suscipiendam spiritualem.

RATIO EST, Quia tota obligatio quā tenemur ad non suscipiendam Circumcisionem legalem, petitur à lege seu religione Christiana quae illam modo vetat.

Sed eadem lege & religione Christiana iubemur suscipere Circumcisionem spiritualem.

Ergo quanta est unius obligatio, tanta est alterius. Quod certe est non parui ducendum.

PRIMA propositio per se patet, & declaratur infra fufius, Sabbato post Dominicam primam Epiphaniae, ubi quàm similis huic Veritati Veritas proponitur.

SECUNDA verò sic demonstratur; quia Circumcisio spiritualis, nihil aliud est quàm talis mortificatio interior vel exterior, qualis necessaria est ad vitandum omne peccatum, & faciendum omne bonum, à Deo tibi iussum. Talis autem mortificatio tam necessario iussa est, quàm necessario est euitandum malū, aut tale bonum faciendum, quod non posset fieri, nisi per huiusmodi mortificationem: Vnde illa Christi Domini toties ^{Matth. 5.} iterata: *Si oculus tuus scandalizat te, si pes, si manus: erue, praescinde, amputa*, Id est, si qua re externa aut aliquo rei affectu

impelleris ad peccatum; mortifica hunc affectum; Quod idem *Deut. 10:*
 est ac circumcide, *Circumcidite praeputia cordis vestri. NOS su-*
mus Circumcisio, qui spiritu servimus Deo, inquit Apostolus; quasi *Phil. 3.*
 diceret, primò quidem, tam necessaria est talis Circumcisio *Rom. 2.*
 quàm nos esse spirituales, quàm nos esse Christianos, quàm nos
 servire Deo. Deinde vero *Nos sumus Circumcisio*, Id est, quanti
 quanti sumus, omnino & non ex parte tantum, sicut Iudaïs erat
 Circumcisio; Nos inquam Christianos, ex totis nobis, siue in
 animo, siue in corpore, sic nos oportet usquequaque esse circum-
 cisos, ut vere dici possimus quod simus Circumcisio. Denique
Nos sumus Circumcisio, quia videlicet propter nos instituta erat
 legalis Circumcisio, nostram spiritualem, illa carnalis figurabat;
 ac proinde cum venit tempus suscipiendæ spiritualis huius Cir-
 cumcisionis, cessavit alia, sicut tenebræ delinunt lucente sole.

Ex quibus non modo est evidens, tantam huius spiritualis
 Circumcisionis esse obligationem positivam, quanta est negati-
 va alterius, sed ex eadem evidentiâ Concludendum est, positi-
 vam illam obligationem esse quodammodo religiosiorem &
 priorem quam negativam. Quia finis semper est fortior illis om-
 nibus quæ propter finem fiunt: finis autem abrogata legalis Cir-
 cumcisionis, est spiritualis Circumcisio; Non enim idcirco præ-
 cipitur spiritualis Circumcisio, quia carnalis ablata est sed idcir-
 co carnalis aufertur quia spiritualis adducta est; Neque novum
 statuitur Testamentum quia vetus abiit, sed vetus abiit quia no-
 vum venit. Sic expressè Apostolus: *Aufert primum ut sequens* *Hebr. 10:*
statuat, & res figurata semper nobilior est, & magis commenda-
 ta quam quælibet eius figura; Vnde sancti Patres & scripturæ
 Interpretes sic Christum Dominum aiunt esse Circumcisum ut
 Circumcisionem dissolveret, & aliam maiorem ostenderet id est
spiritualem, inquit Epiphanius. *P. Barro*

O quantum ergo aberrant à Lege & Religione Christiana In-
 circumcisi corde & auribus! Hoc certum habe anima ut quam
 verè dictum est de Circumcisione legali: *Si circumcidamini, Chri-* *Gal. 5.*
stus nihil vobis proderit, tam verè dicendum sit de spirituali: *Nisi*
circumcidamini, Christus nihil vobis proderit.

Vide infra die tertio & quarto Ianuarij. Sabbato infra Heb-
 domadam quintam post Epiphaniam de Communi Martyrum.
 Et passim ubi de *Mortificatione, Intentione, & Perfectione.*



TRIDVO sequenti, agitur de Triplici Puritate puræ Intentionis, seu de tribus puræ & rectæ intentionis Conditionibus, quæ ex effectis antiquæ Circumcisionis eruuntur.

Non aliter verò deinceps recensentur dies, quàm quo numero & ordine connectuntur in decursu mensis, usque ad Dominicam secundam post Epiphaniam, ubi resumetur nomen Feriæ.

De Dominica porro ante Epiphaniam occurrente, nullum est aliud institutum officium, quàm eius diei quo tùm occurrit, sicque vacare dicitur.

DIE II. IANVARII.
QVÆ EST OCTAVA S. STEPHANI.
DE PRIMA CONDITIONE PURÆ
INTENTIONIS, VT SIT PURA A PECCATO;
EX PRIMO ANTIQVÆ CIRCVMCISIO-
NIS EFFECTV, QVI EST PURGATIO
PECCATI ORIGINALIS.

Accedamus cum vero corde in plenitudine fidei, aspersi corda, à mala conscientia. Hebr. 10.

VERITAS PRACTICA.

Non sunt facienda mala, vt eueniant bona.

RATIO EST, Quia quod absolute & simpliciter vetatur à
Deo,

Deo, non potest ullo planè pretextu fieri.

Sed malum seu peccatum quodcumque sit, simpliciter & absolute vetatur à Deo.

Ergo non potest hoc pretextu fieri, ut eueniant bona. In quo tamen multi reipsa dissentiunt.

I. P V N C T V M.

I A N T I refert puram in omnibus adhibere Intentionem & rectum sibi finem proponere, ut plures de hoc argumento institui debeant Considerationes, siue ad plenior-rem rei cognitionem, siue ad maiorem eiusdem commendatio-nem. Ex multis autem quæ considerari possent, selectæ sunt tres Intentionis puræ Conditiones, quæ ex totidem antiquæ & Mo-saicæ Circumcisionis effectis depromuntur; Quarum prima est ut Intentio sit pura ab omni peccato, sicut olim Circumcisio ex-cludebat peccatum. Sic S. Ambrosius. *Circumcisio*, inquit, *pur-* In Luc.
gationem significat delictorum.

Et vero dupliciter intelligi potest, purgationem à delicto esse necessariam puræ intentioni; Primò ut conscientia munda sit ab omni peccato mortali, sitque Ille in statu gratiæ sanctifican-tis qui præ se fert puram habere intentionem, cum alioquin non fuisset illa intentio ad impertiendam actionibus vim & valo-rem æterni meriti. *Et si distribuero in cibos pauperum omnes faculta-* i. Cor. 13.
tes meas, & si tradidero corpus meum, ita ut ardeam, Charitatem
autem non habuero, nihil mihi prodest, ait Apostolus. Est autem ea-dem ratio Charitatis & Gratæ Sanctificantis, quantum ad va-lore & meritum nostrorum operum. Quo de argumento præ- Serm. 40;
clare & fuse sanctus Bernardus, in illud Canticorum; *Pulchræ* Cant. 1.
sunt genæ tuæ sicut turturæ.

Secundo, necesse est ut illud opus cui Intentio est præfigenda, non sit malum ex se, aut vetitum; Neque enim bonus finis, aut intentio boni alicuius, potest id bonum facere quod est malum, neque id quod est malum potest bene & licite fieri, ut fiat ali-quod bonum. *Blasphemamur,* inquit Apostolus, *& sicut aiunt qui-* Rom. 3;
dam nos dicere, faciamus mala ut veniant bona, quorum damnatio
iusta est, Id est, damnandus talis sensus. Nos Christiani longe

absumus ab illa sententia quam damnamus ; Hoc enim nunquam licet quouis prætextu. Hæc est communis interpretatio verborum Apostoli, quâ nonobstante, multi secus in praxi faciunt, qui non verentur mentiri, aut aliud quid mali facere, vt sibi vel proximo benefaciant ; Idcirco hæc Veritas attentius est consideranda ; statuendumque in praxi, prorsus *Nulla vnquam esse faciendamala, vt eueniant bona.*

Ratio est facilis & efficax, quia quod absolute & simpliciter vetatur à Deo, nullo plane prætextu potest licite fieri. Hoc est enim vnum & idem, absolute vetari, & nunquam posse fieri. Nam si posset esse aliquis casus quo contrauenire liceret, non esset absolute & simpliciter à Deo veritum : Istæ namque voces, *Absolute & simpliciter*, excludunt omnem casum & omnem epijkeiæ actum. Quod enim de humanis legibus dicitur, aliquem posse euenire casum, quem non præuiderit Legislator, & in quo æquitas postulet vt à verbis legis discedatur, non potest dici de Diuinis, cum nihil euenire possit quod non præuiderit Deus ; ac proinde quando aliquid aperte constat esse absolute veritum, nullus relinquitur dispensationi aut excusationi locus ;

Deut. 4. sic absolute est abstinendum vt vetatur. *Non addetis*, inquit, *ad verbum quod vobis loquor, nec auferetis ex eo. Custodite mandata Domini Dei vestri, quæ ego precipio vobis.* Nonne id æquum ? Quid igitur contrà posset prætendi, nisi quod iniquum ? Sic vere dictum est, *Omnis qui facit peccatum, & iniquitatem facit ; & peccatum est iniquitas.*

1. Ioan. 3.

II. P V N C T V M.

SED malum quodlibet seu quodcumque peccatum, simpliciter & absolute vetatur à Deo.

Non quidquid verat Deus, sic absolute semper vetat, vt aliter Ipso dispensante, vel mutante leges, non possit fieri ; sicut patet in lege veteri abrogata : sed aliud est aliquid esse malum, quia veritum : & aliud, esse veritum quia malum. Tale est autem mendacium & illud malum de quo hic agitur, malum est intrinsecè, vt dicitur, & ex natura sua tale, aut certe sic supponitur ; quo supposito affirmatur, id absolute & simpliciter vetari à Deo, quia non potest non vetare illud Deus, sicut non potest

2. 2. 7 110.
a. 3. ex S.
August.

non odisse. Quis enim nescit odium quod Deus habet de malo seu peccato, esse necessarium, esse infinitum, esse ita immutabile, sicut ipsius Dei natura est immutabilis? Nam cum à Natura sua, ac proinde necessariò amet Rectitudinem Legis aeternæ, nec non Bonitatem & Perfectionem suam, necessariò etiam odit & verat quidquid tali Rectitudini & Bonitate aduersatur: aduersatur autem illi omne peccatum, quia ratio peccati in eo sita est, quod sit contra legem Dei aeternam, & illi Bonitati maxime repugnat, non ut forma formæ, sed ut inordinatum & distortum suæ regulæ & mensuræ.

*Lessius de
perf. diui.
l. 8. c. 2.*

Sic passim Scripturæ omnes: *Deus illorum odit iniquitatem. MVNDI sunt oculi tui ne videas malum, & respicere ad iniquitatem non poteris. NON dicas, ille me implanauit, non enim necessarij sunt ei homines impij. Omne execramentum erroris odit Dominus, & non erit amabile timentibus eum. Nemini mandauit impie agere, & nemini dedit spatium peccandi;* Id est, nulla est persona cui liceat, nullus locus, aut tempus quo id liceat. Hinc Tobias Filio suo, *Omnibus diebus vita tua in mente habeto Deum, & caue ne aliquando peccato consentias.* Et in particulari, mendacium dicitur esse inter ea quæ Deus odit præcipue, imo & Abominatio est Domino, labia mendacia. Et ne quod forte excludas mendacium, *Noli inquit velle mentiri, omne mendacium.* Denique nihil est quod magis irriter Deum, quàm si quis sibi fingat aliquod esse tempus, aut locum, aut casum, in quo mentiri vel peccare liceat *Propter quid irritauit impius Deum? Dixit enim in corde suo, non requireret.* O Impietatem! ô blasphemiam! desineret esse Deus, si non requireret. Et tamen quàm multi hoc corde dicunt!

*Indith 5.
Habac. 7.*

Eccles. 15.

Tob. 4.

Prov. 6.

Ibid. 12.

Eccles. 17.

Psal. 9.

Eccles. 11.

III. PUNCTVM.

NUNQUAM igitur sunt facienda mala, ut eueniant bona; Quia nunquam quocunque prætextu id faciendum est quod simpliciter & absolutè est veritum tanquam malum; & quod non potest non esse veritum, sicut non potest non esse malum. Nam bonum quod inde sequitur, non impedit quo minus malum sit malum, nec proinde quo minus sit veritum, nec denique quò minus sit cauendum. *Nimis odito execrationem,* ait Sapiens, id est suprâ quàm quidlibet aliud, quod te ab illius odio

reuocare possit. Vnde & S. Augustinus præclare in sententiis,
*Peccare est inhonorare Deum, quod non debet facere homo, etiamsi
 totum pereat quod non est Deus.* Et ne putes mendacium idcirco
 esse peccatum, quia potest prodesse, Nonne possunt, inquit Idem,
*In Enchir. c. 22. Et furando prodesse? nec ideo tale furtum quisquam dixerit non esse
 peccatum. NVN QUID Deus indiget vestro mendacio, ut pro illo
 loquamini dolos? Numquid faciem eius accipitis, & pro Deo indicare
 nitimini? aut placebit ei quem celare nihil potest, aut decipietur ut
 homo, vestris fraudulentis? Ipse vos arguet.* Sic aptissime Iob. Nec
*Iob. 13. lib. I. c. 15. negligendus Author libri de Imit. Christi, qui hæc expresse ha-
 bet; Pro nullare mundi & pro nullius hominis dilectione, aliquod ma-
 lum est faciendum; sed pro utilitate tamen indigentis, opus bonum
 libere aliquando intermittendum est.*

Vide in his quantum delinquas. Et illud sancti Hieronymi
 ad dirigendam intentionem tuam, & alia quæ uis recte operanda
*Ep. ad Ce- plurimi facito; Aedificanti tibi spirituales domum, non super le-
 laus. uitatem arenæ, sed soliditatem Petre, Innocentia imprimis fundamen-
 Rom. 16. tum ponatur.* Itemque illud Apostoli, *Volo vos sapientes esse in
 bono, & simplices in malo.* Nempe ut bonum fiat vel non fiat, sa-
 pienter est adiudicandum ex circumstantiis: Sed ad malum eui-
 tandum, sola simplicitas adlit. Quia omne malum est euitan-
 dum. Nullus mali delectus est, ubi omne malum excluditur.

Vide ferias intrâ Dominicam secundam post Epiphaniam, &
 alias ubi de peccato, ex Indicibus.



DIE III. IANVARII.
 QUÆ EST OCTAVA S. IOANNIS APOSTOLI.
 DE SECVNDA CONDITIONE PVRE
 INTENTIONIS, VT STVDIVM CONTINVVVM
 REPRIMENDÆ CONCVPISCENTIÆ COM-
 PREHENDAT, QVOD IN LEGALI
 CIRCVMCISIONE FIGVRABATVR.

Ad puram intentionem, studium continuum repr. Concupis. 189
Circumcidite praeputium cordis vestri, & cervicem
vestram ne induretis amplius. Deut. 10.

VERITAS PRACTICA.


Totius difficultatis de pura Intentione solutio, studium
est continuum reprimendæ Concupiscentiæ.

RATIO EST, Quia tota difficultas de pura intentione versa-
tur circa sufficientem voluntatis dispositionem, ad hanc purita-
tem inducendam.

Sed ex studio continuo reprimendæ Concupiscentiæ, cognoscitur suf-
ficiens voluntatis dispositio ad talem effectum.

Ergo inde est solutio totius difficultatis. Ac proinde illud studium
continuum maximopere est necessarium.

I. PUNCTVM.

 *Q*UOD Circumcisiō legalis figura esset Circumcisionis
spiritualis, quæ est mortificatio interior seu studium re-
primendæ Concupiscentiæ, iam dictum est ex Apostolo
qui de se ac nobis omnibus. *Nos sumus, inquit, Circumcisio, qui spi-*
ritu seruimus Deo; Et alibi: Circumcisio cordis in spiritu, & non litera: Phil. 3.
Quam diceret, Hæc est vera Circumcisiō, qua cordis concupiscenti-
æ circumciduntur: hæc est spiritualis ad quam carnalis velut *Rom. 2.*
ad finem refertur: hæc est quæ fit per Spiritum sanctum non iux-
ta literam legis Mosaicæ. Et rursum ubi de Christo Domino: *Col. 2.*
Et estis, inquit, in illo repleti, qui est Caput omnis principatus & po-
testatis: in quo & circumcisi estis Circumcisione non manufacta in ex-
poliatione corporis carnis, sed in Circumcisione Christi. Quasi ex-
plicaret in quo repleti essent, & quid esset, sic repleti in Chri-
sto, nempe quod lex antiqua, variis præmittebat figuris, id to-
tum spiritualiter adimpleri, per fidem, per Mortificationem, &
alia quæ modò profitemur.

Quam vero hæc spiritualis Circumcisiō sit necessaria puræ

intentioni visum est etiam primâ die, & per se satis patet: Sed quàm necessario debeat esse continua aut eius saltem studium & propositum, nunc porro videndum est acuratius ex declaratione Veritatis practicæ, quâ statuitur totius difficultatis de pura intentione solutionem ex hoc continuo studio reprimendæ concupiscentiæ petendam esse.

Ratio hæc quæ assertur est valde consideranda, Quod videlicet tota difficultas de pura intentione versatur circa sufficientem voluntatis nostræ dispositionem, ad hanc puritatem inducendam. Nō desunt quidem aliæ difficultates de quibus Theologi disputant, sed hæc ad praxim potissima, imo & tota de habituali & virtuali quam vocant intentione, quid sit necesse, quidue sufficiat, ex parte nostra, cum diuina gratia ad hoc vt recta & pura in omnibus Intentio habeatur. Cum enim Intentio primò & principaliter sit actus voluntatis, vt expresse docet sanctus Thomas, certum est ex vna parte, quod vt pura sit intentio, necesse sit voluntatem esse puram seu purificatam prauis illis affectibus & desideriis quæ militant aduersus animam, & quibus in agendo tota naturaliter occupatur, nisi eis resistat. Ex alia vero parte, cum variis & longè diuersis modis voluntas possit resistere vel consentire illis motibus; nunc plenè & perfectè, nunc semiplenè & imperfectè; hinc sit, vt tot variis & diuersis dispositionibus sit affecta voluntas circa Intentionem operis, quot erunt illi varij & diuersi modi, quibus consentiet vel resistet prauis affectibus. Atque hinc demum oritur tota difficultas, quomodo cognoscatur in tanta varietate, sufficiens dispositio voluntatis, vt ipsa sufficienter pura sit, & recta intentio quam prætendit. *Proba me Deus & scito cor meum, interroga me, & cognosce semitas meas. Et vide si via iniquitatis in me est, & deduc me in via æterna.* Quali diceret, fac me cognoscere, quod quidem cognitu est difficile, & tamen utile, an rectam in actionibus Intentionem habeam, an recte incedam ad vitam illam æternam, ad quam sum conditus, & à qua si deuio, reduc me, & dirige me in viam rectam.

Sic orandum esset cum Dauide, vt simul cum illo etiam possis dicere: *Audiam quid loquatur in me Dominus.*

II. PUNCTVM.

SED ex studio continuo reprimenda Concupiscentia, cognoscitur sufficiens voluntatis dispositio ad hanc puritatem inducendam.

Primo intelligendum est, quid sit continuum studium reprimendæ Concupiscentiæ, nempe voluntas efficax cum diuina gratia sic continuo reprimendæ naturæ corruptæ seu naturalis eius propensionis, vt quantum aduerti poterit, semper reprimatur; Et vt semper aduertatur, non leuis cura adhibeatur: singulis mane diebus propositum renouetur, sæpe ad id Gratia petatur, quotidianum examen instituatur, & alia denique conferantur quæ indicent veram & efficacem voluntatem. Hoc est quod vocatur studium continuum: hoc est quod ait Sapiens, *Esse firmus in via Domini, & in veritate sensus tui.*

Eccles. 5.

Secundò, agnoscendum quomodo ex illo studio cognoscatur sufficiens voluntatis dispositio: Nempe quando verè dubitatur vtrum consenserit, necne, contrariis puræ Intentioni motibus, signū est probabilius non consensisse, quamdiu sic studiosa sicque affecta & disposita fuerit voluntas; quidquid sentiat in appetitu, si tum quis certo non agnoscit se aliquid voluisse inordinatum, certius est noluisse. *Non ego operor illud, sed quod habitat in me peccatum*, id est Concupiscentia. Quod si quidem consensisse videtur, nec tamen satis plene aduerterit ad illos prauos motus, signum est consensum illum non esse voluntarium, quia scilicet ex studio illo continuo, seu ex illa voluntate efficaci, certum est quod si aduertisset non consensisset, ac proinde consensus ille est veluti subreptitius & inuoluntarius. *Non enim quod volo bonum* *hoc facio; sed quod nolo malum, hoc ago*, ait Idem Apostolus. Si denique deficiat actualis intentio, & dubiretur vtrum virtualis vel habitualis sufficienter operetur, quando in operando, de recto fine non cogitur, credibilius est ex illo studio, sufficienter pure & recte operari. Nam sic est affecta & disposita voluntas, vt si aduerteret, vellent actu & re ipsa sic recte operari: Quod autem non aduertat, infirmitatis est humanæ potius, quam malitiæ vel vitij oppositi puræ intentioni. *Nihil damnationis est iis qui sunt in Christo Iesu, qui non secundum carnem ambulant.*

Rom. 7.

Ibid.

Ibid. 8.

Quod si vero in aliquo defuerit illud continuum studium,

plane aliter de re tota definiendum est : & iudicium omnino contrarium erit ferendum. Licet enim is non magis expresse quam alius aduertat ad illos prauos naturæ motus qui puritatem Intentionis inficiunt & impediunt , tamen credibilis est illis consentire, & illos velle, quia scilicet non studet, nec vult sicut alius efficaciter eos reprimere: Nō idcirco sibi satis inuigilat, nec eos motus quo posset modo cum gratia præuenit, aut ordinarie repellit : licet eos actu & voluntarie velle non videatur, quando non aduertit: censetur tamen & præsumitur eos velle consequenter, quatenus voluntarie non agit quod posset & deberet. Cuius defectu sequitur vt voluntas male tibi complaceat in illis motibus ; quidquid dicat ad se excusandum. *Ego scio, ait Dominus, iactantiam eius, & quod non sit iuxta eam virtus eius ; Nec iuxta quod poterat, conata est facere.* Vnde illud accidit, quod ex alio

1e. 48. *Propheta sæpe memorandū venit ; Colligata est iniquitas Ephraim, absconditum peccatum eius.* Hi sunt funiculi vanitatis in quibus trahitur iniquitas, & quali vinculum plaustri, peccatum. Hæ sunt

osæ 13. colligationes impietatis quæ dissoluendæ erant. Hi sunt fasciculi deprimentes nisi soluantur : hæc catena de medio tui auferenda. Vide Isaia quinto & quinquagesimo octauo.

1s. 5. & 58

III. PUNCTVM.

TOTIVS igitur difficultatis de pura Intentione solutio, tam vere ex continuo studio Concupiscentiæ reprimendæ petitur, quam verè ex illo studio cognoscitur, sufficiens voluntatis dispositio, vt pure velit quod est volendum sufficienter, vt pura sit intentio. Sic accommodate de vnoquoque nostrum dici potest quod de Christo refertur, si cum eo vere dicimus, *Deus meus volui, & legem tuam in medio cordis mei.* IN QVA VOLUNTATE SANCTIFICATI SUMVS : Vt è contra, cui decit talis voluntas, defunt ei omnia.

Hebr. 10.

Quod confirmatur ex iis qui assueuerunt iuramentis & blasphemis; Cum quæritur vtrum peccent, iurando & blasphemando, quando etiam non aduertunt : Respondetur, quod si illudeant prauam deponere consuetudinem & sufficienter indicent, se, si aduerterent, nolle ita blasphemare, tunc non peccare cum blasphemant non aduertentes : quia ex illa voluntate seu studio desuescendi,

desuescerdi, indicant se nolle quod faciunt aut quod loquuntur, ac proinde id illis non esse voluntarium. Quod si vero non studeant ac uescera, tunc eos peccare quoties male iurant aut blasphemant, non aduertentes, quia sic censentur velle consequenter ex eo quod non studeant nec laborent in contrarium, nec proinde aliter velle presumantur. *Blasphemantes in corruptione* ^{2. Pet. 2.} *sua peribunt, percipientes mercedem iniustitiae, voluptatem existimantes dici delicias,* ait S. Petrus. Sic proportionate de aliis sentiendum, ut dictum est; Vnde apertius pater quam ut filius ostendatur, quam sit necessarium hoc continuum studium sui reprimendi.

Quanta est enim differentia inter vitiosum, & non vitiosum: tanta dici potest inter studiosum huius praxis, & non studiosum. Hi sunt pii vel iniqui de quibus dicitur, *Novit Dominus pios de ibid.* *temptatione eripere: iniquos vero in diem iudicii reservare cruciandos; magis autem eos qui post Carnem in Concupiscentia immunitia ambulant, dominationemque contemnunt, audaces, sibi placentes.* At vero audi ex eodem quid statuas in posterum: *Tos autem curam* ^{ibid.} *omnem subinferentes ministrare in fide vestra virtutem, in virtute autem* ^{2. Pet. 1.} *scientiam;* Et quae plura refert ad hanc omnem curam & hoc continuum studium commendandum, de quo sic verè dictum à Kempensi: *Secundum propositum nostrum, cursus propositus nostri;* & ^{L. 1. de} *multa diligentia opus est bene proficere volenti.* ^{imit. chr.} ^{c. 19.}

Vide infra, Hebdomadam quartam post Epiphaniam, & verbo *Intentio. Voluntas.* Et vide ne plus cogites de carpenda Veritate, quam de vero eius fructu excerpto.



DIE IV. IANVARII.

QUAE EST OCTAVA SS. INNOCENTIVM.

DE TERTIA CONDITIONE PURAE

INTENTIONIS, UT SIT VNIVERSIM IN OMNI-

NIBVS : SICVT CIRCVMCISIO LEGALIS

OB L I G A B A T A D V N I V E R S A M
L E G E M O B S E R V A N D A M.

Testificor omni homini circumcidenti se , quoniam debitor est vniuersæ Legis faciendæ. Galat. 5.

V E R I T A S P R A C T I C A.

Aut nullam vitæ partem , aut totam Deo debes.

RATIO EST, Quia quantam vitæ partem Deo debes, Illi debes ex aliquo titulo, seu iusta causa.

Sed ille ipse Titulus , eademque iusta causa , iure exigit vt totam Deo vitam debeas, atque reddas.

Ergo aut nullam vitæ partem, aut totam Deo debes. Et quia nolles ei nullam vitæ partem concedere , hinc te urgeri necesse est vt reddas totam, quam non minus debes, ac partem.

I. P V N C T V M.

L. 28.

Mat. c. 13.

RECTE monet S. Gregorius : *Vigilanti cura per cuncta opera , Intentio nobis nostra pensanda est , vt nil temporale in his que agit , appetat , & totam se in soliditate æternitatis figat: ne si extra fundamentum actionis nostræ fabrica ponitur, terra dehiscente soluatur.* Cum autem vnum & idem sit vniuersum in omnibus puram intentionem habere , atque omnem vitæ partem Deo reddere , non potuit efficacius motiuum proponi ad illam vniuersalem intentionem procurandam, quàm si cogitetur æque deberi, atque ipsam totam vitam , quæ non aliter Deo redditur quam per puram & rectam in omnibus intentionem *Dignè , Deo per omnia placentes: sicut scribit Apostolus.*

Coloss. 1.

Vt verò liquide patefiat quàm verè tota Deo vita debeatur, quæque illi merito tota reddenda sit, non potuit apertius declarari quam Veritate proposita , *Aut nullam vitæ partem , aut totam Deo debes.* Quis enim nolit aliquam illi persolvere ? at si æque totam

debet atque partem, cur non æque totam reddat? Necessaria certe reddendi consecutio, si æquale est totius, ac partis vitæ debitum. Quàm sit autem æquale hoc debitum, & quàm sit certa hæc Veritas, declarat allata ratio; Quia scilicet si quam Deo partem debes, illi iure debes, ex aliquo Titulo, seu iusta quapiam causa, nempe quod sit Creator, & Dominus noster, quod Principium & Finis, quod Redemptor, quod Iustificator, quod Glorificator; Et si qui sint alij Tituli, si quæ iura & causæ: Nonne agnoscis ex horum omnium aliquo, vel ex omnibus te iure illi debere aliquam vitæ partem? *Nunquid non Ipse est Pater tuus qui possedit te, & fecit & creavit te? At nunquid Filius honorat Patrem, & servus Dominum suum? An subtractionis Filius esse velles in perditionem anima?* Dices ergo libenter, *O Domine, quia ego servus tuus, Ego servus tuus, & Filius ancilla tua.* Mirum tanè quod vix ullus sit cui talis desit affectus: & vix ullus tamen, cui nō desit effectus.

Deut. 32.

Mal. 1.

Hebr. 10.

Ps. 115.

II. P V N C T V M.

SE D ille ipse Titulus eademque iusta causa, eodem iure exigit, ut totam Deo vitam debeas atque reddas.

Percurre quos voles ex omnibus, nullus vnus est, ex quo non conuincaris te totum, omnino totum, & non ex parte, ad Illum spectare, à quo habes vt sis, vt sis redemptus, vt sis iustificatus, & aliquando glorificandus. *Totum quod es illi debes, à quo totum habes, illi præcipue Domino qui & te fecit, & bene fecit tibi, qui tibi ministrat syderum cursus, aeris temperiem.* Et quæ plura refert S. Bernardus. Et certe possesne tibi aliud persuadere? possesne de Deo tam abiectè sentire: aut de te tam magnifice: vt quantus quantus est Deus, te toto non esset dignus, sed parte tantum aliqua? Tu quis es? quem teipsum facis? Qualis qualiscumque sis, an aliquam tui partem à te, vel ad te tactam putas? An decertare velles cum Deo, de principio & fine tui? An ex parte tantum putas dici, quod *in Ipso vivimus, & monemur, & sumus?*

Serm. de quid. de-bito.

Act. 17.

Quid præterea! Sanguis ille diuinus, diuina illa Vita pro te fusa non esset satis digna, non satis ampli meriti vt totam vitam tuam promereretur, sed partem tantum aliquam? O te vecordem si hoc putes! Et vbi vox Apostoli, *Non estis vestri, empti enim estis pretio magno!* Vide in die Paralceues. Quid denique de illa æterna Beatitudine quam promittit, cogitabis? Quod pones

1. Cor. 6.

Serm. 44.
de SS.

ei pretium, quanti putabis illam valere? an dimidia, vel aliqua tui solùm parte? Quàm longè aliter sentiebat Ille Martyr de quo S. Augustinus; *Qui huius beatissima æternitatis contemplatione nullum vitabat periculum, nullum horrebat supplicium, & si milles posset mori, non putabat se hanc digne posse aliqua ratione promereri. Rectene ille? rectene tu si contrà sentias!*

III. PUNCTVM.

Dent. 6.
Matth. 21.
Ier. 10.

AVT nullam igitur vita partem, aut totam Deo debes; Quia quo titulo, quo iure, quauē ratione debes partem, debes totum, vnde aut neges omnino necesse est te Illi debere aliquid, aut fatearis te debere totum. Cur enim aliquid? Loquere, dic cur debes aliquid? An verò præcisè hoc solum debes, nec amplius? Responde, si audes; Et adde, cur illam potius vitæ partem quam reddis, debere te agnoscis, quàm illam quæ à te subtrahitur? Qui! quod Illa quam subtrahis, illa pro certo est, quam magis vult Deus, nam illa est quam cariorem habes, & in qua magis posses ostendere quanti præ te illum ducas. Denique, an te putas diuino diuinæ Dilectionis præcepto teneri? At quale est illud præceptum, nisi *ex toto corde tuo, ex tota mente tua, ex tota anima tua, ex totis viribus, ex tota virtute, & ex tota fortitudine tua?* Potestne intelligi pars aliqua non comprehensa vbi toties T O T V M repetitur?

Job. 13.

Job. 16.

Matth. c. 15.

Ier. 5.

Ac tandem, vt videas te, ne quidem vllam partem reddere, si non reddis totam: nihil reddis Deo, si Deus non acceptat quod reddis. Expende hoc accuratè, si Deum non inuenis in ea parte qua illum quæris, vbi tandem eum inuenies, & quid tandem illi reddes? Audi vero beatum Iob: *Si ad Orientem iero, non appareat; si ad Occidentem, non intelligam eum: si ad sinistram, quid agam, non apprehendam eum: si me vertam ad dexteram, non videbo illum.* Nonne est mirum quomodo sic nullibi reperiatur Deus, cum vbique sit? Sed apte ad rem nostram respondet S. Gregorius. *Creator quippe omnium in parte non est, quia vbique est: & tunc minus inuenitur, quando is qui totus vbique est, in parte queritur.* Quasi diceret, si in aliqua vitæ tuæ parte, si in aliqua tantum actione eum quæris, & non in omnibus: non illum reperis, quia vult in omnibus quæri. Ibo ad optimates, aiebat Propheta, & loquar eis, ipsi enim cogauerunt viam Domini, iudicium Dei sui, & ecce magis hi

Stella Magis apparet, dum lucet ambulandū ne tenebræ fiant. 197
simul confregcrunt iugum, ruperunt vincula. Cum enim scirent
quod placeret Deo, & facerent in aliquibus: displicebat maxime
Deo quod non in omnibus, quasi non ita mereretur vt vniuer-
sū in omnibus sicut in parte coleretur: Quod certe illi est valde
probrosū. Esto itaque vigilans, & confirma cetera quæ moritura
erant, non enim inuenio op̃ra tua plena coram Deo meo. Christus
est qui tibi loquitur. Nec verbis illi respondendum, sed operibus,
quæ nisi plena sint plenitudine quam vocant extēsiua & inten-
sīua, nihil respondent. Apoc 3.



DIE V. IANVARII.
QVÆ EST VIGILIA EPIPHANIÆ.
DE STELLA TRIBVS MAGIS
APPARENTE, DEQVE HORVM ADVENTV
IN CIVITATEM IERUSALEM.

Vidimus stellam eius in Oriente, & venimus adora-
re eum. Math. 2.

VERITAS PRACTICA.

Dum lucet, ambulandum: ne tenebræ fiant.

RATIO quæ declarat tenebras fieri, si dum lucet, non ambules,
concludit etiam, tibi dum lucet, esse ambulandum. Cum enim
tenebras fieri tam aperte damnosum sit & cauendum: satis esse
videtur ad hanc cautelam persuadendū, si agnoscas fieri tenebras.
Sic autem Ratio suadet, Quia si dum lucet non ambulas, abuteris
Lumine.

Sed si abuteris lumine, eo priuaris, & fiunt tenebræ.
Ergo dum lucet ambulandum, ne tenebræ fiant.

I. PUNCTVM.

Num. 24.

POSTQVAM ex historia Evangelica consideraueris stellam illam insolitam, quæ vt olim Propheta Balaam prædixerat, apparuit tribus Magis, aut Regibus qui erant huius Prophetæ successores: Ac deinde eorum in urbem introitum, totiusque Ciuitatis cum Herode perturbato commotionem, attenta mente peruolueris: Contemplare quàm diuerso se gerant modo, Magi & Iudæi: & vtroque quàm miro & stupendo.

Mat. 12.

Ecce Magi visa itella quæ indicat nouum Regem Iudæorum natum, sese statim dant viæ ad illum adorandum, nullas itineris difficultates metuunt, nulla Ciuitatum horrent pericula: inquirunt palàm, vbi nam sit ille natus, neque ab inquirendo cessant donec eum inuenerint. Iudæi vero quorum magis intererat scire & videre suum Regem, vix suo se propterea mouent loco, vix villo tanguntur eius visendi motu. O pauenda Dei iudicia! Vt illi feruent! vt isti frigent! Quàm vere Christus Dominus, *Ambulate dum lucem habetis, vt non vos tenebra comprehendant!* Dum enim Magi ambulant in luce sua, sic merentur videre Christum & maiori gratiarum lumine collustrari. Dum vero Iudæi negligunt aut differunt eo vti Lumine, quo Christum nosse poterant, sic illo tandem priuantur & obtenebescunt in sua perfidia, vt vix post vnquam, Christum cognouerint.

Prov. 21.

Sic plane nobiscum agitur. Sic plane nobis, *Dum lucet ambulandum, ne tenebræ fiant.* Quod vt declararetur euidentius, sic procedit Ratio. Nisi fidenter ambules in eo quod tibi lucet Lumine, illo abuteris. Sicut enim ambulare in lumine, nihil est aliud quàm eo bene vti, quàm eò tendere quò te Lumen vocat, quàm id efficere quod declarat & innuit tibi faciendum: sic prorsus nihil horum moliri, nihil efficere, nec conari: abusus est luminis, quia tùm frustra tibi lucet quando non id agis propter quod lucet: Vnde est illud Sapientis, *Lucerna impiorum, peccatum.*

Iudic. 3.

O quoties tibi sic frustra, & quam pauendum! Numquamne hoc legisti ex Debboræ Cantico: *De Cælo dimicatum est contra eos: stella manentes in ordine & cursu suo, aduersus Sisaram pugnauerunt.* Manent scilicet in ordine & cursu suo itellæ, & Lumina quæ tibi hactenus frustra illuxerunt, vt appareat quoties illis

Stella Magis apparet, dum lucet ambulandū ne tenebra fiant. 199

abusus fueris, & confundaris. Sic in Apocalypsi, *Hac dicit qui tenet septem stellas in dextera sua*: Id est, qui repræsentat gratias & lumina, quibus illi abusi sunt ad quos Christi sermo dirigitur. Audi quid dicat, audi quid exprobet, & minetur.

II. PUNCTVM.

SED si abuteris lumine, eo priuaris, & fiunt tenebra. Ps. 34.
Fiat, inquit Propheta Regius, via illorum tenebra & Lubri-
cu n. Nam, ut ait S. Augustinus, *illa est pœna peccati iustissima, ut* Lib. de li.
amittat unusquisque illud quo bene uti noluit, cum sine difficultate arb.
posset, si vellet: ut qui sciens recte non facit, omittat scire quod re-
ctum est. Hinc est illud celebre Iob: *Ipsi fuerunt rebelles Lumini,* Iob. 24.
nescierunt vias eius, nec reuersi sunt per semitas eius. *QVI enim prius* L. 1.
sciendo rebelles sunt, inquit S. Gregorius, *postmodum cecantur ut* Mor. c. 26.
nesciant. Idcirco ille ipse qui tenet septem stellas in manu sua, *mo-* Apoc. 2.
nbo, inquit, candelabrum tuum de Loco suo, nisi pœnitentiam egeris.
 Denique quid clarius, quam quod ait Dominus, *Vide ne Lumen* Luc. 11.
quod in te est, tenebra sint.

Et certe si Apostolus Gentiles ait punitos esse & priuatos lu- Rom. 1.
 mine rationis, quia eo abusi fuerant; quantò tu magis eà pœnà
 dignus es qui sanctiori lumine abusus fueris: *Obscuratum est, in-*
quit, insipiens cor eorum; dicentes enim se esse sapientes, stulti facti
sunt; Vnde porro? *Quia cum cognouissent Deum, non sicut Deum*
glorificauerunt, sed euauerunt in cogitationibus suis. Et paulo post,
Sicut non probauerunt Deum habere in notitia, tradidit illos Deus in
reprobum sensum, ut faciant ea quæ non conueniunt; *QVIA enim*
glorificare noluerunt quem cognouerant, reprobo sensui traditi, ad hoc
relicti sunt, ut nescirent iam pensare mala quæ faciebant. Sic sanctus
 Gregorius: Vnde agnosces quod nili videas quantum in hoc pec-
 caueris, iam forte cœcitas, pœna est peccati tui: & verè possis di-
 cere, *Comprehenderunt me iniquitates meæ, & non potui, ut viderem.* Ps. 39.

III. PUNCTVM.

DVM lucet igitur, ambulandum; ne tenebra fiant; Quia si
 abuteris lumine, lumen transit in tenebras; & nili dum
 lucet ambules, tam verè tunc luce abuteris, quàm verè dicereris

Rom. 13.
Ephes. 5.

Pron. 4.

Is. 30.

2. Tim. 2.

Luc. 9.

recte & fideliter ea uti, si ambulares dum lucet. Nam sic ambulare nihil est aliud quam fideliter, sincerè, religiose, & prout noli quæque esse digerenda, sic digerere & exequi, nihil ut per negligentiam, & incuriam omittatur. *Sicut in die honestè ambulemus; Ut filij Lucis ambulate. Fructus autem lucis est in omni bonitate & Iustitia, & veritate, probantes quid sit beneplacitum Deo.* Sic enim fiet, ut non modo tates illæ tenebræ euitentur, sed contrà potius ium acceptum Lumen in dies augeatur, *Procedat & crescat usque ad perfectam diem*, ut ait Sapiens; Vel ut Propheta, *Erit lux lunæ sicut lux solis, & lux solis erit septemplex sicut lux septem dierum.* Neque unquam ut ait S. Augustinus, *Sol ille faciet à te occasum, nisi prius ab eo feceris casum.* **ILLE fidelis permanet, negare se ipsum non potest**, inquit Apostolus: Imo & ipse Dominus: *Omni habenti dabitur: ab eo autem qui non habet, & quod habet, auferetur ab eo.*

Vbi duplex motiuū proponitur fidelitatis seruandæ, vnum ne Lumen decrescat: & aliud, ut accrescat; Sicut enim male videnti decrescit; ita & bene videnti accrescit. *Domine Pater & dominator vitæ meæ, ne derelinquas me, ne adincrescant ignorantia meæ, & multiplicentur delicta meæ.*

Vide tu etiam ne derelinquas Dominum, & ne tibi plus nimio fidas, ac palpes.





DIE VI. IANVARII.
IN EPIPHANIA
DOMINI.

DE CHRISTO REGE A MAGIS
ADORATO, CVM OBLATIS MVNERIBVS.

Et intrantes domum, inuenerunt Puerum cum Maria Matre eius, & procidentes adorauerunt Eum; & apertis thesauris suis, obtulerunt ei munera, aurum, thus, & myrrham. Math. 2.

VERITAS PRACTICA.

Non nisi tribus oblatis Concupiscentiis, Rex Christus, re agnoscitur.

RATIO EST, Quia Rex Christus re non agnoscitur, nisi re ipsa te illi regendum praebeas.

Sed non nisi tribus oblatis Concupiscentijs, re ipsa te illi regendum praebeas.

Ergo nec aliter Rex Christus re agnoscitur. Quod certe est imprimis agnoscendum.

I. PUNCTVM.



IC pergit Euangelista de Magis: *Qui cum audissent Regem, abierunt; Et ecce stella quam viderant in Oriente, antecedebat eos usque dum veniens staret supra ubi erat puer. Videntes autem stellam gausi sunt gaudio magno valde. Et intrantes domum inuenerunt puerum cum Maria matre eius; Et quæ supra habentur. Sigillatim essent omnia expendenda. Si visa stella tantum fuit gaudium, quale putandum est, inuento Puer! qualis stupor, eo viso! qualis fides, eo adorato! qualis deuotio, eo munerato tribus illis mysticis donis quæ referuntur! His te adiunge, primis ex Gentilibus Regis Christi adoratoribus, vt simul cum illis Regem tuum agnoscas, simul cum illis fidei iuramentum præstes, aut renoues, ac denique simul cum illis tua munera offeras. Sic apte sanctus Leo: *Agnoscamus in Magis adoratoribus Christi, vocationis nostræ fideique primitias; Et post pauca: Ac sicut illi de thesauris suis mysticas Domino munerum species obtulerunt, ita & nos de cordibus nostris, quæ Deo sunt digna, promamus.**

Serm. 1. de
Epiph.

Sunt quidem multa quæ pro deuotione possis offerre, sed ex obligatione seu necessitate, tres sunt illi Concupiscentiæ offerendæ, quæ tribus Magorum muneribus designantur; *Auro* videlicet Concupiscentia oculorum, seu rerum habendarum cupiditas. *Thure* Concupiscentia superbiæ, seu honorum mundi. Ac denique *Myrrha*, Concupiscentia carnis seu voluptatum. Dicitur porro esse obligatio seu necessitas huius triplicis Concupiscentiæ offerendæ, quia, vt habet veritas valde consideranda, *Non nisi tribus his oblatis Concupiscentiis, Rex Christus re agnoscitur.* Nihil etiam gratius, nihil nobilius & ditius offeres, quia cum Christus, Rex sit cordium, non aliter regnat in cordibus, quam si hæ tres offerantur & summittantur ei Concupiscentiæ.

Ratio est manifesta quæ id demonstrat, nam vt regnet in cordibus nostris, vtque re ipsa Rex agnoscatur, nos illi totos regendos sinere, & omnem in partem ducendos vltro præstare debemus. Dixerunt serui Regis David ad eum, inquit Scriptura: *2 Reg 15. Omnia quacumque praeceperit Dominus noster Rex, libenter exequemur serui tui.* Hoc ipsum est dicendum & præstandum Regi

Christo qui vult ieros voluntarios & subditos sibi libenter addictos. *Rex regum est & Dominus dominantium*, etiam inuitis & Apoc. 19. reititibus nobis, Venietque tempus quo qui dixerunt, *Nolumus hunc regnare super nos*, illud audient, quod est in parabola, Luc. 19. *verumtamen inimicos natos illos qui noluerunt me regnare super se adducite huc, & interficite ante me.* Sed in aerea illi nos illi inuamus regendos, nos ille nobis inuet; nec re ipsa Rex noster erit, quia re ipsa non nos reget. Non enim aliter re ipsa Rex noster est, quam si nos vere regat, neque reuera nos aliter regit, quam si nos ei regendos permiserimus. Hinc psaltes Regius, *Virga directionis* ps. 44. *virga regni tui*; Quasi diceret, quantum est directionis exercitium, tantum est regnum: seu clarius, tantum re & actu regnat in nobis, quantum re & actu regit & dirigit, vnde si tolleres eius directionem, tolleres eius regnum, & ex illis esses de quibus conqueritur; *Me abiecerunt, ne regnem super eos.* Velles ne id 1. Reg. 3. tibi dici?

II. PUNCTVM.

SED non nisi tribus oblatis Concupiscentiis, re ipsa te illi regendum præbes.

Nam quid est te illi regendum dare, nisi te tuaque omnia sic illi subicere, vt quicquid prorsus extra vel intra, in animo vel in corpore, prosperum vel aduersum de te statuerit, & ordinarit, sic æquum bonum ducas, & tam libenter acceptes quam qui dicebat, *Dominus est, quod bonum est in oculis suis, faciat.* At 1. Reg. 3. quomodo sic te illi vniuerlim in omnibus subicies, nisi his oblati & sublati Concupiscentiis, quæ tam directe opponuntur huic diuinæ subiectioni, quàm caro spiritui, quàm appetitus Rationi, natura gratiæ, & vetus Adam illi Homini nouo, *Qui* Ephes. 4. *secundum Deum creatus est in iustitia & sanctitate veritatis?* Hæc enim sibi inuicem aduersantur, inquit Apostolus, *vt non quæcun-* Galat. 5. *que vultis, illa faciatis, nisi eorum vnum alteri submittat;* Quod egregia similitudine paulo ante idem Apostolus representarat, cum de Ismaële persequente Isaacum diceret, *Quomodo tunc is* Ibid. 4. *qui secundum carnem natus fuerat, persequatur eum, qui secundum spiritum, ita & nunc. Sed quid dicit Scriptura? Ejice ancillam, & filium eius: non enim heres erit filius ancillæ cum filio libera.* Id est

Ibid. 5. sic necessario reprimenda est caro cum Concupiscentiis, vt re-
gnet Christus; *Nam qui sunt Christi, carnem suam crucifixerunt*
cum vitiis & concupiscentiis.

Math. 22. Hoc manifeste paruit in illis inuitatis ad Nuptias Regias, aut
ad cœnam magnam, qui omnes noluerunt venire. Cur porro?

Luc. 14. quia videlicet vnus villam emerat, alius quinque iuga bouum, &
alius vxorem duxerat, quæ tria impedimenta tres complectun-
tur Concupiscentias, inquit S. Augustinus, quæ solent homines

De Verb. Domini. auocare à Christo Rege, quocumque eos vocet. At quæso te, si
inuitatos ad cœnam & ad nuptias, concupiscentiæ retinent,
quomodo putas retinebunt inuitatos ad ferendas iniurias, iacturam
bonorum omnium, & alia quæuis aduersa, quibus toleran-
dis paratos esse oportet eos qui se regendos Christo præbent?

2. Cor. 6. *Quomodo in omnibus exhibebunt semetipsos sicut Christi ministros*
in multa patientia, per arma iustitiæ, à dextris & à sinistris, per gloriã
& ignobilitatem, per infamiam & bonam famam, nisi eas subiece-
rint Concupiscentias, quæ dextra semper quærunt, nunquam
autem sinistra?

III. PUNCTVM.

NONNIS I ergo tribus oblatiis Concupiscentiis, Rex Christus re
& facto agnoscitur: Quia non aliter reuera in nobis regnat
quam nos regendo & ducendo quò ipse velit, neque nos aliter
regit & quò vult ducit, nisi subiciantur ei Concupiscentiæ, quæ
nos inde tam certo auocant, quàm ipse dæmon reuocat, qui nisi
per ipsas Concupiscentias in nobis Christo repugnat. *Hæc sunt*
Rom. 6. *videlicet arma iniquitatis peccato, in quibus confidit fortis armatus cu-*
Luc. 11. *stodiens atrium suum, qui à fortiori superueniente victus est, & à*
quo illa sublata sunt arma, vt est in parabola Euangelica. Quæ
certe consideratio plurimum valere potest ad hanc perfectam
triplicis concupiscentiæ oblationem, cum nisi eam Christo per-
fecte offeras & submittas, non modo non eum Regem habes, sed
quod horrendum est dictu, illum tibi facis Regem qui Rex
Iob 41. *est super vniuersos filios superbiæ, qui princeps huius mundi, & re-*
Ephes. 6. *ctor harum tenebrarum propterea dicitur, quia regnat in nobis per*
Concupiscentias, quæ faciunt tenebrosu hunc mundum, vt
1. Ioa. 2. expresse affirmat S. Ioannes.

Ioa. 18. Econtra vero Dominus, *Regnum meum non est de hoc mundo;*

Non dicit, non est in hoc mūdo, inquit S. Augustinus, sed nō est de hoc mundo, de mundo enim est quidquid ex Adam vitata stirpe generatur: factum est autem non iam de mundo quidquid inde in Christo est regeneratum, unde Apostolus, eripuit nos de potestate tenebrarum & ^{Coloss. 1.} transfudit in regnum filij dilectionis suae. Cum itaque vnum & idem sit, esse de mundo, & secundum Concupiscentias viuere; Quam vere regnum Christi non est de hoc mundo, tam vere non regnat in nobis, nisi repressis concupiscentiis.

O fortem & amabilem reprimendæ concupiscentiæ necessitatem, qua compellor aut negare Christum Regem, aut omnem illi subicere Concupiscentiam! Quid hic statuas anime? quid deliberes? quid proponas? Audi sanctum Bernardum ad illa verba, *Et regnabit in domo Iacob in aeternum; QVIS ex nobis est qui* ^{Hom. 4. sit per August. est.} *iuxta interpretatione nominis, Iacob, supplantet diabolum de corde suo, luctetur cum vitiis & Concupiscentiis suis, ut non regnet peccatum in suo mortali corpore, sed regnet in eo Iesus, & nunc quidem per gratiam, & in aeternum per gloriam? Beati in quibus Iesus regnabit in aeternum, quia & ipsi cum eo regnabunt. Et paucis interiectionis, Veni interim Domine Iesu, aufer scandala de tuo regno, quod est anima mea, ut regnes tu qui debes in ea. Venit enim auaritia, & vendicat in me sedem: Iactantia cupit dominari mihi: superbia vult mihi esse Rex: Luxuria dicit, ego regnabo; ambitio, detractio, inuidia, iracundia certant in me ipso, de me ipso, cuius ego potissimum esse videar. Ego autem quantum valeo, resisto: renitor quantum inuor. Dominum meum Iesum reclamo; ipsi me defendo, quia ipsius me iuris agnosco: Ipsum mihi Deum, ipsum mihi Dominum teneo & dico, Non habeo regem nisi Dominum Iesum. Veni ergo Domine, disperge illos in virtute tua, & regnabis in me, quia tu es ipse Rex meus, & Deus meus qui mandas salutes Iacob.*

Vide infra, Hebdomadam vigesimam quartam post Pentecosten, & Verbo, *Affectus, Christus, Concupiscentia.*

E O D E M D I E.

ALIA VERITAS PRÆCEDENTI CONNEXA.

Non à magno regno, Rex magnus, Christus ita est

prædicandus, quàm à magno Rege, magnum eius regnum.

RATIO EST, Quia quod est dignitate & merito maius ac dignius, non tam prædicatur ab eo quod est minus & inferius, quàm hoc minus à maiori.

Sed quantumcunque sit magnum Christi regnum, Christus est eo maior & dignior.

Ergo non à magno regno Rex magnus, Christus ita est prædicandus, quàm ab illo magno Rege, magnum eius regnum est dicendum: unde illud etiam ad uberiorem praxim intelligitur, quàm sit magnum & opportunum à tali Rege regi.

PRIMA propositio plana est, & facile demonstrabilis per vniuersa ea corpora quæ ex partibus heterogeneis, atque inter se differentibus componuntur. Non tam aurum à plumbo, vel à quouis metallo cui permiscetur, dignitatem & commendationem haurit, quàm ab auro plumbum. Non tam à conchyli vnio, seu margaritum, quàm à margarito conchyle commendabitur. Exornet animum qualecunque corpus, longe tamen ab animo, magis corpus exornatur: & quacumque infint in animis nostris naturalia, seu acquisita bona; multo tamen amplius animi ab infulis & supernaturalibus donis illustrantur quàm ab humanis & naturalibus. *Timor Domini super omnia se superposuit.*

SECUNDA vero propositio non est minus certa Christiano, qui de regno Christi quantumuis magnum sentiat, totum illud tamen esse creatum & finitum credit, ac proinde cum Christo Creatore & infiniti meriti, nulla ex parte conferendum. *Quis similis tui in fortibus Domine? quis similis tui?*

Ad maiorem tamen declarationem, tria possent hic pertrahati. Primum, quo iure Christus sit Rex. Deinde, quodnam & quale sit eius regnum. Tertio denique, qualis & quam magnus Rex ipse sit.

De primo, quinque reperiuntur iura, seu modi legitimi quorum vno vel altero Reges fiunt: ex quibus vniuersim omnibus,

Rex Christus factus est. Primò, Fundatione seu Institutione, sicut Romulus Rex Romanorum, Pharamundus Rex Francorum, & alij primi quique quarumcumque nationum Reges. Sic Christus regni sui primus est Institutor & Fundator, iuxta illud Apostoli: *Fundamentum aliud nemo potest ponere, præter id quod pos-^{1. Cor. 3.} tum est, quod est Christus IESVS.* Licet Petrus & alij Apostoli dicantur fundamentum, sed non quale est Christus, qui seipso consistit, & omnia sustinet. *Fundamentum est primum & maxi-^{In Ps. 86.} mum,* inquit sanctus Augustinus, *quemadmodum dicitur sanctus sanctorum, sic fundamentum fundamentorum.*

Secundo, Successione legitima, quæ quidem juris ratio sic pugnat cum præcedenti, ut nullus propriè possit esse fundator & successor regni. Nam si primus est, non est successor: si successor est, non est primus nec fundator; Sed in Christo Domino, duo illa simul tam aptè conueniunt, ut non minus sit successor quam fundator. Successor est veteris illius regni, quo Deus Iudæos sibi singulariter subditos regebat, & sanctis Legibus temperabat, de quo ipse Dominus: *Auferetur à vobis regnum Dei: Et^{Math. 21.} Dauid in eius persona, Ego autem constitutus sum Rex ab eo super^{Pf. 2.} Sion montem sanctum eius, prædicans præceptum eius:* Qualecumque illud esset spirituale regnum Iudæorum, ad Christum translatum est, sicut Sacerdotium, & quæ vniuersim de Synagoga, & veteri Testamento, conuersa sunt in nouam Gratiæ Legem & Ecclesiam, quæ est illud regnum de quo tam sæpe Christus in Euangelio, sub diuersis Parabolis. *Translati in regnū Filij dilectionis suæ.^{Coloss. 1.}*

Tertio, Acquisitione, cum quis iusto bello aut alio ex iure gentium, recepto titulo, sibi regnum acquirit; Sic Christus sua morte debellans, vel ut ait Apostolus, *Expolians principatus & Potestates, palam triumphans illos in semetipso,* Regnum hoc acquiuit, sicut Idem Apostolus: *Vos, inquit, Spiritus sanctus posuit Episcopos regere Ecclesiam Dei, quam acquisiuit sanguine suo.* Sic & dicitur, *Factus principatus super humerum eius: gettando scilicet Cru-^{Is. 9.} cem, sui Principatus inligne.*

Quartò, Donatione Dei, sicut Saul, Dauid, Ieroboam & alij, sic de Christo dicitur, *Dabit illi Dominus Deus sedem Dauid Patris^{Luc. 1.} eius, & regnabit in domo Iacob in æternum:* non eo quidem modo quo regnavit Dauid, sed alio spirituali & excellentiori, cuius typus & figura quædam fuit thronus Dauid, & domus Iacob. Da-

ps 44.
Heb. 1.

tum est autem Christo regnum, in ipsa vnione hypostatica; tunc consecratus & vnctus est in Regem & Sacerdotem, non materiali vnctione, sed illo latitiæ seu Diuinitatis oleo, de quo est in Psalmo, celebre illud, *Vnxit te Deus, Deum tuum oleo latitiæ præ confortibus tuis.*

1s 33.

Quintò & postremò, Electione, cùm populus vnanimi consensu, sibi aliquem in Regem eligit. Sic Christum Dominum Christiani omnes, hoc ipso quo sunt baptisati & professi eius fidem, Eum in suum Regem & Dominum eligunt. *Dominus Iudex noster, Dominus Legisfer noster, Dominus Rex noster, ipse saluabit nos.* Nonne id profiteris?

Ioan. 18.

Tract 50.
in Ioan.

Serm. 5 de
Epiph.

Opusc. de
regim.
p. inc. c. 25.

I A M verò quodnam est & quale illius regnum? Duo sunt distincta quæ quærentur. Primum est, an regnum eius sit temporale, vel spirituale. Disputatur à plerisque, in vtramque partem: sed communior & verior sententia est, esse tantum spirituale, prout ipse Dominus dixit, *Regnum meum non est de hoc mundo*, quod explicans sanctus Augustinus: *Quod est, inquit, regnum eius nisi credentes in eum quibus dicitur, de mundo non estis, sicut & Ego non sum de mundo, quia nūc eos vellet esse in mundo, propter quod de eis dixit ad Patrem: Non rogo ut tollas eos de mundo, sed ut serues eos à malo: unde & hic non ait, regnum meum non est in hoc mundo, sed non est de hoc mundo.* Itemque alibi. *Non Rex Israël Christus ad exigendum tributum, vel exercitum ferro armandum, host. s. que visibiliter debellandos; sed Rex Israel, quod mentes regit, quod in æternum consulat, quod in regnum cælorum credentes, sperantes, amantesque perducat.* Sic sanctus Fulgentius; *Quid turbaris H. rodes, Rex iste qui natus est, non venit Reges pugnando superare, sed moriendo mirabiliter subjugare. Nec ideo natus est ut tibi succedat, sed ut in Eum mundus fideliter credat.* Sanctus denique I. I. Thomas post allatum Scripturæ locum, *Ex quo, inquit, apparet quod Dominium Christi ordinatur ad salutem animæ, & ad spiritualia bona, licet à temporalibus non excludatur, eo modo quo ad spiritualia ordinantur.*

A L T E R V M autem quod in secundo hoc puncto quæritur, est, qualenam sit eius regnum, quænam sint eius qualitates quas vocant, quænam regni præcipua capita, unde magnum, & cæteris præstantius terræ regnis, dici possit.

Quinque referuntur, quò alia reuocari possint. Primum est, ipsa

ipsa regni natura seu regendi ratio quæ tota est spiritualis , tota est Animarum , tota Cordium , tota interior & supernaturalis qualem in terra nullam videas similem. Licet enim totus homo sit Christi, qui de ipso statuatur prout velit, quia tamen prima & antecedens eius voluntas est, vt animos ad se trahat & corda sibi deuinciat , ibi potissimum regnare dicitur , vbi amor regnat, Quod genus regnandi & regendi est præcipuum, sublime , augustum, cœleste, & Diuinum; *O felix hominum genus , si vestros amor , quo cælum regitur, regat.* Boetius l. 2. metro. 8.

Secundum est regni amplitudo, est enim omnium non tantum hominum, sed & Angelorum & Dæmonum, licet diuerso modo. Sic enim exaltatus dicitur Dominus vt in *Nomine eius*, id est, ad eius imperium, *Omne genus flectatur cœlestium, terrestrium, & Inferorum*, id est, omnes Ei Creaturæ subijciantur & pareant.

Tertium est libertas, nobilitas, opulencia & beatitudo subditorum huius regni; Sunt enim ipsi omnes Reges, *Omnes Filij Dei, omnes eius heredes, & cohæredes Christi*; Quid nobilius, quid beatius. *Non timet ille habere consortes*, inquit sanctus Augustinus, *quia eius hereditas non sit angusta, si multi eam possederint.* Rom. 8.

Quartum, pax & securitas ex hac etiam vita; hoc enim singulariter de hoc regno dicitur, *quod sit pax & gaudium in Spiritu sancto*, id est, spirituale, verum & solidum gaudium, quod sicut non est à mundo, ita nec mundus auferre potest. *Et gaudium vestrum nemo tollet à vobis.* Rom. 14. I. m. 16.

Quintum est regni firmitas atque aternitas, hoc est enim regnum de quo Propheta Daniel, *Quod in aeternum non dissipabitur, & regnum eius alteri populo non tradetur, comminuet autem & consumet vniuersa regna hæc, & ipsum stabit in aeternum. Et regni eius non erit finis.* Dan. 2. Luc. 1.

HÆC certe magna sunt & singularia, hæc sunt vnde magnum & singulare regnum Christi, merito dici debeat & gloriose prædicari. Sed Rex ipse Christus Dominus tanto interuallo superat illam omnem sui regni magnitudinem & singularitatem, quanto Creator creaturam.

Quinque sunt Eius etiam excellentiæ & perfectiones regis, quæ sunt ita notæ cunctis, vt eas vel appellare sufficiat.

Prima est, Sanctitas de qua expresse apud Daniele, *Donce*

Dan. 9. *Ungatur Sanctus Sanctorum.* Quantum verò Regi conferat ad Iplius cultum & obseruantiam, nemo nescit.

Secunda est, Sapientia quæ dirigendo regno imprimis est necessaria, vnde & disertè dicitur, *Regnabit Rex & Sapiens erit, & faciet iudicium & iustitiam in terra.*

Tertia est, Iustitia siue æquitas, nulli vt vmquam injuriam faciat, nullum violente cogat, nullius iura violet. *Non secundum visionem oculorum indicabit, neque secundum auditum aurium arguet, sed indicabit in Iustitia pauperes, & arguet in æquitate pro mansuetis terra. Virga æquitatis, virga regni tui.*

Quarta est, Bonitas seu Liberalitas, qua vel præueniat bonis innumeris, suos subditos, sibi etiam rebelles & infensos, vel comitetur & sequatur præmiis ingentibus tum gratiæ, tum gloriæ sempiternæ. *Benedicentur in Ipso omnes tribus terra.*

Quinta est, Potentia & fortitudo suis conseruandis, protegendis, & ita promouendis ad suum optatum finem, *Ut non rapiat eos quisquam de ipsius manu, Nemo diripiat, nisi se ipsi velint subducere. Liberabit pauperem à potente, & pauperem cui non erat adiutor, Beati viri tui, & beati serui tui qui stant coram te semper, & audiunt Sapientiam tuam.*

EX quibus, & aliis prope infinitis quæ regiam Christi Domini Dignitatem spectant, diligenter expensis, aperte liquet quàm vere non à magno regno, Rex magnus Christus est, sed potius à magno Rege, magnum sit regnum. Esto sint magna quæ confert, at maior Ipse est suis donis. Sint serui eius liberi, sint nobiles, sint opulenti, sint beati omnes in quibus regnat: At suprema illa Sapientia qua eos regit, suprema illa Bonitas qua eos fouet: suprema illa Potentia qua eos vt pupillam oculi seruat, & ad æternam ducit beatitatem, longe maior est, longe excellentior est, ipsa eorum foelicitate qua in coelis fruuntur. *Maior est Deus corde nostro,* inquit dilectus Discipulus: Quasi diceret, quidquid in nobis maius est, in corde nostro est, siue in ea nostri parte quæ capax est Dei possidendi. At quantumcumque pars illa sit capax & magna, maior est tamen Deus, cui toti totaliter capiendo, nil par creatum esse potest, cum se Ipse solus comprehendat.

Atque hæc intelligere & crebro cogitare multum prodest ad Praxim seruitutis nostræ, tanto Regi fidelius exhibendæ. Sic

enim purior est noster animus qui Christi meritum magis spectat quam ullam inde nobis promanantem vtilitatem. Sic nos Illi magis ac magis subdimus, cum quantumcumque obsequij deferamus, major sit Ille omni laude, maior omni obsequio. Sic quam insipienter illi agant euidentius patet, qui se ab Illo subtrahunt, quo nullus sapientior ad regendum, nullus potentior ad protegendum, nullus æquior ad imperandum vel exigendum, nullus melior ad benefaciendum, nullus maior ad beandum. Et tamen quam illi multi sunt, qui se ab Illo subtrahant ! Quam verè sanctus Augustinus : *Modo multi Christum Regem in cæto se- In Ps. 55. dentem, & ubique regnantem habere nolunt.*

O quam iustè, quam prouidè præmaturo interitu puniuntur Luc. 19. illi qui talem tantumque Regem nolunt in se regnare ! Quamquam quid grauius, quid acerbius non ad culpam modò, sed ad pœnam, quam hoc nolle ? Quid enim est hoc nolle, nisi se à pacato Rege ad iratum conuertere ? Quid est hoc nolle, nisi malle à sua praua cupiditate regi, quam à Diuina Sapientia ? nisi malle ibi viuere vbi loco Christi, Dæmon regnat ! Potestne grauius aliquid cogitari ?



DIE VII. IANVARII.

NISI SIT DOMENICA, CUIVS PROPRIA MEDITATIO
HABETVR INFRA, DIE DVODECIMA,
IN DECVRSV HISTORIÆ EVANGELICÆ.

DE REDITV MAGORVM IN PATRIAM SVAM.

*Et responso accepto in somnis, ne redirent ad Hero-
dem : per aliam viam reuersi sunt in regionem
suam. Math. 2.*

VERITAS PRACTICA.

Non aliud, sed aliter.


SENSVS EST, Quod consilia melioris vitæ, non tam sæpe spectant aliud in agendo, quàm modum & finem agendi; Non aliud in re & substantia, sed aliter in modo & fine.

RATIO EST, Quia ibi sunt figenda consilia melioris vitæ, vbi magis deficimus.

Sed ordinarie magis deficimus in modo & fine agendi, quàm in substantia rerum agendarum.

Ergo illa consilia non tam spectant aliud in agendo, seu aliud in re & substantia, quàm ut aliter in modo & in fine agatur.

I. PUNCTVM.

VT indignus erat Herodes, ceterique Iudæi qui Magos audirent, referentes ea quæ viderant & fecerant: aut periculum erat Magis, ne male à Iudæis haberentur, & a fide atque à religione auocarentur: quamobrem admonentur in somnis, ne quæ venerant reuertantur, sed alia via remigrent in patriam suam. Sic fidelis Deus iis qui se suaque omnia semel ei obtulerunt. Est vero præterea moralis & mystica huius reuersionis, per aliam viam ratio, nempe ut Magi discerent se posse quidem viso Christo, repetere sua regna, sua negotia, & quicquid ante domesticum & ciuile agebant, sed non eodem modo & fine agendum; non ex naturæ deprauatæ impetu, non turpis lucri, aut vanæ ambitionis gratiâ, sed rectæ rationis & diuini ductu Numinis, ad supremi Dei cultum & æternæ beatitudinis consecutionem. Iamque illud meditabantur quod postmodum scripsit S. Petrus, *Ut iam non desideris hominum, sed voluntati Dei quod reliquum est in carne, viuant temporis. Sufficit enim præteritum tempus ad voluntatem Gentium consummandam.*

1. Petr. 4.

Sic ad nos pie deriuat S. Gregorius, hanc Magorum reuersio

nem, dum ait, *Magnum vero nobis aliquid Magi innuunt, quod in regionem suam per aliam viam reuertuntur.* Regio quippe nostra, paradisus est, ad quam Iesu cognito, redire per viam quâ venimus prohibemur. A regione etenim nostra superbiendo, inobediendo, visibilia sequendo discessimus: sed ad eam necesse est, ut flendo & obediendo, visibilia contemnendo, atque appetitum carnis refranando, redeamus.

Atque hinc Forma quædam Emendationis vitæ, seu Renouationis spiritus datur; ut quando de hoc negotio agitur, seu quoties melioris vitæ consilia suscipiuntur, non ita spectent ut aliò proficiamus, quàm ut alià via redeamus ad idem officium nostrum; Non aliud meditemur agendum, sed aliter; *Non aliter in re & substantia, sed aliud in fine & modo.* Quæ Veritas quia est valde practica & opportuna, idcirco præcipiâ est consideratione digna. Sic autem aperte declaratur. Ibi sunt figenda melioris vitæ consilia, vbi magis deficimus: hoc primum expendendum, siue ille defectus vitiosus sit, siue imperfectio, aut perfectionis aliqua tantum priuatio, si quid à nobis desideratur, si quid nimis aut minus fiat, si quid denique corrigendum & emendandum; nonne in id præcipue incumbit negotium Emendationis aut Renouationis vitæ? Nonne hinc illi Prophetarum quesius, & lamenta; *Vulnus & liuor & plaga tumens non est circumligata nec curata medicamine, neque fota oleo. QVARE non est obducta ciuitas filia populi mei? QVOD infirmum fuit non consolidastis; & quod confractum est, non alligastis: & quod abiectum est, non reduxistis:* quati dicerent, in defectibus emendandis erat posita tota vitæ emendatio.

Sic in Apocalypsi Christus Dominus suos illos Angelos seu viros Angelicos & Pastores, in quibus potissimum deficiant, seuerè admonet & arguit. Sic denique author libri de Imitatione Christi, *Semper aliquid certi proponendum est, & contra illa præcipue quæ amplius nos impediunt.* Et alibi *Duos specialiter ad magnam emendationem iuuant, videlicet subtrahere se violentè ad quod natura vitiose inclinatur: & feruenter instare pro bono quo amplius quis indiget.* Res est seria, res salutis, res æternitatis: Itane apprehendis?

II. PUNCTVM.

SED ordinariè magis deficiamus in modo & fine agendi, quam in substantia rerum agendarum.

Ger. 2.

Innitue aliquod tui examen. *Vide vias tuas, scito quid feceris*, ait Propheta. A mane ad vespèram. A prima diei actione ad postremam, ubinam deficis? in quo delinquis præcipue? Non deferis orationem, sed modum rite orandi; Non omittis diuinum officium, sed attentionem & deuotionem. Missam quotidie celebras, & satis crebro frequentas Poenitentiae Sacramentum; sed quonam modo? Sic in studio, in mensa, in relaxatione animi, in conuersatione, & officio particulari, si quid peccas, nonne vel quia in his te ipsum quæris, tibi plus nimio complaces, nimis effunderis & dissiparis, non satis religiose te contines? qui sunt omnes defectus circa modum & finem; nec tamen propterea contemnendi quasi leues & modici, cum ex fine præcipue iudicium feratur de actibus. Vnde illa Domini celebris sententia,

Luc. II.

Lucerna corporis tui est oculus tuus. Si oculus tuus fuerit nequam, totum corpus tuum tenebrosus erit. QVIA, inquit S. Gregorius,

28. Mon.
c. 13.

cum peruersa intentione quid vel rectum agitur, etsi splendere coram hominibus cernitur, apud examen tamen Interni Iudicii obscuratur. Huic te sùte examini, & appensus in itatera, Vide num sis minus habens; minus rectæ intentionis, & minus perfecti operis. Horrendum nempe illud est quod ait Dominus per Prophetam: *Scrutabor Ierusalem in Lucernis, & visitabo super viros defixos in facibus suis, qui dicunt in cordibus suis: Non faciet bene Dominus, & non faciet malè?* Id est, qui tibi fingunt nihil boni aut mali esse coram Deo in illis suis actionibus, quas ex naturali genio potius faciunt quàm spiritali motu.

Dan. 5.
Sophon. I.

III. PUNCTVM.

Dom. I.
Aduen.

NON ergo aliud, sed aliter: Non tam aliud in re & substantia quod facias, excogitandum tibi est, quàm in modo & fine, ut emendes quod male & perperam facis. Nam idem tibi, ut supra dictum est, meditandi & orandi exercitium redit quotidie; idem officij persoluendi munus, idem pene studium, eademque

De reditu Magorum in patriam. Non aliud sed aliter ag. 215

tecum particulatim, & cum alijs opera quotidiana, quæ nec mutare, nec augere, nec decurtare forsan ita conuenit, quam finem & modum adhibere, quibus perfecte magis & integre digerantur. Ibi ergo curatio sit ubi vulnus, & ibi restauratio ubi iactura.

Scrutemur vias nostras, & reuertamur ad Dominum. Iuste quod ius- Thron. 3.

stum est persequeris, ait Dominus. Et iterum, Qui enim custodie- Deut. 10.

rint iusta iuste, iustificabuntur: Id est, qui debito fine & modo. Sic Sap. 6.

Apostolus, hoc vnum in se & alijs promouebat: *Imitatores mei* Phil. 3.

estote fratres, & obseruate eos qui ita ambulant, sicut habetis formam

nostram. Rursumque alijs, Rogamus vos & obsecramus in Domino 1. Tim. 4.

Iesu, ut quemadmodum accepistis à nobis, quomodo vos oporteat ambu-

lare, & placere Deo, sic & ambuletis, ut abundetis magis. Descende

ad singula, quemadmodum acceperis, quomodo te oporteat me-

ditari, orare, conuersari & viuere. Memor esto unde excideris. In Apo. 2.

mente habe qualiter acceperis & audieris, & serua, & pœnitentiâ age. & 3.

Vide Verbo *Renouatio. Emendatio.*



DIE VIII. IANVARII,

NISI SIT DOMINICA.

DE PRÆSENTATIONE PVERI IESV,

IN TEMPO:

ET DE PURIFICATIONE VIRGINIS MATRIS.

Postquam impleti sunt dies purgationis eius, secundum Legem Moyse, tulerunt Illum in Ierusalem, ut sisterent eum Domino. Luc. 2.

VERITAS PRACTICA:

Non quid liceat, sed quid magis expediat.

SENSVS EST, Quod cum multa liceant, quæ non expediunt,

tunc in eorum electione, magis attendendum quid expediat, quàm quid liceat; seu quod idem est, Non ita est attendendum quid liceat, quàm quid expediat.

RATIO EST, Quia quando aliqua licent ex uno capite, & non licent ex alio, tunc potius attendendum est caput ex quo non licent, quàm aliud ex quo licent.

Sed quando non expediunt, perinde est ac si ex hoc capite non licerent, tametsi ex alio licent.

Ergo tunc potius attendendum non quid liceat, sed quid magis expediat; Exemplo sanctissimæ Virginis Matris, quod tamen pauci respiciunt ad imitandum.

I. PUNCTVM.

Exod. 13.
Leuit. 12.

IVDÆA Mulier si suscepto semine masculinum peperisset, duplici lege tenebatur se filtere Ierosolymis, quadragesimo à partu die: altera quâ se purificaret, alterâ quâ filium Deo tunc offerret. Neutrâ vero lege Beatissima Virgo parens obligabatur, tunc quia Mater erat Virgo, quæ non suscepto semine pepererat, tû quia Filius erat ipse Legislator, & Deo Patri oblatus antequam natus. Vtrique tamen legi obedire voluit, non quid liceret, sed quid magis expediret attendens. Id enim ita expediebat, non modo ratione Filij quî venerat non legem solvere sed adimplere; verum & consideratione ipsius Matris, quæ multa & luculenta in hoc bono opere, virtutum exempla, cogitatione & imitatione colenda nobis reliquit.

Qualis quantaque Humilitas, sic apparere purificandam quatuor vnam ex immundis mulieribus! Qualis amor Puritatis, sic velle amplius, quantum id fieri posset, purificari! Qualis Religio & Deuotio, in offerendo Filio pro salute totius humani generis? Quale Paupertatis studium in pullis columbarum simul oblati, quæ erat expressa nota pauperum? Qualis denique Obedientiæ perfectio, seu perfectionis integritas, nulla re velle prorsus deesse officio, ubi tamen nullum erat officij debitum! Admirare, congaude, & illos imprimis affectus exprime, qui Veritatis propositæ

propositæ ad imitandum magis erunt conformes. Est enim utilissima Veritas & in praxim frequentissima, *Vt non quod nobis liceat in multis quæ occurrunt, sed quid magis expediat, attendamus.*

Et quidem Ratio posset duci à consideratione maioris boni propter quod multa non expediunt, quæ alioquin licent; quo vno motivo non est dubium quin sanctissima Virgo Mater moveretur; sed quia pauci sic intuentur maius illud & perfectius bonum ad quod ex præcepto non tenentur, visum est potius Rationem petere à malo quod incurritur, nili Veritas observetur.

Sic autem procedit Ratio: Quando aliqua licent ex vno capite, quæ non licent ex alio, tunc potius attendendum est caput ex quo non licent, quàm aliud ex quo licent. Nam vt supra consideratum est, bonum quidem omitti potest, malum autem *Die 2. la.* nunquam committi: Vnde si quid ex se suaque natura vel specie, licitum & indifferens, aut etiam bonum est, vt oratio, ieiunium, mortificatio corporalis, aut quid simile: si tamen ex alio capite vitietur aliquâ peccati notâ, vt quod vetetur à superiore, vel quod grauitur offendat sanitatem, vel quod manifeste maius impediat bonum: Nonne tunc omittendum esset istud opus, licet ex se licitum, licet bonum? Nonne tunc potius spectandum illud esset caput ex quo malum est, quia vetitum & non licet, quàm aliud ex quoliceret? Sic fuisse sanctus Bernardus in propria voluntatem, *Grande malum propria voluntas quâ sit vt bona sua tibi bona non sint.* Expende accuratius quàm id verum, & tibi proprium.

II. PUNCTVM.

S*ED quando res non expediunt, perinde est ex hoc capite ac si non licerent, etsi ex alio licent.*

De his enim rebus hic agitur quæ ita licent & non expediunt, vt ex qua parte non expediunt, non liceant, quia nempe sine notabili detrimento proprio, vel scandalo proximi, aut aliquo simili damno non possint fieri.

Tale est Sacerdoti vel Religioso tractare aliquid saculare liberius. Tale & vni Religioso vel sæculari aliquid quod non alteri conveniret, propter diuersam conditionem, vel temperamentum naturale, vel aliquam aliam circumstantiam: Vnde Sapiens

Ecclesi. 37. sapientissime monet; *Fili in vita tua tenta animam tuam, & si fuerit nequam, non des illi potestatem: Non enim omnibus omnia expediunt, & non omni animæ omne genus placet. S A E P E* aliis officiunt, quæ alijs profunt, inquit sanctus Gregorius, nam & plerumque herba quæ hæc animalia reficiunt, alia occidunt, & lenis sibilus equos mitigat, catulos instigat: & medicamentum quod hunc morbum immittit, alteri vires iungit: & panis qui vitam fortium roborat, parvulorum necat. Hinc diuinum illud, *Nosce teipsum*; Et apte Sapiens; *Vbi non est scientia animæ, non est bonum.* Habesne hanc scientiam? Nosti ne teipsum; quid noceat, vel quid magis proficit ad salutem?

III. PUNCTVM.

ERGO tunc potius attendendum, non quid liceat, sed quid magis expediat; Quia cum non liceat ex qua parte non expedit, hoc est spectandum potius quod non licet, quam quod licet. *Omnia mihi licent*, inquit Apostolus, *sed non omnia expediunt.* Atque iterum in eadem Epistola; *Omnia mihi licent, sed non omnia expediunt; omnia mihi licent, sed non omnia edificant.* Ex quibus locis & verbis, Veritas nostra valde confirmatur: Nam ibi quæstio erat de litibus non agitandis à Christiano apud Infideles, & de Idolothytis non manducandis: quæ duo per se erant licita, sed non erant edificationis, imo scandali & offensionis, ac proinde non expediebant: & sic considerata, erant velut mala & illicita, nec minus fugienda, quam si per se mala fuissent. Vnde idem Apostolus. *Noli propter escam destruere opus Dei; omnia quidem sunt munda, sed malum est illi qui per offendiculum manducat.* Idemque alibi; *Sic peccantes in fratres, & percutientes conscientiam eorum infirmam, in Christum peccatis.* Quapropter si esca scandalizat fratrem meum, non manducabo carnem in æternum, ne fratrem meum scandalizem.

Sic plane tibi dicendum de his omnibus quæ quotidianâ experientia potes obseruare tibi non expedire, tamen liceant; *Non quid Liceat, sed quid magis expediat*, attendendum. Hoc enim non expedit vobis, inquit Apostolus, hoc vnum affert quo illis persuadeat quod persuadendum proponit. Sic Christo Domino quanta licebant in vita Ipsius, si his vti voluisset? Sed quia non

expediebat tibi, ut aliter viveret, idcirco sic vitam instituit, sicque à se institutæ vitæ rationem hanc reddit, *Quia sic tibi expedit.* Quare ab eo cur ita natus, cur circumcissus, cur fugatus in Ægyptum, cur ita mortuus, cur denique in cœlum rediit, *Expe.* *Joan. 16.* *dit,* inquit, *vobis, ut ego vadam.* Non quid liceat, sed quid magis expediat, hoc attendo. Tu vero quid dicis ne abstineas licitis, ne te tuis priues commodis, aut ne arctius quàm velles, te constringas? Quid excusas? Quid objicis? Non est inquis, culpa lethifera, non est obligatio, *Sii fortitudo nostra, lex Iustitia,* quidquid *Sap. 2.* possumus citra grauem culpam, hoc denuum liceat, & quicquid licet, hoc intrepide audeamus. O vocem effrenatæ licentiæ! Quàm recte dictum à Propheta: *Declinantes in obligationes adducet Dominus cum operantibus iniquitatem?* *Ps. 124.* Si tantum respicis quod ex præcepto te obligat, si non quid expediat, sed quid tibi liceat in agendo spectas, non eris immunis à peccato, non erit innocens illa licentia; aut illa cito peribit innocentia. Neque enim tenetur ipse Deus tibi conferre Gratias quibus abuteris, & quibus priuatus corrues. *Quasi liberi & non quasi velamen habentes* *1. Pet. 2.* *malitia, libertatem: sed sicut serui Dei.*

Vide in festo Purificationis Beatæ Virginis.



DIE IX. IANVARII

NISI SIT DOMINICA.

DE OCCVRSV SIMEONIS

IN TEMPLO: ET DE IIS QUÆ VENTURA

CHRISTO AC VIRGINI MATRI.

P R A E D I X I T.

Ecce positus est Hic in ruinam, & in resurrectionem multorum in Israël, & in signum cui contradicetur, & tuam ipsius animam pertransibit gladius. *Luc. 2.*

Ee ij

VERITAS PRACTICA.

In pace amaritudo : & pax in amaritudine.

SENSVS EST, Quod ſicut in pace & tranquillitate noſtra, debet eſſe aliqua cordis amaritudo ; ſic in cordis amaritudine, pax & tranquillitas inſint neceſſe eſt ; Neutra ex his ſeparatim, ſed utraque ſimul conjunctim.

RATIO EST, Quia idcirco in pace debet eſſe amaritudo aliqua, ne alioquin pura pax animam obruat.

Sed niſi pax eſſet in amaritudine, ſola etiam amaritudo animum abſorberet.

Ergo & in pace amaritudo, & pax in amaritudine.

I. PUNCTVM.



*E*ccce homo erat in Ieruſalem cui nomen Simeon, & homo iſte iuſtus & timoratus. Vide quæ plura habentur de eo, in textu, & ex ſingulis decerpe aliquid ad proſectum : Tum vero præcipue ex iis quæ prædicit ventura Chriſto Domino, & Virgini Matri. Mirum enim quanta inde in pace amaritudo fuerit, & quanta pax in amaritudine. Quàm tranquilla & quam iucunda pax eſſet in animo Virginis à nato Filio, ab auditis Angelis, à viſis Magis, & ab ipſo etiam benedicente Simeone, quis ignorat ? At quanta mox fuerit amaritudo in hac pace, cum audiuit poſitum Filium in ruinam multorum, & in ſignum cui contradiceretur, ſuamque ipſius animam pertranſiturum gladium, quis non videt ? Sic itaque ſimul deinceps coniuncta fuerunt in corde beatiffimæ Virginis pax & amaritudo, vt nulla pace fruereſetur niſi amara, nec vlla etiam amaritudine affligeretur niſi pacifica & tranquilla, cum illa eſſet Sapientia, *Qua in omnibus requiem quaſuit, & in hereditate Domini morata eſt.*

Nos in utroque peccamus ordinarie ; & nimis puram pacem appetimus, & nimia tabeſcimus amaritudine. Vtrumque ſecundum malum, vtrumque coniunctim bonum : *Et ſicut in pace amari-*

tudo aliqua insit necesse est, sic pax in amaritudine.

Ratio utriusque est eadem, & valde consideranda; Quia videlicet quando sola pax & tranquillitas animam possidet, animum dissolvit quodammodo, dissipat, & ita disperdit, ut sanctiores quique sibi vel maxime timeant ab illa pace. *Non solum temporalis* ^{1 Cor. 12.} *latitia, sed & spiritualis,* inquit S. Hieronymus, *est tentatio possidenti, ita ut indigeam aliquando Angelo corripiente, & Angelo Satanae qui me colaphizet, unde & Salomon ait, divitias & mendicitatem ne dederis mihi. Sic Monitor,* inquit idem S. Doctor, *Paulo datus est ad premendam superbiam, uti in curru triumphali, triumphanti datur Monitor suggerens, hominem te esse memento.* Sic sanctus Augustinus: *Magne virtutis est cum felicitate luctari, magna felicitas a felicitate non vinci.* Cui conformiter S. Bernardus, *Magnus cui* ^{3. de conf. 12.} *presens felicitas si arrisit, non irrisit.* Unde & sanctus Ambrosius: *Deus deliciis & gaudiis nostris ponit modum, ne supra alium effusa rationem obruant.* Idemque notat datum esse filio prodigo annulum in manu quasi signaculum, quo cordis interiora signarentur, ne in tanta lætitia sese nimis effunderet; Vide libri terti de Imitatione Christi caput vigesimum quintum, ubi hac inter alia; *Pax tua in multa patientia; non aestimes te veram pacem invenisse, si nullam senseris gravitatem.* O quam multi falluntur dicentes, *pax pax, cum* ^{Luc. 8.} *non esset pax.*

II. PUNCTVM.

SED nisi pax esset in amaritudine, sola etiam amaritudo animum absorberet.

Sic expresse Apostolus; *Ne forte abundantiori tristitia absor-* ^{2. Cor. 2.} *beatur quicuiusmodi est.* Quod quidem non tantum est perniciosum corpori, ne offendatur nimia tristitia, *Quæ exsecat ossa, & sicut* ^{Prov. 17. & 15.} *tinea vestimento, & vermis ligno, ita nocet cordi;* Sed & animo maxime officit, qui nimia intabescit amaritudine, & suis quodammodo destituitur facultatibus, unde Sapiens, *Non est sensus ubi est* ^{Eccles. 26.} *amaritudo, scilicet nimia.* Imo & ipsi animæ ad salutem & perfectionem valde adueriatur, quia sic magis patet tentationibus, diffidit Deo, languet virtute, ubi gravis, onerosa est aliis, prope in desperationem agitur; in quodam denique peccatorum inferno detinetur. Sic sanctus Augustinus interpretatur illud quod

Lib. 12. de
Grn. ad
lit. c. 33.

Hebr. 12.

Iacob dicit ad filios ſuos, *Deducetis ſenectutem meam cum triſtitia ad inferos. Videtur, inquit, hoc magis timuiſſe, ne nimia triſtitia ſic perturbaretur, ut non ad requiem beatorum iret, ſed ad inferos peccatorum. Neque enim paruum animæ malum eſt triſtitia, cum etiam Apoſtolus cuidam tam ſolicite timeret ne maiore triſtitia abſorbere-
tur. Atque idem denique Apoſtolus, poſt commendatam pā-
cem, Nequa inquit, radix amaritudinis ſurſum germinans impe-
diat, & per illam inquinentur multi. Videlicet quantum inde ali-
quando fueris inquinatus?*

III. PUNCTVM.

IN pace igitur amaritudo, & pax in amaritudine; Ne nimia pax
eſſet, aut nimia amaritudo nimis deprimat; *Omni cuſtodia
conſerua cor tuum*, ait Sapiens, *Ne declines ad dexteram neque ad
ſiniſtram, auerte pedem tuum à malo; Vias enim quæ à dextris ſunt, no-
uit Dominus: peruerſa vero ſunt quæ à ſiniſtris ſunt. Ipſe autem rectos
faciet curſus tuos, itinera autem tua in pace producet.* Ipſe eſt qui ut
ait Iob, utque interpretatur ſanctus Gregorius, *Sic facit ventis
pondus, & aquas appendit in meſura.* Ipſe eſt qui, ut habet ſacrum
prouerbiū, *Reſum dolore miſcet, & extrema gaudiū luctu occupat.*
Ipſe eſt denique qui nos facit *quasi triſtes, ſemper autem gaudentes.*
Vide ergo ne te illi opponas, ne ſi pure bona & tranquilla viſ ha-
bere omnia: dicatur tibi, *Fili recordare quia recepiſti bona in vita
tua*; aut ſi mala, ſine pace & patientia recipias, tu cum illis ge-
mas qui dicunt, *Laffati ſumus in via iniquitatis, & ambulauimus
vias diſſiciles: viam autem Domini ignorauimus.* In praxi Veritatis
propositæ, via eſt Domini, qui in monte Ii habet dum abundat
lætitia, de paſſione loquitur: Et in monte Caluarie dum ſatura-
tur opprobriis, & doloribus immergitur, de paradyſo cogitat &
fermocinatur. *Vade & tu fac ſimiliter.*

Vide Dominicam ſecundam Quadrageſimæ, & libri tertij de
Imitatione Chriſti, caput ſeptimum.



DIE X. IANVARII.

DE FUGA SANCTI IOSEPH IN ÆGYPTVM.

*Surge, & accipe Puerum & Matrem eius, & fuge
in Ægyptum. Matth. 2.*

VERITAS PRACTICA.

Non contristabit Iustum, quidquid ei acciderit. *Prou. 12.*

RATIO EST, Quia nihil sibi accidere Iustus putat, nisi Deo
volente.

Sed quidquid Deo volente accidit, non contristabit Iustum.

Ergo nec quidquid ei acciderit. Et tamen tam multa te contristant.

I. PUNCTVM.

PRACTIS de more omnibus quæ spectabant ad Le-
gem purificationis, reuersi sunt in Galilæam, in ciuita- Luc. 2.
tem suam Nazareth. Ita expresse sanctus Lucas. Tum
vero vix vnum aut alterum diem exegerant, Cùm ecce *Angelus Do-*
mini apparuit in somnis Ioseph, dicens, surge & accipe puerum & ma-
trēm eius, & fuge in Ægyptum, & esto ibi usque dum dicam tibi: fu-
turum est enim ut Herodes quærat puerum ad perdendum eum. Qui
consurgens accepit puerum, & matrem eius nocte, & secessit in Ægy-
ptum. Sic dilectis & paucis quidem verbis sanctus Mathæus, Matth. 2.
quibus magna latent mysteria, & multa consideratione dignissi-
ma. Qualis namque hæc agendi ratio, & quàm stupenda Dei
Prouidentia erga tres illas personas, quas habebat in mundo ca-
rissimas? Nonne Deo suauiores erant vix seruandi Filij? Non- Prou. 23.
ne ille est qui in manu sua cor Regum tenet? Nonne cor Hero.

dis immutare poterat, aut aliorum detorquere? Nonne Ciuitatem Nazareth, aut Iosephi domum, aut secliam illam familiam ab omni tutam injuria conseruare? Nonne inuincibilem reddere? aut inaccessam, aut terribilem, aut fulminatricem! Quid denique non poterat Omnipotens? Et ecce quasi nihil posset, procul amandatur vniuersa familia; protinus fugit, & fugit in Ægyptum!

At saltem præsto sint currus, præsto equites, ipsique non desint Angeli, qui fugientes vehant aut portent: saltem expectetur clara dies, vel nos inclarescat illultranda, quantum est satis, tenebrosæ viæ; saltem iusta concedatur mora comparando viatico, componendæ supellectili, salutaris vicinis, ac tam longo molestoque itineri præparando. Nihil horum; sed illo ipso momento confurgens Ioseph accipit puerum & matrem eius, domum deserit, dat se itineri, vnam Ægyptum cogitat.

O Iudicia Dei, vere abyssus multa! quis crederet hos tres exules familiam Dei esse! vel quis crederet, sic Deum regere familiam suam! Sed erigere anima mea, erigere altius quam sunt humana omnia. Cernenti quidem illos oculis carnis, vt sunt omni humana ope destituti, nihil videri possit miserius; sed attenta mente consideranti qua promptitudine obediunt, qua modestia incedunt, quo silentio, qua quiete, qua tranquillitate, & quibus canticis Deum laudant, nihil videri debet sublimius.

Sic itaque illos attente considera, vt videas ad imitationem & praxim, quàm vere Sapiens dixerit, *Non contristabit Iustum quidquid ei acciderit*, Nempe nihil sibi accidere putat Iustus, nisi Deo Volente, aut permittente, qui ideo expresse dicit, *Ego Dominus & non est alter, formans lucem, & creans tenebras, faciens pacem, & creans malum*. Ego Dominus faciens hac omnia. Qui & queritur & iminatur, si quis aliter sentiat; *Quis est iste qui dixit, vt fieret Domino non iubente? Ex ore Altissimi non egredientur nec bona, nec mala?* Quis diceret, quis est ille ignarus, quis ille temerarius, quis ille dialphemus in diuinam Prouidentiam, qui dubitet non æque eam procreare mala atque bona? Adeo non ille iustus est qui de hoc dubitet, vt tanquam iniustissimus & iniquissimus sit puniendus.

Et certe is erat inter alios, error amicorum Iob, qui putabant alienum à Deo esse, punire bonos & innocentes, contra quos Dominus

nus vni eorum loquens, *Iratuſ eſt furor meus in te, & in duos ami-* Job. 42.
cos tuos, quoniam non eſtis locuti coram me rectum, ſicut ſeruus meus
Iob. Quid clariuſ? quid expreſſiuſ? Crediſne Angelum nunciaſ-
 ſe Iolepho fugam, aut illum nuncium non niſi à Deo eſſe? Cur
 non æque credes, alia ſic à Deo prouenire mala, cum id æque
 ſcriptura teſtetur?

II. PUNCTVM.

SED quidquid Deo volente accidit, non contriſtabit Iuſtum.

Aut certe iuſtus non erit, ſi inordinate contriſtetur. Nani
 ſicut nihil iuſtiuſ quàm Deo volenti & iubenti parere & ſubjici,
 ſic nihil inuſtiuſ quàm velle ſe, ſuamque voluntatem præferri di-
 uinæ. *O homo tu quiſ eſt, qui reſpondeas Deo?* Vel enim iudicas il- Rom. 9.
 lud quod accidit iniuſte à Deo accidiffe, vel iuſte; ſi iniuſte, in-
 juſtus & iniquus ipſe eſt, qui Deo inuſtitiam imputare auſis.
Nunquid iniquus eſt Deus qui inſert iram, inquit Apoſtoluſ, *abſit,* Ibid. 3.
alioquin quomodo indicabit Deus hunc mundum? Quod ſi id iuſte pu-
 tas factum, nec aliter niſi iuſte & ſanctè poſſe Deum aliquid fa-
 cere credis, ſicut ait Deo Sapiens, *Cum ſis iuſtus, iuſte omnia diſponis;* Sap. 15.
 Nonne etiam tu iniuſtus eſt, ſi contriſteris & doleas de eo quod tu
 ipſe iuſtum & iuſte factum putas? Sic egregie S. Gregoriuſ in hæc L. 2. Mor.
 verba Iob, *Sicut Domino placuit ita factum eſt, CV M enim in hac c. 15.*
vita, ea que nolumuſ patimur, neceſſe eſt vt ad Eum qui inuſtum velle
nihil poteſt, ſtudia voluntatiſ noſtræ inclinemuſ. Magna quippe conſo-
 latio in eo quod diſplicet, quod illo ordinante erga noſ agitur, cui non
 niſi iuſtum placet. Si igitur iuſta Deo placere ſcimuſ: pati autem nulla
 niſi que Domino placuerunt, poſſumuſ: iuſta ſunt que patimur; &
 valde inuſtum eſt ſi de iuſta paſſione murmuramuſ.

Hoc eſt ita certum vt ab impiſſimo mortalium, neipe An-
 tiocho Rege, voluerit Deus publica confeſſione declaratum, ne
 vt deinceps auderet aliquiſ id negare, quod tam nefariuſ pro-
 tuliffet, ipſa veritate conuictuſ, *Iuſtum eſt,* inquit ille, *ſubditum* 2. Mach. 9.
eſſe Deo.

III. PUNCTVM.

NON contriſtabit ergo Iuſtum, quicquid ei acciderit; Cum ni-
 hil niſi Deo volente, ſibi quidquam putet accidere, & quid-

quid à Deo accidit, tam iustum putet, vt iustè de eo contristari non possit. *Iustus es Domine, & rectum iudicium tuum. ETIAM Domine Deus omnipotens, vera & iusta iudicia tua*, cum vel detru-
 dit animas in internum, non possunt incusare Dei Iustitiam, sed
 omnes coguntur dicere, *In malignitate nostra consumpti sumus*.
 Quanto magis iustus & bonus est cum te hic punit, ne in æter-
 num puniaris: *Non ulciscamur nos pro his quæ patimur*, inquebat
 fortissima Iudith, *sed reputantes peccatis nostris, hæc ipsa supplicia*
minora esse flagella Domini, quibus quasi serui corripimur, ad emen-
dationem & non ad perditionem nostram, euenisse credamus. Obserua
 illud quo utitur, verbum, non *ulciscamur*. Est enim quoddam vl-
 tionis & vindictæ genus in Deum, cum nimis contristati contra-
 riis euentibus rationes prætendimus nostræ tristitiæ & afflictio-
 nis, quasi vellemus illum arguere aut nos ita iustificare, quasi hoc
 immeritò pateremur quod patimur, hoc est vt illa ipsa Iudith
 admonerat, *Improprium murmurationis suæ contra Dominum pro-*
ferre; Vnde & ipse Dominus, *Nunquid irritum*, inquit, *facies iu-*
dicium meum: & condemnabis me vt tu iustificeris? Vides quam id
 sit iniustum & impium! sed videsne quoties hanc impietatem
 admiseris? Ingemisce, & deinceps illud Dauidicum in aduersis
 habeto familiare, *Obmutui & non aperui os meum quoniam tu fe-*
cisti. Et in illatis iniuriis; *Dominus præcepit vt malediceret, &*
quis est qui audeat dicere, quare sic fecerit?

Vide Feriam 2. infra Hebdomadam sextam post Epipha-
 niam: Ferias Quadragesimæ, & præsertim Passionis, ac Verbo
Aduersitas.



DIE XI. IANVARII.

DE REDITV AB ÆGYPTO IN NAZARETH.

Surge, & accipe Puerum, & Matrem Eius, & va-
de in terram Israel: Defuncti sunt enim qui
querebant animam pueri. Math. 2.

VERITAS PRACTICA.

Meliore rerum statu non magis gaudet Iustus, quàm deteriore doluit.

RATIO EST, Quia idcirco deteriore statu non doluit Iustus, quod in illo magis spectaret diuinam voluntatem, quàm suum particulare commodum vel incommodum.

Sed in meliore statu sic Iustus magis Deum considerat, quam seipsū. Tum ergo non magis gaudet quam ante doluit. Quod perfecta Indifferentia est, à paucis cognita.

IN PUNCTVM.

IN AM de sancto Iosepho secedente in Ægyptum, dixerat Euangelista: *Et erat ibi usque ad obitum Herodis.* Tum vero paulò post; *Defuncto,* inquit, *Herode, Ecce Angelus Domini apparuit in somnis Ioseph in Ægypto, dicens; Surge & accipe Puerum & Matrem eius, & vade in terram Israël.* Ac denique, hanc subiungit rationem, *Defuncti sunt enim qui querebant animam pueri.* Cur sic toties fit mentio de Herodis obitu? Nempe vt aduertas diligentius, sic diuinam Patris æterni providentiam suauiter & temperate omnia disponentem, vt non prius Filium ab Ægypto reuocauerit, quàm defunctus ille fuerit, cuius causa Filius in Ægyptum secesserat; neque prius illum defungi voluerit, quàm naturalis vitæ cursus exigeret. O rem plane miram! Ecce nec pro Filio suo carissimo vices rerum aut ordinem mutat Deus: & tu sepe velles tui causa peruertere omnia! Confundere ad hanc peruersitatem animi tui, & cum Dauide dicito: *Dixi, Tf. 30. Deus meus Tu, in manibus tuis sortes meæ.*

Monitus ergo Ioseph ab Angelo, statim accipit Puerum & Matrem, & venit in terram Israël, iterumque admonitus secessit in partes Galilææ, & habitauit in Ciuitate Nazareth. Quanto putas cum gaudio, quantaque communi Trium latitia? Certe non videtur alienum à pietate & Iustitia, si cogitetur Sanctos hos Exules tantisper recreatos fuisse, vel cum primùm auditus est

repetendæ patriæ nuncius, vel cùm foeliciter eò remearent, vbi meliusculè Puero Iesu futurum esset. Caue tamen putes, tum eis accidisse quod sentis in meliore rerum statu; caue putes exultauerint inordinato gaudio, gestierint insolita quadam lætitia, aut sermones longos de re sua miscuerint. Sunt hæc solita scilicet humanæ leuitatis probra; sed vir Iustus & fortis, sui semper similis sicut aduersis non frangitur, sic neque prosperis emollitur. Sua secum sic portat omnia, vt nulla rerum mutatione mutetur, nec tristiores illum aut lætiores videat vlla dies; quæ si de paganis dicuntur, quanto magis de Christianis, quanto verius de his dici debet, *Meliore rerum statu non magis gaudet Iustus, quàm deteriore doluit?*

Hoc tibi modo est expendendum ad praxim; Et Ratio quidem est facilis ad intelligentiam, sed praxis non ita expedita, quamobrem non leuiter insitendum in eo quod ponitur fundamento: Vnam Dei Voluntatem spectare Iustum, hanc vnam esse causam, cur in deteriore rerum statu non doleat, quia videlicet magis spectat diuinam ordinationem, quam suum priuatum commodum aut incommodum. Hoc omni iure exigitur, hoc Iustitia & æquitas imperant, & hoc recta ratio, ne dicam fides, religio & pietas statuit; vt quàm Deus infinite supra nos est, sic diuinæ Voluntati nostram modis omnibus subiciamus. Nam si Iustitia est suū cuique reddere, cùm id maxime repetit: cur non se suaque Iustus redderet Deo repetenti, cuius se totum quod est esse agnoscit; aut nisi se Ei redderet, vel nisi se eius esse agnosceret, quomodo iustus esset? Hinc sicut palma iustus sletet, quia, vt notat S. Gregorius, *habet hoc mirum præ cæteris arboribus palma, vt cum vix terra hæreat, totaque in cælum sese extendat, nullo pondere premitur, sed magis pressa exaltatur*: Sic plane Iustus non humanis & terrenis innixus rationibus, sed diuinis, nullo aduersitatum pondere flectitur sed potius induratur. Sic de Iusto Tobia dicitur, *Non est contristatus contra Deum, quod plaga cecitatis euenerit ei, sed Immobilis in Dei timore permansit, agens gratias Deo, omnibus diebus vite sue*. Itane tu?

Pf. 91.
Lib. 19.
Moral. c.
25. 26.

Tob. 2.

II. P V N C T V M.

SED in meliore rerum statu sic Iustus Deum magis considerat quàm seipsum.

Nam cum melior ille status sit æque à Deo atque deterior, cur non in illo Deum, Iustus æque spectet ac in illo? Nonne id æque Iustitia postulat, quæ est constans & perpetua voluntas reddendi quod cuique suum est? An non minus se Dei esse cognoscit Iustus, cum melius à Deo sibi est, quam cum deterius? Imo nonne suum magis benefactorem tum agnoscat, quando se magis ipse Benefactor suis beneficiis agnoscendum facit? Quid à Iustitia magis alienum, quam ei minus reddere cui plus debeas; aut quam se minus ei reddere cui te totum magis debeas?

Nonne hoc est quo ingratitudo notatur, & quod ingratis Deus exprobrat, *Incrassatus est dilectus & recalcitrauit: incrassatus, impinguatus, dilatatus, dereliquit Deum Factorem suum, & recessit à Deo salutari suo.* An velles hoc tibi objici? an te vere iustum crederes, si tibi hoc vere obiiceretur? Multus est in his Dominus, quo iniustitiam & impietatem nostram nobis repræsentet. *Ego plantaui te vineam electam, omne semen verum: quomodo ergo conuersa es mihi in prauum, vinea aliena?* Id quidem fit naturaliter, ut nos magis quam Deum amemus, ut magis dona quam donantem spectemus: sed naturam Ratio & fides corrigunt, aut rursus corrigant, natura valde praua dicenda est. *Rudix tua, & generatio tua de terra Chanaan.* Vide caput integrum Prophetæ valde aptum his fusius declarandis.

III. PUNCTVM.

MELIOR E igitur rerum statu non magis gaudet Iustus, quam deteriore doluit; Quia si in deteriore non doluit, ne à Deo recederet, quem spectare debebat in aduersis: non debet meliore gaudere, ne inani hoc gaudio, se potius spectet quam Deum, seque ab eo disiungat, cui non minus tamen adherere par est, in prosperis, quam in aduersis. *Pondus æquum voluntas Domini,* ait Pr. 11. Sapiens, Id est, Dominus vult ut æque ponderes quidquid ab eo accidit, & neque vno magis gaudeas aut contristeris quam alio; Vel sic aptius, *Quidquid vult Dominus debet nobis æquum pondus esse,* ut non magis in vnum propendamus quam in alterum, sedynam in omnibus spectemus eius voluntatem. Quò etiam referri potest quod idem Sapiens eodem prouerbiorum libro: *Pondus & statera iudicia Domini sunt.* Id est, quidquid de nobis Deus

statuit, siue id prosperum, seu aduersum sit, sic vtrumque in pondere & mensura nobis est ordinatum, vt nobis etiam excedere vel deficere non liceat, in illis acceptandis.

Non omne quidem gaudium in prosperis, sicut nec omnis sensus doloris in aduersitate prohibetur; sed vtrumque Iustus affectum sic temperat & conformat Diuinæ Voluntati, vt non magis gaudeat aut contristetur quam velit Deus: imo nec gaudeat nec contristetur, nisi quia Deus sic eum vult gaudere aut contristari. Sic enim *mæstis rebus quadam saepe iucunda permiscet*, vt obseruat sanctus Ioannes Chrysostomus, *Neque suos tribulationes, neque Iucunditates sinit habere continuas, sed tum de aduersis, tum ex prosperis, iustorum vitam quasi admirabili varietate contextit.* Quod deinde probat in persona sancti Iosephi; & tùm hic, tum alias docet, quod licet status Iustorum mutaretur, non tamen Iusti mutantur: aut certe si mutari videntur, non tamen alij sunt animo, sed sensu quodam duntaxat gaudij & tristitiæ, qui nihil eorum animum tangat, neque vultum ipsum afficiat; vt de vnoquoque eorum dici possit, quod de Anna matre Samuelis, *Vultus illius non sunt amplius in diuersa mutati*; aut sicut de Dauide, *Sic est Dominus meus Rex sicut Angelus Domini, vt nec benedictione, nec maledictione moveatur.* Tanto minus es iustus quantum ab hoc distas statu; Inquire quantum, neque cesses, *Donec implearis agnitione voluntatis Dei*, nullus vt super sit locus aliis rationibus & affectibus.

Rom. 8. in
Matth.

1. Reg. 1.

2. Reg. 14.

Coloss. 1.

Vide in Indice Verbo *Indifferentia, Resignatio.*



DIE XII. IANVARII
DE TRIDVANA COMMORA-
TIONE PVERI IESV DVODENNIS
IN TEMPO.

Remansit Puer Iesus in Ierusalem, & non cognouerunt parentes eius. Luc. 2.

VERITAS PRACTICA.

Sensitiuæ deuotionis subtractio, veræ & solidæ Deuotionis est probatio.

RATIO EST, Quia veræ & solidæ Virtutis tunc est probatio cum necessitas & difficultas simul occurrunt in eius exercitio. Sed subtracta deuotione sensibili, tunc necessitas & difficultas Deuotionis exercendæ simul occurrunt.

Ergo tunc veræ & solidæ est Deuotionis probatio; ac proinde fideliter exercenda est, exemplo Beatissimorum Parentum Iesu quem à se subtractum quærent & inueniunt, in templo Ierosolymitano.

I. PUNCTVM.

CVM factus esset Iesus annorum duodecim, ascendentibus illis Ierosolymam, secundum consuetudinem diei festi, consummatisque diebus, cum redirent, remansit puer Iesus in Ierusalem, & non cognouerunt parentes eius. Videri possunt quæ plura referuntur ab Euangelista; & in vnoquoque eorum, tantum immorare, quantum deuotio retinebit, ac tandem peruolutis attenta mente omnibus, sic tecum statues, mirabilem hanc pueri Iesu à parentibus insciis separationem, nihil aliud magis innuere quam subtractionē illam Gratia & deuotionis sensibilis, quæ sic nobis interdum ab Illo contingit, ad probationem veræ & solidæ Deuotionis, seu ad experimentum, vtrum vera sit an solida nostra deuotio. Quod certe maximopere est considerandum, vt quid tum factō sit opus, attente præuideamus.

Hoc itaque primum quod affertur ad propositæ Veritatis declarationem, diligenter expende, tunc esse veræ & solidæ virtutis cuiuslibet probationem, quando necessitas & difficultas occurrunt in eius exercitio. Dicitur autem necessitas virtutis exercendæ, quando in contrarium abires vitium, oppositumque peccatum, nisi virtutem exerceres. Non est enim maior necessitas

Hom. 5. ad
popul.

quam non peccare, nam ipsa vitæ degendæ necessitas illi cedit. *Vna est inevitabilis necessitas, Deum non offendere*, inquit sanctus Luc. 10. Ioannes Chrysostomus, *Imo hoc unum necessarium*, de quo Christus Dominus, cum in iuga peccati potissimum consistat nostra salus, diuinusque cultus.

Rom. 5.

At vero cum tantæ necessitati iungitur difficultas exercendæ actu & re ipsa virtutis, Vndecumque tandem difficultas proueniat, tunc maxime dicitur probari virtus, an sit vera & solida, quia tentatur & sollicitatur animus ex diuersa parte ad virtutem & vitium. Necessitate virtutis excitatur ad eius exercitium, sed eiusdem difficultate, inde auocatur. *Tribulatio, seu difficultas*, inquit Apostolus, *patientiam operatur, patientia autem probationem*.

Iacob. 1.

Quod & sanctus Iacobus paulo expreſsius, *Omne gaudium existimate fratres mei, cum in tentationes varias incideritis, scientes quod probatio fidei vestra patientiam operatur, patientia autem opus perfectum habet, ut sitis perfecti & integri, in nullo deficientes*. Id est, sic ostendentes veram & solidam vestram virtutem, cuius probandæ

Judith 8.

causa, permittuntur tentationes. *Memores sint*, aiebat suis Iudith, *Quia tentati sunt patres nostri ut probarentur, si verè colerent Deum suum*. Expende illud *verè*. Nam in eo totus Dei cultus, & tota virtus, cum alioquin nihil nisi superstitio & species adumbratæ pietatis. Illudque est quod hic quaritur, vtrum verè an fictè, vtrum certò an falsò colatur Deus. Quod cum probe & declaret difficultas, vide quomodo contra decertes, *Vosmetipsos tentate si estis in fide*, aiebat Apostolus: si estis in charitate, in patientia & aliis Virtutibus: *ipsi vos probate*.

2. Cor. 13.

II. PUNCTVM.

SED substracta Deuotione sensibili, necessitas & difficultas vera & solida Deuotionis, simul occurrunt.

Serm. 54.
in Cantic.

Quæ sit deuotio sensibilis aut que eius substractio, discere ex his sancti Bernadi verbis. *Sane ab heri & nudius tertius, inuasit me languor iste animi & mentis hebetudo, insolita quadam inertia spiritus. Currebam bene, sed ecce lapis offensionis in via, impegi & corruui: superbia inuenta est in me, Dominus declinauit à seruo suo. Hinc ista sterilitas animæ meæ, & deuotionis inopia quam patior. Quomodo ita exaruit cor meum, coagulatum est sicut lac, factum est sicut terra sine*

sine aqua, nec compungi ad lachrymas queo, tanta est duritia cordis. Non sapit psalmus, non legere libet, non orare delectat, meditationes solitas non inuenio. Vbi illa inebriatio spiritus? Vbi mentis serenitas & pax & gaudium in Spiritu sancto? Ideo ad opus manuum piger, ad vigilias somnolentus, ad iram præceps, ad odium pertinax, lingua & gula indulgentior, segnior, obtusiorque ad prædicationem. Heu omnes montes in circuitu meo visitat Dominus, ad me autem non appropinquat. Quid me aliud putem quam vnum de montibus Gelboe, quem præterit in ira & indignatione sua Ille cæterorum omnium, benignissimus visitator.

Similia quædam & plura habet Cassianus, cæterique Patres ^{4. Collat. c. 2. lib. 10. de Acedia. Ps. 118.} ascetici atque illius verticuli interpretes: *Dormitauit anima mea præ tadio.* Ex quibus satis patet quanta sit eo tempore necessitas veræ & solidæ deuotionis; Nam cum oppositum vitium inuascerit penitus animam, & ita quodammodo constrictam teneat, vt vix se contra mouere possit; quibus armis, quibus præfidiis sese tandem à vitio tutabitur, nisi tam certa solidaque sit deuotio, vt nullis cedat impugnationibus, & contrà potius ex infirmitate fiat robustior?

Quanta sit verò difficultas sic secum decertandi, quis non videt? quis non sentit? Cum ipsi feruentiores & sanctiores vix pares sint certamini, & tantum non deficient, tantum non cedant; *Ecce Gigantes gemunt sub aquis, & qui habitant cum eis,* inquit ^{Iob. 26.} Beatus Iob: Quali diceret, ipsi fortiores tum ingemiscunt præ difficultate; quid alij debiliores? Vbi duo aduerte in illa voce *gemunt*, primum illud quod dictum est, vt significet difficultatem quam sentiunt robustiores quique. Secundum, vt indicet illos certare qui ita gemunt in difficultate; nam qui cedunt, non gemunt: & qui non gemunt, satis indicant se difficultati cessisse. O quam multi hoc errore deluduntur, vt putent vel non licere sibi gemere in difficultatibus; vel si gemant non posse difficultates transgere. Permittit Naturæ Gratia suos gemitus, si natura concedat. Gratiæ, suos effectus.

III. PUNCTVM.

SENSIBILIS igitur deuotionis subtractio vera & solida deuotionis est probatio; Quia tum duo illa simul concurrunt ex quibus certa probatur virtus, nempe necessitas & difficultas, quæ

fic in diuerfa rapiunt animum, vt si quis tum fidelis sit, vere sol-
Genes. 22. deque deuotus censeatur. *Nunc cognoui*, dicit Dominus, sicut de
 Abrahamo, *Quod vere colis Deum*. Id est, ex illa fidelitate quam
 seruasti in tali occurſu necessitatis & difficultatis, cognoscendum
 te præbuiſti, qualis eſſes, an vere coleres Deum. Sic beatissimi
 parentes Pueri Iesu, veros se probauere parentes, & veros Dei
 cultores. Ita dolent subtractione filij, vt ex illo dolore nihil
 inordinatum cogitent. Neque impatientes sint in damno quod
 inde sentiunt, neque negligentes in eo reparando; Non plus af-
 fectant quàm possunt, neque quod possunt deserunt; Inquirunt
 diligenter, sed quiete: Conseruant animi tranquillitatem, sed si-
 mul etiam debitam seruant sollicitudinem. Solliciti sunt sine
 perturbatione, & imperturbati sunt sine desidia. Euitatis vtrim-
 que extremis, in medio semper consistunt, vt neque plus neque
 minus agant, quam sibi agendum putent. Sic Sapientia quæ in
Prou. 8. illis tota residebat, *Meum est, inquit, consilium, & equitas: mea est
 prudentia, mea est fortitudo: In viis iustitiæ ambulo, in medio semita-
 rum iudicij.*

Tu è contra quid pecces audi ex libello nunquam deponendo:
3. de Imit. c. 6. *Propter modicam contrarietatem desicis à ceptis, & nimis auide con-
 solationem quæris. Fortis amator stat in tentationibus, nec callidis cre-
 dit persuasionibus inimici. Affectus ille bonus & dulcis quem interdum
 percipis, effectus gratiæ præsentis est, & quidam prægustus gratiæ cæ-
 lestis, super quo non nimis innitendum, quia vadit & venit. Certare
 autem aduersus incidentes malos animi motus, suggestionesque sper-
 nere diaboli, Insigne est virtutis & magni meriti.*

Vide integrum caput, & sic defectus tuos agnosce, vt eos cor-
 rigas: sic vero corrige, non vt alios in defectus mutentur, quod
 sæpe tibi accidit; sed vt muteris in alium, quod raro fit.

E O D E M D I E.

ALIA VERITAS PRACTICA.

Nemo iam Christum amittit, nisi qui dimittit.


Vel, ut habet S. Ambrosius.

In Luc. 9. 7. Nemo tibi Christum auferre potest, nisi te illi auferas.

Nisi te subdas Deo , Deum tibi subdis.

235

*RATIO EST, Quia nemo tibi Christum auferre potest, nisi
velis. Vel, Nemo iam Christum amittit, nisi sua culpa.
Sed si velis Christum tibi auferri, tu te illi aufers. Vel ; Qui sua
culpa Christum amittit, ipsum dimittit.
Nemo igitur tibi Christum auferre potest, nisi te illi auferas. Et
iam nemo Christum amittit, nisi qui dimittit.*

 *VÆ quidem omnia tam plana sunt & aperta, vt sint so-
lum termini proponendi. Nec illud etiam obscurum est
quàm sit pauendum & cauendum, sic à te Christum dimittere ;
sic tibi Christum auferre. Quid inuenerunt in me iniquitalis, quia ^{1er. 2.}
elongauerunt à me, & ambulauerunt post vanitatem : & vani facti
sunt.*

E O D E M D I E,
DE MANSIONE NAZARETHANA:
ET SVBIECTIONE D. IESV, VSQVE
AD ANNUM TRIGESIMVM.

Et erat subditus illis. Luc. 2.

VERITAS PRACTICA.

Nisi te subdas Deo , Deum tibi subdis.

*RATIO EST, Quia nisi te subdas Deo, tuam potius quam Dei
voluntatem facis.
Sed suam potius quam Dei voluntatē facere, est sibi Deum sub-
jicere.
Ergo nisi te subdas Deo, Deum tibi subdis: Quod cum sit horren-
dum dictu, & facto etiam magis execrandum, potens est moti-
uum ad nos perfecte Deo subjiciendos.*

Gg ij

I. PUNCTVM.

Luc. 2.



B anno duodecimo Christi Domini, atque ab ipſius re-
ditu Ieroſolymitano in Nazareth, pauca hæc de illo re-
feruntur; *Et descendit cum eis, & venit Nazareth, & erat
subditus illis. Et Mater eius conseruabat omnia verba hæc, in corde
suo. Et Iesus proficiebat sapientia, & atate, & gratia apud Deum &
homines.* In quibus illud supra omnem hominum atque Ange-
lorum admirationem est, quod esset subditus illis. Expende lin-
gillatim omnia. Quis, quibus, quamdiu, quo fine, quomodo, &
in quo illa esset subiectio; Nempe in arte fabrili, & in omnibus
obsequiis domesticis, quasi ille seruus esset, Ille qui est vniuer-
ſorum Dominus, *Nonne hic est fabri filius? Nonne hic est faber, fi-
lius Maria?* dixerūt Iudæi postea cum primum prædicare cœpit.

Math. 13.
Marc. 6.

Sap. 15.

O mundi Architectum & fabricatorem vniuersi, quò te deue-
xit mea superbia, vt in angustias fabrilis officinæ descenderes,
nec aliud per duodeviginti annos continuos, quàm illud vile of-
ficium, ad vnius hominis directionem & imperium, exerceres!
Certe nisi discamus subjici, & humiliari hoc exemplo, vere de
nobis illud sapientis asseretur; *Omnes insipientes & infelices su-
pra modum animæ superbi.* Quod quidem manifeste patebit ex Ve-
ritate proposita, si attente consideretur; Quid enim insipientius
& infœlicius quam velle Deum sibi subdicere? *At nisi te subdas
Deo, Deum tibi subdis.*

Exod. 10.

Ratio est plana & facilis; Nam nisi te subdas Deo, tuam potius
quàm Dei voluntatem facis; Quid planius? sicut enim nostra
subiectio consistit in voluntate Dei facienda, sic nostra rebel-
lio seu nostræ subiectionis defectus, nihil est aliud quam diui-
næ illius voluntatis neglectus. *Isquequo non vis subjici mihi?*
Nonne hoc perinde est ac si diceret, vsquequo non vis quod volo
facere? O qualem Dei Domini Bonitatem! Hoc à creatura pe-
tere, hoc à seruo postulare!

II. PUNCTVM.

SED suam potius quàm Dei voluntatem facere, est Deum sibi
subdicere, Nam Deus & diuina eius Voluntas sunt vnum &

idem ; vnde aptè sanctus Augustinus : *Quantum Deus distat ab* In Ps. 32.
Conc. I. *homine , tantum Voluntas Dei à voluntate hominis : ac proinde si* tibi subijcis diuinam voluntatem , subijcis tibi Deum. At vero cum tuam potius quam Dei voluntatem facis , nonne tùm tibi subijcis diuinam illam Voluntatem ? Nonne ergo tum etiam tibi Deum subdis ? Nec aliter Christus Dominus dicitur fuisse subditus suis parentibus , nisi quod ad eorum voluntatem se totum faceret ? Neque se ipse Deo Patri aliter subiciebat , nisi quod non suam sed Patris voluntatem spectaret in omnibus , sicut ipse toties professus est : *Non quero , inquit , voluntatem meam sed eius* Ioan. 5.
Math. 26.
Marc. 14.
Luc. 22. *qui misit me. NON sicut Ego volo , sed sicut tu. Non quod ego volo , sed quod tu. Non mea voluntas , sed tua fiat.* Hoc est iè Deo subijcere. Tu vero qui contraria prorsus desideras , Tu qui tuis desideriis Deo contradicis , ac perinde Deo dicis , Non quod tu vis , sed quod volo ; Non tua sed mea voluntas fiat ; Quid hoc esse dices , nisi te tibi Deum subijcere ?

III. PUNCTVM.

NISI ergo te subdas Deo , tam manifeste tibi Deum subdis , quàm manifeste tibi subdis eius voluntatem , cui tuam præfers , hoc ipso quo te illi non subdis ; Cum nihil aliud sit subiectum illi esse vel non subiectum , quam voluntatem eius facere vel non facere. Rom. 6. *Nescitis , inquit Apostolus , Quoniam cui exhibetis vos seruos ad obediendum , serui estis eius cui obeditis ?* Quali diceret , an ignoratis quod est tam manifestum vt omnes videant , hac nota seruum alicuius & subiectum designari , si obediat eius voluntati ? Non potest quidem homo sic negare suam seruitutem & subiectionem Deo , vt se penitus retrahat à diuina voluntate , nam si recedit ab vno voluntatis ordine , cadit in alium , vt docet omnes sancti Patres , sicque non ita Deo resistitur , quia fiat ocus serius quod absolute velit : Sic enim Ille , *Consilium meum stabit , & omnis voluntas mea fiet.* Is. 46. Quando tamen peccas , aut quando citra graue peccatum , vel etiam si nulla forte videretur inesse culpa , quando te à diuina Prouidentia subducis , sic te ab aliqua eius voluntate retrahis , sicque velles Deum se potius ad tuam voluntatem accommodare , quam tu ad ipsius nutum & ordinationem : quod est tam vere tibi subijcere Deum , quam vere illi subiectus esses , si

45. 43. non tuam, sed Iptius magis spectares voluntatem. *Seruire me fecisti in peccatis tuis, præbuiſti mihi laborem in iniquitatibus tuis.* Vix sine peccato talis subtrahctio fieri potest; & quando in tali peccato nihil aliud graue esset quam sic se à Deo retrahere, sic sibi Deum subdere potius, quam te illi; Nonne hoc esset satis graue & deplorandum? Si quòd Christus suis esset subditus, tam mirum videtur & alienum à diuina eius Maieſtate: Quid, quod Ille tibi subdatur? Ille tibi in concupiscentiis, & in peccatis tuis! O quàm longe magis stupendum! siue Eius Bonitatem, siue tuam spectes audaciam.

Sic itaque pro præterito confundere; vt ad futuram subiectionem sis cautiore, illudque Dauidis ad filium suum, tibi proponas; *Fili mi, scito Deum patris tui, & seruito ei corde perfecto,* 2. Par. 28. *& animo voluntario, omnia enim corda scrutatur Dominus, & vniuersas mentium cogitationes intelligit: si quaſieris eum inuenies: si autem dereliqueris eum, projiciet te in aeternum.*

Vide Verbo *Seruire, Discipulus, Obedientia.*



DIE XIII. IANVARII,
QVÆ EST OCTAVA EPIPHANIÆ.
DE BAPTISMO CHRISTI DOMINI.
Sine modo, sic enim docet nos implere omnem Iuſtitiam. Matth. 3:

VERITAS PRACTICA.

Exemplo suo Christus Dominus, nos magis vrget
quàm imperio.


RATIO EST, Quia quòd se Superior magis demittit ad inferiorem, vt eum prouocet ad aliquid, eo magis vrgetur inferior ad illud præſtandum.

Exemplo suo Christus nos magis urget quàm imperio. 239

Sed Christus Dominus, cùm exemplo suo nos prouocat ad sui Imitationem, magis se demittit, quàm si illud ipsum quod facit, imperaret.

Ergo nos exemplo suo magis urget quàm imperio: Proindeque in ijs etiam quæ non sunt ex præcepto, fidelissime est imitandus.

I. PUNCTVM.

 VÆ de sancto Ioanne Baptista referuntur ab Euangelistis, possent aliquantisper cogitari; tùm vero hæc diligentius quæ de baptismo Christi Domini: *Tunc venit Iesus à Galilæa, in Iordanem, ad Ioannem, ut baptizaretur ab eo; Ioannes autem prohibebat eum, dicens, Ego debco à te baptizari, & tu uenis ad me! Respondens autem Iesus, dixit ei: Sine modo, sic enim decet nos implere omnem Iustitiam, tunc dimisit eum. Baptizatus autem Iesus confestim ascendit de aqua: & ecce aperti sunt ei cæli, & uidit Spiritum Dei descendentem sicut columbam, & venientem super se. Et ecce vox de cælis dicens: Hic est filius meus dilectus, in quo mihi complacui.* *Math 3.*

Ex quibus cùm multa possint ad profectum elici, tùm illud verò quod fecit & quod dixit Dominus, *Sic nos decet implere omnem Iustitiam*: ut nos exemplo scilicet suo prouocaret ad perfectionem, siue ad ea fideliter præstanda quæ sunt tantum consilij & non præcepti. Neque enim hic solum ad baptismum qui est ex præcepto suscipiendus, nos excitat, sed ad alia quæuis non præcepta, quæ nomine, *Omnis Iustitia adimplenda* comprehendit, sicut & ipse baptismum suscepit, ad quem nulla eum necessitas obligabat.

Atque hinc excellens illa Veritas, & valde potens ad multa quæ non tam præcipiuntur quam consuluntur, *Exemplo suo Christus Dominus nos magis urget quàm imperio.*

Ratio est valde familiaris; nempe id vsu quotidiano discitur, quò se Superior magis demittit ad inferiorem, ut eum prouocet ad aliquid, eò magis vrgetur inferior ad illud præstandum, cùm præcipue posset Superior pro iure suo imperare, & inferiorem cogere sub grauissimis pœnis: tùm si non imperet, sed potius roget: si pœnarum loco proponat præmium, aut si denique aliquid

longius remotum à sua dignitate non dedigneretur; tunc certe inferior, aut durissimæ ceruicis est, aut flectetur tanta superioris demissione; Neque enim generosus animus se vinci benignitate patitur, ne dum ab inferiori, aut à pari, quanto minus à suo Superiore. Hinc est illud Ecclesiastici valde notandum, *Sedes ducum superborum destruxit Deus, & sedere fecit mites proeis. Radices gentium superbarum arefecit Deus, & plantauit humiles ex ipsis gentibus.* Pergitque pluribus Sapiens ostendere eos duces vel reges qui cum mansuetudine & humilitate subditos suos regerent, longe apud illos plus valuisse, quam superbos & efferatos.

Luc. 15.

Indignabatur foris, filius senior quod Pater fratrem suum iuniorem à luxu & à meretricibus reuertentem liberaliùs excepisset; tum vero Pater domo egressus *cœpit rogare illum*, & statim sedatus est. Nonne sic regi malles mansuetudine quam rigore? sed itane tuos regis, si quos habes regendos?

II. PUNCTVM.

SED Christus Dominus cum exemplo suo nos ad sui imitationem prouocat, magis se demittit, quam si illud ipsum quod facit, imperaret. Hoc est enim superiorem sese magis demittere, quando quod superior facit, magis est alienum, magis remotum, magis infra dignitatem illius qui se ita demittit. Est autem manifestum quod præire nobis exemplo sicut præiuit Christus in Natiuitate, in baptismo, & in reliquo vitæ cursu, longe magis remotum est & distans à summa eius dignitate, quam imperare illa ipsa, quibus ad exemplum nostrum abstinuit, aut quæ sustinuit. Nam imperare proprius actus est Dominationis, & Excellentia; obedire vero & humiliari, seruitutis, & abiectæ conditionis. Vnde quantum dominatio & seruitus, quantum excellentia & abiectio, longe inter se distant; tam procul & remote à se ipso, se Christus demittit, cum ad illa infima & abiecta descendit, quæ mauult facere, & factò suo nobis commendare, quam imperare.

1p. 28.

Hinc forte dictum à Propheta; *Vt faciat opus suum, alienum opus eius, vt operetur opus suum, peregrinum est opus eius ab eo.* Quali diceret, opus proprium Christi Regis, & Domini esset imperare, & imperando nos regere: at vero aliena sunt ab eo, & peregrina illa, quæ ad nos instruendos prælegit. Atque illud est quod

Apostolus

Apostolus tantopere de Christo Iesu prædicat, *Qui cum in forma Phil. 2. Dei esset, non rapinam arbitratus est esse se æqualem Deo: sed semetipsum exinaniuit, formam serui accipiens.* Et quæ plura illic sequuntur, non minus ad affectum ardentia, quam ad intellectum clara vt videas quò se vsque demiserit qui se nostrum exemplar fecit. Ah quoties vel videre dissimulasti, vel vidisse nil profuit?

III. PUNCTVM.

SIC nos igitur Christus Dominus exemplo suo magis vrget quàm imperio; Non modò quia inferiorem pudet non facere quod Superior facit, sed quia Superioris demitio & humanitas quæ in exemplo dato magis lucet quàm in imperio exercito, tantam vim habet in animis hominum, vt qui alioquin forte resisterent imperio, cedant exemplo. Irritatur lege & præcepto concupiscentia, vt fuscè probat Apostolus: at emollitur exemplo & gratia. Hæc est *lingua tertia* quæ vt est in Ecclesiastico, *multos commouit.* Prima lingua est conceptus mente formatus; secunda est verbum quo conceptus exprimitur; tertia vero est factum seu exemplum, quod longe magis mouet quam verbum. Sic de Christo, postquam propheta dixit, *Et factus est principatus super humerum eius,* paulo post addit, *Multiplicabitur eius imperium, & pacis non erit finis,* id est, magis se ostendet principem & ducem exemplo quam imperio aut præcepto, neque tamen propterea minus erit imperium eius, uno inde augebitur, & à multo pluribus tranquille colerur; & pacifice.

Hoc Christus stimulo suos imprimis vrgebat; *Scitis,* inquit, *quid fecerim vobis: Vos vocatis me Magister & Domine, & bene dicitis, sum etenim: si ergo laui pedes vestros, Dominus & Magister; & vos debetis alter alterius lauare pedes. Exemplum enim dedi vobis, vt quemadmodum ego feci vobis, ita & vos faciatis. Amen amen dico vobis, non est seruus maior Domino suo, neque Apostolus maior eo qui misit illum. Si hæc scitis, beati eritis, si feceritis ea.*

Obserua hæc postrema verba, non beatum dicit qui sciat, sed qui faciat, vnde tu vide quam multa scias, & pauca facias; Vile quàm parum finas te moueri tot exemplis quæ quotidie contemplaris. Vide quàm sit ferreus quem tanta non emollit & vrget Charitas, tanta humilitas, tanta mansuetudo, & aliæ virtu-

*Lib. 3. de res ad imitandum propositæ. Huius quanti longe retròque manerent
Imit. Chr. nisi tua præclara exempla inspicrent ; Ecce adhuc te pesamus auditis
c. 18. tot signis tuis, & doctrinis ! Quid fieret si tantum lumen ad sequen-
du n te non haberemus. Lege integrum caput notatum ; & illud
familiare habeto in omnibus : Itane Christus tacet ? Aut sicut si
has Christi voces audires : Sequere me. QVI mihi ministrat, me se-
quatur : Quid ageres ? Quid responderes ?*

Vide, Verbo *Exemplum, Imitatio.*



DIE XIV. IANVARIJ.

Nisi forte sit Dominica secunda, post Epiphaniam ;
Quæ dum occurreret, illi standum, prætermisiss aliis.

DE SOLITVDINE CHRISTI DOMINI PER QVADRAGINTA DIES IN DESERTO.

*Et statim Spiritus expulit eum in desertum ; Et erat
in deserto, quadraginta diebus & quadraginta
noctibus, eratque cum bestiis. Marc. I.*

VERITAS PRACTICA.

*Ex lib. 1. de Nemo secure apparet, nisi qui libenter latet.
Imit. Chr. Nemo secure loquitur, nisi qui libenter tacet.
c. 20.*

*RATIO EST, Quia nemo secure apparet aut loquitur, nisi qui
bene tutus est à damnis linguæ, & humane conuersationis,
quantum quidem cum Gratia se tueri potest.*

*Sed nemo ab his damnis bene tutus est nisi qui libenter latet &
tacet.*

*Ergo etiam Nemo alius securè apparet aut loquitur. Ac proinde
quàm expediat latere & tacere, patebit euidenter.*

I. P V N C T V M.

SI quid est stupendum in vita Domini Iesu, Illud est maxime, quod cum homo factus esset ut inter homines conuersaretur & ad se conuerteret, cum is esset finis aduentus eius in hunc mundum, cum tantus inde fructus in eos omnes quibuscum versaretur, redundare posset, cum eius essent *deliciae* Prou. 8; *scilicet esse cum filiis hominum*, cum nihil inde mali esset quod tibi metueret; Tam tarde tamen, tam modicum, & tanta cum praecautione conuersatur cum hominibus, ut alienum ab eius fine atque instituto id prope videretur. En triginta totos annos in solitudine Nazarethana ponit! En quadraginta iterum dies integros in deserto solus cum bestiis degit! & ex tribus annis qui supersunt ad docendum & viuendum cum hominibus, quam frequenter sese à coetu & turbis segregabit! Quam saepe solus in montes secedet, siue oraturus patrem, siue tantum ab omni humano consortio quieturus!

Quid est Domine Iesu? Quid ita moraris loqui & praedicare? Cur non ab ipso primo Natiuitatis die thesauros sapientiae absconditos aperuisti? Cur non saltem duodennis cum primum apparere & loqui coepisti? aut certe cum adolescentiae metas excessisti? Cur te ita contineres? Cur mundum tam diu tuo priuas sermone, tuo congressu destituis? Ah qualem oportet esse causam tui silentij & solitudinis, cum tam multae viderentur esse rationes tuae manifestationis, ac humanae conuersationis? Sed sic oportebat me erudiri tuo silentio, sic me doceri tua solitudine, ut timerem apparere inter homines, ut vererem loqui; ac denique ut discerem quod ille pius expressit Author, qui dixit, *Nemo secure apparet aut loquitur, nisi qui libenter latet & tacet.*

Hoc est modo perpendendum, & exemplo Christi iungenda est Ratio qua id declaratur, & quae tota fundatur in praecauendis illis periculis imminentibus & grauissimis damnis, quae nobis impendent a lingua & a conuersatione. Hoc est enim secure apparere & secure loqui, quasi vnum & idem quod tutum esse ab his damnis, a quibus si nemo tutus est & contra praemunus, nemo secure apparet aut loquitur, sicut nemo se hosti aut bello secure exponit nisi armis instructus: cum alioquin ut ait Sapiens, *Qui*

Ecclef. 3. amat periculum, peribit in illo.

Est autem duplex genus periculi seu damni ex humana conuersatione impendentis, nempe à nobis, & ab aliis loquentibus. Cauendum est ori & auri; de quo duplici periculo sic aperte & grauitur Scriptura nos pramonet, *Cave tibi, & attende diligenter auditui tuo, quoniam cum subuersione tua ambulas. MORS & vita in manu lingue. SICUT* vrbs patens & absque murorum ambitu, ita vir qui non potest in loquendo cohibere spiritum suum. Denique cum his similibus abundant sacræ paginæ, vel ex vno Ecclesiastici loco, quæ alia reſcentur, facile possunt intelligi: *Flagelli plaga liuorem facit, plaga autem lingue comminuit ossa. Multi ceciderunt in ore gladij, sed non sic quasi qui interierunt per linguam suam. Iugum illius, iugum ferreum est, & vinculum illius, vinculum æreum est. Mors illius mors nequissima, & utilis potius infernus quam illa: qui relinquunt Deum, incident in illam, & exardebit in illis & non extinguetur, & immittetur in illos quasi leo, & quasi pardus laedet illos. Sepi aures tuas spinis, linguam nequam noli audire, & ori tuo facito ostia & seras. Aurum tuum & argentum tuum conſla, & verbis tuis facito flatcram, & franos ori tuo rectos, & attende ne forte labaris in lingua, & cadas in conspectu inimicorum inſidiantium tibi, & sit casus tuus insanabilis in mortem.*

Videsne damna? videsne pericula? videsne teipsum ibi periclitantem? videsne quàm nemo ſecure loquitur, niſi qui ſe tutum ab illis damnis & ſecurum facit? Certe ſi non vides, tantò eſt tibi periculofius?

IL PUNCTVM.

SED nemo ab illis damnis & periculis bene tutus eſt, niſi qui libenter latet & tacet.

Certum eſt quod quamdiu quis latet, ſecurus & tutus eſt, ſed quia loquendum eſt, & conuerſandum inter homines, is dicitur cum diuina gratia magis tutus ab illis damnis & periculis qui libenter latet & tacet: Primò, quia non ſe exponit periculo, ſicut alius qui propenſus eſt ad loquendum. Nonniſi ex neceſſitate, vel charitate, aut alia legitima cauſa impellente, apparet & loquitur, qua in occaſione credibilius eſt Deum magis illi aſſuturum ne labatur, aut ne periclitetur, quam alteri qui ſe periculo exponeret.

Cum enim ut ait S. Iacobus, *Linguam nullus hominum domare possit, inquietum malum, plenam veneno mortifero*, plane opus est singulari Dei auxilio, quod sicut non deest in necessitate loquendi, ne extra necessitatem, quis sibi ausit promittere? quis hoc præsumere? quid? tibi ut nugas agenti adsit Deus! tibi ut otiosa, ut ludicra, curiosa, mundana, & vana pertractanti, sic auxilietur Deus sicut ti religiose, si nonnisi necessario, nonnisi ex ratione & debito muneris, seu officij tui: nonnisi ex obedientia & charitate loquereris? Caue id præsumas, ne similem tui facias Deum, & blasphemes. Audi enim ut loquitur, *Os tuum abundavit malitia, & lingua tua concinnabat dolos: sedens aduersus fratrem loquebaris, & aduersus filium matris tue ponebas scandalum. Existimasti inique quod ero tui similis, arguam te, & statuam contra faciem tuam.* Iac. 3. Ps. 49.

Deinde vero cum diuinæ Gratiæ sit cooperandum ex parte nostra, quis potest certius dici cum illa cooperari ad loquendum quam qui minus propensius est ut loquatur, sine illa inuocata, sine illa obtenta? *Pone Domine custodiam eri meo, & ostium circumstantie labiis meis.* Hoc dicit omnis qui libenter tacet; At vero alius, *Labia nostra à nobis sunt, quis noster Dominus est?* Id est, re ipsa sic se gerit quasi hoc diceret, nullam habet rationem necessitatis gratiæ, nullam curam aut cogitationem Dei adiuuantis, ne forte nimis contringatur, & minus liber sit ad loquendum. *Labia dolosa in corde & corde loquenti sunt: disperdat Dominus vniuersa labia dolosa: qui dicunt, labia nostra à nobis sunt.* Ps. 140. Ps. 11. Ibid.

Denique, quantumcumque etiam diuinam opem implorasses, nisi sis in loquendo consideratus & attentus, vix te à periculis & damnis redimes; at vero nisi libenter taceas, libido loquendi opposita, omnem attentionem & considerationem plane exhaurit; & illud tandem accidit quod sæpius Scriptura monet, *Vidisti hominem velocem ad loquendum? stultitia magis speranda est, quam illius correctio.* Cum e contra, *Qui odit loquacitatem, extinguit malitiam.* Tota malitia est in illa profusione loquendi, quam nemo continet nisi qui libenter latet & tacet, ac proinde nemo alius tutus ab illis damnis, quæ in loquendo incurruntur. Nonne id toties expertus & confessus es? Iterumne oportet te in pericula & detrimenta conijcere, ut scias damno tuo esse pericula? Sati-
us esset scire alieno, & sapere. Prov. 19. Eccli. 19.

III. PUNCTVM.

NEMO igitur securè apparet, nisi qui libenter latet: Nemo secure loquitur, nisi qui libenter tacet: Nam nemo secure apparet aut loquitur, nisi qui tutus est ab illis damnis quæ à lingua importantur: Nemo autem securus est nisi qui libenter tacet & later. Sic apte Rex Propheta, *Timor & tremor venerunt super me, & contexerunt me tenebræ, & dixi, quis dabit mihi pennas sicut columbæ, & volabo & requiescam? Ecce elongavi fugiens & mansi in solitudine.* Fit solitudo non modo corporis, sed etiam cordis de qua præclare sanctus Gregorius, ad illa verba Iob. *Cum Regibus & Consulibus terræ qui ædificant sibi solitudines; Rursumque ad illa Domini, in eodem libro, Cui dedi in solitudine domum.* Hanc utramque solitudinem paucis videtur comprehendisse Sapiens cum dixit; *In multis esto quasi inscius, & audi tacens simul & quaerens; In medio magnatorum non præsumas, Et post pauca; Præcurre prior in domum tuam, & illic auocare, & illic lude, & age conceptiones tuas, & non in delictis, & verbo superbo.*

Mirum quod dixit Seneca, *Quoties inter homines fui, minor homo redij;* sed magis mirum, quod hoc testimonium tanti tacit diuinus author libri de Imitatione Christi, ut hoc vnum & alterum ex Paganis referat. Vide libri primi caput vigesimum, & vigesimum primum, ex quo illud est aureum & diuinum, *Quando homo est perfectè compunctus, tunc grauis & amarus est ei totus mundus.* Tu forte nimis erulus es; & nimis timenda tibi hæc maledictio: *Effusus es sicut aqua, non crescas.* Hæc tibi esset apta compunctionis materia.

Vide Verbo Recollectio. Silentium. Lingua. Conuersatio.



DIE XV. IANVARII

NISI SIT DOMINICA.

DE TENTATIONIBVS DOMINI.

Nemo periculosè magis tentatur, quàm qui se, &c. 247.

Erat in deserto, quadraginta diebus & quadraginta noctibus, & tentabatur à Satana. Mar. 1. Math. & Luc. 4.

VERITAS PRACTICA.

Nemo periculosè magis tentatur, quàm qui se non putat tentatum.

RATIO EST, Quia cùm totum tentationis periculum sit in consensu præbendo, nemo periculose magis tentatur, quàm qui magis periclitatur consentire tentationi.

Sed nemo magis periclitatur consentire, quàm qui se non putat tentatum.

Ergo nemo alius pericul se magis tentatur: Ac proinde prospectandum unicuique suum periculum, & deponenda illa vana præsumptio, qua quis se non putat tentatum, nisi forte cum sentit grauiiores molestias.

I. PUNCTVM.

CONSIDERANTI attentius quæ in Euangelio habentur de tribus Domini tentationibus, duo quædam occurrunt ex æquo mira. Primum est, audacia Tentatoris, qui non vereatur aggredi Dominum Iesum. Alterum est Bonitas seu facilitas ipsius Domini, qui non modo patienter audiat Tentatorem, eique respondeat: sed & patiatur se ab eo tangi, se ab eo portari & transferri de monte in montem; atque etiam quod horrendum est dictu, se sollicitari ad ipsum adorandum! *Hæc omnia, inquit, tibi dabo, si cadens adoraueris me.*

Mat. 4.

O quis se tutum à tentatione audebit dicere, cum ipse Dominus se permittat tentari, vt omnes intelligant, quam sit sibi cauendum ab hoc aduersario, *Qui tanquam leo rugiens circuit querens quem deuoret.* Et tamen quàm pauci propterea sibi attendunt & vigilant! Ino quàm multi se tentari non putant, quasi id iam

1. Pet. 5.

solis Religiosis aut Nouitiis relictum esset opus. Itane vero non tententur? Imò illi maximè omnium & periculosissimè tentantur, quæ se non putant tentari.

Quod certe est consideratione dignissimum, & ad vigilantiam nostram excitandam imprimis scitu necessarium. Sic autem facile declaratur: Nam cum tentationis periculum & damnum in hoc vno versetur, si tentationi consentias: protecto illi dicendi sunt periculosius tentari qui euidentius periclitantur consentire; seu qui euidentiori viuunt in periculo consentiendi motibus cuiuscunque tentationis. *Vigilate & orate*, inquit Dominus, *ut non intretis in tentationem.* NON ne tentemini, sed ne tentatione superemini, ait sanctus Hieronymus. Et cum petimus à Deo ne nos inducat in tentationem, Non petimus, inquit S. Augustinus, *ut non tentemur, nemo enim sine tentatione probatur, sed ne inferamur in tentationem.* Id est, ne succumbamus, neue illi consentiamus; in quo consensu totum est periculum, totum est damnum. *Illumina Domine oculos meos ne vnquam obdormiam in morte, nequando dicat inimicus meus, præualui aduersus eum.* O quoties iam id dixit!

II. .P V N C T V M.

SED nemo magis periclitatur sic tentationi succumbere, quàm qui se non putat tentatum.

Nam cum reuera tentetur, ut paulo post demonstrabitur, si non resistat tentationi, nonne illi cedit & consentiet? At quomodo illi resistet, si se non putat tentatum? Quomodo quis aduersarium repellet, aut cum illo confliget, si non putat se habere aduersariū, aut sibi cum eo esse confligendum? Nonne ergo succumbit? nonne saltem versatur in euidenti periculo succumbendi? Nec dicas dæmonem non videri, nec semper percipi quandam nos expugnet & tentet, ac proinde non esse mirum nec capitale, sed potius excusandum si succumbamus. Id enim ad exculpationem dici non potest, cum nemo legitime possit ignorare, quod est in religione Christiana notissimum; imo & ipsis Paganis non ignotum, nullum esse hominem qui quamdiu viuít, non tentetur; Nam ut ait beatus Iob, *Militia est*, seu ut Septuaginta vertunt, *Tentatio est vita hominis super terram.* Tentatio ipsa militia est, inquit sanctus Gregorius, *quia contra malignorum spirituum*

tuum insidias vigilat, in bellorum procinctu proculdubio exudat. Ipsa autem hominis vita tentatio est, cui ex semetipsa nascitur, unde perimatur. Quae etsi semper ex virtute succidit quod ex infirmitate generat; semper tamen ex infirmitate generat, quod ex virtute succidat. Humana vita tentatio est, ut etsi iam ab iniquitatis perpetratoe compefcitur: in ipsis tamen bonis operibus, modò malorum memoria, modò seductionis caligine, modò intetionis, sua interruptione fufcetur.

Sunt quidem tempora, seu loca, aut negotia quibus grauiore possint inesse tentationes, sed numquam deest ille qui vbique & semper insidias ponit, qui idcirco vocatur *Diabolus & Satanas*, ut *Apoc.* est in Apocalypfi, quod seducat vniuersum orbem, per se, & per suos administros, quos Apostolus vocat *mundi Rectores tenebrarum harum*, qui non dormitant, non fatigantur, non cecurantur, non expleantur. Accedit Mundus, seu obiecta quæuis extrinseca, de quibus Sapiens; *Creaturae Dei factæ sunt in odium, & in tentationem animabus hominum, & in musculam pedibus insipientium.* *Sap. 14.*

Et quando illa omnia externa deciderent, *Vnusquisque tentatur à concupiscentia sua abstractus & illeclus*, ait sanctus Iacobus, vnde sicut nemo viuit sine concupiscentia, sic nemo viuit sine tentatione. Hæc est caro semper concupiscentia aduersus spiritum, hæc lex carnis seu membrorum semper repugnans legi mentis nostræ. *Gal. 5. Rom. 7.* Quid nequius, ait Sapiens, quam quod excogitauit caro & sanguis? *Ecclesi. 17.* Quid porro cogitas, quid loqueris, aut quid aliud tractas quam quod caro & sanguis excogitant, nisi contra pugnes & relitas? *Moneris*, inquit Seneca, *perpetuam tibi cum vitiis imminere pugnam, cuius nulla sit per diem, nulla etiam per noctem relaxatio. Vix enim cessant excubie aut desunt voluptates quæ te infestent.* Plena his moribus sacra Scriptura, pleni sunt Patrum Codices: sed homo Ethnicus fuit audiendus, ut Christianus se excusare non possit si nesciat quod ipso naturæ lumine satis est notum, & ipso communi sensu perspectum: Vnde tandem id patet euidentissimè quod erat declarandum, de periculo in quo Ille versatur qui se non putat tentatum, nempe cum minus aduertat, facilius cedit tentationi & peribit: *Quasi bos ductus ad victimam*, inquit Sapiens, *Et quasi agnus lasciuens, & ignorans quod ad vincula stultus irabatur, donec transfigat sagitta iecur eius: velut si auis festinet ad laqueum, & nescit quod de periculo animæ illius agitur.* *Prom. 7.* Idemque postea luculente; *Oculi tui videbunt extraneas, & cor* *Eccl. 23.*

tuum loquatur peruersa, & eris quasi dormiens in medio mari, & quasi sopitus gubernator, amisso clauo, dices, verberauerunt me sed non dolui, traxerunt me & ego non sensi. Nonne hoc est periclitari? Nonne hoc est periculum tuum?

III. PUNCTVM.

NE MO igitur periculose magis tentatur, quam qui se non putat tentatum; Quia totum tentationis periculum in eo est vt quis tentationi consentiat, nemo autem euidentius in eo versatur periculo quàm ille miser qui reuera tentatur sicut alij homines, & tamen præter alios se putat non tentari; Sic enim non resistit, non repugnat, non contradicit, ac proinde sic succumbit, & perit. O quam multi tales de quibus grauitè sanctus Petrus:

2. Petr. 2. *Hi velut irrationabilia pecora naturaliter in captionem & in perniciem in his quæ ignorant, blasphemantes, in corruptione sua peribunt percipientes mercedem iniustitiæ, voluptatem existimantes dei delicias; Quasi diceret, quod nos Christiani vocamus tentationem & pericula, illi voluntariè ignorantes, & velut blasphemantes, vocant suas voluptates & delicias: in quibus quanto magis acquiescunt, tanto facilius pereunt. Hi sunt qui cum volunt diuites fieri, incidunt in tentationem, inquit Apostolus, & in laqueum diaboli, & desideria multa inutilia, & nocua, quæ mergunt homines in interitum & perditionem. Radix enim omnium malorum est cupiditas, quam quidam appetentes, errauerunt à fide, & inseruerunt se doloribus multis. Quid clarius ad periculum indicandum? quid manifestius ad perditionem totius pene vniuersi declarandam? Non enim dicit, qui sunt diuites, aut qui diuitiis abutuntur, sed tantum qui volunt diuites fieri; Nam illa voluntas & cupiditas est occulta tentatio quâ nullus se putat tentatum, & quâ tamen omnes tentantur & pereunt, sicut omnes volunt diuites fieri; Quis enim est in sæculo & forte etiam in Monasterio qui non velit esse diues? Quis tamen propterea se tentatum putat, aut in periculo; cum potius vt se à periculis & miseriis huius vitæ eripiat, vult esse ditior.*

Hinc vero est propterea, inquit Apostolus, hinc est tentatio & laqueus diaboli, quod non se putent tentari. Hinc ille est interitus & perditio in quam ignari merguntur qui volût diuites fieri,

& qui vno verbo cupiditatem appetunt, siue quæ in diuitias, siue quæ in vanum honorem, aut voluptatem pertrahit. Vnde idem Apostolus consequenter pergens, *Tu autem, ô homo Dei, hæc fuge, sectare verò Iustitiam, pietatem, fidem, Charitatem, patientiam, mansuetudinem. Certa bonum certamen fidei, apprehende vitam æternam: Quasi diceret, persuade tibi te in continuo versari certamine ac discrimine, nisi certes & pugnes in teipso contra teipsum! Et quoties de virtute exercenda contra vitium aliquod agitur, sic certa fideliter, quasi de fide ageretur, aut de æterna vita, In omni. Ephes. 6. bus, inquit, sumentes scutum fidei, in quo possitis omnia tela nequissimi ignea extinguere, & galeam salutis assumere. Quid ageres ubi de summa fidei & salutis ageretur? hoc ipsum age in quavis occasione virtutis exercenda. In hoc erras quod in iis quæ videntur parua, parum certes: & nisi euident cernatur periculum, non te putas periclitari. Aduerte diligenter. Vigilantes in omni instantia. Ibid.*

Vide Verbo *Tentatio, Demon, Pugna, Fortitudo.*



DIE XVI. IANVARII, NISI SIT DOMINICA.

AD HÆC S. IOANNIS BAPTISTÆ
DE CHRISTO DOMINO, VERBA:

Ecce Agnus Dei, Ecce qui tollit peccatum mundi.

Ioan. i.

VERITAS PRACTICA.

Injuriosum est Christo, Agno Dei, si nulli quidem velis inferre injuriam, nolis tamen illatam ferre.

RATIO EST, Quia iniuri sum est Christo Agno Dei, velie esse mansuetum alia mansuetudine ab ea quam decuit.

Sed nulli quidem velle inferre injuriam, nolle autem illatam ferre,

hoc est velle esse mansuetum alia mansuetudine ab ea quam diuinus ille Agnus docuit.

Ergo Illi injuriosum est, si nulli quidem velis inferre injuriam, nolis tamen illatam ferre; Ac proinde discendum pari lege non inferendas & sufferendas esse injurias.

I. PUNCTVM.

TRANSACTIS in deserto quadraginta diebus & noctibus, reiectoque à se Tentatore, Dominus redijt ad suum Præcursores & Præconem sanctum Ioannem Baptistam, qui statim atque Illum vidit ad se venientem, *Ecce, inquit, Agnus Dei, ecce qui tollit peccatum mundi, Hic est de quo dixi, post me venit Vir qui ante me factus est; quia prior me erat; Multaque alia in illius commendationem & præconium populo qui frequens aderat, euulgauit. O quanta loquendi materia, & audiendi vtilitas!*

Iterum vero, *Alter die, inquit Idem Euangelista, stabat Ioannes; & ex discipulis eius duo, & respiciens Iesum ambulantem dixit, Ecce Agnus Dei. Nempe ille singulariter, ait S. Augustinus, qui conceptus est sine macula, qui figuratus est in agno quotidie immolatio, & qui se semel immolare Deo debet, ut tollat omne mundi peccatum. Addit Beda: Ecce Agnus qui vellus dedit ex quo vestem nuptialem facere possemus, id est, exēpla viuendi quibus in dilectione calcieremus.*

Et sicut Agno maxime proprium est mansuetum esse ea mansuetudine qua nullum non modo lædit, sed se etiam lædentibus non resistit; sic plane Christus Dominus inter exempla viæ, hoc præcipue nobis dedit & proposuit, quod imitando sequeremur. Hinc illa Veritas quæ modo consideranda exhibetur, & quæ tam efficaciter perfectam illam mansuetudinem nobis commendat, ut nisi eam obseruemus, *Injuriosum id Agno Dei, seu Christo Domino reputemus.*

Ratio hæc affertur valde consideranda, quod iniuriosum Christo sit velle esse mansuetum alia mansuetudine ab ea quam docuit. Cum enim ille, Deo patre sic ordinante, se Doctorem & ducem nostrum fecerit, qui verbo & exemplo virtutes omnes edoceret quæ formæ nobis essent exercendæ; Nonne id illi ma-

manifeste iniuriosum est, si neglecta illa forma, tu aliam quæras & præferas, quali ille nesciuerit quid tibi expediret, aut quasi tu contempnas quod ille probe nouit tibi magis expedire? *Ecce, inquit Ipse Deus, testem populis dedi eum, ducem & præceptorem Gentibus. Et ibunt populi multi & dicent, venite & ascendamus ad montem Domini, & ad domum Dei Iacob, & docebit nos vias suas, & ambulabimus in semitis eius. Tu vero contra ex his eris, Qui dixerunt Deo, Recede à nobis, scientiam viarum tuarum nolumus; Et non putabis hoc iniuriosum illi esse?*

Quàm longe aliter ille sentit, qui scripsit, *Ex Ipso vos estis in Christo Iesu, qui factus est nobis sapientia à Deo, & Iustitia, & Sanctificatio, & Redemptio; Quæ quatuor ab Apostolo commemorata, sanctus Bernardus refert ad quatuor Cardinales Virtutes, quarum forma & exemplar Christianis Christus est, sicque concludit; Incassum proinde quis laborat in acquisitione virtutum, si aliunde eas sperandas putat quàm à Domino virtutum, cuius doctrina seminarium prudentiæ, cuius misericordia opus iustitiæ, cuius vita speculum temperantiæ, cuius mors insigne est fortitudinis.*

Sic sanctus Augustinus; *Illam, inquit, virtutum formam teneamus, quam verbo & exemplo commendauit Christus præsens in carne. Omnis virtus nostra, tam longe est à vera virtute, quàm longe est ab ea forma. Expende hæc postrema verba, hinc enim liquet apertius quanta Christo fiat iniuria. Nam si vel alia virtus, si alia mansuetudo ab ea quam Christus docuit, vera esse possit, non esset tamen illi præferenda, quam Dominus & magister noster nos docuit; quanto longe minus, si nulla est vera, præter eam quam ipse docuit? Et quanto longe magis iniuriosum illi est falsam aliorum virtutem malle, quam illius veram, si vel aliorum veram malle non posses, sine illius iniuria? Responde, aut acquiesce.*

II. PUNCTVM.

SED nulli quidem velle inferre iniuriam, nolle autem illatam ferre, hoc est velle esse mansuetum alia mansuetudine ab ea quam Christus docuit.

Distinguenda duplex quædam mansuetudo, nempe vna est quæ nulli nocet, nullum verbo aut facio lædit; sed non ultra

progredditur; non illatam suffert iniuriam. Et hæc quidem mansuetudo communis est omnibus hominibus, siue Iudæis, siue Ethnicis, cum in ipsa naturæ lege sit expressa, qua nulli licet
Math. 7. facere, quod nobis nollemus fieri. *Hæc est enim lex & Prophetæ,* inquit Dominus, id est, hoc omnes docent, qui aliquid docent. ALTERA vero mansuetudo est quæ non modo nulli infert ullam iniuriam, sed à quocumque illatam patienter suffert: Quæ quidem virtus maxime est propria Christo & Christianis, sic enim de illo Isayas antequam pateretur, *Sicut ovis ad occisionem ducetur, & quasi Agnus coram tondente se, obmutescet.*
1. Pet. 2. Sic postquam passus est, *Cum malediceretur,* inquit S. Petrus, *non maledicebat: cum pateretur, non comminabatur;* Sic ipse Dominus in suo illo celebri sermone in monte, palam & præcipue hoc professus est, atque in hoc pene vno, suam legem & doctrinam definiuit. *Math. 5.* *Audistis,* inquit, *quia dictum est, oculum pro oculo, & dentem pro dente,* *Luc. 6.* *Ego autem dico vobis, non resistere malo, sed si quis te percusserit in dexteram maxillam tuam, præbe illi & alteram. Vobis dico qui auditis: Diligite inimicos vestros, benefacite his qui oderunt vos.*

Vide quæ plura habentur Mathæi quinto, & Lucæ sexto, quibus adiunge quod Apostolus conformiter docet, *Benedicite persequentibus vos, benedicite & nolite maledicere, nulli malum pro malo reddentes. Non vos ipsos defendentes Carissimi, sed date locum iræ. Si esurierit inimicus tuus, ciba illum: sitit, potum da illi. Noli vinci à malo, sed vince in bono malum.* Itemque alibi: *patientes estote ad omnes, videte ne quis malum pro malo reddat, sed semper quod bonum est scitantes in inuicem, & in omnes.* Hoc ipsum pene totidem verbis sanctus Petrus. *Non reddentes malum pro malo, nec maledictum pro maledicto. Sed è contrario, benedicentes: quia in hoc vocati estis, ut benedictionem hereditate possideatis.*

Ex quibus manifeste vides, qualis ea sit Mansuetudo quam Christus docuit, & quam longe ab ea sis, nisi patienter feras iniurias. Esto sis ita mansuetus ut nullas inferas, non est ea Mansuetudo Christianæ legis, sed Mosaicæ & naturalis, quâ tu si sola contentus es, quid tibi Christus proderit?

III. PUNCTVM.

INIURIOSVM est igitur Agno Dei seu Christo Domino, si nulli quidem velis inferre injuriam, nolis tamen illatam ferre; Quia vis quidem esse mansuetus nullis inferendo injuriam, sed nō vis esse mansuetus ea mansuetudine quam Christus docuit, dum illatam injuriam non vis sustinere. Quod illi non minus iniuriosum est quam si legem & doctrinam eius negligeres, aut minus æstima-
Ioan. 9.
res quam quod aliæ docent leges. *Nos scimus quia Moyse locutus* est Deus; hic autem nescimus unde sit. Velles ne sic loqui cum Iudæis? At nescire in praxi eius doctrinam, seu perinde illam negligere quasi nescires, aut quasi non probares, quid putas esse aliud quam ipsum nescire unde sit, an è cœlo, an è terra, an vere aut falso dixerit? Nam si vere dixit, cur non credis? cur non profiteris? *Ibid. 8.*
Si veritatem dico vobis, quare non creditis mihi? Dices id esse difficilius quàm possis ferre. Sed nonne sic pergis injuriam Christo facere, quasi ille duriora aut impossibilia iusserit, quasi deneget gratiam, quasi gratia non sit satis potens adimplendo mandato, aut quasi non sit satis dignus Christus cui seruiendo parum laboremus? Audi S. Augustinum. Et vide quid hic cor-
Serm. 5. de
rigas, quid emendes: *Convincimur certissimaratione, quia propter* Deum possumus quidem, sed nolumus injuriam sustinere. *Sanctis.*
Si nobis aliqua potens persona injuriam facit, si nos etiam in faciem maledicit; nec respondere aliquid asperum, non dicam, vicem reddere ausi sumus.
Quare hoc? Ne ab illa potenti persona, adhuc majora quàm pertulimus, patiamur. Quod à nobis torquet hominis timor, deberet à nobis exigere Dei amor. Aut si minus in te valet Diuinus Amor, huic ad-
Iac. 4.
iunge timorem, & expauesce ad hæc S. Iacobi verba: *Vnus est* Legislator & Index qui potest perdere & liberare.

Vide Verbo Mansuetudo.



DIE XVII. IANVARIL NISI SIT DOMINICA.

*AD HÆC PRIMORVM CHRISTI
DOMINI DISCIPVLORVM, VERBA:*

Magister, ubi habitas? Dicit eis, venite & videte.
Ioan. 1.

VERITAS PRACTICA.

Qui dicit se in Ipso manere, debet sicut Ille ambula-
uit, & ipse ambulare. 1. Ep. Ioan. c. 2.

RATIO EST, Quia qui dicit se in Christo manere, debet, ut
verum dicat, verè cum ipso consentire:
Sed nisi ambulet sicut ille ambulauit, non verè cum ipso consentiet.
Ergo debet sicut Ille ambulauit, & ipse ambulare. Quod tamen
pauci recogitant.

I. PUNCTVM.

Ioan. 1.

QUOQVENTEM de Christo Domino; sanctum Ioan-
nem Baptistam cum audirent duo Discipuli; *Secuti sunt*
Iesum, ait Euangelista. *Conuersus autem Iesus, & videns*
eos sequentes, dicit eis, quid queritis? Qui dixerunt ei, Rabbi, quod
est interpretatum Magister, ubi habitas? Dicit eis, venite & vi-
dete. Venerunt & viderunt ubi maneret, & apud illum manserunt
die illo.

Hi sunt primi Iesu Discipuli, qui prius erant Ioannis: hi sunt
qui primi cum illo manserunt, nondum quidem inseparabiliter,
sed ad tempus, ad vnam diem & noctem, quam in mutuis vltro
citroque

citroque habitis sermonibus cum ipso transegerunt. Quam beatum diem duxerunt! quam beatam noctem! quis est qui nobis dicat quid audierint illi à Domino? adificemus & nosmetipsi in cordenostro, & faciamus domum quò veniat Ille, & doceat nos, & colloquatur nobis. Sic apte sanctus Augustinus, vnde ad Veritatem præteticam modo considerandam, proposita est illa Diuina Sententia sancti Ioannis Euangelistæ, Quod, *Qui dicit se in Ipso manere, debet sicut Ille ambulauit, & ipse ambulare.* Est autem vnum & idem, nos in Christo manere, & Christum in nobis, cum vnum ex altero sequatur, sicut ipse dicit, *In me manet & ego in illo. Manete in me & ego in vobis.* Sed quid cum mansione ambulatio? cur manenti cum Christo ambulandum, sicut Ille ambulauit?

Tract. 7.
in Ioan.

Ioan. 6.
& 15.

Ratio est facilis & valde familiaris, quòd simul cohabitantibus, sicut & simul peregrinantibus, hoc imprimis est commendatissimum, vt bene inter se conueniant & concordent: Vnde apte Propheta, *Namquid ambulabunt duo pariter, nisi conuenerit eis?* Et Sapiens de iis quibuscum est difficile conuenire, *Noli, inquit, esse amicus homini Iracundo. NE comedas cum homine inuido.* MELIVS est sedere in angulo domatis, id est sub dño & incommode, quàm cum muliere litigiosa, & in domo communi; Vbi scilicet multi strepitus, multæ lites & contentiones. Nihil enim ad habitationem & conuietum accommodatius & desiderabilius, quàm mutua simul habitantium, concordia: proindeque tanquam munus & donum præcipuum quod à Deo hominibus concedatur, ita canit Regius Psaltes, *Deus in loco sancto suo, Deus qui inhabitare facit vniuersis in domo.*

Amor. 3.
Tiron. 22.
Ibid. 25.
Ibid. 25.

ps. 67.

Quod cum vniuersim verum sit de his omnibus qui simul conuiuunt, quantò magis de nostra cum Christo mansione, de quo præcipue dicitur, *In pace locus eius, & habitatio eius in Sion: Ibi confregit potentias arcum, scutum, gladium & bellum.* Illudque erat quod a suis, donum aliquam intrantibus, vellet ante omnia dici, *Primum, inquit, dicite, Pax huic domui;* Quod quidem dictum illi tam familiare erat, vt hac eius pronuntiatione tanquam certissima sui nota, se cognoscendum præberet Apostolis, dum resurgens primum illis apparuit, *Pax, inquit, vobis: iterumque confirmandis in sui noticiam eorum animis, Pax vobis.* Denique quid ad rem nostram apertius quàm quod ipse suis iam dixerat, *Hac locutus sum vobis, vt in me pacem habeatis. HÆC non*

Luc. 10.

Ioan. 20.

modo quæ dicit, inquit sanctus Augustinus, *sed quacumque illis locutus est, ex quo eos cepit habere discipulos, cõ scilicet omnia spectant, ut non obstante quolibet aduerso casu, pacem & concordiam cum ipso seruent.* Nonne id æquum? Ah Domine Iesu, quis tecum nollet conuenire? aut quis tecum dissentiens præsumeret tecum habitare? Fili, pauci tamen tecum conueniunt; & multi tecum esse putant, qui longe disiuncti sunt.

II. PVNCTVM.

SED nisi quis ambulet sicut Ille ambulauit, non vere cum ipso conueniet.

Hæc enim sunt velut Synonyma, id est, vnum & idem significantia, *Ambulare sicut ille, & conuenire cum illo*; Nam hoc vnum hæc duo significant, vitam instituere conformem eius præceptis & exemplis, quantum vniuscuiusque vocatio & vitæ degendæ ratio exigit; vnde toties in scripturis quod dicitur, *Ambulare in lege, in præceptis, & in via Domini*, perinde est ac si diceretur viuere conformiter legi diuinæ, atque vniiformiter cum Deo conuenire, sicque euidentius patet quàm vt probari fufius sit necesse, quod qui non ambulet sicut Christus, non cum eo conueniat, nam hoc ipso quo aliter ambulat, aliter viuit; viuendo autem aliter, vita dissentit; vita denique dissentiendo, dissentit iudicio & voluntate, quod est plane non conuenire. *Gravis est nobis ad videndum, dicunt impij, quoniam dissimilis est aliis vita illius, & immutata sunt via eius. Tamquam nugaces æstimati sumus ab illo, & abstinet se à viis nostris tanquam ab immunditiis*; Quati dicerent, cum simili via non ambulemus, Imo cum dissimilem agamus vitam, non possumus simul conuenire: Tam dissentimus animis quàm moribus.

Vnde & ipse Dominus suis Galilæis, mundana sapientibus.
Ioan. 7. *Non potest, inquit, mundus vos odisse, me autem odit; quia ego testimonium perhibeo de illo, quod opera eius mala sunt.* Id est, idcirco non conuenit tecum mundus, quia tecum non ambulat: idcirco mihi aduersatur, quia mea illi est aduersaria vita, cui suam cum nolit conformare vitam, nec tecum proinde conuenit, imo tecum dissentit, & me odit. *Nam qui non est tecum, contra me est: & qui non colligit tecum, dispergit.* Itane mundus oderit Chri-

LUC. 11.

Qui dicit se in Ipso manere debet sicut Ille ambulauit, &c. 259
sum, & sim ego de mundo ! Ah mi Iesu, vel de mundo me tolle !
vel mundum tolle à me.

III. PUNCTVM.

QVI ergo dicit se in Ipso manere, debet sicut Ille ambulauit, & ipse ambulare ; Nam nisi ambulet sicut ille, non conueniet cum illo ; & nisi cum illo conueniat, non in ipso manebit. *Sicut 1. Ioan. 26 docuit vos, manete in eo*, inquit dilectus Discipulus ; At vide quomodo docuerit esse manendum in se, vide quantum ex hac mansione, fructus emanet, & quantum detrimenti sequatur, nisi constanter in eo manseris. *Sicut palmes*, inquit, *non potest ferre fru. Ioan. 15. Etiam à semetipso, nisi manserit in vite, sic nec vos nisi me manseritis. Ego sum vitis, vos palmites : qui manet in me, & ego in eo, hic fert fructum multum, quia sine me nihil potestis facere. Si quis in me non manserit, mittetur foras, sicut palmes, & arefcet, & colligent eum, & in ignem mittent & ardet. Si manseritis in me, & verba mea in vobis manserint, quodcumque volueritis petetis, & fiet vobis.*

Quid magis timendum palmiti, quàm si comburatur ? At comburetur si à vite excidatur : Excidetur vero si nullum fructum ferat ; Nullum autem fructum feret, si non in vite manserit : Nec in vite porrò manebit, nisi eodem veluti succo nutriatur. Sic place tecum discurre : si à Christo diuidaris, perijsti : Diuideris autem nisi constanter in eo maneat : At in Ipso non manebis, nisi cum ipso conuenias, & sicut ille ambulauit, ita tu ambules. Nonne ergo est ita ambulandum ? Vis ne ab ipso diuidi ? Vis perire ? O miseriam perituri, si diuidatur à Christo animus ! sed o felicem necessitatem non diuidendi à Christo animi, quod alioquin pereas ! Neque hic alia modo perditio quarenda est quàm ipsa diuisio animi à Christo suo, cum Christum perdere, sit perire ; nec vlla, Christo perduto, sit iactura grauior, sicut nihil est Christo pretiosius ; non sanitas, non humana vita, non ipsa æterna beatitudo.

Restat hic expendere accurate cum Apostolo : *Quis ergo nos Rom. 8. separabit à Charitate Christi ? Tribulatio, an angustia, & quæ plura proponit. Forte vel vnus auræ mundanæ flatus : vnus mundi rumusculus ; Attende tibi.*

Et Vide Dñicā 3. Quad. Verbo item *Christus. Mundus. Concupisc.*



DIE XVIII. IANVARII.

NISI SIT DOMINICA.

DE CHRISTO DOMINO COMMV-
NICATO; SEV DE CONVOCATIS ALIIS
AD IPSVM DISCIPVLIS.

*Inuenimus Messiam, quod est interpretatũ Christus.
Inuenimus Iesum, Filium Ioseph à Nazareth.*

Ioan. 1.

VERITAS PRACTICA.

Nemo magis sibi Christum seruat, quàm qui minus
sibi soli seruat.

Vel è contrario.

Nemo minus sibi Christum seruat, quàm qui magis
sibi soli seruat.

RATIO EST, Quia nemo magis aut minùs sibi Christum ser-
uat, quàm qui magis aut minus Christum diligit.

Sed qui minus sibi soli seruat, magis Christum diligit: aut è contra
minus eum diligit qui magis eum sibi soli seruat.

E go nemo magis aut minus sibi Christum seruat, quàm qui magis
aut minus sibi soli seruat. Ac proinde quanto quis magis illum
sibi seruare velit, tanto magis communicet aliis, nec sibi soli
seruet.

L. PUNCTVM.

RAT autem Andreas frater Simonis Petri, unus ex duobus ^{Ioan. 1.} qui audierant à Ioanne, & secuti fuerant Iesum. Inuenit hic fratrem suum Simonem, & dicit ei, Inuenimus Messiam; & adduxit eum ad Iesum. Intuitus autem eum Iesus dixit, Tu es Simon, Filius Iona: tu vocaberis Cephias, quod interpretatur Petrus. In crastinum voluit exire in Galileam, & inuenit Philippum: Et dicit ei Iesus, sequere me. Inuenit Philippus Nathanael, & dicit ei, quem scripsit Moyses in Lege, & Propheta, inuenimus Iesum filium Ioseph, à Nazareth. Veni & vide.

Multa hic expendi possent, vt, quid sit modò inuenisse Christum: qualis thesaurus; quali cura conseruandus, & quali studio aliis communicandus. Sed hoc imprimis obseruandum est, ex his viris qui primi commemorantur cognouisse Christum, solos illos duos fuisse Apostolos, qui inuentum & cognitum alijs communicarunt, nempe Andream & Philippum, quorum ille fratrem suum Simonem Petrum, hic autem Nathanaelem ad Dominum Iesum adduxerunt. De socio Andrea & de ipso Nathanaele quid factum fuerit, non narratur; Hoc nempe est quod ex proposita Veritate nobis est modo considerandum attentius, *Nemo magis sibi Christum seruat, quàm qui minus sibi soli seruat.* Vel è contrario, *Quia plerumque magis nos mouent quæ aperta mala important, Nemo minus sibi Christum seruat, quàm qui magis sibi soli seruat.*

Ratio quæ offertur est euident, & vtramque propositionem qua Veritas enunciat, comprehendit, quia scilicet nemo magis aut minus sibi Christum seruat, quàm qui magis aut minus Christum diligit. Sicut enim dilectione generatur Christus, sic dilectione nutritur & conseruatur. Nam quod de cæteris rebus dicitur, hoc etiam Christo conuenit, vt quibus medijs res aliquæ fiunt, iisdem conseruentur. Atque i Ichnico Christus Dominus, ^{Ioan. 14.} Si quis, inquit, diligit me, sermonem meum seruabit, & Pater meus diligit eum, & ad eum veniens, & mansionem apud eum faciemus; Quamdiu scilicet me diligit, & quamdiu sermonem meum seruabit; Veniunt ad nos, inquit sanctus Augustinus, dum venimus ad Tract in eos: veniunt subueniendo, illuminando, implendo: venimus obediendo. ^{Ioan.}

*Rom. 30. in
Euang.* do, intuendo, capiendo. In quorundam etenim corda venit, ait sanctus Gregorius, & mansionem non facit; quia per compunctionem quidem, Dei respectum percipiunt, sed temptationis tempore, hoc ipsum quod compuncti fuerant, obliuiscuntur, sicque ad perpetranda peccata redeunt, ac si hac minimè planxissent. Qui ergo vere Deum diligit, qui eius mandata custodit, in eius corde Dominus & venit, & mansionem facit, quia sic eum Diuinitatis amor penetrat, ut ab hoc amore, temptationis tempore non recedat.

*Ep. 3. ad
Senerum.* Denique quod sic per dilectionem nascatur & crescat Christus in nobis, apte sanctus Paulinus; Qui sicut in illo ipso homine, quem gessit, ita in nostris mentibus, gradus quosdam corporæ ætatis exequitur, nascitur, crescit, roboratur, senescit. O felicem illum in cuius mente sic Christus nascitur; æ longe foeciciorem illum, in quo natus sic crescit & roboratur Christus!

II. PUNCTVM.

SED qui magis aut minus sibi soli Christum seruat, magis aut minus illum diligit.

Matth. 12. Id est, qui de Christo Domino ad aliorum ædificationem cumularè loqui posset; nec tamen loquitur, aut illi parum & frigide, hic certe indicat se tam minus Christum diligere, quàm minus ardentè & frequenter de illo loquitur. *Eccl. 18.* Ex abundantia enim cordis, os loquitur, & bonus homo de bono thesauro profert bona. Talis ille Apolo de quo sic in Actis Apostolorum scribitur, Hic erat edoctus viam Domini, & feruens spiritu, loquebatur, & docebat diligenter ea quæ sunt Iesu.

Joan. 17. Quis enim nescit zelum & feruorem specularè ad Charitatem? At vero in quo zelus & feruor magis exerceri possunt, quàm in Christo Domino clarificando, sicut ipse à Patre petijt, per suos aliquando futurum: Pater, venit hora, clarifica Filium tuum, ut Filius tuus clarificet te. Iam vero sit aliquis qui horà commoda Christum clarificandi, se continet, conticescit, & sibi soli seruat quod de Christo didicit, quodque opportune posset aliis communicare, retinet contra sapientis monitum, Ne retineas verbum in tempore salutis; An ille censendus est Christum diligere? *1. Cor. 9.* Væ mihi si non euangelizauero! NO N rectè facimus, inquiebant illi, hac enim dies boni nuntij est, si tacerimus &

noluerimus nunciare, sceleris arguemur.

4. Reg. 9.

Certe qui Christum ex corde diligit, cor suum tam angustum tali Dilecto diligēdo sentit, ut omnium corda vellet habere, quibus eum diligeret, aut in omnium cordibus vellet Iesum insigere, ut tanto magis diligeretur, quanto à pluribus diligeretur. Verum quia hæc extra suam potestatem videt; quod superest, ut in quibus commode potest Christum parere, pariat: nonne id enitetur? nonne in id tam vehementer intendet, quam vehementer Christum diligit? Et nonne sic etiam indicabit se tanti Christum facere & diligere, quanta erit contentio, quantus labor & zelus in eo communicando aliis, nec sibi soli seruando?

Aperi mihi soror mea, columba mea, perfecta mea, quia caput meum plenum est rore, & cincinnati mei guttis nocturnum. Hæc dilecti ad dilectam, & ad sponsam Sponsi verba esse, satis nosti; sed quam sit illa dilecta & sponsa, quidue ab illa Sponsus velit, audi sanctum Augustinum. *Aperi mihi de sanguine, soror mea; de spiritu meo, columba mea; de sermone meo, quem plenius ex me didicisti, perfecta mea.* *Aperi mihi, prädica me, ad eos quippe qui clauserunt contra me.* Quomodo intrabo sine aperiente? Hæc sunt Dilecti monita: hæc sunt dilectæ officia; An illa fideliter audis? An hæc constanter reddis?

Cant. 5.

Tract. 17.
in Ioan.

III. PUNCTVM.

NE MO igitur magis minusue sibi Christum seruat, quam qui magis aut minus sibi soli seruat. Nam cum præcipue dilectione seruetur Christus, & in Eo aliis communicando, præsertim innotescat dilectio: tanto magis minusue tibi Eum seruabis, quanto magis minusue illum pro rei opportunitate communicabis, nec tibi soli seruatum voles. *Quid enim,* inquit Apostolus, *Phil. 1.* dum omni modo siue per occasionem, siue per virtutem, Christus annuncietur, & in hoc gaudeo, sed & gaudebo: scio enim quod hoc mihi proueniet ad salutem. Perpende hæc Apostoli verba; si enim vel gaudenti quod Christus ex quauis occasione annuncietur, fructiferum & salutare est; quanto magis annuncianti ex virtute, & ex illa virtute præcipua quæ est Dilectio? In alia sermocinandi materia quantumuis pia, posset esse periculum, & posset timeri excessus, ut supra vilius est: sed ubi de Christo notificando agitur

timere potius debet qui diligit, ne deficiat, quam ne excedat.

Et tamen tam rarus es, & parcus in his habendis cum proximo de Christo Iesu sermonibus! & quod peius est, te excusatum putas, quasi tibi aliquid inde sit perituum, nisi tibi soli serues! ô cecitatem! ô fallaciam! Tantum abest vt aliquid tibi decedat & pereat, quin potius tanto magis augeatur cognitio, & amor, & posse scio Christi, quanto magis Illum communicaues: aut tanto magis depereat quanto minus alios in participationem tanti boni vocaueris.

Ecclesi. 30. *Thesaurus ille est, de quo Sapiens: sine descensione sanctitatis, id est in quo exhauriendo nulla interuenit defectio; nulla iactura,*

Ier. 17. *nulla perditio. Vena est aquarum viuentium, de qua Propheta: quæ eo largius & purius effluit, quo hauritur frequentius. Vnde iam nihil est quò retarderis à loquendo: sed potius ingens & acre subministratur motuum communicandi aliis Christi, ex triplici scilicet Capite, quod est attente perpendendum.*

Primo quidem agitur Christi Domini honor & gloria, quæ eo magis agnoscitur & elucidatur. Deinde proximi salus & perfectio sic manifeste promouetur. Ac denique redundat in nostrum particulare bonum, cum præter dicta, hoc insuper tibi

Ecclesi. 14. *laborantibus promittat Sapientia, Qui operantur in me, non peccabunt: & qui elucidant me, vitam æternam habebunt.*

Sap. 7. Hinc Sapiens tam liberalis & profusus in sapientia sua communicanda, *Quam, inquit, sine fictione didici, & sine inuidia comunico, & honestatem illius non abscondo; infinitus enim thesaurus est hominibus: pro qui visi sunt, participes facti sunt amicitia Dei, propter disciplina dona commendati.* Nonne id veriùs de Christo dici posset? Cur non igitur tam libenter illum comunicas? Latet profecto aliquid quod te retardat, & quod vix auderes agnoscere. Adeo probrosum est, & infandum. Aut te pudet, aut te tædet de IESV loqui! Res nimis vulgaris est, res nimis trita & obuia, res nimis grauis & importuna. Ecce vnde auocaris, ecce vnde obmutescis, ecce vnde argueris & confunderis te non Eum diligere, de quo sic pudet & tædet loqui!

Vide Feriam 4. infra Hebdomadam primam Aduentus. Feriam 5. infra Hebd. tertiam: nec non 31. Decembris, & alibi passim, Verbo *Christus. Zelus. Amor. Colloquia.*



DIE XIX. IANVARII

NISI SIT DOMINICA.

AD HÆC CHRISTI DOMINI
VERBA, DE NATHANAEL:

Ecce verè Israelita, in quo dolus non est. Ioan. 1.

VERITAS PRACTICA.

Veras virtutes magis times, quàm amas.

RATIO EST, *Quia veræ virtutes ea sunt quæ divino potius quàm humano iudicio æstimantur.*

Sed has virtutes magis times, quàm amas.

Ergo & veras virtutes; Quod certe est non minùs probrosum quàm damnosum.

I. PUNCTVM.

VIDIT Iesus Nathanael venientem ad se, & dicit de eo; *Ecce* Ioan. 1.
vere Israelita in quo dolus non est. Dicit ei Nathanael, unde me nosti? Respondit Iesus, & dixit ei, priusquam te Philippus vocaret, cum esses sub ficu, vidi te. Respondit ei Nathanael, & ait. Rabbi, tu es Filius Dei, tu es Rex Israel.

Mirum certe quod ex prima hac notione quam de Christo Nathanael habuit, cognouit & professus est Ipsum esse Filium Dei, & Regem Israel! Sed magis mirum quod cum Ille Nathanael, multis esset ornatus virtutibus, hac vna tamen præcipue commendatur à Domino, quod esset verus Israelita, sine dolo, & malitia: id est, vir simplex & minime malus. Ad eone magna virtus, Simplicitas, vt cum aliæ non desint plurimæ à quibus Vir præstantissimus commendaretur, tamen ab illa vna prætermittis

cæteris, celebretur? Quis hominum in magna laude poneret, se simplicem dici & haberi? An velles sic de te sentirent & loquerentur homines? Nonne potius id timeres? nonne potius inde erubesceres, & quasi de illato doleres probro?

Sic plane est, sic apparentes & speciosas quasdam virtutes satis diligis, quia sic vulgo æstimantur, *Sed veras & solidas magis times, quam diligas.* Quod quàm sit verum & damnosum, ac proinde attentius expendendum si forte dubitas, demonstrabit hæc ratio.

Illæ sunt veræ virtutes & solidæ, quæ diuino potius quàm humano æstimantur iudicio; Nonne est ita? Cum enim de virtutibus sicut de cæteris rebus diuersa Dei sint, & hominum iudicia; certe quantum Dei Iudicium, iudicio præualeat omnium hominum, & Angelorum; tantum eas oportet esse certiores & superiores virtutes, quæ diuino Iudicio tales proferentur. *Mendaces quippe filij hominum in stateris, ut decipiant ipsi de vanitate in idipsis; At vero iudicia Domini vera, iustificata in semetipsa. Cognoui Domine quia equitas iudicia tua.* Sic conformiter sapiens, *pondus & statera, iudicia Domini sunt.* Nonne id agnoscis, nonne id stateris?

II. PUNCTVM.

AT QVI has virtutes quæ diuino magis æstimantur iudicio quàm humano, magis times quàm diligas.

Hæ nempe sunt inter alias, *Abiectio sui, Tolerantia iniuriarum, Paupertatis amor, Simplicitas, & Humilitas cordis.* Nonne hæ virtutes humano iudicio aut nullæ sunt, aut valde abiectæ, & infimorum tantum hominum? Nimis enim verum illud Iob: *Deridetur Iusti simplicitas, lampas contempta apud cogitationes diuitum.* Quod egregiè ad rem nostram sic interpretatur Sanctus Gregorius; *Huius mundi sapientia, Id est virtus quæ æstimatur à mundo, hæc est, cor machinationibus tegere, sensum verbis velare, quæ falsa sunt, vera ostendere: quæ vera sunt, falsa demonstrare.* Hæc nimirum prudentia vsu à Iuuenibus sciunt, læ à pueris pretio discitur, hæc qui sciunt, ceteros despiciendo superbiunt; hæc qui nesciunt, subiecti & timidi in aliis mirantur. Et post pauca; *At contra sapientia infimorum est, nihil per ostensionem fingere, sensum*

verbis aperire, vera et sunt diligere, falsa deuitare, bona gratis exhibere, mala libentius tolerare quàm facere, nullam iniuriæ ultionem querere, pro veritate contumeliam, lucrum putare. Sed hac Iustorum simplicitas deridetur, quia ab huius mundi sapientibus puritatis virtus, fatuitas creditur. Omne enim quod innocenter agitur, ab eis proculdubio stultum putatur, & quidquid in opere veritas approbat, carnali sapientiæ fatuum sonat. Quid namque stultius videtur mundo quam mentem verbis ostendere, nil callida machinatione simulare, nullas iniuriis contumelias reddere, pro maledicentibus orare, paupertatem querere, possessa relinquere, rapienti non resistere, percutienti maxillam, alteram præbere? Vnde bene huius mundi dilectoribus ille egregius sapiens dicit, Abominationes Aegyptiorum immolabimus Domino Deo nostro. Oves quippe Aegyptij edere dedignantur, sed quod abominantur Aegyptij, hoc Israelita Deo offerunt: quia simplicitatem conscientie quam iniusti quique velut infamam abiectamque despicunt, hanc iusti in virtutis sacrificium vertunt, & excolentes recti puritatem & mansuetudinem Deo immolant quam abominantes reprobi fatuitatem putant, quæ nimirum iusti simplicitas breuiter, sed sufficienter exprimitur, cum protinus subinfertur, lampas contempta apud cogitationes diuitum. Videri possent quæ tuius pergit, sed hæc sufficiant ex quibus satis aperte patet, quamnam sint illæ Virtutes quæ diuino magis animantur iudicio quàm humano.

Exodi 9.

At vero, nonne has virtutes magis times quam diligas? Nonne magis times occasionem humilitatis & patientiæ exercendæ quàm illa delecteris? Nonne te æstimas mileriore in paupertate, quàm beatum: & beatior in diuitiis quàm miserum & infœlicem? Denique nonne magis times videri simplex & candidus, ne forte irridearis ab hominibus, quàm simplicitate & candore animi gaudeas, quæ sunt virtutes à Domino maxime commendatæ? Diligis enim gloriam hominum magis quam gloriam Dei; Id est gloriam quæ ab hominibus venit, quàm quæ à Deo est. Quid hoc esse putas, nisi præferre iudiciū hominis iudicio Dei; quàm homo de virtute melius sentiret, quàm ipse Deus! O intolerandam blasphemiam! Et tamen quæ ab omnibus vniuersim toleratur!

Joan. 12.

III. PUNCTVM.

ERGO veras Virtutes magis times, quàm amas; Nam dubitare non potes, quin ex sint veræ virtutes quas Christus prædicat, licet mundus repugnet: Neque te verò later quantum timeas imo & horreas illas à Christo prædicatas virtutes, & beatitudines? Quid proinde sequitur nisi te, veris & solidis repudiatis virtutibus, nescio quas apparentes & speciosas diligere quas mundus probat, & quas alioquin non diligeres, nisi mundus probaret? *Habentes speciem quidem pietatis: virtutem autem eius abnegantes.*

O quanta inde damna, quanta pericula! sic enim fit ut cum nullas veras virtutes habeas, hoc ipsum tamen ignores, quia virtutem te putas habere, cuius habes tantum speciem & simulachrum. *Scio opera tua*, inquit Dominus, *quia nomen habes quod viuas, & mortuus es: non enim inuenio opera tua plena, coram Deo meo.* Rursumque ibidem, *Quia dicis, quod diues sum, & locupletatus, & nullius egco. Et nescis quia tu es miser, & miserabilis, & pauper, & cæcus & nudus.* Velleſne hoc audire à Domino? Quid tibi tunc proderit exterior illa vrbinitas, aut apparentia virtutum quam ex iudicio tantum assumis humano? *Non enim qui seipsum commendat, aut qui ab humano commendatur die, ille probatus est; sed quem Deus commendat.* Et recte sanctus Augustinus de eo qui humana magis quam diuina spectet iudicia. *Hic licet laudetur ab hominibus, à te tamen vituperatur: Qui autem ab hominibus laudatur, vituperante te, non defendetur ab hominibus, indicante te; nec liberabitur, condemnantes te.* Nonne hoc ita modò sentis? At nonne re ipsa post contrà senties, magis humana timendo iudicia & vituperia, quàm diuina! grauius putando condemnari ab hominibus, quàm à Deo damnari! Resipisce ab hac infania, *Et da locum timori Altissimi, quia omnis sapientia timor Dei, & in illa timere Deum.*

Vide infra Feriam 4. post Dominicam sextam Epiphaniæ & Verbo Iudicium. *Virtutes. Mundus.*



DOMINICA II.

POST EPIPHANIAM.

NISI sit Septuagesima, Quæ aliquando, licet rarius, in hanc Dominicam incidit. Frequentius autem in sequentes; tùm verò relictis aliis, Ipsi Septuagesimæ Adhærendum.

DE AQUA IN VINVM MUTATA,
A CHRISTO DOMINO, AD NVPTIAS
INVITATO.

Implete hydrias aqua. Ioan. 2.

VERITAS PRACTICA.

Si vis quod non habes, da quod habes.

SENSVS & RATIO est, quod cùm Deus in omnibus suis operibus Misericordiam simul & Iustitiam coniungat, si quid à Misericordia petimus, Iustitiæ non denegemus quod à nobis petit.

Sed diuina Iustitia hoc à nobis petit, ut si quadam difficiliora velimus quæ non habemus, demus aliqua faciliora, quæ habemus.

Ergo si vis quod non habes, da quod habes. Aut certe iniquè agis contra Deum.

I. PUNCTVM.

Joan. 2.



*N*UPTIAE factae sunt in Cana Galilae, & erat Mater Iesu ibi: Vocatus est autem & Iesus, & Discipuli eius ad Nuptias: Et deficiente vino, dicit Mater Iesu ad eum; vinum non habent; tunc Illa ministris, quodcumque dixerit vobis, facite; Dicit Illis Iesus: implete hydrias aqua, & impleuerunt eas usque ad summum, Quae statim aqua in vinum optimum conuersa est. Videri possunt, & considerari alia, quae de hoc primo miraculo Christi referuntur ab Euangelista. Tum vero Illud imprimis consideratione dignissimum, quod cum Dominus vellet Indigentibus dare vinum, non aliter Illud dederit, quam datâ prius ab eis aquâ. Cur ita porro? Nonne poterat vinum ex nihilo, aut ex aëre facere sine aqua? Aut nonne poterat simul ipsam aquam & vinum facere? Cur illam sibi dari iussit, & in illas infundi hydrias, in quibus vinum merum erat factururus?

Ratio literalis est, vt sic miraculum vini facti, magis apparet, quando constaret omnibus nihil in vasis esse nisi aquam. Allegorica vero est quam refert sanctus Maximus, *Noni nobis poculi praeibatum est sacramentum*, Id est per illam aquae conuersionem in vinum, praesignificare voluit Dominus, sacramentalem conuersionem vini in sanguinem suum: Vel vt ait, sanctus Augustinus, *Fecit de aqua vinum Christus, cum aperuit sensum & exposuit scripturas; sic enim sapit quod non sapiebat*. Anagogico item sensu, ad paratas in coelo delicias ex his paucis operibus nostris quae per Gratiam Dei facimus, referri potest.

Joan. 6.

Denique Tropologica, & Moralis expositio est, idcirco petita & datam esse aquam, ad habendum vinum, vt intelligeremus sic à nobis ea peti à Domino quae habemus, vt ab Eo impetremus quae non habemus. Sic quando in deserto satiauit multitudinem iam triduo se sequentem, nec habentem quod manducaret: Non nisi ex datis sibi panibus, & pisciculis, eam satiauit: multiplicauit quidem panes, sed panes sibi datos, & non alios. Sic planè tecum ager, si sic cum Illo egeris; *Da quod habes & quod petii à te Deus, si vis habere quod non habes & quod ab ipso petis*.

Ratio quae affertur eò magis certa est, quo in ipsis Dei Attri-

buris fundatur: Sunt autē duo attributa, Misericordia & Veritas seu Iustitia quæ in omnibus Dei operibus reperiuntur, iuxta illud Psalmista; *Vniuersa via Domini, misericordia & veritas; & Misericordiam & Iudiciū cantabo Tibi Domine;* Quo de argumento articulum expressum habet S. Thomas, vbi ostendit in his quæ nobiscum agit Deus, sic Misericordiam nos præuenire & subsequi, vt Iustitia simul iungatur, quatenus scilicet de Nostro agendum est aliquid, quod ita iustum & æquum est, vt nisi Illud agamus, nos plane indignos reddamus misericordia. Si verò fideles sumus in agendo, tunc & ipse se fidelem ita præstat, vt non solum plura retribuat, sed & meritis nostris tribuat, ne cuncta gratis agat. Sic paucis apte S. Bernardus: *Qui omnes homines vult saluos fieri, merita nobis extorquet à nobis, & dum nos præuenit tribuendo quod retribuat gratis: agit, ne gratis tribuat.* Hom. 4. super missus.

Vide caput decimum octauum Ezechielis, vbi postquam de hac Dei iustitia, & æquitate actum est fuitius; Tum Ipse Dominus inquit: *Et dicunt Filij Israel, non est æqua via Domini! Nunquid via mea non sunt æqua, domus Israel, & non magis Via vestra praua? Quasi diceret, numquid Illud quo volo à te fieri, iustum & æquum est, vt obtineas quod à me petis? Quod si vero iustum & æquum est, numquid tu iniustus, & iniquus es, qui non Illud præstes? Responde & dic cum Propheta, Iustus es Domine, & rectum est Iudicium tuum. Mandasti iustitiam testimonia tua & veritatem tuam nimis.* re. p. 113.

II. PUNCTVM.

SED Diuina Iustitia seu æquitas hoc à nobis exigit, vt si quæ difficultiora petimus quæ non habemus, demus aliqua facientia quæ habemus, ad illa facilius impetranda.

Sic enim ab vna Gratia disponimur ad aliam, vt cum fideles fuerimus primæ acceptæ gratiæ, fidelem etiam experiamur Eum qui dixit *Omni habenti dabitur, & abundabit: ab eo qui non habet, & quod habet auferetur ab eo.* Sic apte Dauid: *Et retribuet mihi Dominus secundum Iustitiam meam, Et secundum puritatem manuum mearum, in conspectu oculorum eius. Cum sancto sanctus eris,* Et quæ plura pergit ad Dominum, quibus indicat eum fore talem erga vnumquemque, qualis ipse erga eum fuerit, in viū gra- Luc. 19. ps 17.

Sap. 8.

tiarum & mediorum quæ ordinauit ad finem aliquem. Hinc Sapiens, *Vt sciui*, inquit, *quoniam aliter non possem esse continens, nisi Deus det, & hoc Ipsum erat sapientia, scire cuius esset hoc donum, adij Dominum, & deprecatus sum Illum.*

Videsne orationem exigit tamquam aliquid facile, vt Continentia quæ res est difficilior, obtineri possit?

Ep. 121.

ad. probam

Sic vniuersum S. Augustinus de Ipsi orationis necessitate ad alia quæuis impetranda: *Qui nouit*, inquit, *bona data dare filiis suis, petere nos & querere, & pulsare compellit. Quod quare faciat, qui nouit quid nobis necessarium sit prius quàm petamus ab eo, mouere animum potest, nisi intelligamus quod Dominus & Deus noster non voluntatem nostram sibi velit innotescere quam non potest ignorare, sed exerceri in orationibus desiderium nostrum, quo possimus ca-*

Matth. 18.

pere quod praparat dare. Sic vt dimittat nobis decem millia talenta, id est, grauia, & multa peccata, vult à nobis dimitti centum denarios, id est modica quædam debita, leues quasdam offensas à proximo nobis illatas, quæ tamen graues nobis videntur, non nisi tamen leues sunt, si comparentur cum peccatis nostris, quibus diuinam offendimus Majestatem.

Denique quid sunt præcepta omnia, quid consilia, quid sacrificia, quid sacramenta, quid virtutes, & alia Instituta moralia, nisi viæ quædam, & media quæ à Diuina Iustitia exiguntur vt sic ab vno ad aliud procedentes increamur assequi quod promittit? *Si volueritis & audieritis me, bona terra comedetis. Quod si nolueritis & me Iracundiam prouocaueritis, gladius deuorabit vos: quia Os Domini locutum est.* Id est, hoc firmum fixum est, quod quæ statuta sunt à Deo media, ad aliquid obtinendum, tam exactè seruanda sunt, quàm cupidè volumus illud obtinere. Velle sine hanc diuinam ordinationem proscindere tamquam iniustam: aut cum aperte iusta sit, deprauare? Quid hæres, quid dissimulas? *Numquid qui contendit cum Deo, tam faciliè conquiescit? Vtique qui arguit Deum, debet respondere ei.*

Iob. 29.

LII. PUNCTVM.

SI vis ergo quod non habes, da quod habes; Si vis Continentiam cordis, contine oculos, contine linguam, & membra corporis. Illud difficilior & magis remotum à tua potestate, sed istud facilius

facilius & magis à se dependens. Quamobrem si vis illud quod non habes & quod est obtentu difficilius: Da libenter istud quod habes facilius; quia sic exigit Diuina Iustitia, vt non nisi per istud, possis aliud obtinere; *Dimittite, & dimittemini; Date & dabitur vobis: mensuram bonam & confertam & coagitatam & superrefluentem dabunt in sinum vestrum*; Certe quando non ita exigeret Diuina Iustitia, quando sola nostri ratio haberetur; nonne sic pauca quædam danda essent vt maiora redderentur? Quis non libenter seminat, vt colligat? Quis non libenter aquam daret pro habendo vino? Quis non modicum olei & farinæ porrigat, vt quantum recepit Vidua sareptana, recipiat? Luc. 6.
3. Reg. 17.

O damnosam hominum parcitatem, qui se vino priuant quia dare nolunt aquam! Qui se Deuotionis, Meditationis, Continentiæ, Charitatis, & aliarum Virtutum dono, seu præcipuis actibus indignos reddunt, quia faciliores exhibere nolunt, nec de suo conferunt illud exiguum quod ab eis Deus petit! Si nostra peteret non remuneranda, nonne etiam illi danda essent? Quanto magis cum nihil petat quod non multiplici fœnore cumulat, tum reddat? Hinc sapiens; *Bono animo gloriam redde Deo; In omni dato hilarem fac vultum tuum, quoniam Dominus retribuens est; & septies tantum reddet tibi*; Et sanctus Leo: *da quod accipias, fere quod metas sparge quod colligas*; Quin & ipse Dominus, tam aperte: *Quare non dedisti pecuniam meam ad mensam, & ego veniens cum usuris utique exegissem illam?* Tibi tam vere loquitur, quam verè tibi dedit quod illi offerres, ad ampliora promerenda, quæ vix tamen offers. Quid excusas? Ecclesi. 35.
Luc. 19.

O Virgo potentissima, rogarem te libenter, vt quod mihi deest indices Filio tuo, dicatque illi, humilitatem non habet, deuotionem, charitatem aut quidquid est aliud magis necessarium: Sed quandoquidem mihi de meo est aliquid conferendum: da id efficiam quod meum est vt quod est Domini, Dominus in me operetur. Vide in particulari quid à te requirat, ad perfectiorem Virtutum praxim.

IN EADEM DOMINICA.

Vocatus est Iesus ad Nuptias. Ioan. 2.

VERITAS PRACTICA.

Sicut in tristibus, sic in lætis: Sicut in aduersis, ita in prosperis, aduocandus est Iesus.

RATIO EST, Quia idcirco in tristibus & aduersis aduocandus est Iesus, quia sunt periculosa peccandi tempora, quibus sine Iesu vix te à nimia continere possis tristitia.

SED leta & prospera non sunt minus periculosa, suo modo, peccandi tempora.

Ergo in istis non minus aduocandus est Iesus, quàm in illis. Quod tamen pauci persuasum habent.

Pf. 49.



Ecclesi. 18.

D primam propositionem exponi posset, quod cum semper & in omnibus inuocandus est Iesus, tum vero maxime, periculosis in negotiis ac diebus. *Inuoca me, inquit, in die tribulationis.* Ex omnibus autem periculis nulla magis timenda sunt quàm peccati: *Sapiens in omnibus metuet, & in diebus delictorum attendet ab inertia.* Peccandi porro pericula sunt aduersitates, funera, calumniæ, morbi, iactura & quidquid tale est in mundo, vnde magis contrahitur & angitur animus, atque ex illa nimia contractione & angore animi nascuntur iræ, rixæ, murmura, blasphemix desperationes, & similes deprauati affectus, qui grauiora sunt peccata quàm putentur, quia tum Afflicti licere sibi omnia putant. Quapropter tum aduocandus Iesus, & concilianda diuina gratia. *Tristatur aliquis vestrum? oret.*

Iac. 5.

SED leta & prospera non sunt minus, suo modo, periculosa peccandi tempora.

Tum enim animus facile dissipatur, insolescit, superbit, iacta-

Sicut in aduersis sic in prosperis aduocandus est Iesus. 275

bunde multa effutit: tum deliciæ, tum conuiuia, ioci, risus, amores, scurrilia, ludicra, profana & quæ nominari non debent vitia, quis nescit inde redundare? *Mensa eorum coram ipsis in laqueum* & Ps. 68. *in scandalum. DVCVNT in bonis dies suos, & in puncto ad inferna* Job. 2. *descendunt.* Tunc enim eò descendunt quando peccant. *Hi sunt* Iudas. *in epulis suis macula, conuiuantes sine timore, semetipsos pascentes, fluctus feri maris, despumantes suas confusiones, sidera errantia quibus procella tenebrarum seruata est in aeternum.*

NON minùs ergo in istis latis quam in tristibus; neque minùs in prosperis quam in aduersis, aduocandus est Iesus; *Quia non minus perniciofa peccandi sunt tempora, qua lata sunt, quam qua tristia, sicque propterea, si iustis & probis licet, aliquando epulari & gaudere, epulentur certe & exultent, Sed in conspectu Domini, sed in timore* Ps. 67. *Domini, sed in Domino;* Cū alioquin iniustè exultarent, plus æquo exultarent, & tum iusti esse delinerent. *Erat populus iucundus secundum faciem sanctorum,* ait sacra scriptura; quasi diceret, sic erat iucundus quales possunt esse sancti, quali modo sancti possunt esse iucundi, qualis potest esse iucunditas sine detrimento sanctitatis; nam si periclitetur sanctitas, pereat potius iucunditas; quæ tamen salua sanctitate non peribit, cum sit ipsa iucunda sanctitas.

Vide Verbo Gaudium. Moderatio, Pax. Aduersitas, prosperitas. Et suprà, die nona & undecima Ianuarij.

AD HÆC VERBA:

Vinum non habent. Ioan. 2.

VERITAS PRACTICA:

Non est magis fidendum humano gaudio, quam homini mentienti.

RATIO EST, *Quia propterea non est fidendum homini mentienti, quod decipiat.*

Sed humanum gaudium sic decipit.

Prov. 14.



AM primò ibi putatur esse gaudium vbi non est: Deinde putatur maius bonum quàm re vera sit. Denique cùm extrema gaudij, luctus, angor, & peccatum occupent, fatius esset non fuisse gaudium, quam talem eius exitum; Vnde apertè Ecclesiastes: *Dixi ego in Corde meo, vadam & affluam deliciis & fruam bonis. Et vidi quod hoc quoque esset vanitas. Risum reputavi errorem, & gaudio dixi, quid frustra deciperis.* Primo quidem decipitur, cùm nullo solido nitatur bono, tum gaudentem decipit, quem non potest quietum reddere, nec beatum.

Ecclesi. 2.

NON est ergo magis fidendum humano gaudio, quàm homini mentienti, quia non minus decipit quam qui mentitur, nec minus modo quam olim risus error est, & gaudium deceptio. Vnde sanctus Iacobus: *Risus vester in luctum conuertatur, & gaudium in mororem.* Quasi diceret, sic vos decipit gaudium, vt quâ humanâ re gaudetis, sit potius ipsâ lugendum. Sic præclare sanctus Augustinus. *Voluptates mentiuntur, moriuntur, & in mortem trahunt.* Et tu his fidas! Caue si sapias.

Iac. 4.

Ep. ad
Iacil.

Vide Sabbato infra Hebdomadam sextam post Epiphaniam ad hæc Verba: *Qui habet sponsam, sponsus est.* Item in 3. parte, Dominicam 4. post Pentecosten. Et Verbo, *Vanitas.* In die Assumptionis, ad hæc Salomonis verba: *Pete Mater mea.* Et alibi passim, de B. Virgine, de Temperantia vel Intemperantia.



HAC HEBDOMADA, Quæ occurrunt ex Evangelica serie considerata mysteria, diuersa quidem sunt, & nulla inter se connexionione iuncta; sed eò tamen omnia præcipuè tendunt, vt affectus humanos, ratione & Gratia discamus regere.

FERIA SECUNDA.
DE PRIMA CHRISTI DOMINI
PRAEDICATIONE, IN CIVITATE NAZARETH
HABITA, ET A CIVIBVS MALE ACCEPTA.

Si ad humanam gratiam diuina postulas, diuinam repellis. 277.
Repleti sunt omnes in Synagoga, Ira; hæc audientes.

Luc. 4.

VERITAS PRACTICA.


Si ad humanam gratiam diuina postulas, Diuinam Ipsam repellis Gratiam.

RATIO EST, Quia tum diuinam repellis gratiam, quando statutum peruertis finem, & ordinem quo ipsa confertur.

Sed quando ad humanam gratiam Diuina postulas, statutum peruertis finem, & ordinem, quo Diuina confertur gratia.

Ergo tum hanc diuinam Gratiam à te repellis; Quod certe est frequentissimum inter homines, & maximopere considerandū.

I. PUNCTVM.

 **UOD** narrat sanctus Lucas, capite quarto, de reditu Christi Domini in Ciuitatem suam Nazareth, & de prima eius prædicatione illic habita, videtur ordine temporis, ea proximè sequi quæ ante dicta sunt. Sic autem paucis res habet; Cum Ingressus fuisset in Synagogam, atque ex libro Isaïæ, Prophetiam de se manifestam explicasset, primo admirationem sui maximam, loquendo, concitauit; Tum vero cum animaduerneret auditores suos expetere miracula, sicut nuperri-
mè patrarat in Ciuitate Capharnaum, arguit illos inuidiæ & curiositatis, docetque, non omnibus passim à Deo dari miracula sed quibus, & quando vult, neque ad humanam Gratiam aut ad humanos affectus & fines diuina esse postulanda.

Quod cum audissent Nazaræi, tam male acceperunt hunc sermonem, vt statim omnes ira correpti, è Synagoga illum deturbarint, atque in supercilium montis, inde dejiciendum duxerint, nisi se sua diuina virtute subduxisset; O miram & stupendam hominum insaniam, qui sic cœlestia terrenis subdunt, sic æterna temporalibus, & humanis diuina subijciunt, vt non nisi ad naturalem complacentiam, diuina postulent: non nisi ad humanam Gratiam, diuinam exigant! *Non est iste sermo qui mi-*

Iudith. 8. misericordiam prouocet, sed potius qui iram excitet, & furorem accendat: Non est hic ordo neque modus obtinendæ diuinæ Gratiæ, sed potius repellendæ.

Hoc modo est attentè considerandum, quia certè in hoc multi delinquant, & sibi malè prospiciunt, quando non nisi ob affectus naturales, & humanos fines, diuinum aliquid quærunt, quod propterea non obtinent, sed à se repellunt tanto longius, quanto id magis naturale est & humanum, propter quod petunt.

Ratio quæ affertur est euidens, quia tum manifestè diuinam repellis gratiam, quando statutum peruertis ordinem & ratum finem quo illa nobis confertur: licet enim Deo liberum sit quando, ubi, quantum, & quibus velit sua dare, præscriptos tamen sibi constituit fines & ordines, seu statuta quædam ordinauit media, in certos fines, quibus sic ordinarie gratias suas impertit, ut
Reg. 40. non aliter soleat impertire. Sic à Propheta visus funiculus lincus in manu eius, Et calamus mensura in manu eius, Nempe ut quod dixit sapiens, omnia in mensura, & numero, & pondere disponat & ordinet; Sic Sacramenta certis quibusdam gratiis conferendis instituit, ut non nisi per illa in re vel in voto suscepta, & non nisi habito fine conuenienti conferantur hæ gratiæ. Nisi quis renatus fuerit ex aqua, & Spiritu sancto, non potest introire in regnum Dei. NISI manducaueritis carnem filij hominis, non habetis Vitam in vobis; NISI pœnitentiam habueritis, omnes simul peribitis.

Putaresne sine Baptismo vel Pœnitentia, peccatum posse remitti? An ignoras nullam esse remissionem peccati sine pœnitentia, nullam pœnitentiam sine dolore aliquo, nullum dolorem sine emendationis proposito, nullum tale propositum sine auersione animi ab objecto quod peccati causa fuit? Hic est ordo remittendi peccatum ita constitutus, atque ita seruandus, ut nisi obseruetur, non remittatur peccatum; O quàm pauci seruant! Non tres, non duo, non vnus, nam *Nullus est*, inquit Propheta, *qui agat pœnitentiam super peccato suo dicens, quid feci!*

II. PUNCTVM!

SED quando ad humanam Gratiam, ad naturalem complacentiam & ad fines merè humanos diuina postulas, peruertis finem & ordinem, quo diuina confertur gratia.

Non enim ad hunc finem ordinatur & confertur gratia, sed potius ad humanos illos affectus corrigendos, & in statum nobiliorē euehendos, qui supernaturalis, spiritualis, coelestis, & diuinus dicitur, sicut ipsa Gratia tota supernaturalis, tota coelestis est, & diuina. Sic sanctus Petrus: *ut per hac efficiamini diuinæ consortes* 2. Petri. 1. *Natura, fugientes eius quæ in mundo est, concupiscentia corruptionem.* Sic sanctus Prosper: *Virtus Gratia non hoc in voluntatibus operatur* Contra Col-
latores. *ut non sint, sed ut ex malis bonæ, & ex infidelibus sint fideles; ut qui ex sepeptis erant tenebra, lux efficiantur in Domino.* Sicut igitur ille finem & ordinem conditi solis peruerteret, qui solem peteret ad tenebras effundendas, vel ad excitandum frigus, aut quid aliud alienum ab eius natura, & proprietatibus; sic planè qui diuinam aliquam Gratiam postulat ut suæ Gloriæ seruiat, utilitati tantum temporali consulat, aut naturale aliquod inde commodum hauriat: quia non est diuinæ Gratia hos humanos effectus producere, sed potius contrarios, & oppositos; non est diuinæ Gratia vanitatem sectari, sed potius fugere; non temporalia quærere sed contemnere, non subesse libidini, sed præesse; Et sicut ipse author Gratia dicebat, *se non venisse ministrari, sed ministrare,* sic Matth. 20. omnino non venit gratia nec aduocanda ei in hunc finem, ut naturales illos affectus foueat, sed potius reprimat & extinguat. *Numquid colligunt de spinis uvas, aut de tribulis ficus?* quasi diceret, Ibid. 7. nonne ille rerum peruerteret ordinem qui a spinis uvas, aut à vite spinas quæreret, qui à tribulis ficus, aut à ficu tribulos expectaret? sic qui à gratia quod alienum est ab eius virtute, postulat, gratia finem & ordinem prorsus inuertit. *Non est tibi pars neque sors in sermone isto, cor enim tuum non est rectum coram Deo: In felle amaritudinis, & in obligatione iniquitatis, video te esse;* Sic Aet. 8. S. Petrus cuidam petenti gratiam, ex deprauato affectu.

III. PUNCTVM.

S*I ad humanam igitur Gratiam diuina postulas, diuinam ipsam repellis gratiam, Quia non propterea datur, nec propterea est petenda; imo cum ad oppositum finem detur, non minor est iniuria Gratia, velle hunc finem & ordinem pervertere, quam si coelum terræ subjiceres, si tenebras luci præterres, si spiritum carni mancipares, aut Rationem libidini regendam traderes;*

280 FERIA 3. infra Heb. 2. post Epiph. Venite post me.

Hebr. 10. *Hoc est filium Dei conculcare & sanguinem Testamenti pollutum ducere; hoc est Spiritui gratia contumeliam facere.*

Et tamen quoties id appetis! quoties velles maiori pollere gratia ad concionandum, ad gubernandum, ad docendum aut aliquid simile aliud, vt magis appareres, vt maiorem tui concitares famā, & Nominis celebritatē; vel vt commodius viueres, vel denique vt quod naturaliter desideras, facilius obtineres? Itāne verò Cœlestes & diuinæ Gratia terrenis his finibus & humanis affectibus seruiant, quibus dominari deberent! *Quæ participatio iustitiæ cum iniquitate, aut quæ Societas luci ad tenebras? Hi sunt maledictionis filij, de quibus grauitè S. Petrus & S. Iudas*

2. Cor. 6.

2. Petr. 2.

1. ad.

Rom. 6.

Apostoli; Hi sunt qui derelinquentes rectam viam errauerunt, secuti viam Balaam ex Bozor, qui mercedem iniquitatis amauit, Corruptionem verò habuit sua vesania subiugale & mutum animal hominis voce loquens, prohibuit Propheta insipientiam. Hi sunt fontes seu nubes siue aqua, quæ à ventis circumferuntur. Et quæ plura ibi habentur, ex quibus intelligas quā graue sit detorquere diuinas gratias ad priuatum suum commodum, & quantum in hoc deliqueris, vt serio deinceps caueas. Gratia Dei vita atern.

in Christo Iesu Domino nostro.

Vide Verbo Gratia.



FERIA TERTIA. DE ALTERA VOCATIONE APOSTOLORVM.

Venite post me, & faciam vos fieri Piscatores hominum At illi continuo, relictis retibus, secuti sunt Eum. Matth. 4.

VERITAS PRACTICA.

Magis tenemur omnes affectu nostra relinquere, quā affectu Apostoli.

RATIO

Magis tenemur omnes *aff. tu nostra relinquere, quam, &c.* 281

RATIO EST, Quia magis tenemur omnes ad praecepta, quam ad consilia. —

Sed praeceptum est *ut affectu*: Consilium vero *ut effecta*, omnia nostra relinquamus.

Ego magis tenemur omnes affectu nostra relinquere, quam effectum Apostoli: Quod sane est valde expendendum.

I. PUNCTVM.

DE AM pridem Petrus & Andreas cognorant Christum Dominum, iamque illum multis diebus & horis secuti fuerant tanquam eius discipuli, sed nondum suis se propterea bonis abdicarant; nondum ita illi adhaeserant, ut praeter illum nihil haberent; nondum denique illi dicere poterant, *Ecce nos reliquimus omnia, & secuti sumus te*: Donec altera hac vocatione vocari, dum piscarentur, audierunt, & intellexerant has Christi Domini voces, *Venite post me, & faciam vos fieri pisces hominum*. Tum enim continuo relictis retibus secuti sunt eum. Quod item paulo post, audientes Iacobus & Ioannes filij Zebedaei; relictis statim retibus, & patre, secuti sunt eum, inquit Sacer Euangelista. Matth. 4.

Admirabile prorsus hoc consilium Dei qui velit homines, & hos homines, sui diuini operis Coadiutores! Admiranda planè diuina Virtus Gratiae, quae sic suauiter & fortiter homines à suis, & à se retrahit! Considerandum est & illud quod Christus loquitur, *Venite post me*, quasi diceret, quocumque est eundum, vos praecedam, & non minus tutum est quam gloriosum, me posse sequi. Nec praetermittendum quod addit, *Faciam vos fieri pisces hominum*, quasi homines in mundo velut in turbulentissimo mari nauiregerentur, quorum quanta est miseria, & periculosa conditio, tanta eorum est dignitas & felicitas, qui primo inde sunt eruti, tum ad alios simul eruentes & saluandos adhibentur. O singulare beneficium quo Apostoli & Apostolici Viri donati sunt! Quis non libenter sui, se omnibus abdicaret bonis, ut Christum Dominum ad tale munus vocantem sic sequeretur?

Verum non omnes eò vocantur ut relictis effectibus bonis, se &

alios saluent; vocantur autem omnes vt relictis affectu suis, suæ salutis vacent. Et quidem tam stricta est hac omnium vocatio ad sua, corde & affectu relinquenda, Vt minus cuiquam liceat ei vocationi resistere, quam licuisset Apostolis aut Apostolicis illis viris, sua effectum deferere. Dignissima certe Veritas, quæ attentissimè consideretur.

Est autem ratio persfacilis, & euidentissima; Quis enim nescit, ^{1. 2. 9. 108.} ^{2. 4.} nos ad præceptum magis obligari quam ad consilia? Quis ignorat quod ait apertè S. Thomas, hanc esse differentiam inter consilium & præceptum, quòd *præceptum Importet necessitatem; Consilium autem in optione ponitur eius, cui datur? VELLE* M, inquit Apostolus, *omnes vos esse sicut me ipsum*, Id est virgines & continentis: Id tamen vnicuique liberum facio quia non est præceptum, sed consilium: At vero si qui matrimonio iuncti sunt; *Vxor*, inquit, *à viro non discedat*; neque hoc sibi liberum puter, sed omnino necessarium, *quia Præceptum Domini est*, cui longè magis tenemur obedire quam Consilio. Sic ille pluribus.

O bonitatem Domini nostri in seruos suos, quibus cum posset, si vellent, omnia illa præcipere quæ consulit: mauult tamen libertati relinquere, quam necessitate premere; mauult nos sibi filios quàm seruos, aut seruos mauult voluntarios, & liberos, quam coactos & repugnantes.

II. PVNCTVM.

SED præceptum est vt affectu: Consilium vero, vt effectum, omnia nostra relinquamus.

De præcepto patet tribus modis. Primo quidem quatenus per affectum quo creatis bonis, nimis inhæremus, auocamur à fine nostro, qui est Dei Cultus & æterna salus: sicque fit vt quantum iubemur aspirare ad finem nostrum, tantum præcipiamur abstinere iis quæ nos inde auertunt; *Si manus tua vel pes tuus scandalizat te*, inquit Dominus, *abscide eum, & projice abs te*. Bonum tibi est ad vitam ingredi debilem vel claudum, quam duas manus vel duos pedes habentem, *mitti in ignem æternum*, Vbi S. Hieronymus, *omnis hic truncatur affectus*. ^{Manh. 5.} ^{et 18.}

Deinde, affectus rerum prohibetur, quia vix est vllus ordinatus: inordinatus autem est peccatum, ac proinde quantum

Magis tenemur omnes effectū nostra relinquere, quā, &c. 283

præcipimur abstinere omni peccato, tantum & affectu inordinato. *Ab omni specie mala abstinete vos. NON simus concupiscentes malorum, sunt & illi concupierunt.* Non quia res mala fuerit, quam concupierint, sed mala & inordinata concupiscentia. Vnde Sapiens Domino; *omne desiderium auerte à me.* Denique quo præcepto iubemur, Deum diligere *ex tota anima*, *HOC est*, inquit S. Thomas, *ut appetitus seu affectus noster regulatur secundum Deum*, quod idem est atque affectu omnia relinquere. Nam non aliter affectus regulatur secundum Deum, quā ut sic utamur *hoc mundo, tamquam non utamur.* Putasne vere esse præceptum, ut diligas Deum, ex tota anima tua? Sic puta tibi præcipi ut deponas ex anima, inordinatum quemuis affectum, quia non aliter diligitur Deus *ex tota anima.*

I A M vero quod sit tantum consilium & non præceptum, sua effectū relinquere, audi sanctum Thomam: *Quod homo totaliter ea qua sunt mundi, abiciat, non est necessarium ad perueniendum in finem prædictum, nempe beatitudinis eterne, quia potest homo utens rebus huius mundi, dum modo in eis finem non constituat, ab beatitudinem aternam peruenire: sed expeditius perueniet totaliter bona huius mundi abdicando, & ideo de hoc dantur consilia Euangelij. SI vis perfectus esse, inquit Dominus Adolescenti; vade, vende qua habes, & da pauperibus, & habebis Thesaurum in Cælo, quali diceret, non cogo, non præcipio, relinquo tuæ libertati, si vis, confu- lo, & consilij accipiendi motiū propono, quod in cælo repones ea quæ in terra reliqueris. Sic expressis verbis S. Chrysostomus: Hoc in tuo pono arbitrio, te electionis Dominum constituo, non in necessitatem traho. O Magni Consilij Angele, quā pauci tua sequuntur Concilia, qui nec præcepta seruant.*

III. PUNCTVM.

MAGIS ergo tenemur omnes affectū nostra relinquere, quam effectū Apostoli, aut quicvis alij qui sua reliquerunt; Cum magis teneamur omnes ad Præcepta quam ad Consilia, sitque inter præcepta tam expressum illud, ut nihil in rebus creatis, ex inordinato appetitu diligamus, quā est expresse mandatum, *ut diligamus Deum ex toto corde, ex tota mente, & ex tota anima*

In Ps. 118. *nostra*: Nam ut iam alibi dictum est, ex S. Basilio, *quod dicit in toto, nullam in res alias diuisionem admittit, quantum enim dilectionis, in hac inferiora insumpseris, tantum necesse est ut demas de toto.*

Et tamen, quis hominum se putat ita obligatum? Aut quis in sæculo huic obligationi satisfacit, cum omnes ita rebus creatis afficiantur, ut inter usum & affectum, nulla sit differentia, nisi quod magis afficiantur rebus quam utantur, cum plura vellent habere quam sint suis vlibus necessaria, & iis non utantur nisi ut affectui satisfaciant: quasi affectus sit finis usurpandarum rerum, quasi non manducent & induantur, ut viuunt: sed viuunt ut manducent & induantur: ô perueritatem affectus! *Filij hominum, usquequo graui corde!*

Sed quidquid sit de aliis, tu vix quam parum sis ordinatus in affectibus tuis. Vide quantum inde damni & periculi, vel ex hoc vno capite, etsi alia taceantur, quod magis teneris ad affectum mundi deponendum, quam qui vocaretur à Deo, ad ipsum mundum effectui deferendum.

Quid diceres manifestè resistentibus diuinæ vocationi, manifestè contradicentibus Christo se vocanti in religiosum statum? Nonne illis proponeres tremendas istas voces; *Vocaui, & renuistis: ego quoque in interitu vestro ridebo & subsannabo, cum vobis id quod timebatis, aduenerit.* At nonne illi renuis? Nonne Vocantem renuis, cum aperte voceris ad deferenda corde & affectu omnia quæ nimio colis affectu? Si despicienti consilium tanta imminent damna, quanta referuntur in scripturis: quanta putas imminere despicienti præceptum? Si nolenti sua effectui relinquere, periculosum est, cum id tantum consulit Christus, & liberum facit: quanto magis non affectu relinquere, cum id absolute præcipit, & necessitatem obseruandæ legis imponat? *Quis est Dominus, ut audiam vocem eius,* dicebat impius ille rex Pharaon: Velle ne ita loqui? velle ne tibi, & hoc objiceret Christus quod de seruis suis Iob querebatur, *Seruum meum vocaui, & non respondit mihi: ore proprio deprecabar illum.* Quot sunt Veritates propositæ temperandis affectibus, tot sunt eius voces, tot sunt propositæ vocationes, tot declarata præcepta, quibus additæ minæ, preces, promissiones, & quidquid ad vocationem eliciendam, aptissimum iudicauit; Tu quid respondisti? quid

Magis tenemur omnes affectu nō, irarelinquere, quā, &c. 285.
effecisti? cū tam acres, & violenti sint omnes affectus tui,
quali nihil te contra monuisset, quasi non ille te toties inde re-
uocasset? Confundere, *Et aufer malum de medio tui.*

Deut. 17.



FERIA QVARTA. DE DÆMONE IMMUNDO EIECTO AB HOMINE.

*Et erat in Synagoga eorum, homo in spiritus im-
mundo, cui Dominus, Exi de homine. Marc. 1.*

VERITAS PRACTICA.

Non tam à Dæmone quantumuis immundo, immunda
fit anima, quā à seipsa.

*RATIO EST, Quia per solum peccatum anima fit immunda.
Sed peccatum non tam à Dæmone quā ab anima fit.
Ergo non à Dæmone tam fit immunda anima, quā à seipsa.*

I. PUNCTVM.

VOCATIONEM Apostolorum sequitur quod refert
S. Marcus de Dæmone eiecto in Synagoga Capharna-
itarum. *Et erat, inquit, in Synagoga eorum, homo in spi-
ritu immundo, & exclamauit dicens; Quid nobis & tibi Iesu Naza-
rene? venisti perdere nos? Scio quis sis, sanctus Dei. Et comminatus
est ei Iesus dicens, obnot sce, & exi de homine; Et discerpens eum
spiritus immundus, & exclamans vocemagna, exiit ab eo. Et mirati
sunt omnes, itavt conquirerent inter se, quidnam est hoc? quanam
doctrina hac noua, quia in potestate etiam spiritibus immundis impe-
rat, & obediunt ei.*

Hæc sanctus Euangelista, in quibus quid mirabilius sit Dæ-
monem ita prædicare Christum, vel Christum nolle prædicari à

dæmone, cogitari facilius potest quam dici. Est autem spiritus immundus ita dictus, vel quod in locis immundis libenter habitaret, vel potius quod in immunditiam, hominem quem possidebat impelleret; sunt enim ad id vitium præcipue destinati, à quibus quidem nobis est cauendum, cum diuina Gratia, quam Christus Dominus nobis offert: sed magis à nobis cauendum, quia ut habet proposita Veritas: *Non tam à demone quantumvis immundo, immunda fit anima, quam à seipsa.* Quod ut pateat, primum illud proponitur, solo peccato immundam fieri animam, ubi duo sunt consideranda; alterum quod peccato, alterum quod solo peccato immunda fiat anima. Quod utrumque planum est ex Scripturis. *Maculata es in iniquitate tua coram me, dicit Dominus Deus.* Et iterum. *Quàm vilis facta es nimis, iterans vias tuas;* Quod & de ipso veniali peccato intelligendum est, & eo præcipue quod ex concupiscentia seu affectu inordinato fit. Vnde S. Augustinus, *Quibus peccatis,* inquit, *licet occidi animam non credamus, ita tamen eam veluti quibusdam pustulis, & quasi horrenda scabie replentes deformem faciunt, ut eam ad amplexus illius sponsi Cælestis, aut vix aut cum grandi confusione venire permittant;* Nam sicut manus ex contactu luti lutola fit, sic anima in res creatas & terrenas inordinate affecta, cum se his suo modo immiscet, indè maculam contrahit, vnde immaculatum se custodire ab hoc sæculo, est affectum omnem cohibere, quæ pars est veræ religionis potissima, authore S. Iacobo.

Quod autem solo peccato contrahatur macula seu immunditia, patet euidenter, quod quæcumque est animæ pulchritudo, siue naturalis, id est naturæ non corruptæ; siue supernaturalis, id est diuinæ Gratiæ, solâ foedetur peccati macula propter quam solam, animæ peccatrici dicitur: *Abominabilem fecisti decorem tuum.* Erant quidem apud Iudæos legales quædam immunditiæ, sed præterquam quod illæ iam omnes sublatae sunt, neque ipso quo vigeant tēpore, foedabant animam: Vnde Dominus de his agens, & de peccatis: *Hæc sunt,* inquit, *quæ coinquinant hominem: non lotis autem manibus manducare, non coinquinat hominem.* Tolle peccatum, & sunt omnia sanctis in bona, dicebat Sapiens: Quo item sensu Apostolus, *omnia munda mundis.*

O peccatum, tam vere deplorandum malum, quam verè solum est animæ malum.

Serm. 41.
de sanctis:
Ex lib. 50.
Hem. Hom.
50.

Eccl. 1.

Eccl. 16.

Matth. 15.

Ecclesi. 39.

1 Tim. 1.

II. PUNCTVM.

ATQVI peccatum noſtrum non tam à demone quam ab anima ſit. Latrare poteſt, inquit S. Auguſtinus, ſollicitare poteſt, mordere omnino non poteſt niſi volentem, Et apte S. Gregorius ad illa Verba Iob, Conuulnerauit lumbos meos; QVIA, inquit, ad culpam ſine noſtra voluntate non poteſt rapere, ſed nos cum illo pariter nos vulneramus. Itemque appoſite S. Bernardus. Sane diabolus nos noſtra mancipat voluntas, non ipſius poteſtas; Et alibi: ſerpens callidior utique non fortior ceteris animantibus, ó Eua, decepit te: decepit profecto, non impulit aut coëgit: Mulieritibi, ó Adam, de ligno dedit, ſed offerendo utique, non violentiam inferendo, neque enim poteſtate illius, ſed tua factum eſt voluntate, ut eius voci plus obedieris, quàm diuina.

Denique celebris illa S. Auguſtinus ſententia, de nullo peccato, niſi voluntario, rem omnem conficit. Uſque adeo, inquit, peccatum voluntarium eſt malum, ut nullo modo ſit peccatum, ſi non ſit voluntarium. Et hoc quidem tam manifeſtum eſt, ut nulla hic doctorum paucitas, nulla indoctorum turba diſſentiat. EGO ſum qui peccavi! ego qui malum feci! ſic perge te inculcare.

III. PUNCTVM.

IGITVR à nullo demone quantumuis immundo tam immunda ſit anima, quam à ſeipſa; cum omnis immunditia ſit à peccato, & omne peccatum a propria voluntate. Hac eſt immundiffima lepra animi, de qua tuſe S. Bernardus, & à qua nobis cauendum eſt, tanquam à vipera peſſima & nequiſſima, & qua ſola deinceps damnare poſſit animas noſtras. Cogita quantopere horreas dæmonem, & ſi ab eo ſcires aliquid tibi ſuggeri, quantum refuges: ſic te aduerſus te ipſum compara, quia tu tibi voluntarius es dæmon, & longe illo peior, quem Dominus eiecit: quia Chriſto magis reſiſtis. En viſes, ut obedit ille ſpiritus immundus, Tu vero ut obſiſtis contrà! Ecce ille de quo dicitur; Cor eius indurabitur tanquam lapis, & ſtringetur quaſi Malleatoris incus: Ille tamen emollitur ad vocē Chriſti, & tu permanes in tua duritia, nec affectum prauum, ſpiritus illum immundū tuum ſinis à te expelli!

288 FERIA 4. infra Heb. d. 2. post Epiph. De demone immundo.

Hoc est quod Prophetæ gemunt, & quod tibi cum illis est
osie 5. deplorandum. *Non dabunt cogitationes suas, ut reuertantur
ad Deum suum, quoniam spiritus fornicationis, in medio eorum;
Amos 4. & Dominum non cognouerunt. ASCENDERE feci putredinem
castrorum vestrorum in nares vestras, & non redi, is ad me, dicit
Num. 21. Dominus.* Scilicet quid accidat illis, qui pertinaciter resistunt
Deo? Sicut olim Iudæis, sic illis immittit ignitos serpentes, &
tantum abest, ut expellat ab eis immundum spiritum, ut potius
Ps. 34. finat eum defauire crudelius, & tunc fiant, *Via illorum tenebræ,
& lubricum, & Angelus Domini persequens eos:* Quæ sunt viæ
certissimæ ducentes in interitum & perditionem. Propone ali-
quid particulare circa affectum vehementiorem, quod caueas
Ecclesi. 23. diligentius cum Dei Gratia. Recte omnino sapiens: *Anima ca-
lida quasi ignis ardens, non extinguetur nisi aliquid glutiat.* Quam-
obrem sic temperandus iste calor, ut possis dicere quod est in To-
bia: *mundam seruavi animam meam ab omni concupiscentia.*



FERIA QUINTA. DE SOCRV PETRI FEBRICITANTE ET SANATA A CHRISTO DOMINO.

Imperavit feбри, & dimisit illam. Luc. 4.

VERITAS PRACTICA.

Febris animi, animo longè periculosior, quam febris corporis, corpori.


*RATIO hæc est inter alias, quod illa sit periculosior febris quæ
remedia refugit, & sanitatem.*

Sed talis est febris animi, non corporis.

*Ergo illa periculosior; Quod tamen vix creditur, quia non senti-
tur, nec attente consideratur.*

I. PVN-

I. PUNCTVM.

 Synagoga illa, vbi expulsus est dæmon, *Surgens Iesus, ait Euangelista, introiuit in domum Simonis: socrus autem Simonis tenebatur magnis febribus, & rogauerunt illum pro ea, & stans super illam, imperauit febrim, & dimisit illam, & continuo surgens ministrabat illis.*

Non hic deesset meditationis materia considerare volenti Bonitatem & Potestatem Imperantis, effectum imperij tam velocem in sanitate consequente, ac denique sanatae mulieris gratitudinem, in parando ministerio. Verum attentius expende quod hic scribit S. Ambrosius. *Fortassis in typo Mulieris illius, variis criminum febribus Caro nostra languebat: & diuersarum cupiditatum immodicis aestuabat illecebris: nec minorem febrem amoris esse dixerim, quam caloris. Itaque illa animum, hac corpus inflammat. Febris enim nostrâ, auaritia est: febris nostra, libido est: febris nostra, luxuria est: febris nostra, ambitio est: febris nostra, iracundia est;* In quibus porro conueniant illæ febres satis facile est obseruare. Quam longè etiam damnosior sit febris animi, febrim corporis, ex damno animi longè magis formidando, non est difficile explorare. Sed quod minùs fortè attendas, illud est quod habet proposita Veritas. *Febrem animi, animo longe esse periculosiorem, seu magis perniciosam, quam febrem corporis, corpori.*

Ratio hæc avertitur, quia tum perniciosior est morbus cum refugit remedia, seu quia æger non vult ea recipere, seu quia ægritudo non ea sustinet: nonne tum periculi plena sunt omnia? Quamobrem monemur à Sapiente, non abjiciendam in infirmitate, sanitatis & modestiæ curam, neque remedia tam corporalia, quam spiritualia negligenda. *In tempore infirmitatis, inquit, Eccl. 18. ostende conuersationem tuam. Et rursum: Altissimus creauit medicamenta. & vir prudens non abhorrebit illa; Fui in tua infirmitate ne despicias te ipsum, sed ora Dominum, & ipse curabit te; Auerte à delicto, & dirige manus, & ab omni delicto munda cor tuum. Da locum Medico; etenim illum Dominus creauit, & non discedet à te, quia opera eius sunt necessaria. Est enim tempus, quando in manus illorum incurras; ipsi vero Dominum deprecabuntur, ut dirigat requiem*

290 FERIA 5. infra Hebdomada 2. post Epiphaniam. De socru Petri sanata.
illorum & sanitatem.

Sap. 12. O QUAM bonus & suavis est Domine spiritus tuus in omnibus,
qui nobis ita remedium prouidisti, ut tamen ad te tum agra-
tū medici recurrerent: Et sic nos omnes ad te venire voluisti, ut
tamen remediis ordinatis uteremur. Si quis ergo esset, qui tum
neque ad Deum, neque ad homines confugeret, neque ullo reme-
dio uti vellet, nonne is & aegrotaret periculose; & in suo se ne-
gligens periculo, nonne peccaret grauiter? Quare negligitis?
Gen. 42. NOLITE negligere, nolite cessare. Qui negligit viam suam, mor-
Ind. 18. tificabitur.
Prou. 19.

II. PUNCTVM.

SED talis est maximè qui laborat febris animi.
Is. 50. Primò, vix morbum sentit, vnde Propheta, in doloribus
dormietis. Deinde, adeo non sentit morbum, ut numquam me-
lius sibi putet esse, quàm cum vehementiori cupiditate ardet;
cum amat, cum deliderat, cum sperat, aut cum gaudet. Tran-
s. 92. sierunt in affectum cordis, concupierunt concupiscentiam. Denique
proponere aegroto concupiscentiæ remedia: si adolescens est, non-
dū est tempus: si senex, tempus præterit. Vultus, & lior & plaga
Is. 1. tumens non est circumligata, nec curata medicamine, neque fota oleo;
Hæc de morbis animi Propheta, non de corporeis. Sic & alius:
Ier. 8. Transiit mensis, finita est æstas: & nos saluati non sumus; super con-
tritione filia populi mei, contritus sum & tristatus, stupor obtinuit
me! Numquid resina non est in Galaad, aut medicus non est ibi? quare
igitur non est obducta cicatrix filia populi mei. Quia scilicet no-
lunt curari: Hoc fatebatur de se S. Augustinus cum nondum
relipuisset. Timebam, inquit, ne me citò sanares à morbo concupiscen-
8. Conf. 7. tia, quam malebam expleri quàm extingui. Nonne hoc ipsum fate-
Ioan. 5. beris? Vis sanus fieri? Responde Christo. Vis remedia? en pa-
rata! cur ergo non sanaris? fingis te velle quod reuera non vis.
Ibid. Et non vultis venire ad me, ut vitam habeatis!

III. PUNCTVM.

FEBRIS igitur animi, animo longè est periculosior, quàm fe-
bris corporis, corpori; Cum vix ullus aeger corpore, non se cu-

Febris animi animo periculosior, quàm febris corporis, corpori. 291
 rari velit & sinat; qui vero cupiditate corripitur, de augendo
 potiùs morbo cogitat, quàm sanando. *Cum sanare vellem Israel*
reuelata est iniquitas Ephraim, Id est tunc maximè apparuit mor- *osée 7.*
 bus Israelitarum periculosus, insanabilis, & desperatus, quando
 sanare eum voluit Dominus, quia recusauit sanitatem; & hoc
 est morbi desperati signum apertius. Quid enim tandem fiat illi
 agro, qui parata remedia recusauit? Audi & treme: *Curauius Ier. 51.*
Babylonem, & non est sanata, derelinquamus eam. O derelinquamus
eam! Quis ita loquitur? Cui loquitur? & quid illud quod loqui-
tur, derelinquamus eam! Expende singula, & serio de remediis
cum supersunt, cogita. Erudire Ierusalem, ne forte recedat anima *Ibid. 6.*
mea à te.

Vide conformem huic Veritatem, FERIA 5. infra Hebdoma-
 dam sextam post Epiphaniam. Et Verbo, *Morbus. Sanitas. Con-*
cupiscentia.



FERIA SEXTA.

DE PRÆDICATIONIBVS CHRISTI
 DOMINI; VNIVERSIM CONSIDERATIS.

Aliis ciuitatibus oportet me Euangelizare regnum
Dei, quia ideo missus sum. Et erat predicans in
Synagogis Galilææ. Luc. 4.

VERITAS PRACTICA.

Si quid nos reuocat à doctrina Christi, vel ob id ma-
 ximè recipienda est.

RATIO EST, Quia quidquid nos reuocare potest, id nonnisi
 à proprio iudicio, vel ab inordinato appetitu prouenire potest.
 Sed propterea maximè recipienda est doctrina Christi, ut ordi-
 nentur prauis illi motus.

Ergo, si quid nos ab ea reuocat, vel ob id maximè recipienda est: In quo sane multi deficiunt.

I. P V N C T V M.

Luc. 4.



VM pro more suo Dominus secessisset in quendam desertum locum, oraturus Patrem, apparuit plebi Galilææ mirum in illum studium. Primò enim, vt narrat Euangelista, *requirebant eum*; deinde non cessarunt à quærendo, donec eum inuenerint: ac denique inuentum sic apud se retinere certatim contendebant, vt inde volentem discedere non paterentur. Quibus ille ait; *Quia & aliis ciuitatibus oportet me Euangelizare regnum Dei, quia ideo missus sum. Et erat predicans in Synagogis Galilææ*; Quod alius Euangelista sic refert, *Et ait illis, Eamus in proximos vicos, & ciuitates, vt & ibi predicem: ad hoc enim veni. Et erat predicans in Synagogis eorum, & in omni Galilæa.*

Marc. 1.

Hic igitur apte institui potest Meditatio de prædicationibus Christi Domini vniuersim considerandis, qua in consideratione Circumstantiæ illæ quæ actionem quamlibet comitari, & insigñire solent, expendi possunt, *Quis, quid, ubi, quibus auxiliis, cur, quomodo, quando*; Quæ dum pro deuotionis affectu tantisper reuolueris, persuasum hoc habe, illud ipsum Euangelium, illam ipsam doctrinam Christi Domini, tibi proponi in vsum & praxim quotidianam. O beneficium! Sed quomodo vteris? Quid est, quod te ab illa reuocet? Quidquid sit, *Vel ob id maximè recipienda est.*

Ecclef. 17.

Nā quidquid illud sit, non nisi inordinatū est aliquid, vel à prauo iudicio, vel à deprauata voluntate, & appetitu naturali proueniens; Quid enim aliud Veritati, quid aliud Christo & diuinæ Gratiæ sese opponat, quod non sit falsum, deprauatum & inordinatum? Vnde porro illa falsitas & deprauatio, nisi à nobis, nisi à natura corrupta, & corrumpente iudicium, atque voluntatem? O quàm verè Sapiens, *Quid nequius quàm quod excogitauit caro & sanguis?* Nam cum id contra doctrinam Christi sit excogitatum: quid nequius cogitari potest?

Habetur integra Veritas in hanc sententiam, FERIA 2. infra hebdomadam Septuagesimæ.

II. P V N C T V M.

SED ob id maximè recipienda est doctrina Christi Domini, vt ordinentur illi motus.

Primo enim vniuersim docet cohibendos omnes illos motus, qui aduersus rationem, & fidem insurgunt. *Quid cogitatis inter vos, modica fidei?* Deinde speciatim, si quis sit superbiæ, libidinis, auaritiæ, aut cuiusvis concupiscentiæ sensus, particularia documenta subiungit, quibus hi corrigantur. *Nolite in sublime tolli.* Denique confert gratiam quâ refrænatur concupiscentia; intellectum illustrat, voluntatem mouet, memoriam excitat, & omni modo adiuuat, vt dum recipitur illa Doctrina, fiat in animis nostris, quod in corporibus fieri solitum narrant Euangelistæ, cum prædicaret Dominus; quotquot scilicet ægroti aderant, sanabantur: quotquot dæmoniaci, liberabantur: quotquot malè affecti, recreabantur.

O verè lex Domini immaculata conuertens animas: testimonium Domini fidele, sapientiam præstans paruulis! **LEX** per Moysen data est, lex antiqua quæ malum quidem demonstrabat, sed non sanabat: At gratia, & veritas per Iesum Christum facta est, vt quod scimus faciendum, faciamus. *Hac est lex spiritus vitæ in Christo Iesu, quæ liberat nos à lege peccati & mortis*, vt ait Apostolus; Nam quod impossibile erat legi in quo infirmabatur per carnem, Deus filium suum mittens in similitudinem carnis peccati, de peccato damnauit peccatum in carne, vt iustificatio legis impleretur in nobis, qui non secundum carnem ambulamus, sed secundum spiritum: qui enim secundum carnem sunt, quæ carnis sunt sapiunt; qui vero secundum spiritum sunt, quæ sunt spiritus sentiunt. Sensus est, in hoc vel maximè legē & doctrinam Christi Domini præcellere aliis, quod ipse docendo communicet suis spiritum suum quo ita euadant spirituales, vt iam non secundum carnem, sed secundum spiritum viuant. Quò referri potest & illud quod dicebat Dominus: *Spiritus est qui viuificat, Caro non prodest quidquam. Verba quæ ego locutus sum vobis, spiritus & vita sunt.* Id est, vitam communicant spirituales, non tantum per Sacramenta, sed per attentas considerationes, lectiones, collationes, & alios quibus illa Verba diuina usurpantur, modos. Quod cum Dominus Iudæis diceret: *Ex hoc,*

inquit Euangelista, *Multi discipulorum abierunt retrò, & iam non cum illo ambulabant. Dixit ergo Iesus ad duodecim: Numquid & vos vultis abire? Respondit ergo ei Simon Petrus: Domine, ad quem ibimus? Verba vite aeternae habes. Quali diceret, ut interpretatur S. Augustinus: da nobis alterum Te ad quem ibimus, si te relinquimus: cum verò nullus alter sic tui similis, quantumcumque recedant alij, nos à te numquam discedemus. O vere Apostolicam vocem! O verè dignum Christo pectus!*

III. PUNCTVM.

S*I quid est igitur quod nos reuocet à doctrina Christi, vel ob id maximè recipienda est: Cum nihil aliud nos inde reuocet, quam aliquid inordinatum, cui remedium affert illa doctrina, proindeque tanto ardentius est amplectenda, quantò vehementius ab ea te repellere sentis; Venite ad me omnes qui laboratis, & onerati estis, & ego reficiam vos. Quid times anime, si secundum Euangelium viuas? Ne superbire, ne irasci, ne aliquo demum affectu inordinate rapi non liceat? Hoc est scilicet quod maximè times; Sed hoc est maxime quod te excitare debet ad Christum, ne tibi aliter, quàm ex Euangelio liceat viuere: alioquin quid tibi prodesset audire, si non credis? aut quid credere, si non conformiter viuis? An tu erubescis Euangelium? An negas illud esse, Virtutem Dei in salutem omni credenti? An ignoras non auditores, sed factores solos commendari?*

Nonne audiisti quid Geraseni cum Christo egerint, quando Christus permittit porcos eorum in mare demergi: Rogauerunt illum, inquit sacer textus, *ut discederet ab ipsis*. Maluerunt scilicet carere Christo quam porcis suis. O rem, inquis, execrandam! sed rem quæ tamen à te quotidie perficitur, cum ne sensuali appetitu priueris, te Christi doctrina priuas. Nūquid propterea dicebat Dominus: *Nolite sanctum dare canibus, neque mittatis margaritas vestras ante porcos, ne forte conculcent eas pedibus suis*. Sanctum dicitur quicquid docuit Christus ne corrumpatur aut profanetur: Margaritæ sunt, quæcumque sunt eius voces, ut in pretio habeantur. Canes vero sunt Impugnatores: & porci, Contemptores, ait S. Augustinus. Nonne te pudet vel horum nominum? Oppone autem eis excellentia hæc quibus Christus honorat audientes, & facientes verbum Dei. *Mater mea, & fratres*

Si quidnos reuocat à doctrina Christi, vel ob id, &c. 295
mei hi sunt qui verbum Dei audiunt & faciunt. Potuitne dignius
rem commendare? poterisne verò tam dignæ commendationi
semper oblistere?

Vide Verbo Verbum Dei, & Dominicam Sexagesima in 2. parte,
ubi & alia indicantur.



S A B B A T O.

DE HIS PETRI VERBIS AD DOMINUM.

Præceptor, per totam noctem laborantes, nihil ce-
pinus: in verbo autem tuo laxabo rete. Et cum
hoc fecissent, concluderunt piscium multitudinem
copiosam. Luc. 5.

VERITAS PRACTICA.


Nisi diligenter aduertas, stulto labore consumeris.

RATIO EST, Quia ille stulto labore consumitur qui relicto
labore facili & fructuoso, totam aut maiorem vitæ partem
transigit in labore difficili, & infructuoso.

Sed nisi diligenter aduertas, talis est vitæ tuæ labor, labor diffi-
cilis & infructuosus, quem ultrò suscipis, neglecto facili &
fructuoso.

Ergo stulto labore consumeris; Quod sane est diligenter perpenden-
dum ad cautionem adhibendam.

I. P V N C T V M.

 *E* G I potest narratio fusior, quam habet S. Lucas, & de Dominica
qua occurret in tertia parte iterum dicere. Hic modo si 4. post Pē-
te in consideratione duplicis operæ & laboris, quem tecofen.

posuit Petrus cum sociis, in piscando. Ecce enim tota nocte laborant, & nihil capiunt: Mane autem facto, iactis tantum, ad Domini iussione[m], in mare retibus, concludunt piscium multitudinem copiosam. Nonne magna est diuersitas vtriusque laboris: cum ex vna parte multum laborarint, & nihil caperint: ex alia verò, parum laborarint, & multum profecerint?

Hæc est diuersitas Laborantium in hoc mundo: hic est duplex hominum labor tam diuersus & directè sibi oppositus, vt alter sapiens, alter stultus dicatur, sicut patebit in declaratione Veritatis propositæ, quæ tibi vni ad vberiore[m] fructum est applicanda; Nisi enim diligenter aduertras, totus in hac stultitia viuus, & laboras, totus *hoc stulto labore consumeris*; Quod iam pridem dicitur *Exodi. 18.* Cum fuit Moyse, à socero Iethro, vt est in libro Exodi.

Ratio quæ assertur non tam indiget probatione quàm attentata rei propositæ consideratione, subiiciendo sibi distinctè duplicem illum laborem valde diuersum & oppositum, ex illis duabus circumstantiis simul inuolutis, quæ faciunt totam diuersitatem, *Nempe difficultas, siue vllò fructu: Et facilitas cum multo fructu.* Sit itaque ex his duobus alteruter propositus labor, vel iste facilis & multum fructuosus; vel ille difficilis & plane infructuosus, quis sapiens non eligeret facilem & fructuosum, si maximè sciret æquè, aut etiam magis isto labore facili, se Domino suo gratum futurum? Quis nisi stultus velleret se adstringere ad id quod est difficilius, & infructuosius? Nam si saltem difficillimi laboris esset aliquis fructus! aut si nullus est fructus, si saltem labor esset facilis: sed multum laborare sine fructu, cum præcipuè possis, si velis, aliunde fructum percipere sine magno labore; certe hoc est stultescere, hoc est stulto labore cōsumi; hoc est quod arguunt sacra Scripturæ, Quando sic culpā nostrā sit vt vltro vitam transigamus in tali labore, & voluntaria[m] miseria. *Hæc dicit Dominus; ponite Corda vestra super vias vestras: seminastis multum & intulistis parum. Qui mercedes congregauit, misit eas in sacculum pertusum.* *Contrā laudi datur, quod ait de se Sapiens; Modicum laboraui, & inueni mihi multam requiem.* Et Dominus vniuersim de suis; *Electi mei non laborabunt frustra*; Vnde consequens est illos non esse electos, sed reprobos, qui laborant frustra, & qui dicunt. *Læsati sumus in via iniquitatis, & perditionis: & ambulauimus vias difficiles.* Ex vtris esse velles?

·II. PUNCTVM.

SED nisi diligenter aduertas, talis est vite tua labor, labor difficilis & infructuosus; neglecto facili & fructuoso.

Quatuor hic sunt distincte declaranda; Primum est, laborem vitæ tuæ esse difficilem: Cum enim penè in omnibus, velis concupiscentiæ seu naturæ deprauatæ satisfacere, quid imperiosius? quid durius? Et quid difficilius? Illa est ancilla quæ cum haeres fuerit Dominae suæ, *Sustineri non potest*, vt ait sapiens. *Prou. 3.* Illa est occupatio magna, vt ait alius, *creata omnibus hominibus, & iugum graue super filios Adam: cogitationes eorum, & timores cordis*; Et quæ plura pergit Ecclesiasticus; Hæc est tinea de vere nascens & eandem vestem corrumpens, de qua fise & præclare S. Gregorius ad illa verba Iob; *Qui quasi putredo confumendus sum, & quasi vestimentum, quod comeditur à tinea.* *Iob. 13.*

Denique nihil laboriosius, quàm quod fit cum inquietudine animi; nam labor & quies opponuntur, & maiori quieti maior est labor oppositus. Non est autem maior quies, quàm quies animi, nec proinde maior aut difficilior labor quam inquietudo animi. Iam verò quidquid sit ex concupiscentia, sit ex inquietudine animi; nihil enim magis inquietum quàm affectus deprauatus, *Vnde bella & lites in vobis? nonne hinc? ex concupiscentiis vestris, quæ militant in membris vestris? Concupiscitis & non habetis! ò tristitiam! ò angorem! Omnis plaga, tristitia hæc cordis est*, ait Sapiens. *Ecclesi. 28.*

QUIS vero fructus huius laboris? Secundum est declarandum, Quidquid sit, in morte terminabitur, & quidquid mortale est, parum est fructuosum. *Quem fructum habuistis tunc in illis, in quibus nunc erubescitis?* inquit Apostolus, *Nam finis illorum mors est.* QUID nobis profuit superbia? aut diuitiarum iactantia quid contulit nobis? Transierunt omnia illa, tanquam umbra. Vide sapientiæ quinto, quantum ini deplorent se nullum sui laboris fructum ex hac vita retulisse. sed ante mortem dum adhuc viuus, quid præmij, quid emolumenti ex inquieta vita? Præclare omnino Ilaias: *Conceperunt laborem, & pepererunt iniquitatem, quæ aspidum ruperunt, & telas aranea texuerunt; tela eorum non erunt in vestimentum, neque operietur operibus suis: opera eorum, opera inutilia.* Et alibi; *sicut somniat esuriciens & sitiens, comedit* *ib. 29.*

Osce 8. & bibit, & postquam fuerit expergesactus, lassus adhuc bibit, & anima eius vacua est. Sic plane somnia lunt, humana hæc omnia, quæ ut apparent, euanescent; Quod & Propheta Oseas sic egregie; *Quia ventum seminabunt, & turbinem metent: culmus frans non est in eo: germen non faciet farinam, quod etsi fecerit, alieni comedent eam.* *Ecc. 5.* *QVI* Dergo prodest ei, quod laborauit in ventum? ait ille Sapiens, qui cum se conuertisset ad vniuersa opera, quæ fecerant manus eius, & ad labores in quibus frustra sudauerat, vidit in omnibus vanitatem & afflictionem animi, ac tandem addit; *Quid enim proderit homini de vniuerso labore suo, & afflictione spiritus, quæ sub sole cruciatus est?* Quali diceret, nihil plane, nihil omnino fructus & pretij refert ex illo labore difficili.

Tf. 149. *L. 8. c. 6.* *A*T verò, quæ duo restant explananda, vide contrà, quàm facilis sit & fructuosus ille labor quem negligis. Facilis quidem, quia totus consistit in firma voluntate placendi Deo, Cui si velis placere, places. *Qui beneplacitum est Domino in populo suo.* Id est, statim atque se aliquis esse Domini profiteretur, Dominus illum acceptat ut suum: & tam sibi Dominus in seruo placet, quàm seruus Domino vult placere. Quod egregie admodum Nobilis ille, de quo sanctus Augustinus in Confessionibus, Contubernali suo representabat: *Dic queso te, omnibus istis laboribus nostris quò ambimus peruenire? Quid quarimus? Cuius rei causa militamus? maiorne esse poterit spes nostra in palatio, quàm ut amici imperatoris simus? Et ibi quid non fragile, plenumque periculis? Et per quot pericula peruenitur ad grandius periculum? Et quamdiu istud erit?* *AMICVS AVTEM DEI, SI VOLVERO, ECCE NVNC FIO.* Est ne autem operosum, id velle; cum diuina Gratia quæ ut velimus & possimus vltro se offert, quæ nos idcirco præuenit, comitatur & sequitur?

Exod. 23. *Epist. ad Valer.* Quid est quod voluntas appetit, nisi bonum? Et quale bonum melius, & magis appetendum, quàm placere Deo, qui est summum bonum? Ego, inquit, *ostendam omne bonum tibi?* omne scilicet vtile, omne honestum, & omne bonum iucundum. Nonne unicuique rei innatum est velle attingere finem suum: & velle sibi vitam, quam quidem potest longissimam prorogare? Atque illud est quod agitur labore in te salutari. *Amantes vitam hortamar ad vitam,* inquit Eucherius; *vera ratio est persuadendi,*

cum id poscitur ut impetremus à vobis quod concupiscitis; pro vita quam diligitis, legatione apud vos fungimur: & sanè quàm omnes exiguum amatis, insinuamus ut ametis æternam: Quasi diceret, quidquid à vobis petitur pro salute æterna comparanda, non potest non esse facile; cum nihil sit facilius, quàm velle semper viuere. Denique quis neget, amanti nihil esse difficile, ipsum enim difficultatis nomen amor erubescit, inquit sanctus Augustinus: At quis in amando Iesu labor, qui totus est ad amo- *In Man.* rem nostrum excitandum effectus, & qui hoc maximè motiuo facilitatis nos ad se vocat, *ingum enim meum suauis est*, inquit, & *onus meum leue.*

De fructu autem inde consequente non est dubitandi nec dif- *Sap. 3.* ferendi locus, cum illud Sapientis sit apertissimum: *Bonorum la-* *Ecclesi. 6.* *borum gloriosus est fructus.* Itemque illud: *In opere ipsius exiguum laborabis, & cito edes de generationibus illius.* Quidquid egeris in *Cor. 10.* hunc finem, ut illi placeas, siue manducando, siue bibendo, siue *Coloss. 3.* aliud quidpiam operando, quod est tibi obuium & quotidianum, ingentes præsentis gratiæ, & futuræ thesauros gloriæ promereri. *Et folium eius non defluet, & omnia quaecumque faciet, prosperabuntur.* *Ps. 2.* *Non sic impij, non sic, sed tamquam puluis, quem projicit ventus à facie terræ.*

III. PUNCTVM.


NISI ergo diligenter aduertas, stulto labore consumeris. Nam hunc facilem & fructuosum laborem tam facile deseris, quàm difficilem & infructuosum illum, facillimè suscipis. Neque hoc tibi tuius probandum fuit, cum id affectus tui satis apertè clament, qui penè toti sunt in concupiscentiis, licet fortè non pessimis, non tamen bonis & probatis. *Abiimus unusquisque in sensum cordis nostri maligni.* Quod de se Propheta fatetur, *Baruch. 1.* non potes de te negare: Cum autem nihil aliud sit stulto labore consumi, quàm sic relicto labore facili, & fructuoso, se labori duro applicare, vnde nullus ex ter fructus & operæ positæ pretium; quid restat nisi diligenter tibi esse aduertendum, aut nisi diligenter aduertas, te hoc stulto labore consumendum? *Sic stulti Gal. 3.* estis, ut cum spiritu caperitis, nunc carne consumimini. *Tanta passi estis sine causa; si tamen sine causa:* Quali dicat Apostolus, hoc

certè est esse stultum, multa pati sine fructu, sine villo merito: sic autem frustra patiuntur, qui carne viuunt non spiritu. Quod quidem eo deterius & infanias est, cum illi aliquando bene cæperunt, nunc vero propter modicum laborem à captis desistunt, & in grauiorem incidunt, in quo consummantur & pereunt;

Job 6. *Qui timent pruinam, ait Job, irruet super eos nix.* At nonne stultum esset le niui obicere, vt pruinam euitares? Neque enim fugitur labor, sed augetur, cum ab vno leui transitur ad grauiorem. Esto sit labor resistere concupiscentiis, sed longe maior est non resistere; Nonne ergo qui sapiunt, minorem illum laborem potius ferant, cum præsertim sit salutaris: aut qui non ferunt, planè decipiant, cum se inserant *doloribus illis multis*, de quibus sanctus Apostolus. *Serio id apprehende. Si sapiens fueris, tibi metipsi eris: Si autem illusor, solus portabis malum.*

1. Tim. 6.

Prov. 9.





DOMINICA III.
POST EPIPHANIAM,
NISI SIT SEPTVAGESIMA.

DE LEPROSO MVNDATO.

Et confestim mundata est lepra eius. Matth. 8.

VERITAS PRACTICA.

Non dixeris, per Deum abest. Ecclesi. 15.

SENSVS EST, praesertim de iis quae spectant ad salutem nostram.

RATIO EST, Quia si quid per Deum abesset; id defectu potestatis, vel voluntatis eius abesset.

At neutro ex his capite, dici potest.

Ego omnino ne dicas, per Deum abest, sed potius per teipsum, quod est valde probrosum.

I. PVNCTVM.



INCEDENTI per urbem Capharnaum Domino occurrit leprosus, qui audita famâ miraculorum eius non dubitavit de illius potestate, sed de voluntate incertus, post humilem adorationem, sic exclamavit; *Domine, si vis potes me mundare: Et Iesus*

extendens manum, tetigit eum, dicens, Volo, mundare, Et confestim mundata est lepra eius.

Ex quibus attentè lectis, vel aliquamdiu consideratis, facile est ad Veritatis propositæ sensum & declarationem pertinere. Cum enim Christus Dominus apertè leproso, & nobis indicet se æquè velle quod rogatur, ac potest: si quid non obtinemus quod maximè ad salutem nostram pertineat, planè non potest in eum rejici; Quod tamen fit à plerisque sese excusantibus, & defectum gratiæ causantibus; Tu illud caue, *Et ne dicas, per*

Deum abest. Sic Sapiens expressis verbis.

Ecclesi. 15. Et ratio est evidens, quia si ex parte Dei deesset aliquid, vel defectu potestatis, vel voluntatis eius, deesset. Nonne ita? Nam si vellet & posset, quid deesset? hæc duo sunt præcipua Dei attributa, quæ ad omnium rerum effectum Scriptura commemorat, *Domine, Domine Rex omnipotens, in diuine enim tue cuncta sunt posita: Et non est qui possit tue resistere voluntati, si decreueris saluare Israel.* Si quid aliud cogitari potest, vt scientia siue sapientia ad inueniendum modum executionis, sub nomine potestatis continetur, vnde aliud nihil restat quò defectus reijci possit. Nonne tu si quid non facis, si quare præstanti non excellis, inde solum prouenit, aut quia non vis, aut non potes. Nam si velles quod posses, aut si posses quod velles, quid non præstares? Verè id fateor, Domine Deus, & iam me accuso vel negligentia, quòd ea nolim quæ possem cum tua gratia; vel arrogantiæ & nimia cupiditatis, quòd ea velim quæ non possum.

II. PUNCTVM.

Sap. 11. **A**T neutro ex his duobus capitibus dici potest: per Deum abest. Non quidem defectu potestatis, tu enim facile cum Sapiente dices, *subest enim cum volueris, posse: aut cum Leproso, Domine, si vis, potes me mundare.* Sed cum eodem etiam fortè dubitabis de eius voluntate: Verùm audi Dominum Iesum: *Volo, mundare;* quasi dicat, perinde volo ac possum: non minùs esto certus de mea voluntate, atque de mea potestate.

Non vult quidem modò miraculum, si fortè peteres; non vult humana quædam & temporalia, quæ dare posset si vellet. Neque etiam ita simpliciter & absolutè vult illa quæ spectant

ad animæ tuæ salutem, vt non iterponat conditionem tuæ cooperationis. Nam vt ait S. Hieronymus, in illa verba Apostoli, *Qui operatur omnia secundum consilium voluntatis suæ: VULT Deus* Ephes. 1. *ea quæcunque sunt plena rationis atque consilij; vult saluari omnes, sed quia nullus absque propria voluntate saluatur, liberi enim arbitrij sumus, vult nos bonum velle, vt cum voluerimus, velit in nobis & ipse suum implere consilium.* At verò hac posita conditione, & 1. Tim. 2. quo sensu dixerunt Apostoli: *Deum velle omnes homines saluos* 2. Petr. 3. *fieri, & nolle aliquos perire, sed omnes ad pœnitentiam reuerti;* tam vera est eius Voluntas quam vera est eius Potestas: Et quàm verè potest omnes saluare, tam verè vult te saluum fieri, per media ordinata.

Licet enim sit voluntas conditionata, non desinit tamen esse voluntas, quæ, si posita conditione effectum sortiatur, de conditionata transibit in absolutam: si fortè autem non perueniat ad effectum, defectus erit non voluntatis, sed conditionis quam exigebat talis voluntas, & sine qua volebat effectum producere. Ille porrò defectus conditionis, non tam in Deum quàm in causam deficientem est rejiciendus, sicut expressè & disertè docet Lib. 2. de S. Ioannes Damascenus: *Neque latendum est, inquit, Deum præcedenter velle omnes saluari: non enim ad puniendum nos plasmauit, sed vt efficiat nos bonitatis suæ participes, vt bonus: peccantes autem puniri vult vt iustus: Dicitur igitur prima præcedens voluntas & Acceptatio, ex ipso existens; secunda vero voluntas sequens, & permissio ex nostra causa existens.* Fide c. 29.

Atque hoc ipsum est quod tam clarè, & toties ipse Deus per Prophetas: *Numquid voluntatis meæ est mors impij, dicit Dominus* Ezech. 18. *Deus, & non vt conuertatur à viis suis, & viuat; Et quare moriemini domus Israel, quia nolo mortem morientis, dicit Dominus Deus: reuertimini & viuite.* Rursumque postea, *Dic ad eos; viuo* Ibid. 32. *ego dicit Dominus, nolo mortem impij, sed vt conuertatur impius à via sua & viuat; Conuertimini, Conuertimini à viis vestris pessimis: & quare moriemini domus Israel?* Sic Christus Dominus non iam per Prophetas, sed per se ac ore proprio; *Ierusalem, Ierusalem!* Math. 23. *quoties volui, & noluisti? Putasne eum verè loqui? Quod si verè loquitur, potesne dubitare eum verè velle, qui se dicit velle, & qui verè dicit?*

III. PUNCTVM.

If. 5.

NON dicas igitur, per Deum abest. Nam cum nihil desit nisi defectu voluntatis, & potestatis; hic autem, neque voluntatis, neque potestatis diuinæ ullus defectus notari possit, quid est quod per illum desit? *Quid est, inquit, quod debui ultra facere vinea mea, & non feci ei? An quod expectavi ut faceret vinas, & fecit labruscus?* Quasi diceret, hoc vnum dici potest, quod expectavi ut de suo mecum conferret ad salutem, sed nihil inde detrahitur de mea potestate, aut voluntate, cum non aliter debuerim velle: Ac proinde nemo aulit dicere; *per Deum abest*, nisi blasphemus in eius potentiam, aut bonitatem: & nisi dicat aut illum nolle aut non posse. Vtrum dices? vtrum cogitabis? Certe de neutro restat dubium; sed si quod minus est dubitandum, profecto minus vellet Deus de bonitate sua, quam de potestate à nobis dubitari. Intuere Crucifixum, vide ut se sua potestate quodammodo priuat; quorsum vero? Ut suam nempe Bonitatem magis indicet; ut propensam in te voluntatem suam aperiat manifestius, ut denique minus dubites de eius voluntate, quam de potestate.

osie 13.

O verè bonum! vere beneuolum, verè volentem, aequè ac potentem Christum meum! abut vt aliquid dicam, vel cogitem per illum abesse si quid in me desit! Mea est omnis culpa, meus defectus, ego ipse sum qui nolo, nolo mundari etiam si ipse velit, quia volo affici rebus creatis. O prauitatem affectus mei, qui non modo repugnat voluntati diuinæ, sed etiam blasphemare me facit, quasi non velit Deus! *Quam verè dixisti Domine, perditio tua Israel, tantummodo in me auxilium tuum!* Hoc ergo modò auxilium inuoco, ne cum me vis saluum, ego ipse me perdam! Et cum me vis mundatum, ipse me inficiam.

AD HÆC CHRISTI D. VERBA.

Vide, nemini dixeris. Matth. 8.

VERITAS PRACTICA.

Interrogatus quid primum in præceptis Christianæ religionis

gionis obseruandum : quid secundum, quid tertium:
Responde, Humilitatem.

RATIO declaratur in 4. parte, FERIA sexta infra Hebdomadam
decimam sextam post Octauam Pentecostes, ex sancto Augu-
stino, cuius est tota hæc Veritas.

Aliæ Veritates de Humilitate hæc referri possent : vide Verbo
Humilitas:

AD HÆC ITEM DOMINI VERBA.

*Vade, ostende te Sacerdoti, & offer munus quod
præcepit Moyses, in testimonium illis. Matth. 8.*

Sex veritates proponuntur in sequenti Hebdomada;
quas unicuique licet ad hanc reuocare diem.


DE FIDE CENTVRIONIS
A CHRISTO D. COMMENDATA.

*Amen dico vobis, non inueni tantam fidem in Is-
rael. Matth. 8.*

VERITAS PRACTICA.

Maiores est animi, te Diuinæ Fidei supponere, quàm te
illi opponere.

RATIO habetur declarata in 3. parte, FERIA secunda infra Heb-
domadam septimam post Octauam Pentecost. s. Et quæ de fide
sua sunt proponuntur : vide Verbo Fides.



HAC HEBDOMADE, Materia Considerationum elicitur ex his Christi Domini verbis quæ Leproso mundato dixit: *Vade, ostende te Sacerdoti, & offer munus quod præcepit Moyses, in testimonium illis.* Matth. 8.

Quæ ut melius intelligantur, aduerte morbum lepræ apud Iudæos fuisse frequentem, diuersum, & cognitu ac curatu difficilem: proindeque multas circa illum morbum conditas esse leges, quarum omnium præcipua fuit, ut Leprosi adirent Sacerdotem, qui iudicaret de lepræ genere, de periculo, de remediis, de sanitate, ac multis ceremoniis quæ habentur in libro Leuitici, capite 13. & 14.

Poterat quidem Dominus dispensare leprosum quem mundauerat ab his legibus; sed maluit eas seruare & commendare, donec planè abrogarentur, siue ut Sacerdotio veteris Synagogæ honorem deferret, siue ut Sacerdotes nouæ legis sic colendos & aduendos de nostris morbis spiritualibus ostenderet. Sic expressè habet Glossa interlinearis: *Disciplina nostri est, ut nos ostendamus Sacerdoti nostro.* Non enim Sacerdotibus nostris minorem potestatem Christus tribuit, quàm antiquis; nec minus Christiano, quàm Iudæo, præceptum est, ut adeat Sacerdotem, ostendat illi lepram animæ, expectet ab eo remedium, sanitatem, & alia quæ ad sex præcipua Capita referuntur, de quibus singulæ considerationes & Veritates in singulos Hebdomadæ dies, proponuntur.

SACERDOTIS autem nomine Superior, Confessarius, Instructor, seu Director Conscientiæ, hic intelliguntur; Et hic Illi intelligent, quid respondere debeant se consulentibus.

FERIA SECVNDA.

DE ADEVNDO SACERDOTE SEV DIRECTORE, PRO SANA ET RECTA CONSCIENTIA, IN DVBIIS, SIBI FORMANDA.

Multorum est Conscientia cauteriata nisi se sinant dirigi. 307

Vade, & ostende te Sacerdoti. Matth. 8.

Si difficile & ambiguum apud te iudicium esse perspexeris, inter lepram & lepram: Surge & ascende ad locum, quem elegerit Dominus Deus tuus, veniesque ad Sacerdotem Leviici generis, &c. Deuter. 17.

VERITAS PRACTICA.


Multorum est Conscientia cauteriata & peruersa, nisi se sinant dirigi.

RATIO EST, Quia illa Conscientia cauteriata & peruersa tunc est: intelligitur, quando quis non sentit lepram seu vulnus peccati.

Sed multi, nisi se sinant dirigi, sic se insensibiles reddunt ad certa quadam peccata.

Igitur illis est Conscientia cauteriata, nisi recurrant ad Directorem & se dirigi velint. Quod quam sit necessarium, iam facile est indicare.

L. PUNCTVM.

 VM, vt dixi, dubius esset lepræ morbus, vel inter plurima Leprarum genera, cum dubium esset qualinam afficeretur Leprosus; tum precipuè mandatum erat, vt is adiret sacerdotem qui de morbo cognosceret, & Sacerdotis responso Leprosus staret.

Hæc in figuram eorum, quæ iam à nobis gerenda sunt, circa Conscientiæ, seu peccatorum dubia. Certum est apud omnes, quod si quæ occurrant quæ nos meritò dubios, & incertos faciant, tum Confessario vel Directori esse aperienda; neque licere in dubio peccati, quidquam facere. Sed quàm pauci hoc curant; quàm multi vel præsumunt se scire omnia, vel se doceri

& dirigi negligunt! Quid porro his inde accidit? Audiant Veritatem propositam; Audiant sibi inde fieri Conscientiam cauteriatam & peruersam, quâ sit ut quod minus sibi putent Directore opus esse, eò magis indigeant, & eorum unicuique idcirco dictum, *Vade & ostende te Sacerdoti.*

Hic finis Meditationis, & propositæ Veritatis, ut agnoscamus & persuadeamus nobis tam necessario adendum esse Sacerdotem, quàm periculosum est alioquin nos habere Conscientiam cauteriatam, & quàm infernum est saluti, in ea Conscientia vitam traducere & finire.

Ratio est ex vtraque parte, seu ex vtraque propositione sua, valde considerata, multumque illud quod primò dicitur, expendendum est, illam scilicet esse Conscientiam cauteriatam & peruersam, quæ non sentit vulnus peccati, non dubitat, non angitur, nihil timet, nullo scrupulo, seu nulla religione tangitur, quæ ut est in libro Iob: *Bibit quasi aquam, iniquitatem.* Sic Iob. 15.
1. Tim. 4. Apostolus quorundam licentiam carpens, *Cauteriatam*, inquit, *habentium suam conscientiam*, id est prope similem cauterio, seu cauteriatæ carni: Sic enim explicant Patres, quod sicut cauterio exulta caro, vulnus habet quod non sentit; ita illorum Conscientia vulnus peccati habet, & non sentit, non agnoscit, non eos poenitet: insensibiles sunt, non mouentur.

Sic expressè Theodoretus; *Locus*, inquit, *cauterio iniustus priorem sensum amittit*; Et S. Thomas diuini le: *Sicut cauterium corruptio est in carne per ignem siue ferrum ignitum, ex qua egreditur continua putredo, ita ex igne peruersæ voluntatis, quasi cauteriata ulceratur Conscientia.* In Epist. Pauli.

Quod confirmatur ex his quæ Apostolus ait, de quibusdam, Ephes. 4. *Qui desperantes semetipsos tradiderunt impudicitia, &c.* In Græca versione dicuntur, ἀναισθητοί, id est indolentes, quod explicans S. Hieronymus, ait indolentiam esse *quâ animus ita obscuruit & obduruit in malis ut peccata non sentiat: ut cum peccat, omnem Conscientiæ remorsum amittat, & quasi Conscientia amputata non poeniteat, nihil doleat.* Sic enim, ut ait S. Ambrosius: hoc In Ps. 118. *bona mentis est vulnus sentire peccati; sic est peruersæ indicium, non sentire, non dolere.*

O indolentiam, omni dolore accerbiores! Fieri ne possit Anime, ut sic aculeum remordentis Conscientiæ retunderes? aut

Multorum est Conscientia cautiorata nisi se sinant dirigi. 309
si fieri posset, itane velles retundere, & callum facere vitiis tuis?

II. PVNCTVM.

SED multi, nisi se sinant dirigi, sic se insensibiles reddunt ad certa quadam peccata.

Nonne vides quam multi peruersè & inordinatè afficiantur ad res creatas, ad honorem, ad pecuniam, ad sensibiles amicitias, & ad reliqua concupiscentiæ nutrimenta? Videsne verò quid hinc eveniat, quando videlicet suis affectibus indulgere volunt? Remittit primo Conscientia, & ubi peccatum agnoscit, angitur illico animus, dolet, æquat: fugiatne culpam, an admittat? Hinc autem impelitur, hinc religione retrahitur: *Inter Rom. 2. se invicem cogitationibus accusantibus, aut etiam defendentibus*, ut ait Apostolus; vult & non vult animus obiectum pravi affectus; placet idem & displicet: vult delectationem, sed illi adiunctam culpam refugit. Quid faciat tandem? quid concludat? Ergone priuabitur re amata? Etiam, quamliu culpa simul apparebit, & quamliu Conscientia culpam refugiet: quamliu scrupulum injiciet, aut remorsum, seu animi reluctantis excitabit commotionem. Vnde alterutrum necessario sequetur, aut renuntiandum affectui inordinato, aut Conscientia contra obstinens concalcanda: Nam nimis durum est contra stimulum calcitare, & *Mat. 9.* nonnisi perturbata conscientia, atque animo anxio, & in certam suam perniciem consentienti vivere: concilianda sibi pax est, & requies animi, vnde cumque proveniat: Quid hac ergo statuent? Quam se in partem dabunt?

Certè si saperent, Directorem adirent, difficultates animi proponerent, à quo quid noxiam, quid innoxium in suo sit affectu, discerent; qua ratione affectus ordinandi, quo res vsu & quo fine possideri possint, aliaque conscientia bene formandæ consilia simul discerent; Hoc est enim Directoris munus, hæc gratia directionis, ut si quid est ambiguum explicet; si quid obscurum, illustret: si difficile & asperum, complanet, & expediat; vnde apud Ezechielem Deus conqueritur de Pastoribus, *Qui quod in- Ezech. 34. firmum fuit non consolidarunt, & quod agrotum non sanarunt: quod confectum non alligarunt, & quod abiectum non reduxerunt.*

Nunc vero quam pauci sunt, qui se ita sinant regi, quam mul-

ti sunt contrà, qui vt affectui libentiùs indulgeant, Conscientiam premunt, opprimunt, & ita conculcant, vt iam reluctari non auit, non culpam indicare, non scrupulum seu religionem mouere, nullo denique modo reclamare.

2. Par. 26. *Quiesce, ne interficiam te:* Dicebat Rex Amazias Cuidam Prophetae, se admonenti. Sic plane illi, suae Conscientiae, imò illi Admonitori Domestico imperant, vt quieteat à moriti & stimulis: Tùm vero si acquiescit, se pacato, & tranquillo sentiunt in suis affectibus inordinatis, quia iam peccatum ibi non agnoscunt; nihil contrà audet Synderesis, nihil Conscientia, nihil ratio, nihil denique sese opponit affectui: Indolentes, & insensibiles red. liti, iam ibi non agnoscunt culpam vbi est, cum antè ibi agnoscerent, vbi non esset; *Qui*, vt ait Sapiens, *relinquunt iter rectum, & ambulant per vias tenebrosas: qui latantur cum malefecerint, & exultant in rebus pessimis;* Id est, malo Religionis, & Conscientiae punguntur stimulo, imò nunquam se beatiores & tranquilliores putant, quàm cum liberiores sunt in suis concupiscentiis; Quod idem Sapiens sic apte exprimit: *In magno uiuentes inscientia belio, tot & tam magna mala pacem appellant.*

10. Jo. 14. Hæc est videlicet falsa pax mundi quam Christus Dominus reprobatur, & cui suam opponit, dicens, *Pacem meam do vobis, non quomodo mundus dat, ego do vobis.* In quæ Domini verba, S. Augustinus, *Propterea*, inquit, *mundus dat sibi pacem, vt sine molestia mundo fruatur.* Id est, vt sine remorsu conscientiae, suis indulgeat affectibus.

O damnosissimam cupiditatem, quæ sic animarum salutem prodit & perdit! Etiam peritissimos quosque Doctores sic illudis, vt cum aliis satis periti sint, tibi tamen sunt imperiti.

III. PUNCTVM.

MVLTORVM est igitur Conscientia cauteriata & peruersa, qui suis se affectibus sinant potius abripi quàm à Sacerdote, seu Instructore dirigi patiantur. Cum enim insensibilitate sua velut cauterio tibi facto non sentiant vulnus peccati, quamnam illis reitare potest Conscientia, nisi cauteriata & peruersa? Quænam pax animi nisi fatalis illa de qua Dominus, *Non veni pacem mittere sed gladium?*

Multorum est Conscientia cauteriata, nisi se sinant dirigi. 311

At nonne tu ex illis es? Nonne tu inordinatè afficeris erga aliquid? Nonne affectum sequeris? Nonne ex animi libidine potius, quàm ex ratione viuis? An ibi culpam agnoscis? An saltem dubitas? An in dubio Directorem adis? An eius consiliis libentiùs quàm naturæ motibus acquiescis? Fatere quod est, coram Deo? Nonne si vel Conscientia vel Superior, aut quiuvis alius te adimoneat, non magni pendis monita, quasi non magni Reus peccati, quasi nullum aut leuiculum sit quod moneris! sic te excusas, sic tibi palpas & blandiris in eumentita pace, vt non dubites dicere, te nullo hinc scrupulo angì, te nulla religione moueri. *Benedixit sibi in corde suo, dicens: pax erit mihi, & ambulo in prauitate cordis mei.* Deut. 29.

O nimis blandam perniciem! ô nimis suauis dolos! *Videntur* Ezech. 13.
visionem pacis, & non est pax. VADE & ostende te Sacerdoti. Communica cum illo de interiori tuo statu, expone illi nudè omnia, Tuam in manus eius animam conjice. Accipe illum vadem & sponsores tuæ salutis. Animam suam pro tua spondeat, nec ab illo vnquam discede, nili in eo statu, in quo velles mori: vt cum Christus Dominus rationem petet, quamobrem hoc aut illud egeris, respondere possis, quod Rechabitar apud Prophetam: *Obedimus voci patris nostri, in omnibus quæ præcepit nobis;* 1er. 31. Adiuu Sacerdotem quo tu me misisti; ostendi lepram meam, sic me instruxit, sic erudiuit; o securam vocem! Si vero huic desis officio, si adire refugis, si audire detrectas, si te securum putas; o te Cauteriatum hominem! ô perditissimam securitatem! *Cum dixerint pax & securitas, inquit Apostolus, tunc repentinus eis superueniet interitus, sicut dolor in utero habenti, & non effugient.* 1 Thess. 5.



FERIA TERTIA.

DE RECVRSV AD SACERDOTEM

PRO RITE OBEVNDÆ CONFESSIONE.

Vade, & ostende te Sacerdoti. Matth. 8.

312 FERIA 3. infra Hebdomadam 3. post Epiphaniam. Vade pro Confessione &c.

Plaga lepre si fuerit in homine, adducetur ad Sacerdotem, & videbit eum. Leuit. 13.


VERITAS PRACTICA.

Quod magis confert ad faciendam Confessionem, minus efficitur, nisi cum Sacerdote prius conferatur.

RATIO EST, Quia quod magis confert ad perfectam Confessionem, est auersio animi ab obiecto quod est causa peccati. Atqui hoc minus perficitur, minusque omnino fit, nisi prius cum Sacerdote conferatur.

Ergo & minus perficitur quod magis confert ad perfectam Confessionem, nisi ante Sacerdos adeatur. Vnde imperfecta & nulla saepe fit Confessio; Quod ne damnum accidat, certe adeundus Sacerdos seu Director.

I. PUNCTVM.

 **UOD** Leprosi adirent Sacerdotem pro lepra sua curanda, non tantum figurabat nostros Sacerdotes esse conueniendos, pro peccatorum remissione ab eis obtinenda, in Sacramento Confessionis: sed etiam pro ipsa Confessione rite & debite à nobis obeunda. Neque verò putes id rudibus tantum & pueris esse necessarium, ut instruuntur: sed grandaui & eruditi quique imò & religiosi & Sacerdotes ipsi, nisi aduertant, & nisi de sua salute ac perfectione sint valde solliciti, ignorabunt in praxi, & omittent quod maxime sciri & obseruari debet in Confessione sacramentali, ac proinde his etiam conuenit, & his valde considerata est Veritas proposita, cuius hæc est Ratio, quæ est fundamentum veræ Conuersionis.

Quod est præcipuum & maxime necessarium in Confessione rite peragenda, seu quod maxime obseruari debet, est auersio ab obiecto, seu à re creata, circa quam vel cuius gratia, peccatum, quod confiteris commissum est. Sicut enim nulla esset Confessio nec ulla remissio peccatorum, nisi esset dolor de peccato,

cato, siue per contritionem, siue per attritionem: sic nulla planè Contritio vel Attritio, nisi auertatur animus à peccato & ab affectu inordinato rei, quæ causa fuit peccati. Nam in illo inordinato rei creatæ affectu constitit tota deformitas & malitia peccati, quæ nullà unquam confessione, nullà satisfactione, nullà poenitentia, nullis lachrymis, nullis muneribus, nullo alio denique modo expiari potest, quàm auersione animi à creatura, & conuersione ad Deum.

Hoc enim proprie est reuerſi & conuerti, sicut passim Scripturæ docent, & iam supra dictum est. *Cum auerterit se impius ab impietate sua, ipse animi sui uiuificabit.* *Considerans enim & auertens se ab omnibus iniquitatibus suis, uita uiuet.* **PROIICITE** à uobis omnes prauaricationes uestras, in quibus prauaricati estis, & facite uobis cor nouum, & spiritum nouum. Quid clarius? quid expressius, ut videas non esse satis, detestari peccata, sicut fieri solet a plerisque, qui peccatum quidem nollent in usu rei qua inordinate afficiuntur, sed tamen inordinatum illum affectum, cui annexum est peccatum, non deponunt, non se auertunt, ut scriptura loquitur, nec faciunt sibi cor nouum, ac proinde non reuertuntur, nisi fictè & simulatè. *Non est reuersa ad me prauaricator Iuda in toto corde suo, sed in mendacio,* ait Dominus apud Ieremiam: tum verò post: *Si reuerteris Israël ad me conuertere, si absteris offendicula tua à facie mea,* Id est, res illas omnes quibus in offensam cadis; hoc est nempe conuerti, dummodo auferantur non tantum exterius, sed ex animo per veram animi auersionem & conuersionem ab illarum affectu inordinato; Quod expressè dixit Apostolus: *Anuntiamus uobis ab his uanis conuerti ad Deum.* *vinum.* Sit hæc quidem, tam de veniali, quàm de mortali intelligenda sunt, cum nullum omnino peccatum remittatur sine dolore, & nullas propriè sit dolor sine illa animi auersione & reuersione expressa vel tacita. *Perdat Samaria, quoniam ad amaritudinem concitauit Deum suum.* Sic de quacunque re dicere debuit, ut periret ex animo. Itane uero verè dixisti?

II. PUNCTVM.

AT QUI hoc est quod minus obseruari solet; & quod uix facies nisi cum Sacerdote prius conferas.

R. r

osee 7.
Ibid. 10.

Nam cum illi affectus qui deponendi sunt, sint valde naturales, seu naturæ corruptæ multum conformes, natura sui amans, sui tenax, & in suis conseruandis solers, & callida, tam facile eos semper affectus retinere satagit, quàm difficile se finit illis exui. *Non dabunt cogitationes suas, vt reuertantur ad Deum suum*, inquit Propheta; Et rursum: *Ephraim vitula docta diligere trituram*: id est, ita assueti sunt adhærere iis quæ diligunt, vt vix desuescant & auertantur.

Iob. 26.

Atque hinc fit, vt aliqui sibi persuadeant, id omnino impossibile: alij possibile quidem, sed tam difficile & violentum, vt vix pares se credant violentiæ sibi raciendæ. Alij ignorantiam affectantes non magis in confessione cogitabunt de affectibus moderandis, quàm si ad remissionem peccati, moderatio illa nihil spectaret. Alij dum non sentiant affectum inordinatum, quo tempore confitentur, sibi satis esse putant, licet de futuro nihil statuant. Alij quicquid de affectu reprimendo dicitur, non vt præceptum sed vt consilium religionis relinquunt. Religiosi verò non vt affectum priuatum retinere se dicunt sui gratia, sed vel in bonum aliquod proximi, vel sui ordinis zelo, aut aliqua simili pretexta causa. Alij peccatum quidem in re amata detestantur, sed ipsum tamen amorem inordinatum qui facit peccatum, non dimittunt. Alij sic toti sunt in enumerandis & enarrandis ad calculum culpis, vt nihil illis otij & animi videatur superesse ad culparum radices agnoscendas & euellendas. Alij denique pro suo quique ingenio, & naturæ impulsu, quo id cumque modo particulari fiat, sic deficiunt hac in parte Confessionis, vt à Sacerdote ijdem prorsus discedant, vt accesserant; quia vt dictum est, natura sui nimium amans & tenax, mirum quantum in hoc affectuum naturalium negotio resistat rationi & Gratia, nisi à perito & solerti Directore ita inueteretur, instruatur, & quodammodo circumferatur ac manuducatur, vt de eo dici possit quod est in libro Iob; *Obstetricante manu eius eductus est colubet tortuosus*.

Ex. 3.

Sicut enim à Sacerdote discitur quid rei alienæ sit restituendum, quid ablatae famæ reparandum, quid proxima iniuriam occationis auferendum; sic placet ab eodem audiendum reus, tanquam à Deo, quid ex animo euelli debeat, quid in meliorem vltum conuertri, quid ex parte tolerari, quid ruditus abijci; *Audies de ore meo verbum*, ait Dominus, & *annuntiabis eis ex me*. Sed

quàm pauci hoc docent, aut doceri volunt! Atque hinc fit, vt licet tam multi confiteantur, verè etiam modò Dominus dicat quod olim: *Attendi, & auscultavi, nemo quod bonum est loquitur, 1er. 8. nullus est qui agat pœnitentiam super peccato, suo dicens, quid feci? Omnes conuersi sunt ad cursum suum, Velut equus, impetu vadens ad prælium.*

O deplorandum malum! & eò magis deplorandum, quò est magis commune & vniuersale: Et vero anima mea, sic deplora malum illud commune, vt tuum in particulari præcipuè deffleas.

III. PVNCTVM.

HINC ergo manifestè patet, vt quod est præcipuum in Confessione, non fiat, nisi adsit Sacerdotis directio; Cum illa animorum conuersio & auersio à rebus creatis, quæ est præcipua Confessionis pars, vix aliter bene fiat: Ac proinde patet etiam necessitas adeundi Sacerdotis, vbi agitur de re talis momenti, qualis est Confessio. Quid enim anime sentis? quanti illud ad salutem referre puta: benè aut malè confiteri? *Si sal insul. Marci 9.* sum fuerit, in quo illud condicis? dicebat Dominus, hoc est, si Confessio, quæ reparandis aliis malis est destinata, mala & peruersa ipsa sit, quo tandem alio modo reparabitur? At quo modo non erit mala, si nullus est dolor? Qualis autem erit dolor, si nulla est auersio animi à peccato, seu à re cui peccatum est adiunctum? Aut quis tandem modus illius sanctæ auersionis procurandæ, si tibi & naturæ deprauatæ relinqueris, quæ non obstante qualibet gratiâ, vix patietur se priuari, & auerti ab eo quod nimis amat, nisi à perito Sacerdote difficultas mitigetur, & via quodammodo complanetur? Adeòne graue est communicare cum Illo, de modo ritè confitendi, cui non est graue confiteri!

Hoc ut itaque fixum ratumque, vt quàm studiosè vis debite conteri, & reconciliari Deo, tam verè desideres erudiri & dirigì à Sacerdote, vt quod præcipuum est in hoc negotio, præcipue impleas. *Si videris sensatum, cui gila ad eum: & gradus ostium illius exerat pes tuus. Eccl. 1. 6.*

Vide Dominicam 4. in Aduentu.



FERIA QVARTA.
DE NECESSITATE RECVRRENDI
AD SACERDOTES, PRO REMEDIIS
SPIRITVALIBVS.

Si fuerit plaga lepræ in Aedibus, ibit cuius est domus, nuntians Sacerdoti, & dicet, quasi plaga lepræ videtur mihi esse in domo mea; at ille precipiet vt efferant vniuersa de domo. Leuit. 14.

VERITAS PRACTICA.

Ne dicas, sufficiens mihi sum. Ecclesi. 11.

RATIO EST, Quia vel id omnino credis, vel non credis. Sed si non credis te sufficientem tibi esse, non est id dicendum, & recurrere debes ad Sacerdotem; Quod si id credis, hoc ipso magis ad eum tibi est recurrendum, vt te vana illa & damnosissima præsumptione liberet.

Ergo siue te credas sufficientem tibi esse, siue non credas, debes semper recurrere ad Sacerdotem, nec dicere sufficiens mihi sum.

I. PVNCTVM.

IANTVM erat lepræ malum vt parietibus domesticis sapè adhaereret, atque inde periculum esset, ne in personas transiret, & perniciem illis afferret, vnde illico iubebantur Iudæi adire Sacerdotem, vt remedium futuro malo, ne grassaretur, ordinaret.

Sic planè nobis idem contingit, in nostris affectibus: Adha-

reſcunt rebus domeſticis, etiam ſi à nobis pulſi ſint & excuſſi: redibunt, & inuadent hominem, niſi remedium adhibeatur, & niſi propterea Sacerdos adeatur. *Coinquinationes illæ ſunt mundi*, 1. *Per. 1.* de quibus S. Petrus, *quas qui fugerunt, his ruruſus implicati ſuperantur, & ſunt eis poſteriora deteriora prioribus.* In hunc finem aptiſſimè Sapiens, à quo deſumpta eſt Veritas nobis hodiè propoſita; *Ne dicas, quid eſt mihi opus, & quæ erunt mihi ex hoc bona?* *Ne dicas, ſufficiens mihi ſum, & quid ex hoc peſſimabor?* Quod *Eccleſi. 11.* enim in hac materia maximè cauendum, illud eſt, ne quis ſe ſatis ſufficientem dicat, nec proinde aliò ſibi recurrendum putet. Sed plane id vitium dicere & ſentire; *Ne dicas.*

Nam vel id gratis dices, licet non ſentias ita eſſe; vel ſeriò & ex animo ita putabis, ita credes; ita dices vt credis, & ita credes vt dicis. Vtrum è duobus? Ne diſſimula; Deo teſte lo- *Reg. 16.* queris, *Dominuſ intuetur cor, ſi dixeris, vires non ſuppetunt, aut etiam ſuppetunt, qui inſpector eſt cordis,* inquit Sapiens, *ipſe intelligit, & ſeruatoreſ animæ tuæ nihil fallit, reddetque homini iuxta opera ſua.* Eſt autem alterutrum neceſſariò tibi dicendum. O neceſſitatem aperiendi pectoris! quid enim proſit Eum celare, quem latere nihil poſſit?

II. PUNCTVM.

SED ſi non ita ſentis, & te inſufficientem putas, qui prauis tuiſ affectibus remedium efficax aſſerre poſſis: ceriè obligariſ pro ea quam de ſalute & perfectione tua habere debes, curâ & ſollicitudine, illum adire Sacerdotem qui provideat & medeatur. Cum enim tot ſint à Chriſto Domino inſtituta remedia, nimis probroſum eſſet, non iis vri, & eorum defectu ſalutem in diſcrimen vocare. Numquid reſina non eſt in Galaad, aut medicuſ non eſt ibi? Quare *1er. 8.* igitur non eſt obducta Cicatrix? quid reſponderes, niſi quod neglexeris & Medicum & medicamenta, contra ac præcipitur: *Da locum medico, etenim Dominuſ creauit illum, & non diſcedat à* *Eccleſi. 38.* te, quia opera eiſ ſunt neceſſaria; eſt enim tempuſ quando in manuſ illorum incurraſ.

Quod ſi te ſufficientem tibi putas, & idcirco non alium eſſe adeundum crediſ; Vide quid dicas, etiam ſi tu ipſe medicuſ ſpiritualiſ & Sacerdoſ eſſeſ; falleriſ, nimis de te præſumiſ, &

illa præsumptio tantum est malum, ut hoc ipso magis alius tibi sit adeundus, quo magis te tibi sufficientem putas. An ignoras medicum quantumvis peritum non posse tibi mederi: sed alium esse adhibendum? Quia videlicet amore proprio sic impeditur ut quod aliis remedium apte ordinaret, non possit tibi præscribere aut usurpare. At nonne id verius in morbis, & remediis spiritualibus? Nonne ibi natura magis corrupta est & deprauata, ut quod aliis diceret faciendum, tibi ipsi non dicas, vel dicenti non obedias? *Illud firmissimum tenendum*, inquit sanctus Basilius, *omnium difficillimum esse se ipsum cognoscere & curare; propterea quod naturaliter quisque se ipsum amet.* Quod si spectas ordinationem diuinam, quæ ad medicum corporalem pro sanitate corporis, unumquemque mittit; quanto magis eam spectare debes in hoc negotio, cum ita de sanitate animæ procuranda statuerit Deus, ut gratiam quæ dicitur Discretionis spirituum & sine qua nemo aptus est ad dirigendas animas, dederit tantum Ecclesiæ ad alios curandos, non ad seipsum. Est enim gratia ex iis quæ dicuntur gratis datæ, quæ non nisi ad alios dantur. Denique audi S. Augustinum: *Nisi quisque adiunctus à superiore, nullo modo sibi est idoneus, ut sese tantis miseriarum implicamentis expediat.* Tu contra non vereberis dicere: *sufficiens mihi sum.* O præsumptionem animi, si sic de te sentis! O cecitatem, si non vides hanc sensus tui præsumptionem! *Quia dicis quod diues sum, & nullius egeo: & nescis quia tu es miser, & miserabilis, & pauper, & cæcus, & nudus.* Hæc verba sapius tibi sunt ingerenda.

In consi-
tut.

I. Cor. 12.

De Serm.
Dom in
monte c. 3.

Apo. 3.

III. PUNCTUM.

NE dicas igitur, *sufficiens mihi sum*: Et siue id reuera sentias, seu non: semper tibi recurrendum ad alium, si verè sapis. Attende ad hæc duo verba, *vere sapere*, nam qui tibi sapientes videntur, ut nihil aliis egere putent, sapientes quidem sunt, sed non vera sapientia, si Sapientem & Apostolum audis. *Vidisti hominem sapientem sibi videri*, inquit ille, *magis illo spem habet insipiens*; Hic autem: *Nolite esse prudentes apud vosmetipsos, prudentia carnis mors est*; vnde S. Bernardus. *Qui se*, inquit, *magistrum sui facit, se stulti discipulum constituit, & omnia illi desunt, qui sibi nihil deesse putat*; Nec pudeat adire alium, cum apud

Pr. 16.
Rom. 8.
& 12.In episto-
lis.

omnes hæc sit recepta consuetudo, vt in nostris negotiis peritos quosque consulamus, & his magis credamus quam nobis. Alioquin peruerius est ille pudor, de quo sapiens, *Pro anima tua ne confundaris dicere verum: est enim confusio adducens peccatum, & est confusio adducens gloriam & Gratiam.* Denique illa etiam atq; etiam diuina reuolue Monita: *Ne innitaris prudentia tua. Ne sis sapiens apud temetipsum.* *Ecclesi. 4. Prou. 3.*



FERIA QUINTA.

DE CONSVLENDO SACERDOTE, PRO BONIS OPERIBVS FACIENDIS.

Cum (Sacerdos) inuenerit lepram esse mundatam præcipiet ei qui purificatur, vt offerat duos passeres viuos pro se, &c.

Quod si pauper est, & non possit manus eius inuenire quæ dicta sunt, pro delicto assumet Agnum ad oblationem, &c. Leuit. 14.

VERITAS PRACTICA.

Grande malum propria voluntas, quæ se in bono bene faciendo, non sinit dirigi.

RATIO EST, Quia illud est grande malum, cum bona nostra nobis bona non sunt.

Sed propriâ illâ voluntate, quæ se non sinit dirigi sic fit, vt bona nostra, nobis bona non sint.

ergo est illud grande malum: quod vt caueatur, amanda est
E Directio.

I. PUNCTVM.

EPROSO mundato præscribebat Sacerdos sacrificia & oblationes quasdam, pro diuersa hominum conditione, adeo vt Diuitibus aliud, & aliud Pauperibus ordinaretur. Sic Peccatori reconciliato mox in satisfactionem, aut etiam ad maius meritum Gratiæ & Gloriæ comparandum, præcipiuntur aut consuluntur à Sacerdotibus nostris, orationes elemosynæ, ieiunia, & alia bona opera pro facultate Pœnitentis, quæ longè maiorem vim habent ad remissionem pœnæ peccatis debitæ, quando sic ex Sacramento pœnitentiæ, seu ex pœnitentis obedientia peraguntur, quàm si ex propria deuotione susciperentur. *Quamobrem, Rex consilium meum placeat tibi, & peccata tua elemosynis redime, & iniquitates tuas misericordis pauperum: forsitan ignoscet delictis tuis;* Sic Daniel Nabucodonozor Regi.

Dan. 4.

Et quia non tantum pœnitenti in satisfactionem pro peccatis, sed nobis omnibus in diuinum cultum, in proximorum subsidium, & nostram salutem stabiliendam, vt in scripturis tantopere commendatur, bona sunt opera facienda: tam necessaria est in his operibus bene faciendis Directio, & consilium Sacerdotis, quàm damnosa est propria voluntas, quæ sine directione & consilio præsumit se posse aliquid bene operari. Tantum enim abest vt illa propria voluntate, fiat aliquod bonum, quin potius censi debet, *Grande malum propria voluntas, quæ non vult dirigi, & quâ fit vt bona tua tibi bona non sint.*

Serm. 7. c.
in Clotic.

Sic expressè S. Bernardus à quo est desumpta Veritas, modò expendenda. Atque imprimis illud considerandum, quàm sit grande malum, cum bona nostra, nobis bona non sunt. Hæc est enim maledictio Iudæis denunciata: *Sementem multam iactas in terram, & modicum congregabis, quia locustæ deuorabunt omnia. Tu seminabis & non metes, tu calcabis oliuam, & non ungeris oleo: & mustum, & non bibes vinum.* Vbi duplex agnoscitur debet malum: vnum quidem in labore & expensis, aliud autem in priuatione fructus, & emolumentum quod sperabatur ex impenso labore. Quæ si priuatio fructus dolenda est in bonis temporalibus, quanto magis deploranda in iis bonis quæ sic æternitati

Deut. 28.

Mich. 6.

tati deseruiunt, vt nili adsint vnicuique, quanta esse debent ex suæ vocationis gradu, nulla sit illi speranda æternitas. *Omnis* Matth. 7. *enim arbor, quæ non facit fructum bonum, excidetur, & in Ignem mittetur.*

Quid verò iuuat facere fructum, si non sit bonus? aut quid contert bonus fructus, si nobis non sit bonus? Nonne est igitur grande malum, cum bona nostra nobis bona non sunt: quandoquidem perinde est ad æternam vitam, ac si nulla essent bona; peius autem & damnotius ad hanc præsentem vitam, quod multum fuerit laboris, impensæ plurimæ, tempus perditum, spes illusæ; *Quoniam deuastatum est triticum, inquit Propheta, loc. 1. confusum est vinum elanguit oleum, periit messis agri, demolita sunt horrea, dissipata sunt apotheca.* Plange hoc malum.

II. PUNCTVM.

SED propria illâ voluntate quæ se non sinit dirigi, sic fit vt bona nostra, nobis bona non sint.

Hæc est scilicet propria voluntas de qua S. Bernardus in illud Canticorum, *qui pascitur inter lilia*; quæ idcirco propria dicitur, quia non erat communis cum Superiore, in iis Religiosis qui plura bona faciebant, suo proprio motu, secus quam ille vellet a quo regebantur, & cui non communicabant quod facerent. Vt autem ostendat eis sua bona non ipsis esse bona, adducit locum Isaia, vbi Iudæi apud Dominum sic conqueruntur, *quare ieiunauimus, & non aspersisti? humiliauimus animas nostras, & ne-* Is. 58. *sisti?* Quibus tum Dominus, *ecce in die ieiunij vestri inuenitur voluntas vestra, & omnes debitores vestros repetitis*; Atque hunc locum propheta, S. Pater cum illo componens quem explanabat ex Canticis; *Vereor, inquit, ne inter nos aliqui sint, quorum non accipiet munera sponsus, eò quod non redoleant lilia*; Etenim si in die ieiunij mei inuenitur voluntas mea, non tale ieiunium elegit sponsus: non sapit illi ieiunium meum, quod non lilium obedientiæ, sed æuium propriæ voluntatis sapit. Ego autem non solum de ieiunio, sed & de silentio, de vigiliis, de oratione, de lectione, de opere manuum, postremo de omni obseruatione Monachi, vbi inuenitur voluntas sua in ea, & non obedientia Magistris sui, id ipsum sentio, minime prorsus obseruantias illas, et si bonas in se, tamen inter lilia, id

est inter virtutes censuerim deputandas : sed audiet à Propheta , qui
cuiusmodi est , numquid tale est obsequium quod elegi , dicit Dominus ?
Et addit , in die bonorum tuorum inveniuntur voluntates tue :
Grande malum propria voluntas , quâ fit ut bona tua tibi bona non
sint : oportet proinde extra lilia fiant , qui huiusmodi sunt , quia
nihil omnino , quod propria inquinatum sit voluntate , gustabit
Is qui pascitur inter lilia : sapientia est ubique contingens propter
munditiam suam , & nihil inquinatum in eam incurrit.

Serm. 19.
in Cant.

Rom. 12.

Reg. 138.

Ps. 74.

1 Cor. 5.

Quæ sancti Patris dicta ex eodem sic confirmantur & declara-
rantur , ubi ait : Sapientia est Deus , vult se amari non solum dulci-
ter , sed & sapienter , unde Apostolus , rationabile , inquit , obsequium
nostrum : facillimè Zelo tuo spiritus illudet erroris , si scientiam negli-
gas ; nec habet callidus hostis machinamentum efficacius ad tollendam
de corde dilectionem , quàm si efficere possit , ut in ea incaute , & non
cum ratione ambuletur . Sic est autem omnis propria voluntas ,
indiscreta , irrationalis , insipiens , ac proinde Deo minime pla-
cens , unde fit tandem ut quæ per eam fiunt bona , bona non
sint : quod pridem dixerat S. Basilii in suis regulis breviori-
bus , prorsus edicens , quidquid fit ex propria voluntatis arbitrio
alienum id esse à cultu pietatis . Numquid pro-
pterea dictum : Cum accepero tempus , ego iustitias iudicabo ?
at nonne hoc tremendum ? Nescitis , quia modicum fermentum ,
totam massam corrumpit ? Et tota massa corrupta , quid restat sa-
num ? quid restat sanctum ? quid restat compensandum ? quid
restat non plectendum ?

III. PUNCTVM.


GRANDE est igitur malum propria voluntas , quæ se in bono
bene faciendo non finit dirigi ; Cum sic bona nostra , non
magis sint nostra , quàm si nulla essent ; sicque bonis omnibus
destituti , eò miserescentes scimus , quò minus cognoscimus mise-
riam nostram . Nam si nihil omnino boni egissemus , saltem
agnosceremus inopiam , & cum Publicano clamaremus , Deus ,
propitius esto mihi peccatori . Sed dum multa nos putamus rectè
operatos , quæ nec tamen recta , nec bona sunt , Pharizæi for-
tem incurrimus , cuius bona , diuino iudicio , tam parum probata
sunt , quàm multum ipsa suo probabat.

Luc. 18.

Hoc est videlicet, quod regius canebat Psaltes: *Dominus de* Ps. 73.
Cælo prospexit super filios hominum, ut videat si ex intelligens, aut Ps. 52.
requirens Deum. Omne declinauerunt, simul inutiles facti sunt:
non est qui faciat bonum, non est usque ad vnum. Non deerant
forte qui ieiunarent, qui orarent, aut qui etiam eleemosynas
elargirentur: sed quia nullus erat intelligens aut requirens Deum
in illis suis operibus faciendis, id est, non ex ordinatione diui-
na, non ex Sacerdotis directione, non ex prudenti dictamine
illa obibat: sed ex voluntate quadam propria, quæ fiebat, ut qui
ieiunabant, orare potius aut eleemosynas facere debuissent; &
contrà iis esset ieiunandum qui orabant, aut sua pauperibus
erogabant: sic eueniebat ut omnes simul inutiles fierent, & nul-
lus esset qui faceret bonum, bonum scilicet quod ab vnoquo-
que vellet Deus, licet aliquod fieret bonum quod quisque vellet.
Vnde ex Hebræo vertit Bellarminus, *putrefacti sunt*: Hac vi-
delicet sua propria voluntate, quæ quod facit bonum, corrumpit.

Hinc apte Sapiens, *Multi homines misericordes vocantur, vi-* Prov. 29.
rum autem fidelem quis inueniet? Quali diceret, sat multi sunt,
qui aliqua misericordiæ opera exercent, & hi vulgò vocantur
misericordes: sed non sunt coram Deo, nisi sint fideles: id est
nisi sua illa misericordiæ opera faciant ex fidelitate quæ debent
respondere gratiis, & donis acceptis in sua vacatione, adedò ut
tot tantaque faciant, quanta ab eis exigit Deus: hoc est enim esse
fidelem, tam fideliter sibi data expendere, quantum ille velit
qui expendenda dedit. Sed talem virum quis inueniet? Rarus
est & pene nullus, quia nullus se vult dirigì, & dum suo quis
potius, quàm Directoris consilio regitur, magis spectat quid ve-
lit, quam quod Deus: sicque fidelitatem illam non assequitur,
quæ in vna Dei voluntate peragenda consistit.

Vide quantum in his delicias, & prospice. *Numquid vult* 1. Reg. 15.
Dominus holocausta & victimas, & non potius ut obediatur voci
Dominus? Pro eo ergo quod abiiecisti sermonem Domini, abiicit te
Dominus, id est, abiicit & reulauit opera tua. Durum certo,
sic abiecta opera tua! Sed quanto durius sic abiectum sermo-
nem Domini.



FERIA SEXTA.
DE SINCERITATE, QUA REQUIRI
DEBET SACERDOS, AD PARTICIPANDA
EIVS SACRIFICIA.
SIVE AD QUIDVIS ALIUD CUM IPSO
COMMUNICANDUM.

Rogabitque pro eo, coram Domino, & faciet sacrificium pro peccato. Leuit. 14.

VERITAS PRACTICA.

Væ duplici corde. Ecclesi. 2.


SENSVS & RATIO est, quia vae homini illi qui fide & dissimulatè cum Deo agit.

Sed qui duplex est corde cum Directore, sic fide & dissimulatè agit cum Deo.

Ergo vae duplici corde; Ac proinde hic maximè procurandum est quod ait Apostolus; In simplicitate cordis, & sinceritate Dei, & non in sapientia carnali.

2. Cor. I.

I. PUNCTVM.

 ICET Leprosi pro se orarent, & munera sacrificanda offerrent, non id tamen sufficiebat illis mundandis: sed præterea Sacerdos pro ipsis rogabat Dominum, & faciebat Sacrificium quod fusè describitur Leuitici decimo quarto. Sic planè nobis parum est, aut certè minus esse putandum est, quidquid egerimus, nisi Sacerdos potentissimo ille sacrificio

quod quotidie in Ecclesia immolatur, nos adiuuet, & nisi propterea illum adeamus & requiramus, ad peculiarem eius sacrificiorum participationem nobis conciliandam: sicut quondam amicis Iob dictum est ab ipso Domino: *Ite ad seruum meum Iob, Iob. 40. & offerre holocaustum pro vobis. Iob autem seruus meus orabit pro vobis: faciem eius suscipiam, & non imputabitur vobis stultitia.* Sic nobis dictum putemus, si perfectè satisfactum Deo volumus.

Hoc videlicet est quod satis liberè & frequenter facimus, cum nos eorum precibus, & sanctissimis Sacrificiis commendamus: nihil frequentius, nihil vulgarius; sed vtrum id in simplicitate cordis, & sinceritate Dei dicatur, tu de te videris. Certè periculum est, ne id potius assentatoriè, vel solitæ vrbauitatis gratiâ usurpetur, quàm ex ea sinceritate animi, quâ procedendum esset. Itane reuera sentis te illius Sacrificiis indigere, cui te vis commendatum, vt qui te ipso parum possis, parum tibi proffis: & nisi eius saluari prælidio adiuueris, te minus idoneum & insufficientem esse, qui diuinum tibi Numen propities? Hac est illa simplicitas cordis, & sinceritas Dei, qua non modo roganda essent sacerdotis merita, & Sacrificia, sed quidquid vniuersum cum eo agitur de negotio salutis & animæ, sic sincerè communicandum esset.

Verùm, vt dixi, multum in hac parte deficiamus, & tam longè absumus ab illa simplicitate & sinceritate mentis, quàm longè abest à simplicitate, duplicitas cordis. *Sed væ duplici corde,* ait sapiens, *& labiis scelestis & peccatori terram ingredienti* *Ecclesi. 2. duabus viis.*

Hoc modò est expendendum diligentius, sic discurrendo. Dubitari non potest, quin sit væ homini illi, qui fictè & simulatè cum Deo agit. Nam vel existimat id Deum nosse, vel ignorare: si putat Deum nosse, vt certè nouit omnium corda, nonne est aperte illum irridere, sic velle dissimulatè cum eo agere? Nonne est illud *cor prauum*, quod dicitur, *abominabile* *Prov. 11. Domino?* Quod si putat Deum ignorare, & sese ab eo quodammodo posse abscondere, quid iniuriosius Deo? quid diuinæ Scientiæ & Sapientiæ magis oppositum? *Væ qui profundi estis corde, vt à Domino abscondatis consilium!* Id est, vt putetis posse abscondi. Atque hanc ipse Deus inter alias rationem reddit, cur illos præcipue puniat, qui se putant Deum celare sua consilia;

- Apoc. 2. *Vt sciant, inquit, omnes ecclesia, quia ego sum scrutans renes, & corda, & dabo unicuique vestrum secundum opera sua. Foelices qui sapere possunt, alienis damnis: Infoelix ille cuius poena proponitur ad exemplum & terrorem. Scio Deus meus quod probes corda, & simplicitatem diligas; Vide an possis hoc Deo sincere cum Dauide dicere.*
1. Par. 29.

II. PUNCTVM.

- S**ED duplex corde cū Directore, sic scilicet & dissimulatē cū Deo agit. Nam duplicem esse corde, perinde est ac fictē, & dissimulatē cum Deo agere. *Purificate corda, duplices animo*, licet verò immediatē cum Deo non is agat, qui fictē & dupliciter cum aliquo agit, sic tamen cum Deo agere dicendus est, quatenus non ignorat à Deo veritatem, & puniendam quamlibet duplicitem: non ignorat sibi propterea rationem Deo reddendam, non ignorat quod dicit sapiens, *Abominatio Domini est omnis illusor*, siue sit illusor Dei, siue hominum, *abominatio Domini est*. Quod certē hic eò verius censeretur debet, quò illa duplicitas agitur in negotio salutis, quod est negotium Dei, & cum Sacerdote agitur, qui Deum magis representat quàm quis alius. Vndē id certius dici possit quod est in actis Apostolorum, *non es mentitus hominibus, sed Deo*.
- Iac. 4.
- Prov. 3.
- Lut. 5.

- Hoc autem potissimum accidit, cū vel excusantur peccata, vel prætenduntur excusationes, cur aliquid non fiat: vel cū ita proponitur aliquod dubium, ut cogas quodammodo Directorem respondere ad tuam mentem, dissimulando aliqua quae si sincere diceret, aliter responderet; *O plene omni dolo & omni fallacia! DOCE RVNT linguam suam loqui mendacium*, inquit Propheta, *ut iniquē agerent, laborauerunt*. Quod sic declarat S. Gregorius. *Qui amici esse veritatis potuerunt sine labore, ut peccent, laborant: cumque viuere simpliciter renuunt, laboribus exigunt, ut moriantur*. Nam plerumque in culpa deprehensi, dum quales sint cognosci refugiunt, sese sub fallacia velamine abscondunt, & hoc quod peccant, quodque iam aperte cernitur, excusare moliantur: ita ut, sepe is qui eorum culpas corripere studet, aspersa falsitatis nebulis seductus, penē amissē se videat quod de eis tam certum tenebat; unde rectē sub Iudae specie per prophetam, contra peccantem
1. 2. 13.
10. 9.
3. 4. 12.
- Ad. 1. 12.
2. 24.

animam excusantemque se, dicitur: ibi habuit foueam hericius. Hericij quippe nomine, impura mentis si seque callidè defendentis duplicitas designatur, quia videlicet hericius dum apprehenditur, & caput eius cernitur, & pedes videntur, & corpus omne conspicitur: sed mox ut apprehensus fuerit, semetipsum in spheram colligit, & pedes introrsus subtrahit, caput abscondit, & intra tenentis manus totus simul amittitur, qui totus simul ante videbatur. Sic nimirum sic impura mentes sunt, cum in suis excessibus comprehenduntur.

Videri possunt, quæ plura hic habet S. Doctor, & iis non modò conueniunt, qui se excusant in peccatis iam perpetratis, sed iis etiam qui ne peccare deinceps videantur, exculant falsò aliqua, vel, ut dixi, dissimulatè proponunt dubia, & supponunt incerta vel falsa; Filij sunt illi mendaces de quibus Propheta, filij nolentes audire legem Dei, qui dicunt videntibus, nolite videre: & aspicientibus, nolite aspicere nobis ea quæ recta sunt. Loquimini ^{Is. 30.} nobis placentia, videte nobis errores; Auferte à me viam, declinate à me semitam, cesset à facie nostra sanctus Israel.

Tu sic fortè non loqueris, nec propterea tibi hæc conuenire credes: sed putasne esse aliquos, qui sic apertè loquantur? Vix est ullus tam vecors & impius. At vero cum multi sint, qui id corde sentiant, & de quibus alibi dicitur, labia dolosa in corde, & corde loquuti sunt: Tibi magis timendum est, ne ex his ^{Ps. 11.} forte sis, quàm præsumendum audacius, te ex illis vnum non esse. Sapiens quodcumque audierit, ad se adjiciet. Ecclesi. 31.

III. PUNCTVM.

VÆ igitur duplici corde, sicut væ homini illi qui sic fictè & dissimulatè cum Deo agit. Nam ut habet Sapiens, Spiritus sanctus discipline effugiet fictum. Hoc est, seminare mala in sulcis ^{Sap. 1.} iniustitiæ, quod verat Ecclesiasticus, ne metas ea in septuplum. Ecclesi. 7. Nam vel additur hæc duplicitas peccato ut excusetur, vel illi duplicitati adiungitur quædam gloriatio & palpatio mentis, quasi cautè & prudenter egeris, sic animum obtegendo: vel denique se aliis etiam prudentiores & cautiores credunt; vnde est illud S. Gregorij. Speciale est duplicium malum, quia dum perversa & ^{3. p. Past. Adm. 12.} duplici actione ceteros fallunt, quasi præstantius ceteris prudentes se esse gloriantur; & quia distractionem retributionis non considerant.

Soph. 1. de damnis suis miseri exultant: audiant autem quomodo super illos propheta Sophonias, vim diuinæ animaduersionis intendat, dicens: ecce dies Domini venit magnus, & horribilis dies illa, dies ira, dies tenebrarum & caliginis, dies nebula, & turbinis, dies tuba & clangoris, super omnes ciuitates munitas, & super omnes angulos excelsos. Quid enim per ciuitates munitas exprimitur, nisi suspecta mentes, & fallaci semper defensione circumdata, quæ quoties earum culpa corripitur, veritatis ad se iacula non admittunt? Et quid per excelsos angulos, nisi duplicitas impuræ mentis intelligitur? duplex quippe semper est in angulis paries. Quid per angulos parietis nisi impura corda signantur? quæ dum veritatis simplicitatem fugiunt, ad semetipsa quodammodo duplicitatis perversitate replicantur. Et quod est deterius, apud cogitationes suas in fastu prudentia, ex ipsa se culpa impuritatis extollunt. Dies igitur Domini. Et quæ plura il-

Iob. 19. lic habet, necnon in moralibus ad hæc verba Iob, *Ruga mea testimonium dicunt contra me.* Quid per rugas nisi duplicitas? Ruge sunt omnes Ecclesie, qui in ea dupliciter viuunt, has rugas in electis suis Ecclesia non habet, quia nescit aliud de se foris ostendere, Ephes. 5. & aliud intus habere, unde Apostolus vocat Ecclesiam non habentem maculam aut rugam.

Ne putes hæc temerè seu gratis dici, res enim grauior & verior est, quàm fortè sentias. Cogita quantum abhorreret ab eo quem scires tecum fictè & simulatè agere, à quo scires te decipi; Quàm iniquus ille esset Sacerdos, quàm impius qui tecum dolosè procederet! Tu vero si teipsum perdis, simulatè cum illo agens, an putas leuius esse crimen? an putas te minus perditum? Itane cum Medico de corporis valetudine ageres? Itane de re ciuili & temporali cum homine confers, à quo res pendet, à quo consilium expectas vel iudicium? Nonne seriò, nonne ex animo, nonne omni prorsus modo rem tractas, quo foelicius successuram putas? Iam verò in animi tui negotio, in æternitatis causa, in re omnium negotiosissima, tu quasi joco ludes, aut quasi ludus esset, sic Sacerdotem illudere, sic te à teipso illudi? *O insensate quis te fascinauit?*

Gal. 3. Audi hoc postremum Sapientis monitum; Ne sis incredibilis timori Domini: & ne accefferis ad illum duplici corde: ne fueris hypocrita in conspectu hominum, & non scandalizeris in labiis tuis: attende in illis ne forte cadas, & adducas animæ tuæ inhonorationem, & reuelet

Ecclesi. 1. Audi hoc postremum Sapientis monitum; Ne sis incredibilis timori Domini: & ne accefferis ad illum duplici corde: ne fueris hypocrita in conspectu hominum, & non scandalizeris in labiis tuis: attende in illis ne forte cadas, & adducas animæ tuæ inhonorationem, & reuelet

Et reuellet Deus adfensa tua, & in medio Synagoga elidat te, quoniam accessisti ma igne ad Dominum, & cor tuum plenum est dolo, & fallacia.



S A B B A T O.

DE CONVENIENDO SACERDOTE

PRO DEBITO VSV SACRÆ COMMVNIONIS.

Immolabit agnum, ubi solet immolari hostia pro peccato, assumensque Sacerdos de sanguine hostie, quæ immolata est pro delicto, ponet super extremum auriculæ dextræ eius qui mundatur, & super pollices manus dextræ & pedis. Leuit. 14.

VERITAS PRACTICA.

Suam ille vestem nuptialem recusat induere, qui recusat instrui de debito Sacramenti usu.

RATIO EST, Quia suam ille vestem nuptialem recusat induere, qui recusat afferre debitam, & conuenientem sibi dispositionem ad perfectè communicandum.

Sed qui recusat instrui de debito sacramenti usu, recusat afferre lam debitam & conuenientem dispositionem.

Ergo & vestem suam nuptialem recusat induere: Quod est Valde cauendum.

I. P V N C T V M.



QVOD sicut exteriorius in leprosi corpore, quando agni pro eo immolati sanguine certis in partibus tangebatur a Sacerdote, hoc longè modò nobiliùs & excellentiùs.

It

in animis nostris peragitur, quando ipso immaculato pascimur Agno, qui pro nobis in altari offertur. Hæc itaque manifesta fuit sacra Communionis figura, quæ ut perfectè a nobis compleatur, non modò à Sacerdote recipimus Sacramentum, sed debitum etiam recipiendi Sacramenti usum ac convenientem unicuique modum ab eodem exquirimus. Quod quidem ita expedit à nobis fieri, ut quanti refert suam afferre vestem nuptialem ad regiam illam cœnam, tanti videatur nostra interesse, plenè instrui de conveniente modo perfectè communicandi. *Suam ille alioquin vestem nuptialem recusat induere, qui recusat instrui de debito sacramenti usu.*

Ratio quæ affertur est facilis, si semel intelligatur quod præsupponit, nempe per vestem illam nuptialem de qua est mentio *Matth. 22.* in Evangelica parabola, designari convenientem unicuique dispositionem ad perfectè communicandum. Sicut enim apud Iudæos non modo erat certum quoddam vestimenti genus exquisitum, quod omnes Coniuiæ tenebantur induere, sed illius vestimenti tanta erat varietas, quanta necesse erat, ut pro diversa ætate & statura, suam unusquisque posset vestem induere. Sic planè, ad sacrum Coniuium non modò est quædam dispositio generalis, seu generatim necessaria omnibus, quæ in Caritate illa consistit quæ excludit omne peccatum mortale: Sed est præterea quædam particularis unicuique, non ita fortè semper & absolute necessaria, sed tamen valde conveniens, & non tantum ad decentiam, sed ad participandum vberiore fructum ita quoque necessaria, ut sine hac, priueris illa gratiarum specie seu abundantia, quam recepisses. Atque hæc est particularis dispositio quam propriè designabat vestis nuptialis: quia ut dicebam, sicut hæc vestis commensurari debebat ætati & staturæ personarum, sic illa dispositio vocationi, statui & aliis circumstantiis debet respondere, de quibus puncto sequenti.

Hinc itaque facilis est intelligentia primæ propositionis, quæ dicitur suam ille vestem nuptialem recusare, qui recusat afferre convenientem sibi dispositionem ad perfecte communicandum: nam cum illa certa vestis nihil aliud adambret quam particularem hanc dispositionem, nonne vnum infertur ex alio tam perspicuè, quam perspicuum est vnum in alio contineri, seu vnum & idem esse? O quanta iam inde apparet necessitas

Suam vestem nuptialem recusat qui recusat instrui, &c. 331
dispositionis huius atterendæ ! Quis sine veste nuptiali auderet
accedere ? Quis non timeret hæc audire ; *Amice quomodo huc in-*
trasti, non habens vestem nuptialem ? Quis non saltem erubescer-
et sine sua propria & conuenienti veste ? *Non appareat confu-* Apoc. 3.
sio nuditatis tuæ.

II. PUNCTVM.

SED qui recusat instrui de debito Sacramenti usu, recusat asserre
illam particularem & conuenientem dispositionem.

Non est hic aliud debitus Sacramenti usus, quàm particu-
laris vniuscuiusque dispositio, nam in hac particulari disposi-
tione atterenda consistit debitus sacramenti usus ; superest ita-
que declarandum, ita opus esse Instructione, & Instructore ad
hanc perdiscendam dispositionem, vt qui recuset instrui, recu-
set se disponere. Sic autem declaratur : Opus est instrui ab alio
si per te tutò, non possis id intelligere & satis capere : Nonne id
planum ? Atqui per te non potes id tuto & commode capere.
Hoc enim situm est in intima tui cognitione, ad quam perseru-
tandam non es satis idoneus, vt supra ex Sapiente visum est,
Ne dicas, sufficiens mihi sum, nam cum inordinatis non modò *Ecclesi. 11.*
agitemur affectibus, quæ claram nostri cognitionem obnubi-
lant, sed variis etiam moueamur spiritibus, qui nos à vero di-
gnoscedo, & recto tenendo tramite non parum turbent : opus
est plane homine qui Dono Discretionis spirituum internoscatur
bonum à malo, falsum à vero, spirituale & diuinum ab huma-
no & diabolico ; *Nolite omni spiritui credere,* inquit S. Ioannes, *1. Ioan. 4:*
sed probate spiritus si ex Deo sint.

Sicut enim pro frequentia Communione nemo sibi tutò cre-
dat, sed standum est iudicio Sacerdotis, qui pro diuersitate
Personarum : seu Conditionum & statuum iudicet de vnoquo-
que in particulari, sic omnino de modo & usu Communican-
di. Nam alius debet esse Incipientium modus, alius Proficien-
tium, & alius Perfectorum. Alius est Puerorum, alius Iuue-
num, & alius ætate prouectorum. Aliter accedendum tempore
tribulationis, & aliter tempore consolationis. Tam varij deni-
que possunt esse modi, quàm varix sunt personæ ; Imo, & quàm
diuersi sunt eiusdem personæ status, in quibus omnibus modis,

& statibus dignoscendis, quia potest errari, sicut in frequentia usu, nili discretione spirituum, & directione caueatur: idcirco non minus quis instrui debet de illo modo, quam de frequentia: & qui recusat instrui, recusat afferre conuenientem sibi dispositionem, quæ in illo certo consilii modo. *Hæc tibi scribo*, inquit
 1. Tim. 3. *Apostolus, ut scias quomodo oporteat te in domo Dei conuersari, qua est Ecclesia Dei uiui.*

Quot enim sunt qui se semper incipere putant, & in via purgatiua jacentes, nihil nisi de peccatis solliciti, hoc unum comunicando, cogitant; cum in Charitatis, aliarumque Virtutum actibus se exercere deberent? Quam multi contra citius euolant, & altius quam oporteret; cumque suis nondum sint exuti affectibus, Deo adherere gestiunt, & unitiuam perfectorum viam incedere: unde tam multi lapsus & casus, de quibus passim sancti Patres. Tu illud ex libello de Imitatione Christi reuolue:
 L. 3. c. 7. *Quidam incauti propter deuotionis gratiam seipsos destruxerunt, quia plus agere voluerunt, quam potuerunt, non pensantes suæ paruitatis mensuram, sed magis cordis affectum sequentes, quam rationis iudicium. Et post pauca, qui adhuc noui sunt, & imperiti in via Domini, nisi consilio discretorum se regant, faciliter decipi possunt & elidi: Quod si suum sentire magis seque, quam aliis exercitatis credere volunt, erit eis periculosus exitus, si tamen retrahi à proprio conceptu non valuerint; Raro sibi ipsis sapientes ab aliis regi humiliter patiuntur.*

Hæc diuinus ille Author ad verbum, ex quibus planè intelligas, quam vera sit Propositio de recusante se instrui, & cum non aliter multi recusent, quam quia sibi ipsis sapientes videntur, vide quam sit timenda talis præsumptio; & quam vere Propheta, *Va qui sapientes estis in oculis vestris, & coram vobismet- ipsis prudentes!*

III. PUNCTVM.

SVAM igitur ille vestem nuptialem recusat induere, qui recusat instrui de debito sacramenti usu; Nam cum illa vestis nuptialis non in genere sumpta, sed in sua specie, & certâ quâdam mensurâ, nihil sit aliud quam proportionata unicuique dispositio, quæ requiritur ad perfectiorem sacramenti usum, &

quæ à Sacerdote, non à nobis est addiscenda, nisi errare velimus in re tanti momenti; quid sequitur nisi quod proposita Veritate continetur? Cuius rara quidem est praxis, quia rari sunt, vt dictum est, qui sibi nimis non sapiant, & qui se putent egere alieno consilio: sed non propterea delinit esse Veritas, cuius consideratio multum certe valere potest ad hanc præsumptionem comprimendam, & ad conueniendum Sacerdotem de re tam utili & necessaria.

Hi sunt paruuli & insipientes, quos ex omnibus inuitat ad se *Prou. 9.* Sapientia; *Si quis est paruulus veniat ad me: & insipientibus locuta est; venite, comedite panem meum, & bibite vinum quod miscui vobis.* Hi sunt inter amicos charissimi qui inebriantur; *Comedi-* *Cant. 8.* *te, inquit, amici, & bibite: & inebriamini charissimi,* id est replemini tantâ gratiarum abundantia, vt non iam homines, non ratione humana moueamini: sed toti cœlestes, & diuini euadatis. Hoc est enim singulare beneficium sacræ Communionis, ad quam acceditur cum veste nuptiali, id est cum sibi conueniente dispositione: ita replet animum diuinis infusionibus, vt totus absorptus & inebriatus sentiatur. Amici quidem sunt qui in caritate communicant, & hi quidem comedunt & bibunt; sed qui ad caritatem addunt puriorem illum & perfectiorem modum, qui suo statui, & præsentî gratiæ conuenit, hi sunt charissimi, & præter communem Communionis fructum, tam multos alios referunt, vt vnâ communionē plus aliquando proficiant, quam alij pluribus.

O dulcissime Domine Iesu quanta est dulcedo deuota anima tecum epulantis in conuiuio tuo. Vide libri quarti de Imitatione Christi caput vndecimum; & sic deplora tot gratiarum iacturas quas fecisti, vt ad eas reparandas nouo accendaris desiderio non aliter deinceps communicandi, quàm cum debita, & conuenienti dispositione animi, quantum cum diuina gratia, & Directoris operâ procurare possis. *Dilata os tuum & implebit illud.* *Ps. 80.*

Vide Verbo *Communio, Eucharistia* præsertim in 3. parte.



DOMINICA IV.
POST EPIPHANIAM,
NISI SIT SEPTVAGESIMA.

DE SEDATA MARIS TEMPESTATE
IMPERIO CHRISTI.

Quid timidi estis, modicæ fidei? Matth. 8.

VERITAS PRACTICA.

Non quia mala sunt, perturbamur, in aduersis: sed
quia perturbamur, aduersa mala sunt.

RATIO EST, Quia totum aduersitatis malum, in malo est
eius usu.

Sed malus aduersitatis usus ex perturbatione potius provenit,
quàm ex malo usu, perturbatio.

Ergo non quia mala sunt, perturbamur, in aduersis: sed quia per-
turbamur, aduersa mala sunt: ac proinde magis cauendum est
perturbari in aduersis, quàm ipsa quauis subire aduersa.

I. PUNCTVM.



ASCENDENTE Iesu in nauiculam secuti sunt discipuli eius: & ecce motus magnus factus est in mari, ita ut nauicula operiretur fluctibus, ipse vero dormiebat. Et accesserunt ad eum Discipuli eius, & suscitauerunt eum, dicentes; Domine, salua nos, perimus. Et dicit eis Iesus, Quid timidi estis, modica fidei? Tunc surgens imperauit ventis & mari; & facta est tranquillitas magna. Porro homines mirati sunt dicentes, qualis est hic, quia venti, & mare obediunt ei?

Hæc hodierni Euangelij verba quæ alibi rursus considerantur sic reuolue; vt animaduertas primo, quantæ molestiarum, moles, quanti calamitatum fluctus, & procellæ nos agitent in hac vita. Deinde quam parum constantes in his sumus, licet non ignoremus nihil nisi Deo volente nobis accidere, nihilque eo præsentente & adiuuante posse obesse, si velimus, *boni emulatores esse*, sicut ait S. Petrus, id est bene vri occasione. Denique nostra n. animi perturbationem & impatientiam in aduersis, maius esse malum, quam ipsa quæuis aduersa; Nam nisi perturbaremur, mala non essent; quidquid enim dicamus ad excusandas perturbationes nostras, quidquid contra sentiamus, certa est Veritas, & digna quæ sæpe recolatur, *Non quia mala sunt perturbamur in aduersis: sed quia perturbamur, aduersa mala sunt.*

Ratio quæ proponitur, continet vniuersale illud principium, de quo sumus in alijs Veritatibus explanandis; Quod scilicet in creatis rebus nihil boni vel mali propriè dicendum sit, nisi bonus vel malus earum vsus: Non prosperitas, non diuitiæ, non deliciæ, non humana gloria, non quæuis alia huius vitæ comoda, verè bona sunt, nisi benè iis vtaris: sic neque paupertas, nec calumnia, neque morbi, iactura aut alia quæcunque aduersa incidant, censenda mala sunt, nisi tu, malè vtendo, mala facias. *Hæc omnia sanctis in bona, inquit Sapiens, sic & impijs & peccatoribus in mala cōuertentur.*

Vnum est verè bonum, Deus, & æterna Beatitudo, cui possidendæ creati sumus; cætera super terram sita, tam verè bona vel mala sunt, quàm nos vere ad illum nostram finem ducunt,

vel inde abducunt.

- Gen. 2.* Hinc illa fatalis arbor dicta est *scientia boni & mali*, quod per eius usum primus homo didicisset, quid boni vel mali esset in rebus, prout videlicet bene vel malè homines vterentur ad finem suum. Quid sacratius illo sacro Pane quem Iudas proditor accepit à Christo Domino? Et tamen cum illum accepisset, tum inimicus in eum intrauit, *Non quia malum accepit*, inquit sanctus Augustinus, *sed quia bonum malè, malus accepit. NON res calumniemur*, aiebat crebrò S. Chrysostomus, *sed nos, & nostrum torporem; Neque dicamus, non sint mulieres, non sit vinum, pecunia: sed ne sit crapula, ne sit fornicatio; Non venter crapulam facit, sed negligentia: non comedit & bibit Diabolus, & cecidit; comedit & bibit Paulus, & in cælum: ascendit omnia sunt ad virtutem arma: vide Iob in diuitiis & paupertate; Et quæ tilius pergit; Breuius autem Apostolus, omnia munda mundis, coinquinatis autem nihil est mundum, sed inquinatae sunt eorum mens, & conscientia.*
- Ioan. 13.*
- Tract. 24. in Ioan.*
- Hom. 15.*
- Tit. 1.*

- Atque ut vno ictu oculi videas, quod longiori discursu explicari non potest; intueri cælum, & cum Ioanne Apostolo, cerne Beatos omnes ut palmas in manibus habent; quainobrem putas? nisi quia dum viuerent pugnarunt cum aduersis rebus, vicerunt & triumphant. At vero in infernum retorque oculos, & infortunatos illos vide, qui gemunt se *lassatos in via iniquitatis & perditionis, nec non ambulasse vias difficiles*, Id est, non minùs esse passos, quàm illos qui palmas habent; cur ergo hi non triumphant sicut illi? quia videlicet non sic vicerunt, non sic pugnarunt, non eodem modo aduersis vsi sunt, ac proinde quæ res aduersa vni homini gradus fuit in cælum, fuit alteri præcipitium & casus in exitium sempiternum. Adeo id verum est totum aduersitatis malum in malo eius esse usu.
- Apo. 7.*
- Sap. 3.*

- O quantam iniuriam rebus infers, & rerum Creatori, cum de illis conquereris, quasi malæ essent & peruersæ! Quam verè potius de te quererentur, quod cum bonæ essent, tu male aut perperam eas vsurpando, malas fecisti; *Armabit idcirco Deus creaturam ad ultionem inimicorum.*
- Ibid.*

II. P V N C T V M.

SED malus aduersitatis, usus ex perturbatione potius prouenit, quàm ex malo usu, perturbatio.

Posses

Posses quidem dolere & angere quòd malè rebus utaris, atque in illo dolore non nihil perturbari : sed de hac perturbatione non agitur, quæ rara est, & quæ facile componi potest. Alia est frequentissima, quæ itatim atque sentitur aut apparet aduersitas, ita commouemur & perturbamur, ut ex illa perturbatione animus in impatientiam, in murmura, in clamores, & alios inordinatos motus efferatur, unde est ille malus aduersitatis usus, de quo hic loquimur. *Quid perdis animam tuam in furore tuo ?* Responde- *Iob. 18.* bis fortè quod idcirco perturberis, quia mala illa sunt quæ occurrunt, quæque aduersantur : neque aliter perturbationem concitari, quam ex apprehensione mali, quod naturali motu timeamus, odimus, fugimus & auersamur. Sed contrà, non propterea, res mala est, quòd eam ita mente apprehendas, sapissime enim fallitur talis apprehensio, & illudic nobis : unde & timor nocturnus dicitur, *Non timebis à timore nocturno.* Id est, ut *Ps. 90.* interpretatur Cardinalis Bellarminus ex sancto Ioanne Chrysostomo, *In nocte aduersitatis non timebis ab his rebus quæ non ledunt si non timeantur : talia sunt detractiones, conuitia, contumelia quæ nocent illi à quo dicuntur, non illi in quem dicuntur, nisi ipse timendo, & eas magnificiendo, seipsum ledat.*

Deinde, esto sint mala sensibus, sit res mala naturæ corruptæ & præsentis quam agimus vitæ ; si tamen pro sit Deo colendo, si ad æternam iuuat beatitudinem, si fini nostro assequendo confert ; an vocabis illud malum ? An dicenda est mala medicina, quæ licet amara sit, sanitatem avertit ? An ille labor malus, quo diuitiæ comparantur ? An omnia denique mala quæ sunt dura & aspera, sine quibus tamen bona alia non proueniunt ? Sic *Heb. 12.* *omnis disciplina, inquit Apostolus, in presenti quidem videtur non esse gaudij, sed mæroris : postea autem fructum pacatissimum exercitatis per eam reddet Iustitia : propter quod remissas manus, & soluta genua erigite, & gressus rectos facite pedibus vestris, ut non claudicans quis erret, magis autem sanctetur.* Quali diceret, non est iudicium de re ferendum ex sensu, sed ex fructu quem confert ad finem nostrum ; ac proinde licet res illa videatur mala sensui, proptereaque conturbemur, non est tamen reuera mala, antequam conturberis, quia nisi conturbatus es, poterat valde tibi prodesse : cum verò te finis perturbari, & perturbatus murmuras, ac murmurando peccas, tum verè mala res illa sit ; quia

hoc est verè malum, murmurare & peccare. Scito & vide quia malum & amarum est, reliquisse te Dominum Deum tuum, & non esse timorem mei, apud te, dicit Dominus.

Ier. 2.

III. PUNCTVM.

NON ergo quia mala sunt, perturbamur in aduersis: sed quia perturbamur, aduersa mala sunt. Non enim verè mala sunt, nisi quando his malè utimur, non malè utimur nisi perturbati. Nam tum amaræ voces, iræ, murmura, rixæ, blasphemix, & similia, quæ longè nos à vero bono, & nostro fine reuocant; ac proinde tam verè mala sunt, quàm bona esse poterant, si benè vti essemus: quod facile fieri poterat, si animo quieto & sedato, calicem à Domini manu accepisses. Quid enim ab illà manu potest non esse bonum? Percutit & manus eius sanabunt, quasi diceretur, si Deus vnā habet manum ut percutiat, duas habet ut sanet, id est duplicat bonum ex aduersis. Nam sic præterita eluuntur peccata; & futura præcauentur. Castigasti me, & eruditus sum quasi iuuenculus indomitus, ait Propheta.

Iob. 5.

Ier. 31.

Sic erudire castigatus, caue perturberis. Ne fomides à facie eorum, Non turbetur cor tuum neque formidet. Disce ex cunctis occurrentibus semper proficere, & bene omnibus uti. Audi Philosophum de suo Sapiente sic differentem. Sapienti non nocetur à paupertate, non à dolore, non ab aliis tempestatibus vita. Ipse semper in actu est, in effectu tunc maximus, cum illi se fortuna opposuit; Ad utrosque casus aptus est; Bonorum Rectior est, malorum Victor. Sic se exercuit, ut virtutem tam in secundis quàm in aduersis exhiberet: nec materiam eius, sed ipsam intueretur. Itaque nec paupertas illum, nec dolor, nec quidquid aliud imperitos auerit, & præcipites agit, prohibet. Tu illum premi putas malis, utitur. Non ex chore, tantum Phidias sciebat facere simulachra, faciebat ex ore: si marmor illi, si adhuc viliorē materiam obtulisses, fecisset quale ex illa fieri optimum, posset; Sic Sapiens virtutem, si licebit, in diuitiis explicabit, si minus in paupertate. Si poterit, in patria: si minus, in exilio: si poterit, imperator: si minus, miles: si poterit, integer: si minus, debilis: quamcumque fortunam acceperit, aliquid ex illa memorabile efficiet. Certi sunt domitores ferarum, qui sauis-

Ioan. 14.

Ep. 86.

Non quia mala sunt, perturbamur : sed quia pert. &c. 339

*fera animalia, & ad occursum exterrentia hominem, cogant pati sub
iugum, nec asperitatem excusasse contenti, usque in contubernium mi-
tigant : Leonibus Magister manum insertat, osculatur Tigrim suus
Custos, & Elephantem Aethiops iubet subsidere in genua, ambulare
per funem. Sic Sapiens est artifex domandi mali : dolor, egestas, igno-
minia, carcer, exilium, ubique horrenda, cum ad hunc pervenire,
mansueta sunt.*

Quid hic dices Christiane, quid Religiosè perterritè in aduer-
sis? Esto hæc fortè facilius scribatur de Stoico, quàm ab eo fiant;
vides tamen quid ratio suadeat faciendum. At vero si rationi ad-
iungas fidem & religionem, si diuinæ auxilia gratiæ, si sacrarum
Monita scripturarum, si probata sanctorum exempla, si sexcenta
quæ habemus à Christo motiva sic agendi, quid excusabis?
Quid prætendes? Quid contrà oppones? *Quacumque lex loqui-
tur, inquit Apostolus, iis qui in legē sunt loquitur, ut omne os* *Rom. 2.*
obstruatur. Quantò sunt scilicet ad agendum & patiendum
plura motiva, tantò minus est excusandi sui suffugium.

Vide in secunda parte totam Hebdomadam, intra Sexagesi-
mam, & præcipue Feria 3. ubi hæc habetur veritas: *Quod Chri-
stus semel suis, hoc in omni semper casu tibi dicit, Non turbetur cor
tuum.* Et in 3. parte Feria quarta: *Res adversa non possent quem-
quam deicere, nisi se his prius vellet subicere.*

IN EADEM DOMINICA.

Domine, salua nos, perimus. Matth. 8.

VERITAS PRACTICA.

Peregrinantis in corpore animæ maius est periculum,
quàm periclitantis in naui corporis.

RATIO EST, Quia ex duobus aquè periclitantibus, maius est
illius periculum, cui minus attenditur, minus cauetur, mi-
nusque prospicitur.

Sed tale est animæ peregrinantis in corpore periculum : non minus.

V. u. ij.

340 Dominica 4. post Epiph. Domine, salua nos, perimus.

est periculum quàm corporis in naui periclitantis : & minus ei tamen attenditur & cauetur.

Ergo peregrinantis in corpore animæ maius est periculum, quàm periclitantis in naui corporis. Quod certe est diligenter attendendum, ut intelligamus quam sit nobis continuo inclamandum, DOMINE, SALVA NOS, PERIMVS.

I. P V N C T V M.

PRIMA propositio per se patet, aut si quid fusius pertractandum videretur, attingi posset quanta in mari occurrant pericula & incommoda, nempe ab ipso elemento quod per se ita æstuosum est, ut se vix vniquam contineat. Deinde à ventis vnde quaque flantibus & reslantibus : à tempestate, à malatia, à piratis, ab hostibus, à diuturnitate itineris, à molestia mansionis, victus, conuietus & sexcentarum huiusmodi difficultatum, vnde Sapiens, *qui nauigant mare, enarrant pericula eius.* Antequam vero se illis exponant periculis, sic tibi ab omnibus necessariis prospiciunt, ut qui tibi non ita prospicerent, vel dum instant pericula non cauerent, vel non contenderent, nec contra obniterentur, certissimæ se ruinæ darent : ac proinde nulla videtur restare difficultas intelligendi quod ex duobus qui mare nauigant & in nauigio simul ex æquo periclitentur, maius & certius sit illis periculum cui minus attenditur, minus prospicitur, & cauetur. *Diuisum est cor eorum, nunc interibunt.* O quantis est cor diuisum suo in spiritali negotio ! quantis o quantis imminet talis interitus !

II. P V N C T V M.

SED tale est anima peregrinantis in corpore periculum : non minus periclitatur quam corpus in naui, minus tamen ei attenditur & cauetur.

Primo quidem quanta sit humanæ vitæ & nauigationis similitudo, per se patet, & frequenter repetitur in Scripturis & Patribus. *Tanquam nanis quæ pertransit fluctuantem aquam, QVASI manes poma portantes*, id est velocissime decurrentes propter

leuitatem & corruptibilitatem oneris, sic dies nostri auolant. Deinde vero quæ & quantæ sint tempestates, vel vno psalmi disce versiculo: *Non me demergat tempestas aqua, neque absorbeat me profundum, neque urgeat super me puteus os suum.* Ps. 68.

Quia porro dum referuntur maris tempestates, dicuntur esse decem fluctus quibus imperuntur & iactantur nauigia, & quorum decimo seu decumano proxime periclitantur: non abs re fuerit, si tot distinctè connumerentur articuli, vnde tamquam à fluctibus, anima impetatur & agitetur in suo corpore, quamdiu hic peregrinatur à Domino. Quinque sunt à rebus prosperis, totidemque ab aduersis.

A PROSPERIS, primus fluctus sunt diuitiæ de quibus sic 1. Tim. 6. aperte Apostolus, *qui volunt diuites fieri, incidunt in tentationem, & in laqueum Diaboli, & desideria multa inutilia & nocua quæ mergunt homines in interitum & perditionem.* Secundus, deliciae de quibus illud Moïsis, *Inundationem maris quasi lac sugent.* Ter. Deut. 33. tius, honores seu fauores mundi, de quibus apte Rex Dauid: *Veni in altitudinem maris, & tempestas demergit me.* Quartus, Ps. 68. Amici, domerici, Conciues & mos ipse humanus de quo egre- gium est illud sancti Augustini: *Vix tibi flumen moris humani! quis resistet tibi? quamdiu non siccaberis? quousque volues Eva Filios, in mare magnum & formidolosum, quod vix transeunt qui lignum conscenderint.* Cui & iungi potest illud Isaïæ: *Ut altitudo maris* Is. 17. *sonantis rapietur, ut turbo in tempestate.* Quintus, Temperamen- tum, seu naturalis complexio, quæ quo est gratior eo est pernicio- tius & procliuior ad peccandum, vnde illud Psal. 17. *torren- tes iniquitatis conturbauerunt me.*

A B aduersis autem primus fluctus est, inopia de qua sic in libro Iob aptissime, *Apprehendet cum quasi aqua inopia: opprimer eum tempestas.* Iob. 27. Secundus, miseriæ seu dolores corporis & animi, de quibus Rex Antiochus, *In quantam, inquit, tribulationem de- ueni, in quos fluctus tristitiæ.* Tercius, miseriæ seu calamitates temporum, de quibus tunc sapiens: *occupatio magna & iugum graue super filios Adam: tumultus, fluctuatio, timor mortis, iracundia persequens, & contentio.* Ecclesi. 4. Quartus, iniuriæ, calumniæ, lites, & quidquid ab amalis & aduersariis fingitur, de quibus in hoc sensu Dauid: *libera me ab iis qui oderunt me, & de profundis aquarum.* Ps. 68. Quintus & vltimus, affectus inordinati, qui nullam

342 Dominica 4. post Epiph. Domine, salua nos, perimus.

is. 48. in animio sinunt pacem, vnde est geminatum illud in Propheta:
*Non est pax impiis, dicit Dominus. Impij quasi mare feruens quod
quiescere non potest, & redundant fluctus eius in conuersionem, &
lutum: Non est pax impiis, dicit Dominus.*

Job. 37. Adde his quàm infirmum corpus, quàm rimosa nauis, &
quàm facile ex sensibus tum externis tum internis, vndequa-
*que subsannationem quasi aquam bibat, vt est in Scriptura; Po-
teritne dici tingiue aliquid praesentius ad periculum, & pericu-
loli ad naufragium?*

Quam parum denique tam praesenti certae animae periculo
caueatur, quis non videt? Quis se putet in tempestate & in certo
Prou. 23. naufragij periculo, cum se videt in diuitiis & delitiis? O quàm
vere dictum à Sapiente de quauis anima suum nesciente nec co-
gitante periculum: *sicut dormiens in medio mari, & quasi sopitus
gubernator amisso clauo, & dicens, traxerunt me, & ego non sensi!*
Ps. 118. Numquid talis est anima tua? Numquid dormitauit praetædia
2. Petr. 2. rerum spiritualium? *At perditio non dormitat, inquit S. Petrus.*

LII. PUNCTVM.

PEREGRINANTIS igitur in corpore anima, maius est pericu-
lum, quam periclitantis in naui corporis, licet æquale vtrique
foret periculum, cum tamen animae minus prouideatur quam
corpori, longe magis periclitari dicenda est anima, de qua proinde
Job. 37. in scriptura expressè dicitur: *moriatur anima eorum in tempe-
state.* Ac propterea Iob sapienter dicebat: *semper quasi tumentes
super me fluctus, timui Deum.* O si id sciperes, si sic Deum time-
res! Dilce vel ab ipso mari & ventis qui à Christo cessare iussi,
statim quiescunt. Qua de re in tertia parte fusius, quæ huc
commodè referri possint, feria tertia intra Hebdomadā nonam
post Pentecosten, ad hæc Christi Domini Verba, dum impera-
ret ventis, & mari: *Tace, obmutescce. VOX illa, vox Christi est, dum
commouetis, nec tamē taces aut obmutescis; Quod sane est crubescenā.*
Concludat denique sanctus Augustinus his ad rem verbis aptis-
simis. *Si quid in nauicula anima nostræ multis tempestatibus, pecca-
torum fluctibus, aut per superbiam fractum, aut per auaritiam ruptum,
aut per luxuriam resolutum esse cognoscimus, componere vel reparare
bonis operibus festinemus. Studeamus iugiter vitiorum exhaustire semina.*
Serm. 181. de temp.

tinam. Non enim nocent peccata praterita, si non placent presentia.

Opportunum & illud esset quod supra, die 10. & 11. Ianuarij refertur: *Non contristabit Iustum quidquid ei acciderit. Et meliore rerum statu non magis gaudet Iustus quàm deteriore doluit.*

Vide & infra in hac parte Feriam 6. infra Hebdomadam quintam: *Nisi probè paratus sis ad aduersa, nec ad ipsa prospera bene paratus es.* Et Feria 2. infra Hebdomadam sextam. *Quanto minus murmuramus, aut omnino tacemus flagellati à Domino, tanto altius altissimum eius Dominium pradicamus. Quæ Veritas posset accomodari verbis Euangelij, Qualis est hic, quia venti & mare obediunt ei.*



HAC HEBDOMADE, in historia Paralitici sanati apud Capharnaum, consideratur progressus vitæ spiritualis quædam forma, per tres perfectionis acquirendæ vias. Primò in purgatiua, Incipientes impedimenta quæque perfringunt, quibus ab incepto retardari possent. Deinde in particulari peccata, eorumque radices ac habitus deponunt.

Tum pro via illuminatiua Proficientes primum quemque motum animi, & corporis vitiosum, statim vt oritur reprimunt; & ex consequenti sic assuescunt Virtuti, vt vix vllò iam naturæ impetu aut inordinato motu agitentur, sed ad virtutis & Gratiæ ductum toti sunt facti.

Denique pro vniuersali Perfecti, vnâ Dei Voluntatem in suis omnibus spectant, vbique Deum præsentem ac diuinas eius perfectiones contemplantur, nihil nisi de eo cogitant & loquuntur, simulque alios ad eius cultum, & prædicandam gloriam prouocant & hortantur. Quæ omnia eodem ordine, ex illa deducuntur historia, binis pro vnaquaque Perfectionis via, propositis Veritatibus.

FERIA SECVNDA

DE PARALYTICO SVMMISSE

PER TEGVLAS, IN CONSPECTVM DOMINI IESV.

344 FERIA 2. infra Hebdomadam 4. post Epiph. Ecce viri, &c.

ET DE PRIMO VIÆ PURGATIVÆ GRADU
QUO IMPEDIMENTA PERFECTIONIS
QUANTOCIUS PERFRINGUNTUR.

Ecce viri portantes in lecto hominem, qui erat paralyticus, & querebant eum inferre, & ponere ante eum. Et non inuenientes qua parte illum inferrent præ turba, ascenderunt supra tectum, & per tegulas summisserunt eum cum lecto in medium ante Iesum. Luc. 5.

VERITAS PRÆCTICA.

Quò longius differs, difficultatem difficilius tolles.

RATIO EST, Quia quo maior est repugnantia voluntatis & minor Gratia, eò difficilius difficultas tollitur.

Sed quò longius differs, maior est repugnantia voluntatis, & minor Gratia.

Ergo & difficultatem difficilius tolles, ac proinde perfringendum quantocius quidquid obstat.

I. PUNCTVM.

ANTA erat miraculorum Christi Domini fama, tantus diuinæ illius conuersationis splendor, tale animorum erga ipsum studium, tam multus denique populi undique confluentis concursus, ut vix pateret ad eum liber accessus. O qualis tùm felicitas sæculi! Sed quid faciet Paralyticus, qui se lecto mouere non potest? Rogare quidem poterit, qui se portent & inferant ante eum: sed illi ipsi Viri, qui hoc pietatis officium suscipiant, qua tandem parte illum offerent, cum omnes sint interclusi aditus? At vide quàm ingeniosa

niosa sit Charitas; *Ascenderunt*, inquit Euangelista, *supra tectum, & per tegulas summisserunt eum cum lecto in medium, ante Iesum.* Quale Ipectaculum! quam pium! quam salubre! quam ipsi Domino gratum & iucundum! sic deberet vel aliis esse auxilio, vel aliorum implorare opem ad faciliorem accessum erga Dominum promerendum. *Primum omnium quod ante diximus*, ait hic S. Ambrosius, *unusquisque ager petenda Precatores* L. 5. in c. *salutis debet adhibere, per quos vita nostra compago resoluta actuum.* S. S. Lucae. *que nostrorum clauda vestigia, verbi caelestis remedio reformentur. Sint igitur aliqui Monitores mentis, qui animum hominis, quamvis exteriori corporis debilitate torpentem ad superiora erigant, quorum rursus adminiculis & attollere, & humiliare se possit, ut facilius ante Iesum locetur, dominico videri dignus aspectu.*

Hæc ille totidem verbis quæ valde confirmant Veritates proximè superioris hebdomadæ. Verùm ad propositam modò materiam ut affigamus animum, Vide quàm admiranda Christi Domini sapientia, qui nobis progressum quendam totius perfectionis acquirendæ, in hoc vno sanati paralytici opere subiicit. Admirare quàm aptè illud quod primò narratur de reserato a litu per sublatas tegulas, representet studiosis suæ salutis & perfectionis, difficultates omnes, quæ initio multæ occurrunt, & ab inchoando retardant, statim ut occurrunt, esse abrumpendas; Quia scilicet *quò longius differs, eò difficultatem difficilius tolles.* Augebitur enim repugnantia voluntatis, & imminuetur Gratia, quæ dux sunt difficultatum omnium tam aperta causæ, ut quo maior erit repugnantia voluntatis, & minor Gratia, eò difficilior difficultas tollatur.

Hoc primò vniuersim esset probandum, nisi satis ipso pateret sensu; vndenam etenim maior sentitur difficultas ab vno, quam ab alio, in quibusdam asperis aut abiectis operibus suscipiendis, nisi quia magis repugnat illius indoles, aut concupiscentia, quæ voluntatem ad se alliciens, eam etiam reluctantem & repugnantem facit? Ament illi ex æquo quod proponitur, quantumcumque sit in se asperum: Nihil tum erit difficile volentibus & amantibus: *Anima saturata*, inquit Sapiens, *calcat* Provi. 27. *bit fauum, & anima esuriens etiam amarum pro dulci sumet.*

Quod si tamen illius animus, qui maiorem in re aliqua difficultatem & repugnantiam sentit, abundantiori gratia reple-

Ps. 17. retur, quàm ille alius cui res minus apparet difficilis, fortè ille
 Ps. 118. tum fortiùs & constantius difficultatem omnem absorberet, &
 cum Dauide diceret, *In Deo meo transgrediar murum: & , viam
 mandatorum tuorum cucurri cum dilatasti cor meum.*

At verò si è contra, debilitato magis difficultatibus animo
 diuinum etiam imminueretur auxilium, nonnè tùm difficul-
 tates viderentur auctæ? Nonne tùm pondus ponderi additum?
 Ps. 41. nonne tum ille inclamaret; *quare oblitus es mei, dum affligit me
 inimicus, dum confringuntur ossa mea?* O verè deplorandam illo-
 rum miseriam, de quibus etiam dicitur, *Et humiliatum est in labi-
 ribus cor eorum: infirmati sunt, nec fuit qui adiuuaret.*

II. PUNCTVM.

SED quò longius differes, maior erit repugnantia voluntatis, &
 minor gratia.

Ecclesi. 9. Crescit enim semper concupiscentia, vnde est repugnantia
 Ps. 30. voluntatis, *quasi ignis exardescit*, inquit Ecclesiasticus: *Et ille
 Job. 31. est ignis qui nunquam dicit, sufficit. Ignis est vsque ad perditionem
 deuorans, & omnia eradicans genimina.* Illa est olla succensa quæ
 Jer. 1. semper magis ac magis succenditur: & cui virga vigilans inimi-
 2. Tim. 2. net propius. Cancer est qui nunquam sistit, sed terpendo de-
 Ibid. pascitur fixius quamcumque animi partem inuaserit. O quan-
 ta, quàm robusta, quàm efficaci tum opus esset Gratia!

Et vero, adeo non datur tam robusta & potens, quin potiùs
 dilatione repudiata, & offensa Gratia decrescit in dies crescente
 concupiscentià, & tantò minus datur auxilij, quantò magis
 Is. 33. esset optandum. *Vae qui spernis, nonne & ipsi spernèris?* Morata
 Cant. 5. sponsa pullanti aperire Sponso, *surrexit postea vt aperiret, at
 ille declinauerat atque transierat: quasiuit & non inuenit illum. Vo-
 cavit & non respondit ei: quin etiam denudata est à custodibus, per-
 Luc. 19. cussa est & vulnerata.* O damnosam dilationem, *Auferte ab illo
 mniam*, inquit Dominus gratiæ, *quia omni habenti dabitur, &
 abundabit: ab eo autem qui non habet, & quod habet, auferetur ab
 eo.* AD HVC modicum lumen in vobis est, *ambulate dum lucem
 Ioan. 12. habetis, vt non vos tenebra comprehendant, & qui ambulat in te-
 nebris, nescit quo vadat.* Nonne hoc est ipso lumine clarius ad
 rem exprimendam?

III. PVNCTVM.

QVO longius ergo differs, difficultatem difficilius tolles, & ne quidem fortè vnquam tolles, atque in eodem imperfectionis statu permanebis. Quin etiam deterius rues, propter allatas causas crescentis concupiscentiæ, & decrescientis gratiæ. *Angustiâ superveniente requirent pacem, & non erit*, inquit Propheta, *conturbatio super conturbationem veniet, & auditus super auditum*, Id est, denunciatio mali super malum. Vnde apertè patet meram esse illusionem & fallaciam mentis perniciosissimam, in incaptis deterreri difficultate, ac propterea differre quod velles aggredi. Quod enim expectas differendo, hoc vnum est, vt tollatur difficultas: at non tollitur differendo, imò augetur. *Quid ergo differs propter præsentem difficultatem, quæ futura est grauior, quo magis differs?* Nonne potius propter illam ipsam causam quæ te modò retardat, maturandum esset? Nam si modo iusta remorandi causa videtur propter aliquid quod apparet difficile: nonne iustior semper apparebit illa causa cum illud ipsum difficile, difficilius in dies erit? *Si non intercessisset dilatio, iam vice altera venissemus*, id est, non eam difficultatem pateremur, quam modò patimur, longè res facilius peracta esset. Sic Iudas filius Iacob ad excitandum Patrem, qui nolebat concedere Benjaminum. Sic te ipsum exacue cum diuina Gratia; iam enim diutius differs quò vocaris ire, ad perfectum tui contemptum *Festina, quaso te, & harenti in salo nauicula funem magis præcide, quàm solue.* Tu Domine nostras rebelles ad te propitius compelle voluntates.

Exch. 7.

*S. Aug. 8.
Confess. 3.*

Gen. 47.

*S. Hier. ep.
103. ad
Paul.*



FERIA TERTIA.
DE REMISSIS PARALYTICO
PECCATIS.
ET DE RATIONABILI SOLICITVDINE
CIRCA NOSTRORVM REMISSIONEM.

Homo, remittuntur tibi peccata tua. Luc. 5.

VERITAS PRACTICA.


Sicut non est habenda sollicitudo anxia, & scrupulosa de peccatis remissis; ita rationabilis non est deponenda.

RATIO EST, Quia procuranda semper est, cum diuina Gratia, Moderatio quedam animi inter nimiam timiditatem seu abiectiōem, quæ vergit in desperationem, & nimiam securitatem, quæ nos ducit in elationem.

Sed non potest melius procurari aut formari talis Moderatio, quàm si abiecta sollicitudine anxia, de peccatis remissis, retineatur rationabilis.

Ergo sicut illa est abijcienda, ita hæc retinenda: In quo tamen utrimque multi peccant.

I. PUNCTVM.

 **ADMIRANDVM** sanè est, quòd cùm Paralyticus oblatuſ Domino, nec illi ipsi viri qui eum offerebant aliud viderentur petere, quàm sanitatem corporis, neque vllò modo loquerentur, aut fortè etiam nec cogitarent de salute animæ, vel remittendis peccatis: è contra Christus Dominus nihil de morbo, nihil de sanitate locutus, hoc vnum paralytico dixit: *Homo, vel vt habet alius Euangelista, fili, remittuntur tibi peccata tua.* Quia scilicet hoc primum & maximum malum est hominis, vel semel peccasse in Deum: ex quo malo culpæ, cætera omnia quæ dicuntur poenæ, proficiſcuntur: quo remanente, nihil iuuant bona quæ feceris: quo sublato, nihil nocent mala quacumque patiaris. Sic S. Hieronymus. *Fortè, inquit, prius dimittit peccata vt ablatis causis morbi, sanitas restituatur.* Et vt ait S. Augustinus, *satis est paralytico esse hominem vt sit peccator: sic satis est esse peccatorem, vt de peccatis remittendis cum illo Dominus agat;* Non est autem dubium quin eo tempore quo remittebat peccata, dederit ei animum poenitentem

sine quo nulla sit peccatorum remissio : iam enim credebatur ille paralyticus, ut notauit S. Ioannes Chrysostomus, alioquin non se permisisset submitti per rectum.

Nunc verò, ut ad nos, atque ad institutum nostrum ista referamus, Considera hoc imprimis spectare ad eos, qui viam perfectionis ingrediuntur, & per eam incedunt, quæ purgatiua dicitur, ut de peccatis purgandis & remittendis maximè solliciti sint, ut ait Sapiens, de viro iusto seu iustitiæ & perfectionis studioso, *Cor suum tradet ad vigilandum diluculo ad Dominum qui fecit illum, aperiet os suum in oratione, & pro delictis suis deprecabitur.* Quin & pro ipsis iam confessione purgatis & remissis, ut idem expresse Sapiens : *De propitio peccato noli esse sine metu,* *Ibid. 5.* id est sine aliqua cura, & sollicitudine.

Verùm ne sit anxiosa & molesta scrupulis sollicitudo, sed religiosa & rationabilis, Veritate hodiernâ commonemur, atq; vnâ eademque ratione, *nec nimis anxiam esse habendam, nec rationabilem esse deponendam, demonstratur.*

Est autem Ratio euidentis, nec tam multâ eget declaratione quàm consideratione, ut dignè expendatur. Cum sint videlicet duo quædam extrema, in quæ nobis proclia est & valde periculosum lapsi; nempe ex vna parte, nimia timiditas seu abiectio animi: ex alia verò, nimia securitas & elatio; nihil aptius quàm ut talis moderatio procuretur inter illa duo extrema vtrîque periculosissima, ut ne quis nimis se abjiciat, aut se nimis effingat & præsumat.

Quis enim non videt quanta dimanet à pusillanimitate damna? Sic paucis ea dinumerat S. Bernardus : *Sicut sanctis & electis tribulatio operatur patientiam, patientia probationem, probatio spem, spes autem non confundit: sic damnandis & reprobis tribulatio parit è contrario pusillanimitatem, pusillanimitas perturbationem, perturbatio desperationem, & illa interimit.* *Ep. 32. Rom. 5.*

Ab elatione vero & præsumptione quàm sit timendum sic idem futius. *Via Daemonum præsumptio & obstinatio.* Propter præsumptionem stare non potuerunt, propter ostinationem, qui cecidit non adjiciet ut resurgat. Quàm peruerso & cverso sunt corde filii hominum, quicunque sectantur vestigia Daemonum, ingrediuntur demonum vias. Hæc enim tota aduersum nos spiritualium colluctatio nequitiarum est, ut nos seducant, ut nos inuocant in vias suas, &c. *Serm. 11. 1. Phil. 3. 12. Gal. 5. 17.*

deducant in eis, & perducant ad destinatum finem qui paratus est eis. Fuge homo presumptionem, ne gaudeat de te inimicus tuus; Nempè in his maximè vitiis gaudet, in seipso expertus quàm difficile possis ab hac tanta voragine respirare.

- Deut. 5. Nonne hæc tremenda? nonne hæc cauenda & fugienda sicut
 Iosue 1. toties admonemur, neque ad dexteram, neque ad sinistram ire?
 Prov. 4. Ac proinde, nonne nobis conquirenda & formanda est Moderatio quædam animi, quæ nos in medio statuatur, ne in alterutram partem declinemus? Tu Domine Deus iter meum dirige; Notam fac mihi viam in qua ambulem, quia ad te leuavi animam meam. Eripe me de inimicis meis Domine ad te confugi, doce me facere voluntatem tuam.

II. PUNCTVM.

SED quantum est ex nostra parte, non potest ista Moderatio formari aptius, quàm si abiecta solitudine anxiam de peccatis nostris, retineatur rationalis.

- Sic enim ab utroque simul liberamur extremo. A primo quidem quod est timiditas vel desperatio, dum nimia & anxiosa solitudo de peccatis rejicitur. Deinde verò ab alio quod est presumptio, tuti sumus, dum rationalis solitudo retinetur: licque fit ut in media illa via fiducialiter ambulemus, ubi pes noster non impingat, ut ait Sapiens.

- Quod ut melius intelligatur & in praxim reuocetur, Aduertendum est, quòd sicut nimia solitudo, & damnosa securitas inde proueniunt, quod vel sola Dei Iustitia peccatum seuerè punientis, vel sola Dei misericordia peccatores benignissimè recipientis, consideretur: sic rationalis solitudo formatur ex eo, quod iudicium seu iustitiam, & simul misericordiam Dei nobis proponamus. Hi sunt duo pedes cum pœnitente Magdalena simul osculandi, & vngendi; ut præclare & fusè S. Bernardus. Pedes, inquit, isti sunt Misericordia & Iudicium, quorum alterum sine altero osculari, vel temeraria securitas est, vel desperatio fugienda. Quis enim Dei Misericordiam indefinenter attendens, non statim tepidioris vite quietem exoptet? cum enim recogitat vniuersitatis Dominum formam serui pro seruis suscipere, triginta & tribus annis operari salutem nostram in medio terra huius, capi, ligari,

In Festo
 S. Mariæ
 Magdal.

lanceari, crucifigi, & hoc totum pati pro filiis hominum, statim deceptoriam spe sibi blanditur & alludit, gaudet observari in misericordia & miserationibus, iudicium nescit, ignorat iustitiam, & puniendam estimat non puniri. Fallitur qui sic osculatur misericordiae pedem, ut pedem iudicii non attendat, qui totum de misericordia pede praesumit, hoc solum ad salutem sufficere credens, quod credit.

Rursus, cum abducit os, & iudicii pedem crebrioribus osculis intertangit, succutitur carnis animaeque substantia, & utriusque hominis statum vehementior aura percellit: Horrendum enim est incidere in manus Dei viventis, offendere, nescire Dominum, recalcitrare dominantis imperio, qui habet potestatem corpus & animam ponere in gehennam. Terribilis certe, sicut ait Apostolus, quaedam expectatio iudicii. Et quæ plura habet de hoc terribili iudicio; unde concludit, Quis hæc diu cogitans non statim contremiscat, & in desperationis rotetur abyssum. Non est igitur huic pedi morosius incumbendum, ne pietatis intuitum ferocia indicantis excludat. Vtrumque igitur inungat pedem animæ penitentis affectus, & nunc misericordiam amplectens, nunc iudicium deosculans, contribulati spiritus offerat holocaustum. Vide Mariam iudicii pedem fortiter attendentem, dum nobilis & lasciva mulier convivantium faciem non attendit, sed extenso corpore prostruitur pedibus Maiestatis, doloris plena, timoris impatiens, compunctionis iaculo vulnerata. Sed & misericordiae pedem labiis impresioribus osculatur; in cuius spe, firmiter inhaeret vestigiis Christi Redemptoris, donec audiat, Remittuntur tibi peccata tua. Tum ostendit quomodo idem eius exemplo præstare possimus; ex quibus sancti Patris verbis, sicut aperte patet quid sit abjicere auxilium sollicitudinem, & retinere rationabilem, nempe non spectare solum iudicium, nec solam seorsim misericordiam, sed utrumque simul sibi proponere; sic etiam evidens est, quod si à nobis id præstetur, tunc Moderatio & temperamentum formabitur, quod erat exoptandum inter illa duo extrema vitiosa, de quibus cauendis dictum est. Neque enim tum eris pusillanimis & abiectus, quia sperabis in misericordia: neque elatus & arrogans, quia timebis iudicium. O verè rationabilem sollicitudinem! o timorem omni securitate securiorem!

III. PUNCTVM.

SICVT ergo non est habenda sollicitudo nimia seu anxia & scrupulosa de peccatis remissis, & de futura salute: sic rationabilis non est deponenda; quia non minus timenda est elatio & præsumptio, quàm desperatio: ac proinde sicut ne desperes, fugienda est nimia illa sollicitudo de peccatis: ita ne nimis esleraris, & præsumas, retinenda est rationabilis, quæ sic sperat, vt timorem non deponat; sic timet, vt spem non abiiciat, sed vtrumque simul tam firmo & inuiolabili nexu coniungit, vt neutrum alteri prorsus præiudicet. *Qui timetis Dominum, sperate in illum.* Hoc clamant passim Scripturæ; sed eadem etiam nihil aliud resonant, quàm quod, *miseriordia eius à progenie in progenies, timentibus eum.* Nolite timere, aiebat Moyfes ad Populum; *vt enim probaret vos venit Deus, & vt terror illius esset in vobis, & non peccaretis.* Quid vero ait? Nonne sibi contradicit? nonne secum ipse pugnat! quæ sunt illa verba nisi pugnantia, & sibi contradictoria, *Nolite timere; & vt terror illius esset in vobis.* Si vetat eos tinere, cur addit, vt terror esset in illis? Nempe distinguendus duplex timor quorum vnum vetet, & alterum iubeat. Vetat quippe timorem illum anxium quo Iudæi timebant mori: lubet vero terrorem salutarum, quo illi & nos concussi numquam peccemus, neque de salute comparata ita certi & securi simus, vt desides facili, bona deferamus opera, vel in ipsis elati operibus non reuearemur diuina iudicia. *Non sit ergo irrationabilis timor,* inquit, *In T. 118.* S. Ambrosius: *Etenim vera Sapientia à timore Dei incipit, nec est Sapientia spiritalis sine timore Dei: ita timor sine Sapientia esse non debet.*

*Epistolari
l. 6. c. 186.*

Sic præclare S. Gregorius, Gregoriæ cuidam nobili sceminae quæ optabat suorum peccatorum remissionem ipsi sancto Pontifici reuelari. *Rem,* inquit, *& difficilem, etiam & inutilem postulasti: difficilem quidem, quia indignus sum cui reuelatio fieri debeat: inutilem verò, quia secuta de peccatis tuis fieri non debes, nisi cum iam in die vite tuæ ultimo plangere eadem peccata minime valebis: quæ dies quousque veniat, semper suspecta, semper trepida metuere culpas debes, atque eas quotidianis fletibus lauare.* Certe Paulus Apostolus iam ad tertium cælum ascenderat, in paradysum quoque ductus

ductus fuerat, arcana verba audiuerat quæ homini loqui non liceret: & tamen adhuc trepidans dicebat, castigo corpus meum, & servituti subijcio, ne forte alius prædicans ipse reprobus efficiar; adhuc timet, qui iam ad cælum ducitur: & iam timere non vult qui adhuc in terra conuersatur! Perpende, dulcissima filia, quia mater negligentia solet esse securitas, habere ergo in hac vita non debes securitatem per quam negligens reddaris: scriptum est enim, beatus vir qui semper est pauidus. Et rursus scriptum est, seruite Domino in timore, & exultate ei cum tremore. In paucis ergo huius vite tempore, mentem vestram necesse est ut tremor teneat, quatenus per securitatis gaudium sine fine postmodum exultet; Idemque in moralibus tutissime de sanctis omnibus. Certitudinem, inquit, sibi in se promittere non præsumunt, sed positi inter gaudium spei, & tentationis metum confidunt & timent; confortantur & titubant; certificantur & suspecti sunt.

Hoc ipsum de se in particulari profitetur S. Bernardus in Canticis, sibi applicans quæ de Magdalena poenitente dixerat de utroque pedis osculo, ut videas nemini unquam quantumvis sancto & probato deponendam esse rationabilem sollicitudinem, sicut nec retinendam anxiam & irrationabilem. Datum est, inquit, & mihi misero nonnunquam sedere secus pedes Domini Iesu, & modo hunc, modo illum tota deuotione amplecti, in quantum me sua benignitas dignabitur admittere. At si quando miserationis oblitus, stimulante conscientia, iudicio paulo diutius inharerem: mox metu incredibili ac miserabili confusione deiectus, & tenebroso circumfusus horrore hoc solum palpitans de profundis clamabam: Quis novit potestatem ira tue, & præ timore tuo iram tuam dinumerare? Quod si eo relicto pedem misericordiae plus tenere contingeret, tantâ è contrario incuriâ, & negligentia dissolubar, et confestim & oratio tepidior, & actio pigrior, & risus promptior, & sermo incautior, & omnis denique utriusque hominis status inconstantior appareret. Proinde magistrâ instructus experientia, non iudicium iam solum, aut solam misericordiam, sed misericordiam & iudicium cantabo tibi Domine.

Denique quanta sit obligatio huius sanctae sollicitudinis retinendæ, & in quo fundata sit, siue præteritum, siue futurum spectes, audi Concilium Tridentinum contra præsumentes: Sicut nemo pius de Dei misericordia, de Christi merito, deque Sacramente-

- rum virtute & efficacia dubitare debet : sic quilibet, dum se ipsum suamque propriam infirmitatem, & indispositionem respicit, de sua gratia formidare & timere potest, cum nullus scire valeat certitudine fidei, cui non potest subesse falsum, se gratiam Dei esse consecutum. Et paulò post, diuerso capite : Veruntamen, qui se existimant stare, videant ne cadant, & cum timore ac tremore salutem suam operentur in laboribus, In vigiliis, in eleemosynis, in orationibus, & oblationibus, In ieiuniis, & castitate. Formidare enim debent scientes, quod in spem gloriae, & nondum in gloriam renati sunt, de pugna qua superest cum carne, cum mundo, cum diabolo, in qua victores esse non possunt, nisi cum Dei gratia, Apostolo obtemperent dicenti, debitores sumus, non carni ut secundum carnem viuamus; si enim secundum carnem vixeritis, moriemini : si autem spiritu facta carnis mortificaueritis, viuatis.
1. Tim. 4. H A E C etiam meditare, in his esto, in ista in illis; hoc enim faciens, & teipsum saluum facies, & eos qui te audiunt.



FERIA QVARTA.
DE COGITATIONIBVS PHARISAEORVM
DETECTIS A CHRISTO DOMINO.
ET DE NOSTRIS AD VIRTVTEM
PERFECTE DIRIGENDIS.

Ut quid cogitatis mala in cordibus vestris? Matth. 9.

VERITAS PRACTICA.

Nisi, quod monet Sapiens, omni custodia serues cor tuum, non omnino seruas.

1. Tim. 4. RATIO petitur ab eodem Sapiente, cuius est hæc sententia, Omni custodia serua cor tuum, quia ex ipso vita procedit.

Sic autem declaratur.

NISI cor tuum serues, quantum est satis ad vitam, quæ ex ipso procedit, non omnino seruas illud.

Sed nisi omni custodia serues, non seruas quantum est satis ad illam vitam.

Ergo nec omnino seruas; Quod quam sit damnosum & cauendum patet.

I. P V N C T V M.

DERANT plurimi è Scribis & Phariseis, cum Christus Dominus dixit paralytico, *Remittuntur tibi peccata tua*; Tum illi, vt narrant Euangelistæ, *caperunt cogitare dicentes, quis est hic qui loquitur blasphemias? quis potest dimittere peccata, nisi solus Deus? Vt cognouit autem Iesus cogitationes eorum, respondens dixit ad illos; Quid cogitatis in cordibus vestris, seu vt est apud S. Matthæum, quid cogitatis mala in cordibus vestris? Vere etenim mala & pessima erat eorum cogitatio, quæ Christum Dominum dicebant in corde, esse blasphemum, quod peccata remitteret. Vt verò se esse Deum declararet, & verè se posset peccata dimittere, detegit cogitationes eorum, quod est proprium solius Dei, & antequam illud proferrent, quod cogitabant, illos interrogat, *Quid cogitatis? Quid cogitatis mala in cordibus vestris?* Quali diceret, Illa scio, illa video. O potentissimū reprimendis nostris cogitationibus frantum! Quis enim, si se videri à Christo cogitaret, cogitare simul vellet quæ ab eo nollet videri? *Ego Ego sum, Ego vidi; dicit Dominus.* Quamobrem hic de nostris primis cogitationibus ordinandis, & ad Virtutis exercitium dirigendis cogitemus: hoc est enim proprium Vitæ illuminatiuæ, & eorum hominum, qui peccatis perpurcati, proficere volunt in studio perfectionis.*

Ad hoc autem plurimum confert Sapientis monitum, *Omni custodia serua cor tuum, quia ex ipso vita procedit*; Nemo enim dubitat esse aliquam custodiam adhibendam; sed nulla est satis, nisi omnis adhibeatur, Nisi omni custodia serues cor tuum, non omnino seruas, quia videlicet nisi illud serues quantum est satis ad vitam quæ ex ipso procedit, non omnino seruas.

Estius. in
4. Prou.

Arist. 1. 2.
de part.
anim c. 10.
3. c. 4.

Quæ ratio vt melius intelligatur, aduertendum, hîc cordis nomine intelligi mentem nostram, quæ est facultas cogitandi, intelligendi, & ratiocinandi: dicitur vero Cor quia sicut à corde principium est vitæ corporalis, sic à mente cum diuina Gratia principium est vitæ spiritualis; hinc enim primæ cogitationes, vnde affectus & virtutes, tum internæ, tum externæ, in quibus excernendis tota est vita, quæ spiritualis dicitur. Voluntas quidem est principium executiuum, sed Mens est principium cognitiuum quod illud antecedit, quatenus per præuiam cogitationem Mens Voluntatem dirigit, quæ nihil appetit, nisi prius cognitum ab intellectu.

Matth. 7.
Ez. 12.
Ibid. 3.
Ibid. 12.
Ibid. 15.

Hæc est arbor quæ si bona fuerit, bonos fructus facit; si mala, malos fructus. Imò hæc est arborum radix, ad quam securis ponenda est; hic est bonus thesaurus, de quo bonus homo profert bona; hoc est denique cor de quo exeunt quæ de ore procedunt, & quæ in opus transeunt.

L. de Noc.
Et Arcu,
c. 4.

Iam verò sicut cor nostrum, vnde vita naturalis procedit, nisi tali diligentia custodiatur quæ necessaria est ad illam vitam conseruandam, non satis custoditur; sic planè Mens illa nostra, vnde est vita spiritualis, nisi custodiatur quantum satis est, ad hanc spirituales vitam conseruandam, non potest dici custodiri & seruari. Cum enim ob id vel maximè mens seruetur, vt sic vita conseruetur, certè nisi vita conseruetur, non satis mens seruetur. Nam quid prodest aliter conseruari, si, quemadmodum diximus, illud propter quod seruetur, non conseruatur. Sic grauitè & luculentè S. Ambrosius, in moralem sensum deriuans, quod in Genesi dicitur, diluuij tempore simul cum hominè omnia esse deleta. *Sensu altiore*, inquit, *illud manifestatur, quia homo mens est, quæ est rationis capax: Principali igitur extincto, etiam sensus omnis extinguitur, eo quod nihil reliqui ad salutem supersit, cum salutis fundamentum virtus defecerit.* O virtutis defectum, à defectu seruatae mentis! quantis id gemitibus deplorandum, quod in æternum hi deplorant, qui se in inferno idcirco positos clamant, *Quod virtutis nullum signum valuerint ostendere.*

Sep. 5.

II. PUNCTVM.

SED nisi omni custodia cor tuum, siue mentem serues, non hanc seruas quantum est satis ad vitam spiritualem conseruandam.

Duobus modis intelligi potest hæc omnis custodia, vnus intensiue, alius extensiue, & vterque est tam necessarius, vt eorum alterutro desinente, vel illico desinat, aut periclitetur vita spiritualis. Nam primò quidem, si desit omnis intensiua custodia, id est tam intensa & sollicita, quam meritò exigit Gratiæ, vel status animæ, vel occurrens occasio, cades actu in vitium, vel habitu in vitiosum illum statum qui tepor dicitur, *Apoc. 3.* qui vomitum Domino creat, & qui est peior frigido statu. Hinc lachrymæ, hinc gemitus: *Posuerunt me custodem in vineis, vineam meam non custodiri. Ille eris mollis & dissolutus in opere suo qui frater est opera sua dissipantis; Ille eris maledictus qui facit opus Dei fraudulenter seu negligenter; Illa eris arbor, quæ non facit fructum bonum, excidenda & in ignem mittenda; Ille eris infidelis seruus non vigilans, cuius Dominus venit quâ ille hora non putat, & diuidit eum, partemque eius ponet cum hypocritis: Ille eris denique tepidus cui dicitur, utinam frigidus esses aut calidus; Quam diceretur, nullus est peior tuo, statum. Nihil itaque deterius, ita spirituali, quam ista remissa Custodia, vnde en ille statum, quiescit ipsa morte deterior, quæ per frigus designatur.*

Deinde vero si extensiue omnis non adsit semper, & vbique Custodia, nonne illa parte, qua deerit Custos, patebit aditus hostibus, qui semper infirma, & incustodita loci ambiunt, vt sic facilius tibi viam ferant? Sic præclare, S. Ignatius in regulis ad spiritus dignoscendos. *Solet, inquit, aduersarius imitari aliquem belli ducem, qui obsidit arcem expugnare, atque de- prædari cupiens, exploratâ prius naturâ, & munitione loci, debiliorem partem aggreditur; Sic nimirum & ille circuit animam, & callide inquirat, quarumnam virtutum prædiis, Moralium scilicet, aut Theologicarum ipsa vel imminuta, vel destituta sit; eâque potissimum parte machinis omnibus admotis, irrumpit ac subuertere nos sperat, quam in omnibus minùs cateris firmatam custoditamque esse præuiderit.* Sic conformiter sancti Patres, qui videri possunt in quarta parte, Feria sexta infra Hebdomadam 15. post Pentecosten.

Quanam vero illa potest in te esse pars infirmior & minus custodita? Nonne inde tibi times? aut vnde tibi tanta securitas, vt
 1s. 28. nihil timeas? An tu ex illis es illudoribus, *Qui dixerunt; percussimus fœdus cum morte, & cum inferno fecimus pactum?* quasi dicerent, licet aditus hosti pateat, non tamen irruet. Sed audiant quod respondetur: *Delebitur tale fœdus, & pactum istud non stabit.* INGREDIETUR & manum suam mittet hostis ad omnia desiderabilia eius.

III. PUNCTVM.


NISI ergo quod monet Sapiens, omni custodiâ serues cor tuum, non omnino seruas; Quia non conseruas vitam quæ ex ipso procedit, & qua non conseruatâ nihil prodest cor seruare, quod simulatque deficit cum deficiente vita, sicut vita perit cum corde pereunte. Hic rursum clamare liceat, quod Propheta, *Diuisum est cor eorum, nunc interibunt.* Verè tum diuisum cor tuum, quando non ei omnis adhibetur custodia, & quando pars eius custodita, pars incustodita remanet. Vnde tam facile interit, quàm si nullâ parte custoditû esset. Et factus est Epraim quasi columba seducta, non habens cor, Id est non sibi vndequaq; vigilans, & attendens, ac propterea seduci facilis. Nonne idcirco columbæ simplicitati prudentiam serpentis iungi voluit Dominus, tum ne sic facile decipiaris si prudenter aduertas ad singula; tum vt scias, in quo præcipue, & quamobrem illa prudentia & aduertentia est adhibenda? nempe ad conseruandam vitam, sicut serpens exposito corpore totum caput regit in quo est ipsius vita. Sunt & alia quædam sacra & mystica in scripturis animalia, quæ nobis proponuntur ad hanc solertiam & indefessam vigiliam, nempe illa quæ antè & retrò, atque intus etiam plena sunt oculis. Hinc forte Sapiens: *Ne dederis somnum oculis tuis, nec dormitent palpebra tua;* Quia scilicet non dormit hostis, & hoc vnum satagit vt nos confopiat, & soporem morti conficiat, vt de Sisara dicitur. Custodi igitur temetipsum & animam tuam sollicitè, dicebat suis Moyses; Ad quam sollicitudinem magis accendendam, cogitandum est animæ pretium, tum ex ipsius dignitate, tum ex salutis æternæ momento ac valore, tum ex Christi Domini sanguine, quo redempta, & sic est nobis reddita, tanquam depositum quod.

sanum illi & integrum restituendum est, vnde Apostolus.
O Timothee depositum custodi. Et rursus. *Bonum depositum cu-* ^{1. Tim. 6:}
stodi per spiritum sanctum qui habitat in nobis; quali diceret, non ^{2. Tim. 1.}
 iussit nouro custodire spiritu, sed ipso sancto custodiendum
 est, vt sic omni seruetur custodia; reus est alioquin pereuntis de-
 depositi depositarius, si perit ipsius culpâ.

Quid ego infelix, clamat S. Bernardus, quò me vertam? s. Serm. 3. de
tantum thesaurum, si pretiosum depositum istud, quod sibi Christus ^{Aduent. Dom.}
sanguine proprio pretiosus indicauit, contigerit negligentius custo-
dire? Quia plura S. Pater pergit, habentur in secunda parte, Do-
minica secunda post Pascha.

Denique si Deum rogas, vt te custodiat sicut pupillam oculi, ^{ps. 16:}
 qualem oportet esse custodiam tuam, cum ipso adiungendam?
 Certè si non sit omnis, non potest non esse inferior illi, quam
 assers pupillæ tuæ: si autem est inferior, indignus es quem sic
 Deus custodiat sicut oras, cum tu ipse perderes quod ille cu-
 stodiret.

Vide in 4. parte, Feria sexta infra Hebdomadam decimam
 quintam post Pentecosten.



FERIA QUINTA.

DE INTEGRA SANITATE PARALY-
 TICI PORTANTIS LECTVM, A QVO
 PORTABATUR.

ET DE NOSTRO PROGRESSV SPIRITVALI
 QVI IN EO FIGVRATUR.

Surge, tolle lectum tuum, & vade in domum tuam.
 Matth. 9.

VERITAS PRACTICA.

Tantum proficies, quantum à te deficies.


360 FERIA 4. infra Hebd. 4. post Epiph. Surge, tolle, &c.

RATIO EST, Quia totus profectus est in accessu per virtutes ad puram Caritatem.

Sed quantum à te deficies, tantum sic accedes ad illam puram caritatem.

Ergo & tantum proficies, quantum à te deficies.

I. PUNCTVM.

 VOD de omnibus Christi miraculis vniuersim dici potest, sic ab eo esse facta, vt se Deum manifestaret; hoc singulariter de isto sanato Paralytico considerandum est. Cum enim Pharisei affirmassent solius Dei esse, remittere peccata; tum ille, vt ostenderet se habere hanc potestatem, ac proinde se esse Deum, iubet Paralyticum surgere & ambulare. *Quid est, inquit, facilius dicere, remittuntur tibi peccata, an dicere: surge & ambula? Vt autem sciatis, quia Filius hominis habet potestatem in terra dimittendi peccata; tunc dixit Paralytico, surge, tolle lectum tuum, & vade in domum tuam.* Ex hoc patenti scilicet, & manifesto signo, quod suis ipsi cernebant oculis, qui aderant, aliud occultum & inuisibile poterant facillimè cognoscere. *Fit carnale signum, ait Beda, vt probetur spirituale. DIXI Domino: Deus meus es tu.*

Verum non hic adoranda solum eius Diuinitas, sed & Diuinitatis tria celeberrima Attributa, Potentia, Bonitas, & Sapientia; Potentia lucet in sanitate reddita paralytico tam integrè & perfectè, vt ipse statim atque iussus est, surrexerit, & lectum lectus portarit domum, cunctis videntibus, & admirantibus. Bonitas in salute animæ restituta simul cum sanitate corporis. Sapientia denique in representatione nostri progressus spiritualis sub figura illius sanati hominis, suum lectum portantis, à quo prius portabatur. Sic enim maximè progredimur in spiritu, cum carnem seu appetitum sensualem subijcimus spiritui, quem sibi ante caro subiciebat. *Sic sanatus hoc portat, & bi infirmus iacuerat, inquit S. Gregorius, & alibi: Porta lectum in quo portatus es.* Id est, carnem, in qua prius iacebas agrotus. Sanctus quoque Bernardus: *Grabatum, inquit, tollis, corpus scilicet à terrenis eleuans voluptatibus, vt iam non feratur anima concupiscentiis eius.*

23. Mor.
c. 23.
Hom. 12.
in Ezech.
De quatuor
orandi
modis.

eius, sed magis ipsa ut dignum est, regat illud, & ferat quò non vult.
Breuius denique S. Augustinus. *Non in Carnalibus gaudiis tam-
quam in lecto requiescat anima, sed magis affectiones contineat.*

L. de q2.
Euang.

Hoc est proficere & progredi in via Domini, & hæc est via
propriè Illuminativa, quæ appetitum coercendo, in virtutibus
se se exercet, atque hinc eorum status, qui dicuntur Proficientes.
Quem ut facilius intelligas, quæ multa de hoc à multis conscri-
buntur, habes hic collecta breuiter, in hac proposita Veritate,
Tantum proficies, quantum à te deficies. Et ratio quidem iam satis
ex se plana, tum ex citatis patribus planior, hoc præsupponit
quod ait S. Thomas, sicut Incipientium status est in recessu à
peccato, ita Proficientium in virtutum exercitatione, donec vni
adhæreant Deo, quod est puræ & perfectæ Caritatis.

2. 2. 9. 24.
4. 9.

*Non desinunt, inquit S. Doctor, omnes quidem proficere, & in-
cipientes, & perfecti: principalior tamen cura imminet Incipienti-
bus, ut resistant peccatis, quorum impugnatiorem minus sentientes,
iam quasi securius intendunt ad profectum, ex una tamen parte fa-
cientes opus, & ex alia parte habentes manum ad gladium, ut dicitur
in Esdra, de edificatoribus Ierusalem. Perfecti etiam Caritate profi-
ciunt, sed non est ad hoc principalis eorum cura, sed iam eorum stu-
dium circa hoc maximè versatur, ut Deo inhæreant. Et quamvis hoc
etiam quarant Incipientes & Proficientes, tamen magis sentiunt cir-
ca alia suam sollicitudinem: Incipientes quidem de evitacione peccato-
rum, Proficientes vero de profectu virtutum.*

2. Edr. 4.

Hæc ille ad verbum, ex quibus duo manifestè patent, quæ in
propositione continentur, primò profectum de quo hic agimus
esse tendentiam & accessum ad perfectam Caritatem, prout ait
Apostolus, *finis præcepti, est Caritas de corde puro, & bonâ conscien-
tiâ, & fide non fictâ.* Deinde verò hæc tendentiam & accessum
non aliter fieri quam per Virtutes, de quibus dicitur, *ascensiones
in corde suo disposuit, ibunt de virtute in virtutem: Atque in hoc,*
inquit S. Thomas, *vera Virtus simpliciter dignoscitur ab apparenti
& falsa, quòd illa ordinet ad principale bonum hominis; citatque
philosophum dicentem, quòd Virtus est dispositio perfecti ad
optimum: quæ omnia vno verbo complexus est Apostolus, cum
dixit, Veritatem facientes in Caritate crescamus; quali diceret, per
veram Virtutem ascendamus ad veram Caritatem. Ilas ascensio-
nes in corde suo ponunt quidam quotidie: alij verò descensiones, in-*

1. Tim. 1.

Ps. 83.

2. 2. 9. 24

4. 7.

8. Ethic.

Phil. 4.

quit S. Hieronymus. O quanta vtrorumque differentia ! O quanta in nobis Anime , quàm manifesta descensionis signa , nec tamen aut emergimus , aut in inum labi timemus !

II. P V N C T V M.

SED quantum à te deficies , tantum accedere poteris per Virtutes ad veram Caritatem.

Quid est enim à se deficere , nisi , quod iam supra dictum est , appetitum & inclinationes naturales Rationi seu Gratiae subii- cere ? Quod quantum seriò & constanter feceris , tantum Virtu- tes exercebis , quarum exercitium in hoc vno consistit , vt ratio- nem & ordinem omnibus nostris affectionibus & actionibus po- nant. Nam cum nihil resistat Rationi aut Virtuti , quàm ille na- turalis appetitus quem coerces , dum à te deficis ; quid est quod præterea Virtutis exercitium impedire possit , & accessum ad il- lam Caritatem quò tendimus ?

Rom. 8.

1. Cor. 6.

2. Cor. 4.

Si spiritu facta carnis mortificaueritis , uiuetis , inquit Apostolus , viri illa scilicet verè spirituali & diuina , quæ purè diligendo & fruendo Deo peragitur. *Nam qui adhæret Domino , unus spiritus est* : atque idcirco idem alibi , *Mors* , ait , *in nobis operatur* , Id est dum à nobis deficiamus , nobis morimur ; cum autem nobis morimur , tam apti sumus cum diuina gratia ad benè operandum , vt , quan- tum dici potest ex parte nostra , mors ipsa sit quæ in nobis ope- ratur ; Inde est operatio , quia nobis mortui sumus.

Ps. 103.

1. Reg. 2.

Num. 11.

Quod si etiam ad Diuinam Gratiam , operationes nostras , tanquam ad suum principale principium referimus , numquam melius operatur Gratia , quàm in tali morte ; quia nihil tùm illi resistit : *Auferes spiritum eorum & deficient , & in puluerem suum reuertentur* : ait Regius psaltes ; Tum vero post : *Emittes spiritum tuum & creabuntur , & renouabis faciem terræ* ; quasi diceret , quan- do Spiritus sanctus vult maiora operari in aliquo , parat sibi viam , & facit sibi locum auferendo spiritum eius : sicque mortifi- cat & viuificat ; deducit ad inferos & reducit : pauperem facit & dirat ; humiliat , & subleuat. O Domine quàm libenter idcir- co cum Moïse dicerem : *obsecro vt interficias me , & inueniam gra- tiam in oculis tuis*.

III. PUNCTVM.

TANTVM ergo proficiscis, quantum à te deficies. Nam sic per continuuū virtutis exercitium accedes ad illam Caritatem, in qua est Perfectio, sicut in eius accessu via est & profectus Proficientium. *Egredere de terra tua*, dixit Deus Abrahamo; Tum vero post, *ambula coram me, & esto perfectus*. Hic est videlicet ordinatus vitæ spiritualis progressus, *exire à se ipso*, seu à deprauata sua natura, *tum ambulare per veras virtutes*, donec *quiescas in vno Deo*, siue hic in via per Inhabitationem Caritatis, siue in patria per fruitionem Visionis. Hæc est saturitas, quæ promittitur esurientibus & sitientibus iustitiam. Hic Thesaurus in agro absconditus, & Margarita pretiosa, quibus comparandis sunt omnia diuendenda. Hæc est Cœna magna, & hæc regales nuptiæ ad quas inuitati, sua omnia debent relinquere. Hoc brauium quod accipit qui sic currit, vt comprehendat. Hoc est manna absconditum, quod vincenti datur: *Nemo autem vincit nisi certet*, nec est aliud certamen, ad hanc victoriam comparandam, quàm nobiscum, quàm contra prauos concupiscentiæ motus: *Per patientiam curramus ad propositum nobis certamen*.

Vide itaque ad dignoscendum profectum tuum, quantum à te defeceris, quantum ab amore excellentiæ, commoditatum, & gloriæ: hæc si adhuc menti hærent, certè tu longe es à termino, qui vix in via primum feceris gradum. O quàm verè de nobis Apostolus; *Non deficiamus, sed abdicamus occulta dedecoris*. Id est, non plenè nobis morimur, non stirpiter eradicauius prauas nostras cupiditates, sed tantum tegimus quod ex illis est magis probrosum & inordinatum; atque hinc fit, vt nihil proficiamus. *Hoc enim unusquisque persuasum habeat*, inquit S. Ignatius, *tantum se in studiis spiritualibus promoturum esse, quantum ab amore sui ipsius, & commodi proprii affectione, sese abstraxerit*. *FILI quantum vales à te exire, tantum poteris in me transire*. Non sine hanc vocem, cuius sit Authoris, vel cuius Patris ad filium? Vide quæ plura illic habentur, & statue aliquid particulare quod inhæret tenaciùs, tenaciùs expugnandum. *Agonizare pro anima tua, & vsque ad mortem certa pro iustitia*.



FERIA SEXTA.
DE PERFECTA PARALYTICI
OBEDIENTIA.

ET DE EA QUAE DICITUR OBEDIENTIA
CHARITATIS, QUAE PERFECTAM
CUM DEO FACIT
VNIONEM.

*Et confestim consurgens coram illis, tulit lectum,
in quo iacebat, & abiit in domum suam magni-
ficans Deum. Luc. 5.*

VERITAS PRACTICA.

Est quidem certum in Charitate vnionem esse per-
fectionis: sed non est certò dicenda hæc Charitas
neque hæc vnio, nisi in obedientia quæ dicitur
Charitatis.

1. Pet. 1. RATIONEM subministrat S. Petrus cuius hæc sunt verba:
Animas vestras castificantes in obedientia charita-
tis, Id est purificantes per illam obed:entiam quæ à Chari-
tate proficiscitur, & per quam Charitas exercetur. Sic au-
tem formatur Ratio.

NUMQUAM magis est certa hæc animæ cum Deo vnio, nisi cum
anima magis est castificata ab omni amore proprio, propriaque
voluntate.

Sed anima numquam est magis castificata ab omnia propria vo-

luntate, quàm in obedientia charitatis.

Ergo nec unquam magis certa est hæc unio, nisi in tali obedientia: proindeque omni modo procuranda.

I. PUNCTVM.

AD diuinæ potentix quæ in Christo erat, vim & virtutem manifestiùs declarandam spectabat quidem, vt Paralyticus statim atque iussus est, surgeret, vidèrentque omnes qui aderant, qualis ille esset Dominus, cui sic morbi obedirent. Sed quamobrem Vir ille sanatus tam citò domum repetit? cur non paulò diutius sedit, vel vt Benefactorem suum agnoscat, eique gratias ampliores reddat, vel vt sanitatis receptæ congratulationes, à turba illic spectante recipiat, vel vt tectum sua causa fractum, regulasque disiunctas reparari curet?

Admiranda certe viri obedientia! Quia non modo erat iussus è lecto surgere, sed etiam lectum tollere, & domum suam repetere: nihil prorsus eorum cogitavit, quæ ipsum poterant remorari, sed ita mente simul & corpore confirmatus & efformatus est ad obsequium Domino suo reddendum, vt sicut ægritudo imperanti Christo statim obediuerat, ita æger confestim obsequeretur: sicque illico nihil cunctatus, sublato in humeros lecto, discedit ab omnibus, & ab ipso Christo, vt domum repetat, quia sic erat iussus.

O perfectæ modum obedientiæ! ô singulare perfectionis Exemplar, quæ in tali obedientia demonstratur! Est quidem perfectio in unione cum Deo, & est quidem in Charitate hæc unio perfectionis, sed neque illa unio nec illa Charitas magis aut melius exercentur, quàm in tali Obedientia, quæ hic nobis ad imitandum exhibetur. Sicut enim ille homo sanatus perfectè obediendo maiores Christo refert gratias, & magis ipsum colere, magis diligere, magisque ei adhærere testatur, quàm si ab eius latere numquam se voluisset mouere: ita planè vir obediens declaratur, ita planè obediendo demonstratur certiùs vera Charitas, vera unio, vera perfectio, quàm si hæc extra obedientiam exercerentur.

Ratio continetur in hac precipuè voce qua vtitur sanctus

Petrus, *castificantes animas vestras*, Id est, ita purificantes ab omni prorsus affectu & motu, qui perfectam impedit Charitatem, sicut purificari debet anima ab omni amore sensualis, ut sit perfecte casta. Hæc est tam certa perfectæ unionis nota, ut quò magis purificata fuerit anima, eò certius dici possit unita, quia hoc vnum impedit perfectam unionem, quòd anima non sit plenè purgata. Nihil enim debet esse intermedium, ut sit perfecta unio, quamdiu autem est aliquid in anima non purgatum, dici potest esse aliquid interiectum, ac proinde impediens perfectionem unionis & unionem perfectionis. *Quomodo dicis, quod amas me, cum animus tuus non sit mecum?* Quasi diceret, non est amor nisi sit animorum unio, non est vero talis animorum unio nisi animi sese amantium pari sensu & consensu conveniant. At non conveniet anima creaturæ cum animo Creatoris, nisi sit illa plenè purgata ab aliis prorsus affectibus, & quantum erit purgata, tantum conveniet, tantumque certo propterea unietur. *Fili relinque te, & inuenies me.* Vide caput integrum, & hæc præcipue expende Verba: *Quidam primo totos se offerunt, sed postea tentatione pulsante, ad propria redeunt. Hi ad veram puri cordis libertatem & incundæ familiaritatis meæ gratiam non pertingent, nisi integra resignatione & quotidiana sui immolatione prius factâ, sine qua non stat nec stabit unio fructiva.*

L. 3. de Imit. Chr. c. 37. *Ind. 16.* *1. Ps. 2.* *Tamquam vas figuli conteres eos*, Id est, inquit S. Augustinus, *conteres in eis terrenas cupiditates, & veteris hominis lutulenta negotia, & quidquid de peccatore limo contractum atque inolitum est.* Sicque fiet quod sequitur. *Et nunc reges intelligite.* Id est, iam contritis luteis tegumentis, iam valentes regere quidquid in vobis sterile atque bestiale est. Sic videlicet capaces estis maioris Gratiæ quæ intellectum instruat, & voluntatem accendat.

O illa in me descendat Gratia, ut sic instruar & accendar! ô me tamquam vas figuli sic Deus conterat, ut illa in me descendat Gratia.

II. PUNCTVM.

SED anima numquam est magis castificata & purgata ab omni proprio affectu, quàm in obedientia Charitatis.

Hoc intelligi potest de actu, vel de habitu, ut sit sensus: Ex

duobus Charitatis actibus, quorum vnus sit in obedientia factus, non item alius: aut ex duobus hominibus quorum alter altero frequentius, & magis ordinariè ex obedientia velit caritatem exercere; si quærat^{ur} vter eorum actus, sit purior Charitatis actus, aut vter eorum omnino purius diligat Deum; tunc dici debet ille esse, qui ex Obedientia sæpius operatur; quia perfecta obedientia, qualem hic præsupponimus, *est holocaustum quod-* ^{35. Mor. c. 12.} *dam*, vt ait S. Gregorius, ex scriptura, *quo voluntas propria ma-* ^{c. 12.} *atur*, & id omne incenditur quod animam impuram reddit eâ præcipue impuritate, quæ in perfectorum operibus, & vniuersâ viâ reperiri potest.

Vnde quod ait Sapiens, *Vir obediens loquetur victoriam*, sic in- ^{Prou. 21.} terpretantur Patres, vt, quia se ipsum obediens vincit, & se vincendo, seâ seipso purificat, idcirco etiam puritate, virâ, & excellentiâ Charitatis illos superet, qui non ita obediunt, nec se ita castrificant. Atque hæc est ratio, quâ S. Thomas ostendit ^{2. 2. q. 186 a. 8.} Obedientiam inter virtutes morales esse præcipuam, quod per illam videlicet, *homo contemnat quod in se habet præcipuum, nempe intellectum & voluntatem, & quo contempto purius adheret Deo.*

Nonne propterea duplici lepræ comparatur voluntas propria, propriamque consilium, quâ si quis purgari velit, *imitetur eum*, inquit sanctus Bernardus, *qui non venit suam sed Patris facere voluntatem*. Tum post multa de hoc argumento sic pergit; *Audiant igitur utrique pariter, qui propria voluntatis, & qui pro-* ^{Serm. 3. de Resurr. Dom.} *prij consilij lepra sordent; audiant quid Spiritus dicat Ecclesiis, breui vno versiculo, utramque lepram condemnans: Sapientia ait, quæ de-* ^{Iac. 3.} *sursus est, primum quidem pudica est, contra propria voluntatis im-* ^{Iac. 3.} *puritatem: Deinde pacifica, contra consilij proprij obstinatum rebel-* ^{Iac. 3.} *lionem. Audisne hæc tamquam tibi dicta.*

III. PUNCTVM.

ESTO igitur, in charitate sit unio perfectionis, hoc quidem certum est, sed non est certa hæc unio, nisi in obedientia Charitatis; Quia vt sit perfecta unio animæ cum Deo, debet anima esse pura ab iis quæ illam unionem impediunt: neque vnquam certior est illa unio quàm cum certius est animam sic esse puram: non est autem id certius, quàm in Obedientia, ex Charitate profecta,

1. Reg. 15. ubi anima sic tota incenditur & purificatur, ut victima & holocaustum Deo gratius reputetur, quàm quæ in veteri lege offerrentur. *Melior est, inquit, obedientia quam victima, & auscultare magis quam offerre adipem arietum.*

Sola quidem Obedientia sine Charitate non facit unionem cum Deo: sola etiam Charitas sine obedientia non facit certam, quia nec ipsa Charitas certa est sine Obedientia, propter amorem proprium, seu propriam voluntatem, quæ citra obedientiam, Charitati permiscetur; Unde restat certiorē & perfectiorē unionem non esse nisi ex Charitate & Obedientia simul iunctis: atque adeo sicut per Charitatem Obedientia perficitur, ita Charitas per Obedientiam, veranēsit & perfectā, manifestatur.

Qui servat verbum eius, verè in hoc Charitas Dei perfectā est; ait directus discipulus, Sanctus quoque Bernardus aptissimè de hoc obedienti amore & amanti obedientia. *Amat, inquit, castè & casto non gravatur obedire mandato, castificans magis cor suum, ut scriptum est, in obedientia Charitatis: amat iustè, & mandatum iustum libenter amplectitur: amor iste merito gratus, quia gratuitus, castus est quia non impenditur verbo, neque linguā, sed opere & veritate: iustus est, quoniam qualis suscipitur, talis & redditur. Qui enim sic amat, haud secus profectio, quàm amatus est, amat querens & ipse vicissim, non quæ sua sunt, sed quæ Iesu Christi, quemadmodum ille nostra, vel potius nos, & non sua quesivit.*

Vide quæ plura hic habet de hoc argumento; Et discite potissimum exemplo Christi Domini sic diligere obediendo, & obedire diligendo, ut omnia tua in charitate, & quantum fieri poterit, in obedientia fiant. *Ut cognoscat mundus quia diligo patrem, & sicut mandatum dedit mihi Pater, sic facio.* Certe hoc tibi Pater mandat, ut sicut fecit Filius, sic facias.



S A B B A T O: DE MAGNIFICATO POST MIRACVLVM, AB OMNIBVS DEO.

ET A

Si non semper, numquam magnificas Deum. 369

*ET A NOBIS SEMPER MAGNIFICANDO
IN OMNIBVS.*

*Et stupor apprehendit omnes, & magnificabant
Deum; & repleti sunt timore, dicentes, quia vi-
dimus mirabilia hodie. Luc. 5.*

VERITAS PRACTICA

Si non semper, numquam magnificas Deum.

*RATIO EST, Quia numquam magnificas Deum, si de diui-
nis eius Attributis non magnificè sentis.*

*Sed si non semper magnificas, nempe in aduersis æquè ac prosperis,
non magnificè sentis de diuinis eius Attributis.*

*Ergo si non semper, numquam magnificas Deum: quamobrem
semper magnificandus.*

I. PUNCTVM.

TERIA sunt præcipuè admirati quotquot spectarunt in si-
gne illud miraculum sanati paralytici. Primum est pote-
tas summa sanantis; Secundum, facilitas sanati morbi
difficillimi; Tertium causa & motiuum patrati miraculi, nempe
vt homo ostenderet se potestatem habere remittendi peccata, &
proinde se esse Deum, cui vni hoc esse proprium Iudæi crede-
rent.

Tres item affectus admiratio illa produxit; primus est Stupor
quidam, quo omnes sensus atque animi facultates præ ingenti
admiratione detinentur, & denguntur in obiecto illo stupendo.
Secundus est Timor ille, qui dicitur reuerentialis, quò stupefacti
ad se redeunt mirum quam mirifice de Christo senserint, & ad
eius venerationem fuerint prouocati. Tertius denique, commu-
nis & publica Magnificencia seu glorificatio; quam passim inter
se Deo dabant, & obuiis quibusque significabant, hæc & simi-

Luc. 5. lia crebro sermone usurpantes, Quia vidimus mirabilia hodie;
Mat. 23. QUA numquam sic vidimus.

Hoc est scilicet Exercitium Diuini Amoris & vitæ vnitivæ in perfectis, qui dum contemplationi Diuinarum Perfectionum & mirabilium Dei operum suauiter vacant, sic ad eum honorificandum & magnificandum excitantur, ut hoc vnum in ore habeant, BENEDICTVS DEVS, MAGNIFICETVR DOMINVS, MANIFESTETVR CHRISTVS. Quod quidem facile est & periucundum, dum sic suauiter afficiuntur in Deum, siue ob infusos pietatis sensus, siue ob prosperos rerum gestarum euentus. Sed si suauitas vertatur in amaritudinem, si prosperitas in aduersitatem: an ita semper æquali facie reddent eandem Domino magnificentiam? Id valde rarum, & verè Dauid Deo, de quouis homine. *Confitebitur tibi cum benefeceris ei*, quasi diceret, satis proni sunt homines ad benedicendum Deo cum Deus illis benefacit: sed si aliquando Deus ad eorum probationem desinat benefacere, desinent & illi statim Deo benedicere.

At verò audi; *Si non semper, numquam magnificas Deum.* Quod certè est mirum, & idcirco attentius expendendum. Ratio autem quæ affertur eò est solidior, quò in natiua significatione magnificandi Dei magis fundatur. Cum enim magnificare Deum, nihil aliud sit, quam Magnitudinem eius prædicare, Bonitatem, Sapientiam, Æquitatem, Iustitiam, & alia eius Attributa seu diuinas Perfectiones, & admiranda opera decantare, extollere, & dignis efferre præconiis; Certè numquam ita magnificabis Deum, nisi de diuinis eius Attributis magnificè sentias, alioquin aliud ore diceres, & aliud corde sentires, quod longè alienum est à diuinis laudibus, & à suprema magnificentia Deo danda. *Date magnificentiam Deo nostro; MAGNIFICATE Dominum meum. MAGNIFICETVR Dominus;* & quoties sic Scriptura nos inuitat ad hoc debitum Deo persoluendum, nonne id primò imprimit animis nostris, ut magnificè de Deo sentiamus, sicut reuera, *Magnificus est in sanctitate, in iustitia & cæteris omnibus attributis* hanc enim semper rationem proponit. *Cantemus Domino, gloriosè enim magnificatus est, equum & ascensorem deiecit in mare. MAGNIFICENTIA eius discurrunt nubes. TVA est Domine Magnificentia, Potentia, & Gloria. MAGNIFICATA est usque ad cælos Mife-*

*ricordia eius, & usque ad nubes veritas eius. Quod cum ita re-
uera sit, nemo aliter sentire de Deo potest: aut qui aliter sentiat,
numquam is Deum magnificare poterit: aut si magnificet, non
nisi ut hypocrita, de quo bene prophetavit Isaias. Hic labiis Math. 15.
me honorat, cor autem eius longè est à me. Velle ne hoc tibi ex- Is. 29.
probrari?*

II. PUNCTVM.

SED si non semper magnificas Deum, id est in aduersis aequè ac
prosperis, non magnificè sentis de diuinis eius attributis.

Quid enim sentis de diuina eius Bonitate? Magnam scilicet
& magnificandam cum relucet in prosperis: at vero cum ita
non apparet in aduersis, non esse ita magnam & magnifican-
dam! Itane verò putas sic te sentire magnificè de Dei Boni-
tate? Itane tantum dici poterit magnifica Dei Bonitas, cum
in prosperis benefacit, cum vero manum retrahet in aduersis,
non erit etiam bonus Deus! O Blasphemiam non ferendam!

De diuina vero Potentiâ, & summo eius Dominio, quid te
magnificè dicis posse sentire, si non aequè magnificas in aduer-
sis, atque in prosperis, cum in eo præcipuè sit summum & ab-
solutum Dominium, quod pro suprema sua potestate possit Deus
de vnoquoque homine ad nutum & voluntatem suam sic dispo-
nere, ut quidquid tandem aduersitatis inde homini accidat, non
possit homo dicere, *Cur ita facis?* Tu ergo qui hanc Potestatem Iob 9:
non magnificas in aduersis, quid magnificè tandem de hac diui-
na potestate sentis? quid de Iustitia? quid de Sapientia? quid de
aliis Attributis, quæ in malis inferendis non minus relucet,
quàm in bonis? quomodo magnificè de iis senties, cum non es-
sent magnifica, si tantum in bonis essent, & non in malis?

Audi S. Augustinum, *Tanta quippe est Omnipotens eius Boni-
tas, ut etiam de malis possit facere bona, siue ignoscendo, siue sanando, L. de Corr. c. 6.
siue ad utilitatem piorum coaptando, atque vertendo, siue etiam iustif-
icando vindicando: Omnia namque ista bona sunt, & Deo bono atque
omnipotenti dignissima, nec tamen sunt nisi de malis. Et rursus ali-
bi. Qui creauit omnia valde bona, & mala ex bonis oritur, esse præ- Idem de
corrupt. &
gratiis.
sciuit, sciuit magis ad suam potentissimam bonitatem pertinere, etiam
de malis benefacere, quàm mala esse non sinere.*

*Idem in
Ps. 31.*

Hoc est magnificè sentire de Attributis ; & à contrario , qui non ea in malis ita magnificat , de his non sentit magnificè , sed malignè , impiè , iniuriosè. *Tres ille habet sententias* , inquit idem sanctus Augustinus , *aut non est Deus , sicut dixit impius , cui displicet quidquid illi accidit præter voluntatem : aut iniustus est Deus , cui ista placent , & qui hæc facit : aut non gubernat Deus res humanas , nec cura est illi de omnibus ; Nonne tremis ad hæc verba ?*

III. PUNCTVM.

*Ps. 33.
L. 34.
Tota.**in Ps. 144.*

S*I non ergo semper , numquam magnificas Deum.* Nam nisi magnifice de Deo sentias , numquam Deum magnificas ; non potes autem dici de illo sentire magnificè , si non semper & in aduersis æquè ac prosperis magnificas , quia non minùs tùm verè est magnificus & magnificandus , quàm in prosperis quibusuis euentibus. *Benedicam Dominum in omni tempore : semper laus eius in ore meo. DIC ANT semper , magnificetur Dominus. SEMPER , magnificabitur Christus in corpore meo , siue per vitam , siue per mortem.* Non putabant illi videlicet se posse unquam , nisi semper magnificarent : tu vero secus credes ? Tu in prosperis quidem , sed in aduersis non æquè Deum laudabis ! Deplora hanc impietatem , & ut deinceps caueas , discè quod ait sanctus Augustinus. *Breue magisterium , ut semper laudes Deum , veroque corde non falso dicas , Benedicam Dominum in omni tempore. Breue mysterium est scilicet , ut noveris cum misericorditer dare , cum dat ; misericorditer auferre , cum tollit : nec te credas à Misericordia derelinqui , quæ tibi aut blanditur dando , ne deficias ; aut te corripit exultantem , ne peris. Sine ergo in eius donis , siue in flagellis lauda cum : laus flagellantis , medicina est vulneris.*

ibid. 6.

Sic quondam Rex ille potentissimus qui aiebat : *Nunc igitur ego Nabuchodonosor laudo , & magnifico & glorifico regem Cæli : quia omnia opera eius vera , & via eius iudicia , & gradientes in superbia potest humiliare : Quasi diceret , æquè in aduersis ac prosperis magnificandus est , quia æque in istis magnus est & omni dignus magnificentia.* Sic Darius eius successor decrero propterea factò , *ut in vniuerso imperio & regno , tremiscant & paueant Deum Danielis.* *Is est enim Deus vnicus , & æternus in sæcula.*



DOMINICA V.
POST EPIPHANIAM,
NISI SIT SEPTVAGESIMA.

DE ZIZANIIS IN MEDIO
TRITICI SEMINATIS, QUAE CHRISTVS
IPSE DOMINVS DECLARAVIT ESSE
MALOS HIC VIVENTES
INTER BONOS.

Cum dormirent homines, venit Inimicus, & superseminavit Zizania, in medio tritici. Matth. 13.

VERITAS PRACTICA.

Sicut non sunt amanda vitia, propter amicos homines: sic non sunt odio habendi homines, propter eorum vitia.

RATIO EST, Quia idcirco non sunt amanda vitia propter amicos homines, ne affectum nostrum preferamus Deo qui vetat vitia.

Sed si odio haberemus homines propter eorum vitia, sic affectum nostrum prefereremus Deo, qui vetat illud odium.

Ergo nec sunt amanda vitia propter amicos homines, nec sunt

vlli odio habendi homines, propter eorum vitia. Quod tamen in praxi est rarum.

I. PUNCTVM.

SIMILE factum est Regnum cœlorum homini, qui seminavit bonum semen in agro suo. Vide quod reliquum est parabolæ, & quam Christus ipse Dominus explicationem affert, eodem Capite, vbi hæc inter alia; *Bonum semen hi sunt filij regni, Zizania autem filij sunt nequam.* Hinc porro est eruta Veritas multum practica, *Vt neque sint amanda vitia propter homines vitiosos quos diligimus, neque sint odio habendi homines propter eorum vitia que detestamur.* Hoc enim sæpe accidit bonis, qui inter malos versantur, vt vel hos oderint, si non amant eorum vitia: vel si hos amant, non fugiant eorum vitia, sed foueant, & quodammodo colant ac ament: Quod vtrumque valde damnosum est, & ex æquo cauendum propter eandem omnino rationem.

Nam quid est quod non sint amanda vitia propter amicos homines? Hoc primò est expendendum, quod sit facilius intellectu, vnde aliud patefiet apertius. Quid autem illud est, nisi quod aperte verentur à Deo vitia, quæ si amaremus propter homines quos amamus, tunc ipsos homines affectumque nostrum manifestè præferremus Deo, quod planè nefas est, & ipso quod amaremus vitio vitiosius est aliquid, propter contemptum Dei tanto hic expressius creaturæ posthabiti, quantò expressius propter creaturam offenderetur. *Magis honorasti filios tuos quam me!* ô grauiissima quæ à Deo fieri potest expostulatio!

1. Reg. 2. Hic erat oculus eruendus, hæc abscindenda manus, & pes truncandus, ne scandalo nobis essent, vt aptè ad rem nostram interpretatur S. Hieronymus. *Si quis, inquit, ita est tibi coniunctus, vt manus, pes, oculus, & est utilis atque sollicitus: scandalum autem tibi facit, & propter dissonantiam morum te pertrahit in gehennam; melius est, vt & propinquitatem eius & emolumentis carnalibus careas, quàm dum vis lucrifacere cognatos & necessarios, causam habeas ruinæ tuæ. EV: assimilastis me, & adequastis, & comperastis me, & fecistis similem?* Expende quantis vititur verbis idem significantibus, vt rem magis exaggeret, & probrum inde resiliens magis te confundat & acuat.

II. PUNCTVM.

SED si odio haberemus homines propter eorum vitia, sic affectum nostrum praeferremus Deo qui vetat illud odium.

NON oderis, inquit in Leuitico, fratrem tuum in corde tuo, id Leuit. 19. est quemlibet proximum, etiam aduersarium & inimicum. Vnde & in Exodo expresse habetur; Si occurreris boni inimici tui, Exodi. 23. aut asino erranti, reduc ad eum. Si videris asinum odientis te, iacere sub onere, non pertransibis, sed subleuabis cum eo. Quamobrem quod dixit Christus in Euangelio, audistis quia dictum est, diliges Matth. 5. proximum tuum, & odio habebis inimicum tuum: non erat hoc dictum quasi ex lege, neque hoc ullibi scriptum est, sed falso additum à Scribis & Phariseis, qui per proximum diligendum male intelligebant amicum, vnde & inferebant, odio habendum esse inimicum; contra quos ipse Dominus: Ego autem dico vobis, diligite inimicos vestros, benefacite his qui oderunt vos. Et Apostolus; Si esurierit inimicus, ciba illum, sitit, potum da illi. Ex Rom. 12. quibus tam manifestè patet vetari odium proximi, quàm eius vitia; cùmque illud odium, cuiuscumque personæ sit, non minus sit passio & affectio cordis, quàm amor proximi vitiosus, nonne hinc euident est quod si quem oderis propter vitia, sic affectum tuum praeferas Deo, sicut si hominis amares vitia propter amicum hominem?

Sic vniuersim dictum est à Sapiente; Ne accipias personam, ut Ecclesi. 42. delinquas: Id est, ne ratione cuiusquam personæ Deum offendas, siue id fiat per excessum seu defectum, siue per amorem nimium, aut per odium, nihil refert, cùm nullo modo sit delinquendum propter personam aliquam.

Atque hinc in hodierna parabola, Paterfamilias suorum correxit impetum, qui zizania volebant ex agro euellere. Ne fortè, inquit, colligentes zizania, eradicetis simul & triticum; sinite utraque crescere vsque ad messem: Quasi diceret, volo simul malos cum bonis viuere, Nam, ut ait sanctus Augustinus, boni, L. de qq. l. 40. dum sunt infirmi, opus habent malorum commixtione, ut per eos exercentur, aut eorum comparatione inuitentur ad melius. Et rursum. Multi primò zizania sunt, postea fiunt triticum, qui nisi patienter tolerentur dum mali sunt, non fiunt triticum. Itemque alibi In Ps. 54.

fusus. Ne putetis gratis esse malos in hoc mundo, & nihil boni de illis agere Deum. Omnis malus aut ideo vivit ut corrigatur, aut ideo vivit ut per illum bonus exerceatur: utinam ergo qui nos modo exercent, convertantur, & nobiscum exerceantur: tamen quamdiu ita sunt ut exerceant nos, non eos oderimus: quia in eo quod malus est quis eorum, utrum usque in finem perseveraturus sit, ignoramus; & plerumque cum tibi videris odisse inimicum, fratrem odisti, & nescis.

Luc. 6.

Nec dicas, id tibi esse nimis grate & olerosum; Nam in tuum etiam commodum lex illa lata est. Sicut enim veteris odibile alios, ita & alij prohibentur, ne te oderint. Quid dulcius quam ab omnibus diligi? quia gravius quam vel apud unum in odio esse! & hoc tibi bonum procuratur. Si neminem oderis, nemini eris odiosus; Quam enim mensuram mensus fueris, eadem & remittetur tibi. O nos iniquos & iniustos, qui nullum nostri odium non iniustum credimus, & nullum nostrum odium non iustum reputamus!

III. PUNCTVM.

Matth. 13.

SICUT ergo non sunt amanda hominum vitia, propter amicos homines: sic non sunt odio habendi homines, propter eorum vitia: quia ex utroque Deus perinde offenditur, qui proximi odium non minus prohibet, quam vitiosam eius amicitiam. Præbe, inquit, fili mi, cor tuum mihi, & oculi tui vias meas custodiant, id est, sic omnino mihi volo à te cor præberi tuum, ut iam tuum non sit; neque illo prorsus utaris ad amorem vel odium cuiuscunque alterius personæ vel creaturæ, nisi prout voluero. Itaque si tibi dixerò, Volo diligas proximum, sed non ita ut eius vitia diligas; sic omnino est diligendus, nec aliter: Volo ut oderis proximi vitia, sed ita, ut proximus non sit habendus odio; sic proximi odium est exercendum, neque ultra ad personam effundendum, quia cor nostrum non nostrum, sed Dei est, quo neque plus neque minus ad amorem vel odium uti possumus, quia si res aliena esset, quæ invito rationabiliter Domino non est usurpanda. Tolle quod tuum est & vade. Aut non licet mihi quod volo, facere?

Ps. 118.

Quod si audias Davidem dicentem, Iniquos odio habui; Audi & eundem

& eundem se explicantem; *Perfecto odio oderam illos*, id est, li. *Ps. 138.* cito, & bene composito, non odiendo personam sed vitia; sic enim licet & oportet eos odisse, imo & patrem ac matrem & quoscunque alios, qui se salutis nostræ opponerent, ut est in *Matth. 10.* Euangelio. Sed an tuum ita sit perfectum odium diligenter expende; Multi enim hic decipiuntur, qui zelum putant, & bene *Luc. 14.* compositum in improbos odium, cum tamen merum sit vitium. Rectè enim Sapiens: *Abscondunt odium labia mendacia*, id est, *Prov. 10.* obtegunt & pio quodam motiuo prætexit, ut nullum appareat odium vel non vitiosum; Et falluntur, mentiuntur, merum est odium: quidquid oredicant, ita in corde est.

Sic amor vitij in amicis non sæpe putatur vitium, quia nolles fortè idem omnino perpetrare, nolles sic iurare, sic detrahere, sic mentiri: sed quia Vitioso nimis arrides, non satis eum arguis & prohibes, tibi eius imputatur vitium, & eadem te poena manet. *Digni sunt morte*, inquit Apostolus, *non solum qui ea faciunt*, sed *Rom. 1.* *qui consentiunt facientibus*; Unde & idem: *Nolite communicare operibus infuètuosis tenebrarum, magis autem redarguite.* Hoc est amare vitium, si non odisti ut debes; nec odisti ut debes, si non arguis, quantum potes iuxta illud Scripturæ: *Argue eum, ne habeas* *Leuit. 9.* *super illo peccatum.* Sic planè hoc est odisse proximum, si non amas ut debes: non amas autem ut debes, si debita Charitati negas officia. Vide quæ in particulari, & quantum in his deficias, ac suspira cum Davide; *Delicta quis intelligit? ab occultis meis munda me*, *Ps. 18.* *& ab alienis parce seruo tuo. Si mei non fuerint dominati, tunc immaculatus ero, & emundabor à delicto maximo.* Tremenda certè verba.

AD EADEM EVANGELII VERBA.

Cum dormirent homines, venit inimicus. Matth. 13.

Contra excusantes imprudentiam seu defectum aduertentia.

VERITAS PRACTICA.

Ne putes te benè semper excusatum, cum dicis : Non putabam.

RATIO declaratur fusius in tertia parte, feria tertia, infra hebdomadam Octauam post Pentecosten.

Cum autem creuisset herba, & fructum fecisset tunc apparuerunt & Zizania.

Contra eos qui vel condemnant malos quibuscum viuunt, vel eos imitantur.

VERITAS PRACTICA.

Nec propter alios à bono te excusabis : nec quemquam alium propter te accusabis.

HABETVR fuse declarata in tertia parte, Feria secunda, infra hebdomadam decimam quartam post Pentecosten.

Accedentes autem serui Patrisfamilias dixerunt ei: Domine nonne bonum semen seminasti in agro tuo? unde ergo habet zizania.

Contra imperfectiones & negligentias nostris bonis operibus intermixtas.

VERITAS PRACTICA.

Maledictus qui facit opus Dei negligenter, seu fraudulenter.

Vide in quarta parte Feriam secundam, & sequentes infra hebdomadam vigesimam septimam post Pentecosten.

Videri etiam possunt quæ hac proximè sequenti hebdomada referuntur, de beneficio vocationis contra ingratos, seu contra se male gerentes in officio.

Inimicus homo hoc fecit.

VERITAS PRACTICA.

Si Tentatorem permiseris ingredi, non se permittet egredi. Facilius ejicitur quàm excluditur.

In secunda parte, Dominica prima Quadragesimæ.

DE EODEM, ALIA VERITAS.

Quod monet Sapiens : Eris eruditus in omnibus, aut eris contra dæmonem rudis in omnibus.

In quarta parte, Feria sexta infra hebdomadam decimam quintam.

DE EODEM, ALIA VERITAS.

Qui non observat furem, observatur à fure & capitur.

In quarta parte, Feria tertia & sequentibus infra hebdomadam vigesimam octavam.

*Servi autem dixerunt ei : Vis imus & colligimus ea?
Et ait, Non : ne forte colligentes zizania, eradice-
tis simul cum eis & triticum.*

Contra zelum indiscretum.

VERITAS PRACTICA.

Scientia sine zelo, arma sine milite : zelus sine scientia, miles sine armis.

In secunda parte, FERIA secunda infra hebdomadam Quinquagesimæ.

DE EODEM, ALIA VERITAS.

Non in Commotione Dominus, & non in igne Dominus.

In quarta parte, Sabbato infra hebdomadam decimam sextam.



HAC HEBDOMADE, occurrit Consideranda Vocatio Sancti Matthæi Apostoli, ex cuius historia sex erunt Veritates in singulos dies proponendæ, quæ spectant ad singularem vniuscuiusque vocationis statum, ut in eo suæ salutis & perfectioni commode vacet; Quod est maximopere intelligendum.

FERIA SECUNDA.

DE SANCTI MATTHÆI, NO-
STRÆQUE VOCATIONE, IN QUA EST
SALVTIS NOSTRÆ SVMMA.

Cum transiret inde Iesus, vidit hominem sedentem in telonio, Matthæum nomine, & ait illi, sequere me: & surgens sequutus est eum. Matth. 9.

VERITAS PRACTICA.

Salutis animæ nulla est certior salutis certitudo, quàm in certo vocationis gradu attingendo.

RATIO EST, Quia nulla est certior salutis certitudo, quàm in mediis ad eam comparandam à Deo ordinatis fideliter observandis.

Sed nullibi media illa fidelius observantur, quàm in certo vocationis gradu attingendo.

Ergo salutis animæ nulla est certior certitudo quam in illo certo gradu. Sic proinde quanta est nobis cura certificandæ salutis animæ, tanta esse debet huius certi gradus attingendi.

I. PUNCTVM.

QUAM sit admirabilis, quàm eximia, & prope singularis Vocatio sancti Matthæi, tu attentius expende ex omnibus circumstantiis. Vir erat addicissimus lucro seu pecuniis vndequaque congerendis, & ex illo genere hominum qui Publicani dicebantur, erantque odiosi omnibus, & præsertim Iudæis. Quid Christo Domino, cum tali Viro: aut quid isti viro cum Christo Domino? Quàm parùm idoneus Euangelio videbatur! Quàm multi alij censerentur aptiores! *Sed Domini est assumptio & vocatio nostra. VOCAT ea quæ non sunt, ut ea quæ sunt destruat, ut non gloriatur omnis caro in conspectu eius.* 1. Cor. 1.

Hunc ergo Iesus vidit hominem sedentem in telonio, & vocatum ad se sequendum, tantà virtute pertraxit, ut illico surgens sequutus eum fuerit: Et paulo post annumeratus inter duodecim Apostolos, ac primus etiam Euangelista factus est. O bonitatem & potentiam vocantis Christi! O docilitatem & fœlicitatem vocati Apostoli!

Sic nos omnes variis modis ad se Christus vocat, sed non sic omnes vocantes audiunt & sequuntur. *Vocani & remissis: extendi manum meam, & non fuit qui aspiceret, quò scilicet directe & sin-* Pr. II

gulariter eum vocabam, quò extendebam manum meam, vt demonstrarem statum vitæ destinatæ, & certum in eo viuendi gradum & modum, quo mihi deseruiret & suæ salutis consuleret. Pauci sunt omnino qui eum vitæ degendæ statum, quem Christus vellet, sequantur: & ex illis paucis paucissimi & rarissimi, qui in eo statu præfixum sibi gradum attendant, & teneant: & tamen in eo pertingendo summa est salutis nostræ, summum periculum si defecerimus, summa expectatio, & certior certitudo si eò peruenerimus, aut peruenire contendamus.

Hæc est Veritas modò expendenda, quæ quanti momenti sit, iam satis patet & patebit clariùs ex allata ratione, quæ sic habet. Nulla est certior salutis certitudo, quàm in illis mediis fideliter obseruandis, quæ Deus unicuique ordinauit ad eam comparandam. *Notandum illud unicuique*, quia videlicet præter illa communia quæ dantur omnibus, sunt Gratia quædam singulares, & particularia dona quæ à Deo unicuique conferuntur in quocumque sit vitæ statu, vt pertingat ad illum singularem gloriæ gradum, cui est prædestinatus. Certum est enim quod ait Apostolus, *Sicut est alia claritas solis, alia claritas lune, & alia claritas stellarum; sicut etiam stella differt à stella in claritate*, sic & beati omnes in cœlo sunt diuersa beatitudinis gloria differentes; *Vnusquisque*, inquit, *in suo ordine*. Et quia gratia est semen gloriæ, & apta præparatio ad gradum beatitudinis cuique destinatum, idcirco debet ipsa gratia & quæ illam comitantur Salutis media esse particularia & singularia, vt sicut in cœlo per gloriam vnusquisque habet suum ordinem; ita in terra suum habeat per gratiam, vt sint omnia proportionata & sibi correspondentia. Sic apertè idem Apostolus: *Vnusquisque proprium donum habet ex Deo, alius quidem sic, alius verò sic*. Et sanctus Leo, *habent singuli vocatorum ordinem suum*.

Quibus ita declaratis, quid euidentius, quàm quod habet propositio, nullam posse haberi certitudinem salutis comparandæ certiore, quàm si certis illis mediis, & particularibus gratiis nobis ordinatis fideliter stemus, & constanter inhæreamus, vt neque plus vmquam, aut minùs attentemus, sed hoc vnum quod velit Deus, velimus, & quod nolit nolinus. Hoc est illum sequi, hoc est illi adhærere, hoc est posse dicere quod de se Iob affirmabat; *vestigia eius secutus est pes meus: viam eius cu-*

stodini, & non declinaui ex ea; à mandatis labiorum eius non receſſi, & in ſinu meo abſcondi verba oris eius. Quo quid certius? quid ſecurius? Vt è contra, ſi quis inde deſſectat: *va his qui dereliquerunt vias rectas, & diuerterunt in vias prauas. Et quid faciem cum inſpicere cœperit Dominus?* Quidquid damni, quidquid periculi accidat, hoc vnum reſpondetur: *Numquid non iſtud factum eſt tibi, quia dereliquiſti Dominum Deum tuum eo tempore quo ducebat te per viam?* Expende illud & applica tibi hoc Te ſingulare. Eccleſ. 2.
Ier. 21

II. PUNCTVM.

SED nullibi media illa fidelius obſervantur, quam in certo vocationis gradu attingendo.

Dicitur certus Vocationis gradus, Munus quoddam particulare ſeu officium & miniſterium ad quod quis aptus & applicatus eſt in ſuo vocationis ſtatu; *Sic in Apoſtolico ſtatu diuerſi ſunt gradus Petri & Pauli, alius eſt gradus Andrea, alius Iacobi & Ioannis, vt præclare ſanctus Gregorius Nazianzenus, vbi poſt multa de hac diuerſitate in rebus maioris momenti, tum etiam in minoribus ſic reperiri demonſtrat. Reliqua, inquit, moderatio, ordinisſque diſciplina quanta? aliud Petrus interrogat, aliud Philippus, aliud Iudas, alius Thomas, aliud alius quiſpiam. Neque autem idem omnes, aut omnia vnus, ſed viciſſim ac ſigillatim.* Sic ſanctus Orat. 26.
1. Cor. 12. Auguſtinus explicans fuſius quod refert Apoſtolus de diuerſo membrorum officio in toto corpore. *Videtiſ, inquit, quid faciat anima in corpore, omnia membra vegetat; per oculos videt, per aures audit, per nares olfacit, per linguam loquitur, per manus operatur, per pedes ambulat, omnibus ſimul adeſt membris vt viuant, vitam dat omnibus, officia ſingulis. Non audit oculus, non videt auris, non videt lingua, nec loquitur auris & oculus: officia diuerſa ſunt. Sic eſt Eccleſia Dei, in aliis hoc, in aliis illud, ſinguli propria operantur.* Ser. 186.
de temp.

Ex quibus ſancti Patris verbis non modò conſtat, quid ſit certus ſingulorum gradus, nempe illud proprium & particulare quod habent ſinguli vt operentur: ſed ex his etiam euidenter patet, quid ſit attingi certum illum gradum, quando quis ſcilicet rectè & laudabiliter ſuo illo proprio munere fungitur. Vnde Apoſtolus: *Dicite Archippo: Vide miniſterium quod acce-* Coloſſ. 4.

382 FERIA 2. infra Hebd. 5. post Epiph. Iesus vidit, &c.
pisti in Domino, ut illud impleas.

Iam verò quod in illo attingendo gradu seu adimplendo ministerio, tam fideliter obseruentur illa salutis nostræ media de quibus dictum est, ut nullibi fidelius ac certiùs teneantur, patet ex eo quòd inclusa sint & intexta quodammodo illi certo gradui, adeo ut prope vnum & idem esse videantur ista duo, *Tenere proprium salutis medium; & Rectè defungi suo munere*: cum vnum in alio includatur; diuersa tamen sunt, cum possis habere illa media, certumque illum gradum obtinere in quo te exerceas; nec tamen te in illo exerceas, aut nisi perfunctiorè & negligenter, sicque non attingas gradum, nec media rite obserues.

Atque idcirco expressè dicitur, media illa obseruari non in gradu simpliciter, sed in gradu attingendo, id est in fidei eius administratione, quod est vocationi propriæ respondere, quod toties ab Apostolo commendatur: *Videte vocationem vestram.*
1 Cor. 2.
Ibid. 7. **VNICUIQUE** sicut diuisit Dominus: vnumquemque sicut vocauit Deus, ita ambulet, & sicut in omnibus Ecclesiis doceo; **VNVSQUISQUE** in qua vocatione vocatus est, in ea permaneat: Ac rursum etiam paulo post & particulariùs. *Vnusquisque in quo vocatus est, in hoc maneat apud Deum.* Quasi diceret, in hoc vno præ cæteris peragendo constanter hæreat, quia cum ad illud præcipuè sit à Deo vocatus, nihil aliud potest esse tam certum, in quo secundum Deum se occupet, quàm in illo certo Vocationis suæ gradu. Non enim vocat & deserit, sed quo ipse particulariter & determinatè vocat, illic particulares & determinatas affigit gratias, auxilia & media quibus qui vocatur, tam certò saluetur, si fideliter & constanter iis vtatur, quàm certò periclitatur de salute, si dum aliud agit hoc prætermittit.

Ephes. 4. Hoc vnum denique quod in vinculis positus, quod postremum, quod summum omnium suis inculcat Apostolus; *Obsecro vos, ego vinculus in Domino, ut dignè ambuletis vocatione, qua vocati estis, cum omni humilitate mansuetudine & patientia.* Quod
In Cap. 5.
5. 2. & sanctus Basilii egregiè: *Quia Deo, inquit, se optat inuari, is numquam deserat quod se addebet officium suum; qui autem hoc facit, diuino auxilio numquam destituitur, Id est, illo diuino auxilio, quo quis particulatim indiget ad salutem, quod tam certò coniunctum est cum officio recte administrato, quàm quis*
certo

Salutis animæ certior certitudo in certo Vocationis gradu. 385
certo illud rectè administrabit. Expende singula cum affectu.

FIL PUNCTVM.

SALVTIS ergo anima nulla est certior certitudo, quàm in certo Vocationis gradu attingendo: quia nullibi certiùs obseruantur certa media, quæ cuique Deus ad salutem comparandam ordinauit; neque ad salutem tutior & securior vlla esse via potest, quàm si hæc salutis media diligenter obserues; *Et retrib. et mihi* ps. 17: *Dominus secundum iustitiam meam.* Securè loquitur Dauid, quia scilicet, *custodiri vias Domini*, per quas ille me ducebat. Tum quod omnibus ad hunc finem profit, sic paulo post Deo confite-
tur; *Cum Sancto, Sanctus eris, & cum electo electus eris, & cum per- uerso peruerteris.* Quali diceret talem se præstat Deus homini-
bus, quales & ipsi se Deo. Si fideles sint suæ vocationi, suo mu-
leri, suo ritè defungendo ministerio, sic erit Deus ipsis fidelis;
Sin contra se peruertant, & aliud quàm ab ipsis vellet Deus,
quantumuis pium & sanctum videretur, ipsi velint: Deum no-
lentem & repugnantem sentient.

Quod & præclare sanctus Bernardus confirmat ad illa verba *Rom. 8:*
Apostoli, *Quos predestinauit, hos & vocauit; quos vocauit, hos &*
iustificauit, & glorificauit; Ibi enim obseruans Vocationem poni
velut medium pontem, quò transitur à Prædestinatione ad Iu-
stificationem & Glorificationem, id est, ad salutem; sic pergit;
Hæc via bona, nihil super eius sine timendum, non tibi sint huius via
suspecta nouissima, perge securus, tantò vinidius, quantò certiùs ea
iam propinquare videntur, nempe TENES MEDIA, quomodo
non nouissima propinquarent? *Serm. 7. in*
ps. qui
habitas.

Quanti vero in periculi ab hac tantisper viâ declinare, sic præ-
clare sanctus Gregorius ad illa verba libri Iob, *Quis posuit men-*
suras eius si nosti, vel quis tetendit super eam lineam? *CVM* miro
inquit, confusio Author & dispositor noster huic illa largitur, quæ alijs
negat: alijs hæc denegat, quæ isti largitur; *mensuras sibi positas egre-*
di nititur, quisquis posse plusquàm acceperit, conatur. In præcipitia
pedem perrigit; qui *mensurarum suarum limitem non attendit;* &
plerumque amittit & quod poterat, qui audacter ea, ad quæ pertin-
gere non valet, arripere festinat. Nam & membrorum nostrorum
tunc bene ministeriis utimur, cum sua eis officia distincte seruamus.

386 FERIA 2. infra Hebdom. 5. post Epiph. Iesus vidit, &c.

Videri possunt quæ antè fusiùs, & pòst aptissimè prosequitur;
vnde ad praxim maximè permoueri debes cum Gratia Spiritus,
ad officium qualecumque tuum religiosiùs obeundum. Sic enim
vtilitas inde emanans proponitur, vt si desis, detrimenta certif-
sima, & horrenda sequantur pericula. Contentus esto tua sorte,
Ecclesi. 3. caue vltra quàm velit Deus, assurgas. *Altiora te ne quæseris, &
fortiora te ne scrutatus fueris: sed quæ præcepit tibi Deus, illa cogita
semper, & in pluribus operibus eius ne fueris curiosus.* Quid ad te de
illo, & illo. *Si illum volo manere, donec veniam: quid ad te, tu me
sequere.* *Ioan. 27.* Tu officium tuum cura & exequere. Ne sis ex illis de
quibus dicitur: Sat recte faciunt omnia, præter illud quod de-
bent facere.

Vide Dominicam secundam Aduentus.



FERIA TERTIA.

DE GRATITVDINE ANIMI PRO BENEFICIO VOCATIONIS.

Et fecit ei conuiuium magnum Leui, in domo sua.
Luc. 5.

VERITAS PRACTICA.

Gratitudo animi nulla formari potest digna beneficio
vocationis, nisi se animus dignè conformet voca-
tioni.

*RATIO EST, Quia nulla digna formari potest animi gratitu-
do pro quouis accepto beneficio, si non est gratus & acceptus Be-
nefactori animus.*

*Sed nisi animus recolentis beneficium Vocationis, se dignè confor-
met vocationi, non est Deo Benefactori suo gratus & acceptus.*

Gratitudo animi digna Vocationis beneficio, si se animus, &c. 387
Ergo nec ab eo vlla formari potest animi gratitudo digna beneficio
Vocationis, nisi se animus dignè conformet Vocationi; Quod-
quidem tam est necessarium, quàm necesse omnino est, nos non
esse ingratos Deo.

L. P V N C T V M.

SVNT quidem omnes Gratiae & diuina Beneficia grato
animo recolenda; sed Beneficium vocationis quod alia
omnia continet, præcipuam meretur gratitudinem. *Be- Ephes. I*
nedictus Deus & Pater Domini nostri Iesu Christi, qui benedixit nos
in omni benedictione spiritali, in caelestibus in Christo: sicut elegit
nos in ipso, ante mundi constitutionem, ut essemus sancti & immacu-
lati in conspectu eius in charitate.

Sic itaque sanctus Matthæus, qui & alio nomine Leui dice-
batur, gratum se exhibere voluit Christo Domino, à quo vo-
catus fuerat ad se sequendum, dum antequam renuntiaret om-
nibus suis, magnificum domi conuiuium iussit apparari, quò
palam testaretur non modò ipsi Domino, sed & omnibus suis
Conciuiibus, & præcipue Publicanis, quos idcirco ad prandium
iunxit, se beneficij maximi loco ducere, sic omnibus reli-
ctis pauperem Christum sequi.

Sed longè gratiorem se ipse præbuit, cum se dignum Apo-
stolum & dignum vocatione sua se præstitit; In hoc enim po-
sta est vera Gratitudo, vt beneficio rectè utaris ad mentem &
intentionem Benefactoris; Quod adeo verum est in re præsentè
quam tractamus, vt quidquid aliud dicatur aut fiat ad gratitu-
dinem, *Gratitudo animi nulla formari possit digna beneficio voca-*
tionis, nisi se animus dignè conformet vocationi. Hæc veritas præ-
cedentem valde confirmabit, & disponet ad sequentem. Ra-
tio autem est facilis, quantum præcipue spectat ad hanc pri-
mam eius partem qua dicitur nullam esse animi gratitudinem
pro accepto beneficio, nisi animus recolentis beneficium sit
Benefactori gratus & acceptus.

Nam si non est gratus eius animus, quomodo is erit gratus?
Nonne hæc inter se ita pugnant, sicut esse gratum & ingratum?
quomodo vero poterit ingratus gratitudinem exhibere? *Nam- Luc. 3.*

quid fons de eodem foramine emanat dulcem & amaram aquam? inquit sanctus Iacobus. Posset quidem esse ficta & simulata quædam gratitudo, sed hæc non esset animi, qualem hic volumus; Ut sit autem animi gratitudo, debet omnino animus esse gratus, nã ipse est animus qui exhibetur, cū gratitudo animi exhibetur; vnde si non esset gratus animus, tam verè nulla esset gratitudo animi, quàm si nulla omnino esset gratitudo. Numquid potest *Ibid.* *Fratres mei, ait idem Apostolus, ficus uvæ facere, aut vitis ficus? sic neque falsa dulcem potest facere aquam: Quasi diceret; Numquid infensus & ingratus animus potest facere gratitudinem? Et sicut si amara dulci misceretur aqua, dulcem ipsam, amaram faceret: ita si quid non gratum gratitudini misceatur, totum ingratum faciet.*

II. PUNCTVM.

S*ED nisi animus recolentis beneficium vocationis, se dignè conformet vocationi, non est Deo benefactori suo gratus & acceptus.*

Cum enim id vnum maximè velit Deus, ut conformatè vocationi nostræ vivamus, quisquis se non conformat suæ, nonne tantum à Dei voluntate se diiungit, quantum à sua vocatione se distrahit? Qui sic autem se diiungit à Dei voluntate, quomodo possit ei esse gratus & acceptus? Non est mihi voluntas in vobis, dicit Dominus exercituum, & munus non suscipiam de manu vestra.

Deinde vero cum per propria vocationis officia nos Deus vellet regere, talisque à nobis gloriæ gradum exigeret, qualem ipse ordinaret in illo particulari ministerio, & non alium quantumvis sublimiorem: si quis hac relicta vivendi viâ, suoque deserto cursu & ordine, sibi quem fingit alium, manu incedere, numquid Deo potest esse gratus & acceptus? Cum veniretis ante conspectum meum, quis quasiuit hac de manibus vestris? VAE filij desertores, dicit Dominus, ut faceretis consilium & non ex me: & ordiremini telam, & non per spiritum meum.

Denique cum divinæ gratiæ subministrarentur abundantissime ad vocationis debitum rite persolvendum, non ita vero ad aliud quod vitrò suscipitur, quomodo is esse acceptus poterit, qui tot neglexit gratias? Quomodo is esse gratus qui sine gratia

sefe ad opus ingerit? *Non mittebam prophetas, & ipsi currebant;*^{1er. 23.}
non loquebar ad eos, & ipsi prophetabant. Hinc aptè sanctus Ba-^{In Caput.}
 silius: *Inter ea qua odio prosequitur Dominus, unum hoc est, se-*^{1. 15.}
gne & increotium, seu cessatio ab his qua nos ex officio attinet facere.
 Vnde sanctus Gregorius Nazianzenus; *Quid Pastoris munus tibi*^{Orat. 26.}
arrogas, siouis sis? Quid Caput efficeris, cum pes sis? Quid exerci-
tum ducere aggredieris, cum in militum ordinem adscriptus sis!
 Quasi diceret, hoc planè inordinatum est, hoc ingratum Deo
 & inuilem: quasi possis tibi aliquid melius, quàm quod ordi-
 nauit Deus: aut quasi peius reputes quod est tibi melius ordina-
 tum! Itane de Deo sentire velles?

III. PUNCTVM.

GRATITUDO animi nulla igitur formari potest digna beneficio
 vocationis, nisi se animus dignè conformet vocationi; Quia hic
 animus alioquin nō potest esse Deo gratus; & ab animo minime
 grato non magis exhiberi potest Gratitudo, quàm ab ingrato;
 cum nō minùs inter se pugnent, in hac materia, non esse gratum
 Deo, propter neglectam vocationem, atque esse ingratum. Si-
 cut enim qui fideliter vocationi responderet, satis se gratum
 Deo præstat, etiamsi nullas agat illi gratias, quia hoc maxime
 intendit Deus & expectat ab vnoquoque, *ut quemadmodum vo-*
catus est, ita & ambulet: sic planè qui non ita constanter am-
 bulat, quidquid in gratiarum actionem proferat, non potest
 esse gratiofus, non potest esse gratus, non potest non esse ingra-
 tus; quia non reddit quod præcipuè debet, & quod imprimis
 exigitur. *Et nunc Israel,* post accepta scilicet tot beneficia quæ^{Deut. 10.}
 commemorata sunt, *quid Dominus Deus tuus petit à te, nisi ut*
timeas Dominum tuum, & ambules in viis eius, & diligas eum? Quasi
 diceret, in hoc te mihi gratum exhibeas, si ambules in viis
 meis: aut certe si ab eis deflectas, tum me tibi offensum, & te
 mihi tum ingratum exitima. *Filios enutriui & exaltavi, ipsi au-*^{15. 1.}
tem spreuerunt me! Cognouit bos possessorem suum, & asinus præ-
sape Domini sui: Israel autem me non cognouit, & populus meus non
intellexit!

Certè non deerant illis psalmi & sacrificia, quibus laudarent
 Deum, sed quasi nihil hæc apud Deum essent, non desinunt esse

ibid.

ingrati, quia non reddunt quod ab illis maximè Deus exigebat. *Quò mihi multitudinem victimarum uestrarum, dicit Dominus? plenus sum.*

Ps. 33.

Ps. 56.

2. Reg. 12.

Is. 24.

Atque ipse psalmodum Regius Scriptor, quàm multis gratitudinem suam Deo indicarat? Quàm sæpe illud Eucharisticum ingeminarat: *Benedicam Dominum in omni tempore: Deum qui bene fecit mihi.* Et tamen non aliter quàm ut ingratus, quàm ut benefactorum immemor à Propheta Nathan arguitur, quia uidelicet declinauerat à viis Domini, Deo erat infensus & odiosus, nec tam psalmi eius tantam gratitudinem Deo exhibebant, quantum ipse peccato suo protulerat ingratitudinem. Nihil æquè placebat Deo in Dauide ante peccatum, quàm eius fidelitas in omnibus obseruandis à Domino sibi constitutis. Hæc omni psalmodum cantu suauior Diuinas celebrabat laudes: atque ita dum peccato violata est illa fidelitas, quasi tacuisse uisus est Dauid à Diuinis laudibus celebrandis. *Cessauit gaudium tympanorum, quieuit sonitus latantium, continuit dulcedo citharæ.*

In Ps. 148.

In Ps. 34.

In Ps. 146.

In Ps. 148.

Sic dicuntur omnes creaturæ benedicere Domino, quod, ut ait sanctus Hieronymus, *à suo officio & seruitio non recedant; seruitium ipsorum, laus Dei est;* Sic ergo erit & tuum; *Quidquid egeris bene age, & laudasti Deum,* ait sanctus Augustinus; Et rursum. *Lingua tua ad hoc laudat, uita tua semper laudet. Cum uoce cantaueris, silebis aliquando, uita sic laudat ut nunquam sileas.* Itemque alibi fulius, & expressius. *Laudate totis uotis, & totis uobis, id est non solum lingua, & uox uestra laudet Deum, sed & conscientia uestra, uita uestra, facta uestra. Tunc desinis laudare Deum quando à uita tua, ET AB EO QVOD ILLI PLACET, DECLINAS: nam si à bona uita nunquam declinas, lingua tua uacet; uita tua clamat, & aures Dei ad cor tuum. Quomodo enim aures nostræ ad uoces, sic aures Dei ad cogitationes.*

Nonne te foelicem crederes, si de Deo semper cogitare, si Deum semper laudare posses? Cogita semper quæ tui sunt officij, & quæ cogitaueris semper exequere, sic fiet ut Deum semper cogites, & ipsum laudes. Quàm miser ille contrà, qui cum posset, & deberet diuinis vacare laudibus, alia omnia lubens uolensque cogitaret! Tu ille miser es si tuo desis officio. Non est distractio mentis damnosior, quàm sic à suo munere distrahi & auerti.

Vide in 2. parte, FERIA tertia infra octauam Ascensionis.



FERIA QVARTA.
DE PERFECTA MORTIFICATIONE
SECUNDVM PROPRIAM CVIVSQUE
VOCATIONEM.

*Quare cum publicanis & peccatoribus manducatis
& bibitis?*

*Quare Discipuli Ioannis ieiunant frequenter, &
obsecrationes faciunt similiter & pharizæorum;
tui edunt & bibunt? Luc. 5.*

VERITAS PRACTICA.

Non est minùs perfectæ mortificationis, bene uti rebus, quàm omnino non uti.

RATIO EST, quia tùm perfectæ mortificatio censeri debet, cùm appetitus perfectè subiectus est rationi, & ratio Deo.

Sed bene rebus utendo secundùm propriam cuiusque vocationem, non minùs perfectè appetitus subijcitur rationi, & ratio Deo, quàm non utendo.

Ergo non est minùs perfectæ mortificationis, bene uti rebus, quam omnino non uti; ac proinde cùm non passis omnino non uti rebus curandus est bonus earum usus.

I. PUNCTVM.

SCRIBÆ & Pharizæi qui vel inuitati, vel sua sponte conuenerant ad conuiuium à S. Mattheo celebratum, inurant contra Dominum, eiusque discipulos, quòd

non modò conuersentur cum publicanis, & peccatoribus, sed cum ipsis etiam manducant & bibant, nec se vino aut escis omnino abstineant, sicut discipuli Ioannis & Pharizæorum, qui toti erant in ieiuniis & obsecrationibus.

Erat sanè quod mirarentur homines, Deum etiam incarnatum & hominem factum, sic inter homines voluisse viuere, ut cum ipsis etiam conuiuere & manducaret: sed non erat quod propterea murmurarent, quasi illud vitæ genus minùs esset perfectum, aut minus perfectæ mortificationis & virtutis. Audiemus sequenti meditatione, quid illis Dominus responderit; interim vero consideremus, quàm verum illud sit, & ad praxim vniuscuiusque vocationis appositum: *Non minùs esse perfectæ mortificationis, bene vti rebus, sicut Christus & eius discipuli bene utebantur, quàm omnino non vti cum Phariseis.*

Ratio petitur à Definitione perfectæ Mortificationis, quæ, communi omnium qui de ea scripserunt Patrum consensu, sic esse declaratur, cum appetitus perfectè subiectus est rationi, & ratio Deo. *Id quod est in homine precipuum*, inquit S. Augustinus, *imperet ceteris quæ sunt nobis bestiisque communia: atque id ipsum quod excellit in homine, id est, Mens & Ratio Potiori subi- ciatur, quæ est ipsa Veritas, vnigenitus Filius Dei. Neque enim im- perare inferioribus potest, nisi superiori se ipse subiiciat.* Sic sanctus Prosper: *Dominetur vitiis ratio, subiiciatur corpus animo, animus Deo; & impleta est tota hominis perfectio.* Sanctus quoque Leo: *Si mens rectori suo subdita terrena voluptatis incitamenta calcauerit, ordinatissimum tenebit Ratio principatum: quia tunc est vera pax & vera libertas hominis, quando & caro animo iudice regitur, & animus Deo præsede gubernatur.* Itemque rursus: *Emundantes nos ab omni inquinamento carnis & spiritus, ut casti- gatis colluctationibus quæ sunt inter utramque substantiam, animus quem sub Dei gubernaculis constituimus, corporis decet esse Rectorem, dominationis suæ obtineat dignitatem.* Denique sanctus Papa Gre- gorius paucis hæc omnia contrahens. *Cum vel mentem Deo, in- quit, vel carnem menti subiugamus.*

Ex quibus sanctorum Patrum testimoniis, quàm facile est in- telligere quæ sit perfecta mortificatio, tam facile est nosse vtrum in te perfecta sit. Inquire tantisper & ingemisce quam longè sis non ab hoc sensu forte speculatio, sed practico: non ita verè subiciens

L. 1. de Ser.
Dom. in
Montec. 2.

In senten-
tiis.

Ser. 1. in
quadr.

Serm 4.

J. 6. Mor.
c. 16.

subjiciens Rationi & Gratia tuos sensus, sicut verè sentis cum illis Patribus esse subdendos.

II. PUNCTVM.

SED bene rebus utendo secundum propriam cuiusque vocationem, non minùs perfectè appetitus subieitur rationi, & ratio Deo, quàm non utendo.

Cur enim non utendo fit ista duplex subiectio, nisi quia cum naturaliter appetitus propenderet in vsum rei, retinetur ista propensio Ratione, & Ratio discit à Deo, seu à Gratia, quantum retinere debeat; vnde sanctus Petrus: *In scientia*, inquit, *ministra* ^{2. Pet. 1.} *te abstinentiam*, id est, discretè, & rationabiliter secundum Deum, prout scitis in Domino. Sic planè in bono rei vsum qui fit tantum intuitu vocationis, cum ex naturali concupiscentia motu pars illa quæ dicitur sensualis seu appetitus, appeteret rem usurpare alio prorsus modo & sine, quàm velit Ratio; Ratio cum Gratia cohibet hanc concupiscentiam, & à propria Vocatione tamquam ab Interprete diuinæ legis & voluntatis, nouit quantum cohibeat. Sic monet Sapiens: *Vtere quasi homo frugi his quæ tibi* ^{Ecclesi. 37.} *apponuntur*. Sic utebatur Apostolus dicens, *Ego didici in quibus sum, sufficiens esse, scio & humiliari, scio & abundare, ubique &* ^{Phil. 4.} *in omnibus institutus sum, & satiari, & esurire, & abundare, & penuriam pati*: Quali diceret, perinde me habeo in vsum rerum ac non vsum; nam dum rebus vtor, sic vtor ex ratione & gratia, vt tum non minùs sum subiectus Deo, quàm si non vterer. Itane tu qui tam facile conquereris, si quid in vsum rerum pateris?

III. PUNCTVM.

NO N est ergo minùs perfecta mortificationis, bene uti rebus, quàm omnino non uti: Quando scilicet sic exigit propriæ vocationis ratio, quia tum bene rebus utendo non minùs perfectè, quàm non utendo, appetitus subieitur rationi, & ratio Deo, in qua duplici subiectione consistit tota perfectio. *Quicumque* ^{Phil. 3.} *ergo perfecti sumus, hoc sentiamus*, inquit Apostolus; vel vt perfecti sumus hoc sentiamus, licenim addit, paulo pòst: *Idem sapiamus, & in eadem permaneamus regula: Imitatores mei estote, fratres,*

*& obseruate eos qui ita ambulant, sicut habetis formam nostram. Atque ut videas de re nostra esse sermonem, sic pergit: Multi enim ambulant, quos sæpe dicebam vobis, nunc autem & flens dico, inimicos crucis Christi, quorum finis interitus, quorum Deus venter est, & gloria in confusione ipsorum, qui terrena sapiunt. Id est, multi sunt qui non seruant formam nostram in vlu rerum, quia scilicet non iis vtuntur ex præscripto Rationis & Gratiae, sed potius ex deprauato concupiscentiae motu, quod certè est deplorandum; Nam illis non interdicitur vsus, sed tantum inordinatus; sicque si vellent ordinatè rebus vti, sicut formam præscripti omnibus, non modò non peccarent in vsu rerum, nec deficerent à perfectione Christiana, quin potius inde proficerent. Omnia munda mundis; sed malum est homini qui per offendiculum mar-
ducatur.*

*Tith. 1.
Rom. 14.*

*I. de mori-
bus Eccles.
c. 21.*

*3. Doct.
Corin. 12.*

Nonne & hoc in te est deplorandum, qui iam toties de his monitus, non nisi ex affectu deprauato res vlturpas: nec, quid in vsu rerum vocatio exigat, sed quid affectus, attendis? Non est hæc apostolica viuendi forma tradita, non est illa vitæ regula de qua iam supra sanctas Augustinus: *Habet vir temperans in rebus huius vitæ regulam utroque Testamento firmatam, ut eorum nihil diligat, nihil per se appetendum putet; sed ad vitæ huius, atque officiorum necessitatem quantum satis est vsurpet UTENTIS MODESTIA, NON AMANTIS AFFECTU.* Itemque alibi: *In omnibus talibus non vsus rerum, sed utentis libido in culpa est.* Hæc autem libido sic coerceri potest & debet, ut deinceps non aliter nec alio fine rebus vllis vtaris, quàm prout vocatio aut officium exigit vel permittet.

*L. 3. de
Imit. Ch.
c. 26.*

Non me vincant Deus meus, non me; incant caro & sanguis: non me decipiat mundus, non me supplantet diabolus. Ecce cibus, potus, vestis & cætera vtensilia, ad corporis sustentaculum pertinentia feruenti spiritui sunt onerosa; tribue talibus fomentis temperatè vti, non desiderio nimio implicari. Vide quæ hic plura sanctus habet Author: Nec tam mirare quàm perfectè dicat, quàm quòd tam imperfectè facias quod perfectè dictum, & quod omnino faciendum esse, agnoscis.



FERIA QUINTA.
DE BONO SENSIVVM SEV
SENSVALIVM VSV, EX PROPRIA
CVIVSQUE VOCATIONE.

Et ait illis Iesus : numquid possunt filij sponsi lugere, quamdiu cum illis est sponsus? Matth. 9.

VERITAS PRACTICA.

Si quid interdum sensibus licitè indulgetur, non ut sensuale est, sed ut est licitum, accipiendum est.

RATIO EST, Quia non sunt licita illicitè assumenda.

Sed si ex his quæ interdum sensibus à vocatione propria indulgentur, aliquid sumeretur ut est sensuale, licita illicitè assumerentur.

Ergo non ut sensuale est, sed ut est licitum accipiendum est; sicque purificabitur usus sensuum, seu sensualium à propria cuiusque vocatione: Quod est ad praxim valde opportunum.

I. PUNCTVM.

RESPONDENS Christus Dominus Pharizæis murmurantibus de communi modo viuendi, quem ipse agebat, & suis permittebat discipulis; *Numquid possunt, inquit, filij sponsi lugere, quamdiu cum illis est sponsus!* Dicebatur filij sponsi proprie iuvenes illi, qui sponto tamquam sodales olim adhibebantur in nuptiis, ut est in libro Iudicum de Sam-^{Ind. 14.} sone. Metaphoricè vero seu translatitiè dicuntur Apostoli esse filij sponsi, quia sunt comites ipsius Christi, qui sponsus ab

Ioan. 3.

ab ipso Ioanne Baptista dictus est; *Qui habet sponsam, inquit. sponsus est:* Ad quod Ioannis dictum respiciens Dominus, hac comparatione sponsi usus est, tum ob discipulos ipsius Ioannis qui praesentes aderant, & quaestionem cum pharizæis proposuerant, tum ut faciliorem redderet rationem, cur suis permittebat usum vitæ, communem ceteris, & non illum austerum ac strictum, qualem ipsi Pharizæi profitebantur: Nempe quod sicut tempore nuptiarum aliquid indulgetur conciliandis inter se animis, sic ipse modò suis indulgeret; quasi ipse modò suas nuptias celebraret, & quasi diceret, ut interpretatur S. Ioannes Chrysostomus, gaudij tempore non sic introducenda tristitia. Recteque observat idem sanctus Pater, Christum Dominum sic indicare, non esse gulæ quod fiebat à discipulis, sed dispensationis cuiusdam: Unde statim addidit Dominus, quòd suo tempore dum ablatus illis fuerit sponsus, ieiunarent.

Sic porro fit inter homines etiam religiosos & spirituales, ut nonnulla indulgentius, iustas ob causas, permittantur in vna vocatione, quæ non in alia; aut vno interdum tempore, quæ non alio concederentur. Quid tum vero in tali usu sensuum seu sensualium? Numquid gulæ, numquid libidini & concupiscentiæ concedi debet, quod licitè curando corpori, & animis remittendis concedi potest? Vide ne hoc tibi persuaderi patiaris, & audi Veritatem propositam, *Ut si quid interdum sensibus licitè indulgetur à sua cuique vocatione; non ut sensuale est, sed ut est licitum, purè accipiat, & sincerè usurpetur.*

Deut. 16.
Sap. 16.

Ratio quæ affertur tam plana est & facilis apprehensivæ, quam forte difficilis appetitivæ facultati. Quid enim clarius ad intelligentiam, quàm quòd licita non sunt illicitè assumenda? Id est, servari debet modus & finis, aliæque circumstantiæ sic necessariae, ut si desint in usu rei licitæ, iam non licitè res usurpetur, iam non sit licita; quia non aliter licet, nisi servatis servandis, quæ si minimè observentur, tum quod est licitum degeneret in illicitum. *Iustè quod iustum est persequeris*, ait Scriptura; Et rursum: *Qui enim custodierint iusta iustè, iustificabuntur.* Denique in usu rerum omnium quæ de se mala non sunt, ut pecunia, cibi, vestes, yndenam peccari potest, nisi quia licita illicitè usurpantur, id est, aliter quàm usurpari debeant? *Ut in concupiscentiis vestris infumatis*, ait sanctus Iacobus: hoc nempe est, quod in licitis est

Iac. 4.

Si quid sensibus licite indulgetur, non ut sensuale est, &c. 397

illicitum, hoc est quod arguitur, hoc est quod non licet; & hoc est tamen quod magis appetis!

II. PUNCTVM.

SED si quid ex his qua interdum sensibus à Vocatione propria indulgentur, sumeretur ut est sensuale, licita illicite assumerentur.

Sic enim sumptum sumeretur propter voluptatem & concupiscentiam, quæ est radix malorum omnium, inquit Apostolus, *1. Tim. 6.* quam & peccatum vocat, quod in se habitat; non quod in se, seu *Rom. 7.* in habitu, & prout in nobis tantum est, sit peccatum: sed quod in actu sit causa peccati, ut quidquid humano actu ex ipsa inordinatè sit, peccatum sit & illicitum. Et alibi postquam egit de punitis, & prostratis in deserto, Israelitis: *Hæc autem,* inquit, *in 1. Cor. 10.* figura facta sunt nostri, ut non simus concupiscentes malorum, sicut & illi concupierunt. At certè quod illi concupierunt, non erat in se malum, sed tantum delectabile & sensuale, quod quia non alio sine quam voluptatis desiderarunt, & postquam illud acceperunt à Deo, non ut acceptum, sed ut sibi delectabile & ut sensuale usurparunt, Idcirco peccarunt & puniri sunt, quia sic licita illicite assumpserunt. Et concupierunt concupiscentiam in deserto, *Ps. 105.* id est hoc vnum concupierunt, ut concupiscentiæ satisfacerent, quod cum afferatur tamquam illata causa pœnæ, quis non videt esse illicitum?

Quod quidem dilucidè declaratur à S. Augustino in Confessionibus: *Non ego,* inquit, *immunditiam elenij timco, sed im-* *10. Confess.* *munditiam cupiditatis: scio Noë omne carnis genus, quod cibo esset* *31:* *usui, manducare permissum: Heliam cibo carnis refectum: Ioannem mirabili abstinentia præditum, animalibus, hoc est locustis in escam cedentibus non fuisse pollutum: & scio Esau lenticula concupiscentia deceptum, & David propter aqua d'jericum à se ipso reprehensum: & Regem nostrum non de carne, sed de pane esse tentatum, idcirco, & populus in cremo, non quia carnes desideravit, sed quia escæ desiderio aduersus Dominum murmuravit, meruit improbari. In his ergo tentationibus positus, certo quotidie aduersus concupiscentiam manducandi & bibendi, Et quæ plura prosequitur, ubi aduerte, quod ait populum non fuisse improbatum quod carnes desiderauerit, ne intelligendum esse quasi diceret, à desiderio tantum*

39 & Feria 5. infra Hebdomada 5. post Epiph. Numquid possunt, &c.

naturali & non voluntariè inordinato desiderasset, non peccasset. Quod autem eicas inordinatè desiderauerit, patet ex murmure quod propterea concitauit.

Ibid. Quale vero esset hoc certamen quod se certare S. Augustinus, sic paulò antè descripserat, dicens: *Et cum salus sit causa edendi & bibendi, adiungit se tamquam pedissequa, periculosa incunditas: & plerumq; praire conatur, ut eius causâ fiat, quod salutis causâ me facere vel dico, vel volo; Nec idem modus utriusque est, nam quod salutis satis est, delectationi parum est, & saepe incertum fit, utrum adhuc necessaria corporis cura subsidium petat, an voluptuaria cupiditatis fallacia ministerium suppetat. Ad hoc incertum hilarescit infelix anima, & in eo praparat excusationis patrocinium, gaudens non apparere, quid satis sit moderationi valetudinis, ut obtentu salutis obumbret negotium voluptatis. His tentationibus quotidie conor resistere, & inuoco dexteram tuam ad salutem meam.*

Ecclesi. 23. Ex quibus & aliis quæ addit, satis evidens est quantum ille timeret ne propter cupiditatem aliquidsumeret; non modo ne excederet, sed ne etiam quod necessarium erat ad vitam, propter voluptatem vllam acciperet; Quæ certè voluptas, in ordinario & mediocri victu si est timenda, ut illicita: quantò magis in extraordinario, de quo hic loquimur, & de quo euitando Sapiens sic orabat Deum: *Aufer à me ventris concupiscentias, & animo irreuerenti & infrunito ne tradas me.*

III. PUNCTVM.

Prov. 13.
Serm de glâias. **S**I quid igitur aliquando sensibus licitè indulgetur: non ut sensuale, est, sed ut est licitum accipiendum est; Quia talis sensualitas, quæ est manifesta concupiscentiæ inordinatio, manifestè est illicita, & non sunt licita illicite assumenda. Sicut enim apertè intemperans ille esset, qui plus æquo comederet aut biberet, sic planè is qui ex sola cupiditate, & non ex puriori motiuo vellet naturæ satisfacere. Hæc est enim intemperantiæ species, non minus illicita, quàm alia: vnde Apostolus post comestationes & ebrietates exagitatâs, addit, *Et carnis curam non feceritis in desideriis.* Quod adeo verum est ut in hac maximè vitij parte, totum penè vitium ponant sancti Patres. *Gula vitium,* inquit S. Basilius, *non in esiarum copia, naturæ suæ vim exercere nonit,*

Si quid sensibus licite indigeatur, non ut sensuale est, &c. 399

sed in voluptate atque gustatu, licet mediocri admodum utare. Et sanctus Augustinus: In omnibus huiusmodi rebus, non ex earum rerum natura quibus utimur, sed ex causa utendi, & modo appetendi, vel probandum est, vel improbandum quod facimus. Sanctas denique Gregorius in moralibus: Antiquus hostis quia non cibum sed cibi concupiscentiam esse causam damnationis intelligit, primum sibi hominem non carne sed poma subdidit, & secundum non carne sed pane tentavit. 3. de Doct. Chr. 12, 30. Mor. 27.

Quia tamen in lautioribus cibis concupiscentia magis excitatur, iacitico tum præcipue inuigilandum est, ne præcedat, nec propterea comedatur, quia delectat, nec quia sensuale est quod permittitur, viurpetur; sed pure quia permittitur. Possunt quidem alij occurrere probati fines, sed hic unus instar omnium ceteros comprehendit, & in praxi ad memoriam proclivis est. Dominus nobis prædium misit, verè pius verè misericors. Sic sanctus Paulus Eremita cum sancto Antonio. Sic vide ut deinceps sentias; Mundemus nos ab omni inquinamento carnis, & spiritus, perscipientes sanctificationem in timore Domini. SIC Insuperantur & exultant in conspectu Domini: Contra qui Deum a se & à sua mensa excludunt: Illi sunt, inquit S. Iudas, in epulis suis macule, convivantes sine timore, semetipsos pascentes. Hæc postrema Verba valde expendenda; tum quia gravius aliquid indicant quàm putetur; tum quia tibi forte id indicant ut prospicias. Statue cultrum in gutture tuo. 1. Cor. 7. Ps. 67. Tob. 6. Prov. 23.

Vide supra in Aduentu, Dominicam quartam, & alibi, verbo Temperantia.



FERIA SEXTA.

DE PRÆPARATIONE ANIMI

AD QUÆLIBET ASPERA IN VOCATIONE

FERENDA.

Venient autem dies, cum ablati ab eis fuerit spon-

400 FERIA 6. infra Hebdomadam 5. post Epiphaniam. Venient dies, &c.
sus, tunc ieiunabunt in illis diebus. Luc. 5.

VERITAS PRACTICA.


Nisi probè paratus sis ad aduersa, nec ad ipsa prospera
benè paratus es.

*RATIO EST, Quia nisi probè paratus sis ad aduersa, signum
est, te nimis affici prosperis.*

Sed nimis affici prosperis, non est ad ipsa benè paratum esse.

*Ergo nisi probè paratus sis ad aduersa, nec ab ipsa prospera benè
paratus es.*

I. PUNCTVM.

UOD Christus Dominus de Apostolis suis dixit, *venient
dies, cum ablati ab eis fuerint sponsus, tunc ieiunabunt in
illis diebus*, non modò Pharizæos & alios murmurantes
de communi eorum vita, compescuit, affirmando futuram suo
tempore, vt ipsi ieiuniis, orationibus, & aliis piis animi corpori-
sque exercitationibus addicerentur; sed & ipsos Apostolos si-
mul monitos fecit, vt se ad illud tempus paratos exhiberent, nec
commodis rebus ita se præsentè vterentur, quin se absente in-
commodis & aduersis æque vellent exerceri. Quæ certè admo-
nitio non eò spectabat solum, vt ad futura illa quæ passuri erant
aduersa, confirmarentur: sed ad ipsa iata & prospera, quibus
modò ex indulgentia quadam utebantur, temperatè vsurpanda
multum valebat. Neque enim prosperis benè vsurpandis aptus
est animus, nisi & aduersis fortiter tolerandis aptetur: *Et nisi probè
paratus sis ad aduersa, nec ad ipsa prospera bene paratus es.*

Quod Pronunciatum quàm sit ad praxim vtile, satis patet;
Quàm sit verò verum, vt ad praxim facilius descendatur, Ratio
quæ affertur, brevis & facilis, sic declarat.

Nisi probe paratus sis ad aduersa toleranda, manifestum est
signum, te nimis affici & derineri prosperis. Quid est enim quod
non sit ad aspera paratus animus, nisi quia illa times & refugis?

Vnde

Nisi probe paratus sis ad aduersa, nec ad ipsa prospera, &c. 401

Vnde vero illa times & refugis, nisi quia nimis amas commoda & mollia, quibus te cariturum & contrariis affligendum vides? Quidquid enim dicas te facilius cariturum commodis, quam incommoda subiturum, nec te ita prosperis affici, quam aduersis premi: hoc gratis dicitur, nec quidquam ordinariè auersamur, nisi quantum afficimur ad id, quod illi est oppositum. Nam vt luculentè docet S. Thomas post S. Augustinum, ex amore prodeunt ceteræ ^{1. 2. q. 29.} omnes passionēs, atque imprimis odium & auersio seu fuga rei ^{4. 2. 14. Cuius} cuiuslibet, quia, vt ipse ait, *Amor consistit in quadam convenientia* ^{Dei c. 7.} *amantis ad amatum: odium vero in quadam repugnantia vel dissonantia; oportet autem in quolibet prius considerare quid ei conueniat, quàm quid ei repugnet. Per hoc enim aliquod est repugnans alteri, quia est corruptiuum, vel impeditiuum eius quod est conueniens; unde necesse est quod amor sit prior odio, & quod nihil odio habeatur nisi hoc quod contrariatur conuenienti quod amatur.* Quòd autem ^{Ibid. 4. 2.} odium sit magis sensibile, quàm amor, id prouenit ex natura sensus, seu ex modo sensationis humanæ, de qua longius esset dicere; sed nihil obstat, quin amore posterius sit odium, nihilque sit quod oderis & auerseris, nisi quantum illud ames, cuius priuatio dolorem, metum, & odium, ceterasque naturales in te concitat affectiones.

Vide afflictos & perturbatos illos, de quibus sacra passim Scriptura; Saulem, Achabum, Amanum, Antiochum, & similes angore & metu cruciatos, quid est quòd ita cruciantur, nisi quod sua spe excidant, suis priuentur optatis, & vt scripturæ verbis utar, *quia* ^{1. Macc. 6.} *non factum est eis, sicut cogitabant?* Sic planè tu, si sic times aduersa, vt ad ea non sis paratus, nimis amas prospera; si sic times paupertatem, vt eius metu nimis angaris, nimis tua diligis: si contemptum tui, si morbos si mortem, & alia vitæ incommoda sic abhorres, vt ne eorum quidem cogitationem velis suscipere, quā te ad illa præpares, nimis honorem appetis, nimis sanitatem amas & vitam. *Va vobis, quia diligitis primas Cathedras, & salu-* ^{Lm. 11.} *tationes in foro, hinc prima mali labes, quia nimis diligitis.*

II. PUNCTVM.

SED nimis affici prosperis, non est ad ipsa benè paratum esse. Agitur enim de præparatione seu dispositione animi, qua

Ecc

cum virtute & merito apud Deum prospera vsurpentur, primò quidem ne nos nimis attollant & inflent; tum vt. Deum benefactorem in his laudemus & amemus; sicut præparatur animus ad aduersa, ne his contingentibus nimis deprimatur, seque nimis abiiciat, sed potiùs ad Deum sese attollat. Iam verò quis non videt nimiam ad prospera propensionem, non efficere illam animi dispositionem, quæ cum virtute coniuncta sit?

Oporteret quippe in honore tremere ne subrepat superbia, ne se insinuet ambitio, vanitas, cæteræque virtutis pestes: Amor autem honoris, contrà potius exultantes facit, & securos; *Nunc autem exultatis in superbiis vestris: omnis exultatio talis maligna est.*

Oporteret in diuitiis, de bonis cogitare operibus, & de larga in egenos profusione: At diuitiarum amor animum potiùs occupat ad opes conseruandas, vel augendas: *vbi enim est thesaurus tuus, ibi est & cor tuum.* In deliciis vero quantâ continentia, quantâ modestiâ esset opus? At deliciarum amor quàm contrà veriùs profusos amatores in eas faciat, testantur hæ apud Sapientem illorum voces: *Venite & fruamur bonis quæ sunt, & utamur creatura, tamquam in iuuentute celeriter.*

Sicque apparet euidenter quàm longè sit ab illa dispositione animi, quæ necessaria est ad virtutem in prosperis, nimius prosperitatis affectus, cum inde virtus omnis pereat, & vitium potiùs ac perditio illa sequatur, de qua Sapiens: *Auersio paruulorum interficiet eos, & prosperitas stultorum perdet illos.*

III. PUNCTVM.

NISI ergo probè paratus sis ad aduersa, nec ad ipsa prospera bene paratus es; quia illud ipsum quod te impedit, ne sis ad illa paratus, te imparatum facit ad hæc, nempe nimius ad commoditates & prospera quæque affectus. Ille est qui aduersitates nimis horret, ille est qui prosperitates nimis amat; sicque ad neutrum bene paratus es, cum ad vtrumque tamen præsto & paratum, ex æquo, te esse oporteret, & cum Dauide dicere: *Paratum cor meum Deus, paratum cor meum.* Et cum Apostolo: *A dextris, & à sinistris, per gloriam & ignobilitatem, per infamiam, & bonam famam.*

Quid speras alioquin? quid intendis? quid tandem de te sta-

Nisi probe paratus sis ad aduersa, nec ad ipsa prospera, &c. 403

tuendum putas? *Quid faciam tibi Ephraim? quid faciam tibi In-* osee 6.
da? Si diuitias, si honorem, si prosperum aliquem successum
immifero, statim emolliris, insolescis, in tuum naturale bonum,
& commodum vertis; Sin verò te aduerlis prenam, illico fran-
geris, despondes, murmuras, & in Medicum surgis. Quid fiet
tandem illi viro, qui nec prosperis bene uti potest nec adueris?
Nonne est velut lignum aridum, velut lignum vitis præcisum,
quod nullis agricolarum vñibus prodest, nullis fabrilibus ope-
ribus deputatur? *Fili hominis, quid fiet de ligno vitis?* S. August.
sane expositio, grauis sermo Domini apud Ezechielem con- Ezech. 15.
tra eum, qui se sua culpâ sic ineptum reddit ad omnia. Nihil
illi superest nisi ignis, nisi combustio, id est ex hac etiam vita
calamitosum aliquod poenæ genus, unde ineptior & miserior
reddatur: sic enim loquitur: *Etiam cum esset integrum, non erit*
aptum ad opus, quando magis cum illud ignis deuorauerit & com-
bussit, nihil ex eo fiet operis!

Est etiam apud Cassianum egregius de hoc argumento lo-
cus, vbi hæc inter alia præclare ad rem nostram: *Omnia aduersa* 6. Coll. 62
viro inspicenti. Nec enim prosperis rebus proficit, nec emendatur ad- 9. & 103.
uersis; Eiusdem namque virtutis est, tristitia fortiter tolerare, cuius
etiam secunda moderari; & eum qui in uno eorum superatur, neu-
trum sufferre certissimum est. Tum verò ut simus ambidextri, & Ind. 3.
quomodo possimus esse, sicut ille Aoth in libro Iudicum fuisse
describitur, qui vtraque manu utebatur pro dextera, fusè de-
clarat: *Si videlicet ea qua prospera sunt, dextraque censentur, &*
ea qua aduersa sunt ac sinistra dicuntur, bono rectoque usu ad par-
tem fecerimus dexteram peruenire; ut quæcunque fuerint illata,
fiant nobis secundum Apostolum, arma Iustitiæ; Et in fine conclu-
dens: Erimus igitur ambidextri, quando nos quoque rerum præsen-
tium copia vel inopia non mutarit; Et nec illa nos ad voluptates noxie
remissionis impulerit, nec ista ad desperationem attraxerit & quere-
lam; sed similiter Deo gratias in utroque referentes, parem fructum de
secundis aduersisque capiamus, qualem si verus ille ambidexter Do-
ctor gentium fuisse testatur dicens: Ego enim didici in quibus sum suf-
ficiens esse, scio & humiliari, scio & abundare, ubique & in omni-
bis institutus sum, & saturari & esurire, & abundare & penuriam
pati, omnia possum in eo qui me confortat.

Si sic posses, nonne velles? sed vnde ille potuit & voluit, nūq̃

404 *Sabbato infra Hebd. 5. post Epiph. Nemo commissuram, &c.*
 à Gratia, quæ se modo tibi offert? vide ne negligas; Vide quæ
 Dominus cum Iobo differit de præparato ad bellum equo:
Exultat audacter, in occursum pergit armatis, contemnit pau-
rem, nec cedit gladio. Et quæ plura ibi leguntur, quæ ut sunt à
 sancto Gregorio exposita, videri possunt in secunda parte, Feria
 sexta infra Hebdomadam Sexagesimæ: & Feria 4. infra Hebdo-
 madam 2. Quadragesimæ: Et vide Sabbato ante Dominicam
 Palmarum.



S A B B A T O.

DE PVIRITATE ET EXCELLENTIA CHRISTIANÆ RELIGIONIS IN QVOCVM- QVE VIVENDI STATV.

Dicebat autem & similitudinem ad illos, quia ne-
mo commissuram à nouo vestimento immittit in
vestimentum vetus; alioquin & nouum rumpit,
& veteri non conuenit commissura à nouo. Luc. 5.

VERITAS PRACTICA.

Sicut à veteri lege, sic à veteri homine, vnicuique Chri-
 stiano est abstinendum.

RATIO EST, Quia idcirco à veteri lege abstinemus, quis
 per Christianam Religionem lex illa est antiquata.
 Sed eadem lege Christiana, vetus homo est abiuratus.
 Ergo pariter abstinendum.

I. P V N C T V M.

DE perfectione viuendi quæstio & sermo erat Christo Domino cum Pharizæis; iamque illis ostenderat nihil obesse perfectioni suorum, si stricteius illud vitæ genus nondum susciperent, quod essent aliquando sectaturi. Nunc verò pergens declarat eis duplici similitudine, non nisi prudenter fieri, quod tempus aliquod interponatur, ut interim capatiores & fortiores fiant discipuli ad capeffendam eam perfectionem, quam professuri sint. Sicut enim, inquit, nemo prudenter à vestimento nouo partem seu frustum tollat, ut veteri resarciendo insuat, quia sic nouum periret vestimentum, nec vetus aptè resarciretur: Et sicut in vtres veteres vinum nouum non infunditur, ne musti effuerescentis violentiâ dirumpantur vtres; sic neque imperfectis & infirmis, quales sunt adhuc mei discipuli grauiam illa perfectioris vitæ præcepta, seu exercitia sunt imponenda, ne cum sint impares illis ferendis, onus excutiant; sed paulatim formandi sunt & roborandi, quia illa etiam perfectio, ad quam eos ego destino, tam sublimis est & excellens, ut mihi prius sint suauiter disponendi & præparandi, quam illi eam aggrediantur. Quanta est enim distantia rei nouæ pretiosæ, & excellentis, à ^{1. 2. 7. 96.} veteri deficiente & caduca, tanta est legis nouæ à me instituendæ, ^{a. 2. ad 2.} ab illa quæ vobis Iudæis est tradita; ac proinde sicut veteribus non sunt noua permiscenda, sic neque legi Mosaicæ lex Euangelica, nec veteri homini nouus homo coniungendus, sed ^{Hebr. 8.} expectandum donec antiquetur & senescat, quod est prope in- ^{Apo. 26} teritum, ut sic noua faciam omnia.

Sic sancti Patres hæc Christi Domini verba interpretantur, Sanctus quidem Hieronymus, *vestimentum*, inquit, *vetus, & vtres veteres, Scriba & Pharizæi; Vestimentum & vinum nouum præcepta Euangelica*; Sanctus quoque Ambrosius; *Non sunt actus noui & veteris hominis miscendi*. Breuius interlinearis: *Repugnat noua vita veteri*; Quæ interpretatio non modò de Apostolis & perfectis viris intelligenda est, sed vniuersim de tota Religione Christiana, seu de singulis quibuscumque statibus & personis, licet in diuerso perfectionis gradu, ad omnes tamen spectat, om-

406 Sabbato infra Hebd. 5. post Epiph. Nemo commissurā, &c.

nibus generatim proponitur : *Quod sicut à veteri lege, sic à veteri homine, unicuique est abstineendum in suo statu.*

Quæ quidem Veritas & ad excellentiam Christianæ religionis demonstrandam, & ad communem quamdam perfectionis præxim declarandam, plurimum facit.

Ratio autem Veritatis propositæ tam manifesta est & aperta ex sacris Scripturis, ut sit fide magis opus, quam discursu. Nam vnâ prorsus eademque lege, lex vetus, & vetus homo proscripta sunt & antiquata, unde si de vno credis, credas necesse est de alio, aut de utroque dubitabis.

Gal. 5. Quid enim quod modo Circumcisio, Purificatio, aliæque ceremoniæ, & sacrificia Iudæorum non usurpantur, nisi quod nouâ lege Christianâ, cuius erant vmbrae & figuræ, ut toties monet Apostolus, abrogentur? Neque enim de se mala erant; absit cogitare, cum à Deo fuerint ordinata & præscripta; sed ideo tantum erant bona, quia præscripta & ordinata; unde cum iam non ordinentur, imò cum iam sint vetita & prohibita, non usurpantur, atque idcirco non usurpantur, quia nunc à noua lege proscripta sunt. *Ecce ego Paulus dico vobis, quoniam si circumcidamini, Christus vobis nihil proderit. Euacuati estis à Christo, qui in lege iustificamini, à gratia excidistis: NAM in Christo Iesu neque Circumcisio aliquid valet, neque præputium, sed fides quæ per Caritatem operatur. VOS in libertatem vocati estis, ab illa scilicet veteri lege, quæ erat seruorum, & seruitutem seruiebat durissimam. Nonne hoc credis? nonne Iudaismum detestaris? nonne illum tam alienum à Christiano putas, ut qui vel tantillum iudaizaret, non omnino esset Christianus? Gratias tibi Christe Iesu, cui debemus hoc, quod credimus, & quod profitemur.*

II. PUNCTVM.

SED eadem ipsâ lege Christianâ, vetus homo est proscriptus & abiuratus.

Hoc attentius est considerandum, & primò expende quid sit vetus homo, nempe inclinatio naturæ nostræ corruptæ ad bonum sensuale, ad honores, ad commoda, & delectationem sensuum; vno verbo Concupiscentia est deprauata, quam à veteri Tract. 4. homine, id est, Adamo nascentes accepimus. Peccante primo ho-

mine, inquit sanctus Augustinus, vitium pro natura inoleuit.

In Iam.

Secundò aduerte, quod tamen si habitualis illa concupiscentia radix est malorum omnium, propriè tamen malum eius, de quo hic agitur, non est nisi in actu voluntario, quando scilicet motum inordinatum volentes sequimur: atque adeo, hoc est propriè quod in Propositione dicitur esse proscriptum lege Christianâ, ne scilicet illum naturæ corruptæ motum sequamur. Hoc est quod ait Apostolus, *veterem hominem nostrum simul cum Christi* Rom. 6.
ro crucifixum esse, ut destrueretur corpus peccati, & ultra non seruamus peccato. Sicut enim crucifixus ita ligatus est vt se mouere non possit motu naturali: Ita quilibet Christianus lege Christi sic obligatus est, vt se mouere non debeat motu quouis inordinato naturæ deprauatæ. Hoc est quod idem ait, *nos mortuos esse cum Christo, simulque cum illo resurgentes viuere Deo;* quia perinde debemus abstinere motibus vitæ sensualis, ac si omnino essemus mortui. Talis autem mors vitæ est, vitæ spiritualis, vitæ diuina, vnde tandem concludit. *Non ergo regnet peccatum in vestro mortali corpore, vt obediatis concupiscentiis eius: sed neque exhibeatis membra vestra, arma iniquitatis peccato, sed exhibete vos Deo, tanquam ex mortuis viuentes, & membra vestra arma iustitiæ Deo.* Quod & alibi expressius; *Qui sunt Christi, carnem suam crucifixerunt cum vitis & concupiscentiis.* Gal. 5.

Tertiò denique Considera, quàm verè & certò, eadem lege Christiana veteretur hic verus homo, qua lex ipsa vetus prohibetur; Non potest autem euidentius id demonstrari, quam quod iidem plane verbis eodémque sensu Apostolus indiscriminatim de vtroque loquitur, & vtrumque simul se exuisse asserit, cum se vnum exuisse dicit; Nec aliter scimus Apostolum mundo & carni non viuere, quam quibus verbis scimus, illum legi Iudaicæ mortuum esse. Ad vtramque enim hæc & similia quæ passim habet in epistolis, referuntur. *Ego per legem, legi mortuus sum,* Gal. 2.
vt Deo viuam. Christo confixus sum cruci; Vuo autem iam non ego, viuit verò in me Christus. Et post multa ibidem in hunc sensum relata: *Mihi autem absit gloriari, nisi in cruce Domini nostri Iesu* Ibid. 6.
Christi, per quem mihi mundus crucifixus est, & ego mundo. In Christo enim Iesu, neque circumcisio aliquid valet, neque præputium, sed noua creatura; Et quicumque hanc regulam sequuti fuerint, pax super illos, & misericordia, & super Israel Dei. De cetero nemo mihi mole-

stus sit, ego enim stigmata Domini Iesu in corpore meo porto.

Phil. 3.

Itemque alibi luculentè. Quæ mihi fuerunt lucra, hæc arbitratus sum propter Christum detrimenta; verumtamen existimo omnia detrimentum esse propter eminentem scientiam Iesu Christi Domini mei, propter quem omnia detrimentum feci, & arbitror ut stercorea, ut Christum lucrifaciam.

Gal. 3.

Quid putas Apostolum his velle verbis? Quomodo hæc interpretaris? Vide antecedentia & consequentia, consule quos volueris Patres, antiquos atque novos Interpretes, & vnâ omnium voce disces hæc Apostoli verba, tam de lege veteri, quàm de veteri homine in proprio & literali, ut vocant, sensu esse intelligenda, quia vtrumque scilicet vnum & idem est; nec aliter intelligitur quemquam esse Christi seu Christianum, quàm si vtrumq; exuerit, & legem & hominem veterem: vtrique mortuus sit, vtroque sit liberatus, & pro vtroque vnum sibi esse Christum profiteatur. Nam quod de se ait Apostolus, hoc de omnibus ita esse oportere planè affirmat: *Quicumque in Christo baptisati estis, Christum induistis; Non est Iudæus, neque Græcus, non est seruus neque liber, non est masculus, neque fœmina. Omnes enim vos vnum estis in Christo Iesu.*

O Christianam nobilitatem! O quis mente comprehendat, quid sit Christum induisse! quid cum Ipso vnum esse!

III. P V N C T V M.

Joan. 1.

SICUT ergo à veteri lege, sic à veteri homine, unicuique Christiano est abstinendum; Cum par vtriusque simul eadem lege nouâ, quæ dicitur Gratia & Libertatis sit abrogatio & condemnatio: Idcirco enim dicitur Lex Gratia, quia reuera ex se gratiam continet atque offert, quâ non minùs homo ille vetus exuatur, quàm lex ipsa Mosaica deferatur; ac proinde etiam longè maior est obligatio ex lege illa gratia veterem hominem exuendi, & omnis reprimendæ concupiscentiæ, quàm esset ex lege scripta, quæ licet vetaret concupiscentiam & omne peccatum inde procedens, non tamen conferebat gratiam quam lex noua confert ad hunc effectum: *Lex, inquit, per Moysen data est, Gratia & Veritas per Iesum Christum facta est.* Quod sanctus Augustinus sic exponit: *Non erat ista gratia in veteri testamento, lex enim*

enim minabatur non opitulabatur, iubebat non sanabat, languorem ostendebat non auferbat, sed praparabat medico venturo cum Gratia & veritate. Sic & interlinearis, verè ab eo accepimus, quia lex non tollit mala, sed ostendit & reos convincit ut humilicent se medico, nempe ut se sanandos illi præstent, & præscriptis utantur ad salutem consiliis & mandatis.

Atque hoc ipsum est quod profitemur in Baptismo nos velle; Hoc est quod ibi dicitur Christum induere & novum hominem, id est profiteri se velle vivere non secundum carnem, sed secundum spiritum illum Gratia, quem tunc accipimus; Vnde nihil restat quàm id exequi quod professi sumus. Quod ut fidelius à nobis fiat & constantius observetur: Proponitur hic obligatio, quâ sic tenemur omnes cum Divina gratia, quæ se propterea nobis offert, ad cavendos inordinatos concupiscentiæ motus, sicut ad ipsum Iudaismum execrandum. Si enim utrumque est nobis perinde vetitum, cur non utrumque perinde caveamus? Si de utroque perinde cavendo dedimus fidem & spon- sionem in baptismo, cur vnum planè nolumus, & non perinde aliud? Si nolles Circumcisionem, an velles Purificationem, aut aliam ceremoniam, quâ se Iudæi expiabant? Si nolles Sacrificium expiationis facere, quo illi faciebant modo, an velles eorum holocausta? Sacrificare nolles omnino, sed cur porrò nolles, nisi quia ex æquo illa omnia simul perinde sunt vetita? At si ergo non minùs est vetitus ille pravius concupiscentiæ motus, quo te impelli sentis in peccatum, cur non ita refugis? ita execraris?

Dices fortè, non esse tam grave peccatum, consentire concupiscentiæ, quàm Iudaismo. Sit ita sane, sed an propterea licet consentire concupiscentiæ? an putas leviora peccata non minùs esse vetita, & fugienda, quia sunt leviora? Facilius est illa quidem incurrere, sed non propterea liberior concessa est incurrendi facultas: imò quo propensio maior est & euidentius periculum, eo maior est adhibenda cautio ut evitetur, nec minor illa cautio esse deberet, quàm si de graviore peccato, si de fide, si de Iudaismo ageretur. Multa quidem contrà opponet mundus, multa sensus depravatus & inueterata consuetudo; Verum ipsa est prava concupiscentia, quæ nos sic fascinat, & infatuat, unde hoc ipsum quod Iudæis Apostolus, nobis est

410 Sabbato infra Hebd. 5. post Epiph. Nemo commissuram, &c.

Gal. 3.

applicandum: *O insensati, quis vos fascinavit non obedire veritati, ante quorum oculos IESVS CHRISTVS præscriptus est, in vobis crucifixus! En videtis ipsum Iesum velut proscriptum, ut in vobis proscribat veterem hominem; & eum reuocatis, quem proscribit; neque vos mouet ista Christi Iesu, pendentis & Crucifixi species! Perge ulterius in hoc affectu.*





DOMINICA VI.
POST EPIPHANIAM,
NISI SIT SEPTVAGESIMA.

PARABOLÆ GRANI SINAPIS
ET FERMENTI, QUIBVS VERITATES
EVANGELICÆ DESIGNANTVR.

Simile est regnum cælorum grano sinapis, quod accipiens homo seminavit in agro suo, quod minimum quidem est omnibus seminibus, cum autem creverit, maius est omnibus oleribus, & fit arbor.

Simile est regnum cælorum fermento, quod acceptum mulier abscondit in farine satis tribus, donec fermentatum est totum. Matth. 13.

VERTITAS PRACTICA.

Quò tibi veritates Euangelicæ minùs dignæ apparent quæ considerentur, hoc ipso magis sunt consideranda.

RATIO EST, Quia quò minus dignæ apparent Veritates Euangelicæ quæ considerentur, eo maior indicatur depravatio tui

Iudicij vel voluntatis.

Sed quò maior est talis deprauatio, hoc ipso tibi Veritates ille sunt magis consideranda.

Ergo & quò etiam minùs dignæ apparent quæ considerentur: Ac proinde statuendum est aliquid certius de attendenda earum Consideratione, qui est scopus vtriusque parabola in hodierno Euangelio propositæ.

I. PUNCTVM.

REGNUM Cælorum, quod grano sinapis & fermento comparatur, prædicatio Euangelij est, & notitia scripturarum, quæ ducit ad vitam, & de qua dicitur ad Iudeos: *Anferetur à vobis regnum Dei, & dabitur genti facienti fructus eius.* Sic sanctus Hieronymus, & alij passim Interpretes.

Hanc verò prædicationem Euangelij, & notitiam Scripturarum nos hic breuiùs contrahimus in hæc Duo verba, *VERITATES EVANGELICAE*, quales sunt præsertim Illæ quæ habentur Sermone Domini in monte habito: *Beati pauperes spiritu. Beati mites, beati qui lugent, qui patiuntur propter Iusticiam, & quæ similes supra sensum naturalem & humana Iudicia recensentur.*

Sunt illæ scilicet Veritates velut granum sinapis aut fermentum, quæ res in se cum sint exiguæ, in magnas tamen euadunt, & miros producant effectus. Sic planè nihil vilius aut abiectius humanis apparet sensibus, quàm illæ Propositiones seu Veritates Evangelicæ; quæ si tamen attentius considerentur, si credantur firmitus, & in praxim reuocentur constantius, admirabiles in animis nostris producant fructus. Ne vnquam igitur deterrearis primo earum aspectu ab ea consideratione & assimatione, quam merentur, *Imo quo tibi minùs apparent dignæ quæ considerentur, hoc ipso magis consideranda sunt.*

Nam vt habet allata ratio, quo minùs dignæ tibi apparent quæ considerentur, hoc ipso magis indicatur esse deprauatum tuum iudicium, vel voluntas. Cur sic enim minùs dignæ appa-

rent, nisi quia tu aliter sentis de rebus quas continent, & aliter afficeris circa id quod persuadent? Dicunt scilicet beatos pauperes, & miseros diuites: Tu qui contra sensis, miseros esse pauperes, & beatos diuites; statim reluctaris animo, & auerteris ab illis considerandis, & estimandis, tamquam à fallis & inanibus, aut quæ omnem superent fidem. At nonne hoc indicat magnam deprauationem tui iudicii & voluntatis, ut quæ in Evangelio continentur, quæ ab ipsa Veritate & Sapientia pronunciantur, quæ ab vniuersa recipiuntur Ecclesia, tu homunculus nescio quis statim atque de his audis, contrarium feras iudicium; & veritatem ipsam aut falsitatis condemnes, aut minus dignam iudices, de qua melius intelligenda inquiras attentius & cognoscas! O intolerandam hominis audaciam! O salutarem Christi, quondam loquentis admonitionem: *Nolite Ioan. 8. iudicare secundum faciem, sed iustum iudicium iudicate.* Hinc nempe deprauatio iudicii, quando ex facie tantum seu apparentia iudicatur, sicut tu iudicas; hoc est enim iudicare secundum carnem, secundum concupiscentiam, secundum sensus naturales & humanos, qui ab obiectis lenocinantibus quàm facile corrumpuntur, tam facilè & ipsi corrumpunt iudicium animi & voluntatem. *Vos secundum carnem iudicatis, SPECIES deceptit te, ibid. & concupiscentia subuertit cor tuum. Dan. 13.*

II. PVNCTVM.

SED quo maior est talis deprauatio, hoc ipso veritates Evangelicæ sunt tibi magis considerandæ.

Neque enim velles in hac prauitate iudicii perstare obstinatus & contumax: satis quippe intelligis quale illud animæ & salutis detrimentum foret, si non nisi deprauato iudicio de tantis rebus sentires. Nam cum ex nostro iudicio nostri promanent affectus, ex affectibus componantur actiones, & ex nostris actionibus tota vita dependeat, tota inde à Christo iudice iudicetur; quid sequeretur ex tali tuo iudicio deprauato, nisi deprauata vita? & ex tali vita quid, nisi pessima mors, & horrendum iudicium?

Hinc ergo emergere necesse est, & tam aperto malo remedium inquirendum. Non est autem aliud præsentius cum di-

414 Dominica 5. post Epiph. Parabola grani sinapis & fermenti.

uina gratia, quàm vt has ipsas veritates attentius consideres expensis omnibus circumstantiis, quæ illas spectant, & quæ si diligenter expendantur, illas indubitatæ ostendunt & certissimas. *Luc. 19.* Quia si cognouisses & tu, inquiebat flendo Christus Dominus; nunc autem abscondita sunt ab oculis tuis; Quasi diceret, si serio mecum considerares, quæ tibi mala ventura sunt, profecto tu ea declinares, tu aliter de rebus iudicares & loquereris. Nunc verò cum nolis advertere, nec te etiam malis cripies indesequentibus.

Sic olim Moses: *Deut. 32.* Gens absque consilio est, & sine prudentia, uti-
Jer. 12. nam saperent & intelligerent, ac nouissima prouiderent. Sic Pro-
pheta Ieremias: Desolatione desolata est omnis terra, quia nullus est qui recogitet corde. Expendendum illud recogitet, & applicandum nostro argumento: nempe non semel cogitet, non vt primò apparet, non vt ex prima iudicatur specie seu apparentia; sed recogitet, id est reducat iterum ad suam mentem; Cogitet Quis Veritates Illas Euangelicas pronuntiarit! Quàm sancti, quàm omni fide digni sint qui illas recipiant! quam e contra impij & infidi qui se illis opponant! *Hebr. 12.* Sic Apostolus, Recogitate eum: Iterumque expendite, Quis ille sit qui loquatur, verbo & exemplo, quod vobis proponitur. Si enim recogitetis illum esse Christum, illum esse Deum, illum esse Veritatem infallibilem, qui nec falli potest nec fallere, quomodo non acquiescetis? Quomodo non magis illi crederis quàm mundo, quàm carnì, quàm Dæmoni qui sunt illi tantum oppositi? *In nocte* Aut enim iste fallitur *2^a Dom.* aut mundus errat, sed diuinam falli impossibile est sapientiam. Quæ supra fufius ex S. Bernardo tractata sunt, hic obiter vero vt videas, quod si attentè Veritates Euangelica perpenderentur; deprauatum de his iudicium corrigeretur, atque idcirco etiam vt corrigatur, sic attentius esse perpendendas.

At tu fortè minus eas expendis, ne cogaris corrigere deprauatum iudicium tuum & affectum, adeo foues & diligis hanc deprauatam mentem tuam! Sed nonne hoc est ex illis esse qui dixerunt Deo: *Iob. 21.* Recede à nobis, & scientiam viarum tuarum nolumus. Quis est omnipotens vt seruiamus ei? & quid nobis prodest si orauerimus illum? Nemo quidem sic loquitur: sed quicumque Deum sibi loquentem in scripturis non vult audire, sic loqui dicitur.

III. PUNCTVM.

QUO tibi ergo Veritates Evangelicæ minus dignæ apparent quæ considerentur, hoc ipso magis consideranda sunt: Quia non nili ex deprauatione Iudicii & affectus, minus dignæ apparent quæ considerentur; & non nili ex maiori & attentiori earum Veritatum consideratione, deprauatio illa corrigi potest. Quamobrem quàm necesse est vt hæc corrigatur, tam necessaria omnino est illa maior attentio, & attentior earum consideratio. *Attendite popule meus legem meam, inclinate aurem vestram in verba oris mei. Aperiam in parabolis os meum, loquar propositiones ab initio.* Idcirco, vt ait Euangelista, *in parabolis Christus loquebatur ad turbas, & sine parabolis non loquebatur eis:* vt dum minus Ipse intelligeretur, magis acuerentur animi Auditorum ad eum intelligendum, magis ipsi inquirerent, perscrutarentur & omni modo inuelligarent, sicut & ipse admonebat, *Qui habet aures audiendi, audiat; & qui legit intelligat.* Ps. 77.
Math. 23.
Ibid. 24.

Idcirco etiam Parabola & similitudo grani sinapis & fermenti assumitur, quia vt habet glossa interlinearis de unapi, *quanto plus teritur, tanto plus redolet:* & fermentum non nili multa manuum agitatione & opera fermentatur: quæ sunt aperta Symbole nostræ mentis agitandæ, & multum versandæ circa illas Veritates, quæ non nili diligenter, & attentè perpeniæ, capiuntur.

Trahitur sapientia de oculis, inquit beatus Iob; sed quomodo trahitur nili frequenti meditatione, desiderijs ardentibus, & incensis suspirijs? Nulla via faciliior ad intelligentiam rerum diuinarum & spiritualium, sicut ille se expertum profitetur qui dicebat, *Super omnes docentes me intellexi, quia testimonia tua meditatio mea est.* Quod si laborem in meditando times, cogita illud esse pretium quo veritas emitur, iuxta illud sapientis; *Veritem eme, & noli vendere Sapientiam.* Nonne res tam pretiosa tali digna est pretio? Adde, quod si semel Veritatum illarum intelligentiam & amorem tibi comparaueris, nullus supererit in virtutum praxi labor, nulla molenia, sed omnia tranquillè fluent. Hoc tibi pollicentem audi Dominum Deum tuum, & vide quid illi respondeas: *Hæc dicit Dominus Redemptor tuus, Is. 48.* Iob. 25.
Ps. 119.
Tr. 23.

416 Dominica 5. post Epiph. Parabola grani sinapis & fermenti.
*sanctus Israel, ego Dominus Deus tuus; doceus te utilia, gubernans
te in via qua ambulas. Utinam attenderes mandata mea, facta fuisset quasi flumen pax tua, & iustitia tua sicut gurgis maris.*

HVIC affinis est illa Veritas quæ supra in hac parte, Feria sexta infra hebdomadam 2. post Epiphaniam declarata est:

Si quid nos reuocat à doctrina Christi, vel ob id maximè recipienda est.

QVIA de Consideratione Veritatum opportunus hinc sermo est, opportuna hic etiam esse posset illa Veritas quæ supra refertur 29. Decembris.

Sicut discursum nostri intellectus statim sequi debet affectus voluntatis: Ita & affectum effectus, seu exequutio.

QVOD magis in doctrina Christi refugimus, illud magis esset quærendum: seu, quod idem est, quod magis esset quærendum in doctrina Christi magis illud refugimus, quia nostri nobis placent morbi, neque his sanari volumus: unde satis hic apta & apposita proponi potest Veritas quæ habetur Feria 5. sequentis huius hebdomadæ:

Quod grauius in te est malum, hoc minus vis curari.

CVM in minimis rebus Euangelica includantur Mysteria, certe rerum minimarum cura nobis commendatur, quod referri possunt hæ Veritates:

In paruis, maior est serui Dei fidelitas.

Habetur infra, Feria sexta huius sequentis hebdomadæ.

Cura rerum minimarum rem procurat omnium maximam.

Declaratur.

Veritates Euangelicae tanto magis consideranda, &c. 417
Declaratur Sabbato infra hebdomadam quartam post Pentecosten, in
3. parte.

Nec magna bene, si parua malè.

In eadem 3. parte, Feria 5. infra hebdomadam octauam, ubi haec duae
ipsae parabola de grano sinapis & fermenti exponuntur.

DE Humilitate generosa & magnifica, quæ his parabolis ob-
uelatur.

Hæc est maximè laudabilis Humilitas, quæ sic laudes
fugit, vt laudanda non omittat.

Nullus est diues, Humili quantumuis paupere, ma-
gnificentior.

Habentur amba consequenter in eadem 3. parte, Feria tertia &
quarta, infra hebdomadam duodecimam.

Quæ de Humilitate plures alibi: Vide verbo Humilitas, & in 4.
parte, Dominicam 16.



HAC HEBDOMADE, Myſteria quæ occurrunt
consideranda, continent ſex Chriſti Domini Titulos,
ſeu Qualitates conſideratione digniſſimas, in totidem
dies.

FERIA SECVNDA.
DE PRIMO DOMINI IN TEMPLVM
INGRESSV, VNDE EIECIT VENDENTES,
ET VBI OSTENDIT SE SVMMVM
DOMINVM.
QVÆ EST PRIMA EIVS CONSIDERANDA
QUALITAS.

418 FERIA 2. infra Hebd. 6. post Epiph. Cum fecisset, &c.
Cum fecisset quasi flagellum de funiculis, omnes eiecit de templo: & dixit, auferte ista hinc. Ioan. 2.

VERITAS PRACTICA.

Quanto minùs murmuramus, aut omninò tacemus, flagellati à Domino, tantò altiùs altissimum eius Dominium prædicamus.

RATIO EST, Quia quantò nos perfectiùs diuino Dominio subijcimus, tanto illud altiùs prædicamus.

Sed quanto minùs murmuramus, aut omnino tacemus, flagellati à Domino, tunc perfectiùs nos diuino Dominio subijcimus.

Ergo & tunc tanto illud altiùs prædicamus. Quod certè est commendandum.

I. PUNCTVM.

NONDVM in primariam Palestinæ Ciuitatem ingressus erat Dominus, ex quo cepit inter homines conuersari, & palam omnibus prædicare; sed se in Galilæa continuerat, vbi quæcumque hætenus considerata sunt, gesta leguntur. Nunc autem, cum propè esset Pascha Iudæorum, inquit Ioan. 2. Euangelista, ascendit Iesus Ierosolymam, & inuenit in templo vendentes oues & boues, & columbas, & nummularios sedentes; & cum fecisset quasi flagellum de funiculis, omnes eiecit de templo, oues quoque & boues, & Nummulariorum effudit as, & mensas subuertit, & his qui columbas vendebant, dixit; auferte ista hinc, & nolite facere domum patris mei, domum negotiationis.

Expende singula, & mirare Potentiam, quam primo hoc ingressu Iudæis voluit manifestare. Maior hîc demonstrata est potentia, inquit Origenes, quàm in miraculo mutationis aquæ in vinum: illic enim inanimata subsistit materia, hîc vero hominum domantur ingenia. Et sanctus Hieronymus: Mihi inter omnia Domini signa, hoc videtur mirabilius, quòd homo tantopere contemptibilis illo tem-

pore: Scribis & Pharizæis contrà ſauientibus, vno flagello tantam potuit eiicere multitudinem. Igneum quiddam & ſydercum radiabat ex oculis, & Diuinitatis maiestas lucebat in facie, quando ſcilicet ſic volebat indicare ſuum Dominium & ſuam exercere Potentiam. Nunc verò licet abſens corpore, ſic ſæpe nobiſcum agit, ſic ſuum nobis manifeſtat Dominium, ſic flagellum de funiculis vanitatum, vt Propheta loquitur, ipſe facit, & eiiciens de templo cordis noſtri mundana & profana, *Auferte*, inquit, *iſta hinc*. Tum verò ad corpus ſeu externa bona, & quidquid noſtrum eſt ſe extendens, ſæpe euerit & effundit, quod male ſtruxeramus. Sic ſanctus Auguſtinus: *Prorſus ad Deum tuum, refer flagellum tuum*. Quomodo refers? quomodo ſuffers? an illum agnoſcis Dominum? an de ſummo eius Dominio ſentis & loqueris, vt ſentire par eſt? Agnoſce ex Veritate propoſita & declaranda: *Quanto enim minus murmuramus, aut omnino tacemus flagellati à Domino, tanto altius altiſſimum eius Dominium prædicamus*.

Sic porro declaratur: Quanto perfectius Diuino nos Dominio ſubiicimus, tanto illud altius prædicamus. Tres quippe modi ſunt, quibus de Deo, diuinisſque eius Attributis quid ſentiamus, expromere poſſumus. Primus, cùm de his verba facimus, & quantum in nobis eſt dignè & magnificè coram loquimur. *Beatus, & ſolus potens, REX Regum, & Dominus Dominantium*. Secundus, cùm ipſi nos ad Deum affectum noſtrum promimus: *Domine, Domine, Rex omnipotens, in ditione enim tua cuncta ſunt poſita, & non eſt qui poſſit reſiſtere tua voluntati: Dominus omnium eſ, nec eſt qui reſiſtat maiestati tue*. Tertius denique, cùm reipſa nos diuino eius Dominio ſubiicimus, tunc opere magis loquimur, quàm vllis verbis, in hac potiſſimum materia, vbi ſatis facile eſt dicere, Domine, Domine; ſed quando difficultas occurrit in colendo eius Dominio ſeu facienda voluntate, tunc reuera indicatur, quis illum agnoſcat Dominum, & quantò tùm perfectius, quis ſe Diuinæ illius Voluntati & Potestate ſubmittit, tunc altius prædicat, quàm ſit altum & ſummum eius Dominium, cui non poſſit reſiſtere, licet velit; & cui nolit reſiſtere, licet poſſit. *Seruus meus es tu, Iſrael, quia in te gloriabor*; Quando me ſcilicet verè Dominum tuum agnoſces: Tunc enim eſt gloria Domini, quando verè agnoſcitur Dominus; Et certè magna eſt etiam ſerui gloria, ſic Dominum poſſe agnoſcere,

Ps. 105.

ut inde gloriatur : *Vt confiteamur Nomini sancto tuo , & gloriemur in laude tua.*

II. PUNCTVM.

SED quanto minùs murmuramus , aut omnino tacemus flagellati à Domino , tunc perfectiùs nos diuino eius Dominio subijcimus.

I. Cor. 10.

Tres sunt etiam modi , quibus hæc subiectio à tribus hominum generibus in aduersitate redditur. Primò , cùm qui aduersis premuntur , dolent vehementer , & nonnihil murmurant ; sed Deum tamen reuerentur , nec irrumpunt in illas blasphemias , & grauiorum murmurum voces , quas effundunt hi , qui nullo Dei timore coercentur. *Neque murmuraueritis , sicut quidam eorum murmurauerunt , & ab exterminatore perierunt :* inquit Apostolus loquens de Israelitis , quorum murmur fuit grauissimum , à quo qui se temperarit in aduersis , dicetur se subiicere Deo , licet alioquin de suis ille aduersis grauiter doleat.

Tob. 10.

Secundò , cum in aduersis positi non murmurant quidem de Deo , quem Bonum & Iustum norunt , sicque se illi subiiciunt : sed dolentes de aduersitate , dolorem suum exprimunt & exprimendo augent , vel leniunt aliquando narratione suæ miseriæ : *Hen heu me fili mi ! ut quid te misimus peregrinari , lumen oculorum nostrorum , baculum senectutis nostræ !* Sic pluribus absentiam filij sui Tobias , deflebat Mater.

Ibid. 3.

Tertiò denique cùm neque murmure , neque fletu , nec vlla vocis acerbitate mouemur in aduersis , sed vel omnino tacentes , si qui rebelles animi motus insurgant , silentio reprimimus , vel si quid loquimur , non nisi ad reprimendos alios nobis grauius indolentes loquimur : sicut Tobias pater coniugem suam admonerat : *Tace , & noli turbari , sanus est filius noster , satis fidelis est vir ille , cum quo misimus eum.* Tunc perfecta ista subiectio , tunc perfectiùs nos diuino Dominio subijcimus , quia sic anima & corpore atque adeo nobis totis nos illi submittimus : sic intellectum , voluntatem , & omnes affectus circa illa bona , quorum iacturam facimus , vna linguæ continentia , Deo consecramus ; Nam , ut ait sanctus Iacobus , *lingua constituitur in membris nostris* , Id est , sic loquimur pro vnaquaque parte corporis , aut animi nostri , quasi pars illa linguata esset , quasi lingua illic esset , quæ

Iac. 3.

Quanto minus murmuramus flagellati, tanto magis, &c. 421

ius illius partis, si forte læditur, tueatur. Quamobrem si lingua ^{ibid.} contineatur, ceteræ omnes partes continentur. Potens est ille vir continens linguæ suæ, *etiam freno circumducere totum corpus*, ait idem sanctus Apostolus. Sicque patet quàm perfectè & integrè, dum silemus in aduersis, nos diuinæ subiicimus potestati. *Obmutui & non aperui os meum, quoniam tu fecisti.* Itane silendo ^{Ps 38.} loqueris? Itane loquendo files?

III. P V N C T V M.

QUANTO igitur minus murmuramus, aut omnino tacemus flagellati à Domino, tanto altius altissimum eius Dominium prædicamus; quia sic perfectiùs nos illi subiicimus, sicque subiecti, tacentes magis loquimur, quàm si non ita subiecti, longos de Diuino Dominio sermones haberemus. *Vide vt sicas*: Hoc im- ^{Is 7.} primis dictum à Propheta, Regi afflictissimo, quod si seruaret, futurum certò erat, vt afflictione quantocyus liber euaderet. Hoc etiam euidenter demonstratur in beato illo Iobo, qui cum multa de Deo sanè piè & sapienter; ac nonnulla de se cum amicis suis egisset, ab ipso tamen Deo tam seuerè est admonitus, vt poenituerit loquutum esse: *Insuper, inquit, loquutus sum, &* ^{Iob 42.} *qua ultra modum excederent scientiam meam; Idcirco ipse me reprehendo, & ago penitentiam in favilla & cinere.*

Denique quid illustrius ad veritatis Confirmationem, quàm quod in Apocalypsi cuidam in aduersis tacenti dicitur: *Quoniam* ^{Apoc. 43.} *seruasti verbum patientiæ meæ, & ego seruabo te ab hora tentationis, qua ventura est in orbem vniuersum, tentare habitantes in terra.* Tentatio illa fuit ingens persecutio sub Traiano, in qua multi fideles defecerunt à fide; neque hic forte fuisset constantior, nisi singulari Dei protectione seruatus esset; hanc vero meruit protectionem sua patientia, & patientiam tentatus est suo silentio; O silentium omni linguâ disertius!

Vide quàm grauitè & quàm saepe contrà pecces; *Hæc dicit* ^{Exod 10.} *Dominus Deus; Vsq; quò non vis subijci mihi?* Si vero numquam certius te illi subiicies, quàm si flagellatus taces, vsquequo murmurabis? vsquequo non silebis? An doles te à Deo patre in filium recipi? *At flagellat omnem filium quem recipit*, inquit Apo- ^{Hebr. 12.} *stolus; Rursúmque alibi: Omnia facite sine murmurationibus, &*

422 FERIA 3. infra Hebd. 6. post Epiph. Colloquium, &c.

Phil. 2. habitationibus ut sitis sine querela, & simplices filij Dei. Quasi diceret: hæc est certa nota, si flagellatus non murmuraueris. Quasi
1. Pet. 1. filij obedientia, non configurati prioribus ignorantia vestra desideris.



FERIA TERTIA.
DE COLLOQVIO NICODEMI
CVM DOMINO IESV, QVI SE TVM VERE
MAGISTRVM OSTENDIT.

Rabbi, scimus quia à Deo venisti, Magister.
Ioan. 3.

VERITAS PRACTICA.

Qui non renuntiat omnibus, non potest esse Christi
Discipulus.

RATIO hæc est inter alias, quòd oportet Christi discipulum esse
docilem & tractabilem, siue ut docentem Magistrum audiat,
siue ut auditis credat, seu denique ut quod credit exequatur.

Sed nisi discipulus renuntiet omnibus, non erit ita docilis.
Ergo nec erit etiam Christi discipulus: Quamobrem acceptanda
renuntiatio, quæ proponitur, aut renuntiandum Christo Magistro.

I. P V N C T V M

REMANSIT in vrbe Ierosolyma, Christus Dominus
per dies festos Paschæ, ibique tum pluribus editis miraculis, multos è Iudæis ad se conuertit, quos inter Nobis

Qui non renuntiat omnibus, non potest esse Christi discipulus. 4 23

lissimus ille est, de quo sic Euangelista sanctus Ioannes: *Erat autem homo, ex Phariſæis, Nicodemus nomine, princeps Iudeorum: hic venit ad Iesum nocte, & dixit ei; Rabbi, ſcimus quia à Deo venisti, magister, nemo enim potest hæc signa facere quæ tu facis, nisi fuerit Deus cum eo.*

Tum vero multis ei respondit Dominus Iesus, quæ videri possunt, quibus ita permotus est Nicodemus, ut se deinceps discipulum eius palam professus fuerit, & constanter pro eo contra Iudæos steterit, atque etiam Apostolis in fugam lapsis, audacter ipse cum Arimathæano Iosepho, corpus Domini Crucifixi de cruce deposuerit, & aromatibus conditum sepelierit. Ioan. 7.
Ibid. 19

Admiranda quidem huius discipuli docilitas, qui tam facilem se præstiterit suo Magistro, sed magis admiranda Magistri dignitas, autoritas, sapientia, bonitas & potentia, qui tam brevi tempore tales formet discipulos. Tu tamen anime, qui hoc Magistro gaudes, unde tam parum proficis? Fortè id defectu Veritatis propositæ, cui quantum tibi necesse esset, non te satis conformas. Vniuersalis enim est & fixa Magistri sententia, *Quod omnis qui non renuntiat omnibus quæ possidet, non potest eius esse discipulus.* Ipse est diuinus Magister, ipsa est Veritas, quæ hoc Editum protulit; quando nulla succurreret dici ratio, sufficit sic dictum esse ut credatur: sufficit sic imperatum esse ut impleatur. Neque verò desunt rationes, quæ id demonstrant; Atque hæc inter alias videtur expendenda; Quod oportet Christi discipulum esse docilem & tractabilem, nunc ut docentem quiete audiat, siue ut auditis non reluctanter credat, siue ut quæ credit & quæ opere complenda sunt, constanter impleat. Quæ cum de omnibus discipulis erga quemuis magistrum dici possint, tum de Christi discipulis vel maxime, quod quæ suis Christus proponit, tam sublimia sunt, & supra omnem intelligendi facultatem; ut nisi discipulus sit valde docilis, numquam dicenti credat; *Durus est hic sermo, & quis potest eum audire?* dicebant illi indociles. Adde quod, etiam audiretur, & quantum est ex parte intellectus, crederetur: durus tamen ita est sermo voluntati, ut ne repugnet dictis, docilitas tam sit necessaria, quam facilis est alioquin voluntatis repugnantia. *Et non vultis venire ad me, ut vitam habeatis!* Iorn. 6.
Ioan. 5.

Atque hinc Propheta, hanc præcipue docilitatem, vel futu-

*If 54.
Ioan. 6.*

ram prædixerunt, vel ut necessariam denuntiarunt, unde ipse Dominus & Magister: *Est, inquit, scriptum in Prophetis, & erunt omnes docibiles Dei*: non quod omnes futuri sint tales, sed quod omnes qui velint eius esse discipuli, tales ut sint necesse sit; Numquid vis eius discipulus fieri? Numquid vis fieri, quod ita necesse est fieri, ut nisi fiat, non sis Christi discipulus?

II. PUNCTVM.

SED *nisi quis renuntiet omnibus, non erit Christo docilis.*

Nam primò quidem non erit docilis circa hoc primum documentum, quo iubetur à Christo renuntiare omnibus. Deinde verò si se indociem ita præstet, ut iubenti Magistro renuntiare omnibus, non renuntiet; sed sibi referuet aliquid vel effectum vel affectum, profectò circa hoc etiam quod referuat erit indocilis, quando quid in particulari iubebitur quod illud spectet. Nam quamdiu erit inordinatus rei affectus, tamdiu erit indocilitas voluntatis, quæ non patietur tangi quod nimis diligit; Atque hæc indocilitas tam dura erit & pertinax, ut intellectum ad se pertrahat, & indocilem reddat ad credendum, quod alioquin facile crederet, si à peruersa voluntate non peruerteretur.

Ioan. 3.

Hoc videlicet est, quod Magister noster Nicodemum docebat dicens; *hoc est iudicium, quia lux venit in mundum, & dilexerunt homines magis tenebras, quàm lucem, erant enim eorum mala opera; omnis enim qui malè agit, odit lucem, & non venit ad lucem, ut non arguantur opera eius*. Id est, quando quis ita affectus est circa obiectum aliquod peccati, ut affectum nolit deponere: non vult cognoscere ibi esse peccatum, ne hac cognitione cogatur affectum deponere, sicque voluntas indocilis impedit intellectum, ne se docilem præstet: ac proinde nulla est docilitas animi, nisi voluntas renuntiet vel his affectibus quibus detinetur, vel his mundanis rebus, quæ tales affectus excitant & nutriunt.

*Lud. 8.**Ecclesi. 32.*

Hæ sunt fatales spinæ, quæ suffocant verbum Dei, ne fructum ferat: hæc sunt zizania seminata in medio tritici. Hæc est via ruinæ & via laboriosa cui non est credendum ex cōsilio Sapientis, ut non offendas in lapides, & ne ponas animæ tuæ scandalum, id est, obstacula & impedimenta fidei ac salutis.

Non

Qui non renuntiat omnibus, non potest esse Christi, &c. 425

Non credes Euangelio, non credes dicenti Christo, si quid dixerit contra id quod ita diligis, & ita possides, ut ei renuntiare nolis. Testis ille adolescens, qui affixus bonis suis non credidit se reperturum thesaurum in coelo si terrena despiceret. Testes illi qui Dominum contra diuitias disputantem deridebant, qui scilicet erant auari, ut expressè refert Euangelista. Omnes illi denique testes, quibus exprobrabat, *Quomodo vos potestis credere, qui gloriam ab inuicem accipitis, & gloriam qua à Deo solo est non queritis?* *Matth. 19. Luc. 16. Ioan. 5.*

Sicut ait de stulto Sapiens; *Non recipit stultus verba prudentiae, nisi dixeris ea quae versantur in corde suo*: Ita planè de omni inordinato affectu; Vix aliud persuaderi potest quàm quod diligitur. Praeoccupata Mens est quae vix ulli locum relinquat rationi & fidei. Nauis est anchora & funibus alligata certo cuidam loco, unde se mouere non potest, quocumque aspirante vento. Non ut hoc esse tractabilem, non est hoc esse docilem, Vae nobis si tales habuissimus Apostolos.

III. PUNCTVM.

Qui non ergo renuntiat omnibus, non potest esse Christi Discipulus, Quia non potest esse docilis, qualem oportet esse Cuius discipulum: Vnde pridem Isaias, *Quem docebit scientiam, & quem intelligere faciet auditum?* *Ab lactatos à lacte, auulsos ab uberibus.* Hi nempe sunt dociles qui sunt à suis abstracti cupiditatibus, qui nulla re interna vel externa detinentur quin audiant & sequantur docentem Christum, qui propterea suis dicebat: *Si vos manseritis in sermone meo, verè discipuli mei eritis, & cognoscetis veritatem, & veritas liberabit vos.* Quasi diceret, multi se dicunt discipulos meos, aut tales apparent, qui verè non sunt. Nam hi verè sunt discipuli, qui cum audierint sermonem meum, se ita dociles reddunt, ut ei credant & acquiescant, quia sic à me audierunt, licet non capiant, licet non intelligant, hoc vñ sciant, quod Christus hoc dixerit & imperarit, & satis illis est ad obsequendum. Tum verò illi post cognoscent veritatem quam non intellexerant, antequam crederent: & cognita veritas ita confirmabit eos in fide & charitate, ut planè liberet intellectum non modò ab omni errore contrario, & voluntatem

Hh h

426 FERIA 3. infra Hebd. 6. post Epiph. Colloquium Nicomedi, &c.

ab omni affectu opposito; sed etiam ab aduersariis, & his inimicis qui contrà solent eos impugnare. Vide in 2. parte, FERIA 2. infra Hebdomadam 4. post Palcha, vbi hæc proponitur Veritas: Non est prius intelligendum vt credas, sed primo credendum est, vt post intelligas.

1710. Egregia verò est huius perfectæ docilitatis & renuntiationis forma in Propheta qui de se ait, aut de Christo in persona sua. *Dominus meus aperuit mihi aurem, ego autem non contradico, retrorsum non abiij, corpus meum dedi percutientibus, & genas meas vel- lentibus: faciem meam non auerti ab increpantibus, & conspuentibus in me: Dominus Deus auxiliator meus, ideo non sum confusus: Ideo posui faciem meam vt petram durissimam, & scio quoniam non confundar; Iuxta est qui iustificat me, quis contradicet mihi? stemus simul, quis est aduersarius meus? accedat ad me, ecce Dominus Deus auxiliator meus, quis est qui condemnet me?*

In his enim tria sunt, quæ rem omnem conficiant. Primum est docilitas intellectus; *Ego autem non contradico*. Deinde voluntatis in rebus difficillimis, & vbi apparet manifesta renuntiatio rerum carissimarum. *Corpus meum dedi percutientibus*. Denique si quid contrà intellectui & voluntati opponatur, hoc vnum responderi debet, quia sic Dominus verbo & exemplo & auxilio, quo vno duce fretus nihil expauescat. Quid enim opponi possit contra verum Christi discipulum, quod non ipsi Christo posset opponi? At quid Christo possit opponi, quod non verus eius discipulus velit profiteri? *Non est discipulus super Magistrum, nec seruus super Dominum suum, sufficit discipulo, vt sit sicut Magister eius, & seruo sicut Dominus eius*. Velle sine supra esse? Ergo aut infra, aut sicut ille: sicut ille suis omnibus renuntiavit; sic te oportet tuis, ne sit supra Magistrum Discipulus.



FERIA QVARTA.

DE ACCVSATIS A PHARISÆIS, APOSTOLIS, QVOS CHRISTVS DOMINVS

Qui nimis humana timet iudicia, non satis reueretur, &c. 427.

VT SUPREMVSVS IVDEX ABSOLVIT,

ET ACCVSANTES

CONDEMNAT.

Ecce quid faciunt discipuli tui Sabbatis, quod non licet. Marc. 2.

VERITAS PRACTICA.

Qui nimis humana timet iudicia, non satis reueretur Diuina.

RATIO EST, Quia qui nimis humana timet iudicia, hoc timore sepius permouetur ad omittendum vel committendum aliquid contra Deum.

Sed quisquis ita permouetur contra Deum, non reueretur diuina iudicia.

Ergo neque ille qui nimis humana timet. Et tamen quanti sunt in hoc nimio & peruerso timore?

I. P V N C T V M.

IN id vnum videbantur intenti Pharisei, vt modò accusarent Magistrum apud discipulos: modò discipulos apud Magistrum: *Quare cum publicanis & peccatoribus Math. 9: manducat Magister vester?* Sic paulò antè audiuius eos de Magistro conquerentes. Nunc verò cum fortè discipuli Sabbato per sata, siue per segetes iter haberent, & famem euulsis manu spicis solarentur: *Ecce, inquit, discipuli tui faciunt quod non licet.* At Dominus factorum omnium & dictorum Cognitor ac supremus Iudex, latà sententià declarat innocentes discipulos: Et accusatos absoluens, condemnat Phariseos accusantes. *Sic 42 10. ipse est constitutus à Deo Iudex viuorum & mortuorum. SIC ipse est 17 33. Dominus Iudex noster, Legifer noster, Rex noster, Sic ipse denique de se ipso: Pater omne iudicium dedit Filio, vt honorificent Ioan. 5.*

Hhh ij

428 FERIA 4. infra Hebdomadam 6. post Epiphaniam. Ecce quid faciunt, &c.
omnes Filium, sicut honorificant patrem.

Honorem illi exhibe ut Iudici, agnosce quàm perfectè possideat omnes Iudicis partes seu qualitates; Iurisdictionem, Scientiam, Æquitatem & alias. O summe Iudex, quis de his dubitet? Et tamen anime quàm parum reueremur eius iudicia! *Certe qui nimis humana timet, non satis reueretur diuina*, Et apertè sentimus, quantum humana timeamus.

Inordinatus utrimque timor, & quâ parte deficit, & quâ excedit. Ad suum itaque medium ut reuocetur, expende quid sit quod qui nimis humana timet iudicia, non satis reueretur diuina. Nempe hoc habet humanus timor, ut ne incidat in hominum iudicia, multa committat vel omittat contra diuinas leges. Sunt enim hæ diuinæ leges vel positivæ omnes, vel negativæ, id est vel aliquid præcipiunt faciendum, vel prohibent ne quid fiat. In utroque autem sæpe aliter sentiunt & iudicant homines, ac diuinæ ferunt leges: sæpe homines damnant, quod probat & præcipit Deus; sæpe etiam id est gratius hominibus, quod odiosum est Deo: *Non enim cogitationes meæ, cogitationes vestrae: neque via vestra, via mea, dicit Dominus*. Atque hinc fit, ut qui nimis humana timet iudicia, omittat illud quod præcipit Deus, vel committat quo prohibet, ne humano videlicet damnetur iudicio. *Dilexerunt, inquit, gloriam hominum magis, quàm gloriam Dei*; Id est, maluerunt placere hominibus, aut magis timuerunt illis displicere, quàm Deo. Vnde licet crederent Christo, non audebant tamen propter Pharizæos confiteri, *ut è Synagoga non ejicerentur*; O peruersum timorem! *Timidis & incredulis pars illorum erit in stagno ardenti igne*.

Is. 55.
Ioh. 12.
Ib. 29.
Apoc. 21.

II. PUNCTVM.

SED quisquis ita mouetur contra Deum, ut vel omittat quod præcipit, vel committat quod prohibet, non satis reueretur diuina iudicia.

Imò nec omnino reueretur, cum apertè peccet in Deum, & ideo tantum peccet, ut placeat vel ne displiceat hominibus. Tum enim duo simul concurrunt, quæ diuinam offensionem augent, vel plurimum. Primum est culpa, quæ vel omissione

Qui nimis humana timet iudicia, non satis reueretur, &c. 429

vel commissione contrahitur. Alterum est causa culpæ, nempe hominum maior metus & cultus, quàm Dei, quod postremum per se solū valde iniuriosum est Deo. *Quid est homo*, inquit Sapiēs, *Ecclesi. 18.* *& quæ est gratia illius? Et quid est bonum aut quid nequam illius?* Quasi diceret, quid sperandum boni, aut timendum mali ab homine, quod non magis à Deo speretur vel timeatur? Vnde si quis spe aliqua boni, vel timore mali prætulit hominem Deo, Deum valde offendit, à quo longè alia speranda essent bona, vel timenda mala. *De ore tuo te iudico serue nequam*: hoc illi di- *Luc. 19.* uinus dicit Iudex, nempe qui timore mali permoueris, quare non magis timuisti malum, quod à me tibi grauius imminebat, quàm ab illo quem mihi prætulisti?

Atque hinc sententia damnationis, quæ iam prolata est, *Duplicate duplicia secundum opera eius: in poculo quo miscuit, miscete illi duplum*, Id est, augete illi duplo poenam pro illo peccato, quod timore hominum fecit, duplicetur poena damni, duplicetur poena sensus & omnia duplicentur, quia nimis timuit timendo homines, & non satis timuit non timendo Deum. *Apoc. 10.*

Satiſſime hæc graua & pauenda, vt agnoscas quàm grauiſſe offendium propterea demonſtret Deus, quod humano metu offendatur?

III. PUNCTVM.

QVI nimis igitur humana timet iudicia, non satis reueretur diuina: Cum ex humano illo metu multa peccet in Deum, quæ tanto certè grauiora sunt, quanto Deus magis erat timendus, quàm homo cui præfertur. *Dico vobis amici mei ne terremini* *Luc. 12.* *ab his qui occidunt corpus, & post hæc non habent amplius quid faciant: ostendam autem vobis quem timeatis, timeate cum qui postquam occiderit, habet potestatem mittere in gehennam: ita dico vobis hunc timeate.*


Sic timebat ille qui ab amicis importunè sollicitatus, vt contra religionem humanis se tantisper accommodaret iudiciis; *Etsi*, inquit, *in presenti tempore supplicii hominum eripiar, sed* *Eleazarus* *manum omnipotentis nec viuus nec defunctus effugiam.* Sic de aliis *2. M.* Martyribus S. Ambrosius explicans illud Dauidis, *Principes per-* *ps. 118.* *secuti sunt me gratis, & à verbis tuis trepidauit cor meum.* PONE,

430 FERIA 4. infra Hebdom. 6. post Epiph. Ecce quid, &c.

inquit, martyrem inter pericula constitutum, cum inde immanitas bestiarum ad incutiendum tremorem infremat, aliunde stridor candentium laminarum & flamma fornacis ardentis exastuet: ex parte alia personent tractus grauium catenarum, hinc carnis ex cruentus assistat. Pone inquam circumspectantem omnia plena suppliciis, deinde cogitantem mandata diuina, illum ignem perpetuum, illud sine fine incendium perfidorum, illam pœna recrudescentis aramnam; trepidare corde, ne dum presentibus cedat, perpetuis se dedat exitiis; perturbari animo, dum futuri iudicij romphœam illam terribilem, quadam conspectus specie contuetur.

Hoc est scilicet remedium inordinati timoris humani, diuinum sibi grauiorem proponere; Neque id verò tantum, cum de fide agitur, sed in quolibet peccati casu, qui frequentissimus
Rom. 29. est timenti nimis homines, iuxta illud Sapientis; *Qui timet ho-*
1. Cor. 4. *minem, cito corruet.* Ah quoties sic corruisti? Expende; Sic porro
Gal. 1. Apostolus se contra muniebat: *mibi pro minimo est ut à vobis iudicer, aut ab humano die, sed neque meipsum iudico: qui autem iudicat me, Dominus est;* Et alibi. *An quero hominibus placere? si adhuc hominibus placerem, Christi seruus non essem.* Rursumque
1. Thess. 2. idem, *Ita loquimur non quasi hominibus placentes, sed Deo qui probat corda nostra.*

Omnino vide libri tertij de Imit. Chr. caput tricesimum sextum. Et frequenter ora cum Dauide: *Iudica iudicium meum, & redime me.*



FERIA QVINTA.
DE SANITATE RESTITVTA
OMNIBVS AD CHRISTVM ACCEDENTIBVS,
QVI SE MEDICVM ANIMARVM
ÆQVE AC CORPORVM FECIT.

Multos enim sanabat, itaut irruerent in eum, et

Quod grauius in te est malum, minùs vis sanari. 431
eum tangerent, quotquot habebant plagas.
Marci 3.

VERITAS PRACTICA.

Frustra multiplicas medicamina, sanitas non erit tibi; *Ier. 46.*

Quod grauius in te est malum, hoc minùs vis sanari.

RATIO postrema partis quæ sola difficultatem habet, hæc est inter alias, quia quod grauius in te malum est, quòdque maximè Medicus tuus Christus sanare vult, est affectio quædam vehementior.

Sed illa est, quam minus vis sanari, & in qua curanda magis ei resistis.

Ergo & quod grauius in te est malum, hoc minùs vis sanari; ac proinde illud Ieremias facile sequitur: frustra multiplicas medicamina; sanitas non erit tibi. Quod certè est expauescendum.

I. PUNCTVM.

FREQUENTISSIMA est & penè quotidiana repræsentatio sanitatis restitutæ à Christo Domino variis agris, & malè habentibus quocumque genere morbi: Verùm hic apparent tria, quæ considerationem nostram præcipuè figant & detineant in hac materia. Primum est quod *Math. 12.*
cùm Dominus ingressus esset Synagogam die Sabbati, ibique *Marc. 3:*
homo esset habens manum aridam, obseruabant Dominum aduersarij, si Sabbatis curaret, vt accusarent illum. Tùm verò *Luc. 6.*
Iesus hominem in medium venire iussit, & vt luculentior esset sanitatis restitutio, coram omnibus eum sanat, docètque omnes, adeo nihil esse, quod arguatur si sanandis morbis operetur die festo, vt vel maximè tam pium & religiosum opus tum sit

patrandum. Quo sanè dicto & facto si vnquam alias, Medicum sese professus est, & hanc beneficentiæ suæ exercitationem quanti æstimaret, planè indicauit.

Secundum verò quod aduertat; cùm nihilominus Pharizæi non desinerent murmurare, infrendere, & grauius aliquid meditari contra Dominum Iesum; ne fortè propterea retardarentur Infirmi ab eo conueniendo, secessit inde in commodiorem locum, quò statim omnes malè habentes confluxerunt & sanati sunt. Tercium denique, tanta erat sanitatis recipiendæ facilitas, ut si vel leuiter eum tangerent, illico corpore curarentur & animo. O potentiam medici! ó bonitatem! quid est ergo anima mea, cur nondum sanati sumus, qui tam frequenter ad illum ipsum medicum accedimus, & tam multa medicamina sumimus? Audi & contremisce: *Quod grauius in te est malum; hoc minus vis sanari.* Frustra multiplicas medicamina, frustra medicum consulis, quia quem vellet magis sanare morbum, tu contrà reniteris, atque in hoc sanando morbo, magis ei resistis.

Quod sanè si verum est, vides quàm sit luctuosum & tremendum: Quam verò id sit verum, aperta est ratio; Quia quod grauius in nobis est malum, est affectio quædam vehementior circa quoduis obiectum, siue sit complacentiæ, siue displicentiæ & auersionis, siue in vanitatem alliciat, siue in voluptatem, aut in terrenas commoditates, siue in amicitiam personarum, siue in odium; quæcumque tandem sit illa vehementior animi affectio, tu ipse videris, illa est grauius animi malum, quia magis damnoſa est, magis intrinseca est, magis cognita, magis voluntaria, magis occupat animum, magis intellectum obstruit, magis voluntatem acuit ad crebriores, & vehementiores actus producidos, magis memoriam replet, & cæteras omnes animi operationes in se transformat. *Transierunt in affectum cordis*: hæc est prauitas cordis, hæc est propria concupiscentia, iuxta quam ambulare dicuntur, qui ambulant in interitum suum; hoc est peccatum ad mortem, de quo sanctus Ioannes, & de quo ipse Dominus: In peccato vestro moriemini, nisi scilicet opportunum adhibeatis remedium.

Iac. 1.

2. Pet. 3.

1. Ioan. 5.

Ioan. 8.

Ac propterea facile est cogitare, quàm prima & præcipua hæc sit cura Medici animarum Iesu, circa hoc grauius malum. Siue enim suam gloriam respiciat in curatione animæ, siue ipsius animæ

animæ bonum; certè vtriusque interest, vt quod est grauius primò curetur. Nam, vt ait Sapiens, *languor prolixus grauat medicum: Breuem languorem præcidit medicus*, Id est, peritus in hac arte, in hoc ostendit peritiam suam, si præcidat morbum: præcidit autem, cum ad radicem & grauitatem mali quamprimùm se applicat. Vnde licet minores quidam morbi augeantur, si tamen curetur grauior, tum curari & sanari infirmus dicitur. Sic planè in morbis animi, sic præciduntur, quando quod est in intimo grauius primò curatur, sicque etiam permittuntur minora quædam mala, vt graviora sanentur; Quod expressè sanctus Thomas post sanctum Augustinum, refert de peccato immunitiæ ad remedium latentis superbix; quæ vix alioquin curetur. Numquid is forte est grauior morbus tuus? Numquid à superbia vel voluptate, plaga tua damnosior? *Vide vias tuas in conualle; scito quid feceris, cursor leuis explicans alas suas.*

Ecclesi 10.

2.2. q.162.

a.6. ad 3.

Ier. 2.

II. PUNCTVM.

SED illa est affectio, ille est morbus, quem minus vis sanari, & in quo curando magis resistis Christo.

Nam illa ipsa ratio seu causa, quâ fit vt affectio illa sit in te vehementior, facit etiam vt in ea curanda magis resistas. Quænam est enim illa causa, nisi natura deprauata, seu inclinatio naturalis & temperamentum proprium, quo in illud connaturale obiectum magis moueris, quàm in aliud? Atqui illa ipsa est naturalis inclinatio, quæ sese opponit remediis, & quod est naturaliter vehementior, eo vehementiùs sese opponit. Quod est enim magis naturale & proprium, tam alte infixum est & insitum in ipso animo, vt vix deponi possit; vix suadetur esse malum, vix aduertitur quoties in illud peccetur; vix creditur fieri posse etiam cum gratia, vt inde animus auertatur; adeo placet illud obiectum, vel oppositum displicet, vt statim ex proposita specie, affectio moueatur in amorem vel odium, vnde ceteræ passionis excitantur, quibus ita implicatur animus, vt vix locus superfit Gratix & libertati ad recipiendam sanitatem.

Cum sanare vellem Israel, reuelata est iniquitas Ephraim, & malitia Samaria, quia operati sunt mendacium, & fur ingressus est spolians, latrunculus foris.

os 7.

Tria ista, *Israel, Ephraim & Samaria*, pro eodem à Prophetâ ponuntur: & sensus est, tunc apparere iniquitatem & malitiam peccatoris, cum sanatur à Deo: quia cum sanare vellet Deus quod in ipso grauius est, in hoc ipso magis ei resistit, quod est propriè, & verè esse malum seu iniquum & peccatorem grauissimum. Deinde verò quia peccator petit à Deo sanitatem, & nonnulla etiam sibi facere videtur ad hunc finem, quia tamen non facit quæ vellet Deus, idcirco operatur inendacium, mendax est & simulatus in sua illa præterita voluntate sanitatis. Denique fur est intus, & latrunculus foris, id est naturalis inclinatio, & obiectum connaturale, quæ duo simul tam aptè inter se conueniunt, & colligantur, vt expugnent & spolient omnem gratiam, & remedia quæuis excludant.

Et certè quid efficacius Superbo, quam humiliatio? quid Indotato aptius quam Oratio? quid Gulo, quid Avaro quàm temperantia & liberalitas? At propone sua vnicuique remedia, nonne tum illi excandescunt, nonne in Medicum efferuntur? quia scilicet nihil minùs volunt, quàm quod inclinationi naturali magis repugnat, cum tamen nihil sit aptius ad illam curandam, quàm quod ipsi repugnat. Nonne hinc euidenter patet, illum esse morbum, quem minùs sanari volumus, & in quo curando magis Christo resistimus? Numquid te miserum crederes, si te Christus defereret! At tu si Christum curantem deferis, numquid times te deferendum?

III. PUNCTVM.

QUOD grauius igitur in te est malum, & in quo curando maxime Christus elaborat, hoc minùs sanari vis. Quia illa tua enaectio naturalis vehementior cui sanandæ opposita remedia magis conueniunt, & illa sunt quæ minùs libenter recipi. Cælestis medicus, inquit S. Gregorius Papa, *serulis quibusque vitiis obuiantia adhibet medicamenta. Nam sicut arte medicine calida frigidis, frigida calidis curantur: ita Dominus noster contraria opposuit medicamenta peccatis, vt lubricis continentiam, tenax largitatem, iracundis mansuetudinem, elatis præcipiet humilitatem.*

Hom. 32. in
Euang.

Pateretur quidem lubricus se humiliari, & elatus continentiam fortè non recusaret: sed lubrico perlanando necessaria

est continentia; & elato humilitas; alioquin neuter sanabitur. Et quamdiu quisque, quod tibi est necessarium ad sanitatem reculabit, non potest dici velle sanari, quantoque acrius id recusabit, tanto dicetur verius sanari nolle. Quaecumque porro alia tibi conquirat remedia, frustra conquirat, frustra multiplicat; *sanitas non erit ei*, quia non est sanitas nisi per remedia opportuna; cum vero non sint opportuna nisi quæ sunt opposita morbo, frustra conquirat alia.

Hæc dicit Dominus; insanabilis fractura tua, pessima plaga tua, ^{Ier. 30:} curationum utilitas non est tibi, quid clamas super contritione tua? insanabilis est dolor tuus: Non quidem Deo, si vterere remediis quæ tibi offert, sed tibi est insanabilis, qui hæc fugiendo remedia, putas te posse curari aliis; Itane ageres in agitudine corporis? Itane tibi corpus, plusquam anima; terra plusquam cælum; & tempus plusquam aternitas? Hæc reuolue attentius: & in tua infirmitate ne despicias teipsum, sed ora Dominum, & ^{Eccles. 38:} ipse curabit te. Auerte à delicto, & dirige manus, & ab omni delicto munda cor tuum. Hæc si dicuntur à Scriptura pro sanitate ^{Serm. 64:} corporis, quanto magis pro salute animæ? ^{de verbis Dom.} Si tanta cura agitur, ut aliquando plus viuatur, inquit sanctus Augustinus, quomodo agendum est, ut semper viuatur?

Vide in 3. parte, Feria quinta infra hebdomadam nonam.



FERIA SEXTA.

DE PRODVCTO AB EVANGELISTA,
PROPHETÆ TESTIMONIO., IN QVO
DOMINVS ELECTVS DEI
SERVVS DECLARATVR.

*Ecce puer meus quem elegi, dilectus meus in quo
benè complacuit anima mea. Matth. 12.*

Ecce seruus meus suscipiam eum, electus meus,

436 FERIA 6. infra Hebdomadam 6. post Epiphaniam. Ecce puer meus, &c.
complacuit sibi in illo anima mea. Is. 42.

VERITAS PRACTICA.

In paruis, maior est serui Dei fidelitas.

RATIO EST, Quia tunc maior videtur esse serui fidelitas, quando is constantius, & purius Domini sui rationes respicit, & non suas.

Sed in paruis præcipuè rebus hæc præstat seruus Dei.

Ergo in paruis maior est serui Dei fidelitas: quæ proinde præstanda est ut debetur.

I. PUNCTVM.

CONSPIRANTIBVS contra Iesum Pharizæis, secessit aliò Dominus, & secuti sunt eum multi, quos omnes curauit, ut supra visum est. His verò enarratis addit Euangelista; Et præcepit eis, ne manifestum eum facerent, ut adimpleretur quod dictum est per Isaiam Prophetam dicentem: Ecce puer meus, quem elegi dilectus meus, in quo benè complacuit anima mea, ponam spiritum meum super eum, & iudicium gentibus nuntiabit: non contendet, neque clamabit, neque audiet aliquis in plateis vocem eius: arundinem quassatam non confringet, & linum fumigans non extinguet, donec eiiciat ad victoriam iudicium; & in nomine eius gentes sperabunt.

In quo quidem Prophetæ testimonio cum multa consideratione dignissima; tum illud præsertim, quod Dominus electus Dei Puer seu Seruus declaratur in rebus valde exiguis. Quid est enim illud, secessisse aliò, nec se manifestari velle, ut propterea fuerit adimpletum, quod Propheta prædixerat, futurum eum electum Dei seruum? Reuera quidem adimpleuit, quod prædictum fuit, non contendit, non clamauit, non resistit repugnantibus sibi Pharizæis, cessit temporis, cessit inuidiæ, nihil contrà retulit. Sed adeone magnum est & Diuinum non contendere, non clamare, non audiri, ut propterea Dominus fir-

gulariter ELECTVS DEI SERVVS appelletur? Sic planè est; *In parvis maior est serui Dei fidelitas.* Quod de Christo iam patet ex illo testimonio: de nobis autem hac ratione declaratur.

In confesso est apud omnes, quod in eo potissimum consistat serui fidelitas, si constanter & purè Domini sui rationes respiciat & non suas; atque adeo quo is constantius & purius sic se geret erga Dominum suum, eo fidelior seruus & carior semper habebitur.

Duo hæc indiuisim requiruntur, constantia & puritas. Constantia quidem, quia longè aliud est per plures annos integritatem suam probasse, quàm per aliquot dies aut menses. Longè aliud est in multis aut quotidianis negotiis, quàm in vno aut altero: longè aliud denique semper fuisse integrum, quàm aliquoties. Sic se Iacob Socero suo Labano probabat: *Viginti annis fui tecum: oues tue & capre steriles non fuerunt, arietes gregis tui non comedi, nec captum à bestia ostendi tibi, ego damnum omne reddebam, quidquid furto peribat, à me exigebas, die noctuque, aslu urebar & gelu, fugiebátque somnus ab oculis meis; sicque per viginti annos in domo tua tibi seruiui.* Hoc est esse constantem, hoc est esse fidelem ex hac parte.

Iam vero ex alia, Puritas æquè attenditur, quando scilicet seruus non tam mandata respicit, quàm iptum mandantem. Nam in mandatis specari potest commoditas, vel incommoditas, honor vel ignominia, facilitas vel difficultas; Qui verò sui, commodis aut incommodis permouetur, longè abest ab illa fidelitate serui, qui solas Domini rationes respicit nulla sui habita ratione; nec tam ille seruit Domino suo quàm suis commodis. Esto id omne exequatur, quod mandat Dominus, quia tamen dum in mandato respicit facilitatem & honorem, atque id propterea libentius exequitur, quàm si difficile esset aut probrobum; certè multum detrahit de integritate fidelis serui, præsertim apud Deum, qui animum potius respicit, quo res fiunt, quàm res ipsas. Sic sanctus Hieronymus ad Celentiam: *Prudentissimus est, inquit, qui non tam considerat, quod iussu est, quàm illum qui iusserit, nec quantitatem imperij, sed imperantis cogitat dignitatem.* In imperante, Deum; in imperio autem sese homo attendit, Qualis vero distantia est Dei & hominis, tale est eius serui disci-

mea qui pure Deum respicit, & eius qui non ita Deum spectat in omnibus.

II. PUNCTVM.

SED in parvis precipuè rebus hoc præstat seruus Dei, id est manifestius se ostendit constantem & se purè respicere Mandantem potius, quàm mandata.

Nam primo de constantia, cum frequentius occurrant parua quàm magna, certè in parvis etiam facilius est se constantem probare, quàm in magnis; Esto enim occurrant aliquando magna, in quibus sis fidelis; at cum dictum sit, non ex vno aut altero casu fidelitatem probari, sed ex multis; quis non videt multa illa quotidie in parvis tantum rebus euenire, ubi se probabilem seruus exhibeat?

Deinde verò de Puritate quâ Imperans potius respicitur, quàm imperium, aperte patet in parvis rebus, ubi nihil adeo spectandum cernitur, quod animum pelliciat ad sui considerationem, sicut in magnis. Neque enim illic magnus prouentus aut iactura magna: non inde vllum decus, aut aliqua grauis iniuria: vnde si quis parua & quotidiana illa constanter & qua potest sollicitudine ac diligentia perficiat, profectò indicabit se vnum Imperantem purè respicere, se vni Deo intendere, se illi vni adhærere, & cum Dauide posse dicere; *Quid enim mihi est in cælo, & à te quid volui super terram? defecit caro mea & cor meum, Deus cordis mei, & pars mea Deus in æternum.* ALII sibi partes faciant de rebus humanis, inquit sanctus Augustinus, clamat populus Dei, *PARS MEA DEVS MEVS.* Non ad tempus pars mea, sed pars mea Deus in sæcula.

III. PUNCTVM.

IN parvis maior est igitur serui Dei fidelitas, quàm in magnis; Quia in illis maior constantia & puritas cultus Dei spectatur, in quibus tota consistit fidelitas. *Euge serue bone & fidelis, quia super pauca fuisti fidelis, super multa te constituam.* Non commemorat Dominus, quæ magna seruus egerit, quia ubi agitur de commendanda fidelitate serui, declarandum sibi dumtaxat id videtur, in

quo est sita illa fidelitas, vt alij serui doceantur & excitentur ad illam exercendam.

Sic rursum alibi Dominus: *Qui fidelis est in minimo, & in ma-* Luc. 16.
iori fidelis est, & qui in modico iniquus est, & in maiori iniquus est;
Quasi aperte diceret, non à magnis, sed à paruis rebus dignoscitur fidelitas serui, quia saepe contingit, vt qui in magnis fidelis est, non sit in paruis; vix autem sit vt qui in paruis sit fidelis, non sit in magnis. Et sic primi hominis tentata est fidelitas in re exigua, qualis est poni eius. Sic primi Iudæorum regis in mora & expectatione Samuelis per vnam aut alteram horam. Sic 1. Reg. 13.
plura suppetere aliorum exempla, quibus Domini sententia confirmetur, sed ipse Dominus in se ipso suisque rebus gestis longe id euidentius manifestat, quam in aliis. Cum enim vellet indicare, quàm se constanter & accuratè fidelem exhiberet in obseruanda lege, peribit, inquit, potius cœlum & terra, quin omnia fiant vsque ad vnum Iota vel vnum apicem. Cùmque ex Math. 5.
veteri testamento reteruntur in nouo, quæ ab eo erant obseruanda, referri ea præcipue voluit quæ spectabant res minimas, vt cum vectus asino Ierosolymam ingredereur; cùm in cruce Zaccb. 9.
potaretur felle & aceto; cùm eius vestimenta diuiderentur; cùm Ps. 21.
hæc inquam & similia referantur ab Euangelistis, quæ in diuinis Ps. 68.
eius factis non sunt præcipua, præcipue tamen additur, vt adim Math. 23.
pleretur quod dictum est per Prophetas, Quasi magna voce diceretur, aduertendum id in primis esse quàm Christus Dominus fidelis fuerit in his minimis, vt sic fidelitatem eius imitemur.

Quin & ipse Deus Optimus Maximus, *Qui appendit tribus di-* Is. 40.
gitis molem terra, id est, tribus his Attributis vniuersum regit mundum, Sapientia Bonitate & Potentiâ, nonne hæc in minimis magis elucere facit, quàm in magnis? Nonne magis miran- Math. 10.
dum, quod omnes capitis nostri capillos habeat numeratos, & ad folium arboris decidens aduertat animum, quàm quod ho- Cant. 4.
mines regat & Angelos? Nonne ad Bonitatem suam maximè declarandam sic Sponsus sponsæ loquitur: *Vulnerasti cor meum*
soror mea sponsa, vulnerasti cor meum in vno oculorum tuorum, &
in vno crine colli tui? Quid minurius vno crine? Nonne ad Potentiam denique manifestandam illud diui Augustini valet dictum: *Deus creat minima corpore, acuta sensu animantia vt maiorè*
attentione stupeamus agilitatem muscæ volantis, quàm magnitudi-

440 FERIA 6. infra Hebdomadam 6. post Epiph. Ecce puer meus, &c.

L. 3 de Ge-
nesi ad lit.
c. 14.

*nem Iumentis gradientis : ampliùsque miremur opera formicarum,
quàm onera Camelorum.*

Si sic Deus magnum se nobis probare voluit in parvis rebus,
quanto illi nos magis in illis, nos qui tam parvi sumus. Si
quid magnum peteret, excusare posses tuam parvitatem, nunc
verò cum parva petat, quid excusabis? Dices fortè illa esse
indigna Deo, sed putasne tua maiora, digna esse Deo, nisi ea
Deus acceptare dignaretur? Nunc verò cum parva non modò
libens acceptet, sed te totum ex parvis metiatur, atque ex fidelitate
tua iudicium de te ferat: quid est quod illa non reddas? *Qui
timet Deum, nihil negligit.* Expende quæ illa sint quæ negligas,
quantumque sit arguenda talis negligentia, in re tam facili finius
& tam pretiosa.

Esse. 7.

Vide in 3. parte, Sabbato infra hebdomadam quartam.



S A B B A T O.

AD HÆC S. IOANNIS BAPTISTÆ
VERBA, DE CHRISTO DOMINO.

Qui habet sponsam, sponsus est. Ioan. 3.

VERITAS PRACTICA.

Hæc sponsæ fides est, Vt sicut neminem præter Spon-
sum velit diligere, Ita velit à nullo diligi.

RATIO EST, Quòd idcirco neminem præter Sponsum velit
sponsa diligere, ut sic sponsa tota sit sponso, prout exigunt le-
ges spiritualis matrimonij.

Sed nisi sponsa vellet à nullo diligi, non sic esset tota sponso, ut
esse debet.

Ergo hæc sponsæ fides est, ut sicut neminem præter Sponsum ve-
lit diligere,

Sicut neminem præter sponsum sponsa velit diligere, &c. 441
lit diligere, ita velit à nullo diligi. Quod tamen valde ra-
rum est, ac proinde diligentius procurandum.

I. PUNCTVM.

AD hæc circiter tempora reuocandum est, quod sanctus
Euangelista refert de Christo Domino baptizante in Iu- Ioan. 3.
dæa, quod cum discipuli sancti Ioannis Baptiste animadu-
uerterent, adierunt Magistrum suum, & dixerunt ei; *Rabbi,*
Qui erat tecum trans Iordanem, cui tu testimonium perhibuisti;
ecce hic baptizat, & omnes veniunt ad eum: Respondit Ioannes &
dixit; *Non potest homo accipere quidquam, nisi fuerit ei datum de cæ-*
lo, ipsi vos mihi testimonium perhibetis quod dixerim, non sum ego
Christus, sed quia missus sum ante illum. Qui habet sponfam spon-
sus est, amicus autem sponsi, qui stat & audit eum, gaudio gaudet
propter vocem sponsi, hoc ergo gaudium meum impletum est: Illum
oportet crescere, me autem minui. Qui de sursum venit, super om-
nes est.

Videri possunt quæ plura sequuntur in textu, & ex singu-
lis fructus est decerpendus, qui cuique proprius sit. Ad omnes
autem maxime spectat, quod Christus SPONSVS dicitur,
sponsus quidem Ecclesie vniuersalis, atque in particulari cu-
iusque animæ, quam sibi in sacramentis despondet, & propriam
facit, iuxta illud Prophetæ; *Sponsabo te mihi in fide;* quo nomine ose 2.
non tantum intelligitur fides, quæ dicitur Theologica, sed hu-
mana illa fides seu fidelitas, quæ solet inter coniuges dari &
seruari.

Ac de fide Sponsi Iesu non est dubium, quia se arctius obli-
get ad diligendam & fouendam illam animam, quam sibi spon-
sam facit. Necque item dubitari potest quin seruet fidem suam.
Ille fidelis permanet, inquit Apostolus, *negare seipsum non potest.* 1. Tim. 2.
De fide autem animæ quanta incertitudo, quanta pericula! de
hac propterea magis est cogitandum. *Hæc porro sponsæ fides est*
seu fidelitas præstanda sponso, ut sicut neminem præter sponsum ve-
lit diligere, ita velit à nullo diligi.

Maiores difficultates quoad intellectum & voluntatem videtur
esse, quod sponsa velit à nullo diligi; atque idcirco ut id aper-
tius declararetur, sic formatur Veritas & conficitur eius ratio, ut

constet parem & eandem esse obligationem ex lege spiritualis huius coniugij, siue ut nullum sponsa diligat præter Sponsum, siue ut à nullo alio velit ipsa diligere.

Quid est enim quod sponsa præter sponsum neminem diligat, nisi quod ratione desponsationis nouo quodam iure sic tota est Sponsi, ut se totaliter & tota se ipsa illum diligat, nihil ut supersit dilectionis ad alium, nisi prout Sponsus permittet & ordinabit? Sic expresse dictum: *Dilectus meus mihi, & ego illi.*

*Cant. 2.
& 7.*

EGO dilecto meo, & ad me conuersio eius. Hoc est ita proprium & essentiale huic coniugio, ut in hac mutua donatione totius dilectionis, maximè situm & stabilitum esse coniugium videatur. Sic propterea sponsus sibi sponsam despondisse dicitur, cum seipsum totum pro ea dedit, ut sic etiam intelligeret anima, tunc se illi tradituram in sponsam, cum se totam illi daret.

Ephes. 5. Vnde Apostolus: *Viri diligite uxores vestras, sicut Christus dilexit Ecclesiam, & seipsum tradidit pro ea, ut illam sanctificaret, mundans lauacro aquæ in verbo vite, ut exhiberet ipse sibi gloriosam Ecclesiam non habentem maculam, aut rugam, aut aliquid huiusmodi, sed ut sit sancta & immaculata.*

Et certè si inter Coniuges talis debet esse donatio alterius ad alterum, ut iam non sint duo, sed vnum: quod non tantum de corpore, sed de corde seu dilectione intelligendum est, adeo ut nulla sit par dilectio sicut coniugum, nec parentes ipsi sint tam impense diligendi, ut expresse docet sanctus Thomas; proptereaque dictum sit: *Relinquet homo patrem & matrem, & adhærebit uxori suæ, & erunt duo in carne una;* Quanto id magis requiritur inter Christum & animam, non modò ratione dignitatis Christi, sed ipsius Coniugij spiritualis, cuius figura & representatio quædam est carnale coniugium, & humana inter Coniuges dilectio & sociatio? Nam in re figurata plus semper inest, quam in figura. O quàm præclare virgo & Martyr Agnes; *Hæc sponsi iniuria est, expectare placituram.* Rectène hoc intelligis? rectène ita sentis?

2. 2. q. 26.

a. 11.

Gen. 2.

Matth. 19.

II. PUNCTVM.

SED nisi sponsa velit à nullo diligere, non sic erit tota Sponso, &c. esse debet.

Temperari debet hæc propositio, sicut & præcedens, inter duo extrema dilectionis, vt nec condemnetur ordinata dilectio inter homines, de qua nullomodo hîc agitur: nec inordinata illa tantum condemnetur quæ valde vitiosa est, & rara inter spirituales viros: sed alia quædam minus inordinata intelligatur affectio quæ nimis frequens est viris etiam spiritualibus, nondum tamen plenè mortificatis, quâ scilicet volumus diligere, æstimari, magnificari, aut saltem nolumus negligi & contemni, atque ita sæpè angamur & solicitemur animo, nûm bene alij de nobis sentiant, nullo alio ad id inquirendum permoti motiuo, nisi amoris proprii & naturalis illius inclinationis, quâ vnusquisque seipsum nimis diligit. Hoc est quod sponsa Christi non inquit, hoc est quod non laborat & cogitat, hic est denique sensus quo dicitur nisi sponsa velit à nullo diligi, non sic erit tota Sponso vt esse debet; Nam sic volendo diligi ab alijs, nimis inordinatè se diligit, Et hæc inordinata sui dilectio, diuidit illam à totalitate, seu à tota seipsa quam debet sponso, sicque aliena est à dilectione sponsi, sicut inordinatus amor alterius. Cur enim vetatur dilectio alterius, nisi quia sic diuideretur quæ indiuisa esse debet, sponsi dilectio, & per hanc diuisionem tantum detraheretur de toto quod illi debetur, quantum alteri concederetur? vnde si anima similiter per amorem sui ipsius, se ab amore sponsi diuidat, cur non æque vetetur iste sui amor, atque amor alterius?

Quod eo quidem magis verum est, quòd amor sui ipsius sit fundamentum, & radix amoris alterius, qui cum inordinatè amatur, vt supponimus, non amatur nisi amore concupiscentiæ, id est, amore proprio. & amore sui ipsius: Vnde à fortiori videretur hic amor proprius magis cauendus. *Volo vos*, inquit *1 Cor. 7.* *Apostolus, sine sollicitudine esse; qui sine uxore est, sollicitus est quæ Domini sunt, quomodo placeat Deo. Qui autem cum uxore est, sollicitus est, quæ sunt mundi, quomodo placeat uxori, & diuisus est. Expende illud, & diuisus est*, quasi diceretur; En malum alieni amoris quod amantem sollicitet, & his sollicitationibus ac curis diuidat ab vnico illo obiecto, quod amari debet & in quo cetera sunt amanda. Vnde manifestè patet, quòd vndeumque importuna illa sollicitudo proueniat, æque damnosa est, cum hoc vno sit damnosa, quòd animum sollicitet & diuidat. At verò si

velis amari, nonne sic eris sollicitus an ameris ut vis, an plus te alius diligatur, an præ illo contemneris? Nonne hoc aliquando sentisti? nonne hoc timuisti? nonne, sic in amore Christi diuinus fuisti? *Omnis domus diuisa contra se, non stabit, dicit Dominus.*

Matth. 12.

III. PUNCTVM.

HAEC est igitur sponsa fides, & præstanda Sponso fidelitas, ut sicut neminem præter sponsum velit diligere, sic velit à nullo diligi: Quia quod in hac desponsatione primum ac penè vnicum est, ut Sponsa tota sit Sponso, sicut Sponsus totus est sponsæ, perinde vno violatur atque alio. Neque enim aliter violatur, quam quod totalis dilectio diuidatur aut minuatur: diuiditur autem æquè ex illo amore sui, quo anima vult ab alio diligi, atque ex illo amore, quo alium diligit. Nam æquè occupatur, æquè secum sollicitatur & angitur an ametur, atque si amet.

1. Cor. 4.

Adulteri, nescitis quia amicitia huius mundi inimica est Dei? Quicumque ergo voluerit amicus esse sæculi huius, inimicus Dei constituitur; Vide ut adulterium vocetur ista inordinata mundi amicitia, quia scilicet sic fides data Sponso violatur; Non est autem mundi amicitia, velle tantum diligere, sed etiam velle diligi, imò in hoc præcipuè mundus diligitur, ut à mundo diligamur, hoc est quod præsertim præterdit concupiscentia. Sicut verò non esset alienum ab amore diuino, si sic à mundo diligaris ut non rependas mundanam dilectionem, sic planè si diligis mundum, aut si à mundo vis diligi, tam pugnat cum amore diuino, cum amore sponsæ ad sponsum, quam repugnat integritati cordis, seu integre & totali dilectioni, quam sponsa debet sponso.

1. Ioan. 15.

Si mundus vos odit, scitote quia me priorem vobis odio habuit; si à mundo fuissetis, mundus quod suum erat, diligeret: quia verò de mundo non estis, sed ego elegi vos de mundo, propterea odit vos mundus: Quasi diceret, hoc idem est vos meos esse totos, atque in odio mundi esse, quia vnum sæpe ex alio sequitur. Et tamen tu vis illa coniungere: Et Christi simul esse & mundi! Vide quàm longè sis à Charitate, quæ vellent Christum ab omnibus & omnino diligi. Cum enim ab aliquo vis singulariter diligi, tunc Cor illius a quo vis diligi, subtrahis Christo Domino, sicut tuum subtrahitur, quando aliquem diligis præter Christum. Erubescere de

hac perfidia, & sine te moueri his Sponsi tui vocibus: Tu forni- Ier. 3.
cata es cum amatoribus multis, tamen reuertere ad me, dicit Domi-
nus; Et ego suscipiam te: Reuertere auersatrix Israel, ait Dominus, &
non auertam faciem meam à vobis: verumtamen scito iniquitatem
tuam, quia in Dominum Deum tuum præuaricata es, & dispersisti
vias tuas alienis. Vide caput octauum libri secundi de Imitatio-
ne Christi: Vbi hæc ad verbum, Numquam cupias singulariter lau-
dari vel amari, quia hoc solius Dei est qui similem sibi non habet. Nec
velis quod aliquis in corde suo tecum occupetur, neque tu cum alicu-
ius occuperis amore: SED SIT IESVS IN TE, ET IN
OMNI BONO HOMINE.

FINIS PRIMÆ PARTIS, IN VITAM
DOMINI IESV.







VERITATES PRACTICÆ.

AD DIES FESTOS SANCTORVM
QVI INCIDVNT IN HANC
PRIMAM PARTEM.

IN FESTO SANCTI ANDREÆ Die 30.
Novemb.
APOSTOLI.

AD HÆC EIVS VERBA:

O Bona Crux.

VERITAS PRACTICA.

Cruz non esset bona, nisi bonum esset, Cruciarī.

SENSVS Veritatis duplex est: primus, Cruz non esset bona, nisi censeretur, & reputaretur bonum cruciari, quando cruciatus bono fine, & modo sumitur. Secundus, non esset Cruz bona, nisi sic fieret bonum cruciari, aut nisi bonus esset cruciatus per bonum finem & modum quo debet sumi.

RATIO autem pro utroque sensu est, quod non est Cruz bona nisi in bono suo effectu.

Sed non esset bonus eius effectus, nisi esset bonum cruciari, quo sensu dictum est.

448 Die 30. Nouembris, de sancto Andrea. O bona crux.

Ergo neque crux esset bona, nisi bonum esset cruciari; Et tamen quam multi hoc esse bonum negant qui bonam crucem prædicant!

I. PUNCTVM.



Joan. 1.

Epiph.

Matth. 51.

Joan. 12.

MVLTA sunt quidem, quæ S. Andream multum commendent. Primò enim primus ex omnibus Apostolis sequutus est Christum Dominum, atq; etiam ante ipsum Apostolorum Principem Petrum, quem ipse adduxit ad Iesum. *Occursus* Andrea primus contigit, cum minor esset Petrus tempore ætatis, inquit Epiphanius. Deinde verò tanti erat apud Christum meriti, vt cum Gentiles desiderio videndi Domini ad Philippum accessissent; Philippus Andream prius adierit, cum quo simul Dominum conueniret. Denique tam insignis fuit eius modestia, & humilitas, vt cum talis tantusque vir esset, numquam indignè tulerit, sibi præferri fratrem suum Petrum, minorem ætate, & occurso Christi, vt dictum est.

Verum quæ duæ res, verè magnos & sanctos efficiunt, *MVLTA AGERE, ET MVLTA PATI*, hæ duæ sunt quæ hunc sanctum Apostolum præcipuè & insigniter admirabilem faciunt. Dùm enim in Scythia, in Epiro, in Thracia, atque in Achaia disseminando Euangelio labores suos gloriosissimè poneret, tanto patiendi desiderio flagrabat, quantum indicant hæ præclaræ voces, quibus ad mortem ductus, mortis suæ trophæam est alloquutus: *O bona Crux, quæ decorem ex membris Domini suscepisti, diu desiderata, sollicitè amata, & iam concupiscenti animo præparata, securus & gaudens venio ad te, ita & tu exultans suscipias me discipulum eius, qui pependit in te.*

In vigilia
S. Andr.

VIDETIS, ait S. Bernardus, quia non se capit præ magnitudine gaudij! Ita inquit, *ET TV EXULTANS*. Ergone tantæ est exultatio, vt exulet & ipsa Crux?

Ex quibus & aliis pro animi deuotione expensis, illud ad fructum & praxim præcipuè colligendum est, quam verè bona Crux sit dicenda, aut potius, *Quam verè nulla crux bona sit, nisi sit bonum Cruciari*, quo sensu declaratum est.

Sic

Sic autem demonstratur, quia non est Crux bona nisi in bono suo effectu. Quid est enim per sese Crux, si ab ea bonum tollas effectum? Quid est nisi lignum & infame mortis instrumentum, quod in scripturis dicitur, *Maledictum, & Maledictus omnis qui pendet in ligno?* Nonne propterea Christus allixus est cruci, tamquam supplicio ad omnem cruciatum, vel ad omnem infamiam, quod excogitari possit, extremo? Quid est autem, quod postea crucem illam bonam & omni colendam cultu dicimus, nisi ex bono quem inde Christus produxit effectu? O quantas illi debemus gratias, *qui ut nos de maledicto redimeret, ipse factus est pro nobis maledictum!*

LI. PUNCTVM.

SED non esset bonus crucis effectus, nisi esset bonum cruciari, hoc sensu, ut dum bono fine & modo cruciamur, sic cruciari sit laudabile & gloriosum; neque etiam aliter sit laudabile, nisi bono fine & conuenienti modo cruciemur.

Tam multi quidem sunt Crucis effectus, quanti sunt & ipsius Christi Domini Mortis, quam in cruce perferre voluit; sed illi omnes parum profunt ad salutem & perfectionem, nisi hunc alterant fructum ut reputetur bonum & gloriosum cruciari, quando scilicet cruciatus bono fine & modo assumitur. Nam hic est veluti finis & scopus, quod alij effectus referuntur, ut ex Cruce videlicet, seu ex Christo pendente in cruce dicamus sic cum Eo pati, sicque BONVM ET GLORIOSVM ESSE PATI, pro Dei gloria & pro æterna salute, sicut Christus propterea in cruce passus est.

Decorem certè & dignitatem ex Christi membris sancta Crux retulit, ut dicebat sanctus Andreas; Sed quem effectum habet ille decor, & illa dignitas, nisi ut cum eodem Apostolo crucem amemus, & bonum esse in cruce pati & mori credamus? Neque perfecto aliter decorem & dignitatem ex membris Christi, Crux retulit, nisi quia Christus crucem suo sacro sacrauit corpore, quod cruci affigi voluit? Ac nonne simul sacros fecit cruciatus, quos non minus in cruce pertulit, quam ipsam crucem? Dicam amplius, quod si propter quod vnumquodque tale est, & illud magis; certè videtur Cruciatu sacratior esse

factus à Christo Domino, quàm ipsa sacra Crux, quod non-
nisi propter cruciatum Christus crucem ascenderit, neque crux
aliter nostra est salus, quàm quod in ea Christus sit cruciatus,
adeout ipse Christi Cruciatu, sit primò nostra salus, tum
deinde ab illo Crux communicationem nominis & fructus hau-
riat. *Hoc enim sentite in vobis*, inquit Apostolus, *quod & in*
Christo Iesu! Quis sensus Christi patientis? an talis tuus?

Phil. 2.
L. 2. de
Mori. Ma-
nich. c. 13.
QVOD verò non sit aliter bonum cruciari nisi ex bono fine, &
bono modo, id est nisi patienter cruciatum feramus, id apertius
est, quam ut probetur fusiùs. De fine quidem sic egregie S. Au-
gustinus contra Manichæos, qui se multis affligebant modis.
Quaro à vobis quo fine faciatis? tum post multa de boni finis ha-
bendi necessitate; *De Catilina*, inquit, *memoria proditum est, quod*
frigus, sitim, famem ferre poterat: hac erant illi spurco sacrilegòque
etiam cum Apostolis nostris communià: unde ergo discernitur Parri-
cida iste ab Apostolis nostris, nisi fine illo quem diuersissimum seque-
batur?

Eap. 5.
De modo autem sic liceat dicere; Cùm in inferno damnati
clament se, *lassatos fuisse in via iniquitatis & perditionis; & ambu-*
lasse vias difficiles, vndenam hi discernuntur à Beatis, qui la-
bore suo beatitudinem consequuti sunt, nisi ex diuerso quo la-
borarunt modo? Neque alià est differentia vitij & virtutis, seu
patientiæ & impatienciæ, meriti & demeriti, quàm ex fine & mo-
do patiendi. Nonne poenam eandem vterque Latro cruci affixus
cum Christo tolerabat? At nonne eiusdem poenæ exitus longè
fuit diuersus? unde vero illa diuersitas, nisi ex diuerso patiendi
modo? Quis denique fuerit diuersus ille patiendi modus, con-
sidera, & vtri similior existas in poenis tuis.

III. PUNCTVM.

CRUX ergo non esset bona nisi bonum esset cruciari, quo sensu &
qua ratione consideratum est ab effectu crucis, qui totus co-re-
cidit, ut de poenis præclare sentiamus, & eas fortiter tolere-
mus; aut certè nullus sit nobis crucis fructus; Nec crucem illi
bonam vere prædicare possunt, qui bonum negent cruciari. Hi
nempe sunt *Inimici crucis Christi*, quos deflet Apostolus, qui


Cruce non esset bona, nisi bonum esse cruciari.

451

licet crucem laudent, vituperant tamen cruciatus, nec quidquam libenter patiuntur, *quorum finis interitus, quorum Deus venter est Phil. 3: & gloria in confusione ipsorum, qui terrena sapiunt.*

Illic te ipsum noce, hic te proba, teque interroga, quid sentis de Ligno Crucis? Sanctumne putas ac colendum? sed quid sentis de aduerso casu? Itane sanctum ac bonum dices, sicut ipsum crucis lignum? Itane cum sancto Andrea: O bona crux! Sic planè sentiendum ac dicendum esset: sed quia longè est alius sensus tuus, sed quia non nisi doles & mormuras in aduersis, quasi mala sint & non bona; hoc habeto, nisi resipiscas, te non aliter verè posse de ipso crucis ligno dicere, bonam esse crucem, quia videlicet bonitas crucis in hoc est, ut bonam aduersitatem credas: quam nisi bonam esse credideris, bonam esse crucem negas. O quanta est necessitas tolerandi cuiuslibet aduersi casus! quanta est scilicet sacræ colendæ Crucis!

Vide in festis Inventionis & Exaltationis sanctæ Crucis, Itemque in 2. parte infra Hebdomadam Passionis: Vbi plures de Cruce proponuntur Veritates.



DE S. FRANCISCO XAVERIO

Die 2.
Decembris

SOCIET. IESV, INDIARVM APOSTOLO.

AD HÆC EIVS VERBA, CVM AGERETVR
DE BONIS SENSILIBVS ABSTINENDIS;

Satis est Domine, satis est.

Et cùm de malis sustinendis:

Amplius, Amplius.

*Signa Apostolatus mei facta sunt super vos, in omni
patientia. 2. Cor. 12.*

VERITAS PRACTICA.

Hæc sunt Apostolatus & perfectioris vitæ duo signa certiora, velle abstinere libenter ab omnibus bonis: & omnia mala sustinere.

RATIO EST, Quia certiora perfectionis, & Apostolatus signa sunt in omni patientia.

Atqui hæc est omnis patientia, velle abstinere ab omnibus bonis, & omnia mala sustinere.

Ergo & hæc sunt Apostolatus, & perfectioris vitæ duo signa certiora, quæ in sancto Francisco Xauerio eminent luculentissimè, & quæ nobis, nostro in statu proponuntur imitanda.

I. PUNCTVM.

IAM multa sunt in sancto Francisco quæ ad omnis sanctitatis & perfectionis exempla considerentur, vt nisi quibusdam terminis contineantur, considerari fructuose non possint. Continentur autem aptissimè hoc sacro Apostoli nomine, quod non tantum duodecim illis electis à Domino conuenit, sed & pluribus aliis communicatur. *Salutate*, inquit Apostolus, *Andronicum & Iuniam, qui sunt nobiles in Apostolis.* Quotquot enim se strenuè impendebant in proximorum salutem, hi Apostoli aut Apostolici viri dicebantur. Sed quia tamen non omnes paribus animis in hoc sancto deſudabant opere, quicumque non sincerè Christum annuntiabant, vocabantur *Pſudo-Apoſtoli, operarij ſubdoli, transfigurantes ſe in Apoſtolos Chriſti*, vt ait ſanctus Paulus.

Rom. 16.

Phil. 1.

2. Cor. 11.

Apoc. 2.

Ac propterea, vt veri à fallis diſgnoſcerentur, erant certa ſigna, quibus quodammodo probarentur & tentarentur, vnde illa commendatio Episcopi Ephesini in Apocalypſi: *ſcio opera tua, & laborem & patientiam tuam, & quia non potes ſuſtinere malos, & tentasti eos qui ſe dicunt Apoſtolos, & non ſunt: & inuisti eos mendaces.*

Quanam porro illa erant signa certiora? Hæc videlicet duo, quæ ex sancto Xauario, in Veritatem propositam deriuantur: *Libenter abstinere ab omnibus bonis sensibilibus; & omnia mala sustinere propter Euangelium, propter electos, propter salutem proximi*: Quæ certè consideratio non minus erit utilis consideranti, quàm gloriosa sancto Indiarum Apostolo, cuius inde Apostolatus gloria manifestè elucescit.

Ratio autem deducitur ex S. Paulo, qui pro se dicere apud Corinthios cum cogeretur, *signa*, inquit, *Apostolatus mei facta sunt super vos, in omni patientia*: quasi diceret, probatus sum omnibus modis qui patientiam exercent, & quibus solent probari veri Apostoli. Iam enim præniherat quod fusè describit, *in laboribus plurimis, in carceribus abundantius, in plagis supra modum, in mortibus frequenter, in labore & ærumna, in fame & siti, in frigore & nuditate*; Quibus copiosè declaratis, sic concludit; *Nihil minus fui ab iis, qui sunt supra modum Apostoli, tametsi nihil sum, signa tamen Apostolatus mei facta sunt super vos in omni patientia, in signis & prodigiis & virtutibus*. 2. Cor. 11.

Signa quidem seu miracula iungebantur patientiæ, sed ut optime notat S. Ioannes Chrysostomus: *Non signa mirabiles Apostolos effecerunt: multi enim qui demones eieciunt, quia peccatores erant, nihil tale fecerunt, sed puniti sunt: Quid est igitur, quod eos magnos ostendit? pecuniarum contemptus, gloriæ despectus, ab omnibus vite huius negotiis creptio: quæ si non habuissent, etiamsi mortuos suscitassent, non solum nullos inuissent, sed etiam seductores existimati fuissent*. O quam multi falluntur, qui prætextu iuuandi proximi nouit aliquid pati, cum nihil agere faciat ad iuuandum proximum, quàm patientia. Hom. 46. in Math.

II. PUNCTVM.

SED in his duobus actibus omnis patientia continetur, *libenter abstinere ab omnibus bonis sensibilibus; & mala omnia sustinere, sicut libenter abstinuit & sustinuit S. Franciscus Xauius*.

Nam cum omnis patientia versetur circa ea, quæ sunt carni aut animo contraria, nihil autem sit contrarium, quàm vel priuari bonis, quæ naturaliter apperimus: vel sustinere mala, quæ reuerimus: profecto hinc manifestè sequitur, quod omnis pa-

Luc. 9.

rientia in his duobus actibus continetur, quos Christus Dominus, celeberrimâ sua illa sententia complexus est, qua se sequentes monet, *Qui vult post me venire, abneget semetipsum, & tollat crucem suam quotidie.* Est enim abnegare se ipsum, abstinere bonis sensibilibus: & est tollere crucem, sustinere mala, sicut alibi fusius exponetur.

De vita
Contempt.
ca. 20.

Sic S. Prosper agens de fortitudine seu patientia; *Quæ si vir- tus, inquit, esset, fortiter etiam talibus blandimentis repugnaret, nec acquiesceret mollibus, quæ adiuuante Domino dura quæque vel aspera superâisset.*

Quam eximius autem fuerit S. Franciscus in his duobus actibus, patet ex duobus illis dictis, quæ primo huius Considerationis aditu proponuntur, & ex illius factis totâ vitâ sequentibus. Cum enim abundaret coelestibus deliciis & gaudiis, *satis est Domine*, inquebat, *satis est.* Quasi diceret, oportet me istis etiam abstinere bonis spiritualibus, ne quid sit boni sensibilis, quod me tantisper detineat ab indefesso labore iuuandi proximi, & quo me non libenter priuem ad illius salutem. Cum verò illi obicerentur pericula & incendia & mortes, & quidquid horrorem potest incutere: *Amplius*, aiebat, *amplius*: adeo sitiens erat laborum, ut quidquid pateretur, sitim patiendi acueret potius, quam expleret, aut quam robur animi quoquo modoreunderet.

Atque hæc vniuersim dicuntur de duobus illis primariis Patientiæ seu Fortitudinis actibus: Nam qui vellet particulatim de his ipsis edoceri, quam eximius in utroque fuerit sanctus Franciscus, oporteret primum eorum Caput quod in abstinendo ponitur, sua in membra partiri, quæ spectant Abstinentiam circa triplex genus boni sensibilis quod est *honoris, commoditatum, & voluptatis.* Oporteret contemplari quanta fuerit eius Humilitas quæ honores spernit, quanta Paupertas quæ commoditates negligit, quanta Mortificatio quæ voluptates abhorret. Oporteret denique reuoluere quid de tribus illis Virtutibus, eodem ordine recensitis, colligatur in ea Relatione quæ de rebus ab eo gestis iuridice est instituta, cum de Illo in Sanctorum numerum referendo, ageretur. Illic enim ad amissum sic reuocata sunt omnia, nihil ut prorsus in medium adducatur, quod non suis Authenticis & probatissimis, quantum quidem accurate fieri potuit, nitatur testimoniis.

Sic porro de illius Humilitate paucis perstringitur: Humilitatis dono, Sanctitatis fundamento, amplissimè dotatum fuisse ostenditur, cum in interna & externa mirificè excelluerit. Ac primò, demissimè de seipso sentiebat, se viliissimum omnium, & peccatorem maximum reputabat, omnibus inferiorem se esse affirmabat, & nihil erat tam vile & abiectum quo se dignum non putaret: nihil honorificum quo se indignum non indicaret: itaut nulli praeesse vellet, sed omnibus subesse cuperet, omnesque propterea ut superiores reuereretur.

Secundo eandem probante Humilitatem, honorifica quaque penitus spernendo, ad suas laudes non secus ac alij ad probra erubescens. Si quid esset unde laus ipsi aliqua posset peruenire, ut in faciendis miraculis, studiosè id factis & verbis celebrabat, & sociorum, aliorumque meritis & intercessionibus adscribebat.

Auctoritatem amplissimam Legati Apostolici qua instructus in Indiam missus, fuerat non solum non iactauit, sed data opera texit, quasi gladium in vagina, adeo ut per decem annos, nemo illum Nuncium Apostolicum scierit prater Episcopum Goanum, nec nisi semel, ultimo quasi remedio, ad Dei Gloriam procurandam, ea potestate usus est, ut prius cum Episcopo Goano communicata, & illius permissa arbitrio.

Eadem Humilitas ostenditur, ex propria sui abiectiōe: nam Christum imitatus cum dives esset, omnium egenus fieri voluit, & dum lautè ex suo posset, ex alieno, precario visitare maluit: abiectissimo vestitu semper usus. Patet etiam ex quotidianis exercitiis & actionibus quibus sollicitam operam praestitit, tam in Indici navigatione quam in domibus Hospitalium Indiae, viliora quaque ministeria, ut iam dictum est, hilariter & sponte eligendo. Ex humili reuerentia ostenditur quòd semper veneratus est Episcopos, Sacerdotes, & Superiores quoscumque, adeo ut cum Beato Ignatio iam Superiori scriberet, non nisi genibus flexis scriberet, reuerentiae causa. Multaque sunt alia ex quibus planè colligitur, Christi vestigia Xaverium fuisse sequutum, qui de se dixit: MITIS SUM, ET HUMILIS CORDE.

Item verò de Paupertate consequenter: Paupertatem Evangelicam quam vovit, perfectissimè ab illo servatam fuisse demonstrat ratio vita quam semper servavit in victu, vestitu, suppellectili, itineribus, habitatione. Victus namque fuit parcissimus, non eo solum ut corpus affligeret, sed etiam ut voto Paupertatis satisfaceret, utque ve-

rum pauperem ageret, quodcumque sibi ab aliis ultrò subministrabatur, & ea quæ solitus erat ipse per se mendicare, aliis pauperibus distribuebat, contentus ipse quolibet vili cibo, & pane obuiò, ut latius dicemus, dùm de pœnitentia agetur. In vestitu verò, non minùs tenax Paupertatis apparuit: erat enim plerumque attritus, resartus, & asumentis intersectus, in summa optimarum vestium copia, quæ certatim illi ab omnibus offerebantur. In supellectili præterea, eius Paupertas valde resplenduit; eius in cubiculo nihil aliud clucebat nisi ipsa Paupertas, nudi namque erant parietes, lectulus potius ad arcendum somnum aptus quàm ad conciliandum, utpote sine culcitra, sine lodicibus, vilibus tantùm stragulis duro cernicali adiuncto; & præter ista, non aliud quidpiam erat in cubiculo quàm pauci libri sibi vel aliis necessarij.

In itineribus conficiendis, quæ tam longa, tam multa, tam difficilia fuere, tot longinquis peregrinationibus in ultimas terras susceptis, studium Paupertatis suum maximè probavit, nullo alio vectore quàm baculo pro equo & vehiculo usus est: pedes semper incedendo, & non rarò sine calceis, sine alio tegumento plantarum: Viaticum non in pera & sacculo, sed in Dei benignitate, & aliena pietate repositum habebat: nullum secum ferre solitus, nisi ubi per deserta & inuia loca esset incedendum: & tunc nil aliud parabat quàm cibum castrensem & castigatissimum, & in toto longo ac impedito itinere Meacensi, assa tantùm victitavit oriza, nec viatorie vestes luculentiores erant quàm cibus, adeo pannosus se in viam dabat, ut aliquando pueris ridiculo esset. I. Lusitania in Indiam soluens precario semper in navi victitavit, nec ab illo instituto precibus Regij Pratoris, ullatenus abduci passus est. Idem institutum in navigationibus reliquis seruauit: nunquam aliò diuertere solebat quàm in Publicas domos Hospitalium, ut quemadmodum precario vesceretur, ita mendicatio hospitaretur. Hoc in Italia, hoc in Lusitania, hoc in India semper prestitit.

DENIQUE de mortificatione & Pœnitentia, quod est postremam è tribus Abstinendi generibus, sic eodem contextu pergitur: Mortificationis studium, & opera Pœnitentie in eo tales fuisse constat, quales ad insignem & excellentem requiruntur Sanctitatem. Primo, eximia fuit in eo abstinentia cibi, cùm non solum carnis & vini, sed etiam panis tritici usum procul à se abdicauerit. In priuata domo, & quoties apud alios non vesceretur, de industria insulps

& vilibus

& vilibus utebatur cibus, ac parcissimè.

Secundo, manifestè colligitur ex maceratione carnis: corpus enim frequentissimè flagellis cadebat, quandoque aneo filo contextis, quæ etiam ferreis punctis & scellulis de industria exasperabat, itant sanguinem copiosè profunderet. Somno nonnisi breuissimo corpus recreabat, incommode vel humi, vel fune nautico iacens, vel lectulo vilibus stragulis, ut supra dictum est, parato; reliquum noctis orationi & contemplationi dabat, vel agrotis visendis. Quin extra soliturnum suum, longe plura & maiora pœnitentiæ opera exercebat; sæpius namque per plures dies, ab omni cibo abstinuit, & aliquando à Dominica Passionis, usque ad Sabbatum Majoris Hebdomadæ, sæpe per biduum vel triduum, quandoque per quatuor totos dies, præsertim in principio suæ Conuersionis; quando etiam, ut doloris sensu magis cruciaretur, funiculis sibi adeo arctè coxendices & lacertos constrinxit, ut cum plures dies eo in cruciata iter agendo perseverasset, animo repente destitutus præ doloris magnitudine, in media via conciderit, vincens in carnem tam altè depresso, ut medici vulnus insanabile indicauerint, actumque de eius vita esset, nisi miraculosè vincula rupta fuissent, sine ope artis humane.

SIC itaque quod primum Patientiæ caput spectabat, in abficientia bonorum sensibilem, patet euidenter quàm fuerit suis omnibus numeris absolutum, in sancto Francisco Xauerio: unde rehat, ut quid de Altero quod est in forti malorum omnium tolerantia constitutum, in eadem Relatione referatur, audiamus. Sic porro habet, coherenter ad præcedentia. **FORTITUDINE, MAGNANIMITATE & PATIENTIA** in laboribus tolerandis, & superandis heroiè & insigniter à Deo dotatus fuit. Mundum vicit sui ipsius abnegatione, Christum sequutus, honores & dignitates sibi oblatas spreuit constanter: vitam religiosam vilem & pauperem elegit, & fortiter retinuit: eluxitque sæpe eius animi fortitudo, quod plagis & pustulis Pauperum mendicorum lauatis, aquam ipsam qua illas ablucrat non semel biberit.

Nec solum tam gloriosa de seipso victoria eius emicuit innictus animus, sed etiam in agrediendis rebus arduis propter Dei amorem, & in superandis difficultatibus, longinquas regiones ac Præuincias adit, vitæ spæto periculo, nec barbarum & feram in hōpites Incolarum ingenium timuit ad Christianam mansuetudinem inuitare, à quibus

sibi mortem paratam esse audiebat. Ab anno millesimo quingentesimo quadragesimo primo quo in Indiam nauigauit, usque ad annum millesimum quingentesimum quinquagesimum secundum quo diem clausit extremum, multas diuersarum nationum & linguarum Prouincias prædicandi Euangelij causa peragrauit, contractus etiam ob assiduos labores morbis grauissimis; sæpius naufragium passus est, æstus, frigoris, nuditatis, vigiliarum, sitis, famis incommoda diutissime sustinuit: nudis pedibus inter uepres & sentes longissima itinera perfecit: contumeliis, probris, irrisionibus, & omnis generis illusionibus, & iniuriis appetitus, verbera insuper, lapidationes ac sputa passus, omnia semper non solum æquo animo sed sibi plaudente, illius verè discipulus qui Apostolis dixit: CVM VOS ODERINT HOMINES ET CVM SEPARAVERINT VOS, ET EXPROBRAVERINT, ET EIECERINT NOMEN VESTRVM TAM QVAM MALVM PROPTER FILIVM HOMINIS, GAUDETE, ET EXULTATE. Deoque propterea in omnibus gratias hilari & humiliter agebat, & pro illusoribus ac persecutoribus deprecabatur.

Quæ quidem omnia confirmantur ex iis quæ de ipsius Charitate in Deum, & proximum iam paulò antè ibi fuerant memorata, his verbis sane obseruandis: Ostenditur eadem Charitas per extinctionem timoris in subeundis periculis, & arduis operibus aggrediendis, amore Dei: nam perfecta Charitas foras mittit timorem. Ille verò tantum absuit à timore ut propter Deum non timuerit naufragium, peregrinationes per inuia & deserta loca non formidauerit: nec ferros Ethnicorum mores expauerit, quamuis ab omnibus, vno consensu, exitium ei imminere denuntiaretur. Nec minus elucet eius eximia in Deum Charitas ex contemptu rerum humanarum & mortis, qui in tota huius serui Dei vita ita elucet, ut verè cum Apostolo posset dicere, QVIS NOS SEPARABIT A CHARITATE CHRISTI? TRIBVLATIO, AN ANGVSTIA, AN FAMES, AN NVDITAS, AN PERICVLVM, &c. IN HIS OMNIBVS SUPERAMVS PROPTER EVM QVI DILIGIT NOS.

Hæc sunt expressa verba Relationis factæ in Consistorio, coram summo Pontifice, à Cardinale Montensi, ex quibus tam manifeste Theis simul & Hypothesis declarantur, ut quàm apertum est in abstinendo & sustinendo propter salutem proximi, contineri omnem patientiam Apostolicam, tam apertè liquet sanctum Franciscum Xauerium in vtroque simul excel-

Inisse. O quales nos saltem pro salute nostra deceret esse; cum
Ille tantum laborauerit pro salute aliena!

III. PUNCTVM.

SIVE igitur vniuersum spectemus Veritatem propositam,
certa manet & constans; *Hac esse Apostolatus & perfectioris
vitæ duo signa certiora, VELLE ABSTINERE LIBENTER AB
OMNIBVS BONIS: ET OMNIA MALA SVSTINERE*, quia
in his duobus omnis perficitur Patientia, *Patientia autem*, in-
quit sanctus Iacobus, *omne opus perfectum habet*. Siue particula-
tim illam Veritatem consideremus in Apostolico nostro Viro,
non minus certa est & rara fixaque Veritas, hæc eius esse Apo-
stolatus & perfectissimæ vitæ signa notissima: Vnde in ipso pri-
mo memorata Relationis vestibulo, postquam productus est ille
de Apostolis psalmi decimi octavi versiculus: *In omnem terram
exiit sonus eorum: & in fines orbis terra verba eorum*: Tum
sic pergit sacer Relator: *Hos inter, seruus Dei Franciscus Xau-
erium ita eluxit, ut in eo Diuini oraculi pars illa impleta esse videat-
ur: Et in fines orbis terræ verba eorum*. Diuino enim beneficio
segregatus in Euangelium Dei quæ immensa patent Occani littera, ad
Orientem solem deduxit sonum Apostolorum, & in fines orbis terræ,
verba eorum. Nam ut taceam Indos, Brachmanas & Malabares ad
quos aliqua Euangelij fama olim emanauit, & multorum seculorum
atavibus oblitterata, Xauerij predicatione reuixit: Ipse primus Pa-
rauis, Malais, Iais, Aenis, Mindanais, Moluccensibus ac Iaponibus
Apostolico sane spiritu & virtute, Euangelicæ lucis fulgorem induxit,
& salutem annuntiavit: *Vltra quas Prouincias ad Orientem solem
nihil reliquum orbis terrarum habet*.

Et nonnullis interiectis: Hoc nomen Apostoli, Apostolicis factis
primùm in Lusitania obtinuit, deinde in India, Iaponia, Sina & reli-
quis Orientis Prouinciis conseruauit. Communi enim omnium consen-
su non nisi Apostolus nominatur, meritoque tam honorifica appella-
tione dignus censetur qui Apostolico sane spiritu in tot Prouinciis
Euangelium predicauit, ita Domino cooperante, & sermonem ser-
ui sui confirmante sequentibus signis, ut multa centena hominum mil-
lia doctrina & miraculis, Apostolorum miraculis simillimis, ab ido-
lorum seruitute ad veram libertatem filiorum Dei traduxerit, in fine

instituerit, & propria manu baptizauerit, inter quos Reges ac Principes non pauci numerantur. Quod Apostoli nomen ab hominibus seruo suo tributum insigni miraculo Deus confirmasse videtur, cum illi non solum miraculorum sed etiam linguarum dona concesserit, quibus olim Apostolos Ierosolymis ad predicationem Euangelij armavit.


De quo Linguarum dono sic paulò post Idem expressius: Diuersarum namque gentium linguis, quas non didicerat cum eas Euangelij causa adiret, ita eleganter & expedite loquebatur, ac sibi natus & educatus esset: & contigit non raro ut eum Concionantem diuersarum nationum homines suã quisque linguã planè & politè loquentem audierit, id quod pro maximo miraculo ab ea gente habitum non solum auxit venerationem Xaucrij, sed multos etiam ad fidem conuertit: Voluit enim Deus qui illum ad Predicationem Euangelij in illis Prouinciis segregarat, ut sicut in ceteris Apostolicum spiritum acceperat, sic etiam dono linguarum Apostolis similis esset: & ut non solum spiritus fernore eximio, sed etiam variis linguis magnalia Dei ubique loqueretur.

Ac demum in ea oratione quæ fuit habita coram eodem Summo Pontifice, & quæ Relationi subiungitur, sic Orator paucis omnia contrahendo: Nec contentus, inquit, tot ubique locorum terras, tot maria docendis populis perlustrasse, tot insulas, Prouincias, regna Deo peperisse, à capite rem exorsus in Sinas expeditionem adornat, atque emenso iterum Oceano in Sancianum insulam, Sinis proximam deferretur, Sinarum claustra seuerissimis quamquam legibus, custodiisque firmata tentaturus, ubi derelictus simul ab Interprete, simul ab hospite, morbo correptus, deserta in insula, in humili iugurio, in magna rerum omnium inopia, hoc vnum ægerrimè ferens seruandorum hominum aditu prohiberi; cæterum Dei desiderio videndi, supra modum incensus, annos natus quinquaginta quinque decennio post suum in Indiam aduentu, quarto ante Ignatij obitum anno, sanctissime moritur: Indiarum Apostoli nomen consecutus, non tam aliorum predicationibus, aut Lusitanorum, Indorumque consensu populorum, quàm propriis virtutibus, quibus se Apostolorum ad vitam conformauit, ac donis atque miraculis, quibus ad Apostolorum gloriam extulit illum Deus, adeo ut toto Oriente, non alio nomine quam Sanctus atque Apostolus appellaretur ab omnibus, etiam ab Ethnicis, qui ad eius sepulchrum accedere venerabundi, eiusque opem implorare consueverunt.

Verum ad nos redeamus, & quantam unusquisque partem in hac Apostoli dignitate consequitur, seu quantum quisque à sanctis & Apostolicis viris in suum velit deriuare profectum, tantum imitari conetur hanc verè sanctum & Apostolicum Virum, non in linguarum aut miraculorum dono, sed in abstinendo & sustinendo. Tota vitæ Christianæ disciplina duobus hisce constat capitibus, *Abstine & sustine*: Abstine à sensibilibus bonis: Sustine mala opposita. Quia videlicet illa sunt duo tantum, quæ nos retardent, aut boni sensibilibus cupiditas, aut mali metus. Nonne hoc experiris, si quid boni operis est exequendum! Nonne inde est quidquid omittis boni, vel quidquid committis mali? Viline hoc etiam scire apertius? audi sanctum Augustinum: *Omnia peccata duæ res faciunt in homine, Cupiditas, & Timor; Cogitate, discutite, interrogate corda vestra, perscrutamini conscientias, videte utrum possint esse peccata, nisi aut cupiendo aut timendo. Proponitur tibi premium ut pecces, id est, quod te delectet, facis propter quod cupis: Sed forte non induceris donis; terreris minis; facies propter quod times. Si cupiditas non valuit, forte timor valebit. Porro autem si de Scripturis contra cupiditatem venit tibi in mentem, quid prodesse homini si totum lucretur mundum, animæ vero suum detrimentum patiatur! veniat etiam contra timorem in mentem. Noli te timere eos qui occidunt corpus, animam autem non possunt cadere. Ex quibus vides quanti reuerat abstinere & sustinere, cum inde vel virtutes vniuersæ, vel peccata omnia enascantur.* In Ps 79.

Sic Idem S. Augustinus de Christo Domino: *Omnia quæ habere cupientes non recte vivebamus, carendo vitia fecit: omnia quæ vitare cupientes à studio deuiahamus veritatis, perpetiundo deiecit: Non enim ullum peccatum committi potest, nisi dum appetuntur ea quæ ille contempsit, aut fugiuntur ea quæ ille sustinuit.* L. I. de vera Relig. 16

Quid magis oppositum Christo, quid magis indignum est Apostolico viro, quid magis alienum à sectatoribus Apostolorum, quàm sectari quod fugit Christus, aut fugere quod est sectatus? Hæc tu ipse fugies & illa ipse sectaberis, nisi omni studio & contentione ablineas, & sustineas.



Die 6.
Decembr.

IN FESTO S. NICOLAI EPISCOPI ET CONFESSORIS.

Domine, quinque talenta tradidisti mihi, ecce alia quinque superlucratus sum. Ait illi Dominus eius; Euge serue bone & fidelis, quia super pauca fuisi fidelis, super multa te constituam. Matth. 25.

VERITAS PRACTICA.

Numquam melius sibi prouidet fidelis Dei seruus, quam si nihil sibi retinens, totum se Domino, suaeque omnia consecret.

RATIO EST, Quia dum Dei seruus nihil sibi retinet, diuinam ad se prouocat Benignitatem.

Sed non melius sibi prouidet, quam sic prouocando ad se diuinam Benignitatem.

Ergo nunquam melius sibi prouidet fidelis Dei seruus, quam si nihil sibi retinens, totum se Domino suaeque omnia consecrat.

*Quod paucis his verbis sanctus Hieronymus clare complexus est: Optimus dispensator est, qui sibi nihil re-
seruat.*

I. PUNCTVM.

IAMETSI hoc Euangelium de quinque talentis, commune est omnibus Confessoribus, Episcopis seu Pontificibus: peculiari tamen ratione referri potest ad sanctum Nicolaum, cuius quinque talenta quae accepit à Domino, sigillatim memorari possunt; quinque item quae superlu-

cratus est : ac postremo quinque , quibus insuper à Domino ad nostrum subsidium liberaliter & magnificè est insignitus. Habentur illa fusiùs in meditatione , de eo edita , vnde hæc breuiter referuntur.

Primò quidem , de quinque talentis acceptis , Primum fuit , bona indoles seu natiua propensio in bonum , poterátque illud Sapientis vsurpare , *puer eram ingeniosus, & sortitus sum animam Sap. 8. bonam.* Secundum fuit , cor docile & tractabile , vt à quibus regendus esset , facillimè regeretur. Tertium , auersio & fuga prauis malorum consortij. Quartum , perfacile ad scientias comparandas ingenium. Quintum , facundia naturalis & ingenta , vt posset vere dicere , *Dominus dedit mihi linguam eruditam , vt Is. 50. sciam sustentare eum qui lassus est verbo.*

Deinde verò quinque aia quæ superlucratus est talenta , hæc recensentur. Primum , applicatio bonæ indolis ad omne genus bonorum operum , ad orationem , ad ieiunium & eleemosynam , in quibus piis exercendis operibus insignis fuit à pueritia. Secundò , docilitatem suam non modo puer exercebat erga superiores , sed vir factus & creatus Episcopus sese aliis Episcopis summittebat , vt penè nihil ageret , nisi ex consilio duorum aut trium , quos sibi propterea elegerat consulendos. Tertio , quam improborum fugam & auersionem iam à primis annis vehementem senserat , sic in dies expertus est vehementiorem , vt ab Episcopatu in desertum migrare cogitaret , atque etiam demigrasset , nisi voce diuina retentus audiuiisset se posse saluari in medio nationis prauæ. Quartò , facilitate ingenij ad scientias , scientiã sacrarum scripturarum , scientiam sanctorum & salutis , scientiam animæ , sibi cumulatè comparauit. Quinto , facundiam naturalem , exercitatione frequenti tam potentem & efficacem reddidit , vt non minùs valeret in dissuadendis erroribus contra Fidem , quàm in persuadendis Christianæ Religionis veritatibus.

Postremò denique , quæ à Domino præter Beatitudinem , & Gloriam essentialem sit munera consecutus , & gratias in humanum genus conferendas , tanto in numero celebrantur , vt S. Bernardus affirmet post memoriam Virginis singularis , nullum esse qui memoretur dulciùs , aut inuocetur frequentius ; Ex his tamen recensentur quinque fauores præcipui. Primus , ite-

*Serm. de
S. Nicolao.*

rili partum impetrare. Secundus, captiuos captiuitate libera-
re. Tertius, tempestates maris sedare. Quartus, balsamum è
corpore, ad omnem morbum curandum profundere. Quintus,
desperatos peccatores ab ipsis inferorum ereptos faucibus, ad
meliorem vitam reuocare.

Hæc sunt & multa alia, supra quæ constitutus est fidelis
Christi seruus, sanctus Nicolaus, qui cum neglectis suis priua-
tis rationibus vni Domino seruiendo vacaret, sua magis pro-
mouit, quàm si suis solum intendisset. Hinc orta est Veritas,
quæ modo expendenda proponitur, Vt in quocumque vitæ ge-
nere quis versetur, *numquam melius sibi provideat, quàm si nihil
sibi retinens, nullâ sui ratione habitâ, totum se Domino suaque om-
nia dedat & consecret.*

Ratio est perspicua, quia cum Dei seruus, sic Deo seruit to-
tus, vt nihil plane sibi reseruet, diuinam in se prouocat beni-
gnitatem. Deus est quidè diues in omnes, etiam antequam quid
mereatur, imò etiam postquam demerentur, sed in eos præcipuè
diuitias Bonitatis suæ explicare, qui sunt in se liberales & mu-
nifici, nemo dubitare potest, quin dubitet de Dei Bonitate &
aquitate. Nam si tu qui hæc meditaris aut legis, nolles tibi
exprobrari hominem aliquem suis stipendiis tibi seruientem ge-
stare opprimi, cum posses eum sustentare: quid putas de Boni-
tate Dei ad tuam comparata? Itane te bonum credes, vt quod
humanæ est bonitatis nolis omittere; Et non credes Deum
ita esse bonum? Oporteret illum aut nescire, aut non pos-
se, aut non velle adesse homini, sic sibi seruienti. Vtrum ex his
dices? Non duo prima; nam illi detrahere scientiam, & poten-
tiam, nimis capitale est & blasphemum. Vnde restat tertium,
quod nolit. At vide quàm sit illud longe capitalius cum ma-
gis directè pugnet contra Bonitatem Dei, cuius proprius actus
est velle bonum. *Si vos cum sitis mali, nescitis bona data dare filiis
vestris, quantò magis pater vester.*

LVI. 17.

II. P V N C T V M.

SED non melius sibi providere potest Dei seruus, quàm sic prouo-
cando diuinam Benignitatem. Vnde enim habet homo, vt bene
sibi providere possit? nempe ex his tribus: primò quòd natu-
raliter

raliter benè sibi velit, deinde quòd sciat quid sit sibi vtile; ac postremo quòd id possit. Qui foeliciores sunt in his tribus, hi foelicias & melius sibi suisque rebus prouident. At quantumcumque foelices in his & periti possint esse homines, quis dubitet Deum longè in omnibus eminentiorem esse? An nescis ipsum tibi melius bene velle, quàm tu tibi; An ignoras ipsum melius nosse quid tibi sit vtile, quàm tu id noscas; Ipsum denique quàm tu possis, melius posse. Vnde planè sequitur, vt quanto Deus homine est melior, sapientior & potentior, tanto melius homini prouideatur à Deo, quàm ab homine; ac proinde cum hanc ille habeat Diuinam Prouidentiam, qui sibi diuinam procurauit benignitatem; quis non videt non posse aliter melius sibi prouideri? *Conuertimini & videbitis*, inquit Propheta, *quid sit inter iustum & impium; & inter seruientem Deo, & non seruientem ei.* *Matt. 3.*

III. PUNCTVM.

SIC est igitur, vt habet Veritas: *Numquam melius sibi prouidet Dei seruus, quàm si nihil sibi retinens totum se suaque omnia Deo dedat & consecret.* Sic enim diuinam benignitatem & prouidentiam sibi conciliat, quæ tanto est aptior nostris rebus feliciter procurandis, quo Deus maior est homine. *Omnes sollicitudinem vestram projicientes in eum, quoniam ipsi cura est de vobis*, inquit S. Petrus, cui conformiter Apostolus: *Scio cui credidi* *1. Pet. 5.* *& certus sum, quia potens est depositum meum seruare in illum diem:* quasi diceret, quod est valde obleruandum; non hic expecto tales eius prouidentiae & fidelitatis effectus, vt nihil eorum quæ ad hanc præsentem vitam spectant, deesse possit; cum & ipsa præsens vita sit tandem delitura: Sed hoc scio, & certus sum, quòd quidquid boni vel mali accidat, hoc totum rectè ordinet & prouideat in illum Diem qui numquam deliturus est, & ad quem nisi omnia nostra dirigantur, non possunt dici feliciter succedere, aut bene prouisa esse. *Quid enim proficit homo, si lucretur uniuersum mundum, se autem ipsum perdat, & detrimentum sui faciat?* *Luc. 21.* Hæc est itaque vna rei nostræ felicitas, si felicitati æternæ coaptamur & disponimur. Quod cum maximè & indubitatè prouideat diuina Benignitas illis potissimum, qui sibi fi-

464 Die 6. Decembris, de S. Nicolao, Domine quinque, &c.

dunt & totos tradunt: certè hi sunt qui sibi maximè prouident; dum nihil sibi reseruant, vt toti illius sint, qui hoc vnum expectat, vt eos tamquam suos in suam ipse felicitatem rectà ducat,

Matth. 25. & introducat. *Intra in gaudium Domini tui:* O quale gaudium! qualis introitus! quid non propterea dandum esset, si emi posset?

Sermos. 64. de ver- bis Dom. *Et tamen vanale est*, inquit S. Augustinus, *eme si vis, non multum exastues de re magna propter pretij magnitudinem: tantum valet, quantum habes. Noli querere quid habeas, sed qualis sis; res ista tanti valet, quantum es tu! Te da & habebis illam.* Hoc est nihil tibi de te reserua in Christi seruitio, & habebis Christum, qui vera Via est ad æternam illam Vitam.





IN FESTO

CONCEPTIONIS
B. Mariæ Virginis.

Die 8.
Decembriæ

Tota pulchra es amica mea, & macula non est in te.

Cant. 4.

VERITAS PRACTICA.

Conceptio sine macula non potest verè coli cum macula.

VEL SIC

Præuicatorem esse oportet, qui Conceptionem sine macula, colat cum macula.

SENSVS est, quòd quisquis aliquam in se agnoscit peccati seu deprauati affectus maculam, quam non velit deponere, non potest verè colere Conceptionem Beatissimæ Virginis, sicut hodie colenda proponitur sine ulla peccati macula: aut si hanc colat cum macula, præuicator sit reputandus, iuxta illud Dauidis, Præuicantes reputaui omnes peccatores Ps. n8: terræ.

RATIO EST, quia præuicator is dicitur qui contra id agit quod profitetur.

Sed qui colendo Conceptionem sine macula, non vult deponere

Nnn ij

quam in se agnoscit maculam, contra id agit quod profitetur.
Ergo eum præuaticatorem esse oportet; aut ne tam infami se inficiat
nomine, deponat maculam quisquis conceptam sine macula
velit colere Beatam Virginem.

I. PUNCTVM.



QUOD piè creditur, & quod colendum hodiè pro-
ponitur de Conceptione Beatissimæ Virginis, sic
breuiter habe & contemplare. Illo ipso primo in-
stanti quo creata eius anima infundenda erat for-
mato corpori, in utero Beatæ Annæ matris, atque
ut cæteræ animæ in originale peccatum iam iam lapsura erat;
præuenit Deus hunc lethalem lapsum, & Gratiâ sanctificante
quæ cum tali peccato repugnat, ita illam animam præmuniuit,
ut sancta simul ac concepta fuerit; vnde eius Conceptio dicitur
immaculata, id est absque vlla prius peccati macula; vnde
illi hæc ex Canticis, & Sacris Psalmis ab Ecclesiâ concinuntur:
Can. 4. Tota pulchra es amica mea, & macula non est in te; QVAM pulchri
Ioid. 6. sunt gressus tui in calceamentis, filia principis; Id est in ipso primo
Ps. 45. exortu. Sanctificauit tabernaculum suum altissimus: Deus in medio
eius non commouebitur: adinuabit eam Deus mane diluculo. Venite
& videte opera Domini quæ posuit prodigia super terram: auferens
bella vsque ad finem terra: Arcum conteret & confringet arma, Id est
 nulla erit repugnantia carnis cum spiritu, quandoquidem nul-
lum est peccatum, quod est origo & fomes talis repugnantia,
lib. de Em- Quæ est ista terra, inquit Richardus Victorinus, de qua bella omnia
manuelc. auferuntur, nisi illa de qua Idem Propheta, veritas de terra orta est;
Cæteris sanctis præcipitur ut in mortali eorum corpore peccatum non
regnet, soli virgini singulariter datur, ut mortale corpus eius pecca-
tum non inhabitet.

His & similibus aliis cogitationibus & affectibus immacu-
latum hunc Beatissimæ Virginis Ortum saluta, venerare, &
omni pietatis officio prosequere. Et vero id digne & verè num-
quam facies, nisi quam noris in te peccati maculam hodie flu-
deas eluere, & omnino deponere. Neque enim Conceptio sine
macula potest verè coli cum macula. Præuaticantes sunt qui

dem omnes peccatores, sed hi tales maximè reputandi, qui cum voluntaria peccati maculâ, immaculatam Sanctissimæ Virginis Conceptionem se colere profitentur.

Ratio quæ assertur est facilis, dum semel benè intelligatur quid sit præuaricari, seu esse præuaricatorem; Id autem Scriptura satis apertè declarat, cum ait: *Noli præuaricari in amicum*, *Ecclesi. 7.* Id est noli quidquam committere, quo videaris non esse eius amicus, cuius te tamen amicum profiteris. Et alibi: *Interpre- 15. 43.*
tes tui præuaricati sunt in me, id est, cum præ se ferrent explicare legem, aliter interpretati sunt ac explicanda erat: vel, iuis ipsis operibus destruxerunt, quod ascribebant interpretando legem, cum aliter viuerent, quàm viuendum ex lege scirent. Sic *Gal. 2.*
apertè Apostolus: *Si quæ destruxi, iterum hæc ædifico, præuaricatorem me constituo.* Ex quibus manifestè patet præuaricatorem eum dici, qui aliud agit, & aliud profitetur. Quod est valde probrosum. *Deprehenderis & detegeris Christiane*, inquit sanctus *De Symbolo ad Catech.*
Augustinus, *quando aliud agis, & aliud profiteris.*

II. PUNCTVM.

SED qui colendo Conceptionem sine macula, non vult deponere quam in se agnoscit peccati maculam, contra id agit quod profitetur, seu aliud agit, & aliud profitetur.

Quid est enim colere Conceptionem sine macula, quàm profiteri, & præ se ferre quod esse sine macula, sit tam magnum, tam laudabile, tamque diuinum, vt æstimetur à nobis religiosè colendum & celebrandum? Et certè ita est, nulla par dignitas, nulla diuitiæ, nullus honor aut gloria, nullum denique creatum bonum potest venire in comparisonem immaculatæ animæ. Nam si de sapientia sic Sapiens loquitur; *præposui illam re- sap. 7.*
gnis & sedibus, & diuitias nihil esse duxi in comparatione illius: nec comparavi illi lapidem pretiosum, quoniam omne aurum in comparatione illius, arena est exigua, & tamquam lutum æstimabitur argentum in conspectu illius: Quantò id magis verum de Gratia, cuius minimus gradus tanto supra sapientiam & omnia creata bona præminet, quanto ipsa sapientia exteris præstat bonis.

Sic apertè Ecclesiasticus: *Quam magnus, inquit, qui inuenit Ecclesi. 25.*
sapientiam & scientiam, sed non est super timentem Dominum. Ti-

mor Dei se super omnia superposuit; Quasi diceret, quidquid magni & admirandi cogites de homine, nisi voluntariâ culpâ vacet, quantum quidem per Dei gratiam vacare potest, non est ille vir tantus, quantus est timens Deum, qui se illo timore vel à contrahendi peccati macula continet, vel contractam quam citò potest deponit, quia puritas vitæ præstat omnibus æstimandis; quantumcumque sint illa pretiosa. Omnis ponderatio, ait Idem, non est digna continentis animæ.

Atque hanc integerrimam vitæ puritatem tantî æstimabat sapientidima Virgo, ut ipsi Maternitati diuinæ non dubitaret eam præponere: unde si optio illi data fuisset eligendi, aut maternitatem Dei cum peccato originali, vel cum alia demum peccati macula; aut immaculatam puritatem sine maternitate Dei; maluisset pura esse sine Dei maternitate, quam mater esse sine tali puritate. Quod ex eius responsione ad Angelum, facile est colligere, *quomodo fiet istud quoniam virum non cognosco?*

Nec erat alius Filij eius, Domini nostri sensus, cum diceret nuntianti matrem adesse; *Quæ est mater mea, & qui sunt fratres mei?* Vel cum inclamanti, *beatus venter qui te portauit, & vbera quæ suxisti*, responderet, *quin imò, beati qui audiunt verbum Dei & custodiunt illud.* Nam sic indicabat, ut interpretatur S. Augustinus, & alij, *beatior esse virginem, & digniori titulo suam esse matrem, quòd sancta esset, quàm quod præcisè sua mater esset: Nec materna, inquit, propinquitas Maria profuisset, nisi felicius Christum corde, quàm carne gestasset.*

2. de sancta Virg.
1. 1.

Hoc est igitur quod profitemur hodie, cum Beatissimæ Virginis Conceptionem sine macula colimus; hoc est quod in ea colitur, *purum scilicet, & immaculatum esse*, quod est certè colendum. Itane vero id colis qui quam in te agnoscis peccati maculam, non vis deponere?

Hoc quidem profiteris, sed nonne aliud agis & aliud profiteris? Cur enim peccati maculam retines; nisi aliquid in peccato tibi placeat, & quod probatum velles ab omnibus? At verò si est aliquid quod in peccato placere & probari possit, quid est quod esse absque peccato sit ita laudabile, sicut laudatur hodie in immaculata Virgine, & sicut tu ipse celebrandum profiteris?

Si de originis peccato duntaxat ageretur, si de aliquo veniali,

quo vix vllus eximitur: tolerari res posset; sed cum voluntarium ipse peccatum admittas, & admissum retineas, & approbes, atque etiam ab aliis approbatum velles, ne illud deponere cogereris; hoc est profectò tam aliud & tam diuersum ab eo, quod hodie profiteris in laudata Virgine, quam peccatum & non peccatum. Tu bonum & beatum profiteris in sancta Virgine, absque peccato esse; tibi autem esse in peccato bonum & beatum censes, quandoquidem in eo non remaneres, nisi tibi bonum esset. Quid illud tandem est, nisi aliud dicere & agere, atque aliud profiteri? Sunt quidem aliqua bona quæ probentur in vno magis, quam in alio: sed peccatum in nullo probari potest. Diuitias & honores vnus cum laude contemnet, quas alius merito retinere potest; At solum est peccatum, quod nemo iure retineat, & quod nemo verè improbet, si tantillum in se probet. *Nimis odito execrationem*, Id est, quantum *Ecclesi. 17.* cumque tibi videaris eam odisse, maiori etiam habenda est odio.

III. P V N C T V M.

P*RAEVARICATOREM igitur cum esse oportet, qui Conceptionem sine macula colat, cum voluntaria macula.* Quia in colendo talem Conceptionem videtur eam maculam detestari, quam tamen dum in se admittit aut retinet, adeo non detestatur, vt amet & approbet, sicque aliud agit, & aliud profitetur, quod est seipsum negare, & præuaticatorem constituere; atque in offensam Dei non leuem incurrere. Vnde ipse per Prophetam. *Ponam, inquit, faciem meam in eos, eò quod præuaticatores extiterint.* *Ex. 15.* Sic enim videtur augeri peccatum ex mente simulata & ex duplici corde, quod apparet in probando simul & improbando peccato. Vnde & rectè Sapiens: *Anima præuaticatorum iniqua.* *Pr. 13.* Nam sic iniquè agit & contra Deum, & contra seipsam. Neque valet quod dicas te non amare peccatum, cum rem ipsam ames cui annexum est peccatum. Neque etiam excusat, quòd longè sit alia nostri ratio & Beatae Virginis, à qua omnem culpam remoueri dignitas eius exigit: à nobis autem nostra conditio non ita postulat. Id enim falsum est de grauioribus & voluntariis illis culpis quas fouemus, & quas sic debemus, quantum

Luc. 1.

1f. 46.

cum gratia possumus, deuitare, vt nihil putemus magis nostrum, quàm, *Immaculatos nos custodire ab hoc saculo.*

Pr. 8.

Ecclesi. 24.

MEMENTOTE istud & confundamini: Redite prauaricatores ad cor: Nempe vt hæc cogitet & recogitet coram Deo, & Beatissima Virgine, cui quantum vitæ Puritas placet, tam displiceat Impuritas necesse est. Effunde quas voles preces; adorna quo velis munere, sacras eius imagines & sacras eius ædes: Erumpe in eius laudes quantumuis eximias, nihil agis ad eius cultum, nisi puritatem vitæ quam maxime colit, & quâ maxime se colendam indicat, studiosius coniecteris. Nunc ergo filij audite me, beati qui custodiunt vias meas. BALSAMVM non mixtum odor meus: & flores mei, fructus honoris & honestatis. Transite ad me omnes, qui concupiscitis me, & à generationibus meis implemini, Id est, Immaculatæ meæ Conceptioni vos conformate.

IN EADEM DIE,

AD ILLVD APOCALYPSIS 21.

Non intrabit in eam aliquod coinquinatum.

I. PUNCTVM.

2p. 5.

PRIMO id dicitur de coelesti Ciuitate seu Beatitudine, in quam certum est nihil nisi purum & sanctum intrare: vbi maxime adimpletur quod ait Apostolus de Christo Domino, *Qui seipsum tradidit pro Ecclesia vt illam sanctificaret, vt exhiberet ipse sibi gloriosam Ecclesiam non habentem maculam, aut rugam, aut aliquid huiusmodi, sed vt sit sancta & immaculata.*

2f. 45.

2f. 9.

DEINDE vero id accommodatur Beatissimæ Virgini quæ est *Ciuitas Dei de qua gloriosa dicta sunt: Et semper dici debent, vt est in Psalmo: Et in quam non intrabit aliquod coinquinatum siue originale siue actuale. Quæretur peccatum illius, & non inuenietur.*

DENIQUE de Eadem etiam modò id dici potest, quo sensu dicimus, intrare in animum alicuius, id est, sibi beneuolum & gratiosum

gratiosum facere : *Sicque non intrabit in eam aliquod coinquinatum*, perinde est ac dicere , nullus coinquinatus eo vitio quo præcipuè inquinatur animus , nimirum Impudicus , Impurus , Immundus , & quisquis huiusmodi est affectu & habitu, nullus intrabit in animum eius, quidquid faciat ut sibi eam beneuolam & gratiosam reddat, nihil faciet, nisi mutet mentem, & impurus esse desinat. Quod ut plenius ad praxim expendatur sic est concepta

VERITAS PRACTICA.

Aut puritatem Beatissimæ Virginis neget Impurus, aut concedat se abnegatum à tam pura Virgine.

RATIO EST, Quia qui neget tantam esse puritatem Virginis Matris, quanta est ipsa in se puritas; negabit eius puritatem.

Sed si porro concedat talem eius puritatem, necesse est ut concedat se à tali puritate, siue à tam pura Virgine abnegatum.

Ergo aut puritatem Beatissimæ Virginis Impurus neget, aut concedat se abnegatum à tali Virgine; quorum alterutro negato vel concessio quid detestabilius? quid damnabilius?

P R I M A propositio non potest aliter declarari quam exponendo talem fuisse puritatem Beatissimæ Virginis Matris, qualis ipsa in se potest esse puritas, id est, quanta potest cogitari maxima, id est, quanta ipsa esset pura creata Puritas si re ipsa subsisteret. Sic enim expressè Ecclesia, dum sanctam & immaculatam laudat Virginem : *Sancta, inquit, & immaculata Virginitas quibus te laudibus offeram nescio. Sic decens, erat,* inquit sanctius Anselmus, *ut ea puritate qua maior sub Deo nequit* L. de Conceptu. c. 13. *intelligi, Virgo illa niteret.* Et S. Ambrosius : *Sit vobis tamquam in* L. 2. de Virg. *immagine descripta Virginitas, vitæque Mariæ, à qua velut in speculo resurgat species castitatis, & forma virtutis.* Sic denique quicquid ad extollendam puritatem Scriptura vel in figuris obuiolatum, vel in personis repræsentatum, vel in verbis expressum habet, hoc

472 Die 8. Decembris, de Conceptione Beatissimæ Virginis.

Serm. de
Assumpt.
Virg.

totum sancti Patres ad sanctissimæ Virginis referunt puritatem; neque dum tamen satis eam extulisse putant; Vnde est illud egregiè dictum à Sophronio; *Quidquid est mentis humane si adhiberetur, non posset cogitare quàm esset illa, indefinenter affixa Deo, ut in ea nihil esset mundanus quod violaret affectus.* Vides itaque quam sit verè dictum quod Impurus negaret puritatem Virginis, qui talem ei puritatem denegaret.

II. PUNCTVM.

SED si porrò Impurus talem ei concedit puritatem, contemplare quam non minus sit certum, quod simul necesse est ut concedat se à tam pura Virgine abnegandum & repellendum, aut iam esse abnegatum & repulsum.

2. Cor. 15.

Quod enim faceret Puritas, hoc pura Virgo faciat necessum est, si ipsa est puritas, cum seipsam negare non possit, neque à se ipsa degenerare aut tantillum desciscere. Quid autem faceret Puritas cum Impuro? Alterutrū profecto è duobus; aut ab eo perdat, aut illum perdat. *Neque enim, ut ait Apostolus, corruptio incorruptelam possidebit.* Non est vlla virtus tam sui tenax, & magis indiuisa quam pura Puritas. Aut pura esse desinet si quid impurum sibi accedere patiatur, aut si pura consistat, numquam illud patietur.

Parietur Humilitas assidere sibi superbum; Feret mansuetudo iracundum; Portabit inuidum Charitas; Intemperantem Temperantia sustinebit; Suum denique vnaquæque Virtus oppositum utcumque tolerabit; sola est Puritas quæ simul cum impuro non potest tuta quiescere, non potest quieta subiiltere. *Discede à me pabulum mortis, quia iam ab alio Amatore prauenta sum.* Solo Impuri aspectu sic in sancta mouebatur Agnete Puritas, ut quamquam atate, Virgo infirma esset, virtute tamen tam robusta & constans erat, ut auderet sic loqui, sic contendere, sic certare, & vincere.

Sup. 4.

Non est pro aliis virtutibus tale institutum certamen quale pro Castimonia, *Qua, ut ait Sapiens, in perpetuum coronata triumphat, incoquinatorum certaminum premium vincens.* Id est, sic decertans, ut non modo se inquinari non patiatur, sed neque inquinatum sibi accedere; perdat potius cuncta, quàm vel le-

riter attrectetur. Dabit in Iosepho pallium; Dabit in alio linguam contra impurum, conspuendam; In alio dabit oculos eruendos potius quam maculandos: Et in magno Ioanne dabit caput, Caput illud Sanctissimum, ne dicatur vidisse impuritatem, & tacuisse. Nam si herba quædam, si nonnullæ gemmæ, si apes cum impuro ita pugnant ut simul non possint quiescere, quid ipsa faciet Puritas? quid ingenitus à natura rationali Pudor, vel infusus à gratia?

HINC tam seuera Pauli contra Corinthios animaduersio, quod vel vnum impurum in sua secum ciuitate paterentur: *Et 1. Cor. 5.* *vos inflati estis, & non magis luctum habuistis, ut tollatur de medio vestrum qui hoc opus fecit?* Non eos arguit quod impuri essent, quod impuritati consentirent, aut quoquo inde modo ad se contraherent; sed hoc vnum quod illum apud se sinerent viuere qui non purè & sanctè viveret, non quod in eodem habitarent cubiculo, non quod in eadem domo, non quod in eadem vicinia; sed quod eum tantum in eadem Ciuitate, licet amplissima paterentur, nec inde illum expellerent, nihil ut habere possent cum illo commercij, non tantum vsu, non tantum victu, nec tantum colloquio, sed nec accessu nec visu. *Auferte, inquit, malum ex vobis. Ibid.* *biipfis.* Sic nempe Puritas impurum abnegat, & à se abjicit.

III. P V N C T V M.

AUT ergo puritatem Beatissimæ Virginis Impurus neget, aut concedat se à tali puritate abnegandum. Nam si neget eam, ipsam esse Puritatem, negabit esse puritatem Virginis matris: aut si talem illi concedat puritatem, concedat etiam necesse est, ut in ipsum Virgo exerceat quidquid Puritas exerceret, si sola per se ageret. Quid autem Puritas exerceret, nisi quod sibi tam intimum & connaturale est, ut puritas non esset, nisi oppositam impuritatem penitus abhorreret. *Quæ enim participatio iustitiæ cum 2. Cor. 6.* *iniquitate, aut quæ societas luci ad tenebras?* Nulla certe, Sed tamen aliqua fieret potius lucis & tenebrarum confociatio, quàm puritatis & impuritatis. Hoc est quod ipsa Virgo purissima cuidam Adolescenti non satis callo, quondam indicauit, dum sibi preces funde iti dapes exquisitas obtulit in vase lutofo & sordido comedendas. Exhorruit scilicet Adolescens; At illa, inquit,

Eccl. 24. sic tu mihi horrorem infers cum preces alioquin pias tu immu-
 Hebr. 11. dus & impurus offers. *Qui creavit me, requieuit in tabernaculo meo,*
 & dixit mihi: *in Iacob inhabita.* Non in Esau, non in fornicatore
 & profano Esau, vt declaratur fufius in bello Annuntiationis.

Hoc ergo cogitet quisquis impurus accedit, purissimam Vir-
 ginem oraturus, cogitet se ad ipsam Puritatem accedere, se pu-
 ritati velle communicare, nec velle tamen impuritatem deponere:
 quod est puritatem ita offendere, vt non possit ad se acceden-
 tem non exhorrescere. *Lauamini mundi estote, auferite malum cogitationum vestrarum ab oculis meis, & venite.* Alioquin, *scitote intelligentes quod omnis fornicator, aut immundus non habet hereditatem in regno Christi;* ac proinde etiam tamquam ex hæres à Regina matre, & tamquã à Sara Ilmael, domo & aspectu eiectus est, depulsus est, & abnegatus. At quò tandem fugiet, offensa Virgine? sublatũ est omne prorsus effugium. Vide & recole memorandã Sanctorum Patrum sententiam: *Sicut omnis ab illa conspectus impossibile est vt percat, sic ab illa dispectus necesse est vt intereat.* Cumque illud totum damnum ex vna Impuritate nascatur, quis sanamenti & de sua salute tam parum sollicitus, vt non potius serio cogitet de mundando corde, quam se tot damnis abiciat, tamque certis periculis? Sic dicuntur *desperantes* qui semetipsos tradiderunt impudicitie, quia reuera nihil desperatius, nihil deploratius. *Salua animum tuum, festina, & saluare tibi.*

SIC FORTE ETIAM BREVIVS POSSET CONCIPI VERITAS.

Nemo amans impuritatis, amat Beatam Virginem.

RATIO à priori est, quod nemo eum amare dicendus est cui non timet displicere, sua culpa quam posset tollere.

Sed amans impuritatis non timet displicere Beatae Virgini sua illa culpa grauissimã quam posset tollere. Ergo non amat Beatam Virginem, quidquid sibi fingat.

RATIO à posteriori est, quod nemo sit amans Beatae Virginis qui ab ea non ametur. Sed amans impuritatis, non amatur a Beata Virgine. Ergo nec eius amans est: & nescit quid sit eam amare, vel amari ab illa.

EGO, inquit, *diligentes me diligo, in viis Iustitiæ ambulo, in* ^{Prov. 8.} *medio semitarum Iudicij, ut ditem diligentes me, & thesauros eorum repleam.* Hoc est videlicet eam diligere, in iisdem Iustitiæ viis in quibus ambulat, ambulare. Et hoc est ab ea diligi, ab ea copiose ditari, & repleti bonis coelestibus. At certe amans impuritalis non is est qui sic amet & ametur.

ALIA VERITAS PRACTICA.

Quam in se amat Beata Virgo puritatem, in nobis amat:
Et quam in se odit impuritatem, in nobis odit.

RATIO est, quia quam in se amat puritatem, aut quam in se odit impuritatem, idcirco sic amat & sic odit, quia sic placet Deo: & quidquid Deo placet, ut vel amet, vel oderit, sic illa semper amat & odit. Atqui hoc etiam Deo placet ut quam in se amat puritatem, in nobis amet, & quam in se odit impuritatem, in nobis oderit. Ergo illa quod in se ipsa, hoc in nobis amat & odit. Non eodem quidem in gradu puritatem amat in nobis atque in se, quia non iam gradus saltem positivos in nobis, Deo placet, sicut in illa; sed quam videt placere Deo in nobis puritatem, certe sic illa velle & sic amat, sicut suo modo suam amat. Quidquid sit autem de positivo puritatis gradu, cum certum sit de negativo nullum Impuritalis actum & gradum voluntarium placere Deo in nobis, sic profecto illa omnem impuritatem in nobis odit, & tam vehementer odit quam in se odit, & quam videt placere Deo, ut in nobis oderit & delectetur.

Iam vero quale est illud odium quo in se impuritatem odit? aut quale est illud quod de nobis in Deo videt! cogita, recogita vehementer, ut sentias in te quod ipsa de te sentit: *Quasi libanus Eccles. 2. 2.*
non incisus vaporavi habitationem meam.

AD ILLA CANTICORVM VERBA:

Sicut lilium inter spinas, sic Amica mea inter filias.

Cant. 2.

VERITAS PRACTICA.

Quod sis tamquam spina natus, potest quidem Beata Virgo compati: Sed quod modo tamquam spina viuas inter lilia, non potest pati.

SENSVS infra commodius declarabitur.

RATIO quoad postremam partem quæ sola probatione indiget, hæc est, quod Beata Virgo non sic potest lubens volensque pati seu ferre tuas culpas, quin eas improbet & omni modo infectetur.

Sed quod modo, tamquam spina viuas inter lilia, tua vnus culpa est.

Ergo id illa non potest pati.

P R I M I S explicandum est quomodo in sua Conceptione Beatissima Virgo fuerit, sicut Lilium inter spinas; id est quâ differentia lilium à spinis differt, sic Beata Virgo à reliquis hominibus. Triplex autem notari potest differentia.

Prima, quod lilium sit aspectu pulchrum & iucundum, spinæ autem deformes strigosæ & nullo modo gratæ. Sic Beata Virgo dum est concepta in Gratia, tota gratiosa, tota pulchra, & sine macula fuit in oculis Dei. Cateri vero infantes dum in peccato concipiuntur, & manent, filij sunt iræ, sunt inquinati culpa quam vocant originali, & nullo modo grati.

Deinde lilium laue est, politum & suauē tactu: Spinæ vero asperæ, aculeatæ & vix tractabiles. Sic Beata Virgo tota suauis est sine vlllo carnis stimulo, sine vlllo peccati fomite; Cateri autem cum Apostolo ingemiscunt & dicunt, *Datus est mihi stimulus carnis meæ. VIDEO aliam legem in membris meis repugnantem legi mentis meæ.*

2. Cor. 12.

Rom. 7.

Denique lilium expansis in cœlum foliis sursum erigitur, & recto consistit situ: Spinæ autem deorsum repunt & in terram totæ incuruantur. Sic immaculata Virgo nulli humanæ obno-

xia corruptelæ, non in terra figit suas curas & cogitationes, sed in cœlum, cœlestesque motus tanta facilitate fertur cum sua Gratia, quanta nos inde auocamur. O verè lilium inter spinas, ô vere pulchra & suavis & electa inter omnes, sine te tangi nostris miseriis, moueat te miseranda nostra condicio. Compatietur illa quidem nostris humanis & naturalibus miseriis, quibus ex aliena potius culpa subiaceamus quam nostrâ, sed quod nostra culpa sumus miseri, non hoc prouocat cœlestem misericordiam, sed iram excitat.

Iudth. 8.

HOC est quod continet proposita Veritas, hoc est tamquam spinam nasci, nasci cum illis defectibus qui discernunt spinas à lilio; Et quod quidem ita sis natus, tibi compatitur: Sed quod modò tamquam spina viuas inter lilia, modò cum possis in Christo tuis resistere naturalibus concupiscentiis, sic tamen illis cedas, quasi non esset Christus: tua est culpa, tua est malitia. Quod autem sic tua culpa fit, non potest æquis Virgo videre oculis, non potest æquo pati animo, cum præsertim inter Eos viuas qui velut lilia, cœlesti puritate nitent, & quid possis cum Gratia, suo te doceat exemplo, suo comitetur præsidio.

O quantum tu te ipse disiungis à Virgine! Hæc facta est lilium inter spinas; & tu inter lilia, te vltro spinam facis! *flo. Ecclesi. 9.*
rete flores quasi lilium, & date odorem, & frondete in gratiam.

AD HÆC PSALMI TRIGESIMI TERTII VERBA:

Venite filij, audite me, timorem Domini docebo vos.

VERITAS PRACTICA.

PVERIS MAXIME COMMENDANDA.

Quem docet Virgo timorem Domini, tantò meliùs concipitur, quantò meliùs edocetur immaculata Eius Conceptio.

RATIO EST, Quia quem docet Virgo timorem Domini, tanto

melius concipitur, quantò exemplum eius quo illum timorem docet, est efficacius.

Sed quantò melius edocetur immaculata eius Conceptio, tanto est efficacius eius exemplum quo illum timorem docet.

Ergo & quem docet Virgo timorem Domini, tantò melius concipitur, quantò melius edocetur immaculata eius Conceptio; Ac proinde diligenter audienda est, ut doceamur in praxi sanctum illum timorem Domini.

E P V N C T V M.

N VLLA est ætas, nulla Condicio, nullusque hominum status in quo Timor Domini non sit valdè commendandus, atque etiam valde necessarius, nam *qui sine timore est, non poterit iustificari; Et si non in timore Domini tenueris te instanter, citò subuerteret domus tua.* Tamen hic affectus pueros, & eos qui incipiunt vacare suæ salutis vel maxime docet & iuuat, vnde dicitur *Initium sapientia, Timor Domini, & ipsa Sapientia præsertim monet: fili, accedens ad seruitutem Dei; sta in iustitia & timore.* Quamobrem licet omnes Christiani dicantur & sint filij Beatissimæ Virginis Matris, possintque reuera his compellari vocibus: *Venite filij, audite me:* tamen hi filij proprie sunt Pueri vel Iuniores in cultu Domini, quos optima Parens diligenter instruit, & quod primum docet est timor Domini. *Venite timorem Domini, docebo vos,* hic est scholarum & sodalitatum finis præcipuus, ut doceatur ille S. Timor qui tãto supra scientiã & quolibet artes excellit, quantò ipsa scientia & humana quævis sapientia præstant cæteris caducis bonis. Iam enim audiuiſti Sapientem ita nobis denuntiantem: *Quàm magnus qui inuenit sapientiam & scientiam, sed non est super timentem Dominum. Timor Dei super omnia se superposuit. Beatus homo cui donatum est habere timorem Dei: qui tenet illum; cui assimilabitur?*

Cum autem multa sint vnde hic sanctus timor hauriri possit, tum ex Beata Virgine, quæ est Mater pulchræ dilectionis & timoris, & agnitionis & sanctæ spei. Mirum certe quod illa simul esse possit mater spei, & timoris: aut si forte diuersæ hæc affectiones

actiones diuersis represententur mysteriis, quomodo in Conceptione timor exhiberi potest, vbi potius apparet esse spes & gaudium totius humani generis? Hoc est modò exponendum & audienda imprimis proposita Veritas quæ sic coniungit affectum timoris cum mysterio Conceptionis, vt non possit melius concipi sanctus ille timor, quàm intelligendo quàm sit illa pura & immaculata Virginalis Conceptio: nec vtilius explicari possit hæc singularis puritas, quàm vt discatur ille timor, quæ Virgo docet suæ vitæ puritate. Cùm sint porrò variæ diuersæque timoris species, delibari possent ex singulis aliqua, vnde ad illum tãdem deueniatur qui ad praxim est maxime opportunus, ad versiculi sensum præsertim accommodatus, atq; ad fructum imprimis vberimus, quo videlicet sic timeatur & colitur Dominus, vt ab omni specie mala caueamus, sitque illa *scientia religiositas qua custodiet & iustificabit cor: incunditatem ac gaudium dabit*, vt ait Sapiens, id est, religiosa Conscientia & *secura mens qua est quasi in ge conuiuium*. *Prou. 15*
Hic est sanctorum timor seu timor qui facit sanctos, nam cùm sanctitas sit vitæ puritas, neque alio suauiori simul ac efficaciori modo promouetur illa puritas quam sancto & casto timore Domini, vere hic est sanctorum timor de quo dicitur, *Time* *Pf. 33*
Domini omnes sancti eius; Et misericordia eius à progenie in progenies timentibus eum. *Luc. 1*

Vox quidem vniuersalis est, Timor seu timere, suo complexu continens quidquid ad cultum & seruitutem Dei spectat, sed huius cultus & seruitutis pars prima cùm sit cauere prorsus omni peccato, atque eius anas, occasiones & ipsam vmbra fugere: *Nam qui amat periculum, in illo peribit: merito pro hac cautela & fuga Timor singulariter usurpatur, dicunturque vna hac voce præcipui Cultores Dei, Viri timorati, seu timentes Deum & pauidi. BEATVS homo qui semper est pauidus, qui verò mentis* *Prou. 23*
est dura, corrue *in malum.*

Atque hac in religionis parte tam insignis & eximia fuit, Beatissima Virgo Deipara, vt cùm triennis adhuc esset, sece-
rit in templum Domini, longè à secularibus diiuncta negotiis & commerciis, *ibi necesse est*, inquit S. Leo, *de mundaano pul-
uere etiam religiosa corda sordescere: vel cùm inde* *Lib. 2. in*
sponsa traderetur: sola in penetralibus, ait S. Ambrosius, *sola* *Lib. 2. in*
nemo virorum viderit, solus Angelus repererit, sola sine *Lib. 2. in*

sine teste, ne quo degenerare depravaretur affatu, ab Angelo salutatur. Eam ob causam si foras ex Charitate prodeundum fuit, si visitanda cognata Elizabeth, nonnisi cum festinatione perget, vnde idem sanctus Doctor: Discite Virgines non circumcursare per alienas aedes, non demorari in plateis, non aliquos in publico miscere sermones. Maria in domo sera, festina in publico, mansit apud cognatam suam tribus mensibus.

L. 1. Remel.
g. 10.

Sed cur non pluribus mansit? cur non eo potissimum tempore quo erat paritura foetum Elizabeth? quo plus illi auxiliij delatura Virgo videbatur? Quia nempe ad insperatum sterilis partum futurus erat nimius vicinorum concursus, nimis effusæ turbæ, nimis apertus loquendi aditus, vnde tum sanctus timor recessum consuluit, & maluit Virgo Sanctissimâ, dum hæc humana fugeret confortia, seruandi exemplum timoris Domini nobis dare, quàm si remaneret diutius, audaciores redderet posteros qui audirent illam in mediis constitisse turbis. Vide quæ de hoc exemplo fusiùs in Aduentu, quarta hebdomada pertractantur: Vbi non leuiter expendendum quod refertur illam reuelasse sanctæ Brigittæ, quàm tota esset in hoc sancto timore Domini, vnde id profecto patebit quod in prima propositione præmittitur, tanto melius concipi timorem illum quem suo nos exemplo docet, quanto eius exemplum est efficacius & luculentius. Idcirco enim ne ignoraretur, palàm facere voluit & verbis tam expressis quàm sunt ista quæ retulit: *Timens vehementissimè ne os loqueretur, ne auris, ne oculi viderent delectabilia, timida quoque fui in silentio, & multum anxia.* Neque id semel tantum, aut in aliquo forte periculosiori loco; sed vbique & semper, cùm ipsa vltro præueniret loca & tempora, vbi metus non pateretur illam consistere. Nonne hoc est timere? nonne hoc est timoris exemplum dare? nonne hoc est exemplo suo nos docere?

II. PUNCTVM.

SED quanto melius edocetur immaculata eius Conceptio, tantò est efficacius eius exemplum, quo illum timorem docet.

Nam tantò est efficacius eius exemplum, quantò liquebit apertius non sic illi timendum fuisse sicut nobis: Quod enim alij timeant homines in peccandi periculis, certe est quod timeant

quia sunt homines vasa portantes lutea, quæ tam facile est solui & perire, quam proclive est concupiscentiæ, vel bonis lenocinantibus demulceri: vel malis terrentibus cedere, & in peccatum trahi; Beatissima verò Virgo non sic erat lutosa & fragilis, ut timeret solui & peccare; unde quod timeret, minus est magis, & magis efficax ad timorem docendum.

Nunc autem, vndenam habes, vndenam hauris, vndenam liquet, quod illa non esset peccatis obnoxia, sicut cæteri homines? Nonne ex eius præsertim immaculata Conceptione? Nonne quò melius intelligitur & creditur hæc eius singularis prærogativa, liquidius etiam patet, quam longe fuerit ab illa causa & radice malorum omnium quæ est humana cupiditas, & inde actus ac habitus efformati? Qui enim dicit immaculatam Conceptionem, dicit nullum peccatum originis, nullum peccati fomitem, nullam prorsus malam concupiscentiam, nullam cadendi proclivitatem, nullam peccandi aptitudinem, ac proinde nullam prorsus timendi causam. Quæ tametsi ex aliis eius donis & gratiis quibus præuenta fuit, possunt quoquo modo intelligi, non ita tamen aperte & dilucidè, sicut ex immaculato quem dicimus eius ortu: nam ipsa tum mali radix est præcisa, imo ne radix quidem vlla permixta est, sed quo instanti est orta beata illius anima, hoc ipso infusa est gratia quæ dicitur Sanctificans, & lethali peccato qualis est originalis macula, plane repugnans ut supra dictum est: *Sanctificavit tabernaculum suum Altissimus, Deus* Tj. 45.
in medio eius non commovebitur, Adiuvabit eam Deus manè diluculo.

Unde quantò melius hæc eius immaculata Conceptio iam docetur & creditur, tantò magis apparet nullam fuisse causam cur timeret in peccati periculis, ubi tamen cum valde timuerit: certe hinc simul apparet eius exemplum, quo nos timore suo timere docet, esse expressius & efficacius ad eum finem quem intendit. *Columna cæli contremiscunt & paucunt ad nutum eius; Quid* Iob 26.
nos humunculi? Quid facient tabulae si tremunt columnæ? aut quo- 16. 22. 24.
modo virgulta immobilia stabunt, si huius pavoris turbine etiam cedri quatuntur? Sic apte sanctus Gregorius.

III. PUNCTVM.

QUÆM docet igitur Virgo timorem Domini, tantò melius concipitur, quantò melius edocetur immaculata eius Conceptio.

quia tanto melius timor concipitur, quanto exemplum Beatæ Virginis quo nos illum timorem docet, est efficacius: est autem tanto efficacius quanto apparet manifestius illi non ita fuisse timendum à peccato: nullibi vero id apparet euidentius quam in eius immaculata Conceptione, ex qua fortis facta est illa Mulier quæ non timeret domui suæ à frigoribus niuis: omnes enim domestici sensus eius, siue interni siue externi, vestiti sunt duplicibus, id est, duplici gratia, qua euitaret omne malum, & faceret omne bonum.

Jerom. 31.

Quare ergo sic timuit sicut timebat? Nempe id videbat ita ordinatum esse ab Illo cui debebat acceptam gratiam immaculatæ suæ Conceptionis: se videbat ita exemptam miseriis quibus subiaceamus, ut malum quidem culpæ deuiteret, non poenæ: videbat quidem se Dei gratia nunquam peccaturam, licet in mediis peccandi periculis & occasionibus versaretur, sed simul etiam videbat hanc esse Dei voluntatem, ut vel illa fugeret pericula, vel si non posset fugere, sic in illis timeret sicut si reuera peccare posset.

Hebr. 7.

Sic Christus ipse Dominus qui ut Apostoli verbis utar, sanctus erat, innocens, impollutus, segregatus à peccatoribus & excellior cælis factus, sicque nullo prius modo peccatum posset incurrere; vitabat tamen illa quæ sunt nobis peccandi pericula, quales sunt mundani honores, humanæ laudes, sæcularis pompa, & similia peccatorum fomenta: nec Petro sibi blandius

Matth. 16.

colloquente dubitabat respondere; *Vade post me Satana, scandalum es mihi*; quasi timeret à Tentatore, quasi timeret de aliquo culpæ casu. Non quod reuera iudicaret inde sibi timendum esse, sed quod ita se vellet gerere, ut suo nos efformaret exemplo; sicut cum circumcidi, cum baptizati, cum tentari voluit, & turbari, cum in horto mœrere, tristari, pauere, & similes humanos affectus induit, tunc *nostro pauore trepidabat*, inquit S. Leo: vel ut ait S. Augustinus, *nos in se transtulit, nos in te suscepit*, Id est, id in se effecit quod in nobis futurum aut à nobis faciendum demonstrabat.

Serm. 3.
de Pass.
Tract. 52.
in Ioan.

Rom. 7.

2. Cor. 4.

Sic cum Apostolus diceret *se carnalem esse, se venundatum sub peccato, se non intelligere quod operaretur*, non id in propria persona dicere, sed in nostra, multi Patres affirmant; quod & ipse Apostolus in alio loco significat euidentius cum ait post multa

de se abiectè dicta, *hac autem fratres, transfiguravi in me & Apollo, propter vos, ut in nobis discatis ne supra quàm scriptum est, unus aduersus alterum infletur pro alio. Quis enim te discernit? quid autem habes quod non accepisti, si autem accepisti, quid gloriaris?* Quasi diceret, si nos qui longe plures, & sublimiores gratias accepimus, ita parùm gloriamur, ut etiam abiectissimè de nobis sentiamus, quantò magis vos inanem illam qua mouemini, cauere debetis gloriam? quantò magis demissè de vobis loquendum est & sentiendum?

Sic plane Virgo Sanctissima, sic vnumquemque nostrum quem videret liberius circumspèctantem, colloquentem, & agentem quàm in peccatum possem impellere, commoneret & diceret: Ego illud non essem ausa respicere: Ego mihi timuisssem ab illo loco, & viro. Non putassem mihi licere tam familiariter cum his & illis conuersari.

Tu qui proiectus es ad omnem audaciam, tu qui nihil horum times, quali sat tutus & munitus sis contra quoslibet casus, quid illi responderes! an te securiorem putas Beata Virgine? an illi timendum erat, Deo sic volente: tibi vero nil esse quod timeas, licet hunc ipsum Deus, quem volebat à Virgine, velit à te timorè?

An rectè illa & sapienter timebat? responde. Cur porro ita rectè & sapienter nisi quia sic ordinarat Deus, ut timeret & fugeret qualis peccatorum illecebras, licet nulla timoris aut fugæ subesset ratio? Tu vero qui in peccatis natus es totus, tu cuius concupiscentia velut ignis exardescit, tu qui bibis subfannationem quasi aquam, tu te in ipsas peccandi proicies vias, nec timebis à scandalo? hoc est, *aduersus Deum manum suam tendere, Iob 15, & contra omnipotentem roborari. Hoc est currere aduersus cum cre-* *cto collo, & pingui ceruice armari: ut est in libro Iob.*

Quà fronte audebis Virginem inuocare, tibi ut adsit in periculis, qui sponte quæris pericula? O quàm ille sapientius qui dicebat: *pepigi pedus cum oculis meis, ut ne cogitarem quidem de Virgine. Iob 31.* Quam enim partem haberet in me Deus desuper! Id est, quomodo alioquin simul cum Deo conuenirem in salute mea? sicut enim nihil possem nisi me adiuuaret: ita nec proderit eius auxilium nisi de meo id conferam quod vult à me conferri. *Nunc ergo filij audite me, Beati qui custodiunt vias meas. Audite disciplinam, & estote sapientes, & nolite abjicere eam. VENITE filij, audite me, ti-*

484 Die 8. Decembris, in Conceptione B. Virginis.

Prou. 14. morem Domini docebo vos. *SAPIENS* timet & declinat à malo: *stultus* transilit & confidit. Hic est timor quem docet, hic est timor quem qui discunt, se veros eius filios probant: qui vero nolunt discere, sese ab illa subtrahunt, & subtractionis dicuntur filij *Hebr. 10.* in perditionem.

AD HÆC VERBA, PROVERBIORVM OCTAVO.

Nondum erant abyssi, & ego iam concepta eram.

VERITAS PRACTICA.

Periculum in mora.

SENSVS & Ratio est, quòd dum quis moratur & differt B. Virginem colere, formantur in eius animo quadam abyssi virtutum.

Sed dum hæc formantur abyssi in eius animo, periculum est ne umquam fructuosè B. Virginem colat.

Ergo periculum in mora, quâ quis videlicet moratur colere B. Virginem: Ac proinde maturandus in pueris eius cultus: ut de illis possit dicere: *NONDUM ERANT ABYSSI, ET EGO IAM CONCEPTA ERAM.*

I. PUNCTVM.

SICVT triplex Conceptio Beatæ Virginis obseruari potest, ita & triplex genus abyssorum, ante quod sit concepta, secundum triplicem Scripturæ sensum, literalem, allegoricum, & moralem.

Prima Conceptio est in mente Dei, qui ab æterno illam ordinavit, ut esset Mater filij, & iis exornauit animi corporisque dotibus, quales exigeret tanta Maternitas, seu tantæ Matris Dignitas & Eminentia. Tum vero nondum erant abyssi, & iam concepta erat, hoc est literati sensu, nondum erat illa pars maris quæ

abyssus dicitur, id est, aquarum tanta congeries, vt quanta illa sit, indagari non possit. Cum autem ab æterno esset illa prima Conceptio, non est mirum si abyssos præcesserit, quæ suo tantum tempore formatae sunt cum reliquis mundi partibus. Abyssorum tamen meminit præ multis aliis, quod velut abyssus quædam Gratiarum & meritorum fuerit illa Virginalis Maternitas, ad quam primo concepta seu præuisa & ordinata dicitur.

Secunda Conceptio, quæ singulariter hac solenni die memoratur, est primus eius ortus in vtero sanctæ Annæ coniugis Beati Ioachimi, de quibus separatim sunt institutæ cōsiderationes & Veritates Practicæ. *Tunc nondum erant abyssi & iam concepta erat:* Id est allegoricè, peccatum originale, & consequentes inordinati motus, ac poenæ spirituales, quæ velut abyssi quædam inundant super vniuersam humanā naturam: & à primo Conceptionis seu Creationis animæ momento, quo peccati huius macula contrahitur, per errores doloresq; diuersos, vt ait S. Augustinus, trahimur ad extremum vsque supplicium. At nondum istæ erant abyssi, quando concepta est Immaculata Virgo, quia concepta est in Sanctificante Gratia, sicut supra declaratur: Nec postquam Concepta est, irruerunt illæ abyssi, quia omni prorsus peccato & peccati fomite libera exitit: vnde sicut ait sanctus Hieronymus in hac Euangelij Verba de Maria & Iosepho, *antequam conuenirent*: Non sequitur quod postea conuenerint; sic cum dicitur, nondum erant abyssi & iam concepta erat; non sequitur quod abyssi postea fuerint.

Tertia denique Conceptio est, cum in mentibus nostris sic formatur Beata Virgo, vt illi nos secundum Deum, totos dedamus & consecremus, velut Parēti optimæ, velut Dominæ colentissimæ, velut Duci salutis certissimæ, velut stellæ maris, aut syderi nauigationis nostræ tutissimo: sic in nobis dicitur inhabitare iuxta illud, *qui creauit me, requieuit in tabernaculo meo, & dixit nisi, in Iacob inhabita.* Quo in genere Conceptionis tunc Beata Virgo moraliter dicit: *nōdum erat abyssi, & ego iam concepta eram,* quando videlicet à pueris vel puris quorumlibet mentibus sic concipietur vt nondum innatæ cupiditates in prauos creuerint habitus, nondum naturales affectus transierint in desideria illa nociua quæ velut abyssi magnæ mergunt homines in interitum & perditionem. Hoc est quod gratulabunda prædicat in octauo

illo prouerbiorum capite, vnde Thematis Verba desumpta sunt: Caput illud est velut nobile Canticum, quo insignite magnificat Gratias diuinitus sibi collatas, quas inter, illa est singularis & eximia, quod sibi deditos ad æternam salutem prouehat, Eò enim reliquæ referuntur partes: vnde concludit, *qui me inuenit, inueniet vitam, & hauriet salutem à Domino.* Quia verò multi se putabunt eam inuenisse, qui tamen inde vitam non inueniant, nec salutem hauserint: sese his verbis explicat, & reddit ipsa quodammodo rationem cur illi potius quam alij salutem sunt consequuti, cum omnes eius sodales & filij crederentur, *Nondum, inquit, erant abyssi, & iam in iis qui salui sunt, concepta eram.* Nondum erant prauus affectus & habitus, nondum inueterati peruersi mores, quando me inceperunt colere, & idcirco fructuosè præ cæteris, me coluerunt, operæ suæ fructum retulerunt, *Qui manè vigilant ad me, inuenient me, id est, qui mature, qui in primis annis.*

Pr. 8.

Alioquin certè PERICVLVM IN MORA: Tanti refert quantocyus sese illius obsequio mancipare, quanti refert hunc æternum referre fructum, vt per illam saluemur.

Hæc est omnibus quidem valde salubris Veritas, sed maxime Pueris exponenda, quibus per ætatem magis licet maturare cultum Beatissimæ Virginis.

Sic autem exponi facile potest ex iam dictis, vt primo explicatè describatur quod ait S. Augustinus, paulatim in animis nostris formari vitiosos habitus, qui hoc sensu dicuntur abyssi, quod sicut abysso quis inuolutus vix emergat, & certò pereat; ita qui forte in istos inciderit deprauatos habitus, vix inde possit exurgere. *Quippe ex voluntate peruersa, facta est libido: & dum seruitur libidini, facta est consuetudo: & dum consuetudini non resistitur, facta est necessitas. SIC abyssus abyssum inuocat; sicut vnda impellitur vnda.* Et verò Deus etiam dicitur has abyssos facere quia perimit à nobis fieri, vnde est illud Prophetæ: *Cum adduxero super te abyssum, & operuerint te aqua multa.*

1. 3. Confess. c. 5.

Ps. 41.

Ezech. 26.

Quod autem asseritur in hac prima propositione tunc formari abyssum, dum quis moratur diutius B. Virginem colere, perinde est ac si diceretur, sic prauos illos contrahi habitus, per liberiolem ætatis licentiam, qualis est eorum plerumque qui suæ minus vacant salutis, nec illa opportuna captant media, qualis est par-

est parthenica Sodalitas, aut similis quædam colendæ Virginis Institutio. Tunc illi pedetentium eo profundi peccatorum tendunt, quod maxime verebatur David: *Non me demergat tempestas aqua, neque absorbeat me profundum, neque urgeat super me puteus os suum.* Quo sane spectat illud Sapientis ad patrem de Ecclesi. 30: cura filij, monitum: *Curua ceruicem eius in iuuentute, & tunde latera eius, dum infans est, ne fortè induretur & non credat tibi, & erit tibi dolor anima. Doce filium tuum & operare in illo, ne in turpitudinem illius ostendas:* Id est, ne alioquin sis particeps & velut causa turpioris vitæ quam aget nisi sic mature curuetur & tundatur. O quàm multi iam fortè miserandum in hunc statum deuenerunt!

II. PUNCTVM.

SED dum hæc formantur abyssi in cuiusquam animo, periculum est ne umquam fructuosè colat Beatam Virginem.

Primo quidem nili puritate colatur, vix colitur, vt iam supra est demonstratum. At in illa vitiorum abyssu, quæ puritas? *Abyssus dicit, non est in me;* liceat hoc usurpare de Puritate, quod Iob. 28. Iobas de Sapientia. Deinde verò quando cupiditates ita robustæ sunt vt resistant Gratiis, nonne periculum, est in illa resistentia? Quid proderit ad salutem tuam, Virginis Cultus, nisi conferat gratias: quid vero proderit illas conferre, nili recipias? *Stetit vnda fluens, congregata sunt abyssi in medio mari.* Exod. 15.

Denique, licet Gratia reciperentur ad tempus, & nonnullis quibusdâ diebus, viderentur illi resipiscere, tamen ipsa mole deprauatæ consuetudinis sic opprimuntur vt statim recidant. *Ascendunt vsque ad cælos, & descendunt vsque ad abyssos: anima eorum in malis tabescebat, turbati sunt & moti sunt sicut ebrius, & omnis sapientia eorum deuorata est.* Nonne hoc periculosum? nonne hoc damnosum? nonne hoc nimis frequens?


III. PUNCTVM.

ERGO periculum in hac mora: periculum ne abyssi vitiorum tormentur: periculum ne illis formatis contemnatur Virginis Cultus: periculum ne in illo contemptu deseraris à gratia:

Exodi 15. periculum ne in illa desertione pereas, ac tandem illud sequatur: *abyssi cooperuerunt eos, descenderunt in profundum quasi lapis.*

Quamobrem, ne differas non modo te adiungere illius Cultui & famulatu, sed in illo etiam cultu & famulatu, ne moreris id discere quod est in eo præcipuum & salubrius: Ne moreris id velle amplecti quod didiceris: ne moreris id exequi quod amplexus fueris: aut certe quia quod est præcipuum & salubrius, negatiuè potius, ut aiunt, quam positiuè perfinitur, *non demoreris in errore impiorum*, in illo scilicet errore quo fouetur impietas. *Usquequò morabuntur in te cogitationes noxiæ?* **FERTILIS** fuit Moab ab adulescentia sua, & requieuit in sæcibus suis: nec transfusus est de vase in vas, & in transmigrationem non abiit: idcirco permansit gustus eius in eo, & odor eius non est immutabilis. Diuina plane verba, quibus denuntiatur quanti reterat in sequentes annos, pietati se tradere vel negare, iam inde à primis annis. Quod sanctus Hieronymus sic paucis reddidit: *difficiliter creditur quod rudes animi perbiberunt. Lanarum conchyliis quis in pristinum candorem reuocet? Recens testadiu & saporem retinet, & odorem quo primum imbuta est.*

Proph. 9. Ac denique vox illa Sapientiæ, vox et Virginis Matris: *Si quis est paruulus, veniat ad me, & insipientibus locuta est: venite, comedite panem meum, & bibite vinum quod misui vobis. Relinquitte infantiam, & uiuite, & ambulate per vias prudentiæ, quas scilicet eos docebit qui se disciplina suæ crediderint, cuius hoc est primum caput, ne vocati morentur venire, quia periculum in tali mora.*



Die 21.
Decembr.

IN FESTO S. THOMÆ APOSTOLI.

Affer manum tuam, & mitte in latus meum: & noli esse incredulus, sed fidelis. Ioan. 20.

VERITAS PRACTICA.

Ex vulnere remedium.

SENSVS potest esse duplex: *Primus*, quòd ex vulnere Christi, remedium cuiuslibet mali spiritualis educi possit, sicut sanctus Thomas incredulitatem ibi depoñit: & sicut in 2. parte, Dominica prima post Pascha, fusiùs declaratur.

Alius vero qui magis hic consideratur, sensus est, quòd sicut idem sanctus Apostolus ex incredulo factus est valde fidelis, ita ex suo quilibet emergens vitio, cum diuina gratia in virtute opposita sit præstantior, quàm si tali vitio non fuisset addictus: sicque fiat ex morbo sanitas firmior, & ex vulnere salubrius remedium.

RATIO cur id ita fiat cum diuina gratia, hac est inter alias, quòd virtus qualibet tunc præstantius exercetur, quando quis diligentius cauet, ne in vitium illi contrarium ruat.

Sed qui ex suo verè resurgat vitio, diligentius cauet ne in illud incidat.

Ergo & virtutem oppositam tali vitio, præstantius exercebit; ac proinde remedium trahet ex vulnere; Quod quàm sit opportunum & vtile, sicut euident est: ita diligenter in praxim vt aduocetur, curandum est.

I. PUNCTVM.

AD MIRANDVS certè hic Apostolus, siue cum à fide recessit, siue cum ad eam regreditur. Sicut insignis fuit eius incredulitas, ita & insignis fides seu fidelitas. Incredulitas eò usque processit, vt Resurrectionem Christi Dominum nuntiantibus Apostolis omnibus, plane negarit fidem, neque se unquam crediturum affirmarit, nisi ipse videret fixuram clauorum, & mitteret digitum suum in locum clauorum, & manum

suam in latus eius: quasi ipse Dominum obligare vellet ad hunc manifestandi sui modum; aut alioquin non crederet. Qualis, audacia! Atque in ea incredulitate dies octo continuos perduravit, nec fortè unquam resipuisset, nisi Dominus divina sua bonitate permotus, octavo post Resurrectionem die, rursus convenisset Apostolos, ubi tum erat Thomas.

En ergo iterum huius unius gratia; venit Iesus ianuis clausis; & dixit; pax vobis. Deinde dicit Thomæ: *infer digitum tuum hic, & vide manus meas; & asser manum tuam: & mitte in latus meum, & noli esse incredulus sed fidelis.* Respondit Thomas, & dixit ei, *Dominus meus, & Deus meus.* Tunc videlicet firmissimè credidit, & confessus est aliud, quàm quod vidit. Tangebatur hominem, inquit sanctus Augustinus, & Deum confitebatur. Aptilissimè verò Theophylactus: *Qui prius fuerat infidelis, post lateris tactum, optimum se Theologum ostendit, duplicem Naturam & 7 nam hypostasim Christi, edisserens; dicens enim, Dominum, naturam humanam; dicens Deum, divinam confessus est, in uno & eodem.* In qua fidei professione, retinenda & prædicanda tam constans & firmus fuit, ut præ aliis omnibus eius exemplum nobis proponatur: *O quàm bonus & suavis est Domine spiritus tuus, in omnibus; ideoque eos qui exerrant partibus corripis, & de peccatis peccant, ammones, & alloqueris: ut relicta malitia credant in te, Domine.*

Sic proficiendum ex culpis & vitiis nostris; sic ex lapsu resurgendum, & currendum vehementius: sic denique, *Ex vulnere remedium*, quando scilicet cum Divina gratia, quæ sæpe superabundat ubi abundavit delictum, quisquis e suo velit emergere vitio, tum in Virtute opposita se præstantiorem efficiet. Ratio est valde consideranda; Tunc enim eo præstantior est omnis Virtus, quantò minus habet de vitio sibi contrario; sicut maius est nixus, quò minus habet permixti caloris, & illud aurum & argentum est purius, quod est magis ab omni alia detratum materia: Unde Sapiens, *Aufer rubiginem de argento, & præcietur vas purissimum.* At vero ne quid subrepat vitij, quia magis oportet num ex parte nostra, quàm si omni custodia conservetur, demusque operam, ut, quod monet Apostolus, induamus nos armaturam Dei, ut possimus stare aduersus insidias diaboli, ut possimus resistere in die maio, vigilantes in omni instantia? Itaque accinctus? itane vigilas? Nonne hoc tuis toties insusurrat a-

Sap. 12.

Rom. 5.

Pr. 25.
Job. 4.

Eph. 6.

bus; *Eslo vigilans, & confirma cetera, quæ moritura erant. Non Apoc. 3: enim inuenio opera tua plena coram Deo meo?*

II. PUNCTVM.

SED qui ex suo verè resurgat vitio, diligentius cauet ne in illud incidat.

Hæc est enim certior veræ emendationis nota, vnde Sapiens. *Ecclesi. 17. Convertere ad Dominum & relinque peccata tua, precare ante faciem Domini, & minue offendicula. Revertere ad Dominum & auertere ab iniustitia tua; & nimis odito execrationem.*

Sic omnes patrum Patres, & Doctores in hac diligentiori cautela bonam Pœnitentiæ seu Resipiscentiæ partem ponunt. Age- *6. Infirm.* re pœnitentiæ, inquit Lactantius, nihil aliud est, quàm profiteri & *13. & 24.* affirmare se ceteris non peccatum. Itémque alibi quod supra paucis attingitur: Is enim quem facti sui pœnitet, errorem suum intelligit, ideoque græci melius & significantius *πενοῦν* dicunt, quàm nos possumus resipiscentiæ dicere. Resipiscit enim ac mentem suam quasi ab insana recipit, quem errati piget, castigatque se ipsum demeritis, & confirmat animum suum ad rectius vincendum, tum laud ipsum maximè cauet, ne rursus in eosdem laqueos inducatur.

Sanctus quoque Gregorius in hoc argumento multus est, pri- *L. 2. Mor.* mo quidem in moralibus, distincte & particulatim offendit quo- *c. 36. & 37.* modo unumquodque Spiritus sancti donum ex sui decremento crescat, & sapientia unde quasi amittitur, inde certius possidetur. Tum vniuersim, quantum ex suis defectibus boni proficiant, Mira, inquit, nobiscum dispensatione agitur, ut mens nostra culpa nonnumquam pulsatione seruetur. Num esse se magnarum virum homo crederet, si nullum unquam caritatis virtutis defectum, intra mentis arcana sentiret. Sed dum tentatione irrucere quatitur, & quasi ultra quam sufficit fatigatur, ei contra hostis sui insidias munera humilitatis ostenditur, & unde se pertimescit eneruiter cadere, inde accipit fortiter stare. Tentatus autem non solum vires à quo accipiat discit, sed quanta eas vigilantia seruet, intelligit. Sape enim quem tentationis certamen superare non valuit, sua deterius securitas strauit. Nam dum *l. 1.* se quisque in otio remittit, diffidentem mentem corruptori præsinit; Et quæ piura ibi prosequi- *3. p. Adam.* tur. In Pastoralis vero, Admonitionem bene longam ad illos qui *31.*

admissa plangunt, nec tamen deferunt, ex variis scripturæ locis
 Rom. 34. contextit. In Evangelicis autem homiliis sic etiam dilucidius:
*Nonnunquam hi qui se aliqua illicita egisse meminerunt, ex ipso suo
 dolore compuncti, inardescunt in amorem Dei, seseque magnis in vir-
 tutibus exercent: cuncta difficilia sancti certaminis appetunt, omnia
 mundi derelinquunt, honores fugiunt, acceptis contumeliis latantur,
 flagrant desiderio, ad cælestem patriam anhelant, & quia se errasse à
 Deo, considerant, damna præcedentia lucris sequentibus recompensant.
 O certe felicem culpam quæ sic expiatur, ut expiatus animus
 sit citius ad euitandas alias, & promptior ad omne opus
 bonum.*

III. PUNCTVM.

SIC ergo unusquisque virtutem oppositam suo vitio unde emergit,
 præstantius exercebit, atque ex vulnere sic remedium conficiet,
 dum illud ipsum vitium eo cauebit cautius, quo se alias minus
 continuit, aut quo sua magis prænitet incontinentia. Sic fiunt
 Rom. 6. arma Iustitiæ Dei, quæ fuerunt arma iniquitatis peccato. ET sicut
 fuit sensus noster ut erraremus à Deo, sic, deicis tantum, iterum
 B. c. 4. connertentes requiramus eum.

Sic per ipsa vitia & passionibus nostras affectu & profectu ascen-
 dendum sæpe monet S. Augustinus: Si utique unusquisque no-
 strum subdere eas sibi studeat, ac super eas stare consuecat; ex ipsis
 sibi gradum construit, quo possit ad superiora conscendere. Elenabunt
 nos, si fuerint infirmitates; de vitis nostris scabellum nobis facimus, si vi-
 tia ipsa calcamus.

O quale incrementum nostri profectus spiritualis, cum non
 modo ex bonis quæ agimus, sed ex ipsis etiam malis perpetratis
 fructum possumus carpere & profectum. Nec illud viri sancti
 monitum hic omittendum: Enimvero illi maxime præ aliis in vir-
 tutibus proficiunt, qui ea quæ sibi magis gravia & contraria sunt, vi-
 ritius vincere nituntur. Nam ibi homo plus proficit, & gratiam me-
 retur ampliorem, ubi magis seipsum vincit, & in spiritu mortificat;
 Sed non omnes habent æquè multum ad vincendum & moriendum: di-
 ligens tamen emulator, valentior erit ad proficiendum, etiam si plures
 habeat passionibus, quam alius bene morigeratur: minus tamen seruen-
 ad virtutes.

Huc denique multi transferunt monitum illud Sapientis: *Si spiritus potestatem habentis ascenderit super te, locum tuum ne dimiseris: quia Curatio faciet cessare peccata maxima.* Id est, si grauiore aliqua tentatione vel Damonis vel Concupiscētiæ percellaris, ne desperes propterea, nec quidquam putes tibi deperire, si modò tibi attendas & inuigiles: nam tantum abest, vt inde pecces grauius, quin potius grauiora inde cessent peccata, propter illam vigilantium diuino muniam subsidio. O numquam satis agnitum & laudatum bonum Deum, qui dum bona quæ nobis confert in malum transuertimus, mala sua conuertit in nostrum bonum.

Quàm plurimæ sunt aliæ Veritates quæ in hanc aliunde diem transferri possint. Nos hic eas modo ascribimus, vt vnusquisque videat quàm sic commodè passim possit excerpere quas legendo annotarit affines argumento quod tractat, si minus forte singulis in diebus essent à nobis obseruatæ.

Quo magis Christo subijcitur, eò magis erigimur.

In 2. parte, Feria 3. infra hebdomadam Quinquagesimæ.

In plagis sanitas.

Dominica 1. post Pascha.

Quantò est de peccato maior tristitia, tantò est peccatori maius gaudium de fontibus Saluatoris.

In eadem Dom. ad hæc verba: Haurietis aquas in gaudio de fontibus Saluatoris.

Videri etiam potest Feria 3. infra hebdomadam 3. post Pascha.

Las amoris ira quo est iuuatior, eò est potentior.

Feria 6. infra hebdomadam 3. Quadragesimæ de sancto Petro respecto à Domino, & conuerso.

In dubio certius est & rationi conformius, aliorum se rationi conformare quàm propriæ.

Sabbato infra hebdomadam 2. post Pascha.

Non prius intelligendum vt credas, sed primò credendum est, vt post intelligas.

Feria 2. infra hebdomadam 4. post Pascha.

Quasi peccatum ariolandi est, repugnare: & quasi scetus Idololatriæ, nolle acquiescere.

Sabbato infra hebdomadam 4. post Pascha.

Qui sensu suo priuato saniores se aliis putat, sano se priuat sensu.

Feria 5. infra Octauam Ascensionis.

Reuocanti hominem Deo ab errore viæ suæ non obsequi, peius est quàm primò vocantem ne erraret, non sequi.

In eadem 2. parte, in fine, ubi de variis statibus, quarta Consideratione.

Maioris est animi se diuinæ Fidei supponere, quàm se illi opponere.

In 3. parte, Feria 2. infra hebdomadam 6. post Pentecosten.

Numquam illustrius se manifestat Christus, quàm dum animæ peccatricis illustrat Conscientiam: & peccatum latens ibi manifestat.

In eadem parte, Feria 4. infra hebdomadam undecimam.

Nullus est Christianus qui non credat Christum esse Deum, & vix est vllus Christianus qui hoc verè credat.

In eadem 3. parte, In festo Transfigurationis Domini.

Nisi diligenter adueitas, ore facta confessio, factis à te negatur.

In 4. parte, Feria 2. infra hebdomadam 15. post Pentecosten.
Videri etiam potest alia eiusdem Feria.



IN FESTO CONVERSIONIS SANCTI PAVLI APOSTOLI.

Die 25.
Ianuarij.

Domine quid me vis facere? Actuum 9.

VERITAS PRACTICA.

Sicut frequenter dicendum cum Dauide, *Dixi nunc
capi*: sic simul cum Apostolo, *Domine quid me vis
facere.*

*RATIO EST, Quia idcirco frequenter dicendum cum Dauide,
Dixi nunc capi, ad renouandum animum, qui alioquin
inueterasceret.*

*Sed nihil aptius ad illam animi renouationem, quàm quod dicit
Apostolus; Domine quid me vis facere.*

*Ergo sicut frequenter cum Dauide, sic cum Apostolo sentiendum
& dicendum.*

P V N C T V M.

SINGVLAREM profus & placè admirandam huius
sancti Apostoli Conversionem, quæ fuse describitur in
Actis Apostolorum, & de qua facit et ampla vernacula
meditatio, breuissimè continent & complectuntur pauca illa
verba, quæ prima ipse protulit Christo Domino se vocanti.
DOMINE QUID ME VIS FACERE. *Hæc plane fra-*
tres, inquit sanctus Bernardus, perfecte Conuersionis est forma. O

Act. 9. &
22.
Gal. 1.

In Corne. 9.
S. 7. m. 1.

verbum breue, sed plenum, sed uinum, sed efficax, sed dignum
 omni acceptione! Iam illi quidem conuersi erant, & professi, qui-
 bus sic S. Abbas loquitur: sed quia frequenter instituenda est Re-
 nouatio animi, quæ est altera ueluti conuersio, sicut ipse Apo-
 stolus de die in diem se renouari dicit, Idcirco unicuique etiam
 Religioso proponi merito debet, hæc formula conuersionis, ut
 quoties animum renouare uelit, & dicere cum Dauide, *Dixi,*
nunc capi, sic toties cum Apostolo dicat: *Domine quid me vis fa-*
cere; quia sic reuera de nouo incipit, sic renouatur si sit uerè in-
 differens & paratus ad quamlibet Dei uoluntatem: neque aliter
 uerè renouatur.

Quàm frequenter uerò talis instauranda Renouatio, quantum-
 que valeat ad illam rectè formandam, recta uerborum Apostoli
 & sincera usurpatio, sic declaratur.

Humana natura suo corruptionis pondere numquā cessat ad
 ima prolabi & deficere, nisi crebris & frequentibus instauretur
 adiumentis. Hæc autem prolapsio & defectio, nihil est aliud
 quàm augeri concupiscentiam, & sic praualeere contra spiritum,
 ut quò illa est uehementior, hic sit infirmior. Inter adiumenta por-
 rò quibus deficiens instauratur natura, uel proficiens retardatur
 concupiscentia, potentissimum illud est, quod dicitur Renouatio
 animi, quæ directè opponitur ueteri & corrupto, secundum de-
 sideria erroris, homini, qui se suæque in omnibus quærit: hunc
 enim hominem imprimis exuit, & deponit cum actibus suis, ac
 nouum induit cum qui renouatur in agnitionem secundum imaginem
 eius, qui creauit illum; Vt nihil iam quod caro blanditur libeat,
 nihil quod carnalem uitam trucidat, spiritus perhorrescat, quemad-
 modum ait S. Gregorius. Itémque alibi eleganter; *Vetustæ uitæ*
protinus usus mutatur, ut anima superno spiritu afflata, & in summis
appetât quæ contempserat, & contemnat in infimis quæ appetebat.

Hoc est uerè renouari, & hoc est tam crebro & frequenter usur-
 pandum, quàm frequens & quotidiana est naturæ senescentis
 prolapsio, quæ non aliter aptius cum diuina gratia reparatur.
 Vnde illud toties in scripturis: *Renouamini spiritu mentis uestræ;*
 & aptissime S. Gregorius: *Nescit mens per torporem veterascere,*
quæ studet per desiderium semper inchoare. Hinc Psalmista qui ad
 perfectionis iam culmen peruenerat, quasi inchoans dicebat, *dixi nunc*
capi, quia uidelicet si cessare ab inchoatis bonis nolumus, ualde necesse

2. Cor. 4.

Iohes. 4.
Coloss. 3.Rom. II.
in Euang.
27. Mor.
13.Rom. 6.
Iphes. 4.
22. Mor. 2.

est ut inchoare nos quotidie credamus. An illud verè agnoscis quàm sit necessarium? An defectum tuum sentis? an de remedio cogitas? Vno verbo, vel deficiis, vel proficis; neque in medio stare potes: Vtrum verò è duobus?

II. PUNCTVM.

SED nihil aptius ad illam animi renouationem, quam quod dicit Apostolus, Domine, quid me vis facere?

Sic enim non minùs efficaciter, quàm breuiter totum illud conficitur, quo constare Renouationem, dicebatur: nempe sic vetus homo exiit, atque induitur nouus, dùm sic indifferens & paratus est animus, vt nulla prorsus habita ratione appetitus, velit vnum aut nolit, quod Deus ordinarit. Sic perfectè impletur quod ab Apostolo tam vehementer commendatur, *ut exhibeatis, inquit, corpora vestra, hostiam viuentem, sanctam, Deo placens, rationabile obsequium vestrum, & nolite conformari huic seculo, sed Reformamini in nouitate sensus vestri, ut probetis quæ sit voluntas Dei bona, beneplacens, & perfecta. Dico enim vobis, per gratiam quæ data est mihi, omnibus qui sunt inter vos, non plus sapere, quàm oportet sapere, sed sapere ad sobrietatem: Et unicuique sicut Deus diuisit mensuram fidei, sicut enim in vno corpore multa membra habemus, omnia autem membra non eundem actum habent: ita multi vnum corpus sumus in Christo, singuli autem alter alterius membra. Quali diceret, in hoc apparebit vos huic seculo non conformari, sed potiùs verè reformari & renouari, si voluntatem Dei queratis; quæ quidem Dei voluntas tam studiosè semper querenda est, vt licet illa nobis appareat, tamen ultra inquirendum & probandum sit, vtrum aliquid aliud velit à nobis, vel in substantia rei agendæ, vel in modo, vel in fine, vt non tantum faciamus quid velit, sed quomodo velit & quamobrem velit; atque ita sicut non debemus esse contenti quacumque Dei voluntate bona, sed etiam beneplacentem, & perfectam adimplere par est, si quam talem nobis demonstret: sic planè si vnam solam notam faciat, illa vna sola satis esse nobis debet, quia nec magis nec minùs, quam purè velit Deus, volendum est: Cum in hoc vno sita sit tota nostra perfectio, licet illud quod nobis ordinar, non esset in se perfectissimum; quatenus tamen sic nobis est ordina-*

tum, cenſeri debet noſtra perfectio, ſicut perfectio manus eſt tangere, non videre, licet videre ſit aliquid perfectius aut nobilius quàm tangere.

Quidquid itaque aliud cogitari poſſet ad perfectam animi renouationem, vix eſſe poſſet aptius, quàm hoc Apoſtoli dictum, *Quid me vis facere*, cum ſi quid præter diuinam voluntatem cogitur, nihil aptum animæ, nihil perfectioni congruum cogitur. Hinc idem Apoſtolus tam ſæpe ſolicitè que ſuis; *Non ceſſamus*, inquit, *pro vobis orantes & poſtulantes, vt impleamini agnitione voluntatis eius, vt ambuletis dignè Deo per omnia placentes.* Et paulo poſt: *Semper ſolicitus pro vobis in orationibus; vt ſtetis perfecti & pleni in omni voluntate Dei*, quaſi dicat, nihil in animo ſuper-eſſe debet, quod non repleatur Dei voluntate, & nulla Dei voluntas deſit oportet, quæ non totum occupet animum. O verè tum diues animus ſi tali repletur bono, quo dum repletus fuerit, in vno cuncta poſſidet.


III. PUNCTVM.

SICVT ergo frequenter dicendum cum Dauide, *DIXI NUNC SCAEPI*, ſic ſimul cum Apoſtolo, *DOMINE QUID ME VIS FACERE*; Quia illud vtrumque ad animi renouationem perfectè inſtituendam eſt ita neceſſarium, vt ſicut non eſt renouatio, niſi veteris hominis exſpoliatio, ita nec vlla eſt exſpoliatio, niſi diuinæ voluntatis perfectæ ſuccedat effectio. *Quarite Dominum, & confirmamini: quarite faciem eius ſemper.* Quid eſt quarere Dominum niſi eius voluntatem? Quid eſt confirmari niſi confortari, reſtaurari, renouari? Quid rurſum quarere faciem eius, niſi ſic eius præſentem habere voluntatem, quaſi ipſe ad-eſſet, & iuberet vel vetaret prout vellet. Quid denique, *ſemper* quarenda illa facies niſi quod vni voluntati diuinæ ſic alia ſuccedat & alia, vt nunquam abſit eius voluntas in noſtro quouis opere? nec tam ſpectemus quid in ſe ſit quod agimus, quàm Dei faciem & voluntatem qua moueamur ad agendum. Atque in hoc tam conſtantes ſimus, vt nullo inde tadio, nullo faſtidio deficiamus. *Ac per hoc*, inquit ſanctus Auguſtinus, *qui diligitur, etiam præſens queritur, dum charitate perpetua ne fiat abſens, optatur: proinde quem quiſque diligit, etiam cum eum videt,*

ſine faſtidio ſemper vult eſſe preſentem, hoc eſt, ſemper querit cum eſſe preſentem. Et nimirum hoc eſt; Quarite faciem eius ſemper, vt non huic inquisitioni qua ſignificatur amor, ſinem praſtet inuentionio, ſed amore. crescente inquisitione creſcat inuentio.

Sic ipſe Pfalter regius, & in ipſius persona Chriſtus Dominus. In capite libri ſcriptum eſt de me, vt faciam Deus voluntatem tuam; ^{Pſ. 39.} tunc dixi, ecce venio vt faciam Deus voluntatem tuam. ^{Hebr. 10.} Continuo non acquieuit carni & ſanguini ſanctus Apoſtolus, id eſt, ſtatim ^{Gal. 1.} atque vocatus eſt, ſic à ſe ipſo defecit in vnā Dei voluntatem perfectē ſemper adimplendam, vt hoc vnum curaret. Dum modo, inquit, ^{Aſt. 20.} conſummem curſum meum, & miniſterium verbi quod accepi à Domino Ieſu; nihil præterea vereor, nihil deſidero. Hoc eſt verè eſſe vas electionis in manu Domini, hoc eſt verè eſſe Apoſtolum, verè vinctum Chriſti Ieſu.

Vide quā longè ſis ab hoc ardenti ſtudio diuinæ voluntatis: iterūque vide quantum illud in nobis optaret Apoſtolus, ita ^{Heb. 13.} ſcribens & ſua omnia concludens Scripta: Deus pacis qui eduxit de mortuis paſtorem magnum ouium in ſanguine teſtamenti æterni, D. N. Ieſum Chriſtum, aptet vos in omni bono, vt faciatis eius voluntatem faciens in vobis quod placeat coram ſe per Ieſum Chriſtum, cui eſt gloria per ſacula ſæculorum. Amen.





IN F E S T O

Die 2.
Februar.PVRIFICATIONIS
B. MARIAE VIRGINIS.VIDE SV PRA IN HAC PRIMA PARTE,
DIEM OCTAVAM ET NONAM IANVARII.

QUOD præcipue considerandum in hoc Mysterio proponi debet, ea illustre Exemplum Beatissimæ Virginis in seruanda difficili lege quâ minimè tenebatur. Cuius exempli vis & efficacia vt fructuosius communicetur, animaduertendum est, tria esse præcipua Excusationum capita, quas solent prætereundere homines, vt se à seruandis legibus & præceptis eximant.

Primum est Qualitas seu Conditio, cuiuscumque sit rationis & modi. Plus enim sibi licere putant Viri in epulis & immunditiis, quàm mulieres. Minus se peccare putant Milites blasphemando quàm Artifices. Mentiri Mercatores vix sibi esse illicitum putant. Ieiunia imperata quî commodius seruare possent Viri primarij, minus ea seruant; tantâque libertate se ab his & similibus quibusdam præceptis immunes iaciunt, quasi nulla religione præcepti tenerentur, quasi id omne licite possent quod per vires & facultates possunt, & quasi dicerent, *sit fortitudo nostra, lex Iustitia.*

cap. 4.

Alij, quod est secundum caput, non suam Dignitatem vel Conditionem ita spectant, quàm rei agendæ qualitatem seu speciem, si tale est videlicet præceptum vt in eo adimplendo iactura timeatur vel honoris, vel pecuniæ, vel commoditatis cuiuslibet, tunc pro ea quam sentiunt animi repugnantis difficultate, assu-

mabunt se id non posse, & sibi tam facile credent non posse quam difficile sentiunt velle id facere. *Nequaquam valemus ascendere. LEO est feris, in medio platearum occidendus sum.*

Num. 13.

Pron. 22.

Tertio denique, Nonnulla temporari concedenda esse quæ semper usurpare nolent, contendunt alij; quod etsi non negetur in iis quæ non sunt mala aut verita, volunt tamen sibi concedi generatim in omnibus, *Non pratercat nos, flos temporis. NON habent radicem in se: sed temporales sunt.*

Sap. 2.
Marci 4.

NON ita vero Sanctissima Dei Mater, non ita se purgat, fugiendo purgationis legem, non ita se excusat secumue dispensat, quamvis id licite posset pro illo triplici capite quod enarratum est. Primo quidem ratione suæ Dignitatis cum esset Virgo Mater tam facile poterat se à lege redimere quam aperte legebatur in ipso legis decreto, solam eam obligari mulierem quæ suscepto semine masculinum peperisset. Deinde autem si ratio difficultatis spectanda esset, nihil profecto poterat pudicæ Virginis gravius & molestius cogitari, quam apparere immundam, & quasi unam de cæteris mulieribus sinitere se Sacerdoti, ut pro ipsa oraret, sicque munderetur. O pudendum castissimæ frontis pondus! O ponderosum Virginei vultus pudorem!

Levit. 12.

Denique quid dicetur de Infante? Quid cogitabitur? An illum esse agnosceret Simeon cæterique fideles quem ex Virgine nasciturum Propheta dixerat, si se mater tamquam immundam purgat? Certe videri potuisset cedendum esse temporari, nec committendum, ut pro lege servanda Legislator deferatur.

Sed nihil horum valuit apud observantissimam Virginem; Obediet Virgo legi mulierum; obediet in re omnium sibi gravissimæ; obediet omni tempore. Sicque omnibus data est in Exemplum, ut nemo sua in Dignitate, aut in rei asperitate, vel licentia temporis possit sibi blandiri & indulgere; unde & ipsa sub nomine Sapientiæ: *Nunc ergo filij audite me: Beati qui custodiunt vias meas. Audite disciplinam, & estote Sapientes, & nolite abjicere eam.*

Pron. 3.

Quamobrem ut conformiter huic Exemplo, caueant omnes ab iis quas prætendunt excusationibus: ac mandatis Divinis & Ecclesiasticis religiosius inhæreant: Tres indicantur Veritates Practicæ contra triplex excusationum genus, vel simul, vel seorsim, sibi aut aliis proponendæ.

PRIMA VERITAS PRACTICA.
CONTRA EXCVSATIONES, A DIGNITATE
VEL CONDITIONE PERSONÆ, PETITAS.

Indignum sua Dignitate se ipse profert, qui Dignitate suam Legi præfert.

RATIO EST, Quia indignum sua Dignitate & Conditione se ipse profert qui palàm abutitur sua Dignitate, seu autoritate & potestate, ad roborandam Prauitatem. Quid clariùs? Sed qui Dignitatem suam legi præfert, palàm abutitur sua Dignitate, seu autoritate, & potestate, ad roborandam Prauitatem.



VM enim vt supponimus, non seruet legem aliquam cui astringitur, nec aliud excuset quam quod sibi videtur non illa teneri lege, propter suam dignitatem, aut vitæ degendæ licentiam; profecto & dignitatem suam præfert legi, & palàm abutitur sua dignitate ad roborandam improbitatem. Nam improbitas est quod non seruet legem, & abusus dignitatis est quod ipsius prætextu non illam seruet: quasi propterea præstiteret aliis vt & ipsi legi præficeret! Deinde vero etiam roboratur improbitas, quando intigulorum exemplo virorum sulcitur; neque inferiores ita sibi persuadent esse veritum, quod à suis vident Superioribus non obseruatum. Adde quod nec ipsi Pontifices, seu Religiosi seu Laici tanta libertate audent legum intractores coercere quas ipsi violant, neque impunitas viget, & impunitate roboratur impietas. Atque hinc Sapiens hoc vno vel maxime consultit omnibus vt auctiores non appetant Dignitatem gradus, ne scilicet liberius ipsi peccent, aut alienis impliceantur peccatis dum illa non considerant. Noli, inquit, querere à Domino ducatum, neque à Rege cathedram honoris. Non te iustificas ante Deum, quoniam agnitor cordis ipse est: & pones regem noli videri Sapiens. Noli querere fieri Iudex, ne ualeas virtutem irrumperere iniquitates, ne forte extimescas faciem Potentis, & ponas scandalum in equitate tua. Non pecces in multitudinem ciuitatis, nec te immitas

Eccl. 7.

imittas in populum : neque alliges duplicia peccata , nec enim in uno
eris immunis.

Ergo indignum sua Dignitate se ipse profert qui Dignitatem suam
legi præfert , Quia hic manente abutitur Authoritate & Digni-
tate sua : unde ipsa Sapientia tam grauitè & horrendè in pri- sap. 6.
marios illos viros inuenitur , vt nihil Eius verbis ad propositæ
Veritatis confirmationem addi queat. Audite ergo reges & in-
telligite , Discite Iudices finium terræ. Præbete aures vos qui conti-
netis multitudines , & placetis vobis in turbis nationum , quoniam data
est à Domino potestas vobis , & vi. tus ab Altissimo , qui interrogabit
opera vestra & cogitationes scrutabitur , quoniam cum essetis mini-
stri regni illius , non rectè indicastis , nec custodistis legem Iustitiæ , ne-
que secundum voluntatem Dei ambulastis. Horrendè & cito appare-
bit vobis : quoniam iudicium durissimum his qui præsumunt , fiet. Exi-
guo enim conceditur misericordia , potentes autem potenter tormentis
patientur. Non enim subtrahet personam cuiusquam Deus , aut ve-
rebitur magnitudinem cuiusquam : quoniam pusillum & magnum ipse
fecit , & equaliter cura est illi de omnibus. FORTIORIBVS autem
fortior instat cruciatio.

Vide & Ezechielis caput tricesimum quartum.

SECUNDA VERITAS.

CONTRA EXCVSANTES ALIQUID DIFFICILIUS.

Qui à lege excludit aliquid , excludit à se totam legem.

RATIO est , quia ille excludit à se totam legem qui legis seruandæ
motiuum & finem excludit.

Sed qui à lege excludit aliquid quod non seruet , hic legis seruandæ
motiuum & finem excludit.

Ergo & excludit à se totam legem. Id est , non modo non seruat
illud quod excludit , sed neque alia quæ videtur obseruare. Nam
etiam illa quantum ad materiam seu rei substantiam seruet , quia
tamen non seruat ex motiuo & fine quo sunt seruanda , non di-
citur ea magis obseruare coram Deo , quam qui faceret aliquid
tantum quia sibi placet. Sic nempe ille qui quod est difficilius

non facit, sed tantum quod est facilius, neque hoc facilius aliter facit quam quia est facile, & quàm quia placet facere quod est facile, non autem quod difficile. Quod certe non est facere propter motium legis seruandæ, quod est Diuinum Dominium seu Diuina Iubentis Autoritas, cui tenemur obedire in omnibus, & tanto magis in difficilioribus quanto magis in illis nostra constaret subiectio, quæ vix apparet in aliis facilioribus. *Si*
Matth. 5. enim diligitis eos qui vos diligunt, quam mercedem habebitis? nonne
& Publicani hoc faciunt? Et si salutaueritis fratres vestros tantum,
quid amplius facitis? Nonne & Ethnici hoc faciunt? Quasi diceret,
 cum sint ista facillima, non fiunt ex motiuo supernaturali sed naturali, ac proinde non habent eam vim quam habere debet virtus Christiana cuius merces est regnum Cœlorum.

Sicut de Fide diuina dicitur, quod qui non credit vni articulo propter motium fidei, perdit omnino Diuinam fidem, nec vlli credit articulo propter Deum: sic plane sanctus Iacobus
Iac. 2. de obseruandis à lege: *Quicumque totam legem seruauerit, offendat autem in vno, factus est omnium reus. Qui enim dixit, Non mœchaberis, dixit, & non occides. Quod si non mœchaberis, occides autem, factus es transgressor legis.* Quasi diceret, nihil tibi prodest seruasse aliud, cum istud transgrediendo factus sis reus legis violatæ: Quo certe Apostoli loco nihil apertius ad Veritatis euentiam. Sunt quidem eius loci diuersæ Authorum interpretationes: Sunt qui explicent de Charitate per vnius præcepti violationem perditam, & cuius perditione quidquid aliud feceris, tibi perit. Sunt qui de vniuersa lege sic intelligant vt lex vel iustitia legis sit quasi vna corona, vna vestis, vna cyclos aurea, circumdans & ornans totum hominem: quæ tota violatur, si vel vnâ ex ea partem demas aut vires: sicut in musica, corrumpitur tota harmonia si vel vna vox dissonet vel absit: nam sic tollitur eius integritas, species & decor: Ita Tirinus & Cornelius. Sed omnium sapientissimè Menochius qui ad cæteras hanc addit quam declarauimus expositionem, *Quia,* inquit, *qui in vno peccat, Iubentis Autoritatem contemnit, quæ in omnibus præceptis motium nobis esse debet ad illa seruanda.* Quo in sensu est alia Veritas huic conformis, Feria quarta infra hebdomadam quartam post Pascha in secunda parte.

TERTIA VERITAS.

CONTRA EOS QUI CULPAM REFERVNT
TEMPORI.

Qui culpam refert tēpori, pœnæ tempus non aufert.

SENSUS & Ratio est, quia qui culpa reus est, pœna cum sit & reus, pœnæ aliquando subeunda tempus non aufert, suo tēpore punietur. Neque enim est villa culpa quam non sequatur pœna. Verebar omnia opera mea, inquit Iob, sciens quod non parceres delinquenti. Iob. 22. DELINQVENTI Dominus nequaquam parcit, inquit ibi sanctus Gregorius, quia delictum sine ultione non descrit. Aut enim ipse hoc homo in se pœnitens punit, aut hoc Deus cum homine vindicans percutit. Nequaquam igitur peccato parcitur, quia nullatenus sine vindicta laxatur.

Sed qui culpam refert tempori, culpa reus est, & quidem duplici, aut certe grauioris quàm si solum peccasset & peccati excusationem à tempore non repeteret. Sic enim irritet Deum, quasi non omni tempore colendus esset, quasi Deus daret tempus peccandi, quasi tūc non esset sanctus vt peccatum non odisse posset, Propter quid irritauit impius Deum? Dixit enim in corde suo, Ps. 2. non requireret. In quo maxime irritatur Deus cū culpa sic refertur tempori, quasi nulla tūc esset culpa.

Ergo is qui culpam refert tempori, pœna tempus non aufert. Valde is errat & decipitur; tantum enim abest vt impune tūc peccet, quin duplo grauius puniatur; & quod peccarit, & quod peccato tempus ascripserit. Duplicate duplicia secundum Apoc. 18. opera eius; miscete illi duplum?

Vide in secunda parte Dominicam Quinquagesimæ.

TRES ALIÆ VERITATES PRACTICÆ
DE PURIFICANDIS AFFECTIBVS.

PRIMA VERITAS PRACTICA.

Qui se hodie non purificat, se magis inquinat.

ssj ij.

RATIO est quia ille se magis inquinat qui fictè & simulate ali-
quem religionis actum exercet. Sed qui se hodie non purificat,
fictè & simulate exercet illum religionis actum quo benedicti gestan-
tur Cerei. Ergo & se magis inquinat, si non se ante purificet. Vnde
profecto agnoscitur quanta sit hodie necessitas purificandi af-
fectus nostri: & quàm apte sanctus Iacobus dixerit: *Purificate*
corda, duplices animo.

Iac. 4.

Prima propositio nihil habet difficile quod exponatur fu-
sius; Nam sese is manifeste magis inquinat qui peccato pecca-
tum addit: tum vero quisque peccatum peccato addit quando
in Dei cultu & seruitio fingit se esse qui non est, fingit se hu-
mitem qui est superbus, vel obedientem qui est contumax, vel
vno verbo, subditum Christo qui Christo in multis resistit; hoc
est enim agere Hypocritam & Dolosum quem abominatur Do-
minus. *Vae vobis hypocrite quia similes estis sepulchris dealbatis, quæ*
à foris parent hominibus speciosa, intus vero plena sunt ossibus Mor-
tuorum, & omni spurcitia.

Matth. 23.

SED qui se hodie non purificat, fictè & simulate exercet illum re-
ligionis actum quo benedicti gestantur Cerei.

Hæc secunda propositio non ita quidem videtur clara, & fu-
sius declaranda esset quàm hic tractetur, sed ex his paucis facile
cetera colliguntur. Primo indicandum quis sit ille actus religio-
nis si bene exerceatur, nempe est professio quædam publica qua
testamur coram Deo & hominibus, Christum Dominum esse ve-
rum illud Lumen quod dixit Simeon ad reuelationem Gentium,
& gloriam Israelitici populi: Nos per eius gratiam & per Euan-
gelij communicationem illo esse lumine sic illustratos vt quod
Christus dixit fideliter credamus, & pro ea fidelitate parati si-
mus mori ac deficere, sicut cera deficit à facie ignis, & toti veli-
mus consumi & impendi in illius obsequium, qui nos de tenebris
vocauit in admirabile lumen suum. Ac proinde Ecclesia dum ce-
reos benedicit, sic Deum inuocat in hunc finem; *quæ extrinsecus*
annua tribuis deuotione venerari, interius affequi gratia tua luce con-
cede: vt purgato mentis oculo eacernere possimus quæ tibi sunt placita.

1. Pet. 2.

Sic itaque si affecti essemus interius, sicut exterius profitemur,
in ignis esset Religionis actus, quia sic, vt dictum est, profite-
mur nos totos velle esse Christi, sicut agnoscimus nos illius esse
totos; quod maxime proprium est Christianæ Religionis. *O De-*

Ps. 115.

mine quia ego seruus tuus : ego seruus tuus & filius ancillæ tuæ. Dirupisti vincula mea, tibi sacrificabo hostiam laudis.

Quod si è contra interius, quædam sint in animis nostris quæ huic externæ Professioni repugnent & aduersentur, si quidam forte sint, vt reuera multi sunt, deprauatî affectus qui nos à Christi cultu & obsequio tam longe auocent quam virtus & vitium longe disiuncta sunt; nonne fictè & simulate à nobis ille actus religionis exercebitur? Nonne falso dicemus nos esse Christi, cum verè illius non simus? Nonne erimus illi duplices animo, quos sanctus Iacobus alloquitur, nisi quod etiam impe-
Iac. 4.
rat, corda nostra purificemus? Quid est enim esse duplicem animo, nisi fictum & simulatum coram Deo, Sicut ait Sapiens; *Ne accesseris ad eum duplici corde;* Quando scilicet interiora cordis non respondent exterioribus, quando vt ait David, *labia dolosa*
Ps. 11.
in corde & corde locuti sunt: Quando, vt describit Propheta, *facti sunt quasi arcus dolosus,* qui nempe non rectà tendit in scopum, *Ecce 7.*
sed emissam sagittam in emittentem retorquet potius quam in locum destinatum. Sic enim aperte sanctus Augustinus, iam supra semel auditus, ac iterum, *Deprehenderis & detegeris Christi-
Tract. de
Symb. ad
Catech.*
iane, quando aliud agis & aliud profiteris, Id est, in eo agnosceris verus aut fictus Christianus, quando cæteræ actiones non respondent Professioni Christianæ quam præ te fers: quando profiteris te esse Christi seruum, nec tamen Christo seruis: quando fateris te probe nosse quid illi debeas, nec tamen reddis quod debes, non detectu potestatis, sed affectu voluntatis opposito, quem i illi purificaueris, te fictum & simulatum facit eo tempore quo sincerius & veriùs esset procedendum, nempe in sacro Religionis actu.

QVAMOBBREM Veritas quæ de maiori hodie contrahendo cordis inquinamento proponitur, nisi cor ipsum purificetur, euidenter patet. Nam qui sic fictè & simulate agit, se manifeste inquinat, cum illa cordis duplicitas sit noua cordis impuritas: atque ita necessario ex his duobus alterutrum hodie nobis est eligendum quod sanctus Ioannes futurum dixit; *Qui nocet no-
Apo. 22,*
ceat adhuc: & qui in sordibus est, sordescat adhuc: & qui inustus est, iustificetur adhuc: & sanctus sanctificetur adhuc. Nempe qui ritè, qui sincerè, qui puro mentis affectu religiosæ debitum seruitutis exoluere sit paratus, quemadmodum præ se fert hodie in hac an-

nua Cereorum celebritate, Sanctus ille est qui sanctificatur adhuc; Qui vero impuros & deprauatos gerit affectus, hic in sordibus est, & sordescet adhuc.

Quæ certe Consideratio digna est quæ attentius expendatur; nam si vel de sola maiori Puritate & sanctitate comparanda nunc ageretur, satis quidem esset ad acuendos nostros animos ex tantæ rei pretio; Sed cum aliud subest, & alterutrum necessario additur, nisi sit puritas major, erit major impuritas; quis tam parum sui studiosus, hanc nouam hodie velit contrahere notam & maculam, ut qua die magis purificari debuit, magis fuerit inquinatus? *Si sal euanuerit in quo salietur? Si sal insulsum fueris, in quo illud condictis?* Id est, si media illa quæ sunt apta & ordinata purificandis animis inquinentur, quibusnam aliis ipsa modis purgabuntur? Aut non erat gestandus hodie sacer ille Cereus quo tuam in Christum fidem producebas, aut affectus interior erat perpurgandus, quo fides illa vera esset & sincera, non ficta & adumbrata. Licet enim tibi videaris nihil affinxisse, nihil dissimulasse: si tamen affectus interior non is fuit qualem oportet eius esse qui se totum esse Christi profitetur; nihil nisi ficta & simulata fuit illa Professio; nihil nisi exterior fuit religionis species & umbra pietatis, quæ sola dum habetur, ait Apostolus, *vera virtus abnegatur.*

Audi eundem de hoc nostro interiori statu differentem, qui ad externos religionis actus est adhibendus: *Accedamus, inquit, cum vero corde, in plenitudine fidei, aspersi corda à Conscientia mala, & abluti corpus aqua munda:* Quasi diceret, tam puro corde nos esse tum oportet, quam cum baptismi gratiam & innocentiam suscepimus. Sic venturum Christum ad mundanda corda nostra, Propheta ille prædixit qui auditus est in hodierno Sacro: *Ipsè, inquit, quasi ignis conflans, & quasi herba fullonum, & siedebit conflans & emundans argentum, & purgabit filios Leui, & colabit eos quasi aurum, & quasi argentum.* Id est, sicut aurum & argentum purgantur separatione metalli vilioris quod ipsis admixtum erat, sic purificantur corda, dum affectu semouentur à terrenis & mundanis. Quod alia similitudine sanctus Ioannes præcursor, exprimebat cum diceret, *cuius Ventilabrum in manu sua, & permundabit aream suam, & congregabit triticum suum in horreum, palcas autem comburet igni inextinguibili.* O quis tum sen-

sus impuri cordis? quis porro animus iam iam moriturus Christiani quando religiosus ille Cereus in hunc extremum finem domi asseruatus, ad manus eius inferetur, quasi testimonium illius fidei quam professus est hodie. Poteritne tunc non recordari sui hodierni status? poteritne vero recordari & non reformidare iudicium suæ perfidiæ, suæ delidiæ, qua magis ac magis sordescere voluit quam purgari?

Ruga mea testimonium dicunt contra me, dicebat beatus Iob. Iob. 16. *At quid per rugas, nisi duplicitas designatur*, inquit S. Gregorius? *Rugæ itaque sunt sanctæ Ecclesiæ, omnes qui in ea dupliciter viuunt, qui fidem vocibus clamant, operibus denegant.* Et post pauca: *Has autem rugas in electis suis Sancta Ecclesiæ non habet, quia videlicet nesciunt aliud de se foris ostendere, & intus aliud habere.* Vnde recte egregius Predicator dicit: *ut exhiberet ipse sibi gloriosam Ecclesi-* Ephes. 5. *am, non habentem maculam, aut rugam; Maculam quippe & rugam non habet quæ & turpitudine operis, & duplicitate sermonis caret.* Vide eundem, tertia parte Pastoralis, admonitione duodecima.

ALIA VERITAS PRACTICA.

Hæc est magis aut minus puræ mentis nota certior, velle magis aut minus purificari.

RATIO est quia magis aut minus amare puritatem, nota est certior magis aut minus puræ mentis. Sed magis aut minus amare puritatem nihil est aliud quam magis aut minus purificari velle. Ergo hæc est etiam magis aut minus puræ mentis nota certior, velle magis aut minus purificari.

Quæ quidem Ratio est euentissima, & posset esse communis omni probandæ virtuti; sed puritati tamen particulatim conuenit, quia hæc inter Virtutes ceteras magis est tenera & delicata, thesaurus est in vase fictili cui conseruando nisi mens omni custodia cor suum seruauerit, facile quatitur & dissoluitur. Non potest autem melius conseruari quam si augeatur in dies, roboretur & stabiliatur firmitus. Sic enim validius resistit oppositis, & sua se in incorruptibilitate tuetur. Sic Beata Virgo sicut erat omnium Virginum purissima, ita puritati conseruandæ & augendæ studeat omnium vehementissime. Vide quæ supra dicta

Per. 6. post
Dom. 4.

sunt in Aduentu, & in Festo Conceptionis, quibus adde quod huius puritatis, affectu purgationis legem impleuit, vt quantum magis purificari posset, purificaretur, & nos exemplo suo efformaret ad huius Virtutis incrementum magis ac magis procurandum.

Lib. 50.
Homil.
Hom. 55.

Vide quibus id possis modis, & ne tantum attendas quale inde bonum proveniat, sed quale damnum importetur ex minori puritatis cura. Præclare sanctus Augustinus: *quidquid pul. crescit visu, quidquid dulcescit gustu, quidquid blanditur auditu, quidquid lenocinatur odoratu, quidquid mollescit tactu, in his omnibus si incauti fuerimus, surreptibus concupiscentiis malis, Anima Virginitatem corrumpi permittimus: & impletur illud quod per Prophetam dictum est: Intrauit mors per fenestras vestras.*

Ier. 9.

Aptè etiam S. Gregorius ad illa verba primi Regum capite decimo quinto: *Vade & percutite Amalec, & demolire vniuersa eius: non parcas ei, & non concupiscas ex rebus ipsius aliquid; NON POTESSE*, inquit, tolli menti quod aliquo modo immunda non videat, sed in mirabilem usum Puritatis deducitur, vt immunda videns, nulla delectationis labe maculetur. Quisquis ergo sic præst carni, quisquis sic mentem regit, ideo præst, ideo regit, quia Amalec cuncta demoliri fortiter potuit. Quis est hic qui parcat Amalec nisi qui aut in cogitatione, aut in ore, aut in carne, lasciuia aliquid retinet? Non parcas ei, quia de tam nequissimo vitio nihil accendi debet in mente, nihil permitti ardere in opere. Non parcas ei, vt omnes libidinosi motus omnes obscena locutiones prorsus perimantur in corpore, &c.

ALIA VERITAS PRACTICA.

AD HÆC SIMEONIS VERBA:

Tuam ipsius animam pertransibit gladius. Luc. 2.

Doloris gladium, Animæ Virginis, acerbiozem infert vita peccatoris, quàm Mors filij.

RATIO est, quia Virginis anima conformis erat animæ & voluntati patientis ac morientis filij.

Scd

Sed voluntas patientis ac morientis filij talis erat, ut ex vita peccatoris, acerbiori pungeretur doloris gladio, quàm ex morte sua.

Ergo & doloris gladium Anima Virginis acerbiozem infert vita peccatoris, quàm Mors filij. Quod certe est expauescendum omnibus, tum vero iis precipue qui se Deuotos Virgini profitentur, nec desunt a peccatis. Hæc sunt eorum peccata maxime quibus magis affliguntur Mater & Filius, quàm ipsa morte Crucis crudelissima.

Ratio tota pendet à malitia peccati quæ est grauior apud Christum, cui haud dubie Mater erat conformis, quàm ipsa Christi Mors, propter has tres causas. Prima, quod peccatum sit offensa Dei & quoddam velut Deicidium, quo Deus moritur in anima Peccatoris, in qua ante peccatum vivebat per Charitatem & gratiam. Vnde dicitur, *Quasi Romphaa bis acuta omnis iniquitas*; ex duplici parte lethalem infert plagam, nempe Deo & animæ peccatrici, *Ecce peruenit gladius usque ad animam.* At certe Mors Christi si tantum consideretur vt pœna, pœna est & mors hominis non ipsius Dei, nisi per communicationem Idiomatum. Et Christus vt homo vitam & honorem Dei Patris qui in peccato læditur, tanto pluris quàm vitam suam faciebat, quanto Pater maior ipso erat. *Quia Pater maior me est*, inquit, *Et in his quæ Patris mei sunt, oportet me esse.*

Secunda causa est, quia Christus in Morte sua, videbat ordinationem Patris iustissimam quam summopere venerabatur, & inde omnia consequentia bona in Electorum salutem. At verò in peccato, nihil videt nisi quod est purum putum malum & mora inordinatio, directe opposita voluntati Diuinæ quæ nec velle peccatum nec amare potest, imo semper odit & punit. *Mundi sunt oculi tui ne videas malum, & respicere ad iniquitatem non poteris.* Atque ita peccatum simpliciter & absolute malum est & plane inuisum Deo; Passio vero Christi vt Passio, & vt malum est pœnæ, non ita malum est quin maxima in eo, & pretiosissima bona insint, quæ & Deus volebat, & quæ proinde Christus amabat. *Vt cognoscat Mundus quia diligo Patrem, & sicut mandatum dedit mihi Pater, sic facio.*

Tertia denique est, quod vt ait sanctus Thomas, Primatio finis est grauior quàm eorum quæ ducunt ad finem: Finis autem patientis & morientis Christi quis erat nisi peccati sublatio,

nisi Paternæ gloriæ, salutisque humanæ reparatio, quæ tamen omnia pereunt per peccatum denuo perpetratum; Vnde quàm verum est illud commune Effatum: propter quod vnumquodque est tale, hoc ipsum magis est tale: tam verum sit oportet quod magis acerbum est Christo, Peccati malum, quam propriæ mortis, quia propter peccatum auferendum Mors illa est ordinata: propter Diuinam gloriam & humanam salutem recuperandam Mors illa suscepta est. *Iste omnis fructus, vt auferatur peccatum eius.* Et tamen per peccatorem refertur, & sic perit eius fructus & finis. *Qua utilitas in sanguine meo? Christus vobis nihil proderit. Euacuati estis à Christo, à Gratia excidistis. FILIVS Dei conculcatus, & sanguis testamenti pollutus est. O vulnus Christi dirius lethali quouis vulnere!*

1s. 27.

2s. 29.

Gal. 5.

Hebr. 10.

Serm. 181.
de temp.

Eccl. 21.

Cur me inquit grauiori tuorum criminum Cruci affixisti! Vide reliqua eius Verba quæ sunt ex S. Augustino relata, sacro die Parasceues: Vbi & multa, quæ huc spectant exprimes, Vnde quàm clare pateat Veritas de acerbiori doloris gladio quem infert peccator Animæ Beatæ Virginis, non est apertius demonstrandum: sed qualis inde in peccato considerari debeat mali Grauitas, attentius est perpendendum. Quid enim est, peccator! Quid illud est, vno quasi ictu & Deum Patrem occidere: & Filium grauiori supplicio enecare quam morte Crucis; & Matrem acerbiori gladio transfuerberare quàm aspectu pendens in Cruce filij! Itane possunt credi & fieri? Certe quod credi debeant, motiua sunt cuiuscumque generis; fides est diuina & humana: Scripturæ id aperte pronuntiant, Patres ita expriment, sic suadet Ratio; quid ad conciliandum fidem efficacius? An vero id possis de peccato credere, & peccare velle! Nesciebas forte, nec cogitabas cum peccasti; dolendum est, & dolore intimo diluetur peccatum. Sed deinceps, qui hæc iam audiuit: Quid deinceps acturus es? An sic liberè & effusè peccabis? an sic lethalem gladium proterue inferes in sinum dolentissimæ Matris? *Mucro, mucro, reuertere ad vaginam tuam. Vrge hunc motum vehementissimè.*

DIES FESTVS S. MATTHIÆ APOSTOLI,

nonnisi post Septuagesimam celebratur: quamobrem
in secundam partem remittitur.



VERITATES PRACTICÆ.

COMMUNES OMNIBVS SANCTIS,
PRÆTERQVAM APOSTOLIS ET EVANGELISTIS,
QVIBVS PROPRIÆ DESIGNANTVR, SVIS LOCIS.

COMMVNIS OMNIBVS SS. MARTYRIBVS.

*Tamquam aurum in fornace probavit illos: & quasi
holocausti hostiam, accepit illos. Sap. 2.*

VERITAS PRACTICA.

Sicut Martyrio vita naturalis, sic Mortificatione vita
sensualis.

*SENSVS est, quod sicut ne pereat Fides, perdenda est Marty-
rio vita naturalis: sic ne percat Fidelitas, perdenda mortifi-
catione, vita sensualis.*

*RATIO est, quia tale est meritum Fidei, & talis eius obligatio,
ut illi postponenda sit vita naturalis.*

*Sed tale est etiam meritum & obligatio Fidelitatis nostræ, ut illi
subjicienda sit vita sensualis.*

*Ergo aequaliter hæc est exponenda, ne pereat Fidelitas: sicut ne pe-
reat Fides, non dubitatur exponi Martyrio vita naturalis.*

Ttt. ij.

I. PUNCTVM.



VAM sit mirabilis & magnificandus Deus in sanctis Martyribus suis; quanta sit horum gloria, & quantum inde ad perfectam mortificationem incitamentum, fusillime habes in vernacula Meditatione, ad id instituta.

Nunc vero ex multis quæ inde possunt ad praxim erui, hæc Veritas maximè practica & fructuosa videtur, *Ut sicut ne pereat Fides, perdenda est martyrio vita naturalis, sic ne pereat fidelitas, perdenda est mortificatione vita sensualis.*

Ratio fundamentalis hæc est, quia tale est meritum & obligatio Fidei nostræ, ut præferri debeat vitæ naturali; Quod quidem ex triplici capite potissimum declarari potest. Primum, quia Deus ut Dominus vitæ nostræ id meretur, ut quando imperat, vel quando agitur de honore eius, vitam illi nostram plane consecremus, *Morere*, ait Dominus Moyli: *mortuusque est Moyses servus Domini, iubente Domino.* Sic plane quilibet notitum debet eo iubente mori. Iubere autem intelligitur quando non aliter viueres, nisi eum offenderes, fidem abnegando: Tum potius dicendum cum Susanna: *Melius est mihi absque opere incidere in manus hominum, quam peccare in conspectu Domini.*

Deinde id debemus Christo Domino, tum quod restituit nobis vitam æternam, tum quod idcirco suam dedit quali modo scimus, *quàm probroso, quàm indigno! Christus passus est pro nobis, vobis relinquens exemplum, ut sequamini vestigia eius.* Et quotquot Christiani sumus, hoc veluti Sacramento & iuramento fidei ad illius obsequium ita tenemur, ut citra perfidiam & apostatiam resilire non possimus. *Qui negauerit me coram hominibus, negabo & ego eum coram patre meo.*

Denique id ipsum debemus animæ nostræ, & salutis æternæ, ut temporalem vitam tam libenter impertiamur, quàm probrosum, quàm inordinatum & indignum esset, Si propter modicum corruptibilis vitæ tempus, ut aiebat ille, *maculam: & execrationem sempiternam conquiramus, Nam etsi in presenti tempore suppliciis hominum cripiar; sed manum Omnipotentis nec viuis nec defunctis effugiam.*

Sicut Martyrio Vita naturalis, sic mortificatione, &c. 315

Hoc attendens in agone suo gloriosus Christi Athleta, non exhor- *S. August.*
ser. 44. de
sanctis.
rruit carcerem, ad Imitationem sui Capitis toleravit probra, susti-
nuit irrisiones, flagella non timuit: Et quot ante mortem pro Chri-
sto pertulit supplicia, tot ei de se obtulit sacrificia. Sicutusè S. Au-
gustinus. O quàm facili pretio nobis conceditur, quod tam ca-
rò sancti emerunt. Numquid fratres vestri ibunt ad pugnam, & Non 32:
vos hic sedebitis!

II. PUNCTVM.

SED tale est etiam meritum & obligatio Fidelitatis nostræ, ut illi
subjicienda sit vita sensualis;

Non est dubium quin si de peccato mortali ageretur perinde
obligaremur atque in ipsa Martyrij occasione pro Fide, eamque
in rem egregius est traciatus apud S. Cyprianum de duplici
Martyrio, ubi hæc inter alia contra peccatorem. Cum Tyrannus
dicit, abnega Christum & immola Ioui, sæpe lingua negat cor-
de reclamante: quamquam hoc grauissimum crimen, tamen aliquam
impietatis culpam clement humane nature imbecillitas. Ibi satanas
tibi loquitur per tuam concupiscentiam: abnega Christum, & esto
diues, sacrifica mammonæ & Christo nuntium remittito: nec dicit,
morere, sed potius oblecta oculos. Et tamen tu hic sponte sub-
mittis genua Satana, & abnegato Christo, te totum illi man-
cipas.

Et verò etiam ubi de veniali tantum ageretur, sicut profectò
saltem de eo agitur, quando inordinatus est motus sensualitatis;
quam vera sit propositio vel ex eo patet, quòd vita sensualis
longè minor & interior est vita naturali; At vita ipsa naturalis,
si opus foret, danda potius esset, quam illud veniale commit-
tendum; Quanto igitur magis sensualis? Hinc apte Sapiens: *Ecclesiæ 4.*
Pro Iustitia agominate pro anima tua, & usque ad mortem certa pro
Iustitia.

Quod si triplex illud caput, unde meritum & obligatio fidei
petebatur in primo puncto, volueris attendere, profectò etiam
non eandem & omnino parem fidelitatis obligationem conclu-
des; at certe similem suo proportionato modo atque ita nos ob-
stringentem reperies, ut prorsus desinat esse fidelitas, si non sibi
subscribat vitam sensualem. Quale enim illud, & quàm alienum à

fidelitate, præferre Deo, Christo & salutem, seu perfectionem animæ, nescio quam vanitatem, voluptatem & commoditatem corporis, malie offendere Deum, & Christum, quam suum appetitum ! *Hæcine reddis Domino ! Hæcine reddis Christo !* ubi nam illud quod debes, Cor totum, tota anima, tota mens, tota virtus, tota fortitudo, & omnes vires ? Certè non ubi sensualitas ; nam quantum est illi datum, tantum de toto detractum est. *2. Cor. 5. Charitas Christi urget nos*, aiebat Apostolus, *estimantes hoc, quoniam servus pro omnibus mortuus est ; ergo omnes mortui sunt, & pro omnibus mortuus est Christus, ut & qui vivunt, iam non sibi vivant, sed ei qui pro ipsis mortuus est & resurrexit.*

Quid porro est, non tibi vivere sed totum Christo, nisi sensualitati renuntiare ? Nam certè qui cedit appetitui, sibi vivit, quantumcumque modice cedat : Mors nobis integra per mortem Christi imperatur : *Mortui sumus & sepulti cum illo* ; nullus igitur motus vitæ sensualis relictus est, cum mors totam planè vitam excludat, aut mors dici non possit. Et cum Christus Dominus in hoc esse mortuus, & resurrexisse dicatur ab eodem Apostolo, *ut & mortuorum & vivorum dominetur* : Videsne quomodo mortuis dominatur ? Videsne ut nullo prorsus motu mortui moveantur, quàm ex eius imperio ? sic nos viventes non aliter moveri deberemus. Sic propterea monemur, *exhibere corpora nostra hostiam viventem, Sanctam, Deo placentem, rationabile obsequium nostrum.*

Quanto res verò modica & exigua nobis apparet, tantò fidelitas major probaretur, & tanto arguenda est infidelitas, quæ in re tantilla, se Christo prætulit. Nec porro leue putes animæ damnum quod hac infidelitate contrahitur ; *Nam qui fidelis est in minimo, & in maiori fidelis est : & qui in modico iniquus est, & in maiori iniquus est*, inquit Dominus. Sic probatur fidelitas, ut in igne aurum. Audi scripturam : *Quomodo probatur in conflatorio argentum, & in fornace aurum, sic probatur homo ore laudantis.* Expende hoc anime, inter omnes vitæ sensualis actus, *moueri suis laudibus*, videtur leuius, aut certè parum graue ; Et tamen inde probatur fidelitas, ut tibi innotescat nihil tam leue esse in hac materia quod non sit studiosè cauendum.

III. PUNCTVM.

ERGO similiter ne pereat Fidelitas, perdenda est mortificatione vita sensualis, sicut Martyrio perderetur vita naturalis, ne periret Fides, quia sic Deus utrobique meretur, hoc æquè debemus Christo Domino, hoc saluti & perfectioni animæ, quæ nihil carius post Deum nobis esse debet. *Si oculus tuus dexter scandalizat* Mat. 18. *te, erue eum & proiice abs te: Et si dextra manus tua, scandalizat te,* Mar. 9. *absconde eam: Et si pes tuus te scandalizat, amputa eum.* His tribus membris seu symbolis designatur triplex concupiscentia, unde tota conficitur sensualitas, quæ nos à Fidelitate reuocat, sub specie boni, honesti & delectabilis.

At vero, hic etiam considera, quàm longè digniùs & securiùs triplex illud bonum reperitur in ipsa fidelitate. Quid enim & honorificentius, & ad omnem commendationem gloriosius, quàm se ita fidelem exhibere Deo, ut ne latum vnguem, ne propter liberatio prætentio bono, ab eo discedatur? Quibus non præcedunt & laudibus hunc fidelem Dominus seruum effert? Commendat gloriam quæ à Deo est, cum gloria quæ à mundo? Conferatiam Iobi commendationem, quam à Deo promeruit, cum alia quauis quam tibi mundus referre possit: *Numquid, inquit, considerasti seruum meum Iob; quod non sit ei similis in terra, homo simplex & rectus, ac timens Deum?* Vtrum securius probari à Deo, Luc. 6. an ab hominibus? *Væ cum benedixerint vobis homines?* Et si autem ps. 113. maledicant; *Maledicent illi, & tu Domine benedices.*

Sic perge considerando de aliis concupiscentiis; Quæ commoditas sensualis præ utilitate fidelitatis? quænam voluptas sensuum præ gaudio animi & præ illa delectatione securæ mentis, quæ est iuge conuiuium? *Quid ergo tibi vis in via Aegypti, ut bibas aquam turbidam?* En Dominus Deus tuus tibi illud bonum longe præstantius offert, & tu illo deserto, paternisque deliciis abdicatis, mauis ad siliquas porcorum recurrere! Caue id omnino, & audi Christum Dominum: *Esto fidelis usque ad mortem,* Apoc. 2. *& dabo tibi coronam vitæ.* Expende verba, *usque ad mortem*, inclusiue, seu de vita naturali agatur, quæ sine dubio danda est, potius quàm vel leue peccatum admittatur: seu longè magis de sensuali, quæ potiori iure debetur, quoties fidelitas id exigit,

2. Cor. 4.

Et quia semper & ubique exigit, idcirco semper Mortificationem Iesu in corpore nostra circumferamus, ut & Vita Iesu manifestetur in corporibus nostris.



COMMVNIS SANCTIS CONFESSORIBVS PONTIFICIBVS.

Non est inuentus similis illi, qui conseruaret legem excelsi. Ecclesi. 44.

VERITAS PRACTICA.

Et communia singulariter, Et singularia communiter.

SENSVS est, quòd sic communia singulariter tractanda sunt, ut singularitatis nota vitetur, Et à communibus numquam discedas.

RATIO EST, Quia idcirco communia singulariter sunt tractanda, quod ad id Gratia quedam singularis, vnicuique à Deo detur.

Sed illa gratia notam affectatæ singularitatis abhorret, & à communi lege non discedit.

Ergo vtrumque sic temperandum est, ut & communia singulariter obseruentur, & singularia communiter, seu sine præiudicio cõmunitatis. Quod est diligenter cauendum.

I. P V N C T V M.



VOMODO de vnoquoque sancto Pontifice dicatur, non esse alium similem illi, quanta inde Christi Domini gloria, quantus vniuscuiusque Sancti Pontificis honor,

honor, & alia quæ in hanc rem quæri possent, habes in Meditatione de hoc argumento fulius explanata. Inde vero hæc Veritas ad praxim, & ad eorum imitationem deducitur, *quod sic communia singulariter tractanda sunt, ut singularitatis nota vitetur, & à communibus, quantum fieri poterit, numquam discedatur.* Verendum enim esset, ne in aliquod extremorum iretur, si communia communiter solum fierent, aut si relictis communibus, singularitas notaretur. Quamobrem vtraque simul iungenda, ut & communia singulariter, & singularitas à communione seu communitate non se disiungat. Sic sancti omnes, eandem & communem omnibus legem Excelsi, tam perfectè observarunt, ut in illa observatione singularis unusquisque extiterit, nec fuerit inuentus similis illi. Rursum verò singularitatem illam sic temperarunt, ut nullum inde affectationis maculam contraxerint, nec se à communi lege Excelsi separarint.

Hoc ergo primum expende, quòd communia non communiter sunt tractanda, id est, non communi & neglecto modo, non perfunctoriè, non tepidè, non dissolutè, non ut fieri solet in iis quæ quotidiana sunt, & quæ quodammodo præ assiduitate vilescunt; *sed singulariter*, id est singulari quodam affectu, quasi res propria & noua esset, nouo in dies crescente feruore, qua mentis attentione & deuotione possis, velut si primò ipsum opus inchoares, velut si extrema esset vitæ actio, de qua iam iam esses rationem redditurus, velut si de mundo conuertendo in ea quantacumq; parua actione ageretur, si denique quàm perfectè & absolute possis, secundū gratiam singularem ad id tibi datam. Nam, ut ait Apostolus, *unusquisque proprium Donum habet* ^{1. Cor. 7.} *ex Deo, alius quidem sic, alius vero sic.* Et tibi paulo post. *Di-* ^{Ibid. 12.} *uisiones gratiarum sunt, diuisiones ministracionem. Diuisiones operationum sunt, idem verò Deus, hæc omnia operatur vnus atque idem Spiritus, diuidēs singulis prout vult:* sicut in vno & eodem corpore multa membra, quæ non eundem actum habent. Hæc & similia frequenter repetit, quæ sic intelligi possunt de Virtute quapiam vnicuique singulariter impertita, ut ad eius singularem actum, singularique illas actiones, quæ communes omnibus quotidiana sunt, etiam referri debeant.

Sic enim idem Apostolus expressè de se, singularique suis operibus: *Exhibeamus omnem hominē perfectum in Christo Iesu, in*

& laboro certando secundum operationem eius, quam operatur in me, in virtute. Audisne quod dicit secundum operationem eius quam operatur in me, Id est, in singulis actionibus, cum ad singula concurreret illa Dei operatio; cumque in hoc Apostolo esset singularis quædam virtus & gratia ad operandum: eius operatio, seu actio erat etiam ita singularis, & perfecta suo modo, ut eius perfectio non esset perfectio S. Petri, nec alterius Apostoli: sicque omnes perfecti essent diuerso perfectionis gradu, ut nullus alteri similis esset non tantum vniuersim pro toto vitæ decursu, sed pro singulis etiam actionibus, quas unusquisque singulariter ex singulari suo dono exercebat.

1. Cor. 13. Sic denique, quod idem ait, *Super idem fundamentum superedificat alius aurum, alius argentum, alius lapides pretiosos, alius ligna, fœnum aut stipulam;* hoc est, vnâ eandemque actionem quam multi facient, alius tam singulariter ab alio & perfectè exercebit, quàm diuersum est aurum ab argento, vel ligno, vel stipula. O qualis diuersitas, non quidem à diuersis actionibus, sed à diuerso agendi modo. Sancti fecerunt eadem quæ nos agimus, & nobis eadem penè, quæ ipsis sunt agenda: Sed aliter illi, & nos aliter! Illi velut aurum, argentum, aut lapides pretiosos actionibus suis singularem virtutem, qua præditi erant, inferebant; Nos, virtute neglectâ, ex appetitu naturali tantum agentes, nihil nisi ligna, fœnum, stipulam, aut aliam ignis materiam inserimus operibus nostris! Expauescere.

II. PUNCTVM.

SED illa Gratia notam singularitatis abhorret; & à communi lege non discedit.

Aduerte singularitatis tum esse notam, si quis sine legitima causa à communi lege discedit. Nam si legem seruandam seruat, etsi alij non obieruent, non est singularitas vitiosa, imo laudabilis: sed illa tantum singularitas vitio vertitur, quando quis neglectis communibus aliquid extraordinarium supra alios agit, vel in ipsis communibus obseruandis aliquem modum affectat, qui non est in vsu & communi approbatione sapientum vel Superiorum. *Non sum sicut ceteri hominum,* ait in corde suo homo singularis, & vanus. Ab hac autem affectatione seu nota singu-

laritatis longè est gratia, quæ singulis ad communia singulariter tractanda communicatur; Non enim seipsam destruit gratia, nec Deus est dissentionis Author, sed pacis & ordinis; ac proinde cùm communitatem ipse velit ab omnibus obseruari, licèt ad eius obseruantiam vnique det gratiam singularem, non vult tamen illà gratiã communitatem destrui, sed potiùs conseruari, efflorere, exornari, & vtiliorem reddi, sicut diuersi membrorum actus non impediunt, imò iuuant totum corpus; & sicut diuersæ voces simul conuenientes concentum gratiorem faciunt: sic plane Communitas exurgit vberior & formosior ex singulis cuiusque virtutibus, dummodo illæ virtutes ad eam obseruandam concurrant, & non destruendam. Hæc sunt prima opera quæ Deus fieri vult ab illo Episcopo qui multis vacabat aliis: *Sed habeo, inquit, aduersum te, quod charitatem tuam primam reliquisti. Memor esto itaque vnde excideris, & age penitentiam, & prima opera fac, si autem, veniam tibi cito, & mouebo candelabrum tuum de loco suo.* Vide primum de Imitatione Christi, capite decimo quinto, vbi hæc inter alia: *Cauendum ne piger sis ad communia, & ad singularia promptior, sed expletis integre, & fideliter debitis, & iniunctis, si iam ultra vacat, redde te tibi prout deuotio tua desiderat.*

III. PUNCTVM.

PATET ergo sic vtrumque temperandum, ut & communia singulariter fiant, & singularitas nihil communibus omnino præiudicet: Imò potius, cùm ipsa singularis gratia non detur nisi ad communitatem melius obseruandam, non aliter gratiæ cooperaberis, nisi vtroque simul iuncto, & Communitas singularitate exerceatur, & Communitati singularitas seruiat. Vide in quo deficias aut excedas. Audi S. Gregorium aptissimè ad hæc differentem in illa Iobi verba, *Iudica mihi si habes intelligentiam, quis posuit mensuras eius si nosti, vel quis retendit super eam lineam? Cum miro, inquit, consilio author ac dispositor noster huic illa largitur, que alij denegat: alij hæc denegat, que isti largitur; mensuras sibi positas egredi nititur, quisquis posse plusquam acceperit conatur. In præcipitio pedem porrigit, qui mensurarum suarum limitem non attendit: & plerumque amittit, & quod poterat, qui audacter ea, ad-*

quæ pertingere non valet, arripere festinat. Nam & membrorum nostrorum tunc bene ministeriis utimur, cum sua eis officia distincte seruamus: lucem quippe oculis cernimus; vocem verò auribus audimus: si quis autem mutato ordine voci oculos, luci aures accommodet, huic incassum utraque patent. Si quis odores velit ore discernere, sapores nare gustare, utriusque sensus sibi ministerium quia peruerit, interimit, dum enim propriis hæc usus non aptantur, & sua officia deserunt, & ad extranea non assurgunt. Bene itaque David Prophetæ, intra acceptas ex diuina largitate mensuras pedem cordis prefferat, cum dicebat, neque ambulauit in magnis, neque in mirabilibus super me. Super se quippe in mirabilibus ambularet, si apparere magnus ultra quam poterat, quereretur: super se namque in mirabilibus attolitur, qui & in his ad quæ non sufficit, videri idoneus conatur. Bene intra has mensuras etiam in ipsa Paulus prædicationis suæ se latitudine coarctabat, cum diceret, non enim audeo aliquid loqui eorum, quæ per me non efficit Christus.



COMMVNIS SANCTIS DOCTORIBVS.

Qui soluerit unum de mandatis istis minimis, & docuerit sic homines, minimus vocabitur in regno cælorum; qui autem fecerit & docuerit, hic Magnus vocabitur in regno cælorum. Matth. 5.


VERITAS PRACTICA:

Sic cauendum ne Scientia præferatur Virtuti, vt tamen Scientia non negligatur.

RATIO EST, Quia idcirco scientia non est præferenda Vir-

tuti, ne Virtus detrimentum, ex hac præferentia patiatur.
Sed ex neglecta scientia, Virtus etiam detrimentum pateretur.
Ergo dum cauetur ne Scientia præferatur Virtuti, cauendum est
ne negligatur.

I. PUNCTVM.

 VAM parua & pœnè nulla sit coram Deo scientia sine virtute; quàm magna virtus etiam sine scientia; quantus vero & quàm magnus, qui scientiam cum virtute coniunctam habet; satis ampla demonstrat Meditatio quæ est Communis sanctis Doctõribus; Inde vero quæ ad Veritatem nobis propositam illustrandam faciunt, pauca hæc eruemus. Ac primò vt apertiùs videas, quod prima propositione præmittitur, quale detrimentum Virtus patiatur, si ei Scientia præferatur, aduerte quid sit scientiam præferre Virtuti, nempe intellectu & iudicio saltem pratico, pluris facere doctrinam atque doctos viros, itemque talenta docendi, concionandi, quàm humilitatem, simplicitatem, Religiositatem & alias Virtutes quæ non ea parent. Deinde voluntatem plus affici erga studium literarum, quàm Virtutis & propriæ perfectionis. Ac denique actum & opere tantum laboris & sollicitudinis impendere in studia, vt feruore studiorum intepestat amor virtutum: Orationes, examina, & alia deuotionis exercitia negligentius fiant; passionibus seu affectionibus animi inordinatæ reuoluantur; superbia, vanitas, æmulatio non bona, ambitio & alia vitia foueantur.

Ex quibus liquide patet quale quantumque detrimentum Virtutes vniuersæ patiantur, atque imprimis Humilitas, Deuotio, Religiositas, Pura intentio, Caritas, Fidelitas & vno verbo, Cura salutis ac perfectionis propriæ. *Comederunt alieni robur os eius, & ipse nesciuit; sed & cani effusi sunt in eo, & ipse ignorauit.* Quæ Prophetæ verba paulo diutius expendenda essent ad concipiendum detrimentum illud quod Virtutes patiuntur. Duo nempe simul iunguntur, ex quibus tertium sequitur, quod est præcipuè expauescendum. Primum quod ait robur internum & spirituale comedi & consumi. Secundum quod dicit hoc ipsum nesciri & ignorari: Ac tertium denique, quod inde sequi-

tur nullum afferri remedium, & sic in peius quotidie ruere, & prolabi in eum statum, de quo dicitur: *Vtinam frigidus esses aut calidus, sed quia tepidus es, incipiam te euomere ex ore meo; quia dicis, dives sum, & locupletatus, & nullius egeo: Et nescis quia tu es miser & miserabilis, & pauper & cecus & nudus; Suadco tibi emere à me aurum ignitum, ut locuples fias, & Collyrio inunge oculos tuos, ut videas: Hoc item valde notandum, quia cum præcipuè iudicio erretur in præferenda Virtuti scientia, ut corrigatur hoc prauum iudicium, sanandi sunt mentis oculi, inspiciendus Christus Dominus, inquirendum eius iudicium, quanta fiat ei iniuria qui aliter iudicauit; quanta eius Sanguini & Gratia, quæ non pro scientia, sed pro virtute sunt effusa, quanta denique Cælo, quod non scientiæ sed virtuti promittitur. *Erudire Ierusalem, ne fortè recedat à te anima mea, ne fortè ponam te desertam, terram inhabitabilem.**

II. P V N C T V M.

SED ex neglecta scientia, Virtus etiam detrimentum pateretur. Percurre quatuor Cardinales, ad quas ceteræ omnes Morales referuntur, & vide ut singulæ offendantur ex contemptu scientiæ necessariæ comparandæ, Prudentia, Iustitia, Fortitudo, Temperantia. Quis non videat ignorantiam, otium rusticitatem, & alios scientiæ defectus cum his pugnare virtutibus? Primò quidem Prudentiam, quid magis nutrit quàm scientia? quid magis destruit quàm ignorantia? quis credet ignorantibus? quis se illi aperiat & confidat?

Quid deinde à Iustitia magis alienum, quàm nescire artem quam profiteris? Quid illo iniquius, qui consultus de re aliqua ad fidem vel conscientiam pertinente, malè respondebit, & alios in errorem trahet? *Nonne si cecus cacum ducit, ambo in fossam cadent?* Nonne peccaret in iustitiam Medicus, qui ex neglecta scientia malè corpus curaret? & nonne id Sacerdoti à Domino exprobratur tamquam iniquum & criminofum; *Quia tu scientiam repulisti, repellam te à me, ne sacerdotio fungaris mihi.* Et Sapiens: *Qui euitat discere, sentiet mala.*

Fortitudinis etiam manirectus est defectus, qui laborem fugit studiorum, & inertia atque otio se abdicat: vnde est illa

multa malitia quam docet otiositas, ut ait Ecclesiasticus.

Ecclesi. 38.

Denique Temperantiæ quanta inde iactura, cum modus & medium in quo illa tota consistit, ignoratur? aut si ignorans sibi nimis fidit, quanta præsumptio, quanta vanitas, quanti inde lapsus! errores, illusiones & hæreses, cum aperte dicatur: *propterea captivus populus meus ductus est, quia non habuit scientiam.* Et, *QVÆCVMQVE quidem ignorant, blasphemant.* Quod si plebeio & Laico damnota est ignorantia, quanto magis Sacerdoti vel religioso? *Ponet in Rationali iudicij,* ait Dominus, *Doctrinam & Veritatem.* Et rursus. *Præceptum sempiternum est in generationes vestras, ut habeatis scientiam discernendi inter sacrum & prophanum, inter pollutum & mundum, doccatisque filios Israel omnia legitima mea.* *SI QVIS ignorat ignorabitur,* ait Apostolus. Vnde & suo Timotheo: *Mali homines & seductores proficient in peius, errantes, & in errorem mittentes. Tu vero permane in iis quæ didicisti, & credita sunt tibi, sciens à quo didiceris; Et quia ab infantia sacras literas nosti, quæ te possunt instruere ad salutem per fidem, quæ est in Christo Iesu. Omnis enim scriptura divinitus inspirata, utilis est ad docendum, ad arguendum, ad corripiendum, ad crudiendum in iustitia; ut perfectus sit homo Dei, ad omne opus bonum instructus.* Væ nobis si timidos & ignaros habuissimus Patres; & vili animæ audaci, quæ se sine scientia necessaria, & sine studio scripturarum sibi & aliis satis scire præsumit. *Isquequod imprudentes odibunt scientiam?*

Inde.

Exodi. 18.

Levit. 10.

1. Cor. 14.

2. Tim. 3.

2. Pet. 1.

III. PUNCTUM.

SIC igitur cavendum est ne scientia Virtuti præferatur, ut tamen scientia non negligatur; Cum non minus detrimenti virtuti possit accipere ex neglecta scientia, quam ex nimio literarum studio: Sic itaque simul utrumque coniungendum est, ut alteri non obsit alterum, imò prosit, & sese mutuo iuvent & foveant. Ex virtute scientia comparetur, & per scientiam virtus conferuetur. Robur accedat utrique ex utraque, dum per virtutem scientia conquiratur & exercetur, ac per scientiam virtus operatur & praevalet. Aptissime Ilidorus: *Tam vitâ, quam doctrinâ clarere deberet Ecclesiasticus Doctor, nam Doctrina sine vita arrogantem reddit, vita sine doctrina inutilem facit. Vbi tamen es-*

De summo bono c. 36.

fit contentio inter utramque, tūc planè cedat scientia, neque tempus aut locum virtutis usurpet. Nam, ut ait S. Bonaventura, scientia pro virtute relicta postmodum melius per virtutem reperitur.

2. Tim. 4.

ATTENDE tibi & doctrina, ait Apostolus, iusta in illis, hoc enim faciens & teipsum saluum facies, & eos qui te audiunt.

Ep. 81.

Hinc S. Augustinus, Sicut, inquit, per ignem & aquam tenenda est via, ut nec exuratur homo, nec demergatur; sic inter apicem superbiae & voraginem desidia, iter nostrum temperare debemus,

Vide 3.

par. disc.

40. pag.

1168. de

ordine.

sicut scriptum est, non declinetis neque ad dexteram, neque ad sinistram.

Præclare verò sanctus Bernardus de modo sciendi & fine, unde penè tota est scientiæ cum virtute coniunctio: *Ut scias*, inquit, *quo ordine, quo studio, quo fine, quaque nosse oporteat. Quo ordine, ut id prius, quod maturius ad salutem; Quo studio, ut id ardentius, quod vehementius ad amorem; Quo fine, ut non ad inanem gloriam, aut curiositatem, aut aliquid simile, sed tantum ad adificationem tuam vel proximi. Sunt namque qui scire volunt eo fine tantum ut sciant, & turpis curiositas est; & sunt qui scire volunt, ut sciantur ipsi, & turpis vanitas est; & sunt qui scire volunt, ut scientiam suam vendant pro pecunia, pro honoribus: & turpis questus est. Sed sunt qui scire volunt ut adificent, & charitas est. Et item qui scire volunt ut adificentur, & prudentia est. Horum omnium soli ultimi duo, non inveniuntur in abusione scientiæ, quippe qui ad hoc volunt intelligere ut benefaciant.*

Serm. 36.

in Cant.

SI sapientiam inuocaueris, & inclinaveris cor tuum prudentiæ: tunc intelliges timorem Domini, & scientiam Dei inuenies, quia Dominus dat sapientiam, & ex ore eius prudentia & scientia.

Pr. 2.



COMMVNIS SANCTIS CONFESSORIBVS NON PONTIFICIBVS.

Sint lucernæ ardentes in manibus vestris. Luc. 12.

VERITAS

VERITAS PRACTICA.


Quantum cuique est Vigilantiæ, tantum Virtutis & meriti.

RATIO EST, Quia ordinariè loquendo, tantum cuique est Virtutis & meriti, quantum sibi vim facit.

Sed quantum cuique est Vigilantiæ, tantum sibi vim facit.

Ergo & tantum est illi Virtutis & meriti. Quæ sanè consideratio multum valere debet ad commendationem Vigilantiæ.

PUNCTUM.

 *VO*D lucernæ illæ ardentes, quæ à Domino commendantur, Vigilantiæ significant; quanta sit in se illa Virtus, & quanta fuerit in sanctis Confessoribus, quantumque inde eluxerint, & progrediendo per tres perfectionis vias ad supremum eius gradum peruenerint, vide si vacat in meditatione ad id declarandum instituta. Veritas verò Practica quæ inde declucitur, & quam hic solum spectamus, tanti est momenti & ponderis, quanti res ipsa quam continet, nempe Virtus in actu, vel in habitu, de utroque enim intelligi potest: *Tantum scilicet esse uniuique virtutis & meriti, quantum erit vigilantia, seu animi vigilantis ad virtutis exercitium.*

Ratio vero quæ assertur, aperta est & sæpe alibi agitata, quòd quantum cuique est virtutis & meriti, quantum sibi vim facit, ut appetitum, seu partem hominis inferiorem subiciat rationi, & rationem Deo. In hac enim subiectione & subordinatione partium hominis, totius humanæ vitæ consistit ordo, cui constituendo deseruit tota virtutum connexio. Certè Virtus à Clemente Alexandrino non aliter definitur, *quàm concinna & congrua animi affectio, quæ per totam vitam rationi subicitur.* *L. 9. Præd. c. 13.*

Ipsæ quatuor præcipuæ & Cardinales Virtutes, ad quas cætera Morales referuntur, non alia magis de causâ dicuntur esse necessaria, quàm ut istam subiectionem faciant vel conferuent. Unde non tantum sic dicta putantur Cardinales, quòd sint

præcipuæ; sed quod iis veluti Cardinibus, animâ suis in quatuor potentiis aperiatur Bono, quod est conforme & conueniens rationi, & claudatur Malo, quod est disconueniens. Sicque ad vnâquamque potentiam continendam & perficiendam sunt institutæ, vt Prudentia resideat in intellectu, Iustitia cum duabus aliis in voluntate: sed Fortitudo irascibili continendo deseruit, sicut Temperantia Concupiscibili. *Nihil autem perfectionis vsquam acquisitæ, quod in istis virtutibus non sit*, ait S. Pro-

De Cont. vitæ c. 18. sper, & alibi fusè monstratum ex SS. Patribus, atque ex ipsa re, totam perfectionem referri ad illam partium seu potentiarum animæ subiectionem, quæ sicut fieri non potest sine virtutum exercitio, ita nec virtutes exerceri sine illa subiectione, & sine quadam vi illata homini ad illam efficiendam.

Qualis enim virtutis actus esset, si non subiceret appetitum rationi? An posset ille actus esse ordinatus, dum animus inordinatus esset? At nonne tum inordinatus est animus, cum appetitus non subest rationi? Vbi ergo in illa inordinatione virtus? Planè oporteret virtutem animi tam esse inordinatam, aut profus inutilem, si non subiceret appetitum rationi, quàm verum est tum inordinatum esse animum, quando non subest rationi appetitus. Sed virtutem esse inordinatam aut inutilem, nec ipsæ aures ferre possunt. Manet ergo virtutis exercitium consistere in illa subiectione faciendâ, & tantum esse cuique virtutis & meriti, quantum sibi vim facit ad illam subiectionem aggrediendam & continendam. *Sic regnum cælorum vim patitur, & violenti rapiunt illud.* O quale motuum violentiæ sibi inferendæ.

II. PUNCTVM.

SED quantum cuique est vigilantia, tantum sibi cum diuina gratia vim facit, & tantum subicit appetitum rationi, & rationem Deo.

Ista enim subiectio tam rationabilis est, & ad eam efficiendam tot rationes nos mouent, vt si aduertat animus, nec vt solet, abripiatur à se ipso, aut indormiscat ratio, planè appetitum domet, ne ab illo dometur. Hoc est enim quod solum excusamus in lapsibus nostris quotidianis, non advertebam, non cogitabam, quasi diceretur, non essem lapsus si aduertissem. Hoc

est etiam quod in Scripturis propterea tantopere commendatur, ut nobis attendamus, nobis inuigilemus, & ad ungula quæque animum applicemus; quasi in hac vna vigilantia cura totum Rationis negotium esset politum, quasi hoc esset Virum esse. *Con-3. Reg. 2. fortare & esto vir*, inquit David moriturus filio suo Salomoni, *& observa custodias Domini Dei tui, ut ambules in viis eius: ut intelligas vniuersa quæ facis, & quocumque te verteris.*

Sic ipse Salomon sua scripturus Prouerbia, hunc sibi finem *Prou. 1.* proponit; *Vt detur*, inquit, *paruulis astutia, adolescenti scientia & intellectus*, ad singulas scilicet dirigendas actiones ex rectæ rationis & legis æternæ regula. Quod identidem repetens his & similibus sententiis; *Sapientia*, inquit, *callidi est intelligere* *Ibid. 11.* *suam.*

Quid quod ipse Dominus, ipsa incarnata Sapientia, nihil in suis præceptis repetit frequentius, nihil inculcat vehementius quàm verbis, quàm parabolis, quàm exemplis, quàm hoc vnum: *Vi- Marc. 13. gilate, videte, vigilate; quod autem vobis dico, omnibus dico, vigilate.* Et quod magis mireris, cum ipse in horto, seu monte Oliuarum adesset præsens suis illis tribus discipulis, quos socios suæ trilliræ sibi ascuerat; *Vigilate*, inquit, *& orate, ut non intretis in tentationem*: Quasi apertè diceret, non satis illis esse, quod adesset præsens, nisi etiam vigilarent: si tamen vigilantiam adhiberent, nihil prorsus damni à tentatione futurum, adeo potens est vigilantia.

Certè sanctus Ioannes Chrysostomus non dubitauit asserere minorem gratiam cum hominis vigilantia plus effecturam, quàm si maior adesset gratia non ita vigilantia. Quod luculentè confirmat exemplo Salomonis & Iobi, quorum ille cum tam multis, quas à Deo consecutus est, gratiis miserè periit, quia non sibi satis attentè vigilauit; hic autem in media gentilitate constitutus, solo rationis lumine, non quidem sine gratia, sed longè impari, quantum saltem ad externa auxilia, sese contra vniuersas damonis vires seruauit, quia scilicet sibi semper præsens aderat, quia, ut ipse, ait, *verebatur omnia opera sua, sciens quod* *Iob 9. & Deus non parceret delinquenti; Et semper quasi timetis super se fluctus* *31.* *timeret Deum, & pondus eius ferre non posset*; Id est, dum cogitaret se habiturum Deum offensum, si se impatientiæ daret; sese continuit, ne Deum haberet offensum: sicque sibi aduigilans


nullum aut exiguum inordinati animi signum dedit. O quantā vis vigilantiae, cum diuina gratia ! O quanta mentis incuria, quā sic sibi non vigilat !

III. PUNCTVM.

QUANTVM ergo cuique est vigilantiae, tantum est Virtutis & meriti ; Quia tantam sibi quisque vim facit ad subiiciendum Rationi appetitum , quantam ad id affert curam & sollicitudinem , ex qua subiectione appetitus , tota est Virtus & omne meritum. *Vos autem curam omnem subinferentes*, inquit S. Petrus, *ministrare in fide vestra virtutem, in virtute autem scientiam* : Et quæ plura prosequitur de singulis virtutibus, quæ ab illa cura procedunt : Tum verò pergens ; *Cui enim*, inquit, *non præsto sunt hæc, cæcus est & manu tentans*. Quasi diceret : Totum est à vigilantia ; Si cui virtus ita est comparata & acquisita , vt præsto sit ad omne opus, inde est quia ille oculatus & vigilans fuit ad crebros virtutis actus exercendos. Si cui vero non præsto est virtus, non aliunde est, quàm quod is veluti cæcus fuit, & minimè vigilans ad rationis ductum & Gratiae.

Atque hinc mytica illa repræsentantur animalia , plena oculis ante & retro, in circuitu & intus, id est, in ipsis oculis alij sunt oculi, vt qui vigilant magis adhuc aduigilent , sicut qui iusti & sancti sunt , magis adhuc iustificentur : Vnde est illud Apostoli : *Enigilate iusti, & nolite peccare* ; Id est, tantum adhibete vigilantiae, quantum necesse est, ad omne prorsus peccatum euitandum ; vel potius quantum nouæ in dies adhibueritis vigilantiae, tanto minùs peccabitis ; Et tantò maior fiet vobis accento Iustitiae seu virtutis & meriti.

Nihil ne te ista mouebunt ad maiorem vigilantiam ? Nihilne te illud Christi Domini , *Eslo vigilans* ; *NISI I vigilaueris, veniam ad te, tamquam fur, & nescies quâ horâ veniam ad te*. Nonne omni hora potest venire ? Nonne ergo omni hora vigilandum , ne te non vigilantem reperiatur ? Nonne qui furem timet , eo cautiùs vigilat, quo certò scit in id furem maximè vigilare, vt incautum ipsum adoriatur & spoliet ? *Illumina Domine oculos meos, ne vquam obdormiam in morte, nequando dicat inimicus meus, præualui aduersus eum*.



COMMVNIS OMNIBVS
SANCTIS, ORDINIS RELIGIOSI
FVNDATORIBVS.

*Mortuus est Pater eius, & quasi non est mortuus: si-
milcm enim reliquit sibi post se. Eccles. 30.*

*Laudemus Viros gloriosos & Parentes nostros in ge-
neratione sua. Ibid. 44.*

VERITAS PRACTICA.

Virtutum Patris nostri Gratia, non sermonibus expri-
menda est, sed operibus comprobanda.

VERBA sunt S. Maximi de sancto Eusebio Vercellensi, *Hom. 2 de S. Eusebio.*
quorum sensus non est, reicendam esse sermone laudem
illius Sancti, quem laudat, cum ipse sibi pugnancia dice-
ret: sed potius quia illum maxime laudandum putat, sic à suis
laudari vellet, ut nihil de eius laudibus detraheretur: si verò tan-
tum sermone laudaretur & non operibus, multum de eius lau-
dibus detractum putat. *Unde, inquit, non sermone sed operibus, com-
probanda est virtutum eius gratia.*

*AT QVE hinc Veritatis proposita Ratio est, Quia sic à suis præ-
cipue Fundator Religiosi Ordinis laudandus est, ut quod est præci-
puum in eius laude, non decerpatur.*

*Sed si tantum sermonibus & non operibus laudaretur, quod præ-
cipuum est de eius laude, decerperetur.*

Ergo non sermonibus tantum, sed operibus est laudandus.

I. P V N C T V M.

EX multis quæ de hoc argumento habentur in Meditatione Communi sanctis Religiosi Ordinis Fundatoribus, pauca hæc ad Veritatis propositæ declarationem excerptisse sufficiat: Primum est, maximam ex fundatione ordinis colligi eorum gratiam, virtutem, & meritum. Secundum deinde est, præcipuam inde mereri gratitudinem & laudationem à suis. Tertium denique, sic esse laudandos, ut quod est præcipuum in eorum commendationem & laudem, non reticeatur. Quis hæc non probet? Quis Religiosi Ordinis filius suum laudare Parentem nollet? Quis in eius laude quod præcipuum est & quod maximè facit ad Religiosi instituti & Sancti Institutoris commendationem dissimulari veller? Nonne præuaricari diceretur ille, qui coram populo Panegyricum sancti Patris aggressus, leuia quædam & vulgaria tantum expromeret, suppressis aliis, quæ vel maximè celebranda erant & ponderanda?

Heb. II.

Jac. 5.

Non est quidem in immensum efferenda laudatio, ut adulationis aut amplificationis oratoriæ speciem præ se ferat; sed neque est ita constringenda, ut quod ad Dei gloriam & Auditorum ædificationem dici potest, taceatur. Vide Ecclesiasticum, ut abundè laudat suos quosque præstantes viros. Lege Apostolum ad Hebræos, ubi eosdem antiquos Patres satis effusè commendat: Sic & consequentes anni Sanctorum vitas & illustriora facta, piè & religiosè venerati sunt. *Ecce beatificamus eos qui sustinuerunt*: Percurre aliquid mente aut etiam ore, quod in honorem Sancti profundas, & de quo hodie familiarem sermonem habeas.

II. P V N C T V M.

SED si tantum sermonibus exprimeretur eius laudatio, & non operibus comprobaretur; quod præcipuum est in eius laude, decerpatur.

Illud enim est præcipuum in aliquo commendando quod maximè id attingit, propter quod præcipuè commendatur. Certum est autem sancti Ordinis Fundatorem à suis maximè hoc

nomine coli, quia eorum Pater est & Institutor: vnde sequitur quòd quidquid spectat ad hanc institutionem, maximè spectat ad Institutorem; Et quòd Institutum est nobilius aut sanctius obseruatum, certe & Institutoris gloria nobilior, & laus illustrior. Nam licèt propriè vita filiorum vitam patris non attingat, & merita vtrorumque ita personis definiantur, vt vnusquisque quod gessit siue bonum, siue malum, id secum portet: si tamen spectes communem hominum sensum, & humanam æstimationem, eamque à ratione non abhorrentem; facile iudicabis, probatos filiorum mores in Patris gloriam redundare, aut eorum degenerem vitam in eiusdem confusionem & ignominiam quandam refluere. Vnde aperte Sapiens, *Confusio patris est de filio indisciplinato*; Viuit enim Pater in filiis, & licèt mortuus, *quasi non mortuus, similem enim reliquit sibi post se*, In cuius scilicet similitudine ita viuat, vt si sancto Patri filius sit similis, sanctus in filio Pater habeatur; aut si filius dissimilis, certe ne quid filio simile dicatur de Patre: hoc saltem dicetur, non representari nec commendari Patrem in filio, & proinde quod est præcipuum in eius laude, decerpatur.

Neque verò id tantùm ex vulgi aut hominum opinione, sed ex ipsius sancti Patris Fundatoris, atque adeo ex ipsius Dei sensu id certissimum, quòd si eorum mens & sententia quæreretur, quâ re præcipuè commendari vellent in terris, Sanctos Religiosorum Ordinum Institutores: responderent haud dubiè, illa potissimum, quæ peteretur ab instituti obseruantia & constanti Religiosorum disciplina. Cùm enim in Creatione talis instituti nihil aliud spectarint, quàm diuinam gloriam & animarum salutem ac perfectionem, quæ inde sequebatur ad perpetuam posteritatem: Quid aliud desiderare modò possint, quàm quod ipsi primo intenderunt? Quâ re vna magis glorificari & gaudere possint, quàm si quod instituerunt, sanctè obseruetur? Aut quid tandem de sua glorificatione, de suo accidentali gaudio, & de sua commendatione magis detrahi & decerpi dicent, quàm si quod maximè cupiebant, detrahatur?

Gaudium meum & corona mea, dicebat suis Apostolus: *Qua est enim nostra spes, aut gaudium, aut corona gloriæ, nisi vos?* Quamdiu scilicet integritatem vitæ seruabant; vnde si deflexissent in prauitatem, certè illud gaudium & coronam gloriæ Apostolo

Ecclesiæ. 22.

Ecclesiæ. 30.

*Phil. 4.
1. Thess. 2.*

Phil. 3. detraxissent. Vnde & ipse idem: *Multi ambulant, quos saepe dicebam vobis, nunc autem & scens dico, inimicos crucis Christi, &c.*

Ah quale probum Patri à Filio, quando inimicum se eius rei facit, quam præcipuè dilexit Pater! Et quale probum à Patre filio! Ne me voces Patrem tuum, quia te filium non noui: cum te per Crucem & disciplinam religiosam in Christo genuerim, quam tu excussisti.

III. PUNCTVM.

*Serm. de
Mart.
Tom. 3.*

Gal. 2.

Is. 46.

1. Cor. 1.

17. 51.

ERGO non sermonibus tantum, sed longe magis operibus à Religioso filio, sanctus Pater est laudandus: Cum alioquin præcipuam eius laudem laudando decerperet; quod certè impium & non ferendum. Nam si sanctus Chrysostomus sermonem integrum de hoc argumento instituit, & more suo grauitè & Christiane probarit, non esse laudandos Martyres, aut esse imitandos: quanto magis id verum esse oportet de sancto Patre à filiis, aut non laudando, aut imitando. Nam, vt ante dixi, imò vt dicit Apostolus, alioquin prauaricari est; *Si quæ destruxi, inquit, iterum hæc ædifico, prauaricatorem me constituo.* At tu qui laudando religionissimum Patrem, destruis Sermonem mundum & mundana, quæ conculcauit: nonne & ea rursus ædificas, cum re & opere te mundanum ostendis? Nonne ergo & te prauaricatorem constituis? *Redite prauaricatores ad cor; VIDE TE vocationem vestram; videte Patrem vestrum: Attendite ad petram unde excisi estis, & ad cauernam in laci de qua præcisi estis; Attendite ad Abraham Patrem vestrum: & ad Saram quæ peperit vos, quia unum vocaui eum, & benedixi ei, & multiplicauit eum.*

Isa. 4.

QUOMODO obscuratum est aurum! mutatus est color optimus! *dispersi sunt lapides Sanctuarij, in capite omnium platearum! Filij Sion in luti, & amicti auro primo, quomodo reputati sunt in vasa testacea, opus manuum figuli. Candidiores Nazaræi eius niue, nitidiores lacte, rubicundiores ebore antiquo, Saphyro pulchriores. Denigrata est super carbones facies eorum, & non sunt cogniti in plateis.*

Hæc melius unusquisque de se dicat aut cogitet, quàm de aliis.



COMMVNIS SANCTIS VIRGINIBVS.

Prudentes acceperunt oleum in vasis suis, cum lampadibus. Matth. 25.

VERITAS PRACTICA.

Virgo sponsa Christi aut est vigilans ad integram perfectionem, aut non est Prudens.

RATIO EST, Quia in magnis capis, & iam foeliciter pene ad summum perductis, non est prudentis deficere ob exiguos qui supersunt sumptus.

Sed si Virgo sponsa Christi non esset vigilans ad integram perfectionem, ita deficeret:

Virgo aut erit vigilans, aut non erit prudens.

L P V N C T V M.



ADVERTE primò quòd quidquid dicitur de Virginitatibus, id tam competit Viris, quàm Virginitas aut castitas his verè conuenit.

Secundò alias esse virgines mundi, alias esse virgines sponsas Christi, vt fusè habetur in meditatione de hoc argumento. Summa est, virginem sponsam Christi eam esse, quæ virgo est, vt sponsa Christi sit, & vt illi propius adhæreat, & ei soli placeat. *Respondi vos uni viro, virginem castam exhibere Christo.*

2. Cor. 11.

Tertiò denique talis virgo, & sponsa Christi non modo debet inuigilare suæ puritati corporali, sed & ipsius animæ, vt 1. Cor. 7. *sit sancta corpore & spiritu, & mundans se ab omni inquinamento*

2. Cor. 7.

carnis & spiritus, perficiat sanctificationem in timore Dei, ut ait Apostolus.

Hæc est Veritas modò consideranda, quæ duplici ex capite deduci & declarari potest; Primò quatenus virgo seu anima, sponsa est Christi, perfectioni seu perfectissimæ integritati corporis & animæ vacare debet, quia hoc exigit sacrum istud Conubium, ut sponsa tota sit sponsi, sicut sponsus totus est sponsæ; Et tanto firmiùs simul cohæreant, quanto magis similes & conformes inter se erunt. Et hoc videtur Christus Dominus inuisse cum virgines illas repulit à sacris nuptiis, quibus deerat in vasis oleum. *Columba mea*, inquit *Sponsus, perfecta mea*: Nihil illi desit oportet, quin vere dicat; *Dilectus meus mihi, & ego illi qui pascitur inter lilia*.

Cant. 6.
Ibid. 2.

Sed quia de hoc capite ac genere perfectionis supra dictum est; Secundum, unde veritas proposita deducitur, & quod est paulo attentius expendendum, hoc scilicet est, quod alioquin virgo, sponsa Christi, non esset ex prudentibus, sed ex fatuis virginibus, nisi ad integram perfectionem vigilarer. Non est enim prudentis sed fatui deficere ab incaptis gloriosis propter exiguos aliquos sumptus qui supersunt, quique in manu sunt, postquam in illis iam plurimas expensas feceris, facillimèque ad exitum perduceres si quod est in manu, esset in opere; id est, si quod commodè posses, id velles exequi; Nam duplex ibi jactura est deploranda: Illa scilicet quâ inchoatum est opus; Et ea quâ imperfectum relinquitur. Est porrò sapientis sic ante initium operis prævuidere finem, ut nisi videat posse perficere, non illud incipiat, aut si prævuidit posse, réque ipsa possit perficere quod incipit, non desistat. Hoc Christus Dominus duplici similitudine graviter æquè ac planè demonstrat. *Quis enim*, inquit, *ex vobis volens turrim edificare, non priùs sedens computat sumptus qui necessarij sunt, si habeat ad perficiendum, ne posteaquàm posuerit fundamentum, & non potuerit perficere, omnes qui vident, incipiant illudere ei: dicentes: quia hic homo capit edificare, & non potuit consummare? Aut quis Rex, &c.* Certè si ille ridendus ut imprudens & fatuus, qui non potuit consummare quod cepit: quanto magis ille, qui nolit, licet possit.

Luc. 14.

II. PUNCTVM.

SED si virgo sponsa Christi non esset vigilans ad integram perfectionem, ita deficeret ab inceptis, ob exigentiam aliquid quod superest post tam multas impensas, quas iam ultrò & sponte fecit.

Expende primo, quale sit opus, quàm arduum, quàm difficile, quàm gloriosum, vouere aut consecrare Deo virginitatem, pudicitiam aut castitatem, sicut Religiosi, vel Sacerdotes, aut alij sese Deo dicant. Quàm multæ simul virtutes concurrunt ad illud coeleste consilium suscipiendum! quanta è coelo gratia! quanta ex animo virtus! quot luctus, quot certamina, quot victoriæ de mundo, de carne, de damone! Martyrij genus est nobilissimum perpetui illa castitas, siue ob rei dignitatem, siue ob religiosam consecrationem, siue ob difficultatem. *Assume*, inquit S. Hieronymus, *sentum fidei, loriceam iustitiæ, galeam salutis, procede ad prælium: habet & pudicitia seruata martyrium suum.* Et S. Augustinus, *Sicut Castitas, Veritas, & Iustitia Christus est: sic & ille qui eis imitatur, persecutor Christi est: Ille vero qui castitatem in aliis & seipso custodire voluerit, Martyr erit.* GENVS Martyrij est, inquit S. Bernardus, *illo quo caduntur membra, horrorc quidem mitius, sed diuturnitate molestius.* Ep. 8. de Virg. De Honest. mul. c. 13. Serm. 30. in Cant.

Enigluceundum, si iam venerit, cum sublimè hoc & Angelicum viuendi genus, omnibus abdicatis oblectamentis, susceperit: nonne dicenda est expensas iam fecisse plurimas & præcipuas ad illius mylicæ turris adificationem, seu ad perfectionis finem attingendum? Quod vero superest, quid tandem potest esse? Vanitas fortè aliqua expurganda, sollicitudo forte intentior in pietatis exercitiis, lingue moderatio, aut quid simile, cui si virgo paululum aduigilaret, facillimè rem totam conficeret, & perfecta esset. Delinat verò vigilare, tum certe vana erit & superba, indeuota, intemperans lingue & oculorum, vno verbo imperfecta. At nonne hoc est deficere propter exigentiam uelcio quid, post tot impensas factas? Tanta passa erit sine causa! *cur non recogitat dicens; Cui laboro, & fraudo animam meam bonis? Quid prodest ei, quod laborauit in ventum?* Quamdiu enim vana, aut indeuota erit, non attinget perfectionem, cui tamen attingendæ tantum contulerat, quanta est virginitas Gal. 3. Eccl. 4. & 5.

cæteræque eius comites & administræ virtutes.

III. PUNCTVM.

Hom. 79.
in Matth.

ERGÓ certissime non est prudens, sed fatua illa virgo, quæ in re tam exigua deficit, qualis est modica vigilantia; cuius tamen defectu totum perit, quod prætendebat, aut certe non consummatur & perficitur. Cum enim perfectio prætendatur, illaque desit ob defectum vigilantiaæ necessariae, certè non consummatur opus; & est virgo deridenda vt fatua. Neque aliter quinque illæ Virgines sic denominatæ sunt à Sponso, quàm quia, vt ait S. Ioannes Chrysostomus, *maiori certamine superato, in faciliori totum perdiderunt.* Quid est enim pecunia illa, vel diligentia quæ ipsis oleo conquirendo erat necessaria, si compareretur cum virginitatis gloria? & tamen defectu illius pecunia, vel diligentia, Virginitatis effectum non obtinerunt. *Nescio vos*, inquit Sponsus, licet virgines essent, licet haberent lampades, licet expectassent ad ianuam, licet pulsarent fores, & miro sponsi affectu tenerentur: quia tamen non vigilantes, non attentæ lampadibus suis quæ erant sine oleo, nesciuntur, repelluntur, & irridentur.

O quàm illud potens & efficax ad perpetuam sui custodiam & vigilantiam! Est enim naturale & supernaturale, quatenus id humanæ naturæ est, velle prudentem haberi, aut certe nolle fatuum reputari: & id gratiæ ac supra naturam, sic velle à Deo commendari, aut nolle ab eo reprobari. Ergo in id Anima mea quantum tibi est naturæ & gratiæ, in id totum confer & collige, vt vigiles ad omnia, nihil per incuriam aut desidiam negligas: non indormites, ne statim postea dormias, sicut istæ virgines fatuæ dormitauerunt, & dormierunt, id est, à leui culpa, seu negligentia in grauiorem ceciderunt.

Tob. 3.
De disciplina
& habitu
Virginis.

Denique sicut in materia Castitatis, sic vbique vigila, sic certa, sic vince pro integritate perfectionis, vt possis vniuersim cum Sara Coniuge Tobia dicere: *Mundam seruauit animam meam ab omni concupiscentia.* Sic apte S. Cyprianus ad virgines; *Quorum*, inquit, quò sublimior gloria, maior & cura est. *Flos est ille Ecclesiastici germinis &c.* Neque inanis hac cautio est, & vana sermido, quæ ad salutis viam consulit, quæ Dominica & vitalia præcepta

Virgo sponsa Christi aut est vigilans ad omnem, &c. 539
custodit, ut quæ se Christo dicaerint, & à carnali concupiscentia re-
cedentes tam carne quàm mente se Deo vouerint, consumment opus
suum magno premio destinatum.



COMMVNIS SANCTIS NON VIRGINIBVS.

Mulierem fortem quis inueniet? Prou. 31.

VERITAS PRACTICA.


Quà ratione difficile est Mulierem fortem inuenire, eâ-
dem facile est inuentam prædicare.

RATIO EST, Quia idcirco difficile est Mulierem fortem inue-
nire, quòd ut mulier fortis inueniatur, multa sunt illi expu-
gnanda quæ difficile est expugnare.

Sed si semel ea expugnauerit, sicque fortis inuenta fuerit, tum
valde laudanda est Mulier, atque inde propterea facile est il-
lam prædicare.

Ergo quà ratione difficile est mulierem fortem inuenire, eâdem fa-
cile est inuentam prædicare, seu summis efferre laudibus: Vn-
de discas quid sit verè laudabile in muliere: quid sit
quod fortem & laudandam efficiat.

I. PUNCTVM.

 *VÆ Sancta Mulier colitur, non dubium quin fuerit for-*
tis, cum ad sanctitatem non nisi fortitudine perueniri
possit. Quod autem tam fortis fuerit, ut ad eam sanctita-
tem perueniret quæ in ea colitur, inde potissimum laudanda

est & prædicanda : Sicut enim tam rarum est mulierem fortem inuenire, vt sapiens quærat, quis eam aliquando inueniet ; ita, si quæ fortis inuenta fuerit, inde profectò est tanto magis laudabilis, quanto est rarior. Atque ipsa illa ratione, quâ difficile est fortem inuenire, eadem facile fiet, vt inuenta laudetur & prædicetur ; seu quod idem est, vt quam sit laudabilis, demonstretur. Quæ quidem Veritas modò expendenda sic vniuersim declaratur, vt particulatim sanctæ Mulieri de qua celebritas siue sermo instituitur, accommodari possit, & vnicuique fructum inde colligenti qui potest elici.

Age ergo quanam est ratio, cur sit tam difficile mulierem fortem inuenire ? Hæc nempe est, quòd vt fortis inueniatur, multa sint illi expugnanda, quæ difficile est & perrarum expugnare. Est enim omnis mulier, atque illa præsertim quæ viro nupsit, naturali propensione tam variis affecta & addicta mundi rebus, vt humanum affectum inde extrahere, sit quàm difficile. Nisi autem affectu suo sit valde temperata, nunquam fortis censebitur ; cum in eo potissimum sita sit fortitudo, vt affectionibus animi resistatur, quibus qui cedit, non nisi mollis, infirmus, & imbellis habetur.

Quanam porro sint illæ res, quibus nupta Mulier seu materfamilias communi sexus inclinatione, seu particulari sui ductu ingenij afficiatur ; tu ipse vide quantæ sint, quæ naturalem appetentiam vehementius excitent, & agnosce illas omnes esse, quæ illius animum implicant ; diuitiæ abundantes, domus ampla, suppellex varia, vestes exultæ, ornatus omnis, viri summa autoritas, natorum gratia non vulgaris, & quicquid demum oculis placet, hoc totum mulier appetit ; & in hoc appetitu tota conquiescit & tota viuit, nisi totis viribus ubi resistat, nisi secum pugnet, vt appetitum rationi & gratiæ subiciat. Quod quàm sit difficile, vel ex eo patet quòd tibi ab aliis resisti vix vnquam patiatur mulier, quanto minus à se, si potest tibi indulgere quod cupit ? Quod si non potest, ed acrius cupiditas excitatur, amor in dolorem transit, & dolori resistere non est minor difficultas, quàm amor. Hinc aptè Sapiens, *Mulier si primatum habeat, contraria est viro suo, & si non ambulauerit ad manum tuam, confundet te in conspectu inimicorum* : Quia scilicet cupiditate solà mouetur, qua etiam ceteros mouere vellet potius, quàm ab ea

Ut difficile est mulierem fortem inuenire, sic facile est, &c. 541

dimoueri. O quàm sapienter Apostoli toties iterant & commen-
dant, *ut sint mulieres subiectæ viris suis.*

*Ephes. 3.
Coloss. 3.
1. Per. 3.*

II. PUNCTVM.

SED si semel difficultates illas expugnauerit Mulier, sicque fortis inuenta fuerit, tum valde laudanda est, atque inde propterea facile est illam predicare.

Certè si sit inde valde laudanda, facile est etiam, inde illam predicare, seu suis ornare laudibus. Quòd inde autem sit valde laudanda, tam manifestum est, quàm Virtutem esse laudabilem, & quàm apertè pater seipsum vincere, virtutem esse præcipuam, totque eximios esse virtutum actus, quot varia occurrent sui vincendi occasiones & diuiculates. Atque hic si à thesi ad hypothelin seu ad particularem alicuius mentionem descendas, exponi possunt, quæ & quanta habuerit peruincenda, quæ fortitudine peruincerit, quibus inde virtutibus eluxerit, & quibus propterea laudum encomiis sit euehenda. Neque enim duntaxat virtutum quod à cupiditate proficiscitur, hac fortitudine impeditur, sed illa cupiditate semel repressa, omne genus boni in domesticis & externos exercetur. Nam sicut ubi malè mulier, nihil peius; sic ubi bene, nihil melius. Vide Ecclesiastici caput vice-
*Ecclesi. 25.
& 26.*
simum quintum, & vice-simum sextum, in quorum altero, quantum de muliere nequam, tantum in altero de muliere sancta fuisse disseritur. Percurre etiam quæ de forti muliere Prouerbiorum trigelimo primo capite referuntur, & quanta inde virtutum & laudum seges colligi posset, facile est intueri. *Prou. 31.*

O quantum nobis bonorum quotidie deperit nostrâ negligentia! En mulier in re sua domestica, in lana & lino, in omnibus denique manuum suarum opere, sanctitatis cumulum sibi collegit, nos ne toto anno id consequemur, quod vno illa momento!

III. PUNCTVM.

QUA ratione igitur difficile est mulierem fortem inuenire, eadem facile est inuentam predicare, Cum difficultas inueniendæ fortis proueniat à difficultate fortitudinis exercendæ

contra naturalem sexus propensionem in omnium rerum cupiditatem, quæ cupiditas quando etiam reprimitur, tum fortis apparet mulier, & tantis propterea digna est laudibus, quantæ res erant concupiscibiles quæ fortiter vel omnino contemptæ sunt, vel ad solum vitæ vsum ex virtutis præscripto reservatæ.

In Officio
Eccles.

Regnum mundi & omnem ornatum seculi contempsi propter amorem Domini mei Iesu Christi. Hoc est esse mulierem fortem; hoc est esse tam præclarum, quàm rarum; hoc denique est quod tam facile de inuenta prædicatur, quàm difficile est inuenire de qua prædicetur.

Num. 31.

Hinc fortassis Israelitæ, cùm de acceptis donis insigniores Deo gratias referre vellent, vel offensum sibi efficacius propitiare Numen, nihil excogitarunt accommodatius, quàm vt Deo præsentarent, quod cupiditatem habendi solet vehementiùs, seu in viris, seu præcipuè in mulieribus excitare: nempe periscelides & armillas, annulos & dextralia, ac murenulas, quæ cuncta Deo magnificè ab ipsis oblata commemorantur, non tam ex rei oblata pretio, quàm ex Offerentium animo, qui re a modum carâ & desiderabili sese viriliter denudabant.

Esth. 14.

Eximia est in hoc genere, Temperantia & Fortitudo Reginæ Esther, quæ sic de se, Domino. *Tu scis, inquit, necessitatem meam, quod abominer signum superbiae & gloriae meae, quod est super caput meum in diebus ostentationis meae, & detester illud quasi pannum menstruata, & non portem in diebus silentij mei.* Si sic Iudæa mulier, quid Christiana? Numquid hæc Regina surget in iudicio contra mundanam animam, quæ à Christo edocta mundum contemnere, minùs contemnit quàm illa Christi prorsus ignara? Recte admodum sanctus Gregorius Nazianzenus: qui ex omnibus humanis & terrenis bonis hoc vnum verè bonum reperiēbat, quod in his haberemus quæ propter Deum possemus deferere, & nos ei simul cum bonis dare.



I N

DEDICATIONE ECCLESIAE.

Pauete ad sanctuariū meum, ego Dominus. Leuit. 26.

VERITAS PRACTICA.

In loco sacro non pauere, pauendum est.

RATIO est, qui vbi se Deus magis praesentem & magis colendum prabet, ibi non pauere, pauendum est.

Sed in loco sacro se Deus magis praesentem & magis colendum prabet.

Ergo ibi non pauere, pauendum est, & profecto cauendum.

I. PUNCTVM.



*Q*UOD ait Sapiens, *Nemini spatium peccandi dedisse Deum*, de locorum ac temporum spatio perinde posse intelligi, nemo ignorat, qui sciat Deum non minus esse immensum quam aeternum. Sicut enim aeternitate sua Deus omnium spatia temporum sic comprehendit vt nullum sit tempus quo non sit Deus, & quo colendus non sit; ita prorsus immensitate sua, locorum vastitatem omnium sic complectitur, vt nullus sit omnino locus, in quo non subsistat, & vbi non sit timendus. *In ipso enim viuimus & mouemur & sumus.* Ecl. 17. A. 12.

Verum his non obstantibus, sicut certos quosdam dies desi-

Z z z

gnauit, quibus insigniùs coleretur; ita quædam sibi loca sacrat & dedicat, in quibus singulari cultu vult timeri. *Custodite*, inquit, *Sabbata mea, & pauete ad sanctuarium meum*. Videsne vt loci simul ac temporis venerationem iungat? Audisne verò quo exprimat verbo loci cultum quem exigit? *Pauete*, inquit, ad illum quem mihi dico confecroque locum. Quis crederet ita esse tremendum, nisi Deus ita ipse imperaret? Quis autem dubitet sic ipso edicente? Et tamen quàm id paucis perluasum est? quàm multi è contra sunt, qui non modo non pauent aut tremunt in locis sacris sed vix à profanis ea discernunt, neque minus audacter & liberè quidquid animo libuerit, & cogitant & effutiunt, quàm si sacer & sanctus non esset locus, aut quàm si nulla sanctitatis eius esset habenda ratio.

Quamobrem illud in primis ad praxim, quando de locis sacris agitur, intelligendum est, quo sint à nobis cultu frequentandi. Sicut verò ille cultus non alio potuit expressius verbo designari quàm *pauoris*, ita quàm sit debitus ille pauor vix aptius repræsentari queat, quàm si dicatur, *In loco sacro non pauere, pauendum est*. Sic enim cum diuina gloria non modo res nostra coniungitur, sed in re nostra damnum æquè proponitur ac emolumentum, id est, damnosum æquè demonstratur, non pauere; ac pauere, fructuosum: Quod genus persuadendi plurimum valet.

Sic vtrumque porrò demonstratur. Vbi se Deus magis præsentem ac colendum præbet, ibi non pauere, pauendum est; Quæ quidem in propositione tria videntur distinctè perpendenda. Primum, quid sit quòd Deus se in vno magis loco præsentem statuatur quàm in alio, cum sit æquè præsens in omnibus. Secundum, quid sit & quamobrem Deo præsentipauor ille concitandus? Ac denique Tertium, cur nisi tum pauetas, sit propterea magis pauendum.

De primo, non minor esse posset quæstio, cur dicatur Deus esse in loco: quàm cur dicatur in vno potius quàm alio? nam si propriè loqui velis, Deus nullibi est quàm in seipso; quapropter à sanctis Patribus dicitur illocabilis, incomprehensibilis, incircumscriptus, & non esse in loco, sed ipsum sibi esse locum. Sic inter alios S. Ioannes Damascenus. Quid est igitur cur non tantum esse in loco, sed vbique locorum & creditur, & ipse per Prophetam testatur: *Numquid non calum & terram ego impleo? dicit*

L. 1. de fide
c. 16.

Ier. 23.

Dominus? Respondet, & acutè simul ac piè difficultatem soluti ^{L. 2. Mori}
sanctus Gregorius. Ipse manet intra omnia, ipse extra omnia, ipse ^{c. 12.}
supra omnia, ipse infra omnia; & superior est per potentiam, & infe-
rior per sustentationem, exterior per magnitudinem, interior per subti-
litem; sursum regens, deorsum continens, extra circumdans, inte-
rius penetrans; nec alia parte, superior; alià, inferior; aut alia ex par-
te exterior, atque alia manet interior, sed vnus idemque totus ubi-
que presidendo sustinens, sustinendo presidens, circumdando penetrans,
penetrando circumdans. Vnde superius presidens, inde inferius susti-
nens, & vnde exterius ambiens, inde interius replens; sine inquietu-
dine superius regens, sine labore inferius sustinens, interius sine exte-
nuatione penetrans, exterius sine extensione circumdans. Est itaque
inferior & superior sine loco, est amplior sine latitudine, est subtilior
sine extenuatione. Ac tandem paucis hæc omnia contrahens sic
concludit, dum per molem corporis nusquam est, per incircumscri-
ptam substantiam nusquam deest.

Quod & sanctus Iudorus insigniter: Immensitas Diuina magni- ^{L. 1. de}
tudinis ita est vt intelligamus eum intra omnia, sed non inclusum: ex- ^{summo bo-}
tra omnia, sed non exclusum: & ideo interiorem vt omnia contineat, ^{no c. 2.}
ideo exteriorem vt incircumscripta magnitudinis suæ Maestate omnia
concludat.

Ex quibus Sanctorum Patrum dictis cùm pateat nihil repu-
gnare quod nullibi simul & vbique Deus dicatur esse propter
miros & diuersos excellentis agentique Dei modos; sic plane fit
euidens, cur in vno prædicetur potius esse loco quàm alio, quia
videlicet in vno potius se præsentem exhibet quàm in alio. Quid
est se præsentem exhibet, nisi quod maiora seu noua suæ præsen-
tiae simul & operationis signa ponit, aut alicuius monumenta be-
neficij, naturæque bonitatis argumenta, quæ dum in vno signi-
ficantius præstat loco quàm alio, non se aliis propterea subtra-
hit locis, nec minus vbique præsens est, sed non est tamen ita
præsens nec tam aperto præsens modo, quàm vbi se adesse
& interesse nobis apertius manifestat. Et ad eum veniemus, in-
quit, & mansionem apud eum faciemus. VENIUNT scilicet cùm ^{Ioan. 14.}
se illic esse ostendunt; veniunt ad nos, dum venimus ad eos: veniunt
subueniendo, illuminando, implendo; venimus obediendo, intuen-
do, capiendo. Sic S. Augustinus. Vnde in cœlo potius quàm in
terris esse Deus præsens dicitur, quia se illic indefinenter Beatiss

Is. 66.
Ps. 113.

omnibus videndum ac fruendum per omnem exhibet æternitatem, ac propterea cœlum in scripturis vocatur eius Domus, eius tabernaculum & eius sedes. *Cœlum*, inquit, *sedes mea. Deus autem noster in cœlo.*

Gen. 28.

Pari quoque sensu dum in terris vnum designat locum, vbi aliquid singulariter operetur, & singularem operis sui velit à nobis haberi rationem, nonne tum in illo etiam singulariter dicens est esse loco? Nonne sic Iacob apertè loquitur: *Verè Dominus est in loco isto & ego nesciebam.* Nonne sciebat vbique Deum esse? Cur ergo dicit se nesciuisse quod in isto esset loco, nisi quia singulari quem ignorabat modo præsens illic aderat, quem vt cognouit, in has protinus erupit voces: *Verè Dominus est in loco isto*; quasi non illic ante, vel quasi non esset alibi, quia reuera nec ante nec alibi, tali erat modo, quo tum esse agnoscebatur; vnde & locum Iacob vocauit *Bethel*, id est, Domum Dei.

Ier. 7.

Sicut anima licet in toto sit corpore, magis tamen in capite vel in oculis residere dicitur, quia maiores ibi & insigniores sensuum præstat effectus; sic vbi se suaque Deus attributa vel Iustitiæ vel Bonitatis & Potentiæ notiora facit, ibi adesse potissimum denuntiatur, *Ego ego sum, ego vidi, dicit Dominus.*

Iob. 26.

Exodi 33.

Hebr. 11.

Si à mortali homine sic videretur, quis non tremere, quis in eius conspectu non paueret? *cum columnæ cœli contremiscant & pæueant ad nutum eius.* Sed infirmiores sunt oculi carnei. *Non poteris videre faciem meam, non enim videbit me homo & viuet*, ait ipse Deus Moyli, de quo Propheta sic Apostolus; *Inuisibilem tamquam videns sustinuit*, quasi diceret, satis Mosi fuit, & fidei nostræ satis esse debet ad omnem cultum inuisibili Deo tanquam vilibili persoluendum, quod talem ille cultum à nobis exigit his ipsis signis, quibus sensibilem suam facit præsentiam. Atque hoc est secundum ex tribus propositum, quod explanemus, de affectu pauoris qui tunc loci & temporis singulariter Deo debetur. Certe non est in toto Terrarum orbe locus vbi Deus non sit summè colendus, sed tamen vt est Optimus sicut & Maximus, remittit ipse aliquid de illa summa veneratione cum interna tum externa, quam meretur & quam teneremur reddere, nisi indulgeret. At verò in illis locis vbi se magis præsentem indicat adeo non remittit de reuerentia sibi exhibenda, vt illam imperet, nisi reddatur. *Solue*, inquit Mosi, *calceamenta de pedibus tuis, locus enim in quo stas*

acerra sancta est. Et paulo post cum descenderet Dominus super montem Sinai; *Constitues, inquit, terminos populo per circuitum, Ibid. 19: & dices ad eos, caute ne ascendatis in montem, nec tangatis fines illius, omnis qui tetigerit montem, morte morietur.*

Licet igitur hoc vnum esset, quod in illis locis ubi apparet, ita religiose velit coli; nonne id sufficeret ad omnem ei cultum deferendum, sicut hoc vnum sufficit ad illum præcipua veneratione colendum certis quibusdam diebus, quia sic præcipit? Verum adde huic diuinæ ordinationi iustissimam causam & æquissimam rationem, quæ petitur à dignitate & Maiestate se manifestantis Dei, à Bonitate Beneficientis, à Potentia operantis, à Iustitia punientis, aut alia quavis perfectione, quam illustrius exhibet. Quanta putas eum veneratione dignum? quanto tum credis animi corporisque famulatu, religione, obsequio, Deum esse demerendum?

Quis non timebit te Domine? Hoc videlicet in Apocalypsi dicunt *Apoc. 15.* quibus insigniora quædam notificunt diuina opera; vnde in stuporem rapti dum mirantur quàm sit inde timendus Deus, simul admirantur si quis illum non timeat: sic enim pari affectu omnes, in vnum & idem conueniunt vt dicant: *Magna & mirabilia sunt opera tua Domine Deus omnipotens. Iusta & vera sunt via tua, Rex sæculorum, quis non timebit te Domine, & magnificabit nomen tuum?* Quasi dicerent, nullus est, ubicumque locorum sit, qui te sibi præsentem & operantem attentius cogitet, qui non illico timeat.

Atque hic timor qui ex Diuina concitatur præsentia talis est, vt non aliter aptius possit significari, quàm hoc pauoris nomine, qui singularis affectus est quo totus in se homo colligitur, vt se totum in diuinum impendat cultum; & cum se totum etiam impenderit, agnoscat se nihil præstitisse præ summa illa Maiestate quam Primores & Beatiore creaturæ non satis dignæ sunt venerari.

Sic Iacob ille vir Dei, qui dixerat, *verè Dominus est in loco isto, & ego nesciebam,* nonne statim in hunc transiit affectum, cum ita scriptura de illo dicat *pauensque, quàm Terribilis est, inquit, locus iste! non est hic aliud nisi Domus Dei & porta cæli!* Mirum sanè si non paueret ad terribilis conspectum loci, sed magis mirum quod locus ille dicatur terribilis qui est Domus Dei & porta cæli! Quid de Purgatoriis aut aliis infernis locis diceretur acer-

bis, quàm quod terribilis illorum esset aditus & ingressus? sed aliud est esse terribilem horrore pænæ ac præsentia dæmonum, & aliud horrore sanctitatis ac diuinæ præsentia.

Iac. 2.

Dæmones contremiscunt, inquit sanctus Iacobus; numquid & ipsæ tremunt supremæ potestates? sed tam diuersus est vtrorumque spirituum tremor, quàm supremi distant ab infimis, quàm cælestes ab infernis, quàm Beati à damnatis. Sic in nobis aliud est tremere vel terreri propter solam pænam, & aliud propter solam offensam, siue propter solum Deum, à quo verearis te subducere, & in cuius conspectu apparere timeas, quòd non sis satis mundus & purus. Sic dicebat suis Mo-

Exodi 12.

ses, nolite timere, vi enim probaret vos venit Deus, & ut terror illius esset in vobis & non peccaretis. Quibus ex verbis duplex necessariò colligendus est timor. Nam & vetat simul & præcipit vt timeant ad aduentum siue ad præsentiam Dei; non timeant, in-

Hebr. 12.

quit, vt fugiant Deum; sed timeant vt eum colant. Sic expressè Apostolus postquam dixit, *non accessistis ad tractabilem montem & accensibilem ignem*, vt scilicet timeretis supplicia, sicut tamen consequenter addit, *seruiamus placentes Deo cum metu & reuerentia; Etenim Deus noster ignis consumens est.* Quasi aperte diceret, non apparet quidem nobis Deus sicut olim in accenso & ardenti supra montem igne vt nos terreat & disperdat: sed tamen ignis est qui metu & timore quem vocat reuerentialem, sit timendus: aut certè licet occultus sit, non desinit illos tamen consumere qui non præsentem timeant.

Ex quo sane Apostoli dicto, quod tertium est declarandum, satis clarè innotescit, *non pauere pauendum est.* Velenim prorsus Atheum illum esse oportet, qui dum se magis præsentem Deus exhibet, non magis esse credat; vel omnino stupidum & impium, qui diuinæ signa præsentia non sentiat, aut nullo pietatis sensu moueatur. Qui ab igne recedit longius, non accendetur, aut qui accedit propius, consumetur. Sic illi planè, vel absunt à Deo longius, quem non esse præsentem credunt; vel audaciùs sese illi communicant qui nullo præsentis metu deterrentur. At nonne vtrumque pauendum est? Qui te adire nimis verentur, nesciunt mansuetudinem tuam; dicebat Augusto Cæsari quidam adulator: aut qui non satis verentur, nesciunt Maiestatem tuam. Nonne hoc verius inuerecundis illis qui nil timent, obiciat? Nec di-

cant sibi non esse liberum aut in sua positum potestate, moueri, pauere, & terreri ad præsentem Deum; Neque enim tam affectus sensibilis quæritur, quàm effectus rationalis, vt tum eo se componant modo quem diuinæ decet reddere Majestati, quæ se propterea præsentem reddit. An minùs illi possunt quod Babylonij, Persæ, & Medi, quibus Rex Darius imperauit, *vt contremiscerent* Dan. 6.
& pauerent Deum Danielis? aut si æquè possunt, cur non æquè velint Christiani: Nonne id stupendum & pauendum? Patebit paulò pòst, etiam apertius. & 14.

II. PUNCTVM.

SED in locis sacris, nempe in Ecclesijs seu templis Deo dicatis ac consecratis, se Deus magis præsentem facit, maioraque sue præsentia signa, Bonitatis Beneficentiæ, Potentiæ, Iustitiæ, caterarumque virtutum sine perfectionum monimenta constituit.

Quod primò quidem patuit in illa deserti parte, vbi Tabernaculum & quidquid ad diuinum spectabat cultum cœpit erigi & spectari: licenim scriptura refert; *postquam omnia perfecta sunt,* Exodi 40.
operuit nubes tabernaculum testimonij, & gloria Domini impleuit illud: Nec poterat Moyses ingredi tectum faderis, nube operiente omnia & MAIESTATE DOMINI CORVSCANTE. Deinde verò pòst apertius etiam in templo Salomonis, dum Deo dicaretur, lic tum præsens adfuisse Diuinum numen refertur, *vt imple-retur Domus Dei nube, nec possent sacerdotes stare & ministrare propter caliginem: complenerat enim gloria Domini domum Dei.* Tunc 2. Par 5:
 Salomon ait, Dominus pollicitus est vt habitaret in caligine; ego autem 6.
edificaui domum nomini eius, vt habitaret ibi in perpetuum. Et post 7.
 multa: Cùmque complisset Salomon, fundens preces, ignis descendit de calo, & deuorauit holocausta & victimas; & MAIESTAS DOMINI impleuit domum: nec poterant Sacerdotes ingredi templum, eo quod implisset Majestas Domini templum Domini. Et nonnullis interiectis, sic ipse Dominus: *Oculi quoque mei erunt aperti, & aures meæ erectæ ad orationem eius qui in loco isto orauerit: elegi enim & sanctificaui locum istum, vt sit nomen meum ibi in sempiternum, & permaneant oculi mei & cor meum ibi cunctis diebus.*

Poterantne dari Diuinæ Præsentia testimonia certiora? atque hæc cum dicerentur & fierent, quo tempore templum Domino

dedicabatur, quis non videat quàm sit antiqua & religiosa tēplo-
rum dedicationis institutio? cuius cum festus etiã dies solenni
ritu Ierosolymis ageretur, ipse Christus Dominus interesse vo-
luit: & quam vocabant Encāmiorum celebritatem, sua cohōne-
stauit præsētia.

Nec sileri debet quod in libris Machabæorum refertur de quo-
dam Heliodoro qui cum impietatis pœnas in templo malè mul-
ctatus dedisset, non cessabat illam quam suo licet damno & pu-
dore senserat diuinam præsētia deprædicare, venerari & sus-
picere, eo quod, inquit, *in loco sit verè Dei quadam virtus; nam ipse qui habet in calis habitationem, visitator & adiutor est loci illius.*
Sic ille palam profitebatur.

Quæ quidem potiori iure de nostris Templis Christiano more
solenniter dedicatis debent intelligi, vbi longe est aliud sacrifi-
cium, vbi Deus, vbi Deus ipse homo factus, sacerdos est & iuge
sacrificium incruentum, ratione cuius prædictum est à Propheta,
quod nostrorum maior templorum futura esset gloria quàm
templi Salomonici. *Spiritus, inquit, meus erit in medio vestrum, nolite timere quia hac dicit Dominus exercituum: adhuc vnum modicum est, & ego commouebo celum & terram & mare & aridam, & mouebo omnes gentes: & veniet desideratus cunctis gentibus, & implebo domum istam gloria, dicit Dominus exercituum. Meum est argentum & meum est aurum dicit Dominus. Magna erit gloria domus istius nouissima plusquam prima, dicit Dominus, & in loco isto dabo pacem, dicit Dominus exercituum.* Id est, omne bonorum genus, & præfertim interiorum ac spiritualium, quæ cerè templo illi Ierosolymitano quod vel à Zorobabele vel ab Herode restauratum est, non ita planè conueniunt ac nostris modo Ecclesiis, vbi Desideratus Ille gentibus nobiscum indefinenter adest vsque ad consummationem sæculi: completurque fideliter illud, quod ab alio prænuntiatum fuit Propheta: *Dabit vobis Dominus panem arctum & aquam breuem; & non faciet auolare à te ultra doctorem tuum; & erunt oculi tui videntes præceptorem tuum, & aures tue audient verbum post tergum monentis: hac est via, ambulate in ea, & non declinetis neque ad dexteram, neque ad sinistram. Et contaminabis laminas sculptilium argenti tui & vestimentum constatilis auri tui, & disperges ea sicut imunditiam menstruatæ. Egredere: dices ei, Nempe omni profano ritui,*

Quod

Quod & alius Propheta palam fecit, cum sic Iudæis templum suum restaurantibus, Dominum loquentem refert: *Non est mihi voluntas in vobis & munus non suscipiam de manu vestra: ab ortu enim solis usque ad occasum, magnum est nomen meum in gentibus: Et in omni loco sacrificatur & offertur nomini meo oblatio munda, quia magnum est Nomen meum in gentibus, dicit Dominus exercituum*, Id est, in omni terrarum tractu locus erit ad sacrificium oblationis mundæ mihi destinatus: Ego autem in illo magnificabor loco, siue per oblatum tale sacrificium, siue per gratias inde ac per reliqua Sacramenta tam vbertim & effuse profluentes, quàm erunt capaces hominum mentes ad eas recipiendas.

Ibi fons ille patens promissus in ablutionem peccatoris. Ibi praparus ille mōs Domus Domini in vertice montium, & eleuabitur super colles, & fluent ad eum omnes gentes. Et ibunt populi multi & dicent, *venite & ascendamus ad montem Domini, & ad domum Dei Iacob, & docebit nos vias suas, & ambulabimus in semitis eius*. Ibi germen Domini est in magnificentia & gloria & fructus terræ sublimis, & exultatio his qui saluati fuerint de Israel. Ibi piscina salutifera non vni per sanando, non in anno semel, non per Angelum commouenda, sed quoties quiuis agrotus, ô beneficium, ô præsentem diuinam manum; quoties quis sanari velit, promptiorem sentiet ipsius Dei sanantis manum quàm ager vulnus detexerit. Ibi aperta mensa, ibi Cæna magna nunquam deficiens esurientibus. Ibi Iesus Christus heri & hodie & in secula, clamare nunquam cessat, *si quis sitit, veniat ad me. Venite ad me omnes qui laboratis & onerati estis, & ego reficiam vos*. Ibi Pater misericordiarum expectat filium prodigum; ibi eum in gratiam recipit, veste, annulo, conuiuioque excipit singulari. Illuc bonus Pastor perditam ouem refert; illic denique Cælum reseat penitenti & infernum claudit.

Quid manifestius ad declarationem Præsentiae? quid sublimius ad excellentiam Maiestatis? quid vtilius ad Bonitatis & misericordiae largitatem effundendam? quid ad Potentiæ vim & operationem efficacius? cùm semper sensibilibus signis Sacramenta contineantur, & suum semper effectum habeant, nisi quid à nobis obstat. Certè illic sæpe Christi visas imagines nulla humana depictas manu, sæpe ipsum Christum sese multis spectandum & colendum dedisse, sæpe olim ac modò etiam sat fre-

3. Dial.
6. 30.

quenter multa illic patrata miracula legimus & videmus. Sanctus quoque Gregorius quod suo contigit tempore refert *in magna serenitate aëris super altare Ecclesie nubem cælitus descendisse, suoque illud velamine operuisse, omnemque Ecclesiam tanto terrore ac suauitatis odore repleuisse, ut patentibus ianuis nullus illic præsumeret intrare.* Sic ille ad verbum. Sed quantumcumque mira sint & stupenda quævis prodigia, mihi nihil validius ad diuinam in templis credendam & colendam præsentiam, quàm quod Christiana fides docet de Sacramentis, quæ ibi quotidie conficiuntur, & de perennibus gratiis quæ inde ad nos omnes indefinenter fluunt.

3. Reg. 8.

Ergo ne putandum est, quòd verè Deus habitet super terram? si enim Cælum & cali cælorum te capere non possunt, quantò magis Domus hac quam adificauit? quasi diceret Salomon, non est dubitandum quin verè Deus habitet in hoc loco, cum tot ibi singularis suæ præsentiae Bonitatis & providentiæ signa manifestet: sed id mirum quod ita velit ea manifestare; aut quod eâ manifestatione tam parum homines moueantur, ut nec debitum Deo cultum exhibeant, nec fructum pietatis reportent.

Pf. 5.

Non sic Dauid, non sic Regius ille Psalter qui non aliter se introiturum in templum affirmabat, quàm in timore Domini. *Introibo, inquit, in Domum tuam, adorabo ad templum sanctum tuum in timore tuo.* QVOD magnum est præsidium procedentibus ad salutem, ait ibi sanctus Augustinus.

III. PVNCTVM.

Quantum hinc igitur patet, locis sacris sacrum & debitum esse pauorem, tantum ibi non pauere, proscèto pauendum est. Quia quidam Dei præsentis contemptus est, qui se propterea magis præsentem indicat, ut magis ibi timeatur; & quis sit ille timor, satis euidenter exprimit, cum expressè dicat, *Pauete ad sanctuarium meum;* pauete non corporali sensu sed spiritali, talem exhibendo cultum quem excitaret Diuina ipsa maiestas, si præsens oculis cerneretur, aut si quod patraret miraculū; aut sicut deniq; cum animus ad aliquod insolitum & stupendum spectaculum sic totus pauet & rapitur, nullā ut aliā re prorsus à spectando reuocetur. Sic planè sic attentum esse oportet, & affixum vel sacrili-

cio quod peragitur, vel officio quod celebratur, vel orationi quam fundis, vel imagini quam reuereris, vel Christo quem adoras, vt ibi totus sis animo & corpore sic ad pietatem & venerationem compositis, nulla vt parte desis.

Hoc est pauere sicut iubebat Dominus, hoc est pauere non ad malum, sed ad bonum, sicut Propheta futurum prædixit in noua præsertim lege. *Pauebunt, inquit, ad Dominum, & ad bonum* ^{Isae. 3.} *ei us in nouissimo dierum.* Hoc est pauere, hoc est quod pij quique, quod Angeli, quod ipse Angelorum Dominus, dum oraret, pauebat, & toto se, contremiscebat, quantus quantus ille esset, toto se ipso, contremiscebat, dum oraret; sic enim habes, postquam *capit pauere & cadere, procidit super terram & procidit in faciem suam*, non tantum semel cum in horto Patrem orauit, sed *in diebus carnis suæ*, inquit Apostolus, id est semper pro more suo, *preces supplicationesque ad Deum, qui possit illum saluum facere à morte, cum clamore valido & lachrymis offerens, exauditus est pro sua reuerentia.* Quæ certæ verba si accuratiùs expendantur, tam stupendam in oratio, Christi designant demissionem & quãdam velut trepidationem spiritus, vt te contra nil trepidare in conspectu Dei, prorsus stupendum sit & pauendum!

Quid, quodd modò dum hæc meditaris, vel dum in templo inambulas, aut sedes otiosus, aut negotia mente tractas, aut colloquia misces cum alijs; quid quod inquam, ipse Christus Dominus in altari factus hostia Deo Patri inactanda, tam demisso, tam humili, tam omni prorsus ex parte religioso se constringit modo! Tu verò, tu quis es? tu peccator! tu tam multis obnoxias criminibus, tam multis addicendus suppliciis, tu non modo nil vereberis, nil pauebis! Sed neque tuam præfractam agnosces audaciam? Plane id pauendum, sed miserando illo pauore quem minatur Deus, *Pavor & terror & laqueus super te.* Recordare zeli quem præ se tulit in templo, cum inde semel & iterum ^{Ier. 28.} eiecit vendentes & ementes, dicens: *Domus mea, Domus orationis est.* Quanta putas animaduersione puniret, inquit sancti Patres, si inuenisset ibi risui vel vaniloquio vacantes, aut alij cuilibet vitio mancipatos? si enim ea quæ alibi liberè geri poterant, Domini in domo sua temporalia negotia geri non possunt: quanto magis nusquam fieri licet plus celestis iræ merentur, si in Adibus suis agantur?

Rom. 36.
in 1. ad
Cor.

Postquam vero Diuus Chrysostomus liberiores hanc Christianorum licentiam arguit, tum vehementius ad eam coercendam, & ad sanctum illum pauorem qui à nobis desideratur excitandum, sic pergit: *Nec enim tonstrina aut unguentaria taberna, Ecclesia est, aut officina forensis, sed locus Angelorū, locus Archangelorum, Regia Dei, Cælum ipsum. Quemadmodum igitur si cælum quispiam in angustum redactū illuc inducat, etiamsi fratrem, etiamsi Patrem videas, tamen præ stupore non alloquere; Sic nec hīs aliud quidquam quā sancta seruare decet.* Et nonnullis interiectis: *Nunc autem foro nihil differt, & si non sit temerarium dictum, fortasse nec scena ipsa; adeo prostitutis scortis petulantius, quæ hūc mulieres congregantur sese communt, & sine dubio non paucos hic sollicitant homines intemperatos. Si quis corrumpere matronam conatur, locum hunc maximè idoneum putat. Ah nimis vera verba! Rursusque alibi: Stat Sacerdos Dei orationem offerens cunctorum: tu autem rides, nihil timens, non contremiscens, non colligens te ipsum: & in aulam quidem regiam intraturus, & habitu, & oculis, & incessu, & in cunctis aliis componis & ornas temetipsum: huc autem ingressurus, ubi est aula regis, & talis, qualis cælestis est, rides!*

Rom. 15.
ad Hebr.

Ezech. 9.

1. Pet. 4.

Vide quid in hoc genere pecces, aut alios peccare videas, quos possis arguere. Iam ante pridem contra profanos in Templis ausus, lata est sententia, cum ex omnibus puniendis eos in primis Deus plecti velit qui grauius ibi deliquerint. *A sanctuario meo, inquit, incipite.* Cui quidem sententiæ satis apertè Princeps Apostolorum videtur subscribere, dum ait, *tempus est ut incipiat iudicium à Domo Dei.* Verum, non est satis, non peccare in templo, sed ne quidem illuc cum peccato, esset accedendum. Quæ de re sequens est Veritas quæ præcedentem plurimum confirmabit.

AD HÆC OFFICII ECCLESIASTICI: DE HODIERNO FESTO, VERBA.

In gra-
duali Mis-
sa.

Locus iste à Deo factus est, inestimabile Sacramentum, Irreprehensibilis est.

VERITAS PRACTICA.

Ad sacrum locum, velut ad Sacramentum.

SENSVS & RATIO est, quòd sicut sacer locus, locus est à Deo factus, in quo præcipuè decenti colatur cultus, sic nos decet hunc ei cultum exhibere.

Sed nisi ad sacrum locum accedatur velut ad Sacramentum, talis ei cultus non exhibetur.

Ergo ad sacrum locum velut ad Sacramentum, non aequali quidem ex causa, sed prope simili, prout dicebat David: Domum Ps. 92. tuam decet sanctitudo Domine; & prout in discursu declaratur.

I. PUNCTVM.

MVLTVM certè Davidi debet Religio, quòd primus de Domo Dei construenda cogitarit, quòd magnificam idcirco cogitationem suscepit, atque ad illam cumulatè perficiendam ingentes pararit sumptus, quos impendendos Salomoni reliquit filio. Sed meà quidem sententia, plus est Davidem nos diuinum coluisse cultum quem in templo seruaremus, quàm parasse sumptus in templi fabricam. Quid est enim templum sine diuino cultu? *Hac dicit Dominus exercituum Deus Israël: Bonas facite vias vestras & studia vestra, & habitabo vobiscum in loco isto. Nolite confidere in verbis mendacij dicentes, templum Domini, templum Domini est, quoniam si bene direxeritis vias vestras & studia vestra, & quæ plura prosequitur, quibus aperte indicat se sui cultum magis velle, sine templo, quàm templum sine sui cultu.* 1er. 7.

Quod nos autem David docuit, non illos tantum intelligo Psalmos, quos in Ecclesia non decantari peius esset, inquit sanctus Chrysostomus, quàm solem non lucere; sed ex multis illis Psalmis tres duntaxat volo versiculos, quibus totum pene cultum, quem nos in templis adhibere par est, comprehendit. *Domine dilexi decorem Domus tue & locum habitationis tue: hoc primum quo templo cultus redditur, decor loci siue omnium quæ* Ps. 25.

- ad eum spectant locum. Deinde verò reuerentia quam sic exprimit : *Adorabo ad templum sanctum tuum in timore tuo.* Ac denique quod est præcipuum, sanctitas non loci tantum aut sacrarum rerum, sed personæ templum adeuntis, de qua sic pronuntiat.
- Pf. 92. Domum tuam decet sanctitudo Domine.* Quod ego quidem dico esse præcipuum colendo in templis Deo, quia hoc præcipue Deus in his spectat. *Respexit ad Abel & ad munera eius*, inquit scriptura de primo sacrificio, non ex muneribus Abel, sed ex Abele munera. *Numquid carnes sancta auferent à te malitias tuas?* quasi diceret, nisi tu ipse sanctitati tuæ itudeas, nisi tu ipse nolis malitias tuas, nulla loca, nulla sacrificia, nulla Sacramenta, quantumcumque sacra & sancta poterunt illas à te auferre. Ne aliò accedas animo.

Quod ita certè nobis est persuasum, vt nemo nisi desperatus audeat ad Sacramentum quoduis accedere nisi cum animo reipiscente qui lethali opponatur culpæ: neque enim aliter prodesset Sacramentum, imò & noceret, ac nouum esset peccatum **accedenti cum peccato.**

Non ita quidem affirmandum de accessu ad templum: non est dicenda noua esse culpa si cum culpa sacrum locum sicut si Sacramentum frequentares: sed hac posita differentia, Veritas est plurimum commendanda, quâ dicitur: *Ad Sacrum locum, sicut ad Sacramentum*, non ex tali necessitate, non ex æqualitate, non ex pari omnino ratione, sed ex simili quadam proportionem. Sicut si dicerem, accedendum esse pari sanctitate ad Cænam magnam quæ hîc in Sacramento sumitur, sicut ad illam quæ in Cælo percipitur; quis non videt sanctitatis disparitatem quæ ad vtramque necessario requiritur? Et tamen rectè id potest dici, dum rectè intelligatur non de omnimoda paritate. Sic plane de locis sacris, sicut dixit Dauid, *Domum tuam decet sanctitudo*, sicut semper intellexit Ecclesia, sicut denique sacer locus dicitur *Sacramentum*, vnde proposita veritas est deducta, quæ ex adiectis verbis, *Locus iste à Deo factus est*, sic declaratur.

Sicut sacer locus, locus est à Deo factus in quo præcipue decenti colatur cultu, sic nos decet hunc ei cultum reddere. Cur enim à Deo factus esse dicitur, nisi vt à nobis ibi præcipuo colatur cultu? Nonne omnia fecit ille loca & spatia, sine quo nihil est factum? An putes sibi locum fecisse quasi palatium terre;

nī Regis cuius ambitu concludatur? cuius ornatu decoretur? cuius propugnaculis protegatur? Nonne ille est quem *calum & 2. Par. 6. celi cælorum non capiunt*, vt ait Salomon, *& qui non in manufactis 2. Reg. 17. templis habitat, indigens aliquo*, sicut ait Apostolus. Gentilium ista credulitas est, qui nihil humanum supra vel regium morem de Dijs suis cogitantes, illos credebant ita suis habitare in delubris, vt illic molliùs & tutiùs quam alibi requiescerent & tegerentur. At Deus noster cum sit Cœli & terræ Dominus, cum in se contineat omnia, cum nihil extra se prorsus ad beatitatem suam quærat, sibi suus est locus, sua domus, sua quies, sua tranquillitas; nec ipse sibi locum facit quasi loco indigeat, qui sibi vnus sufficit, & qui propterea *Saddaj* dicitur, id est, tibi sufficiētissimus.

Restat igitur finis ille propter quem locum faciat, vt studium eò tuum acrius excitet ad sanctiorem sui cultum, quò sanctior erit locus ab ipso propterea factus & electus, sicut sanctiora quædam sunt tempora quæ nos vehementius acuant. *Elegi enim 2. Par. 7. & sanctificaui locum istum, vt sit nomen meum & cor meum ibi.*

At nonne decet talem loco, seu potiùs Deo, talem à nobis adhiberi cultum quem postulat? an poterit ibi cor tuum cum corde Dei esse, si non illi conforme fuerit, in eo præsertim sine propter quem ibi cor habet? Cur illuc Eum adis potius quàm aliò, nisi quia potius se vult illic à te coli quàm alibi? At quo vult etiam ibi coli cultu, cur non eum coles? Nonne si modus colendi Deum tam verè factus à Deo est quam ipse locus, tam verè decet modum seruare cultus quàm locum? Nonne hoc denique metuendum ne inde accidat quod suis exprobrat Dominus: *appropinquat populus iste ore suo, & labiis suis glorificat me, cor autem 1. Is. 29. tem eius longe est à me, sine causa autem colunt me*, vel vt ait Sanctus Marcus *in vanum me colunt*. Quæ postrema verba sic à Christo *Mat. 23. dicitur. 7.3* prolata non leue pondus addunt sententiæ. Perinde enim est ac si Deus diceret, non sum ipse causa cur me colant, cum me non corde colunt & quo velim ab eis modo. Non mei gratia me conueniunt; nam simul aliud, quod requiro non negarent; ac proinde etiam frustra me colunt & in vanum, quia nullum aut certè modicum nec eum referunt suarum precum fructum quem retulissent. Vide in 3. p. fer. 4. hebdomada 14.

II. PUNCTVM.

SED nisi ad sacrum locum accedatur velut ad Sacramentum, cuius hic decens quem petit Deus, & quem decet nos ei reddere, non redditur, non exhibetur.

Non enim frustra nomen hoc Ecclesia de suis vsurpat templis, non frustra in altari, hoc est in sanctiori officio quod de hodierna festiuitate celebrat, postquam dixit, *locus iste à Deo factus est*, statim adiungit. *inestimabile Sacramentum, irreprehensibilis est*. Certè reprehensibilis esset iste loquendi modus, nisi quadraret, nisi conueniret rei de qua est sermo: Non conueniret autem nisi de Sacramenti nomine, seu potius de vi ac virtute nominis participaret aliquid sacer locus. Non esset, inquam, nec verè sacer locus dici posset Sacramentum, nisi Sacramentum inter & sacrum locum intercederet non leuis aliqua similitudo. Quod ita verum est vt licet nominis Sacramenti sit varia multiplexque significatio, vix tamen vlla sit quæ non sacro conueniat loco.

Triplex potissima reperitur quam hic obiter explanare non erit alienum. Prima est, qua serium & momentosum aliquid designetur, quod non passim diuulgari, sed secreto teneri debeat, & religioso silentio seu pia quadam ignorantia venerationem habeat. Sic Tobia duodecimo, *Sacramentum Regis abscondere bonum est*; & quarto Danielis: *omne Sacramentum non est impossibile tibi*. At quis nesciat in iocis sacris siue dum consecrantur, siue dum sacra sunt, tam multa multum seria religiosaque fieri, quæ pene omnes latent, vt verè locus dici possit hoc sensu *Sacramentum*? Quid enim est quod Episcopus antequam templum sacraturus ingrediatur, foris expectat, & clausas templi fores ipse suo baculo pastoralis pulsat & aperit? Quid, quod ingressus templum eodem baculo describit in pavemento consperso cinere, græcis & latinis literis, alphabetum? Quid quod parietibus Cruces certa imprimuntur forma, & sacro inurguntur oleo? Cur fit ibi mixtio quædam aquæ, cineris, salis & vini? Sacramenta sunt, secreta sunt quæ nos venerari magis decet quàm curiosius indagare. Sic sanctus Augustinus suis Neophytis seu Catechumenis: *Omnia, inquit, Sacramenta quæ acta sunt & aguntur in vobis per ministerium seruorum Dei, exorcismis, orationibus, canticis spiritualibus, insufflationibus,*

*Tract. de
Symbolo
ad Catech.*

insufflationibus, cilicio, inclinatione ceruicium, humilitate pedum, Et quæ plura pergit ad sacri loci cum Sacramento similitudinem exprimendam.

Secundò, Sacramenti nomen vsurpatur pro ipsa rerum vniuersa mole quam Deus condidit, vt ex visibilibus inuisibilia, ex corporalibus spiritualia, ex terrenis cælestia, ex humanis diuina cognoscamus, iuxta illud Apostoli: *quod notum est Dei, manifestum est in illis, Deus enim illis manifestauit: inuisibilia enim ipsius à creatura mundi per ea quæ facta sunt, intellecta conspiciuntur, semperpiterna quoque eius virtus & diuinitas, ita vt sint inexcusabiles; si videlicet non cognouerint nec amauerint inuisibilia quæ nosse poterant ex visibilibus.* Sic illos expressè Sapiens arguit: *Errauerunt & nescierunt Sacramenta Dei.* Rursumque paulò post; *Non abscondam à vobis Sacramenta Dei,* hoc est, ignota quæ rebus creatis Diuina Sapiencia recondidit, & quæ inde ad vestram animorum vtilitatem possunt erui, faciam vobis manifesta. Quo in sensu quis non videt quàm apte locus hic sacer dicatur Sacramentum; non quia tantum quod ait S. Augustinus, *quidquid in templis manufactis agitur, totum in nobis spiritali adificatione completur:* sed quia visibilis ipsa templi moles, velut moles vniuersitatis in se aliquid mystici continet, quo inuisibile, spiritale, & cæleste cognoscamus.

Videtis quanta qualisque sit hæc structura? quàm multi simul compacti lapides? quàm diuersi diuersos in vsus compositi? Quàm sint alij demissi & alij sublimati? Quantis quoque necesse fuit tundi, secari, cædi malleorum ictibus, vt sic cohærent & suo quique consisterent gradu? Sic plane nos ædificamur, sic construimur, sic *tamquam lapides viuì* dicimur, siue in terris, siue in cælis constituti. In terris quidem vna simul fide, spe, & charitate coniuncti templum vnum siue Ecclesiam quæ vna est, in toto terrarum orbe, conticimus. In cælis verò charitate strictiori, & eadem vniti beatitudine longe felicius vnâ in Domino seruamus vnitatem. *Etenim quod & ciuitas sursum sit, & Ecclesia & celebras,* inquit S. Ioannes Chrysostomus, *audi Paulum dicentem, accessistis ad ciuitatem Dei viuentis, Ierusalem cælestem, & Ecclesiam primitiuorum qui conscripti sunt in cælis & ad multorum millium Angelorum frequentiam.*

Seu quod Sacramenti vim ac virtutem præcipue connotet,

quamdiu mortales hic agimus, sic sumus antè poliendi, tundendi & parandi lapides, vt possimus in vnum conuenire; primò hic quidem charitate christiana, tum aliquando felicitate perpetua; sicut videmus lapides istos, non aliter quàm prout contusi sunt & *In Ps. 121.* præcisi simul inter se cohærent. Sic apertè S. Augustinus, *præcidū-*
drantur vt intrent in structurā sempiternam. Et alibi: quod hîc fiebat, *Ser. 256.* quādo ista surgebant, hoc fit modò cū congregantur credentes in Christum: credendo enim quasi de sylua & montibus ligna & lapides præciduntur: cum verò catechisantur, baptisantur, formantur, tanquam inter manus fabrorum & opificum dolantur, collineantur, compaginantur. Ligna ista & lapides si non sibi certo ordine cohærent, si non se pacificè connecterent, si non se inuicem, cohærendo sibi, quodammodo amarent, nemo huc intraret. Et quæ plura prosequitur de charitate mutua, quæ sic tandem concludit: quod hic factum corporaliter videmus in parietibus, spiritaliter fiat in mentibus: & quod hîc perfectum cernimus in lapidibus & lignis, hoc adificante gratia Dei, perficiatur in corporibus vestris.

Sic alij sancti Patres sentiunt, eòque referunt quod de templo Salomonis scriptum habetur: *1. Reg. 6.* Domus autem cum adificaretur, de lapidibus dolatis atque perfectis adificata est: & malleus & securis & omne ferramentum non sunt audita in domo cū adificaretur. Hoc nempe est quod alibi dicitur de habitantibus cæleste tabernaculum quod describitur; *Apoc. 21.* absterget Deus omnem lachrymam ab oculis eorum & mors ultra non erit, neque luctus, neque clamor, neque dolor erit ultra, quia prima abierunt. Quasi diceretur, prima illa sunt primò ferenda in terris, luctus clamor & dolor, antequam illò perueniatur, vbi nihil tale cernitur nec auditur.

Quod & vniuersa sentit Ecclesia, dum de vtroque loci ac temporis diuerso statu sic canit; hîc Margaritis emicant patentque cunctis ostia; Virtute namque præuia, mortalis illuc ducitur; amore Christi percitus, tormenta quisquis sustinet. Scalpri salubris ictibus, & rursione plurima: fabri polita mallo, hanc saxa molem construunt; aptisque iuncta nexibus, locantur in fastigio.

TERTIA denique Sacramenti significatio vulgarior simul & augustior, ipsa est quæ septem solis Sacramentis propriè conuenit, nempe vt sit signum visibile seu sensibile non modò aliquid aliud in se contentum significans, sed illud quod continet,

cum sit gratia sanctificans, sic illam conferunt gratiam, ut ipsa nos sanctificare dicantur Sacramenta. Quo in sensu præcisè considerato, manifestè quidem patet, quòd locus sacer non sit ita Sacramentum, quia non ita certam ex sese siue ex ordinatione sua communicat gratiam, quæ suum singularem & determinatum semper producit effectum. At verò tamen cum quivis sacer locus idcirco sit consecratus & à Deo factus, ut dum ibi Deus singulariter colitur, singularem & ipsi cultores inde referant gratiam quam ex alio non referrent loco: Quis neget hoc etiam postremo sensu dici Sacramentum? cum præsertim gratiæ quæ illuc potiores conferuntur, signis quibusdam sensibilibus contineantur & exprimantur, in qua expressione ut diximus, tota videtur esse posita Sacramenti ratio?

Cum sint autem illa plura signa sensibilia, tum ad quinque potissimum referuntur, de quibus aptè S. Bernardus in primo quem de Dedicatione Ecclesiæ sermonem habet. *Quando*, inquit, *domus ista per manus Pontificum dedicata est Domino*, propter nos sine dubio factum est, non solum qui presentes sumus, sed & quicumque usque in finem sæculi Domino sunt in hoc loco militaturi. In nobis proinde spiritualiter impleri necesse est, quæ in parietibus visibiliter præcesserunt. Et si vultis scire, hæc utique sunt, aspersio, inscriptio, inunctio, illuminatio, benedictio. Hæc utique in hac visibili domo fecere Pontifices, hæc & Christus assistens Pontifex futurorum bonorum inuisibiliter quotidie operatur in nobis. Primò siquidem aspergit nos hyssopo, ut mundemur, lauemur, dealbemur, dicaturque de nobis, *Quæ est ista quæ ascendit dealbata?* lauat, inquam, nos in confessione, lauat nos lachrymarum imbre, lauat sudore penitentia, magis autem lauat nos aqua illa preciosa, quæ de fonte pietatis, id est ab eius latere emanavit. Aspergit nos hyssopo quæ humilis herba est & pectoris purgatiua: aqua sapientia salutaris, quæ est timor Domini, initium sapientiæ & fons vitæ: etiam condimentum salis admiscens, ne sit insipidus timor sine spe, sine deuotione. Non solum autem sed inscribit digito Dei, in quo eiciebat Dæmonia, haud dubium quin in Spiritu sancto. Inscribit, inquam, legem suam non iam in lapide, sed in tabulis cordis carnalibus, propheticam implens promissionem, quæ se pollicitus est ablatum cor lapideum, & carneum cor esse daturum, id est, non durum, non obstinatum, non Indaicum; sed pium, sed mansuetum, sed tractabile, sed deuotum. Beatus quem tu erudieris Domine & de lege tua docueris.

cum. Beati, inquam, qui docti & memores sunt mandatorum eius sed ad faciendum ea. Alioquin scienti bonum & non facienti peccatum est illi; Et seruus sciens voluntatem Domini sui & non faciens plagis vapulabit multis. Vnde necesse est ut unctio spiritualis gratia adiuvet infirmitatem nostram, obseruantiarum & multimoda penitentiae crucis deuotionis suae gratia leniens: quia nec sine cruce sequi Christum, & sine unctione crucis asperitatem ferre quis posset? Hinc est quod multi abominantur & fugiunt penitentiam, crucem quidem videntes, sed non etiam unctionem. Vos qui experti estis, ecce scitis quia verè crux nostra inuncta est, & per gratiam spiritus adiuuantis, suavis & delectabilis est penitentia nostra, & ita dicam, amaritudo nostra dulcissima. At postquam unctio gratiae huius praeceperit, iam lucernam suam Christus non ponit sub modio sed super candelabrum: quia tempus est ut luceat lux nostra coram hominibus, & videant opera nostra bona & glorificent Patrem nostrum qui in caelis est. Iam verò benedictionem quidem expectemus in fine, quando aperiet manum suam & implebit omne animal benedictione. Nam in quatuor praemissis merita constant, in benedictione sunt praemia, in benedictione tota complebitur gratia sanctificationis, quando iam in domum transibimus non manufactam, aeternam in calis.

Ex quibus sancti Patris verbis cum euidenter pateat, gratias illas quae in loco sacro conferuntur, sensibilibus significari signis, ac proinde rationem continere Sacramenti, quid restat, nisi ut qua sanctitate acceditur ad Sacramentum, accedatur ad sacrum locum, cum sit eadem non solum nominis, sed & rei quaedam similis ratio: siue positium quod aiunt bonum, siue negatiuum spectes? Cur enim non nisi sanctè & purè adeuntur Sacramenta? Nonne quia sic exigit cultus diuinus qui Deo redditur in vfu Sacramentorum, & nostra utilitas in recipienda Sacramenti gratia, quae non nisi à puris recipitur? At nonne est eadem prope ratio de sacris locis? nonne sic adeuntur ad reddendum diuinum cultum, & ad nostram utilitatem, seu ad referendas inde quas postulamus gratias? Nonne ad hunc vtrumque finem si non omnino necessaria, saltem ita decens & opportuna videtur eadem sanctitas, ut nulla quidem possit decentior, sed & nulla inferior debeat adhiberi?

Esto non imperarit Deus, ut quo imperio & quo iure iussit asserri sanctitatem ad Sacramentum, sic ad sacrum asserretur lo-

cum : an idcirco non est adhibenda ? Semperne trahendi sumus ad debita nostra persoluenda grauioris metu supplicij ? Numquamne duci nos sinemus quo filios decet , pietatis ac obseruantia liberali motu ? Timeſne plura persolvere quàm Deo debeas , cui cum dederis omnia , plus ei debes quod illa receperit , quàm ille tibi quod dederis ? Affert quantumuis sanctum & decentem cultum in Ecclesia , profectò mirum si fuerit satis colendo tantæ Maiestatis Deo , quem non satis digni sunt colere qui sunt digniores in cælo Spiritus : Tu tamen ex illa tenuitate tua non times etiam detrahere , quod vnum erat dignius nempe sanctitatem & puritatem animæ ? Quid quæris in Dei domo , si non quæris Dei cultum ? Quid quæris in Dei cultu si non quæris Deo placere ? At quomodo te placitum Deo putas in peccato ? aut quomodo peccatum tolles sine illa ipsa sanctitate qua Sacramentum adis ? *Lauamini, mundi estote, auferite malum cogitationum vestrarum, & is.* *venite.* Nonne his inuitaris ad sacrum locum sicut ad ipsum Sacramentum , nonne his saltem decet vocibus obsequi ?

Quod si dicis te tuam etiam in Domo Dei salutem quærere ; ceteraque tibi opportuna vitæ presentis ac futuræ subsidia ; Veni sanè tua quaſiturus ; sed an putas illa tam certò reperies non gratus & acceptus Deo , sicut si gratus esses ? An nescis quòd qui promittit se suas aures aperturum orantibus in loco sacro , dixit peccatoribus ; *cum extenderitis manus vestras, auertam oculos meos Is. i.* *& vobis, & cum multiplicaueritis orationem, non exaudiam.* An ignoras quòd mortale tuum peccatum longe est grauius , longe Deo magis odiosum , & tibi perniciosius quàm originale Infantis nondum baptizati : nam illud tuum est actuale & voluntarium in te ipso , tua est culpa , tua malitia. Et tamen ille infans quando in templum Deo presentandus offertur , non vltra primum effertur templi aditum , quin sacris tingatur aquis , quin peccati labe purgetur , quin illa denique sanctitate quæ domum Dei decet , decoretur , quia non placeret alioquin Deo sibi suo in templo presentatus infans , nisi prius esset natali culpa purus. Tu verò impie , non tua , non aliena culpa , sed & tuis & multis & grauibz maculatus peccatis , audebis illam ipsam Dei domum ingredi ? nec vereberis sacra ipsa & tremenda penetrare adyta ? & dum caput aperias , dum genu flectas & aliquid ore promas , tu satis decenti cultu Deum putabis colere ? o te inconsultum !

Ioan. 4.

Ps. 50.

Eccles. 4.

Dic fodes, quem tu facis Deum? an externo duntaxat internum cultui? nec internis nostri cordis vacantem motibus? An putabis sine corde corpus sufficere Deo decenter colendo? quid est autem cor adhibere nisi cor sit purum & expers illius maculae, quæ cor inuisum Deo facit? An nescis quod dixit Christus, *Venis hora & nunc est quando veri adoratores adorabunt patrem in spiritu & veritate: nam & pater tales querit qui adorent eum in spiritu & veritate, Spiritus est Deus, & eos qui adorant eum, in spiritu & veritate oportet adorare.* Quibus ex verbis si quis inferret solo spiritu non etiam corpore Deum colendum, malè inferret; sed peius etiam sentit qui solo corpore non etiam spiritu cultum Deo diceret exhibendum, aut qui se spiritum putaret adhibere nisi rectus esset: aut qui se rectum habere spiritum crederet, nisi prius cor sibi mundum procuraret. Sic enim ordinate David precabatur *cor mundum crea in me Deus, & spiritum rectum innoua in visceribus meis.* Vbi sanctus Gregorius. *Vide, inquit, ordinem, primò cor mundum, deinde spiritum rectum, Propheta à Deo requirit. Prius enim abrenuntiandum est tibi omni peccato, & omnis à corde vitiorum seditas eliminanda, ut omne quod agitùr aut dicitur, eorum purum in conspectu Dei ac lucidum appareat, quòd ex bonæ intentionis origine quasi de puro quodammodo fonte manat. Scriptum est enim, bonus homo de bono thesauro profert bona, & malus homo de malo thesauro profert mala.* Quod sancti Doctoris dictum si de omni actione, de omni tempore, ac de omni loco potest intelligi, quantò magis id verum est de actione illa, de tempore, ac de loco quibus præcipue Deum intendas colere. Nam si nusquam Deus colitur nisi colentis pura sit intentio; nec sit pura intentio, nisi sit prius cor mundatum: quanto minus colitur Deus in illo loco qui tantum factus est ut mundo corde colatur.

Non est itaque tantum decens ille Dei cultus, sed non est Dei cultus, nisi sit ille decens, quem idcirco dicimus illi similem quo ad Sacramentum accedimus, ut sic apertius intelligatur, quis ille sit, & quàm nullus decens absque illo, sit alius. Hinc quod ait Ecclesiastes, *Custodi pedem tuum ingrediens domum Dei*, sic Chaldaei reddit, *ne venias plenus peccatis ante Dominum.* Vnde & ibi addit Sapiens, *multò enim melior est obedientia quàm stultorum victima qui nesciunt quid faciunt mali;* hoc est, qui antequam Deum adeant, non recogitant peccata sua penitentes, sic se stultos esse produnt,

quia non agunt quod agunt, non colunt Deum quem præ se ferunt colere: multòque meliùs & veriùs Deum colerent abstinendo peccatis quàm victimas offerendo, vel peccata prius deplo-
rando quàm iè Deo vel quidquid aliud in templis offerant.

III. PUNCTVM.

ERGO ad sacrum locum sicut ad Sacramentum, quocumque sensu vox ista sumatur, dum sublit etiam ille sensus qui declaratus est, non quasi pecces si cum peccato accedas ad sacrum locum, sicut peccares accedendo ad Sacramentum, sed quia sic sacrum decet locum, sic decet finem propter quem locus est sacer, sic decet Dei cultum quem sibi Deus optat ibidem exhiberi, sic decet nostram erga illum pietatem, sic decet nostram circa salutem animæ curam ac providentiam. *Ecce tabernaculum Dei cum Apoc. 21. hominibus, & habitabit cum eis, & ipsi populus eius erunt, & ipse Deus cum eis erit ipsorum Deus.* Ecce vox magna quam audiuit Ioannes de Throno Dei, ecce quo modo Deus habitat & conuenit cum hominibus, nempe in Sanctitate & decentia, nam expressè de sancta Ciuitate Ierusalem quam tùm idem vidit Apostolus, sermo est, & quam ait *paratam sicut sponsam ornata viro suo.* Quæ qualis illa sit Ciuitas, & qualis eius ornatus, non exprimitur, sed hoc vnum affirmatur quod quæcunque sit illa, sancta est, & ornata quàm decenter: atque vt sic sancta est, tum declaratur esse *tabernaculum Dei cum hominibus.* Certè hoc dignum quod paulò attentius consideretur. Quadruplex reperitur in scripturis Ciuitas Ierusalem quæ sit tabernaculum Dei, secundum quadruplicem scripturæ sensum, & huic quadruplici ciuitati sanctitas tam apprimè conuenit, vt non sit aliter tabernaculum Dei quàm prout sancta est. Prima ex sensu anagogico, cælum est seu *Cælestis Heb. 12. Ierusalem*, quæ vox expressa est Apostoli. Quàm sit porro verè tabernaculum Dei cum hominibus & quàm verè sancta sit illa ciuitas, clarius est quàm vt magis illustretur: *non intrabit enim in eam aliquod coinquinatum. Apoc. 21.* Secunda ex sensu allegorico, Deiparæ Virginis vterus est in quo *Verbum caro factum est & habitauit in nobis*, vel ipsa Christi humanitas in quo *Diuinitatis omnem plenitudinem inhabitasse corporaliter*, ait Apostolus. De quo vtroque tabernaculo quàm sit sanctum, vel hoc vno constat versiculo, *sanctificati Ps. 45.*

cauit tabernaculum suum altissimus. Tertia ex sensu tropologico seu morali, est anima Iusti, quæ hoc ipso quo sancta est sanctificante gratia quæ lethali noxæ opponitur, dicitur habitaculum
 Ephes. 2. & templum Dei. *Sicut dicit Deus, quoniam inhabitabo in illis, & inambulabo inter eos, & ero illorum Deus, & ipsi erunt mihi populus: propter quod exite de medio eorum & separamini, dicit Dominus, & immundum ne tetigeritis & ego recipiam vos.* Quarta denique ex literari sensu est Ecclesia, non modo illa quæ dicitur Congregatio fidelium, sed ipse sacer locus ubi fideles congregantur, de qua illud Apostoli perinde usurpatur, quod Timotheo suo commendat, *ut scias quomodo oporteat te in Domo Dei conuersari quæ est Ecclesia Dei viui.* Sic diserte Cornelius ex S. Ioanne Chrysostomo, cuius hæc verba sunt ad hunc Apostoli locum: *Alludit ad Bethel de qua viso ibi Domino, Iacob dixit, verè non est hic aliud nisi Domus Dei & porta cæli; & ad tabernaculum templumque Iudaorum quod Ecclesia typus fuit.* Et pergens de Apostolo dicere, quod in primis nostrum spectat scopum, *Siculus*, inquit, *tacite admonet omnes fideles ut reuerenter & sanctè se gerant in Ecclesia cogitantes se viuere & versari, non in aula Regis sed in domo Dei, adeoque in oculis ipsius Dei Optimi Maximi.*

Nonne hoc est non modo dicere ciuitatem aut tabernaculum Dei cum hominibus esse Ecclesiam seu sacra hæc loca; sed hæc ipsa etiam debere esse sancta sanctitate personarum, sicut iam sancta sunt sanctitate Consecrationis & sanctitate rerum quæ ibi peraguntur?

Est enim notanda triplex illa sanctitas quæ templis conuenit. Prima quæ dicitur relatiua, quatenus Deo sacrata sunt, cui quid-
 Levit. ult. quid consecratur, sanctum est, ut patet ex Leuitico. Quod & expressè de templis Dominus contra Phariseos: *va vobis Duces cæci*
 Matth. 23. *qui dicitis, quicumque iurauerit per templum nihil est: qui autem iurauerit in auro templi, debet. Stulti & cæci! quid enim maius est, aurum an templum quod sanctificat aurum?* quasi diceret, longe maior est ratio dicendi templum esse sanctum quàm aurum, cum aurum non sit sanctum nisi ex templo cui seruit. Deinde verò est sanctitas rerum omnium quæ in sacris tractantur locis, nihil ut agatur vitiosum, nihil profanum, nihil non approbatum & permissum, cum alioquin Dominus diceret: *Auferte ista hinc, & nolite facere Domum Patris mei, domum negotiationis.* Denique sanctitas cu per-
 Ioan. 2. sonarum

sonarum quæ se ad templum conferunt, quæ non ita quidem præcile est necessaria, sicut diximus, ut qui forte non sint in ea, quam vocamus, sanctificante personas gratia non possint templum ingredi, nec suas preces fundere, solis id enim interdictum Excommunicatis, vel qui aliis Ecclesiæ tenentur censuris; sed quæ ita tamen est opportuna & decens, ut quantum agnoscis ibi esse tabernaculum Dei cum hominibus, quantum ibi optas Deum colere, & de rebus tuis cum ipso agere, tantum tibi expediat sanctitatem illam habere, quæ sola vera est sanctitas, & qua sola verè sancta, & parata & ornata est Ciuitas illa Ierusalem, quæ tabernaculum Dei cum hominibus esse prædicatur.

Recole quod iam de calo, de Deipara, & de anima iusti dictum est, qua sanctitate scilicet calum esset sanctum, qua sanctitate Deipara, qua iusti anima, quid videtur? Nonne illa sanctitas est quæ mortali saltem repugnat noxæ? cur porro, nisi quia sic ista decet Domum Dei sanctitudo, quæcumque sit tandem ista Dei domus, sic vniuersim sentiendum, *Domum Dei decet ista sanctitudo*, non relatiua, non extrinseca, sed vera & solida, qualis est illa quæ nos sanctificat. Nonne id agnoscis? Putasne quemquam posse calum ingredi, aut calum esse Dei domum cum peccato? Non putas opinor, aut si qui fortè opinentur id posse fieri, nemo tamè est qui non affirmet, id non decere. Quod de sanctissima ipsa Virgine matre, sanctus Anselmus expresse ait, *non ea quidem necessitate fuisse sanctissimam, quasi de peccatrice parente iusta proles nasci nequiverit; sed quia decebat non ex alia quàm mundissima Virgine Deum nasci.* Non poterat certe Christi humanitas non esse sancta quæ tabernaculum erat Diuinitatis ita sibi unitæ ut non alia subisteret quam diuina hypostasi; satis tamen Apostolo fuit ad eius sanctitatis commendationem dicere, quod *talis decebat ut nobis esset Pontifex, Sanctus, innocens, impollutus, segregatus à peccatoribus.* Cur non ista igitur decentiæ ratio tibi sufficiat in adeundis templis? Nonne credis & profiteris hanc Ecclesiam cuius hodierna est dedicatio, singulari quodam modo Domum Dei esse, sicut ceteras quas diximus Dei Domos? cur non eandem igitur credes decere sanctitatem, cum de omni generatim domo Dei sit dictum, quod eam decet sanctitudo? Vel si hoc credis, cur ingrediens Ecclesiam non illam asfers sanctitatem? Nam cum sit personæ non loci sanctitas, de qua hoc modo agitur, neq;

L. de Conc.
Vir. c. 38.

Hebr. 7.

hæc aliter sanctitas loco conueniat aut applicetur quàm prout persona locum attingens fuerit sancta, profecto non est aliud dicere quod Ecclesiam decet talis sanctitudo, quàm dicere, quod te talem decet afferre sanctitatem quando Ecclesiam ingrederis.


Sic sancti Patres quando dicunt tempus ieiunij vel cuiusquam celebrandæ festiuitatis decere sanctitatem, quid aliud dicunt, quam decere nos esse sanctos illo quo ieiunamus vel festum agimus tempore? Neque enim alia est propriè temporis aut ieiunij sanctitas quam personæ ieiunantis. Vnde sanctus Chrysostomus, *Hom. 3. ad pop.* *honor ieiunij non ciborum abstinentia, sed peccatorum fuga.* Quod & aptè S. Leo, *Excellens*, inquit, *super omnia Passionis Dominicæ Sacramentum purificatis corporibus & animis celebremus.* *Serm. 4. de Quadr.* Quia quidem sancti Patris sententia nihil ad confirmandam Veritatem propositam, concludendumque discursum dici opportunius potest. Vides enim vt Dominicæ Passionis tempus vocet *Sacramentum*, non ea certe proprietate quâ septena dicuntur Sacramenta, nam & excellens super omnia vocat Sacramentum, quod de solo Christi Corpore fas est pronuntiare. Sed nouerat ille Vir magnus, nouerat sacris temporibus atque locis hanc etiam Sacramenti vocem competere, quæ visibili signo suas etiam significarent & contine- rent gratias; atque hæc inter Sacramenta Tempus Dominicæ Passionis excellere, quia maiorem scilicet rectè dispositis animis conferret gratiam. Quid est verò *rectè dispositis animis*? Quam ille putas animorum dispositionem expetebat? audi, nec vnquam obliuiscaris, *purificatis*, inquit, *corporibus & animis Sacramentum hoc celebremus*; quasi apertè diceret, *sicut ad ipsum Sacro sanctum Sacramentum*; neque enim ad hoc alia requiritur dispositio quàm vt purificatis corporibus & animis accedamus.

Ecclesi. 19. Quamobrem hîc præsertim locum habeat, quod ait Sapiens: *Da locum timori Altissimi*, primas in templo Timori cede; primus ingredientis actus sit illius timoris actus, qui peccatum expellit. *Ibid. 1.* Dum te lustrali mundas aqua, non ore tantum, sed corde, sed sincero affectu petas mundari, & amplius atque amplius à peccato lauari. *Ibid. 39.* Sic ipse *Iustus aperiet os suum in oratione & pro delictis suis deprecabitur*, quantò magis iniustus? Qui si tamen cum Publicano dicat, *Deus, propitius esto mihi peccatori*, magis probabitur & iustificabitur, quàm qui cum Phariseo gratias Deo agat; Nam hoc est quod prius & vehementius commendatum nobis vult

Dominus : *Munda prius quod intus est, ut fiat id quod de foris est, Matth. 23. mundum.*

Hoc est credere quod dicitur de sanctitate decenti Domum Dei, si decentem illum decorem diligas : hoc est autem illum diligere si cum possis illum adhibere, non negligas, sicque reipsa cum Dauide dicas & sentias : *Domine dilexi decorem domus tuæ, & Psal. 25. locum habitationis tuæ. Ne perdas cum impiis animam meam. Ego autem in innocentia mea ingressus sum, redime me & miserere mei.* Tum verò quod sequitur longè aptius & verius fiet : *In Ecclesiis benedicam te Domine. HOC EST ENIM benedicere Deum in Ecclesiis, inquit S. Augustinus, sic viuere ut per mores cuiusque benedicatur Deus. Nam qui benedicit Domino lingua, & factis maledicit, non in Ecclesiis benedicit Domino. Lingua prope omnes benedicunt, sed non omnes factis.* Et ad illum Psalmi versum, *Tollite hostias & introite Psal. 95. in atria eius. QVAS hostias nobiscum portaturi sumus? sacrificium Deo spiritus contribulatus, cor contritum & humiliatum Deus non spernit. Cum humili corde intra in domum Dei & cum hostia intrasti. Ne sit verò quælibet hostia, sed quæ est excellentior, holocaustum : sic Idem ad istos versus, Introibo in domum tuam in holocaustis; Reddam tibi vota mea, &c. TOTUM meum consumat ignis tuus, Psal. 65. nihil mei remaneat mihi, totum sit tibi. Erunt illa holocausta; Et quid erit in holocaustis? Reddam tibi vota mea quæ distinxere labia mea. Quæ est distinctio in votis? hæc est distinctio, ut te accuses, illum laudes.* Atque in illud denique, *Intrate portas eius in confessione, atria eius Psal. 92. in hymnis. A CONFESSIONE, inquit, incipite : opus est ut te reprehendas, ne ille reprehendat qui damnaturus est. QUANDO INTRAS, TE REPREHENDE; CVM INTRAVERIS, LAUDA ILLVM.*

FINIS PRIMÆ PARTIS.



I N D E X

RERVM PRÆCIPVARVM PRIMÆ PARTIS.

- A** *BNEGATIO.* Vide, *Appetitus.*
Mortificatio.
Abstinencia. Quale sit perfectionis signum. pag. 452. V. *Temperantia.*
Acedia. Quàm sit contraria gratiæ & deuotioni. 100.
Aduentus. Duplex Christi Aduentus, & duplex ei conformis renouatio. 14. V. *Christus.*
Aduersitas. Non contristabit iustū quidquid ei acciderit. 223. non quia mala sunt, perturbamur in aduersis; sed quia perturbamur, aduersa mala sunt. 334. æquè in aduersis magnificandus Deus. 369. nisi probè paratus sis ad aduersa, nec ad ipsa prospera benè paratus es. 400. de cohibendo murmure in aduersis. V. *Murmur.*
Affectus. Quando est inordinatus, obstat Confessioni & Contritioni. 2. quando sunt boni, multum conferunt ad agnoscendum Christum. 81. quàm sint mortificandi ad poenitentiam & conuersionem. 106. statim sequi debent discursum in meditando. 164. circumcidendi ad puram intentionem. 177. magis tenemur omnes affectu nostra relinquere quàm effectu Apostoli. 280. qui grauior in nobis est, ed minus curari volumus. 432. V. *Appetitus.* *Mortificatio.*
Amor Dei. Apparet in dono filij. 18. quàm purus noster esse debeat. 84. non uiuitur in amore sine dolore. 90. Amor non est otiosus. 94. Amor non nisi amore compensatur. 97. Aut non amatur Christus aut amatur asperitas. 113. amor sponsæ Christi qualis. 441. V. *Charitas.*
Amor proximi. Alienis bonis gaudet ut propriis. 124. sicut non sunt amanda vitia propter amicos homines, sic non sunt odio habendi homines propter eorum vitia. 373.
Amor sui. Tantum proficies, quantum à te deficies. 360. hæc sponsæ fides est, ut sicut neminem præter sponsum velit diligere, sic velit à nullo diligi. 440.
S. Andreas. Quo amore Crucem amaue- rit. 448.
Apostolatus. Hæc eius duo signa certiora: velle abstinere libenter ab omnibus bonis, & mala quæuis sustinere. 452.
Appetitus. Quomodo subiiciendus rationi. 392. 528. qui non renuntiat omnibus quæ possidet, non potest esse Christi discipulus. 422.
Arrogans. Quàm bene de Christo humilis, tam malè meretur arrogans. 72.
Ananias. Omnis copia quæ Deus non est, egestas est. 130.
C *ASTITAS.* Securius est castitatis victoria fugiendo, quàm pugnando. 137. Qui diligit cordis munditiam, habebit amicū Regem. 155. Aut puritatem Beatissimæ Virginis neget impurus, aut concedat se abnegatum à tam pura Virgine. 471. Nemo amans impuritatis amat Beatam Virginem. 474. quam in se amat

- B. Virgo puritatem, in nobis amat, & quam in se odit impuritatem in nobis odit. 475.
- Certamen.* V. *Tentatio.*
- Charitas.* Sic Deus dilexit mundum, ut sic mundus diligeret Deum, sicut dilectus est. 18. cui nimis adhuc durum videtur pati pro Christo, nimis etiam durum videtur amare Christum. 112. Est quidem certum in Charitate unionem esse perfectionis: sed non est certò hæc dicenda Charitas, neque hæc unio nisi in obedientia quæ dicitur Charitatis. 364. V. *Amor Dei.*
- Christus D.* Nemo Christianus Christi iudicio condemnabitur, nisi qui prius suo Christum iudicio condemnauerit. 1. Primus Christi Aduentus, mundano tam timendus quam secundus. 5. Quam rarè cogitas Christum tam crebè resistis Spiritui sancto. 24. Vix ullus est qui non se verè putet desiderare Christum, & vix ullus est qui eum verè desideret. 27. se anteponeit Christo qui se omnibus non postponit. 65. ubi de eius incarnatione. Affectu potius quam studio Christus cognoscitur. 79. ubi & per integram hebdomadam, de variis eius titulis, nominibus, gratiis, virtutibus & aliis quæ ad eum spectant. Magnificentior in præsepi quam Salomon in throno suo. 144. Cū simplicibus sermocinatio eius. 166. Noui & veteris hominis diffidium. 160. 404. Non tam à magno Regno Rex magnus est, quam à Magno Rege Magnum eius Regnum. 205. V. *Concupiscentia*, imitatio, & pro variis eius titulis à pag. 417.
- Cognitio sui.* Multum ei profunt hæc multum expensa verba: Tu quis es. 72.
- Communio.* V. *Sacramentum.*
- Concupiscentia.* Non nisi tribus oblatis concupiscentiis Rex Christus recognoscitur. 201. Totius difficultatis de pura intentione solutio, studium est continuum reprimendæ concupiscentiæ. 189. Febris est animi animo longe periculosior, quam febris corporis corpori. 288.
- Confessio.* V. *Penitentia.* Quod magis confert ad faciendam confessionem minus efficitur. 312.
- Confessor.* SS. Confessoribus Pontificis communis consideratio & veritas. 518. non Pontificibus. 526.
- Conscientia.* Qui contra peccant, magis peccant. 49. vox clamantis est in deserto cordis post peccatum, peccatori audienda. 75. multorum est cauteriata & peruersa. 307.
- Constantia.* V. *Aduersitas*, fortitudo.
- Contemptus.* V. *Mundus.*
- Contritio.* Nulla est, non deposito prauo affectu. 2. 107. 313.
- Conuersario.* Ne quid nimis, aut quid minus cum proximo. 170. nemo securè apparet nisi qui libenter latet. 244.
- Conuersio.* V. *Contritio.*
- Culpa.* Culpæ reatus grauior est quam pænæ. 10.
- DEDICATIO ECCLESIAE.** 543.
- Desideria.* V. *Christus.*
- Deus.* Quanto se humilis minorem facit, tanto magis magnificat Deum. 127. aut nullam vitæ partem, aut totam Deo debes. 194. nisi te subdas Deo, Deum tibi subdis. 255. non dixeris per Deum abest. 301. si non semper, nunquam magnificas Deum. 369. de immensitate & singulari præsentia Dei sacris in locis, ac de diuino culeu ibidem exhibendo. V. *Dedicatio Ecclesie.* *Murmur.*
- Deuotio.* Nescit tarda molimina, sicut nec ipsa Gratia. 121. sensitiuæ deuotionis subtractio, veræ & solidæ deuotionis est probatio. 231.
- Difficultas.* Quanta sit penitendi pro-

pter affectus. 107. sic facta sunt aspera in vias planas, vt tam iucunde per aspera quàm per plana viuamus. 109. maius est Christi beneficium amaritudines siue difficultates nobis reliquisse amabiles quàm nullas reliquisse. 111. Quò longius differes, difficultatem difficilius tolles. 344. qui à lege excludit aliquid quod putet difficilius, excludit à se totam legē. 503.

Dilatio. V. Deuotio. Dum lucet, ambulandum; ne tenebræ fiant. 197. periculum in mora. 484.

Directio. Ne dicas sufficiens mihi sum. 316. *vbi de hac materia fufius per totam hebdomadam.*

Discipulus. Non minus modò quàm olim Christus in propria venit, neq; sui magis eum recipiunt. 114. Qui non renūtiat omnibus non potest esse Christi discipulus. 422. **V. Imitatio.**

Discretio. In bonis etiam operibus exercendis. 522.

Doctrina. Doctor. Si quid nos reuocat à doctrina Christi, vel ob id maximè recipienda est. 290. Christum non recipit, qui doctrinam eius non recipit. 115. **V. Scientia. SS. Doëtoribus communis consideratio & veritas.**

Donum. Vt certum sit amoris signū certas habet notas. 19. si vis quod non habes, da quod habes. 269.

EFFECTVS. Comitari debet affectum in se offerendo & meditando. 21. 164.

Excusatio. Quam sibi fingunt homines vel à dignitate sua, vel à difficultate rerum, vel à tempore, nulla est. 502.

Exemplum. V. Imitatio.

Exequutio. V. Effectus. Et communia singulariter, & singularia communiter.

FIDES. FIDELITAS. Substantia seu subsistentia est rerum futurarum. 10. In paruis maior est serui Dei fidelitas. 436. Sicut ne pereat fides, perdenda est martyrio vita naturalis: sic ne pereat fidelitas, perdenda morti-

ficatione vita sensualis. 513.

Fortitudo. Iniuriam infert Gratiaë maxiam, qui pro ferenda iniuria non certat fortiter. 149. Mulierem fortem quæ faciant. 539.

Fragilitas. Quanta sit in humano corpore. 340.

S. Franciscus Xauerus. 451.

GAVDIVM. Non magis fidendum humano gaudio quàm homini mentienti. 275. **V. Prosperitas.**

Gloria. Nulla re homo quantumuis gloriosâ gloriari potest. 50. nulla res est in humanis verè gloriosa. 53.

Gratia. Non est lenta. 120. 197. 346. si ad humanam gratiam diuina postulas, diuinam ipsam repellis gratiam. 277. gratiarum diuisiones. 519.

Gratitudo. Facit vt quo quis est maior, eò sit humilior. 62. gratitudo animi nulla formari potest digna beneficio vocationis, nisi se animus dignè conformet vocationi. 386.

HVMILITAS. Ita pugnat cum honoribus, vt non repugnet obedientia. 59. *vbi plura per totam hebdomadam de hac virtute.*

IESVS. De pretio nominis Iesu, tantò plus circumciditur & nobis deperit, quantò minus perfectè nos circumcidimus. 174. discedat ab iniquitate omnis qui nominat nomen Domini. 179.

Imitatio. Magis laudat sanctos quàm laus ipsorum. 40. exemplo suo Christus nos magis vrget quàm imperio. 238. qui dicit se in ipso manere, debet sicut ille ambulauit & ipse ambulare. 256.

Immortificatio. Facit cauteriatam & insensibilem conscientiam. 309. **V. Mortificatio.**

Indifferentia. V. Aduersitas. Mortificatio.

Inimici. Magis prodesse possunt odio quàm profuissent obsequio. 158.

Inuentio. De hac fusè à pag. 177.

Inuidia. Quàm sit contraria charitati

- quæ alienis bonis gaudet vt propriis. 124.
- S. Ioannes Baptista.* Laudatur à Domino. 39. laudat Dominum. 69.
- S. Ioannes Euangelista.* Valde honorandus est. 153.
- S. Ioseph.* Qualis quantusque vir. 35.
- Iudicium.* In quo consistat verum de rebus iudicium. 54. quomodo iudicent homines Christum, antequam à Christo iudicentur. 1. quale iam Christus de mundo iudicium tulerit. 6. quæ futura mundi renouatio in extremo iudicio. 24. quòd humana nimis, neque satis diuina timeantur iudicia. 427.
- LABOR.** Nisi diligenter aduertas, stulto labore consumeris. 295. Vide *Difficultas*.
- Laud.** In quo vera consistit. 40. Ad laudes nostras tremere potius conuenit quàm exultare. 55. Melius laudantur Sancti nostris operibus quàm verbis. 36. 532.
- Laxitas.** Nò quod liceat, spectandum est; sed quid expediat. 217.
- Libertas.** Quenam sit vera. 43.
- Lingua, Loquela.** Nemo securè loquitur nisi qui libenter tacet. 244.
- MANSVETVDO.** Procurat pacem & internam Christo domum. 136. qualis sit Christiana. 254.
- Maria Virgo.** Quantæ dignitatis. 32. Quantæ potestatis ad procurandum hominum salutem. 33. Quantum à nobis colenda. 34. Quàm humilis per omnes huius virtutis gradus. 62. & tota sequenti hebdomada. Eius conceptio. 465. Eius puritas. 471. Eius cultus maturandus. 484. Eius purificatio. 215. 500. & seq.
- Martyrium Martyres.** SS. Martyribus consideratio & veritas communis. 513. V. *Fides*.
- Modestia seu Moderatio.** Quàm sit ubique adhibenda. 171. 220.
- Meditatio.** Discursum affectus & affectus effectus statim sequi debent. 164. Quàm sit necessaria veritatum Evangelicarum meditatio. 413.
- Mortificatio.** In primis necessaria ad rectam intentionem 177. 189. Totus in ea profectus spiritualis. 362. perfecta est in obedientia charitatis. 366. Non est minus perfectæ mortificationis bene vti rebus, quàm non omnino vti. 391. sicut à veteri lege, sic à veteri homine abstinendum. 404. Crux non esset bona, nisi bonum esset cruciari. 447. V. *Fidelitas*.
- Mundus.** A Christo iam iudicatus. 7. Mors mundanorum in peccato. 9. Iudicium Christi de rebus huius mundi. 55. Aut Christus fallitur, aut Mundus errat. 140. Vbi de eius contemptu, & 542.
- Murmur.** Quantò minus murmuramus; aut omnino tacemus flagellati à Domino, tantò altiùs altissimum eius dominium prædicamus. 418.
- S. NICOLAUS.** Quàm multis ornatus donis. 452.
- OBEDIENTIA.** Non illi repugnat humilitas. 59. perfecta obedientia quæ dicitur charitatis. 364. V. *Voluntas*.
- Oblatio.** Debet esse effectiua sicut affectiua. 21.
- Officium.** Hoc est vere laudabile laudari ab officio. 39. 519.
- Opera.** In bonis etiam operimus facien- dis opus discretionè & directione. 319.
- Oratio.** Iungenda illi opera faciliora quæ possis; vt quæ non possis, obtineas. 269. Non minus in prosperis quàm in aduersis orandum ne illa nõ ceant. 274.
- Otium.** Non est amor Dei otiosus. 84.
- PASSIO.** Seruilis est. 44. V. *Amor*, *Mortificatio*.
- Patientia.** Pati & amare Christum, sunt idem. 123. pati iniurias, quàm sit Christianum.

- Christianum.** 254. veri Apostolatus nota certior est patientia. 453.
- S. Paulus.** Eius conuersio. 495.
- Pax.** Quàm sit idonea Christo recipiendo. 137. quòd sit in amaritudine pax & in pace amaritudo. 220.
- Peccatum.** Eius grauitas ex Christo passio. 12. tremendum est in eius periculo. 57. nomini Iesu oppositum. 179. Non sunt facienda mala vt eueniant bona. 184. Non tam à dæmone immundo immunda sit anima quàm à seipsa. 285. Non scrupulosa sed rationabilis sollicitudo habenda de peccatis remissis. 348. Ex peccato tanquam ex vulnere potest capi remedium persanandi peccati. 489. Christo & Beatæ Virgini grauius est quàm ipsa Christi mors. 511.
- Perfectio & Profectus.** Progressus perfectionis per tres vias 360. certior perfectio in obedientia charitatis. 364. probrosum est incepisse nec proficere. 537. Tantùm proficies, quantum à te deficies. 360. ex ipsis proficiendum est culpis. 490.
- Penitentia.** Licet omni peccatori sit necessaria, vix tamen vllus est, qui quæ sunt ei necessaria faciat. 106.
- Perseuerantia.** Multùm ad eam confert præsidium B. Virginis. 32.
- Præsumptio.** Fallit præsumentes. 11. sicut non desperandum, sic neque præsumendum. 349.
- Prosperitas.** Quàm sit cauenda. 221. Non minus timenda quàm aduersitas. 274. nec in ea magis gaudendum quàm in aduersis. 127. quàm sit aduersum, nimis affici prosperis. 401. Vide Aduersitas.
- Providentia diuina.** Hinc nulla re contristatur iustus, & æquali semper est animo. 225. 227. tantò his amplior & fidelior quòd sibi minùs prouidēt. 462.
- Prudentia.** Vt est opposita simplicitati.
- Vide simplicitas;** non quid liceat, sed quid expediat, attendit. 217.
- Pusillanimitas.** Quàm sit cauenda. 349.
- RATIO.** Quomodo subiiciatur Deo. 392.
- Religio. Religiosus.** Vide vocatio. Religiosorum Ordinum SS. Fundatoribus communis consideratio & veritas. 531. Non verbis, sed moribus à filiis Religiosis Pater laudatur. *ibid.*
- Respectus humanus.** Quantum noceat. 49.
- Poenitentia.** Quid sit, & quàm debita Christo, mundum aduentu suo renouanti. 14. non tam aliud agendum quàm aliter, 152. quàm sit crebrò facienda, & facilis eius praxis. 496.
- SACRAMENTUM.** Suam ille vellem nuptialem recusat induere, qui recusat instrui de debito Sacramenti vsu. 319. Ad sacrum locum velut ad Sacramentum. V. Dedicatio Ecclesiæ. Vbi susd, cur Ecclesia dicatur inextimabile Sacramentum.
- Salus.** Valde periculosa in hoc mundo. 339. Incerta. 348. nulla eius certior certitudo quàm in sua vocatione. 379. quod grauius in nobis malum est, hoc minus curari volumus, quod est saluti valde obnoxium. 432.
- Sanctitas.** In certo est propriæ vocationis gradu. 382. quænam decet Dei Domum. V. Dedicatio.
- Scandalum.** Actiuum est & passiuum, & vtrumque damnosum. 47. 217.
- Scientia.** Sic cauendum ne scientia præferatur virtuti, vt tamen scientia non negligatur. 522.
- Sensualitas.** Si quid interdum sensibus licitè indulgetur, non vt sensuale est, sed vt est licitum, accipiendum est. 395.
- Seruitus. Seruus.** Dura seruitus cupiditatum. 44. quàm sit debita Christo D. nostra seruitus. 237. In paruis maior est serui Dei fidelitas. 436.

Silentium. Vide *Loquela.*

Simplicitas. Cum simplicibus sermocinatio Christi. 166. quàm sit Christo accepta. 266. Væ duplici corde 324. 507.

Sollicitudo. Quznam sit habenda de peccatis remissis. 348. de seruando corde 355. quanta de suis, aut de Christi rebus. 462.

Spiritus. Tantò magis ei resistitur, quantò minus de Christo cogitatur. 24. septem eius dona. 87. Si spiritu viuimus, spiritu & ambulemus. *ibid.*

S. Stephanus. Quanta eius fortitudo & virtus. 149.

Superbia. Superbus qui contra obedientiam vult esse humilis. 61. quàm sit timenda in donis. 64.

TEMPERANTIA. Sibi non Domino viuit qui temperatè non viuit. 103. V. *Mortificatio.*

Tentatio. Timenda ex nostris laudibus. 57. nemo periculosè magis tentatur, quàm qui se non putat tentatum. 246. peregrinantis in corpore animæ maius est periculum, quàm periclitantis in nauì corporis. 339. improuisis instat. 357.

S. Thomas Apostolus. Quantæ post lapsum fuerit fidei. 489.

Timor. Quis sit bonus & salubris de salute. 348. commendatur à B. Virgine. 478.

Tristitia. Quàm sit cauenda. 221.

VANITAS. Vanus & stultus labor mundanorum. 295.

Veritas. In quo consistat. 54. veritatum Euangelicarum neglectus. 3. quò mi-

nus dignæ apparent quæ considerentur; tantò magis considerandæ. 412. quomodo veritas in iniustitia detinetur. 45.

Vigilantia. Quanta sit adhibenda seruando cordi. 354. quantùm cuique est vigilantia, tantùm virtutis & meriti. 527. 555.

Virginitas. SS. Virginibus communis consideratio & veritas. 535. non Virginibus. 539.

Virtus. Probat in contrariis. 232. veras virtutes magis times quàm amas. 265.

Vita. Tota Deo debetur. 194.

Vocatio. Salutis & perfectionis certior est via. 379. *vbi plura de hac materia.*

Vnio. In obedientia charitatis. 364. quæ spectant & promouent viam vnitiuam. 74.

Voluntas. In adimplenda diuina voluntate, vera laus hominis. 40. Ex obedientia cognoscitur diuina voluntas. 60. nihil fructuosum sine illa 224. hinc in aduersis & prosperis idem animus. 227. in illa magis ac magis facienda, renouandi animi ratio consistit. 497. Quenam sit bona nostra voluntas. 22. 190. Nisi tuam voluntatem diuinæ subdas, diuinam subdituæ voluntati. 235. grande malum propria voluntas. 320.

ZELVS. Non vinitur in amore Christi sine zelo & dolore. 92. zelum communicandi Christi, multum promouere debet hæc veritas, quòd nemo magis sibi Christum seruat, quàm qui minus sibi soli seruat. 260.

ideren-
æ. 412.
ia deti-

da fer-
que off
c meri-

munio
on Vir-


2. ve-
amas.


certior
ria.


4. quæ
vniti-

volun-
x obe-
untas.
a 224.
idem
magis
o con-
nostra
volun-
subdis
aalum


Chri-
com-
romo-
nemo
m qui







De Mansuetudine V. & 16 Januarij. 11^o 251. De Solitudine 80. V. & 14^o 7^o



VERITATE

Practica

ex Vlt. B. N. J. Christoph

Per Bona Memoria

a Dnica 1^a Adventu

ad Septuagesimam

A.

Assumptio: Lat.

N^o 9.